




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.435



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.435


2. b. 435














*Collegio Fiorentino. S. I. dono datum Bar. 1706.
S. I. al. cal. inuol.*

LITVR=
GICA LATINO=
RVM, IACOBI PA=
MELII CANONICI BRV

GENSIS, S. THEOLOGIAE LL

centiati, duobus Tomis

digesta.

QVORVM PRIOR RITVM SACRIFL
cij Missæ continet, à Dn. nostro Iesu Christo, eiusque
Apostolis, ac alijs vetustioribus Latinæ Ecclesiæ Pa
tribus obseruatum: cum Ambrosianis Missa, Colle
ctis, Præfationibus, ac Missa Mosarabe, olim in Hispa
nijs vsitata.

POSTERIOR VERO, D. HIERONY
mi Comitem siue Lectionarium, D. Gregorij Papæ
Antiphonarium, & Eiusdem ac Grimoldi & Alcuini
Abbatum Sacramentorum libros, è quibus Vetus
Ordo Missæ Romanæ concinnatus est: cum
vetustissimis quibusdam Præfa
tionibus.

Nunc primum in lucem edita.

~ 401.
COLONIAE AGRIPPINAE

Apud Geruinum Calenium & hæredes
Quentelios &c.

Anno Domini 1571, mense Augusto.

Cum gratia & priuilegio Cæs. Mæst. ad decennium.
~ 84

*D. VI
139*

11

ILLVSTRIS.
 REVERENDISSIMOQUE IN
 CHRISTO PATRI AC DOMINO, DN.
 Antonio Perrenotto, Archiepiscopo Mechli-
 niensi, ac tituli D. Petri ad Vincula Cardinali
 Granuellano, Proregi Neapolitano,
 Domino suo vnicè colen-
 do, S. P.



INTER omnium, Cardinalis
 Granuellane Illustris. à Chri-
 sto incarnato hæreseon monstra,
 hoc penè peculiare habent no-
 stræ tempestatis Aristarchi,
 quòd quum in cæteris diò diò
 πασὼν dissideant, vno tamen
 ore, consensu communi, pari cõ-
 spiratione, Augustissimum il-
 lud Ecclesiæ Catholicæ Sacrifi-
 cium vniuersi oppugnent, lace-
 rent, blasphemant, euertere de-
 niquè omni nisu conètur & adlaborent. Hæreses enim antiquæ iam
 indè ab ætate Apostolorum, aut Simiarum in morem, Orthodoxæ
 Ecclesiæ sacrorum ritum, quanquàm subindè non sine flagitio sunt
 imitatæ, aut certè eundem ferè Liturgiæ morem, se ab Ecclesia sè-
 parantes, retinuerunt. Primi generis recensentur, Nicolaitæ, Simo-
 niaci, Menandriani, Gnostici, Carpocratiani, Marcossij, Borboria-
 ni, Ophitæ, Colorbasij, Marcionitæ, Cataphryges, Pepusiani, Mō-
 ranistæ, Manichæi, Tascodrugitæ, Catharistæ, Priscillianistæ, Col-
 lyridiani,

* A

PREFATIO IN PRIMUM

lyridiani, ac id genus alia & hominum & nominum portenta, qui dum sacrificijs incestis & funestis initiarentur, calumnie occasione dedere, tanquam si cœnæ Thyestæ forent Ecclesiæ mysteria. Alterius ordinis fuere, Nouatiani, Sabelliani, Arriani, Paulianistæ, Donatistæ, Luciferiani, Eutychetiani, Origenistæ, Tetraditæ, & alij plerique omnes (excepto partim Aërio, qui quum pro viuis offerret, solum pro defunctis celebrari nolebat Sacrificium) qui in nostram vsque ætatem, more Ecclesiæ nihil aut parum immutato, sacrificasse leguntur. Et si enim fuerint (quod fortasse obijciat quispiam) inter Arrianos & Donatistas, qui in sacerdotes ac templa, vasa & altaria sacra desæuirent, non tamen alia de causa id contigit, quàm quòd nostra sacra immunda ducerent, ipsi interim separatim celebrantes sua conuenticula & sacrificia. Ac quòd nostro hoc calamitosiss. seculo, non sat fuit, probris, conuicijs, libellis famosis, contumelijs, blasphemijs, sacrosanctum Missæ mysterium afficere, ipsi denique Domini corpori & sanguini manus violentas inferre, sanctaque eius conculcare & cõtaminare. Insupèr ipsius Missæ exsufflatores, prorsus iugem illam hostiam sublatam à medio volunt, ac abominatione Desolationis, anse consummatione temporũ, à Daniele propheta definitam, introducere nituntur. Sed hæc de his pauca attigisse sufficiat. Illud verò operæ precium est, & velis remisque (quod aiunt) in contrarium niti, & certis argumentis demonstrare: Missam non nuperam, non à Papistis, vti calumniantur, confictam, non à D. Gregorio papa primum adinuentam esse, sed à Christo institutã, ab Apostolis vsuatam, à primitiuæ Ecclesiæ Patribus, primis illis sex à Christo incarnato seculis, certis quibusdam cæremonijs ac precibus auctam. Quod etsi complures Orthodoxi nostri seculi scriptores tractare cœperint, nemo tamen hæcenus continuam Patrum & Conciliorum seriem (absit inuidia dicto) ad D. Gregorium vsq. est prosecutus. Quum itaq. iam dudum desiderassent plerique scriptũ eiusmodi, atque adeò & meis non vnis literis Theologum illum longè

eru-

TO MVM LITVRGICON.

eruditiss. Gallie decus, Dn. Claudium de Sainctex essem adhortatus, ut quod editis Græcorum Liturgijs iam auspicatus erat, id Latine quoque Ecclesie Patrum testimonijs, in vnum volumē collectis perficeret: sed frustra: tādē ego ipse in hoc pistrinum me dēdere haud inuitus constitui: Presertim cum non obscure depræhendissem, seductioni plebeie proximis his annis maxima ex parte occasionem dedisse, Sacrificij Missæ institutionis ac cæremoniarum, aut crassam ignorantiam, aut supinam negligentiam. Verum variorum negotiorum tum publicorum, tum domesticorum mole tantum non oppresso, votis satisfacere initio non fuit integrum. Tandem verò calcar addidit, Authorum de Ecclesie catholice diuinis officijs ac ministerijs doctissima farrago, per Dn. Melchiorē Hittorpium Colonia Agrippinæ anno Domini 1568. edita. Qui adeo sua ad Lectorem Præfatione, tanquā ex mutuo condicto de partiendis inter nos Diuinorum Officiorum scriptoribus, me non sibi modò, sed & omnibus creditorem constituit, re tamē nōdum satis perspecta, an ne mihi integrū foret, id pro quo se vadē cōstituerat, exsoluere. Hoc interim egit, ut de priori instituto cogitare denuò cæperim, & recognoscendis Diui Hieronymi Comiti, ac D. Gregorij Antiphonario, ac eiusdē & Grimoldi Alcuinique Abbatum Sacramentorum libris me darem. Rursum tamen variæ eaque publicæ occupationes ad menses complures me à cæpio remoratae sunt, donèc sub hyemem postremò elapsam, opus hoc Liturgicon Ecclesie Latine seriò sum adgressus, & cancrorum in morem retrogrado ordine, à Tomo secundo, qui iam ad incudem erat paratior, auspicatus: paulatim quoque, quantum per hyberna frigora licuit, Tomum primū elucubrare occepi. Tantum tñ nō semel impedimentorum superuenit, ut de perficiendo in has nundinas Francofortias opere planè desperarem. Viciū verò tandē partim Dn. Geruini Calenij LL. Licentiati Typographi nostri continua adhortatio, partim etiā Domini Melchioris Hittorpij summa humanitas, qua omnem operam in castigandis typographiæ, si quæ oc-

PRÆFATIO IN PRIMUM

currerent erratis, non promisit duntaxat, sed ea diligētia etiam præstitit, ut quā castigatissimè pleraque omnia excusa prodeant. Atq; adeò utroque operas urgente, præsertim iam prælis commissio opere à Kalendis Aprilis, ego, tum nè fortè quid detrimenti pateretur Typographus, si cessandum foret, tum uti promissis satisfacere, ad extremam manum quantocius imponendam tantum non coactus, officio quoquē meo deesse nolui. Nunc itaque veluti postliminio in lucē prodeunt, tuis auspicijs Prorex Illustrissime, nostra Latinorum Liturgica: quæ si non omnibus, saltem V. Cels. & Catholicis vniuersis grata fore confido: quanquā fortassis gratiora, si aut prius edita forent: aut prætermissa, quæ ex promisso tum meo in Præfatione Micrologi, tum Dn. Hutorpij in Tomum 2. digessimus.

Frustrà enim, ut & hic à 2. Tomo exordium sortiatur oratio, immò & perperam (inquit aliquis) tum in lucem emittuntur diuinorum Officiorum tripartita volumina, è quibus Gregorianæ atque adeò Romanæ Missæ vetus Ordo confectus est: quum, maturo consilio Sanctiss. Dn. N. Pij V. Papæ verè Apostolici, ex Decreto sacrosancti Concilij Tridentini editum Missale Romanum nouum, ubiquè terrarum iam prostare dignoscitur. Atqui etsi prius editi hi libri, fortassis Patres ad eam rem deputatos non nihil permouissent, ut huic Romano Ordini veteri magis consentirent per omnia, atque adeò tum temporis magis opportuna fuisset hæc editio, quum adhuc operi instarent, nunc tamen non superflua censeri debet: immò ad hoc profutura, uti qui calumniandi occasionem volūt, noui Missalis cum nostro hoc collatione facta, hinc intelligant, non tam nouum id esse, quàm è veteri hoc pulchrè restitutum. Sicubi verò in ijs, quæ ritum non immutant, nonnihil adhuc dissentire quis animaduernerit, non propterea tamē virga censoria uti quis audeat, sed eum potius vsum sequatur, qui Synodi Tridentinæ & Apostolica auctoritate communitus est. Ego certè, non modò in ijs quæ fidei sunt, sed & in ijs quæ

TO MVM LITVRGICON.

quæ ad Sacrorum Liturgicôn pertinent, beatitudini Pij Papæ V. (vñ cum D. Hieronymo loquar) id est, Cathedræ Petri communione confector: super illam petram Ecclesiam ædificatam scio. Quicunque extra hanc domum agnum comederit, profanus est. Neque verò continent duntaxat hi libri Antiphonas, quas Introitus, Gradualia, Alleluia, Offertoria, & Communiones, nuncupamus, hodiè vsitatas, sed & alias nonnullas aut saltem pluribus Versibus pro maiori eius ætatis fidelium deuotione exornatas, & maxime in Offertorijs, vt nè interea dum populus offerret, Chorus reticeret: sicuti etiam tantisper dum communicabatur, Psalmus integer decantabatur, è quo totius officij Antiphonæ erant excerptæ. Orationes etiam siue Collectas Missarum, non eas tantum hîc reperire est, quibus nunc vtimur, verum & complures hætenus non visas: quæ tamen mirè affectus ad pietatem mouere queant, atque adeò luce dignissimas. Insupèr & multos ritus complectuntur hæc To. 2. Liturgica, iam olim vsitatos, qui nunc partim exsoleuerunt, partim adhuc obseruantur: quibus mirum in modum confirmantur, tum cæremoniæ Sacramentorum, tum dogmata hac tempestate controuersa. Exempli gratia: Baptismi cæremoniæ eadem penè Sabbato sancto Paschæ recensentur cum nostris, vt potè: Abrenunciatio, Orationis Dominicæ recitatio, Symboli professio, Exsufflatio, Crucis cõsignatio in fronte & pectore, salis benedictio, & per baptizadum degustatio, Exorcizatio demonis, sputi ad nares & aures adhibitio, Sacri olei Catechumenorum vinctio, fontis consecratio, trina baptismi immersio, verticis iam baptizati cum Chrismate delinitio, Albæ deniquè vestis indumentum. Quæ deindè baptisma statim consequuntur, sacrosancti Corporis Domini communio, & si Episcopus adfuerit, ante communicationem Confirmatio: quid aliud, quàm Sacramenta Confirmationis & Eucharistiæ subindicant? pro quorum illa facit etiam Benedictio Chrysmatis principalis, quæ habetur Feria V. Cænæ Domini. Rursum Orationes super pœnitentes, quæ tum eadem die, tum Feria III. Cinerum pro-

P R A E F A T I O I N P R I M U M

pronunciabantur, veteres caeremonias insinuant publicæ pœnitentiæ: quæ haud dubiè, sicuti alibi commonstrauimus, Sacramentalem quoque secretam coram Christi Vicario Sacerdote confessionem complectebatur & præsupponebat. Quin quòd eadem Feria V. Cœnæ Domini reperire sit & Benedictionem olei infirmorum, quod Sacramentum extremæ vñtionis nuncupant, etiam veteres: Missæ item in Ordinatione sacerdotum, aliorumque inferiorum altaris Ministrorum, Sacramentum Ordinis mirè constabiliunt: vti & Missæ ac Benedictiones super sponsa, Sacramentum Matrimonij. Iam si de præcipuis Religionis controuersijs agendum sit, Sacratissimam Trinitatem contra Trinitarios, Christi quoque diuinitatem aduersus quosdam Anabaptistarum, vel sola illà asserit omnium Orationum Conclusio, Per Dominum nostrum Iesum Christum, qui tecum viuit & regnat in vnitæ spiritus sancti Deus, per omnia secula seculorum, quæ non D. Gregorio primum, sed & antea D. Ambrosio Mediolani, D. Augustino in Africa, ac Idacio Claro in Hispanijs fuit vñtatissima. Christi incarnationem, quam negant Mennonistæ, adstruit frequens in ijsdem Orationibus, non passionis modò, sed & Natiuitatis è Maria virgine mentio. Aduersus Anabaptistarum vniuersum chorum, si de baptismo paruulorum sit quæstio, ad manum est Sabbato sancto vetus baptismatis Infantum ritus. Veritatem corporis & sanguinis Domini in Eucharistia contra sacramentarios & Calvinistas, tum Canon ipse, tum singulis penè pagellis Orationes super Oblata & post Communionem, prorsus asserunt. Si de communionem sub altera specie controuertiât Lutherani, confirmatur illa, etiam in publico Sacrificio Feria VI. Parasceues, qua solùm de corpore Domini (vñ hodiè quoque) & Sacerdos & Clerus communicabant. Sacrificiorum item pro defunctis, contra Confessionistas, non vnum exemplar reperire est. Venerationis etiam ritus, quo Crux Dominica celebrabatur, aduersus Iconoclastas, & d. ctæ Parasceue, & in festo Exaltationis S. Crucis, luculentum exstat testimonium. Liceret deni-

TOMVM LITVRGICON.

denique per singula fidei orthodoxæ capita hoc pacto discurrere, misit
 tum V. Cels. tum beneuolo Lectori vereretur esse molestior. Pergamus
 itaque ad confirmandam horum librorum auctoritatem, codicum
 MS. enumeratione, quibus vti sumus, latiore eorundem confirmati-
 onem To. 2. prosequuntur ex varijs diuinorum officiorum scriptori-
 bus. D. Hieronymi Comitem, siue Lctionariū, vti recentiores nū-
 cupant, è Bibliotheca & Sacratio Ecclesiæ nostræ Cathedralis Bru-
 gensis ad D. Donatiani, descripsimus: deinde ad veteres codices
 aliquot Colonienſes, per Dn. Hittorpiū collatione facta, restitui-
 mus: allegatis interim duntaxat singularum Lctionum initijs, eò quòd
 omnibus sint obuiæ. Inter quos venerandæ Antiquitatis vnus è Bi-
 bliotheca Ecclesiæ Metropolitane D. Peri Colonienſis mutatus fuit,
 quem ab anno 833. in ea adseruatum fuisse, testatur tum confectus
 Index illius bibliothecæ, quam nō longè ante sub Carolo Magno Hil-
 debaldum Archiepiscopum instaurasse, & libris plurimis instruxisse,
 idem Index indicium facit. Vbi si adhuc exstaret eodem Catalogo
 recensitus Gelasianus ille de Missarum solennijs codex, vnā nunc
 prodisset. Qui quandoquidem interciderit, eius loco Sacramentorum
 D. Gregorij librum substitui-
 mus, quippe quem, teste Ioanne Leuita,
 multa subrahens, pauca conuertens, nonnulla adijciens, ex Gelasij
 scripto in vnum volumen coarctauerit. Eum vnā cum duobus ad-
 iunctis Sacramentorum libris, ex eadem Hildebal-
 di Episcopi bibliotheca Dn. Geruini Calenius Typographus noster commodato ac-
 ceptum, ad me misit, elegantiss. characteribus ante annos plus minus
 septingentos exaratum. Atq; huic penè per omnia consentiebat Ul-
 traiectionus codex, non minùs vetustus, quem mihi suppeditauit è Bi-
 blioth. Ecclesiæ D. Virginis, vir eruditiss. Dn. Valerius Cauchus
 Metropolitanus Canonicus, præterquàm quòd in libros non distin-
 gueretur. Accesserunt & duo alij miræ vetustatis codices Biblio-
 thecæ Ecclesiæ Cathedralis D. Bauonis Gandauensis, quos beneficio
 eiusdē Ecclesiæ Præpositi D. Viglij Zwichemi viri clarissimi na-
 *B Etus

P R A E F A T I O I N P R I M U M

Eius sum: quorum alterum Anglicanum fuisse, quædam Missæ Can-
 tica in eam linguam interpretata cōvincūt: qui præter Antiphonas
 & Collectas, etiam Lectiones Apostolicas & Evangelicas contine-
 bat. His titulus fuit idem, quem initio libri Sacramentorum D. Gre-
 gorij edidimus, & eadem prorsus omnia officia complectebantur: im-
 mō & plura, tum dictæ Ecclesiæ olim monasterio Benedictino, tum
 Anglis peculiaria, quæ ex professo compēdij gratia prætermisi. Vñ
 sum & alijs quibusdam veteribus libris Missalibus, & in ijs Alden-
 burgenſi antiquissimo, quo Missas celebrasse tradunt D. Arnulphum
 eius monasterij Abbatem, qui nihil aut parum dissentiebāt, solo titu-
 lo D. Gregorij desiderato. Exstant deniq; Coloniae adhuc plura MS.
 borum librorum exemplaria apud Dn. Hutorpium, è quibus descri-
 ptæ per ipsum castigationes, prorsus cum vetustissimo illo Hildebal-
 di codice conveniebant, sicuti & alter ille Colonienſis MS. qui mihi
 vñ cum illo transmissus fuerat. Quo factum, ut secundum sacramen-
 torum librum, Grimoldo potius Abbati, iuxta MS. codicum fidem,
 quàm Alcuino secundum Micrologi sententiam, adscripserim. An-
 tiphonarium autem siue Graduale D. Gregorij, subministravit, op-
 portune admodum priusquàm à Geusijs euerteretur, Bibliotheca
 Abbatie Blandiniensis iuxta Gandauum, characteribus nihilomi-
 nis præ vetustate tantum non oblitteratis, ita ut planè diuinandum
 foret, nisi nactus fuisset Missalem librū veterem è Bibliotheca Re-
 gularium Canonicorum D. Martini apud Louanienses, è quo Anti-
 phonas, quas integras in Blandiniensi non dabatur legere, excerpti
 iussimus. Nō parum item iuuit Index Antiphonariz, in capite Sacra-
 mentorum libri Ultraiectini, accuratissime scriptus.

Benedictiones verò Episcopales idem codex in calce habebat ad-
 scriptas: quas deindè cum in nostro oēs nō essent, ex libro quodā anti-
 quo MS. suppleuit Dn. Hittorpius. Præfationes deniq; illas veteres
 per anni circulum, excudit quidem olim Officina hæc Quenteliana,
 sed ad MS. dicta exemplaria eas castigauimus, & aliquot tum omis-
 sas

TOMVM LITVRGICON.

fas adiecimus. Porro de Tom. 2. plus satis ad priorem stylus con-
uertatur. Primus igitur Liturgicon Ecclesie Latinae Tomus sic-
ut pluribus, sat scio, placebit, quibus vetustiora arrident magis: ita
maiori mihi profecto labore, vigilijs, sudoribus, molestijs constitit.
Quum enim non ignorarem, calumnie aduersariorum obnoxium
fore, quicquid in asserendo Ecclesie Catholicae vero & legitimo sa-
cificio in medium adferretur: obseruandum imprimis fuit, ne quid
minus authenticum producerem. Deinde euoluenda fuerunt, aut
certe percurrenda, neque id leui (quod aiunt) brachio, omnium Pa-
trum Latinorum scripta. Quo factum, ut subinde ad horas, immo ad
dies aliquot, operam & oleum perderem: dum integris operibus per-
lectis, nihil occurreret, quod instituto conduceret. Omitto Collecta-
nea ex Patribus tam Graecis, quam Latinis, Prologi vice, de Chri-
sti & Apostolorum Sacrificio: quae sola merito mouere debeant, ut
sine ambiguitate posthac credatur Missa non noua, sed à Christo in-
stituta, ab Apostolis vsitata. Auxit certe labores nostros, quod
non temere, suis quibusque locis, Sacros Authores & Concilia
Decretis Pontificum Romanorum adaptauerimus: sed iuxta veram
& certam, ex Fastis Consulatum, annorum seriem, singulis Papis
Romanis eos Patres, quos sub ipsis floruisse constat, eaq; Concilia,
quae durante eorum Pontificatu celebrata sunt, coniunxerimus: Vsq;
adeo, ut non tam testimonia veterum de Sacrificio, atque continua
quaedam Liturgiae, atque adeo Ecclesie Latinae Historia, consenda
videatur haec Liturgicon prior partitio. Quam, veluti aliud agendo,
ita diligenter me prosecutum esse confido, ut vel hinc magna pars
Ecclesiasticae primorum sex seculorum historiae, si non restaurari,
certe illustrari posse videantur: cuius rei tamen Cels. V. erudi-
toque Lectori iudicium committere malui, quam latius temere quid
mihi arrogare. Vnum hoc saltem affecutum me scio: non modo suae
quaeque Concilia etati & Patres quosque à me contributos, sed &
Synodos aliquot haeclenis penè incognitas, his nostris testimonijs in

* B 2 lucem

P R A E F A T I O I N P R I M V M

lucem productis. Atqui nè quis fortasse peruiacior de authoritate quorundam à me citatorum ambigat, quippe ex eorum numero, qui quicquid sibi aduersari viderint, confestim tanquam Apocryphum rejciunt: statueram de singulis, quorum incidit dubitatio, prolegomena quadam subijcere. Verum quia angustia temporis intercludor, tantisper dum aut huic, aut proximæ editioni latius aliquid ea de re adiecero, paucula hæc subijcere visum fuit operæ precium. Inprimis itaq; Canonum Apostolicorum authoritas, nō modò Romanorum Pontificum vetustorum Epistolis compluribus, & DD. Iuonis ac Burchardi, Gratianiq; Decretis: sed & à D. Isidoro qui primus eos cum cæteris in vnum Canonum corpus digessit, & à Synodi sextæ Oecumenicæ Patribus confirmatur. Ab iisdem etiam, non semel citantur D. Clementis Romani Epistolæ ad Iacobum, siue (ut quidam legendum censent) Simeonem fratrem Domini, Eiusdem Constitutionum Apostolicarum, libros octo, (alios prorsus ab illis octo Recognitionum libris, quos Apocryphos censet in Synodo Romana D. Gelasius) multis tum Græcorum tum Latinorum testimonijs, authenticos comprobat Dn. Ioānes Bouius Episcopus Ostunensis, qui eos è Græco primus transtulit. Martyrum gloriosos agones, à 7. Notarijs primitivæ Ecclesiæ, quos primicerios siue Protonotarios nuncupabāt, primum conscriptos, adtestatur Damasus, iussu D. Clementis Romani, ac deinde à D. Fabiano papa adiunctos illis septem subdiaconos, qui illis imminerent, ut gesta martyrum in integrū conscriberent: & horum frequens etiam fit mentio in Martyrologijs Bedæ, Adonis & Vsuardi. Decretales Epistolas, quas B. Papæ, diuersis temporibus ab vrbe Romana (ut eius verbis utar) pro diuersorum Patrum consultatione dederūt, cum omni veneratione suscipiendas adstruit, ubi suprà, D. Gelasius De D. Dionysij Areopagitæ scriptis, quam sine authentica, tractant præ cæteris latinis Reuerendiß. Dn. Guilielmus Lindanus Ruræmundensis Episcopus in sua Panoplia, & Dn. Mathæus Galenus apud Duaceses Theologiæ p̄fessor in Areopagiticis,

ex

TOMVM LITVRGICON.

*ex Hilduino Abbate alijsq; vetustioribus. Quem adeo, vti DD. Clementem, Irenæum, & Hippolytum, etsi Græcè scripserint, inter Patres tamen Ecclesiæ Latinæ reposuimus: quod in Occidente, Clemens Romæ, Irenæus Lugduni, Hippolytus in portu Romano Episcopatum gesserint: Dionysius verò Parrisijs & per Gallias Apostolatum sortitus sit, vti etiamnum Ecclesiæ apud Lutetiam Parrisijs te-
 statum reddunt. Inter quas vna D. Stephani, quam Græcorum nuncupant, ab ipso ædificata creditur: altera Carcer D. Dionysij dicitur: tertia exstat in monte Martyrum, à passione eius & sociorū id nomē sortito: quarta secundo à ciuitate milliario, à loco sepultura, D. Dionysij fanum appellatur, apud quam Regum quoq; Galliæ veneratio-
 nis ergo monumenta pleraq; reperire est. Ambrosianæ verò Missæ & Canonis, præter ipsum D. Ambrosium & vitæ eius Authorem Paulinum presbyterum, meminerunt etiam Diuinorum Officiorum tractatores, D. Isidorus, Amalar. ius, Hrabanus, Vualafrius Sirabo, & omnium latissimè Radulphus Decanus Tungrensis locis infra cita-
 tis. Et verò, tum Missam eius, tum Orationes & Præfationes per to-
 tum anni circulum è codice quodam Missali Mediolanensi desum-
 psimus: verum complures etiam Præfationes in Bibliotheca Guiliel-
 mitarum manuscriptas reperimus, & easdem collatione codicum fa-
 cta, non vno loco restituiimus. Missa deniq; Mosarabe, confirmatur
 prorsus D. Isidori & Conciliorum aliquot Hispaniarum ritu consi-
 mili, quemadmodum ad singula penè illius Missæ capita in margine
 à nobis adnotatum est. Eius fragmentum acceptum de beo M. Cor-
 nelio Gualtero I. C. Gandauensi, qui id iam nupèr ex Hispanijs na-
 ctus est: si integram aliquando consequi liceat, (in quo frustra scri-
 ptis tamen illuc pluribus literis, laboravi hætenus) Deo fauente, edi-
 tioni non deero. De Galliarum quoq; & Germaniæ Missa veteri id-
 ipsum p̄stiturus, si vllò vnquàm tempore ad manus peruenerint: ad
 vtrunq; Antiquitatis studiosos oēs, Hispanos, Gallos, Germanos, vt
 mutuas operas cōferāt, obsecrās. Decreuerā aut huic epistolæ Dedi-*

P R A E F A T I O I N P R I M U M

catoriae Catalogum caeremoniarum omnium Missae subiungere, quo quaeq; coepissent tempore: verum nundinae Francofurticae quae sunt praeforibus, id minime nunc permittunt. Quare aut separatim illu cum alijs aliquot Indicibus edere; aut in secundam editione d.fferre malui: quam huius solius gratia, Typographo, cum maximo ipsius detrimento, non satisfacere: praesertim quum ipsa seculoru per classes digesta series, non obscure ordinem quoque institutionis singulorum rituum Lectori diligentiori ob oculos ponat.

Habet vestra Cels. nostri instituti rationem, quae sicui non satisfaciat, quod Latinae dumtaxat Ecclesiae Liturgica hoc opere completus sim, quippe quum Catholica Missae adseruo constare debere videatur non vnus modò Occidentis, sed & Orientis ecclesiae testimonijs. Inprimis, quisquis ille est, non nostru, sed D. August. responsum ferat: Anideo (inquit lib. 2. aduers. Iulianu) hos contemnendos putas, quia Occidentalis Ecclesiae sunt oēs, nec vllus est commoratus in eis Orientis Episcopus? Quid ergò faciemus, quu illi Graeci sint, nos Latini? Puto tibi eam partē orbis debere sufficere, in qua primum Apostoloru suoru (Petrū nempe) voluū Dominus gloriosissimo martyrio coronare. Cui Ecclesiae praesidente B. Innocentiū Papā (id ipsum liceret accommodare ad Pium pap. V. cuius felicibus auspicijs Synodus Tridentina absoluta, & eius Decreta publicata sunt) si audire voluisses, iam olim periculosam iuuentutem tuam (Iulianu alloquitur) haereticorum laqueis exuisses. Quid enim potuit vir ille sanctus Africanis respondere Concilijs, nisi quòd antiquitus Apostolica sedes & Romana cum ceteris tenet perseveranter Ecclesia? Deinde, si Cels. V. alijsque σοφὸν γοῦν μένεις nostris gratam hanc operam nostrā intellexero, nisi Dn. Sainctez aut alius quis, quod malim, me anteuertit, statim aliquandò Deo Opt. max. opitulante, & Graecorum Liturgica in duos partiri Tomos, & postremò concordiam Graecorum cum Latinis in Liturgiae praecipuis ritibus, vno volumine comprehendere. Vbi tamen prius Tertulliani recognitionem perfecero, & tandem

VIII

TOMVM LITVRGICON.

dēm aliquandō Hrabanī opera in lucem prodierint.

Ceterū, quū more antiquitatis obseruato, patronus aliquis aduersus Zoilicū aduersariorumq; morsus, adsciscēdus foret, animo semp obuersata est V. Cels. Reuerendiss. Præsul, quippe cui præ alijs, pro auctoritate summa & apud sanctiss. Dn. N. Pium papam V. & apud Regiam Catholicā Maiestatem, quæuis calumniarū tela in ipsos aucthores retorquere non sit difficile: Præsertim, quum nulli non orbis angulo innotuerint Cels. V. eruditio, facundia, prudentia summa, in prosperis & aduersis animi fortitudo inuictissima, ac antiquitatis vniuersæ quædam *κρυπταίδη*, in eruditos deniquē oēs insignis beneuolentia. Omitto, quōd cātisper dum differo Hrabanī Mauri dictā editionem iam nupēr V. Cels. consecratā, pro arrhabone quodā adimplendi aliquādo pmissi, visum fuerit operæ precii, immō pro purganda mora tam longa necessarium, hoc quoque opus T. Cels. inscribere, maxime quū id ante menses cōplures satis significāse per literas Reuerend. Dn. Maximilianī Morillonij Mechliniēsis sedis vestræ Episcopalis Generalis Vicarij. Accedebant insupēr V. Cels. in me meamque familiam beneficentiæ merita, quæ si non aliquo gratitudinis Symbolo agnoscerem, meritō ingratitudinis argui posse videar. Postremō, alioquī huc propensum satis, illud impulit, quōd nemini apertius nuncupare liceret nostra Liturgica, quā illi, qui me Manusimpositione sacra sacerdotij sacrosanctæ munij initiāset, atque adeō ad Mysticæ Liturgiæ ministerium, idque prima sua ab Archiepiscopatu suscepto Ordinatione, primum omnium presbyterum consecrāset. Ego itaque, qui D E O auspice, iuxta quod hortatur Apostolus, attendo Lēctioni, Exhortationi, Doctrinæ pro viribus, nē negligere videar gratiam mihi collatam cum impositione manuum presbyterij, cui alij, quæso, de talenti mihi commissi dispensatione (vū spero) non inutili, rationem reddam, si nō illi, qui id mihi vice Christi summi Patris familiās cōcredidit: Vinam verō, vinam (inquam) depositum custodire, bonum fidei

PRÆFAT. IN I. TOM. LITVRG.

fidei & operum certamen certare, Confessionem bonā quam coram multis testib⁹ confessus sum cōfiteri, seruare deniquē mihi liceat mādatum sine macula irreprehensibile vsque in Aduentum Domini nostri Iesu Christi.

Quod restat, Deus Opt. Max, Reuerendissime Cardinalis, & Prorex Illustriss. Cels. V. diu suæ Ecclesiæ & Reip. Christianæ seruet incolumem.

Brugis Flandrorum, ipsis D. Laurentij ferijs, anno à nato Christo 1571.

^{ria}
R. ac Cels. V. deditissimus
cliens

Iacobus Pameli⁹.

SACRIFI

18
SACRIFICII
MISSAE RITVS, PRI-
MI A VERBO INCAR-
NATO SECVLI.

A CHRISTO OBSERVATA
ET INSTITVTA SACRIFICII
RATIO.

SACRIFICII CHRISTI FIGVRA.



IN PRIMIS HVIVS
Christi sacrificij figura & ty-
pus fuit sacrificium Melchise-
dech, de quo in hæc verba liber
Geneseos: At verò Melchise-
dech Rex Salem, proferens pa-
nem & vinum, (erat enim Sa-
cerdos DEI altissimi) benedixit
ei, & ait: Benedictus Abram
Deo excelso, qui creavit cælū
& terram: & benedictus Deus
excelsus, quo protegēte, hostes

Gen. 14.

in manibus tuis sunt. Id enim disertis verbis regius ille Psal-
mista David commonstrat, dicens: Iuravit Dominus, & non pœni- Psal. 109.
tebit eum, tu es Sacerdos in æternum secundum ordinem Mel-
chisedech.

ET Apostolus Paulus epistola ad Hebræos: Vbi, inquit, præ Heb. 6. &
cursor pro nobis introijt Iesus, secundum ordinem Melchisedech 7.
Pontifex factus in æternum. Hic enim Melchisedech rex Salem,

A sacerdos

sacerdos Dei summi, qui obuiauit Abraham regresso à cæde regū, & benedixit ei, cui & decimas omnium diuisit Abraham: primum quidem qui interpretatur rex iustitiæ, deinde autem & rex Salem, quod est, rex pacis: sine patre, sine matre, sine genealogia: neq; initium dierum, neq; finem vitæ habens, assimilatus filio DEI, manet sacerdos in perpetuum.

Et paulò post, sacerdotium Melchisedech distinguens à sacerdotio Aaronis: Si ergò, ait, consummatio per sacerdotium Leuiticum erat, (populus enim sub ipso legem accepit) quid adhuc necessarium fuit secundum ordinem Melchisedech alium surgere sacerdotem, & non secundum ordinem Aaron dici? Translato enim sacerdotio, necesse est vt & legis translatio fiat.

Et postea: Amplius adhuc manifestum est, si secundum similitudinē Melchisedech exurgat alius sacerdos, qui non secundum legem mandati carnalis factus est, sed secundum virtutem vitæ insolubilis. Contestatur enim, quoniam tu es sacerdos in æternum secundum ordinem Melchisedech.

Et iterum: Alij quidem sine iureiurando facti sunt sacerdotes, hic autem cum iureiurando per eum qui dixit ad illum: Iurauit Dominus, & non pœnitebit eum: tu es sacerdos in æternum secundum ordinem Melchisedech.

Atque vbi sacrificium Melchisedech typū fuisse sacrificij Christi, non illius quod in cruce à Christo oblatum est, cuius typus fuit Aaronis sacrificium: sed eius, quod patri in vltima cœna Christus obtulit, atque adeò Missæ sacrificij, testantur patres plerique tam Græci quàm Latini.

stroma.
lib. 4.

INTER quos Clemens Alexandrinus: Melchisedech, inquit, rex Salem, sacerdos Dei altissimi, qui vinum & panem sanctificatū dedit nutrimentum, in typum eucharistiæ.

Cyprian.
Epist. 63.

D. quoque Cyprianus epistola ad Cæciliū: Item in sacerdote Melchisedech, sacrificij Dominici sacramentum præfiguratū videmus,

demus, secundum quod scriptura diuina testatur & dicit: Et Melchisedech rex Salem protulit panem & vinum. Fuit autem sacerdos Dei summi, & benedixit Abraham. Quod autem Melchisedech typum Christi portaret, declarat in Psalmis Spiritus sanctus, ex persona patris ad filium dicens: Ante luciferum genui te, tu es sacerdos in æternum secundum ordinem Melchisedech. Qui ordo utiq; hic est, de sacrificio illo veniens & inde descendens, quod Melchisedech sacerdos Dei summi fuit, quod panem & vinum obtulit, quod Abraham benedixit. Nam quis magis sacerdos Dei summi, quam Dominus noster Iesus Christus? qui sacrificium Deo patri obtulit, & obtulit hoc idem quod melchisedech obtulerat, id est, panem & vinum, suum scilicet corpus & sanguinem.

Et paulò post: Ut ergò in Genesi per Melchisedech sacerdotè benedictio circa Abraham posset ritè celebrari, præcedit antè imago sacrificij Christi, in pane & vino scilicet constituta, quam rem perficiens & adimplens Dominus, panem & calicem mixtum vino obtulit, & qui est plenitudo, veritatem præfiguratæ imaginis adimpleuit.

EUSEBIVS verò Cæsarensis: Et sanè oraculi exitus admirabilis ei, qui contempletur, quemadmodum Saluator noster Iesus, qui est Christus Dei, ipsius melchisedech ritu, ea quæ ad sacerdotium in hominibus gerendum spectat, per suos ministros perficiat. Nam quemadmodum ille qui sacerdos gētium erat, nusquam videtur sacrificijs corporalibus functus, sed vino solo & pane, dum ipsi Abraham benedicit: ita sanè primus ipse Saluator ac Dominus noster, deinde qui ab ipso profecti sunt, sacerdotes in omnibus gentibus, spirituale secundum ecclesiasticas sanctiones sacerdotij munus obeuntes, vino ac pane & corporis illius & salutaris sanguinis mysteria repræsentant: quæ sanè mysteria melchisedech tantò antè spiritu diuino cognouerat, & rerum futurarum imaginibus usus fuerat, sicut etiam Moyse scriptura testificatur, ubi ait: Et Melchi-

A 2

sedech

Euseb. de
demōst.
Euang. li.
5. c. 3.

4 LITVRGICON ECCLESIAE LATINAE

fedech rex Salem protulit panes & vinum : Erat autem sacerdos Dei altissimi, & benedixit Abraham.

Basilius **com. in Psal. 109.** **D**ivvs etiam Basilius: Quid est autem, inquit, secundum ordinem Melchisedech, nisi propter mysteria, quod & ille Abraham panem & vinum obtulit?

Ambr. li. de Abraham. patriarcha c. 3. **D**ivvs Ambrosius quoque: Melchisedech, inquit, Abraham benedixit: Erat enim sacerdos summi Dei. Quis est rex iustitiae, sacerdos summi Dei, nisi cui dicitur: Tu es sacerdos in aeternum secundum ordinem Melchisedech? hoc est, Dei filius, sacerdos patris, qui sui corporis sacrificio patrem nostris repropitiavit delictis?

Idem in 5. c. ad Hebr. **E**t alibi expressius: Omnes sub lege erant sacerdotes. Christus solus secundum ordinem Melchisedech sacerdos, propter carnem quam assumpsit, aut propter victimam quam pro nobis offerebat, à nobis susceptam, id est, carnem & sanguinem suum, de qua

Ioan. 6. victima ipse in Euangelio ait: Nisi manducaueritis carnem filij hominis, & biberitis eius sanguinem, non habebitis vitam in vobis.

Ac paulò post: Huius ordinem sacrificij per mysticam similitudinem Melchisedech iustissimus (seu potius iustitiae) rex instituit, quando Domino panis & vini fructus obtulit. Constat enim, secundum victimas periisse, quae fuerunt ordine Aaron, non Melchisedech: sed hoc manere potius institutum, quod toto orbe in sacramentorum erogatione celebratur.

Chryso. com. in Psal. 109. **I**tem D. Chrysostomus: Quare (inquit) dixit, Secundum ordinem Melchisedech? Propter sacramenta, quod ille quoque panem & vinum obtulerit.

Hieron. epist. 17. ad Marcellam. **N**ec dissentit D. Hieronymus: Recurre, inquit, ad Genesim, & Melchisedech regem Salem, huius principem inuenies ciuitatis: qui iam tunc in typo Christi panem & vinum obtulit, & mysterium Christianum in saluatoris sanguine & corpore dedicauit.

Idem in Matth. c. 26. **E**t alibi: Postquam typicum pascha fuerat impletum, & agni carnes cum Apostolis comederat: assumit panem, qui confortat cor hominis,

hominis, & ad verum paschæ transgreditur sacramentum, vt quomodò in præfiguratione eius Melchisedech summi Dei sacerdos, panem & vinum offerens fecerat, ipse quoque veritatem sui corporis & sanguinis repræsentaret.

ET D. Epiphanius: Quando Abraham fuit annorum 88. aut 90. plùs minùs, tunc melchisedech ipsi obuiam venit, & proposuit ipsi panes & vinum, mysteriorum ænigmata præfigurans & exemplaria, quum Dominus noster dicat: Ego sum panis viuens.

DI VVS Augustinus pluribus etiam locis id ipsum inculcat: nos apertiora duntaxat producemus testimonia. Ibì quippe (inquit, Gen. 14.) primum apparuit sacrificium, quod nunc à Christianis offertur Deo toto orbe terrarum, impleturque illud quod longè post hoc factum, per prophetam dicitur ad Christum, qui fuerat venturus in carnem: Tu es sacerdos in æternum secundum ordinem Melchisedech, non scilicet secundum ordinem Aaron, qui ordo fuerat auferendus, illucescentibus rebus, quæ illis vmbri prænotabantur.

ET iterum: Deindè quod paulò pòst dicit: Iurauit Dominus, & non pœnitebit eum: quibus verbis immutabile futurum esse significat, quod adiungitur: Tu es sacerdos in æternum secundum ordinem Melchisedech: ex eo, quod iam nusquam est sacerdotium & sacrificium secundum ordinem Aaron, & vbi què offertur sub sacerdote Christo, quod protulit Melchisedech, quandò benedixit Abraham, quis ambigere permittitur de quo ista dicantur?

ET rursum: In libro qui vocatur Ecclesiastes, vbi ait: Non est bonum homini, nisi quod manducabit & bibet, quid credibilius dicere intelligitur, quàm quod ad participationem mensæ huius pertinet, quam sacerdos ipse mediator Testamenti noui, exhibet secundum ordinem Melchisedech de corpore & sanguine suo? Id enim sacrificium successit omnibus illis sacrificijs veteris testamenti, quæ immolabantur in vmbra futuri, propter quod etiam vocè

A 3 illam

Epiphan.

hes .c6.

Melchise-

dechia-

nos.

Ioan. 11.

Augu.

de ciuit.

Dei li. 16.

c. 22.

Lib. 17.

de ciuit.

Dei, c. 17.

Idem de

ciuit. Dei

l. 17. c. 20.

Eccès 3.

illam in Psal. 39. eiusdem mediatoris per prophetiam loquentis agnoscimus: Sacrificium & oblationem noluisti, corpus autem perficisti mihi, quia pro illis omnibus sacrificijs & oblationibus corpus eius offertur, & participantibus ministratur.

Idē cōc.

1. in Psal.

33.

Et alibi latius: Erat autem, ut nōstis, sacrificium Iudæorum antea secundum ordinē Aaron in victimis pecorū, & hoc in mysterio. Nondum enim erat sacrificiū corporis & sanguinis domini, quod fideles nōrunt, & qui Euangeliū legerunt, quod sacrificium nunc diffusum est toto orbe terrarum. Proponite ergo vobis ante

Psal. 109.

oculos duo sacrificia: & illud secundum ordinem Aaron, & hoc secundum ordinē melchisedech. Scriptū est enim: Iuravit Dominus, & non poenitebit eum, tu es sacerdos in æternū secundum ordinē melchisedech. De quo dicitur, Tu es sacerdos in æternū secundum ordinē Melchisedech? De dño nostro Iesu Christo. Quis erat melchisedech? Rex Salem. Et tantus erat melchisedech, à quo benediceretur Abraam. Protulit panem & vinum, & benedixit Abraam, & dedit ei decimas Abraam. Videte quid protulit ei, quem benedixit. Et dictum est ei postea: Tu es sacerdos in æternū secundum ordinem Melchisedech. Dauid hoc in spiritu dixit longè post Abraam. Temporibus autem Abraę fuit melchisedech. De quo alio dicit, Tu es sacerdos in æternum secundum ordinē melchisedech, nisi de illo, cuius nōstis sacrificium? Sublatum est enim sacrificium Aaron, & cœpit esse sacrificium secundum ordinem Melchisedech. Notus est enim Dominus noster Iesus Christus, in corpore & sanguine suo voluit esse salutem nostram. Vnde autem commendavit corpus & sanguinē suum? De humilitate sua. Nisi enim esset humilis, nec manducaretur, nec biberetur.

Idē cōc.

2. in eun-

dē Psal.

Et rursus breuibus quidē, sed apertiū: Coram regno patris sui mutauit vultū suum, & dimisit eum, & abiit, quia erat ibi sacrificiū secundum ordinem Aaron, & postea ipse de corpore & sanguine suo instituit sacrificium secundum ordinem Melchisedech.

Hesychius

TOMVS PRIMVS.

Hefychius etiam presbyter: Nullo modo, inquit, ignoras, quia Melchisedech oblationem & sacerdotium in panibus possidebat. Propter quod & Abrahæ panes gerens & vinum, quæ erant signa eius sacerdotij, occurrit: gerebat enim imaginem Christi: de quo Dauid patrem exhibuit in Prophetia dicentem: Tu es sacerdos in æternum secundum ordinem Melchisedech: cuius nunc & legislator hæc dignitatem, non solum panum memoriam faciens, ostendit: sed & subsequenter verba, si eorum subtilius ordinem attendamus, hoc euidenter innuunt, quia sacerdotum sanctificatio ad Christum tendit, non solum quia ab eo sacerdotij legem & modum acceperunt, sed quia sacrificiorum quæ ab eis offeruntur, atque oblationum, ipse apud patrem mediator est.

EUCHERIVS quoque Lugdunensis: Sine aliqua etiam sacerdotali genealogia homo extitit, ex hominibus, utpotè non ex tribu Leui ortus, sed ex tribu Iuda: ex qua tribu nihil de sacerdotali præcepto accepit: utique propter mysterium sacramenti, quod Christianis celebrare præceptum est, ut non secundum Aaron pecudum victimas, sed oblationem panis & vini, id est, corporis & sanguinis sacramentum in sacrificium offeramus. Ibi quippe primum apparuit sacrificium, quod nunc à Christianis offertur DEO toto orbe terrarum: impleturque, quod longè post hoc factum per Prophetam dicitur ad Christum, qui fuerat adhuc venturus in carnem: Tu es sacerdos in æternum secundum ordinem melchisedech, non scilicet secundum Aaron, qui ordo fuerat auferendus, illucescentibus rebus, quæ illis umbris denotabantur.

SIC etiam D. Damascenus: Pane & vino suscepit melchisedech Abraham ex cæde alienigenarum reuertentem, qui erat sacerdos DEI altissimi. Illa mensa hanc mysticam præfigurauit mensam: velut & sacerdos ille, Christi veri sacerdotis figuram præ se ferebat & imaginem. Tu es, inquit, sacerdos in æternum secundum ordinem melchisedech. Hunc panem panes figurabant propositionis.

DIVVS

7
Hefych.
li. 6.

Eucheri⁹
Lugdun.
lib. 2. in
Gē. c. 18.

Damasc.
lib. 4. de
orthod.
fid. c. 14.

Ifid. lib. 1.
de offic.
eccl. c. 18.

DIVVS Ifidorus: Quod, inquit, sacramentum Melchisedech rex Salem figuraliter in typum corporis & sanguinis Christi primus obtulit, primusq; mysterium tanti sacrificij imaginariè idem expresit, præferens similitudinem Domini & saluatoris nostri Iesu Christi sacerdotis æterni, ad què dicitur: Tu es in æternum sacerdos secundum ordinem Melchisedech.

PORRO Theodoretum qu. 63. in Gen. Euthymium in Psalm. 109. Theophylactum & Oecumenium in Epistolam ad Hebræos, aliosq; mediæ ætatis Patres, compendij gratia prætermittimus.

R. Moses
Hadar. in
c. 14. Ge-
nes.

VNUM adiiciemus testimonium veteris Iudæi R. Moses Hadar. in darfan, qui ita dictum locum interpretatur: Et Melchisedech rex Salem produxit, vel protulit, vel obtulit panem & vinum, ita dicitur: Hic Melchisedech erat Sem filius Noë. Et quid docet dicendum, cum ait, Protulit vel produxit panem & vinum? Rabbi Samuel filius Nahman dixit, Sententias sacerdotij tradidit. Erat enim ipse sacrificans panem & vinum Deo sancto & benedicto, sicut dictum est ibidem: Et ipse erat sacerdos Dei altissimi. Locus quippe quandoq; iustificathabitatores suos.

ITEM paulò post: Alius sermo. Melchisedech rex Salem. Hoc est quod scriptum est Psalmo centesimodecimo: Iuravit Deus, & non poenitebit eum, tu es sacerdos in æternum super verbum (id est, secundum verbum, vel propter verbum) Melchisedech. Et quis est hic? Hic est iustus & saluator rex Messias, sicut dictum est Zach. nono capite: Ecce rex veniet tibi iustus & saluator. Et quid docet dicendum, cum dicit, Obtulit panem & vinum? Hoc est, ac si diceret, quod scriptum est Psal. 71. Et erit placenta tritici in terra. Et hoc est quod dictum est: Et ipse erat sacerdos Dei altissimi.

PROPHETIAE DE SACRIFICIO
CHRISTI.

PRIMO

Primo loco occurrit id, quod cæteris est manifestius, Malachia: Prophetae testimonium: Non est mihi voluntas in vobis, dicit Dominus exercituum, & munus non suscipiam de manu vestra. Ab ortu enim solis vsque ad occasum, magnum est nomen meum in gentibus, & in omni loco sacrificatur & offertur nomini meo oblatio munda, quia magnum est nomen meum in gentibus, dicit Dominus exercituum. Quod de sacrificio corporis & sanguinis Domini disertis verbis veteres interpretantur.

I T A D. Iustinus Martyr iuxta Gelenij versionem. Quapropter de sacrificijs vestris quæ tunc offerebatis, sic loquitur Deus, ut supra dixi, per Malachiam vnum è duodecim: Non est mihi voluntas in vobis, dicit Dominus: & munus non accipiam de manu vestra. Ab ortu enim solis vsque ad occasum, magnum est nomen meum in gentibus, & in omni loco adolentur odora menta nomini meo, victimæque puræ, quia magnum est nomen meum in gentibus, vos autem polluistis illud. Cæterum de sacrificio quod offertur in omni loco à nobis gentibus, id est, Eucharistiæ tum pane, tum poculo, ibidem prædicit, dicens: Nos clarificare nomen eius, quod vos prophanatis.

Et infra de Iesu sacerdote loquens, subdit: Si nos & ij qui Iesu nomine, ut vnus homo omnes futuri sumus propter rerum omnium parëtem Deum, vnigeniti eius filij nomine sordidis vestibus, id est, peccatis exutis & detractis, illius vocationis verbo inflammati & incensi, Pontificium sacerdotaleque verum genus sumus, ut etiam **D E V** S ipse testis est, qui ait: In omni loco in gentibus hostias acceptas gratasque immolari. Neque verò à quoquam hostias Deus accipit, nisi à suis sacerdotibus. Itaque omnia sacrificia quæ suo nomine facienda Iesus Christus tradidit, id est, in Eucharistia panis & poculi, quæ in omni loco à Christianis fiunt, præoccupatione vsus Deus, sibi grata esse testatur. Quæ verò à vobis vestrisque illis sacerdotibus fiunt, improbat his verbis: Sacrificiaque

B ve.

Iust dial.
contra
Tryph.

vestra è manibus vestris non accipiam: quòd ab oriente sole ad occidentem, nomen meum gloria affectum est, ait, in gentibus: Vos autem illud detestamini. Vos adhuc studio concertandi hoc dicitis, ea sacrificia quæ Hierosolymis temporibus Israëlitarum, qui tum illic habitabant, fierent, Deum non approbare: preces autem illius generis hominum, qui tum dispersi essent, eundem sibi acceptas esse dixisse, eorum quæ preces sacrificia vocare: Preces quidem & gratiarum actiones bonorum, perfectas solas esse, & Deo gratas hostias, ego quoquè concedo. *εὐχαὶ καὶ εὐχαριστίαι ὑπὸ τῶν ἀγίων γινόμεναι τέλειαι μόναι καὶ εὐάρεστοί ἐσι τῷ θεῷ θυσίαι.* Hæc em̄ sola facienda acceperunt Christiani in aridi humidique sui cibi commemoratione: in quo etiam mortis, quam per se perpessus est Deus dei filius, memoria recolitur: cuius vt nomē in omī terra cōtaminaretur, & dedecore afficeretur, sacerdotes doctoresq; perfecerūt.

Iren. contra heres. li. 4. c. 32. 33. & 34. **E T** Irenæus: De quo in duodecim prophetis Malach. sic præfigurauit: Non est mihi voluntas in vobis, dicit Dominus omnipotens. Et sacrificium non accipiam de manibus vestris: quoniam ab ortu solis vsque ad occasum, nomen meum glorificatur inter gentes, & in omni loco incensum offertur nomini meo & sacrificium purum.

E T cap. 34. eiusdem subiungit: Igitur Ecclesiæ oblatio, quam Dñs docuit offerri in vniuerso mūdo, purum sacrificium reputatum est apud Deum, & acceptum est ei, nō quòd indigeat à nobis sacrificio: sed quoniā is, qui offert, glorificatur ipse in eo quod offert, si acceptetur munus eius. Quoniā igitur cū simplicitate Ecclesia offert, iustè munus eius purum sacrificium apud deum deputatum est. Oportet enim nos oblationem deo facere, & in omnibus gratos inueniri fabricatori DEO, in sententia pura, & fide sine hypocrisi, in spe firma, in dilectione feruenti, primitias earum, quæ sunt eius, creaturarum offerentes. Et hanc oblationem Ecclesia sola purā offert fabricatori, offerens ei cum gratiarū actione ex creatura eius.

eius. Iudæi autem iam non offerunt. Manus enim eorum sanguine plenæ sunt: non enim receperunt verbum, per quod offertur Deo.

E T Tertullianus: Vt pariter concurreret & Malachiæ (sic enim lego, pro eo quod corruptè est, Micheæ) prophetia: Non est voluntas mea, dicit Dominus, & sacrificia vestra non accipiam, quoniam ab ortu solis vsque in occasum nomen meum glorificatum est (nam & sic lego: pro, gloriatum) in nationibus, & in omni loco sacrificium meo nomini offertur, & sacrificium mundum, Gloriæ scilicet relatio, & benedictio, & laus, & hymni. Quæ omnia quum in te quoque depræhendantur, & signaculum frontium, & Ecclesiarum sacramenta, & munditiæ sacrificiorum, debes etiam erumpere vt dicas, spiritum creatoris tui Christo prophetasse.

Tertul. li.
3. contra
Marc.

D. Cyprianus etiam: Quod sacrificium vetus euacuaretur, & nouum celebraretur, apud malachiam: Non est mihi voluntas circa vos, dicit Dominus, & sacrificium acceptum non habebō ex manibus vestris: Quoniam à solis ortu vsq; ad occasum, glorificatum est nomen meum apud gentes, & in omni loco odores incensi offeruntur nomini meo, & sacrificium mundum, quoniam magnum est nomen meum apud gentes, dicit Dominus.

Cypr. lib.
Test. ad
uerf. Iud.
1. c. 16.

E V S E B I V S item Cæsarensis: Ab ortu solis vsque ad occasum, nomen meum glorificatum est in gentibus, & in omni loco incensum offertur nomini meo, & hostia munda. Sacrificamus igitur Deo altissimo sacrificium laudis. Sacrificamus Deo plenum & horrorem afferens & sacrosanctum sacrificium, sacrificamus nouo more, secundum nouum Testamentum, hostiam mundam. At sacrificium Deo, spiritus contritus dictus est. Cor igitur contritum & humiliatum Deus non despiciet. Iamque etiam incendimus propheticum illum odorem in omni loco, & offerimus ei benè olentem fructum omni virtute abundantis Theologiæ, hoc ipsum orationibus ad eum directis facientes. Quod sanè ipsum alius quoque docet propheta, qui ait: Fiat oratio mea sicut incensum in con-

Euf. de.
monstr.
Euag. lib.
1. c. 10.

Psal. 140.

B 2 spe-

spectu tuo. Igitur & sacrificamus & incendimus, aliàs quidem memoriam magni illius sacrificij, secundum ea, quæ ab ipso tradita sunt, mysteria celebrantes, & gratias Deo pro salute nostra agentes, religiososque hymnos & orationes sanctas illi offerentes: aliàs nos ipsos totos ei consecrantes, eiusque Pontifici, ipsi utique Verbo, corpore animoque dicantes.

Chrys.
cōm. in
Psal. 95.

D. Chrysostomus quoque: Non est mea voluntas in vobis, dicit Dominus &c. Vide quàm luculenter, quamque dilucidè mysticam interpretatus est mensam, quæ est incruenta hostia. Thymiana verò purum appellat sacras preces, quæ post hostiam offeruntur. Hic enim suffitus Deum refocillat, non is qui à terrenis radicibus sumitur, sed qui à puro corde exhalatur. Vides ut ubique locorum concessum est angelicum illud sacrificium inclarescere? Vides nullis finibus circumscriptum neque altare, neque canticum? In omni loco thymiana offertur nomini meo. Est igitur hostia pura, prima quidem mystica mensa, cæleste summeque venerandum sacrificium.

Hier. cō.
in Malac.
proph.

August.
lib. 18. de
ciuit. Dei
ca. 25.

NEQUE verò D. Hieronymus dissentit, dum oblationem mundam interpretatur in cæremoniis Christianorum.

D. certè Augustinus frequentiss. est in hac explicandi forma: Malachias (inquit) prophetans Ecclesiam, quam per Christum iam cernimus propagatam, Iudæis apertissimè dicit ex persona DEI: Non est mihi voluntas in vobis &c. Ab ortu solis &c. Hoc sacrificium per sacerdotium Christi, secundum ordinem Melchisedech, cum in omni loco à solis ortu usque ad occasum Deo iam videamus offerri: sacrificium autem Iudeorum, quibus dictum est: Non est mihi voluntas in vobis, nec accipiam &c. cessasse, negare non possunt: quid adhuc expectant alium Christum, quum hoc quod prophetatum est, legunt, & impletum vident, impleri non poterit, nisi per ipsum?

Idē orat,
cōtra Iu.

ET alibi: Quid ad hæc respondetis? Aperite oculos tandem aliquan-

quandò & videte, ab oriente sole vsque ad occidentem, non in vno (sicut vobis constitutum fuerat) loco, sed in omni loco offerri sacrificium Christianorum, non cuilibet Deo, sed ei qui ista prędixit, Deo Israel.

THEODORETVS sic etiam explicat hunc locum: Nam omni-
um (inquit) habitatores terrarum, quas sol exoriens & occidens suis radijs illustrat: cum vbiquè incensum offerent, tum etiam sacrum purum & mihi gratum conficient.

Theod.
cōm. in
Malach.
proph.

DAMASCENVS deniquè: Hęc est pura scilicet hostia & in-
cruenta, quam ob ortu vsque ad occasum sibi offerri per Prophe-
tam Dominus loquitur, corpus videlicet & sanguis Christi.

Damasc.
lib. 4. de
orth. fid.
cap. 14.
Prou. 9.

SECUNDO se offert loco illud Salomonis: Sapientia ædifica-
uit sibi domum, excidit columnas septem, immolauit victimas su-
as, miscuit vinum, & proposuit mensam suam. Misit ancillas suas,
vt vocarent ad arcem & ad moenia ciuitatis. Si quis paruulus est,
veniat ad me. Et insipientibus locuta est: Venite, comedite panem
meum, & bibite vinum quod miscui vobis.

Cyp. epist.
63. ad Cę-
cilium.

VSQVE ADEO enim hunc locum de Christi sacrificio inter-
pretatur Cyprianus, vt etiam indè probet, in eo vinum aqua mi-
sceri debere. Sed & per Salomonem (inquit) Spiritus sanctus typum
Dominici Sacrificij antè præmonstrat, immolata hostiæ & panis
& vini, sed & altaris & Apostolorum faciens mentionem: Sapien-
tia (inquit) ædificauit sibi domum, & subdidit columnas septem.
Maçtauit suas hostias, miscuit in cratera vinum suum, & parauit
mensam suam. Et misit seruos suos, conuocans cum excelsa prædi-
catione ad craterem, dicens: Qui est insipiens, declinet ad me. &
egentibus sensu dixit: Venite, edite de meis panibus, & bibite vi-
num quod miscui vobis. Vinum mixtum declarat, id est, calicem
Domini aqua & vino mixtum prophetica voce prænunciat: vt ap-
pareat in pasiōe Dñica id esse gestū, quod fuerat antè prædictum.

Prou. 9.

Idem lib. **I**DIPSV M rursùm alibi inculcat in hæc verba: Quod Sapien-
 Test. 2. tia DEI Christûs, & de Sacramento incarnationis eius, & passionis,
 adu. Iud. & calicis & altaris, & Apostolorum qui missi prædicauerunt, apud
 cap. 2. Salomonem in paræmijs: Sapiencia ædificauit sibi domum &c.

Aug. l. 17. **N**ON absimile est quod habet D. Augustinus: Sapiencia ædifi-
 de ciuit. cauit sibi domum, & fulsit columnas septem, immolauit suas vi-
 Dei, c. 20. ctimas, miscuit in cratere vinum suum, & parauit mensam suam.

Misit seruos suos, conuocans cum excellenti prædicatione ad cra-
 terem, dicens: Qui est insipiens, diuertat ad me. Et in opibus sensu
 dixit: Venite, manducate de panibus meis, & bibite vinum quod
 miscui vobis. Hic certè (inquit) agnoscimus Dei sapienciam, hoc
 est, verbû patri coæternû, in vtero virginali domum sibi ædificasse
 corpus humanum, & huic tanquàm capiti membra Ecclesiam
 subiunxisse, martyrum victimas immolasse, mensam in vino &
 panibus præparasse, (ubi apparet etiam sacerdotium secundum or-
 dinem Melchisedech) insipientes & inopes sensu vocasse: quia sic-
 1. Cor. 1. ut dicit Apostolus, Infirma huius mundi elegit Deus, vt confun-
 deret fortia. Quibus tamen infirmis, quod sequitur, dicit: Derelin-
 quite insipientiam, vt viuatis: & quærite prudentiam, vt habeatis vi-
 tam. Participem autem fieri mensæ illius, ipsum est incipere habere
 vitam.

Hier. cõ. **I**TEM quod D. Hieron. seu potius Beda in huius loci commet.
 in Prou. In pane, inquit, corporis ipsius: in vino mixto, sanguinis sacrosan-
 cap. 9. cti mysterium, quo in altari, mensa videlicet eius, satiamur, ostendi-
 tur. Immo & veteres Iudæos sic intellexisse hunc locum testatur
 R. Moses Hadarsan loco citato.

OCCVRRIT præterea prophetia viri Dei ad Heli Sacerdotè:
 1. Reg. 2. Et suscitabo mihi sacerdotè fidelem, qui iuxta cor meum & ani-
 mam meâ faciet: & ædificabo ei domû fidelem, & ambulabit co-
 ram Christo meo cunctis diebus. Futurum est autem, vt quicun-
 que

que remanserit in domo tua, veniat vt oretur pro eo, & offerat nummum argenteum & tortam panis, dicatque: Dimitte me, obsecro, ad vnam partem sacerdotalem, vt comedam buccellam panis.

HANC enim Christi sacrificio adplicat D. Cyprianus. Quòd sacerdotium (inquit) vetus cessaret, & nouus sacerdos veniret, qui in æternum futurus esset, in Psal. 109. Ante luciferum genui te. Iurauit Dominus, & non pœnitebit eum, tu es sacerdos in æternum secundum ordinem Melchisedech. Item in βασιλείῳ primo Deus ad Heli: Et suscitabo mihi sacerdotem fidelem, qui omnia quę sunt in corde meo, faciet: & ædificabo ei domum fidelem, & transibit in conspectu Christorum meorum omnibus diebus: & erit, qui remanserit in domo tua, veniet adorare in obolo pecunię & in pane vno.

ITEM D. August. Figuratè (inquit) pertinebat hæc prophetia ad nouum sacerdotiũ, tam facto etiam ipso, quàm verbo. Et paulò post: Vigilet fides, præstò sunt res, cernuntur, tenentur, & videre volentium oculis ingeruntur. Ecce dies qui pronunciati sunt, iam venerunt. Nullus sacerdos est secundum ordinem Aaron. Et quicumque ex eius genere est homo, cum videt sacrificium Christianorum toto orbe pollere, sibi autem honorem illum magnum esse subtractum, deficiunt oculi eius, & defluit anima eius tabe mœroris. Ac postea: Quod autem sequitur, ad illum iam pertinet sacerdotem, cuius figuram gessit huic succedendo Samuel. Proinde quę sequuntur, de Christo Iesu noui testamenti vero sacerdote dicuntur. Et suscitabo mihi sacerdotem &c. Quod autem ait, coram Christo meo transibit, de ipsa domo vtique intelligendum est, non de sacerdote qui est Christus. Domus ergò eius coram illo transibit. Et deinceps adiunxit: Veniet adorare ei obolo argenti. Cui adorare, nisi illi summo sacerdoti, qui & Deus est? Neque enim in illo sacerdotio secundum ordinem Aaron, ad hoc veniebant ho-

Cypr. lib.
Test. 1.
adu. Iud.
cap. 18.

Aug. l. 17.
de ciuit.
Dei cap. 5.

homines ad templum vel altare D E I, vt sacerdotem adorarent.

Ioan. 6. A c sub finem : Quod ergò addidit, Manducare panem: etiam ipsum sacrificij genus elegàter exprefsit, de quo dicit sacerdos ipse: Panis quem ego dederò, caro mea est, pro feculi vita. Ipsum est sacrificium, non secundùm ordinem Aaron, sed secundùm ordinem Melchisedech & ceter. quod est in nouo Testamento sacrificium Christianorum. Quæ expositio ità placuit etiam D. Eucherio Episcopo Lugdunensi, vt illud D. Augustini ad verbum alicubi transcripserit.

Isaie 33. P O R R O D. Iustinus martyr etiam locum illum Isaie huc accommodat: Panis ei dabitur, & aqua eius fidelis, pro quo nostra habet versio: Panis ei datus est, & aquæ eius fideles. Illud em̃ (inquit) *Iust. mar. Dialogo cum Tryphone.* perspicui potest, in hac etiam prophetia de pane fieri mentionem, quem nobis Christus noster conficiendum tradidit, vt corpus eum factum esse recordaremur, eorum causâ qui in ipsum credunt, propter quos etiam patibilis extitit. Et de poculo, quod recolendi sanguinis sui causâ conficiendum, gratias agentibus tradidit.

Cyrill. in Isa. c. 33. Eodè etiam alludit D. Cyrillus Alexandr. in hæc verba: Huic ergò in hac petra habitâti dabitur panis, & suppedabitur aqua fidelis. Habitantibus namque in Ecclesia panis vitæ Christus datur à DEO & patre, & aqua fidelis, sacrosancti nimirum baptismatis.

Augu. in Psal. 39. I L L V D etiam Psalmi : Sacrificium & oblationem noluisti, corpus autem perfecisti mihi, D. Augustinus de sacrificio Christi explicat. Sacrificia ergò illa (inquit) tanquàm verba promissiua, ablata sunt. Quid est quod datum est completiuū? Corpus quod nōstis, quod non omnes nōstis, quod vtinam qui nōstis omnes, non ad iudicium noueritis. Videte quandò dictum est. Christus enim ille est Dominus noster, modò loquens ex membris suis, modò loquens ex persona sua: Sacrificium (inquit) & oblationem noluisti. Quid ergò? Nos iam hoc tempore sine sacrificio dimissi sumus?

Ab

Abfit. Corpus autem perfecisti mihi. Ideò illa noluisti, vt hoc perficeres: illa voluisti, antequàm hoc perficeres. Perfectio promissum abstulit verba promittentia. Nam si adhuc sunt promittentia, nondùm impletum est, quod promissum est. Hoc promittebatur quibusdam signis: ablata sunt signa promittentia, quia exhibitæ est veritas promissæ. In hoc corpore sumus, huius corporis participes sumus: quod accipimus, nouimus: & qui non nōstis, noueritis: & cùm didiceritis, vtinàm nō ad iudicium accipiat. Qui enim manducat & bibit indignè, iudicium sibi manducat & bibit. Ioan. 6.

ANTE illum quoquè D. Chrysof. Aduentu suo, inquit, cultum victimarum reiecturus erat, vt nè ampliùs ille acceptus esset, sed nostrum illud sacrificium admitteretur. Accipe quomodò & hoc prædictum sit: Sacrificium & oblationem noluisti, &c. Chrysof. hō. quod Christ. sit Deus.

Et rursum: Quænam, inquit, sacrificia & quænam oblationes noluisti? Legales videlicet. Quæ est autem veritas, quam pro vmbra volebat? Christi sacrificiū. Et propterea dicit: Corpus autem perfecisti mihi, significans carnem Domini quam ex sanctis. & Dei para Maria perfecit. Com. in Psal. 39.

PLURES liceret eiusmodi prophetias ex veteribus in mediū proponere: sed quòd minùs ad institutum facere videantur, tum nè prolixiores simus, prætermittimus. Libet tamen illud Psalmi adijcere iuxta veritatem Hebraicam: Et erit placenta frumenti in capite montium: pro eo quod Lxx. verterunt: Et erit frumentū in terra in summis montium. Quod multo expressiùs vertit Chaldaeus paraphrastes R. Ionathas: Et erit sacrificium panis in terra in capite montiū Ecclesiæ: alter verò R. * Atzilas: Et erit panis substantificus in terra &c. Psal. 71. * Akilas

Hoc autem de isto Christi sacrificio disertis verbis interpretati sunt veteres Rabini Iudæorum, iuxta quod citantur à Porceto de victoria verbi DEI contra Hebr. part. 1. c. 21. & post eum à Petro Galatino (qui haud dubiè non sententiam modò, sed & verba ipsa

C Porceti

Porceti in suum opus transcripsit, & stylo suo expoliuit) de arcan. Cathol. verit. lib. 10. c. 4. Nos, omisis alijs, apertiora duntaxat adferemus testimonia.

R. Berachias

IN libro qui inscribitur, Midras Coheleth, id est, in exposit. Ecclesiasticis ad illud, Quid est quod fuit, ipsum est quod erit, sic legitur Rabbi Berachias in nomine R. Ishac dixit: Quod quæadmodum fuit redemptor primus, id est, Moses, ita erit redemptor ultimus. Sicut enim redemptor primus fecit descendere manna, sicut dictum est Exod. 16. cap. Ecce ego pluam vobis panem de caelo: ita quoque redemptor ultimus, id est, Messias, erit placenta frumenti in terra, iuxta dictum illud Psalmi.

R. Ionathas chaldaeus paraphrastes.

ET in libro quem Collectionum vocant, dicit Chaldaea translatio, scilicet Rabbi Ionathæ: Et erit sacrificium panis in terra in capite montium Ecclesie. Videat qui oculos habet, quod dictum est. Ille est Messias, de quo totus loquitur Psalmus. Cum ergo ait, Et erit placenta frumenti in terra in capite montium: vult dicere, quod placenta panis fiet sacrificium in capitibus sacerdotum, qui sunt in Ecclesia.

R. Moses Hadarfan in cap. 39. Gen.

ITEM R. Moses Hadarfan, citans illud Osee 11. Et inclinabo ad eum cibum, id est, (inquit) submitta ad eum cibum bonum, suauem, & magnum, cui non est alius similis, de quo dictum est Psalm. 72. Et erit placenta frumenti, vel frustum panis in terra.

Nicol. Lyr. in Psalm. 71.

NEQUE verò noua est hæc expositio, quum iam olim Nicolaus Lyranus in scriptis Rabinorum versatissimus, non modò hanc ipsorum translationem citet, & de hoc sacrificio interpretetur, sed etiam putet legendum iuxta LXX. Et erit frumentum, pro eo, quod est, firmamentum. Cui etsi in hoc postremo non adsentiar, quia Græca vox *στέγνμα*, Latine firmamentum sonat: hanc tamen tanquam veram ex Hebræo versionem amplector, eò magis, quod hoc loco firmamentum, pro pane possit accipi, iuxta illud Psalmi: Et omne firmamentum panis contriuit. Confirmat enim panis cor hominis, iuxta alium Psalmistæ locum.

Psalm. 104. & 103.

Ipsum

TOMVS PRIMVS.
IPSVM CHRISTI SACRIFICIUM.

19

COENANTIBVS autem eis, (inquit S. Matthæus Euāgelista) *Matt. 26.*
accepit Iesus panem, & benedixit, ac fregit, deditq; discipu-
lis suis, & ait: Accipite & comedite, Hoc est corpus meum. Et acci-
piens calicem, gratias egit, & dedit illis, dicens: Bibite ex hoc omnes.
Hic est enim sanguis meus noui testamenti, qui pro multis effun-
detur in remissionem peccatorum. Dico aut vobis, nō bibam amo-
dō de hoc genimine vitis, vsq; in diem illū, quum illud bibam vo-
biscum nouum in regno patris mei.

ET manducantibus illis, (inquit S. Marcus Euangelista) accepit *Marc. 14.*
Iesus panem, & benedicens, fregit & dedit eis, & ait: Sumite, Hoc est
corpus meum. Et accepto calice, gratias agens, dedit eis. Et biberūt
ex illo omnes. Et ait illis: Amen dico vobis, quod iam non bibam
de genimine vitis, vsq; in diem illū, quum illud bibam vobiscum
nouum in regno Dei.

ET quum facta esset hora, (inquit B. Lucas Euangelista) discu- *Luc. 22.*
buit, & duodecim Apostoli cum eo, & ait illis: Desiderio desi-
derauī hoc Pascha manducare vobiscum antequam patiar. Dico
enim vobis, quia ex hoc non māducabo illud, donēc impleatur in
regno Dei. Et accepto calice, gratias egit, & dixit: Accipite, & diui-
dite inter vos. Dico enim vobis, quod non bibam de generatione
vitis, donēc regnum Dei veniat. Et accepto pane, gratias egit, & fre-
git, & dedit eis, dicēs: Hoc est corpus meum quod pro vobis datur.
Hoc facite in meam commemorationem. Similiter & calicē, post-
quā cœnauit, dicens: Hic est calix nouum testamentum in san-
guine meo, qui pro vobis effundetur.

EG O em̄ accepi à Dño, (inquit Paulus Apostolus) quod & tra- *1. Cor. 11.*
didi vobis, quoniam Dominus Iesus in qua nocte tradebatur, acce-
pit panem: & gratias agens, fregit & dixit: Accipite & manducate.
Hoc est corpus meum quod pro vobis tradetur. (sue, vt Græcè

C 2 est,

est, frangitur) Hoc facite in meam commemorationem. Similiter & calicem postquam coenauit, dicens: Hic calix nouum testamentum est in meo sanguine. Hoc facite, quotiescunque bibetis, in meam commemorationem. Quotiescunque enim manducabitis panem hunc, & calicem bibetis, mortem Domini annunciabitis, donec veniat.

Dicto Ritv Christus sacrificium
Deo Patri obtulit.

Cypr. Epi
stola 63.
ad Cæcil.

ADMONITOS nos scias, (inquit D. Cyprianus) ut in calice offerendo Dominica traditio seruetur, neque aliud fiat à nobis, quam quod pro nobis Dominus prior fecerit. Et post narrata verba prædicta D. Pauli, aliquantò post: Si in sacrificio quod Christus obtulit, non nisi Christus sequendus est, utique id nos obaudire & facere oportet, quod Christus fecit, & quod faciendum esse mandauit.

ET rursus: Nam si Iesus Christus DEVS & Dominus noster, ipse est summus sacerdos Dei patris, & sacrificium patri seipsum primus obtulit, & hoc fieri in sui commemoratione præcepit, utique ille sacerdos vice Christi verè fungitur, qui id quod Christus fecit, imitatur: & sacrificium verum & plenum tunc offert in Ecclesia Deo patri, si sic incipiat offerre, secundum quod ipsum Christum videat obtulisse.

ET paulò post: At enim non manè, sed post coenam mixtum calicem obtulit Dominus. Nunquid ergò Dominicum post coenam celebrare debemus, ut sic mixtum calicem frequentandis Dominicis offeramus? Christum offerre oportebat circa vesperam diei, ut hora ipsa sacrificij ostenderet occasum & vesperam mundi, sicut in Exodo scriptum est: Et occident illum omne vulgus synagoge filiorum Israel ad vesperam.

Euseb. Cæsareensis

POST omnia (testatur Eusebius Cæsarensis) quasi mirabilem quandam

monstr.
Euang. li.
1. c. 10.

quandam victoriam sacrificiumq; eximiū patri suo operatus pro nostra omnium salute obtulit, eiusq; rei memoriam, vt nos ipsi Deo pro sacrificio offerremus, instituit. Hoc etiam prophetarum præcipuus Dauid, qui quod futurum erat, spiritu suo diuino præuiderat, vaticinatus est, vbi ait: Expectans expectaui Dominum, & intēdit mihi, & exaudiuit precem meam: & sustulit me de lacu miseriæ & de luto fæcis, & statuit supra petram pedes meos, & direxit gressus meos: & immisit in os meum canticum nouum, carmen Deo nostro. Quod porrò sit hoc nouum canticum, declarat deinceps, vbi ait: Sacrificium & oblationem noluiſti, corpus autē perfecisti mihi: holocausta & pro peccato, non probaſti: tunc dixi, Ecce venio. In capite libri scriptum est de me, vt facerem Deus voluntatem tuam, volui. & adiungit: Annunciaui iustitiam in Ecclesia magna. Sic planè docens, pro antiquis sacrificijs & holocaustis, Christi aduentū per assumptionem humani corporis, eiusq; corpus perfectum, Deo oblatū esse, ipsumq; hoc Ecclesiæ suæ nūciat cum gaudio tanquā ingens mysterium, quod prophetica voce in capite libri propositum expressumq; sit. Quum ergò huius sacrificij memoriam, signis quibusdam in mensa celebrandam, corporisq; item illius, salutarisq; sanguinis, vt noui testamenti institutum habet, acceperimus, rursus à Propheta Dauid instruimur ad dicendum: Paraſti in conspectu meo mensam contra eos qui affligunt me: Pingue fecisti in oleo caput meum, & calix tuus inebriās quā præstantissimus. Palām igitur in his mysticam significat vnctionem & horrorem afferentia mensæ Christi sacrificia: quibus operantes, incruentus & rationales, eiq; suauis victimas, in tota vita supremo Deo offerre, per eminentissimum omnium ipsius Pontificem edocti sumus. Hoc ipsum quoquē Propheta Isaias mirabiliter, diuino spiritu indicante, prouidit, & antequam fieret, prædicauit, dicit igitur sic: Domine Deus meus, glorificabo te, laudabo nomen tuum, quoniam fecisti res mirabiles. Et quānam hæ sint res

Isa. 25. iuxta LXX.

mirabiles, planè deinceps ostēdit, dicens: Faciet Dominus Sabaoth conuiuium omnibus gētibus: bibent lētitiā, bibent vinū, vngentur vnguento: trade hāc omnia gentibus. Consiliū enim hoc in oēs gentes. Huiusmodi sanè erant Isaia mirabilia, quā bonae cuiusdam fragratia, vnguentiq; vnctionem, non Israel, sed omnibus gentibus promittebant: ex quo non immeritò propter vnguēti vnctionem, Christianorum appellationem consecutae sunt: sed vini quoque lētitiā gentibus vaticinatur: in eo noui Testamēti, quod à Christo conditum est, mysteriū subobscurè significans, quod sanè apud omnes gentes in praesenti tempore perspicuè celebratur. Et paulò antè, cū de gentibus & Iudeis ad Christum conuersis ageret, Meritò sanè, inquit, quandò illius memoriam, corporisq; eiusdem & sanguinis recordationem quotidie celebrant, & ad longè praestantius & sacrificium & munus assumpti sunt, quā illud, antiquius fuerit.

Gregorius
Nyss. ora.
de resurr.

PRO ineffabili (inquit D. Gregorius Nyss.) arcanoq; & qui ab hominibus cerni nequit, sacrificij modo, sua dispositione & administratione praecipuat impetum violentum, ac sese oblationē ac victimā offert pro nobis sacerdos simul & agnus dei, qui tollit peccatū mundi. Quandò hoc accidit? Quum suum corpus ad comedendum, & sanguinē suum familiaribus exhibuit ad bibendū. Cuilibet enim hoc perspicuū est, quod oue homo vesci non possit, nisi matatio comestione praecesserit. Qui igitur dedit Discipulis corpus suum ad comedendum, apertè demonstrat, iam perfectam & absolutam factam esse immolationem.

PAULÒ pōst: Quum itaq; de corpore suo ad edendum, & de sanguine suo ad bibendum praeretur discipulis, iam latēter pro potestate mysterium administrantis, ineffabiliter & inuisibiliter corpus immolatum erat.

Chrysost.
hom. 83.
in Matth.

HAC de causa (D. Chrysost. teste) desiderio desideravi (inquit Dominus) hoc pascha vob. scū comedere, hoc est, tradere vobis res nouas

nouas & Pascha dare, quò vos spirituales faciam: Ipse quoquè bibit ex eo, nè auditis verbis illis diceret: Quid igitur sanguinè bibimus, & carnè comedimus? ac idèd perturbarètur. Nam & quandò priùs de his verba fecit, multi solummodò propter verba scandalū passi sunt. Nè igitur tunc id quoquè accideret, primus ipse hoc fecit, vt tranquillo animò ad communicationem mysteriorum induceret. Quid * porrò vetus quoquè illud, inquires, facere oportet? minimè: * porrò? idèd enim, Hoc facite, dixit, vt ab illo abduceret. Præterea si remissionè hoc peccatorū facit, sicut certè facit, supuacaneū illud omninò est. Sed sicut in veteri, eodem hîc modo in beneficio reliquit, & memoriā mysteriorum colligauit, etiam hinc hæreticorū ora frenando. Nam quandò dicūt, vndè patet immolatū Christū * fuisse, * fuisse? præter alia multa, hæc etiam mysteria afferentes, ora ipsorum confuimus. Si enim mortuus Iesus non est, cuius symbolum aut signū hoc sacrificium est? Vides quantum ei studiū fuerit, vt semper memoria teneamus, pro nobis ipsum mortuum fuisse. Nam quoniam Marcion, Valentinus, Manichæus, eorumq; sequaces, negaturi erāt hanc dispensationem, in memoriam passionis per hoc semper ita reducit mysterium, vt nemo non infanus seduci possit. Itā per sacratissimam istam mensam & saluat, & docet: hoc enim caput bonorum omnium est.

ET in veteri quidem Testamēto, (inquit idem Chrysost.) cū Idē hom. imperfectiores essent, quem idolis offerebant sanguinem, eum ipse 24. in 1. ad accipere voluit, vt ab idolis eos auerteret. Quod etiam inenarrabili Cor. lis amoris signum erat. Hîc autem multo admirabilius & magnificentius sacrificium præparauit, vt quum sacrificiū ipsum commutaret, & pro brutorum cæde seipsum offerendum præciperet.

ET paulo pōst: Sed quare addit, Quē frangimus? Hoc in Eucharistia videre licet, in cruce autem minimè, sed omninò contrā: Os em̄ eius non conteretur. Sed quod in cruce passus nō est, id in oblatione patitur: propter te frangi sustinet, vt omnes satiet. Exod. 12. Num. 9.

Vidimus

Ambros.
in Psal. 38

VIDIMVS (ait Ambrosius ad illud psalmi, Quāquā in imā-
gine ambulet homo) principem sacerdotum ad nos veniētem: vi-
dimus & audiuius offerentem pro nobis sanguinē suum: seque-
mur, vt possumus, sacerdotes, vt offeramus pro populo sacrificium:
etsi infirmi merito, tamen honorabiles sacrificio: quia etsi nunc
Christus non videtur offerre, tamen ipse offertur in terris, quandō
Christi corpus offertur. Immo ipse offerre manifestatur in nobis,
cuius sermo sanctificat sacrificium quod offertur.

Aug. lib.
qu. 83.
quæst. 61.

IPSE est etiam sacerdos noster (adferit D. August.) in eternum
secundū ordinem Melchisedech, qui seipsum obtulit holocaustū
pro peccatis nostris, & eius sacrificij similitudinem celebrandam
in suā passionis memoriam commendauit: vt illud quod Melchi-
sedech obtulit Deo, iam per totum orbem terrarū in Christi Ec-
clesia videamus offerri.

Hesych.
in Leuit.
cap. 4.

Hesychius etiam Presbyter hoc ipsum attestatur: Ponere, in-
quit, eum manum super caput vituli, & iugulare vitulum præcepit:
nemo enim illum obtulit, sed nec immolare poterat, nisi semet-
ipsum ipse ad patiendum tradidisset. Propter quod nō solum dice-
bat, Potestatem habeo ponendi animam meam, & potestatem ha-
beo iterū sumendi eam: sed & præueniens, semetipsum in cœna
Apostolorum immolauit: quod sciuit, qui mysteriorum percipiūt
virtutem. Hunc sacerdotem LXX. non solum vnctum siue lini-
tum, sed & consummatum manibus appellauerunt: consummatus
est enim manibus prius in mystica cœna, accipiens panem & fran-
gens: deindē per crucem, quandō ligno affixus est. Tunc sacerdo-
tij suscipiens dignitatem, vel potius quum semper habuerit, tunc
opere explens, etiam hoc quod pro nobis erat, sacrificium consum-
mauit.

Ioan. 10.

ET rursūm: Immolabitq; eum. Ipse enim propriā carnem im-
molauit, ipse sui sacrificij Pontifex in Sion factus est, quandō san-
guinis noui testamenti dabat calicem.

QVIA

QVIA etiam Christus (inquit apud Oecumen. Photius) sine sanguine hostiam obtulit, deinde postmodum suum ipsius etiam corpus: propterea aptè dictum est, Christum esse sacerdotem secundum ordinem Melchisedech.

Oecum. in
s. c. Epist.
ad Hebr.

Hoc ergo (Isidoro attestante) sacrificium Christianis celebrare præceptum est, relictis ac finitis Iudaicis victimis, quæ in servitute veteri populo celebrari imperatæ sunt. Hoc itaque fit à nobis, quod pro nobis Dominus ipse fecit, quod non manet, sed post cenam sub vesperam obtulit. Sic enim Christum oportebat id implere circa vesperam diei, ut Dominus hora ipsa sacrificij ostenderet vesperam mundi.

Isid. l. 1. de
Ecc. offic.
18.

Cum benedictione enim (Hrabano teste) & gratiarum actione primum Dominus corporis & sanguinis sui sacramenta dedicavit, & Apostolis tradidit.

Hrab. de
inst. cler.
l. 1. c. 32.

Ipsum namque corpus (inquit Rupertus) quod occisum est ab impijs, ipsum eundem sanguinem, qui in cruce fusus est, ipse tunc sempiternus sacerdos obtulit.

Rupert. l.
5. de divi.
off. c. 15.

DICTIS VERBIS, HOC FACITE: CHRISTVS
SACRIFICIVM HOC DEINCEPS OF-
FERENDVM INSTITVIT.

Luc. 22.
1. Cor. 11.

FACERE, pro sacrificare, non modò apud Ethnicos usitatù est, (ut verbi gratia apud Plautum in Afinaria: O fides, multi plenam faciam tibi fideliã. & Virgilium Buc. ecl. 3. Quum faciã vitula. ac Ciceronem pro Murena, Iunonis sospita, cui omnes cõsules facere necesse est) sed & in sacris literis. Hinc illud quod proximè huc spectat, facere Phasẽ Domino: quod ipsum Christus, facere seu fieri Pascha, dixit: pro quo alij Euangelistæ, immolari seu occidi Pascha, verterunt. Hinc & illud, facere holocaustum, sacrificium, oblationem. Hinc illa quoque, facere turtures seu pullos

Exod. 12.
Nũ. 9. et 33
Deut. 16.
Ios. 5.
Matt. 26.
Marc. 14.
Luc. 22.
Leuit. 9.
& 14.
Num. 14.
Leuit. 15.
ac 24.

D colum-

Num. 6.8. columbae, hircum, bouem, & agnum. Quare non absurdè etiam ve-
ac 28. teres ita illud hoc loco sunt interpretati.

Martial. SACRIFICIUM (inquit D. Martialis) creatori offertur in ara
Epist. ad non homini, neque angelo. Nec solum in ara sanctificata, sed ubi-
Burd. c. 3. què offertur DEO oblatio munda: sicut testatus est, cuius corpus
Ioan. 4. & sanguinem in vitam æternam offerimus, * dicentes: Spiritus est
* dicens: DEVS: & eos qui adorant eum, in spiritu & veritate oportet ado-
rare. Ipse enim corpus habens & immaculatū, & sine peccato, quia
conceptus est de spiritu sancto, natus ex Maria virgine, ipsum in
ara crucis permisit immolari. Quòd autem Iudæi per inuidiam
Matt. 26. immolauerunt, putantes se nomen eius à terra abolere: nos cau-
sa salutis nostræ in ara sanctificata proponimus, scientes hoc
solo remedio nobis vitam præstandam, & mortem effugan-
dam. Hoc enim ipse DOMINVS noster iussit nos facere in suâ
commemorationem.

Cle. Rom. ET D. Clemens Romanus de die Paschæ differens, ait: Quare
Apost. in vos quoquè, suscitato Domino, offerte sacrificium vestrum, de quo
stit. l. 5 c. vobis præcepit per nos, dicens: Hoc facite in meam commemora-
20. tionem.

Dionys. DIUVS verò Dionysius Areopagita: Diuina autem (inquit)
Areopag. imitatio, quonam modo aliter in nobis imprimetur, nisi sanctissi-
eccl. hier. morum DEI operum memoria renouentur semper pontificijs (si-
c. 3. ue hierarchicis) & laudibus & sacrificijs? Hoc enim facimus, vt scri-
pta diuina loquuntur, in eius commemorationem. Ac paulopòst:
Itaque religiosè simul & ἱεραρχικῶς, ac ex Pontificali officio post
sacras diuinorum operum laudes, quod ipsum supra se sacrificium
litet siue offerat, se excusat, ad ipsum primò decenter exclamans:
Tu dixisti, hoc facite in meam commemorationem.

Iust. Mar. Tu dixisti, hoc facite in meam commemorationem.
Dial. cum A c Iustinus Martyr: Similæ oblatio, (sic enim rectiùs vertit
Trypho. Gelenius cum Lango, quàm vaccam Perionius, quorū hic Græcè
ne. legit, δάμαλις: ille castigatiùs, σεμίδαλις) quæ pro mūdatis à lepra,
Leuit. 14. solet

folet offerri ex more, typus erat panis Eucharistiæ, quem in memoriam passionis suæ, purgantis ab omni peccato hominum animas, Iesus Christus Dominus noster facere præcepit.

ORIGENES quoque, & (si modò etiam eius sint illi in Leuiticũ commentarij) Cyrillus Alexandrinus: Si reuertantur hæc loquitur de oblatione similæ ad panes propositionis) ad mysterij magnitudinem, inuenies commemorationem istã habere ingentis repropitiationis effectum. Si redeas enim ad illum panem, qui de cælo descendit, & dat vitam mundo: illum panem propositionis, quem proposuit DEVS propitiatorẽ per fidem in sanguine ipsius: et si respicias illam commemorationem, de qua dicit Dominus, Hoc facite in meam commemorationem, inuenies quòd ista est commemoratio sola, quæ propitiũ facit hominibus Deum. Si ergò intentius Ecclesiastica mysteria recorderis, in ijs quæ lex scribit, futuræ veritatis inuenies imaginem præformatam.

Orig. hõ:
13. in Le
uit. c. 24.

EODEM pertinet illud Tertull. Qui ei (nempe DEO) offero optimam & maiorem hostiam, quam ipse mandauit.

Tertul. in
Apol.

CONSENTIT D. Cyprianus verbis illis suprã citatis: Nam si Iesus Christus DOMINVS & DEVS noster ipse est summus sacerdos DEI patris, & sacrificium DEO patri ipse primus obtulit, & hoc fieri in sui commemorationem præcepit: utique ille sacerdos vice Christi fungitur, qui hoc quod fecit CHRISTVS, imitatur. Et, sacrificium verum & plenum tunc offert in Ecclesia DEO patri, si sic incipiat offerre, secundum quod ipsum Christum videat obtulisse.

Cyprian.
Epist. 63.
ad Cæcil.

DIVVS Chrysost. etiam: Quid ergò nos? Nõne per singulos dies offerimus? Offerimus quidem, sed ad recordationem facientes mortis eius. Et vna est hæc hostia, non multæ. Quomodò vna est, & non multæ? Quia semel oblata est, oblata est in sancta sanctorum: hoc aut sacrificium, exemplar est illius, id ipsum semper offerimus: nec nunc quidem alium agnum, crastina alium, sed semper eundẽ

Chrysost.
hom. 17.
in Epist.
ad Hebr.

D 2 ipsum.

ipsum. Proinde vnum est hoc sacrificium hac ratione. Alioquin quoniam in multis locis offertur, multi Christi sunt? Nequaquam, sed vnus vbique est Christus, & hic plenus existens, & illic plenus, vnum corpus. sicut enim qui vbique offertur, vnum corpus est, & non multa corpora: ita etiam & vnum sacrificium. Pontifex autem noster ille est, qui hostiam mundantem nos, obtulit. Ipsam offerimus: & nunc, quæ tunc oblata quidem, consumi non potest. Hoc autem quod facimus, in commemorationem quidem fit eius, quod factum est. Hoc enim facite (inquit) in meam commemorationem. Non aliud sacrificium, sicut Pontifex, sed id ipsum semper facimus, magis autem recordationem sacrificij operamur.

Ambr. in
epist. ad
Hebr. c.
10.

DIVVS quoq; Ambrosius: In Christo semel oblata est hostia, potens ad salutem sempiternam. Quid ergo nos? &c. iisdem planè verbis, quibus Chrysostomus: vnde patet, (vt obiter id hic admoneam) commentaria illa Ambrosio adscripta, vix aliud esse, quàm ex D. Chrysostomo collectanea: qualia sunt & Theophylacti, apud quem eadem quoque verba reperire est.

Theoph.
in 10. c. ad
Hebr.
Theod. in
c. 8. Epist.
ad Hebr.

THEODORETVS verò: Si (inquit) sacerdos qui est ex lege, finem accepit, & sacerdos qui est secundum ordinem Melchisedech, obtulit sacrificium, & effecit vt alia sacrificia non essent necessaria: cur sacerdotes noui Testamenti mysticam liturgiam peragunt, seu sacrificium? Sed clarum est ijs qui sunt in rebus diuinis eruditi, nos non aliud sacrificium offerre, sed illius vnus & salutaris memoriam agere: Hoc enim nobis ipse præcepit, dicens: Hoc facite in meam commemorationem.

Ansel. in
1. Co. c. 11.

DIVVS denique Anselmus omnium apertissimè: Vos (inquit) sacerdotes facite, id est, ex pane corpus meum per verba mystica consecrate, in memoriam passionis meæ, vt recogitetis eam, dum istud sacrificium obtuleritis.

CHRI

CHRISTVS PROINDE HVIUS SA-
CRIFICII AVTHOR EXTITIT.

Apostoli Canonem statuentes, quid offerri debeat in hoc sacrificio: Si quis (inquiunt) Episcopus aut presbyter, præter ordinationem Domini, alia quædam in sacrificio offerat super altare, id est, aut mel, aut lac, aut pro vino siceram, aut confecta quædam, aut volatilia, aut animalia aliqua, aut legumina contra constitutionem faciens, congruo tempore deponatur. Apost. can. 3.

CLEMENTE quoque Romano teste, Christus pro sacrificio cruento, rationale & incruentum ac mysticum sacrificium instituit, quod in mortem Domini per symbola corporis & sanguinis sui celebratur. Clem. Rō. cōst. Apost. li. 6. ca. 23.

DIONYSIVS verò Areopagita: Sanctissima (ait) panis ac calicis communio facit, ut diuinam illam cœnam, & quæ primum singulum fuit eorum quæ perficiuntur, sacra memoria recolant, in qua etiam ipse signorum effector & author iure optimo priuat sorte eum, qui non sanctè neque concordī animo Sacramenta secum sumpserat. Dion. Areop. Eccl. hier. cap. 3.

ET D. Alexander Papa eius nominis primus: Ipsa verò veritas nos instruit calicem & panem in sacramento offerre, quando ait: Accipit Iesus panem &c. Alex. 1. Epist. 1. cap. 4.

D. Irenæus quoque: Sed & suis discipulis dans consilium, primitias Deo offerre ex suis creaturis, nō quasi indigenti, sed ut ipsi nec infructuosi, nec ingrati sint, eum qui ex creatura panis est, accipit, & gratias egit, dicens: Hoc est meum corpus. Et calicem similiter, qui est ex ea creatura, quæ est secundum nos, suum sanguinem confessus est, & noui testamenti nouam docuit oblationem, quam Ecclesia ab Apostolis accipiens, in vniuerso mundo offert Deo, ei qui alimenta nobis præstat, primitias suorum munerum in nouo testamento. Iren. li. 4. aduers. hæ. c. 32.

D 3 D.item

Cyp. epi.
63. ad Cē
cil.

D. item Cyprianus: Iesus Christus Dominus & Deus noster, sacrificij huius author & doctor. Et postea: Si in sacrificio quod Christus obtulit, non nisi Christus sequendus est: utique id nos obaudire & facere oportet, quod fecit Christus, & quod faciendum esse mandauit.

Euseb. de
monst.
Euāg. l. 1.
sub finē.

Et Eusebius Cæsareen. Igitur & sacrificamus & incēdimus, aliās quidē memoriam magni illius sacrificij, secūdum ea, q̄ ab ipso Christo tradita sunt mysteria, celebrātes, & gratias Deo pro salute nostra agentes, religiososq; hymnos & orationes sanctas illi offerentes.

Eusebius
Emis. hō.
5. de Pa-
scha.

Ac Eusebius Emisenus seu potius Lugdunēsis, (constat enim, homilias quę Emiseno adscribuntur, Galli cuiusdam esse authoris) in hęc verba: Ideò quia corpus assumptum ablaturus erat ex oculis nostris, & sideribus illaturus Christus, necessarium erat, ut nobis in hac die sacramentum corporis & sanguinis sui consecraret, ut coleretur iugiter per mysteriū, quod semel offerebatur in precium: ut quia quotidiana & indefessa currebat pro hominū salute redēptio, perpetua esset etiam redemptionis oblatio, & perennis illa victima viueret in memoria, & semper præsens esset in gratia.

Basil. in
Liturg.

D. aut Basilii: Propter tuā (inquit, Christum alloquens) ineffabilem & immēsam benignitatem, citra vllam mutationē & cōuersionē homo factus es, & Pontifex noster appellatus es, & huius Liturgici ac incruenti sacrificij consecrationē siue *ἱεραργίας* nobis tradidisti.

Chrys. in
Liturg.

C v i similia ad verbum penē reperire est in Liturgia D. Chrysostomi, qui alibi quoquē id ipsum repetit.

Idem hō.
de prodit.
Iudæ.

DISCIPULI (inquit) interrogāt, & dicūt: Vbi vis paremus tibi comedere Pascha? Nō illud quod nostrū est, sed interīm Iudæorū: & illud quidē discipuli pparabāt, hoc aut quod nostrū est, ipse instituit, & nō solum constituit, sed & ipse factus est Pascha.

Et paulopost: Pascha Iudaicum fuit aliquādō, sed exēptū & euacuatū est Paschę spiritalis aduentu, quod Christus tradidit. Nā cū man-

manducarēt (inquit) & biberēt, accepit panē & fregit, & dixit: Hoc est corpus meū, quod p vobis tradetur. Agnoscūt quid loquor, qui sunt diuinis consecrati mysterijs.

HESYCHIVS quoq;: Non oportet nos habētes in manib⁹, & cōsummātes verum mysteriū, sequi figuras: quia Christus primū celebravit figuratū Pascha, post hoc autē p priam tradidit cēnam, ex qua nobis est oblatio ac sacrificium intelligibilis agni, quē immolamus & offerimus secundū Dñi traditionem. Hesych. l. 6. in Leuit. ca. 22

D. item Ambrosius: Ergo (inquit) author sacramētorum quis est, nisi Dñs Iesus? Et postea: Quomodò potest qui panis est, corp⁹ esse Christi? Cōsecratione. Consecratio igitur quibus verbis est, & cuius sermonibus? Domini Iesu. Ambr. li. 4. de sacram. c. 4.

ET D. Augustinus: Corā regno ergo patris sui mutavit Christus vultū suū, & dimisit eum, & abiit: quia erat ibi sacrificiū secundū ordinem Aaron, & postea ipse de corpore & sanguine suo instituit sacrificiū secundū ordinem Melchisedech. Ac paulopost: Et ferebatur in manibus suis. Quomodò ferebatur in manibus suis? Quia quum comederet ipsum corpus suum & sanguinē suum, accepit in manus suas, quod nōrūt fideles: & ipse se portabat quodam modò, quum diceret: Hoc est corpus meum. August. cōc. 2. in Psal. 33.

OE CVMENIVS deniq;: Neq; em̄ (inquit) de ea q̄ semel à Deo facta est oblatio & hostia, dixisset, In æternum: sed respicit ad præsentes sacrificos, per quos medios sacrificat & sacrificatur: qui etiam in mystica cēna modum illis tradidit huiusmodi sacrificij. Oecum. in 5. cap. epist. ad Hebr.

Pluribus alijs testimonijs recēsendis superfedeo, nē sim plixior.

IN DICTO SACRIFICIO VINVM AQVA

MIXTVM OBTVLISSE CHRISTVS TRADITVR.

DIVVS Iacobus Apostolus frater Dñi: Similiter (inquit) postquam cēnauit, accipiens calicem, & permiscēs ex aqua & vino, & adspiciens in celū, ac ostendēs tibi Deo & patri gratias agens, sanctificans, benedicens, implens spiritu sancto &c. Iac. Apo. in Liturg.

NEC

Clem. Rō. cōft. Nec diffimiliter D. Clemens Romanus: Similiter (inquit) & Apoft. li. calicem mifcens ex vino & aqua, & fanctificans, tradidit eis, dicens: 8. cap. 17. Bibite ex eo omnes. &c.

D. Cyprianus verò, tractans illa verba Salomonis: Venite, edite
Cyp. epi. de meis panibus, & bibite vinum quod miscui vobis: Vinum (in-
63. ad Cc. quit) mixtum declarat, id est, calicem Domini aqua & vino mi-
Prou. 9. xtum prophetica voce prænunciat, vt appareat in passione Domi-
nica id esse gestum, quod fuerat antè prædictum. Et postea: Do-
minus (inquit) adueniens, baptismi & calicis manifestauit verita-
tem, qui aquam illam fidelem, aquam vitæ æternæ, præceperit cre-
dentibus in baptismo dari: calicem verò docuerit, exemplo magi-
sterij sui, vini & aquæ cōiunctione misceri: calicem etenim sub die
Matt. 26. passionis accipiens, benedixit, & dedit discipulis suis, dicens: Bibite
ex hoc omnes: Hic est enim sanguis noui testamenti, qñi pro mul-
tis effundetur in remissionem peccatorum. Dico vobis, non bibam
amodò ex ista creatura vitis, vsque in diem illum, quo vobiscum
bibam nouum vinum in regno patris mei. Qua in parte inuenimus
calicem mixtum fuisse, quem Dominus obtulit: & vinum fuisse,
quod sanguinem suum dixit.

Basil. in
Liturgia. D. Item Basilius: Similiter (ait) & calicem de genimine vitis acci-
piens, miscens, gratias agens, benedicens, sanctificans, &c.

Conc. Carth. 3.
cap. 14.

CONSENTIT his etiam Concilium Carthag. 3. Vt in sacra-
mēto corporis & sanguinis Domini nihil ampliùs offeratur, quàm
ipſe Dominus tradidit, hoc eſt, panis & vinum aqua mixtum. Nec
ampliùs in ſacrificijs offeratur, quàm de vuis & frumentis.

Et Africanum verbis penè iisdem: Vt in sacramentis corporis & sanguinis Domini, nihil aliud offeratur, quàm quod ipse dominus tradidit, hoc est, panis & vinum aqua mixtum.

Theod. dial. 1. D. etiam Theodoretus: In myſteriorum traditione (deus) corpus panem appellauit, & ſanguinem id, quod in calice infuſum & commixtum eſt.

D. quo-

TOMVS PRIMVS.

D. quoquē Damascenus: Similiter (inquit) accipiens calicem ex vino & aqua, tradidit illis, dicens: Bibite ex hoc omnes &c.

EUSEBIVS quoq; Lugdunensis: Hoc itaque Dominici sanguinis vinum aqua esse miscendum, non solum traditione Dominus, sed etiam genere passionis ostendit: ex cuius sacro latere sanguis & aqua lanceæ illisione profluxit, sicut & propheta multò antè præcinit, dicēs: Percussit petra, & fluxerūt aquæ. Et Apostolus: Bibebāt de cōsequēte eos petra. Petra aut̃ erat Christus. Bibebāt (inquit) de cōsequēte eos petra. Vides q̃ qui de Christi biberit gratia, sequitur eum Christi misericordiā. Sed & in Salomone de ipso neo p̃dictum legimus. Sapiētia (inquit) ædificauit sibi domū, id est, corpus hominis adsumpsit, in quo habitauit plenitudo diuinitatis: & subdidit columnas septem, quia illū benedictio Spiritūs sancti gratia septiformi impleuit. Mactauit hostias suas, miscuit in cratera vinum suum, & parauit mēsam suam. Et in sequēti: Venite, & edite de meis panibus, & bibite vinum quod miscui vobis. Admixtum ergo aqua vinum legimus.

ET Diuo Hieronymo adscriptus in Marcum commentarius: Accepit (inquit) Iesus panem &c. Formans sanguinem suum in calicem vino & aqua mixtum, vt alio purgemur à culpis, alio redimamur à pœnis.

EIDEM quoquē adscriptus de quæstionibus Hebraicis, quidam (teste Hrabano) Hebræus author: Et notādum, (inquit) quod vinum quod neo in sacrificium offerebatur, aqua mixtum erat.

HRABANVS deniquē: Nec enim in sacramentis aliud offerri licet, nisi quod Dominus ipse constituit, & suo exemplo nos facere docuit: Quoniam Dominus Iesus in qua nocte tradebatur, accepit panem &cæt. Ergo panem infermentatum, & vinum aqua mixtum, in sacramentum corporis & sanguinis Christi sanctificari oportet.

E SA-

33.

Damas. 1.
4. de orth.
fid. ca. 14.

Eusebius
Lugd. hō.
s. de Pa
scha.

Psal. 77.
1. Cor. 10.

Prou. 9.

Hier. in
Mar. c. 14.

Idem qu.
Hebr. sup
Paralip.

Hraban.
de instit.
cler. lib.
1. cap. 31.

SACRIFICII RITVS

APOSTOLIS VSITATVS.

APOSTOLI IN DIE PENTECOSTES

DOMINICAM COENAM CELEBRARVNT.

HESYCHIVS in Leuiticū quāplixissimè hoc deducit in hęc
 Hefych. l. verba: Quæcunq; legislator nunc in figura exponit, clariora,
 4. in Le. additamēto eorū quæ per partes sancit, & planiora fiunt. Diem em̃
 uit. cap. 9. octauum Pentecostē appellat: quia Pentecostes dies incidit in hac
 qua saluator resurrexit, quæ esse octaua creditur. Oportebat em̃, vt
 in qua die surrexit Christus, in eadem & spiritus adueniret. Tunc
 quippe prius conuocatum est Ecclesiæ spectaculum, in qua intelli-
 gibilis Aaron, id est, Christus, sacerdos esse creditur. Filij aut̃ eius,
 qui sublimis sunt conuersationis, & ideò sacerdotij ministri & co-
 operatori sunt. Maiorum natu autem Israel, presbyterorum ordo
 est: ex his quippe corpus Ecclesię componitur. Sed Aarō quidē ac-
 cepit ibi vitulū pro peccato, & arietem in holocaustū, vtrunq; im-
 maculatum, & obtulit coram Domino. Tunc em̃ Christus sacri-
 ficium, suum innotescere cœpit, ex quo Spiritus adueniēs, Parthos
 Innotescere, pro nos & Medos & Elamitas, & oīm gentium primitias, ad Apostolorum
 eū facere. cœnaculi superiora collegit.

A c paulò pòst: Quid autem his nunc subdit? Quia hodiè Do-
 minus apparebit vobis. Hoc conclusio & probatio est, quia de Pen-
 tecoste prædicta oīa dicebantur: in ea enim eis apparuit Dñs, spiri-
 tus videlicet, de quo Paulus dicebat: Dñs autem spiritus est.

E t postea: Ait Moyses: Iste est sermo quem p̃cepit Dominus:
 facite, & apparebit vobis gloria eius. Gloriam esse Domini spiritū
 manifestè ostendit, quod Paulus ad Corinthios scripsit: Nos om̃es
 2. Cor. 3. reuelata facie gloriam Domini speculantes, in eandem imaginem
 trāsformamur de gloria in gloriam, sicut à Domini spiritu. Vt er-
 gò gloria Domini videretur, id est, vt adueutus celebraretur spi-
 ritus,

ritus, Iste est sermo, inquit, quem præcepit Dominus: Facite, videlicet mysticus, de quo præceperat Dominus: Hoc facite in meam commemorationem. Sermonem autem legislator ex consuetudine illud vocat, quia plus sermone subsistit huius dispensatio mysterij, maximè Dominico verbo ea, quæ apparent, in aliud aliquid maius & intelligibile transferente. Vnde quum manna imaginem panis vitæ, qui descendit de cælo, præsentaret: Hic est panis (ait) quem dedit vobis Dominus ad comedendum, hic est sermo quem constituit Dominus. Quid ergo ex his quæ dicta sunt, legislator significat: nisi quia sine dubio agentibus eis sanctum mysterium, & Dominicam cœnam celebrantibus, aduenit spiritus? Quod etsi non planius expositum habemus, multa quippe studio breuitatis scriptura diuina prætermisit, quæ fas est ex alijs colligere. Erat enim dies, qui appellatur Dominicus, in quo oportebat modis omnibus agere Apostolos mystica sacra. Nam & nos illorum sequentes traditionem, Dominicam diem diuinis conuentibus sequestramus.

Ac rursùm: Illud aut nunc necessariò addimus, sancti spiritus in Pentecosten, puenisse descensionem, quum in vnum congregati essent Apostoli, omniaque secundum legem Ecclesiæ agerent, significare cõsiderauit legislator, rectè præcedere sacerdotis sacrificia, ac deinde subinferri populi præcepit. Oportet enim Ecclesiæ doctrinam, à sacrificio vnigeniti inchoare, vt introducatur docetes, quid nobis passio Dominica, præfecerit, aut cõtulerit: atque ita subinferatur sermo pœnitentiæ, quem oēs utique, vt homines, necessarium habemus.

Ac paulò inferiùs: Hæc sine dubio diebus Pentecostes maximè agebant discipuli Dñi, propter quod in vnum tunc collecti erant, quod manifestat Lucas, dicēs: Et dum compleretur dies Pentecostes, erant oēs simul vnanimiter. Quid aut erant collecti agere, nisi ea modis omnibus, quæ dicta sunt? Nam etsi palam non prædicabant, & propterea intus erant, in superioribus sedentes, necdum verba diffaminantes siue palam loquētes, quia de ostio tabernaculi testimonij

E 2 non

non erāt iussi egredi, vsquedū de excelso induerētur spiritūs vir-
tute: veruntamē in semetipsis quia hęc agebant, manifestum est: &
quæcunq; decent Ecclesiam, meditari nō cessabant, vt ipsum vide-
licet in semetipsis haberēt Christū, qui est caput Ecclesiæ. Vndē &
Matthiam ad Apostolatū, cū cōcionatus fuisset Petrus, & pro-
posuisset diuinę scripturę expositionem atque testimonia, sorte se-
parauerunt. Siue autem concionari, id est, populum exhortari, siue
pphetas interpretari, & clericos sociare, ecclesiasticę dispensationis &
ordinis fuit: Ergō manifestum est, quia quemadmodū in Eccle-
siis, collecti in illis diebus erant.

Strabus
in Glos.
Ord. ad
cap. 9. in
Leuit.

REPETUNTVR autem hęc ipsa verba Hesychij à Strabo in
Glossa Ordinaria.

QVO testimonio magnoperē confirmatur eorum sententia, qui
Missæ vocabulum, per Latinos ab Hebræa voce מִסָּח MISSAH
mutuatū adserūt. Reperitur em̄ ea vox, vbi sacrificiū in die Pente-
costes offerendum prescribitur: vt Missæ, per Apostolos hoc die ce-
lebratæ, figuram fuisse sit verisimile.

Deut. 16.

SEPTEM (inquit Moses) hebdomadas numerabis tibi, ab ea die
qua falcem in segetem miseris: & celebrabis diem festū hebdoma-
darū Dño Deo tuo, MISSAH siue oblationē spontaneam manūs
tuę, quā offeres iuxta benedictionē Dñi Dei tui, & epulaberis corā
dño deo tuo, tu, & filius tuus, & filia tua, & seru⁹ tuus, & ancilla tua,
& Leuites, qui est intrā portas tuas, & aduena, & pupillus, & vidua,
qui morātur vobiscū, in loco quē elegerit dñs deus tuus, vt habitet
nomen eius ibi: & recordaberis quoniam seruus fueris in Aegypto,
custodiesq; ac facies, quæ tibi præcepta sunt.

Leuit. 23.

QVONIAM ipsum alijs verbis alibi repetitur: Numerabis ab altero
die Sabbati &c. Vbi sacrificiū nouum dicitur, quod ibi MISSAH
seu oblatio spontanea: & cōsentit interpreti, tum vox Hebræa מִסָּח,
tum quod Græcè legitur, θυσία νέαν.

Hesych. l.
6. in Leuit.
cap. 23.

PROFECTO idē Hesychius de sacrificio Euāgelico locū hūc inter-
pre-

pretatur: Manifestat autē (inquit) oblatio ipsa speciem hostiæ quā præcepit fieri: Et sic, inquit, offeretis sacrificium nouum Domino &c. Nouum sacrificium dicens, legis sacrificia, vt vetera, exclusit: Euangelicum autem pro illis introduxit. Deindē addens, De habitationibus vestris, Ecclesiam significauit. Et similiter explicat locū illum Deuteronomij Hrabanus hisipfis verbis ab Hesychio mutatis.

Hrab. in
c. 16. Deu.
teron.

EODEM respicere videtur his verbis Ven. Beda Presbyter: Spiritus sanctus ibi manifestissimē diem Dominicum suo consecrauit aduentu. Quo etiam temporis articulo verum Pascha die Dominico monstrauit esse celebrandum.

Beda in c.
2. Act.
Apost.

APOSTOLIS ETIAM IN VSV FVERE

FREQUENS FRACTIO PANIS

ET προσευχαί.

ERANT autem (inquit D. Lucas) perseverantes in doctrina Apostolorum, & communicatione fractionis panis & orationibus. Quod significantius Græcè exprimitur, καὶ τῇ κοινωνίᾳ, καὶ τῇ κλήσει τοῦ ἁγίου, καὶ ταῖς προσευχαῖς, hoc est: & illa communicatione, & illa fractione illius panis, & illis orationibus. Habent enim suam emphasim articuli illi: τῇ, τῇ, καὶ ταῖς, & προσευχὰς interpretatur loco infrā citato D. August. iuxta quod ea voce utitur etiam Apostolus Paulus 1. Timoth. 2. Orationes illas, quæ sacificationem & distributionem Eucharistiæ continent.

August.
Epist. 59.
ad Pauli
num.

CERTE (inquit Ionas Aurelianensis) vt ad Apostolos veniamus, nouimus eos, quandiū Hierosolymiticū templum stetit, crebro illuc orandi gratia conuenisse: vnde & in Actibus Apostolorum leguntur omni die in templo & circa domos docuisse, & in panis fractione mysteria corporis Domini celebrasse, & populis sumenda tradidisse.

Ionas Au-
rel. l. 3. de
cultu ima-
ginum.
Act. 2.

ANTE illum quoque D. Chrysost. loco infrā citato.

Chrysost.
hō. 27. in
1. ad Cor

Vualaf.
Strabus de
eccl. offic.
c. 20.

Act. 2.

Serm. de
insti. ven.
sacram.
Act. 1.

Humbert.
Abb. con.
Nicetam.

Act. 2.

VVALAFRIDVS etiam Strabus: Videtur ratione plenissimū, vt per singulos dies sacris occupemur officijs: & quantū mentis vel corporis grauiore maculæ non obsistunt, panem & sanguinem Dominicū, quibus sine viuere non possumus, iugiter ambiamus, & desiderio illius tuitionis potiùs, quàm præsumptione nostræ puritatis, sumamus: imitantes primitiæ Ecclesiæ studium salutare, de quo in Actibus Apostolorum ita scriptum est: Erāt autem perseverantes in doctrina Apostolorum, & communicatione fractionis panis, & orationibus. Et infra: Quotidiè quoque perdurantes vnanimiter in templo, & frangentes circa domos panem, sumebāt cibum cum exultatione, & simplicitate cordis, laudantes Deū. Nota quòd dicit, prius eos fregisse panem, & deindè sumpsisse cibum.

VRBANVS etiam Papa quartus: Nam & eodem tempore (inquit) cœpit sacramentum à fidelibus frequentari. Legitur enim in actibus Apostolorum, quòd erant perseverantes in doctrina Apostolorum, & communicatione fractionis panis, & orationibus statim post sancti spiritus missionem.

HVMBERTVS quoque Abbas Sylæ candidæ: Deindè (inquit) quotidiè, siue tertia hora, siue nona, siue quacunque hora fiat à nobis Missa, non fit nisi perfecta. nec reseruatur ex oblatione eius pars aliqua, vt per dies quinq; agatur indè Missa imperfecta. Quia nec sancti Apostoli leguntur quicquā ex illo primo corporis & sanguinis Christi mysterio, sub ipsa cœna distributo, reseruasse: Nec actus eorum indicant, eos aliquandò tale quid egisse aut præcepisse.

Quinimò, sicut Lucas narrat, erant fideles perseverantes in doctrina Apostolorū, & cōmunicatione fractionis panis. Quæ cōmunicatio qualiter & quibus diebus fieret, post pauca demonstrat, dicēs: Quotidiè p̄seuerātes vnanimiter in tēplo, & frangētes circa domos panē, sumebāt &c. Ecce, verax Euāgelista testatur, sub Apostolis fideles quotidiè orasse, & panē fregisse: & vos q̄ estis, qui dicitis duob; tantum diebus hebdomadis Missā perfectā fieri debere, reliquis verò quinq; imperfectam?

P E.

TOMVS PRIMVS.

39

PETRVS etiam Trecensis: Et in communicatione (inquit) fractionis panis & Eucharistiæ: quia in primitiua Ecclesia crebrò conueniebant ad percipiendam Eucharistiam.

Petr. Trecensis in hist. scholast.

QV ALF quid habet etiam Nicolaus Lyranus: Et cōmunicatio ne fractionis panis, tum quia (inquit) quotidie cōmunicabant, tum quia communes cibos, sicut & cætera communia, habebant.

Nicol. Lyr. in Act. c. 2.

APOSTOLORVM λειτουργία IN χειροτονία PAV-
LI ET BARNABAE.

MINISTRANTIBVS (pro quo Græcè est, λειτουργοί. Act. 13. τῶν: siue administratibus, vt legit interpret Cyrilli Alex. lib. The 12.) illis Domino, & ieiunantibus, dixit illis Spiritus sanctus: Segregate mihi Paulum & Barnabam in opus, ad quod assumpsi illos. Tunc ieiunantes & orantes, (Græcè προσευξάμενοι) imponentesq; eis manus, dimiserunt illos, ἀπέλυσαν.

QV EM locum de Christiana Liturgia, quam Missam dicimus, intelligi: tum Græcorum traditio, qui peculiariter λειτουργίαν in ea significatione vsurpant: tum stylus D. Lucae videtur conuincere, qui eadē voce vtitur, de Zacharia sacerdote dicens: Vt impleti sunt dies officij eius, quod in sacrificio offerendo consistebat.

Luc. 1.

CERTE apud Simeonem Metaphrasten hic locus ita translatus est: Vbi Domino sacrum obeuntes ministerium, à spiritu sancto segregantur.

Sim. Metaph. in vit. Apostol. Petri & Pauli.

APOSTOLORVM σύναξις AD FRANGENDVM PANEM IN DIE DOMINICO.

VNA autem sabbati (inquit idem D. Lucas) quum conuenissemus ad frangendum panem, Paulus disputabat cum eis. Vbi Græcè est, συνηγμένων ἡμῶν τῶν μαθητῶν, id est, conuenientibus nobiscum discipulis.

Act. 20.

HVC quoque locū de sacrificio corporis & sanguinis Dñi intelligi,

Tert. de
fug. in
perseq.
telligi, in primis verisimile facit vox συνῆλθον, eò quòd συναγῆν, in Tripartita historia verterit Epiphanius Scholasticus, Missas facere, collectas agere, solennia celebrare: quod etià vnica voce Tertullianus colligere nuncupat. Et mentio fractionis panis, ac primæ sabbati, quam diem Dominicam intelligi in confesso est: in qua collectas fieri solere, ex Tertulliano & D. Iustino martyre manifestum est.

INTERPRETANTVR deniquè ità hunc locum D. August. Ven. Beda, & Vualafrius Strabus.

August.
Epist. 88.
ad Casul.

Act. 10.

Nec illum moueat (inquit D. August.) quòd Priscillianistæ Manichæorum similimi, ad ieiunandum die Dominico solent testimonium de Apostolorum Actibus adhibere, cùm esset Apostolus Paulus in Troade. Sic enim scriptum est: In vna autem sabbati congregatis nobis frangere panem, Paulus disputabat cum illis, exiturus alia die, produxitq; sermonem vsq; ad mediũ noctis. Deindè quum descendisset de cœnaculo, vbì congregati erant ad resuscitandum adolefcentem, qui grauatus sòmno in fenestra, ceciderat, & mortuus ferebatur, de ipso Apostolo scriptura sic loquitur: Ascendens autem (inquit) cùm fregisset panem, atq; gustasset, fatisq; esset alloquutus vsque ad diluculum, sic profectus est: absit vt hoc sic accipiatur, tanquàm solerent Apostoli Dominico die solenniter ieiunare, quia vna Sabbati tunc appellabatur dies, qui nunc dominicus appellatur: quod in Euāgelijis apertius inuenitur. Nam dies resurrectionis Domini, prima sabbati à Matthæo: à cæteris autem tribus, vna Sabbati dicitur: quem constat eum esse, qui Dominicus postea appellatus est. Aut ergò post peractũ diem sabbati, noctis initio fuerant congregati, quæ vtiquè nox iam ad diem dominicum, hoc est, ad vnam sabbati pertinebat: & ità eadem nocte fracturus panem, sicut frangitur in sacramento corporis Christi, produxit sermonem vsque ad medium noctis, vt post sacramenta celebrata, rursus vsque ad diluculũ alloquens congregatos, quoniam

niam multum festinabat, luceſcēte proficiſceretur Dominico die. Aut certē ſi in vna ſabbati nō per noctem, ſed per diē hora Domini fuerant congregati, eo ipſo quod dictum eſt, Paulus diſputabat cū illis, exiturus alia die: expreſſa eſt cauſa producēdi ſermonis, quia fuerat exiturus, & eos ſufficienter inſtruere cupiebat. Non ergo ſolenniter die Dominico ieiunabant.

BEDA verò: In vna autem ſabbati cū conueniſſemus ad frā- ^{Beda com.}
gendum panem &c. id eſt, inquit, die Dominico, qui eſt primus à ^{c. 20. Aſt.}
ſabbato, cū ad myſteria celebranda congregati eſſemus.

VVALAFRIDVS autem Strabus: Quod nunc (ait) agimus ^{Vualaf.}
multiplici orationum, lectionum, cantilenarum, & conſecrationū ^{Strab. de}
officio, totū hoc Apoſtoli, & poſt ipſos proximi, (vt creditur) ora- ^{reb. Eccl.}
tionibus & commemoratione paſſionis Dominicæ, ſicut ipſe præ- ^{cap. 22.}
cepit, agebant ſimpliciter. Vndè circa domos, ſecundū ſuperiùs
commemorata teſtimonia, frangebant panem. Quod etiam alia
ſentētia Lucas declarat, dicens: Vna autem ſabbati, cū conueniſ- ^{Cap. 20.}
ſemus ad frangendum panem, & reliqua. Et ratio Maiorum eſt,
itā primis temporibus Miſſas fieri ſolitas, ſicut modò in Paraſceue
Paſchæ communicationem facere ſolemus, id eſt, præmiſſa oratio-
ne Dominica, & ſicut ipſe Dominus noſter præcepit, commemo-
ratione paſſionis eius adhibita, eos corpori Dominico communi-
cāſſe & ſanguini, quos ratio permittebat.

ORDO ET RITVS OBSERVATVS

AB APOSTOLIS.

VT prudētibus loquor, (inquit Apoſtolus Paulus) voſipſi iu- ^{1. Cor. 10.}
dicate quod dico. Calix (ille ^{το ποτήριον} ^{τῆς} ^{ευλογίας} ſiue) benedictionis, cui
benedicimus, nōne [^{κοινωνία} ſiue] communicatio ſanguinis Chri- ^{ευλογίας}
ſti eſt? & panis [ille] quem frangimus, nōne participatio corpo- ^{τὸν ἄρτον}
ris Domini eſt? Quoniam vnus panis, vnum corpus multi ſumus, ^{ὃν κλάμεν}
* omnes qui de vno pane, & (quod Latine duntaxat, non Græcè * nam oēs
F legitur) de vno.

legitur) de vno calice participamus. Videte Israel secundum carnē. Nōne qui edunt hostias, participes sunt altaris? Quid ergō? Dico quōd idolis immolatum, sit aliquid, aut quōd idolum, sit aliquid? Sed quæ immolant gentes, dæmonijs immolant, & non Deo. Nolo autem vōs sōcios fieri dæmoniorum. Non potestis calicem Domini bibere & calicem dæmoniorum, Non potestis mensā Domini participes esse & mensā dæmoniorum.

Hilar. in
Psal. 68.

Esse enim (inquit D. Hilarius, ad illud Psalmi: Fiat mensa eorum &c.) mensam sacrificiorum, vt de lege, quæ in se futuri est speciem complexa, taceamus, Apostolus testatus est, dicens: Non potestis mensā Domini participes esse, & mensā dæmoniorum.

Chrysoft.
hom. 24.
in 1. epist.
ad Cor.

Et latius D. Chrysoctomus: Quid dicis beate Paule? Cū vis auditorem confundere, & horrendorum mysteriorum meminisse, calicem benedictionis appellas, calicem illum formidolosum & horroris plenum? Sanè quidem. Non enim paruum est quod dicitur. Siquidem cū benedictionem dico, Eucharistiam dico: & dicendo Eucharistiam, oēm benignitatis Dei thesaurum aperio, & magna illa munera commemoro: etenim cum calice inenarrabilia Dei beneficia, & quæcunque consecuti sumus, addimus: itā ad eum accedimus, cum eo communicamus, gratias agentes, quōd humanū genus errore liberauit: quōd cū spem nullam haberemus, & impij in hoc mundo essemus, fratres & consortes suos ascriptis: his, & cæteris huiusmodi gratiarum actionibus, accedimus.

Ac paulopost: Quod est in calice, id est quod à latere fluxit, & illius sumus participes. Itaq; si sanguinem cupis, inquit, noli idolorum aram brutorum animalium cæde, sed meum altare meo sanguine aspergere. Hic autem multo admirabilius & magnificentius sacrificium præparauit, & cū sacrificium ipsum commutaret, & pro brutorum cæde seipsum offerendum præciperet.

Ac postea: Tu autem considera, quo pacto de Iudæis nō dixit, quōd Deo participant: sed, quōd participes sunt altaris: etenim templum

templum conflagrauit. In corpore autem Christi non ità, sed aliter. Quo modo? Communicatio Christi est: (inquit) non altaris, sed Christi participes facti sumus.

DIVVS verò Augustinus: Ostendit (Apostolus) ad quod sacrificium iam debeant pertinere, dicens: Quasi prudentibus dico, iudicate vos quod dico. Calix benedictionis quem benedicimus, nōne communicatio est sanguinis CHRISTI? Panis quem frangimus, nōne participatio est sanguinis Domini? Quia vnus panis & vnum corpus multi sumus. omnes enim de vno pane participamus. Et propter hoc subiunxit: Videte Israel secundum carnem. Nōne qui de sacrificijs manducant, socij sunt altaris? vt intelligerēt, ità se iam socios esse corporis Christi, quemadmodum illi socij sunt altaris.

ET paulo antè: Ait enim Apostolus: Sed quia quæ immolāt gentes, dæmonijs, & non Deo, immolant. Ille autē dixit: Sed qui sacrificant, dæmonijs sacrificant: quasi omnes qui sacrificāt, nō sacrificent nisi dæmonibus. Non enim ait Apostolus, Qui sacrificant: sed, Quæ sacrificant: vel, sicut à me positum est, Quæ immolant.

ET alibi: Huius corporis vnitas nostro sacrificio commendatur. Quod breuiter significauit Apostolus, dicens: Vnus panis, vnū corpus multi sumus. Per caput nostrum reconciliamur Deo, quia in illo est diuinitas vnigeniti, facta particeps mortalitatis nostræ, vt & nos participes eius immortalitatis essemus. Hoc sacramentum longè est à cordibus sapientium superborum, & ideò nō Christianorum, ac per hoc nec verè sapiētium. Illorū etiam dico sapientiū, qui cognouerunt Deum: quia cognoscētes Deum, sicut dicit Apostolus, non sicut Deum glorificauerunt, aut gratias egerunt. Nōsti autē in quo sacrificio dicatur, Gratias agamus Dño Deo nostro. A cuius sacrificij humilitate longè abest typhus & cothurnus illorū.

CONTRA Faustū deniquè: Cur autem arbitretur, parem nobis esse religionem circa panem & calicem, nescio: cū Manichæis

F 2

vinum

August.
cont. ad
uers. leg.
& Proph.
Cor. 1. c.
19. & 20.

1. Cor. 10.

Idē epist.
57. ad Dar
dan. de
vid. Deo.

Rom. 1.

Idē cont.
Faustum,
lib. 2. c. 13.
& 18.

vinum gustare, non religio, sed sacrilegium sit. In vua enim agnoscunt Deum suum, in cupa nolunt, quasi aliquid eos calcatus & inclusus offenderit. Noster autem panis & calix, non quilibet quasi propter Christum in spicis & in sarmentis ligatum, sicut illi desipiunt, sed certa consecratione mysticus fit nobis, non nascitur.

Ac paulopost: Quomodo ergo comparas panem & calicem nostrum, & parem religionem, dicis erroré, longè à veritate discretum: peius desipiens, quàm nonnulli, qui nos propter panem & calicem, Cererem ac Liberum colere existimant?

Et postea: Proinde verum sacrificium, quod vni vero debetur DEO, quo eius altare solus Christus impleuit, in victimis pecorum imitata dæmonia, sibi arroganter exposcunt. Vnde dicit

1. Cor. 10. Apostolus: Quæ immolant gentes, dæmonijs immolant, & non Deo: non quòd offerebatur culpanis, sed quia illis offerebatur. Hebraei autem in victimis pecorum, quas offerebant DEO, multis & varijs modis, sicut re tanta dignum erat, prophetiam celebrant futuræ victimæ, quam Christus obtulit. Vnde iam Christiani, peracti eiusdem sacrificij memoriam celebrant, sacrosancta oblatione & participatione corporis & sanguinis Christi.

Theod. in
Com.

Theophy.
com. ad c.
10. Epist.
ad Cor. 1.
Oecum. in
com.

Haymo
Alberst. in
com.

THEODORETVS etiam: Qui sacra mysteria percipimus, nonne ipsi Domino communicamus, cuius & corpus & sanguine esse dicimus? quandoquidem omnes vnus panis sumus participes.

ITEM Theophylactus: Calix (inquit) benedictionis, id est, Eucharistiæ.

AT OECUMENIVS: Calicem benedictionis, dicit calicem sanguinis Christi, cui benedicimus: quem manibus tenentes, ei qui suum nobis impartitus est sanguinem, benedicimus, hoc est, gratias agimus. Quem dum benedicimus, offerimus. Nôsti quid loquar.

HAYMO denique: Calix autem benedictionis dicitur, qui benedicatur à sacerdotibus in altari. Appellatur & ipse calix communicatio, quasi participatio: quia omnes communicant ex illo, partemq;

partemque sumunt ex sanguine Domini, quem continet in se. Et panis quem frangimus, primum consecratur & benedicitur à sacerdotibus in spiritu sancto, & deinde frāgitur: quum iam, licet panis videatur, in veritate corpus Christi est. Ex quo pane quicunq; communicant, corpus Christi edunt.

ORDO ET RITVS PRAESCRIPTVS

AB APOSTOLIS.

HOC autem (inquit D. Paulus) præcipio, non laudans, quòd 1. Cor. 11. non in melius, sed in deterius conuenitis. Primum enim conuenientibus vobis in Ecclesiam, audio scissuras esse inter vos, & ex parte credo. Nam oportet & hæreses esse, vt qui probati sunt, manifesti fiant. Conuenientibus ergò vobis in vnum, iam non est Dominicam cœnam manducare. Vnusquisq; enim propriam cœnam præsumit ad manducandum. Et alius quidem esurit, alius autem ebrius est. Nunquid domos non habetis ad manducandum & bibendum? aut ecclesiam Dei contemnitis, & confunditis eos qui nō habent? Quid dicam vobis? Laudo vos? in hoc non laudo: Ego enim accepi à Domino, quod & tradidi vobis &c. vt suprà. Quotiescunquē enim manducabitis panem hunc, & calicem hūc bibetis, mortem Domini annunciabitis donec veniat. Itaque quicunque manducauerit panem hunc, (nam Græcè repetitur τοῦτον) aut biberit (Græcè enim est ἡ, & sic legunt etiam veteres Latini) calicem Domini indignè, reus erit corporis & sanguinis Domini. Probet autē seipsum homo, & sic de pane illo edat, & de calice illo (nam & ibi vocula τῆς, Græcè additur) bibat. Qui enim manducat & bibit indignè, iudicium sibi manducat & bibit, non dijudicans corpus Domini. Ideò inter vos multi infirmi & imbecilles, & dormiunt multi. Quòd si nosmetipsos dijudicaremus, non utiquē iudicaremur. Dum iudicamur autem, à Domino corripimur, vt non cum hoc mundo damnemur. Itaque fratres mei, dum conuenitis ad manducan-

F 3 can-

candum, inuicem expectate. Si quis esurit, domi māducet, vt nō in iudicium cōueniatis. Cætera aut, quum venerō, disponam.

Chrysoft.
in cōm.
hom. 27.^o

SUPER quo loco scribens D. Chrysoft. Necessariū est, inquit, p-
fentis criminis causam prius afferre. Itā enim facilius hunc sermo-
nem discere poterimus. Quānam igitur ea est? Quemadmodum
in tribus millibus, qui principio crediderunt, oēs communiter co-
mederunt & in cōmune oīa possederunt: itā & tunc, cū hāc scri-
psit Apostolus, factū est: sed nō tam certē, tāquā dubitatio quē-
dam illius cōmunicationis permaneret, & in posteros descēderet:
& cū cōtingeret, alios quidem pauperes, alios diuites esse, nō oīa
in cōmune conferebāt. Communes aut faciebant mensas institutis
diebus, vt decebat: & collectione perfecta, post mysteriorū cōmu-
nicationem, ad commune omnes epulum conueniebant, & cibi fe-
rebantur per sumptuosos: Pauperes, & qui nihil habebant, ab illis
vocabantur, & communiter oēs discumbebant. Sed procedente tē-
pore huiusmodi aboleuit cōsuetudo. Ex hac diuisione cōtingit, vt
alij his, alij illis se adiungerēt, & dicerent: Ego quidem illius sum,
ego autem illius.

Ac postea: Nō dixit, cōuenientibus vobis, nō est cōmuniter mā-
ducare, neq; inuicem: sed aliter & lōgē formidolosiū eos his ver-
bis tangit, Nō est Dominicam cœnam māducare: ad illam eos no-
ctem relēgans, in qua admiranda mysteria Christus tradidit.

ET infra: Qua gratia hoc in loco mysteria cōmemorat? Quōni-
am maximē necessarius ī præsenti materia hic sermo erat. Etenim
Dñs tuus eadem oēs mensā dignatus est, quanuis supra oēs admi-
ratione dignissima, & omnium superante dignitatem. Tu aut eos
tua & parua & vili indignos arbitraris, &c.

QVOMODO autem dicit, se à Domino accepisse? Neque enī
tunc aderat, sed Christum persecutus est: vt intelligas nihil am-
plius illam mensam habuisse, quā quæ postea secutæ sunt. Et
enim

enim hodiè ipse est, qui omnia operatur & tradit, quemadmodum tunc.

A c iterum: Intellexistis quòd hanc vltimam dimisit nobis pater, & quo tempore expirabat, hæc præcepit. Sic Paulus & hinc horrendum facere sermonem suum volens: Recordamini, inquit, hoc vltimū nobis mysteriū præbuisse, & ipsa nocte qua erat pro nobis moriturus, hæc præcepit, & post eam traditam nobis cœnam, non ampliùs aliam apposuit. &c.

DEINDÈ de cœna illa referens, præsentia his quæ tunc fuerant, copulat: vt quemadmodum in illa ipsa vespera & mēsa dispositi, ab ipso Christo hoc acceperunt sacrificium, ita & nunc dispo-
neretur, & inquit: Quotiescunq; comederitis panem hūc, & sanguinem hunc biberitis, mortē Dñi annunciabitis donèc veniat. Quē-
admodum Christus em̃ & in pane & in calice in meā commemorationē facite hoc dixit, causam nobis aperiēs, quare mysteriū daret, cum alijs hanc esse dicēs sufficientē nobis ad pietatē. Nam cum intelliges, quid propter te Dñs passus est, sapiētior efficieris. Ita & ipse iterum inquit: Quotiescunq; manducaueritis, mortē eius an-
nunciabitis: & hæc illa cœna est. Deindè ostendēs, quòd vsque ad consummationem maneat, inquit, Donèc veniat. Chrysost.
codē loco.

POSTREMÒ: Considera cum sacras illas cœnas Apostoli accipiebant, quid tum faciebant? Nōne in preces cōuertebātur & hymnos? Nōne in sanctas vigilias? Nōne in longam illam doctrinam, & multæ plenam philosophiæ? Magna enim & admirabilia tunc eis narrabat & adnunciabat Iesus, cum Iudas discederet vocatū, qui eū erāt crucifixuri. Non audisti quomodò tria millia simul
communicantes, semper vehemētiores erāt in orationibus & doctrina, nō in ebrietatibus & comessationibus? Tu aut priùs quàm accipias, ieiunas, vt aliquo modo dignus communicatione videaris: cum aut acceperis, & oporteret in continentia perseverare, omnia perdis. Quamquàm æquū est, ante & post cōmunionē ieiunare: 1. Cor. 11.
Ato. 2.
opor-

oportet enim utroque tempore continentem esse, sed maximè post acceptum spiritum: antè, ut dignus fias accipiendi: postmodum, ut non indignus videaris qui acceperis. Quid igitur? ieiunare oportet post eius acceptionem? Non dico hoc, neque cogo, licet bonum sit: tamen non compello, sed admoneo, nè in delicijs viuas ad saturitatem.

Ibidem
hom. 28.

HOMILIA deniquè sequenti: Quum enim omninò mysteriorum esset memoria, necessariò arbitratus est hanc aggredi materiam. Non enim parua erat, ideò valdè terribiliter de ea locutus est, bonorum indicando caput, ut pura cum conscientia accedatur. Non, quemadmodum nunc facimus, temporis gratia accedentes magis, quàm animi studio: neq; ut præparati ad vitia nostra expurganda, compunctionis pleni accedimus, sed ut in solennitatibus simus, quãdò omnes adfunt, consideramus. Sed non ità Paulus præcipit, sed vnum tempus nouit, quo accederemus, communicatiõis, conscientia puritatem.

Ac super illud: Cætera, quum venero, disponam: Cùm em̃ credibile esset, ipsos aliquas causas allaturos, & non liceret per literas omnia corrigere: quæ admonui iam, feruentur, inquit: quòd si quicquam aliud dicendum est, in meum aduentum reseruetur.

Idem homilia supra illud, Oportet hæreses esse.

INDEM quoquè alibi: Ab hac lege (inquit, loquens de communionem bonorum sub Apostolis) & consuetudine inoleuit in Ecclesijs consuetudo quædam admirabilis: Fideles enim omnes in conuentibus suis postquàm audissent doctrinas, post preces, post sacramentorum communionem, soluta concione, non mox domum concedebant, sed diuites & abundantiores alimenta & edulia à domibus suis auferentes, pauperes vocabant, communesque faciebant mensas, communia prandia, communia conuiuia in ipsa Ecclesia, sicq; tandèm domum redibant. Hunc morem Corinthij processu temporis corrumpebant: & abundantiores, inuitatis suæ similibus, continebant pauperes: & tardiùs venientes, utpote more pauperum
sc

secularibus negocijs detentos, non expectabant. Vndè cōtingebat, quòd pauperes aduenientes, mensa sublata, alijs pr̄ueniētibus, alijs tardiùs subsequētibz, verecundè discederent. Videns igitur Paulus mala, quę tum ex eo negotio fiebant, & postea futura, quando quidem contemnebantur pauperes mirum in modum à diuitibus, quorum ius solens erat superbia: ediuersò verò pauperes m̄esti aduersabantur diuitibus: & qualia ex huiusmodi rebus mala oriri solent, tunc quoq; vsu eueniebat. Proindè prauam hanc consuetudinem emendat, & vide quanta prouidentia correptionem aggreditur. De conuiuijs aut loquitur, quę in synaxi fiebāt: & ob hoc dicit, Non in melius, sed in deterius conuenitis: quòd patres vestri pauperibus oēs possessiones concedebant, vos pauperes mēsa etiam illis concessa priuāstis.

Et paulopòst: Quid est, Dominicam cœnam manducare? Non est comedere herilem cœnam. Illam autem cœnam dicit, quam suprema nocte tradidit Christus, cū discipuli omnes essent cum eo: vocans Dominicam cœnam, quę, omnibus simul conuocatis, concorditer & communiter sumitur. Cuius enim gratia cōuenistis? ait, Quid vult sibi conuentus ille? Cuius gratia facta est collecta, si quidem mensa non fit communis? Dominicę sunt opes, quas accepimus: etiā conseruis nostris conuiuia proposita sint.

Et postea: Relicta autem in medio & suspensa accusatiōis vehementia, ad mysticam mensam consequenter sermonem vertit, plūs ipsos volens terrere. Ego enim (ait) accepi à Domino, quod & tradidi vobis. Qualis hæc est consequentia? de communi disputas prandio, & sacramenta commemoras? Etiam, ait. Nam si etiam spiritualis illa, tremendaque mensa ex æquo omnibus diuiti & pauperi proponitur: neque ea fruitur vberius diues, & parcius pauper, sed omnium vnus honor est, & idem accessus, donèc oēs communicent, & participes fiant spiritualis illius cibi: quę proposita sunt, non retrahuntur, sed stantes sacerdotes, omnes expectāt, etiam

G

pau-

pauperrimum omnium: quanto igitur magis in mensa illa corporali fieri ita conuenit?

A c sub finem: Deinde ubi multum disputauit de his, qui indignè communicant mysterijs, eosq; reprehendisset grauiter, & demonstrasset qd idem supplicium passuri essent, quod hi qui Christum occiderat, si sanguine eius & corpus absq; probatiōe & temerè accipiant: rursum ad propositam materiam sermonem couertit, dicens: Itaq; fratres, cum conuenitis ad comedendum, &c.

Ambros.
in cōm.

ITEM D. Ambrosius: Hos (inquit) notat, qui sic conueniebāt in Ecclesiam, vt munera sua offerentes aduenientibus presbyteris, quia adhuc rectores Ecclesijs non omnibus locis fuerant cōstituti, totum sibi qui obtulerant, vindicaret schismatis causa. Dissensiones enim inter eos pseudoapostoli seminauerant, ita vt oblationes suas zelarentur, cum vna atque eadem prece omnium oblationes benediceretur, vt ij qui (vt assolet fieri) nō obtulerant, aut vnde offerrent, non habebant, pudore correpti, confunderentur, non fumentes partem: & tam citò illud agebant, vt superuenientes non inuenirent quod ederent. Ideoque, si sic (inquit) conuenitis, vt vnusquisq; suum sumat: domi hęc agenda, nō in Ecclesia, ubi unitatis & mysterij causa conuenitur, nō dissensionis & ventris. Munus enim oblatum, totius populi fit: quia in vno pane omnes significantur. Per id enim quod vnum sumus, de vno pane omnes sumere oportet.

ET paulopost: Ostendit illis mysterium Eucharistiæ inter cœnandum celebratum, nō cœnam esse. Medicina enim spiritalis est, quæ cum reuerentia degustata, purificat sibi deuotum. Memoria enī redemptionis nostræ est, vt redemptoris memores, maiora ab eo consequi mereamur.

ET postea: Indignum dicit esse dño, qui aliter mysterium celebrat, q̃ ab eo traditum est. Non enim potest deuotus esse, qui aliter præsumit, quàm datum est ab authore. Ideoque præmonet, vt se-

cun-

cundum ordinē traditum, deuota mens sit accedentis ad Eucharistiam Dñi: quoniam futurū est iudiciū, vt quemadmodū accedit vnusquisque, reddat causas in die Dñi Iesu Christi: quia sine disciplina traditionis & conuersationis qui accedunt, rei sunt corporis & sanguinis Domini.

DEINDE: Ad inuicē expectandum dicit, vt multorum oblatio simul celebretur, *vt & om̃ibus ministretur.

D. aut̃ Augustinus hunc locum Apostoli tractans: Illud magis mouere potuit homines, vtrū iam refecti die illa, vel offerrent, vel sumerent Eucharistiam, quod in Euangelio dicitur: Cū autem illi manducaret, accepit Iesus panem, & benedixit: cū etiam superius dixisset, Cū serō factū esset, recūbebat cum duodecim, & manducātibz eis, dixit: Quoniam vnus ex vobis me tradet. Post enim tradidit sacramentum. Et liquidō appāret, quādo primū acceperunt discipuli corpus & sanguinem Domini, nō eos accepisse ieiunos. Nunquid tamen propterea calumniandum est vniuersæ Ecclesiæ, quod à ieiunis semper accipitur? Ex hoc enim placuit spiritui sancto, vt in honorem tanti sacramēti, in os Christiani prius Dñicum corpus intraret, quā ex teri cibi. Nā idē per vniuersum orbē mos iste seruatur. Neq; enim quia post cibos dedit Dñs, propterea pransi aut cœnati fratres ad illud sacramētum accipiendum cōuenire debent, aut sicut faciebant, quos Apostolus arguit & emendat, mensis suis ista miscere. Nanq; saluator quo vehementius commendaret mysterij illius altitudinem, vltimum hoc voluit infigere cordibus & memorię discipulorum, à quibus ad passionem digressurus erat. Et idē non præcepit, quo deinceps ordine sumeretur, vt Apostolis, per quos Ecclesias dispositurus erat, seruaret hunc locum. Nam si hoc ille monuisset, vt post cibos alios semper acciperetur, credo quod eum morem nemo variasset. Cū verō ait Apostolus, de hoc sacramento loquens, Propter quod fratres cū conuenitis ad manducandum, inuicē expectate. Si

* & vt
Aug. Epi.
118. ad la
nuarium
ca. 5. & 6.

G 2 quis

quis esurit, domi manducet, vt non ad iudiciū conueniatis, statim subtexuit: Cetera aut, cum venero, ordinabo. Vnde intelligi datur, quia multum erat, vt in Epistola totum illum agendi ordinem insinuaret, quem vniuersa per orbem seruat Ecclesia, ab ipso ordinatū esse, quod nulla morum diuersitate variatur.

Et ibidem paulo ante: Indē enim & Apostolus indignē dicit acceptū ab eis, qui hoc non discernebāt à ceteris cibis veneratione singulariter debita. Cōtinuō quippe cū dixisset, Iudiciū sibi māducat & bibit: addidit vt diceret, Non dijudicās corpus Dñi: quod satis toto ipso loco in Epistola ad Corinthios prima, si diligenter attendatur, appāret.

Idē tract.
62. in Ioā.

Idē alibi: Quicunq; māducauerit panem, aut biberit calicem Domini indignē, &c. Et de his erat sermo, quū hoc Apostolus diceret, qui Dñi corpus, velut quemlibet alium cibū, indiscretē negligenterq; sumebant.

Hierō. &
Sedul. cō-
ment.

COMMENT. quoq; D. Hieronymo & Sedulio adscriptus: Iam nō est Dominica, sed humana, quādō vnusquisq; tanquā cœnam propriam solus inuadit: & alij qui nō obtulerit, nō impertit: ita vt magis propter saturitatem, quā propter mysterium, videamini cōuenire. Ceterū Dñica cœna omībus debet esse communis, quia ille omībus discipulis suis qui aderant, æqualiter tradidit sacramēta. Cœna autem idē dicitur, quia Dñs in cœna tradidit sacramēta. Item hoc idē dicitur, quia in Ecclesia cōuenientes, oblationes suas separatim offerebāt, & post communionē, quēcunq; eis de sacrificijs superfuissent, illic in Ecclesia cōmunē cœnam comedētes, pariter cōsumebāt. Et alius quidē esurit &c. Quicunq; nō obtulisset, non communicabat: quia oīa soli qui obtulerant, insumebant. Quidam hunc locū ad illos referūt, qui epulas in Ecclesia faciebāt.

Et postea: Nam & idē, quum accipimus, à sacerdotibus commonemur: quia corpus & sanguis est Christi, vt beneficijs eius non existamus ingrati.

DEIN-

DEINCEPS: Prius ergò perscrutanda est consciètia, si in nullo nos reprahendit: & sic aut offerre, aut communicare debemus. Et super illud: Cætera autem, cùm venero, disponam: Cætera (inquit) de ipsius mysterij sacramento.

THEODORETVS etiam: Dominicam cœnam vocat sacramentum Dominicum. Illius enim æquè sunt participes, & qui in paupertate degunt, & quibus diuitiæ spiritus faciunt, & domini & serui, & principes, & qui eorum parent imperio. Oportebat ergò (inquit) & mensas communes esse communes, & imitari Dominicam, quæ est omnibus ex æquo proposita: nunc autem non ita facitis.

Theod. in com.

ET paulopost: Sacram illam & omni ex parte sanctam noctem ad memoriã reuocauit, in qua & typico paschati finem imposuit, & verum typi architypum ostendit, & salutaris sacramenti portas aperuit, & non solum vndecim Apostolis, sed etiam Iudæ proditori preciosum corpus & sanguinem impertijt. Docet autem quòd illius noctis bonis semper frui possumus.

THEOPHYLACTVS item: Quemadmodum (inquit) qui primùm crediderant, communia omnia habentes, communiter & publicè epulabatur: sic per quandam eius rei imitationem, etiam si non adeò exactam, Corinthij statis quibusdã diebus festis ex æquo publicè conuiuabantur post mysteriorum participationem. Siquidem epulati fercula adferebant, inopesque ad conuiuium istud accersebant. At per dissensiones admirandus ille ritus, quo mutua charitas, & Christiana philosophia continebatur, corruptus est, nec ab omnibus seruabatur. Scribit igitur Paulus, vt hoc corrigat.

Theophy. in com.

ET postea: Cuius rei gratia, mysteriorum illius vespere meminit? omninò necessariò, vt psuadeat quòd Dñs tuus oēs eadē mensa excipere dignatus sit: tu verò fratrem, eiusdem tecū generis & naturæ, auersaris & dedignari? At, qui ait à Dño se accepisse? neque enim tum aderat Paulus, sed Christi persecutor erat. Vt discas, quòd ipse hodieq; in mystica mēsa mysteria illa tradat æquè, atquè tum.

Haymo in
com.

HAYMO denique: Corinthij (inquit) qui & Achaici, vel Achæi, venientes ad fidem Christi per prædicationem Apostoli Pauli, à quo inter cætera quæ Dominus fecit, etiam sacramentum cœnæ Dominicæ perceperant: post discessum illius, in memoriam cœnæ Dominicæ singulis annis quinta feria ante diem Paschæ, conueniebant omnes in Ecclesia, ac nobiles quique & potentes, diuitesque; veniebant, & offerebant singuli panem & vinum, & dabant sacerdoti vnde consecraret corpus & sanguinem Domini. Consecratis autem mysterijs à sacerdote Domini, vnusquisque; quod detulerat, accipiebat desuper altari, sumebatque; tacite cum suis, vt superuenientes non inuenirent quod ederent, & vnde communicarent: aut etiã deferebat omne quod attulerat, ad domũ suã, vt cum suis illud sumeret. Ob cuius rei causam magnę dissensiones inter illos erant, quas seminauerat pseudoapostoli: ita vt cum vna benedictione omnium oblationes consecratæ essent, singuli suas accipientes, quæ cõmunes debuerant esse, maximã verecundiã inferret his, qui (vt solet) non attulerant, licet haberent: aut his etiã qui non habebant quod afferreret. Hoc aut faciebant multi postquã ab alijs cibis crapulati erant. Istãque; acceptionẽ Eucharistiã, Dominicã cœnã vocauit Apostolus vno modo. Aliter: Soliti quoque erant cõuenire eodẽ die ad Ecclesiam oēs diuites, potentes, & nobiles, & præparare sibi in Ecclesia & in foribus Ecclesiæ atque; atrijs illius epulas & cõuiuia, & crapulari & inebriari, vsque; ad vespẽrã manducantes & bibentes in cõspectu pauperũ & egenorũ, qui non habebant vnde sibi præpararent similia, nihilque; accipiebant ab illis diuitibus & potentibus, sed præstolabatur ieiuni tẽpus cum verecundiã, quo placeret illis diuitibus & potentibus, benedici corpus Christi à sacerdotibus vnde cõmunicarent. Impleti aut illi diuites omnibus cibis & potibus vsque; ad vomitũ, accipiebant ad vltimũ sacramenta corporis & sanguinis Christi, dicentes: Sic tradidit Christus discipulis suis nostris doctoribus & magistris corpus & sanguinem suum post aliorũ ciborum perceptionẽ, & sic nos volumus illud

Iud sumere. Quod audiens Apostolus, scripsit eis inter cætera, ista quæ in præsentia habentur.

IN ECCLESIA, ID EST, LOCO ORATIO-
NI DEPUTATO, SACRAM COENAM
CELEBRABANT APOSTOLI.

NVNQV ID (inquit D. Paulus Apostolus verbis suprà ci. 1. Cor. 11, ratis) domos nõ habetis ad manducandum & bibendũ? Aut Ecclesiam Dei contemnitis, &c.

QVEM locũ tractans D. Basilius, ad quæstionẽ respõdens, Nun- Basilius
quid in cõmuni domo Dominica cœna debeat celebrari: Quæad- quæst. cõ-
modũ (respõdet) scripturæ ratio nõ pmittit, vt vas vllũ commune pend. ex.
in sancta introferatur, eodem etiã modo vetat in domo commune pl. qu. 310.
perfici seu celebrari: quum vetus testamentũ, manifesto præcepto
Dei, nihil isto modo fieri permittat, Dño itidẽm dicente: Plusquã Matth. 12.
templum est hoc, & Apostolo item: Nunquid domos non habetis
ad manducandum & bibendum? Quid dicã vobis? laudabo vos?
in hoc non laudo. Ego enim accepi à Domino, quod & tradidi vo-
bis. & quæ sequuntur. Ex quibus erudimur, neq; communem cœ-
nam in Ecclesia edere ac bibere, neq; Dominicã cœnam in priuata
domo contumelia afficere. Præterquàm, si quis in necessitate de-
legerit puriorem locum aut domum in tempore oportuno.

D. etiã Chrysost. Eccẽ & quarta accusatio, quandò non pau- Chrysost.
peres tantũ, sed Ecclesia læditur. Quemadmodũ enim Domi- hom. 27.
nicam cœnam priuatam facis, ita & locum, tanquã domo Eccle- ad c. 1.
sia vsus. Ecclesia enim facta est, non vt diuisi simus, cùm cõuenire epi. Cor.
oporteat, sed vt diuisi coniungamur. Et hoc conuentus ostendit.

ET D. Ambrosius verbis suprà citatis: Ideoq; si sic (inquit) cõue- Ambr. in
nitis, vt vnusquisq; suũumat: domi hęc agẽda, non in Ecclesia, vbi com.
vnitatis & mysterij causã conuenitur, non dissensionis & ventris.

AC D. Augustinus: Querẽdæ etiã locutiones, per id quod cõ- Aug. qu.
tinet, id quod cõtinetur. Sicut ecclesia dicitur locus, quo ecclesia cõ- 57. super
gregatur. Leuit.

gregatur. Nam Ecclesia homines sunt, de quibus dicitur: Vt exhiberet sibi gloriosam Ecclesiam. Hanc tamen vocari etiā ipsam domum orationum, idem Apostolus testis est, ubi ait: Nunquid domos non habetis ad manducandum & bibendum? an Ecclesiā Dei contemnitis? Et hoc quotidianus vsus loquendi obtinuit, vt ad Ecclesiam prodire, vt ad Ecclesiam confugere non dicatur, nisi quod ad locum ipsum parietesq; prodierit, vel confugerit, quibus Ecclesiae congregatio continetur.

Hesych. l.
2. in Le-
uit. c. 8.

HESYCHIVS quoque: Quomodo, ait, in his non admiranda sit sapientia spiritus? Nullam quippe dubietatem huiusmodi intellectui dereliquit: propterea carnes cum panibus comedi precipies, vt nos intelligeremus illud ab eo mysterium dici, quod simul panis & caro est, sicut corpus Christi panis viui, qui de caelo descendit. Propter quod Heliae (secundum Septuaginta editionem) carnes manē, panes autem vesperi deferebant corui supernē, praefigurare hoc mysterium Domino volente: quod intus oportet in Ecclesia, in loco sancto, id est, ad altare, coqui & comedi: alibi verò, nequaquam. Propter quod Paulus Corinthiis praecipiebat: Conuenientibus autem vobis in vnum &c. Et hoc ideo, vt illic absolute mystica coena deberet celebrari.

Hieron.
ac Sedul.
in com.

DIVO quoque Hieronymo adscriptus comment. Quidam (inquit) hunc locum ad illos referunt, qui epulas in Ecclesia faciebant.

Ac postea: Aut Ecclesiam Dei contemnitis, facientes eam triclinium epularum?

Theodor.
in com.

THEODORETVS etiam: Si acceditis, vt lautē & opiparē epulemini, hoc facite in domibus. hoc enim est in Ecclesiam contumelia, & aperta insolentia. Quomodo enim non est absurdum, intus in templo Dei, praesente Domino, qui communem nobis mensam apposuit, vos quidem lautē viuere: eos autem qui sunt pauperes, esurire, & propter paupertatem erubescere?

ET

E t Theophylactus: Quum enim (inquit) Dominicam cœnam priuatam feceris, manducans apud teipsum, in Ecclesiam & locum es iniurius.

Theophy.
in com.

A c Oecumenius: Nam qui in Ecclesia peculiares cœnas facit: & locum sanctum contumelia afficit, & cœnam Dominicam non facit.

Oecum. in
com.

A c postea: Quod si quis (inquit) esurit, domi manducet, de Ecclesia ad proprias domos illos eijciens.

H a y m o denique: Itaque (inquit) fratres mei cum conuenitis ad manducandum corpus & sanguinem Christi in Ecclesia, inuicem expectate, & multorum oblatio simul celebretur: & omnes communiter ex vno pane communicate: quia illa oblatio vnus panis est, & communis debet esse omnibus.

Haymo
in com.

E o d e m pertinet, quod habet D. Clemens Romanus: Hic ergo, hoc est, in presenti vita positos oportet nos agnoscere voluntatem D E I, ubi & agendi, & sacrificandi est locus. Quoniam in alijs locis sacrificare, & Missas celebrare non licet, nisi in his, in quibus Episcopus proprius iusserit, aut ab Episcopo regulariter ordinato, tenente videlicet ciuitatem, consecratus fuerit. Aliter enim non sunt hæc agenda, nec ritè celebranda, docente nos nouo & veteri testamento. Hæc Apostoli à Domino acceperunt, & nobis tradiderunt: hæc nos docemus, vobisque & omnibus absq; repræhensione tenere & docere, quibus agendum est, mundamus. Vnaquæq; etenim res tempus suum habet & locum.

Clemens
in Epist.
3. ad fratrem
Domini.

E t Apostolorum Canon: Omnes fideles qui ingrediuntur Ecclesiam, & scripturas audiunt, non autem perseuerant in oratione, nec sanctam communionem percipiunt, velut inquietudines Ecclesiæ commouentes, conuenit communionem priuari.

Can. Apostol. 10.

A c quod refert D. Euodius Episcopus Antiochenus 2. à Petro, apud Niceph. libr. 2. cap. 3. In ea ipsa Ioannis domo primū Pascha mysticum conuiuium Dominus cum discipulis instituit. Indè,

Euod. Antioch. lib. qui φῶς inscribitur.

H hymno

hymno dicto, in montem Oliuarum exierunt ad villam Gethsemani. Ibidem propter metum Iudaeorum discipuli claudabantur. Ibidem etiam, foribus clausis, quum resurrexisset, ab ipsis est visus: quum in facie quoque eorum inspirauit, & Spiritum eis sanctum dedit. Ibi octauo post die Thomae fides est confirmata: eo Spiritus sanctus specie linguarum ipsa Pentecoste aduenit. Ibidem Iacobum Iustum primum Hierosolymorum Episcopum Apostoli suffragijs suis designarunt, & Stephanum cum reliquis sex Diaconis elegerunt.

Niceph. l.
3. c. 30.

*subintel.
ligedū, He
lena, siue
imatrix.

QVOD IPSVM repetit alibi Nicephorus: Ceterum (inquit) in urbem sanctam reuersa *, in Sion amplissimum longè lateq; constructum templum, in cuius postico domum circumclusit, in qua, foribus clausis propter metum Iudeorum, discipuli fuerant congregati, in qua etiam sacra coena peracta, sacraque pedum lotio, necnon spiritus sancti in coenaculo aduentus, in qua primus quoque Hierarcha & Episcopus Iacobus renunciatus est.

Beda in
Martyrol.
Cal. Aug.

EODEM pertinet quod habet Beda: Romae (inquit) dedicatio primae Ecclesiae, à B. Petro constructae & consecratae.

VIDE eadem de re latius Vvalafr. Strab. de reb. eccl. c. 4.

APOSTOLICAE IN SACRIFICIO OBSECRA-
TIONES, ORATIONES, POSTULATIONES, GRA-
TIARVM ACTIONES, PRO OMNI-
BUS HOMINIBVS.

1. Tim. 2.

OBSEURO igitur (inquit D. Apostolus Paulus) siue (ut legit D. Ambrosius) exhortare primum omnium fieri *δεήσεις, προσεύχας, ἐντεύξεις, εὐχαριστίας*, id est, (interprete D. Hier.) obsecrationes, orationes, postulationes, gratiarum actiones, pro omnibus hominibus, pro regibus, & omnibus qui in sublimitate constituti sunt, ut quietam & tranquillam vitam agamus in omni pietate & castitate

stitate. Hoc enim bonū & acceptū est coram Salvatore nostro, qui omnes homines vult saluos fieri, & ad agnitionem veritatis venire.

Et ad Philippenſes: Nihil ſolliciti ſitis, ſed in omni τῇ προσευχῇ Phil. 4. καὶ τῇ δέήσει μετ' εὐχαριſτίας, id eſt, oratione & obſecratione cū gratiarum actione, petitiones veſtræ innotescant apud Deum.

Si c priorem locum interpretatur Tertull. Qui ergo putas (inquit) nihil nos de ſalute Cæſarum curare, inſpice Dei voces, literas noſtras, quas neq; ipſi ſupprimimus, & plerique caſus ad extraneos transferunt. Scitote ex illis præceptum eſſe nobis, ad redundantiam benignitatis, etiam pro inimicis Deum orare, & perſecutoribus noſtris bona precari. Qui magis inimici & perſecutores Chriſtianorum, quàm de quorum maieſtate conuenimur in crimen? Sed etiam nominatim atq; manifeſtè: Orate (inquit) pro regibus, & pro principibus, & poteſtatibus, vt oīa tranquilla ſint. Vobiſcum enim cōcutitur imperiū: cōcuſſis etiā cēteris membris eius, vtique & nos, (licet extranei à turbis eſtimemur) in aliquo loco caſus inuenimur.

Ac Athenagoras: Qui enim (inquit) iuſtiūſ, quod orant, impetrent, quàm qui pro imperio veſtro vota præceſque ad Deum profundunt, vt filius Patri in eo, ſicut æquiſſimum eſt, ſuccedat, & vt idipſum imperium, cūctis populis ſub ditionem veſtram cōfluentibus, auctum capiat & incrementum? Id quod noſtra quoque intereſt, vt tranquillam & quietam vitam agamus.

Et D. Baſilius: Adhuc te (inquit) obſecramus, Memēto ſanctæ catholicæ & Apoſtolicę eccleſiæ &c. Memēto Dñe piſſimi & fideliffimi noſtri Imperatoris &c. vt in tranquillitate eius, tranquillā & pacificam vitam agamus in omni pietate & venerabilitate.

D i v s quoque Chryſoſtomus: Ampliūſ (inquit) obtulimus tibi hanc rationabilem hoſtiam, pro orbe, pro ſanctā catholica & Apoſtolica Dei Eccleſia, & ijs qui caſta in conuerſatione ac ſobria degunt. Pro fideliffimis & D E O dilectis Imperatoribus noſtris, & toto palatio & omni exercitu eorū, vt nos in tranquillitate eorū

H 2 quietam

quietam & tranquillam vitam ducamus in omni DEI cultu & sobrietate.

Cyrillus Hieroso. catech. mystag. 5. CYRILLVS deniquè Hierosoly. Deindè (inquit) postquàm confectum est illud spirituale sacrificium, & ille cultus incruentus super ipsa propitiationis hostia, obsecramus Deum, pro communi Ecclesiarum pace, pro tranquillitate mundi, pro Regibus &c.

Chryf. in epist. i. ad Timoth. hom. 6. LOCVM etiam illum priorem disertis verbis de hoc sacrificio interpretatur D. Chrysostomus: Quasi communis quidam totius orbis pater, sacerdos est: dignum igitur est, vt omnium curam agat, omnibusq; provideat: sicut & Deus, cuius ministerio seruit, & fungitur vice, idcirco ait: Obsecro igitur primùm omnium fieri obsecrationes & orationes.

Ac paulopòst: Quid aut sibi vult, quod ait: Primùm omnium? In obsequio scilicet quotidiano, perpetuoq; diuinæ religionis ritu. Atq; id nouerunt fideles, quomodò diebus singulis manè & vespere orationes fundantur ad Dominum, quomodò pro omni mundo, & Regibus, & omnibus qui in sublimitate sunt positi, obsecrationes ab Ecclesia fiant. Sed fortè quis dixerit, pro omnibus, quod ait, tantùm fideles intelligi voluisse. At id verum non esse, quæ sequuntur, ostendūt. Deniquè ait, pro Regibus: neq; enim tunc Reges Deum colebant, verùm multis postea temporibus in infidelitate, quam per seriem successionis acceperant, perstiterunt. Deindè vt omnis assentionis suspicio tolleretur, cùm premisset, pro omnibus: tunc demùm, pro Regibus, addidit. Si enim tantùm, pro Regibus, dixisset: fortassis non deesset, qui adulationis gratia illum ità scripsisse putaret. Quoniam verò consequens esse cernebat, vt Christiani animus ad ista torpesceret, neq; huiusmodi admitteret monita, si quidem pro gentili sacramentorū tempore preces offerret offerri: vide quid secutus adiunxit, vt ex consideratione lucri, admonitionem facilius libentiusq; susciperēt: Vt quietam (inquit) & tranquillam degamus vitam.

ET

ET homilia sequenti: Quia communia cupit bella dissolui, & ^{Ibidem} pugnas agitationesque, & armorum fremitus, atque ideo & pro ^{hom. 7.} Regibus, & pro Principibus sacerdotem offerre preces hortatur: longè magis & in priuatis bellis id necessariò sibi faciendum meminit.

De etiam Ambrosius: Hæc regula Ecclesiastica est tradita à ma- ^{Ambr.} gistro gētium, qua vtuntur sacerdotes nostri vt pro omnibus sup- ^{in cōm.} plicent: deprecantes pro Regibus huius seculi, vt subiectas habeāt Gentes, vt in pace positi, in tranquillitate mētis & quiete Deo nostro seruire possimus. Orantes etiam pro ijs quibus sublimis potestas est credita, vt in iustitia & veritate gubernent rempublicam, suppediāt rerum abundantia, vt amota perturbatione seditionis, succedat lætitia. Panis enim confirmat cor, & vinum lætificat mētem. Postulantes verò pro ijs, qui in necessitate varia sunt, vt eruti & liberati, Deum collaudent incolumitatis authorem. Referentes quoque gratiarum actiones pro ijs, quæ nobis quotidie Dei prouidentia præstantur ad vitam, vt in his omnibus, quæ huic imperio infesta & inimica sunt, in affectu pietatis & castitatis Deo seruire possimus.

IDEM alibi: Bona (inquit) oratio quæ ordinem seruat, vt primò à diuinis inchoemus laudibus. Si enim cū apud hominem ^{Idē cap. 2. de instit. virg. ad Eul.} agimus, beneuolum volumus iudicem facere: quantò magis, cū Dominum nostrum precamur? Primò ergò immolemus Deo sacrificium laudis, vt & Apostolus dicit: Obsecro ergò primò omniū fieri orationes, obsecrationes, postulationes, gratiarum actiones. Doceat te Dauidicus Psalmus octauus, qui cœpit à Dei laudibus. Domine, Dominus noster, quàm admirabile est nomen tuum in vniuersa terra. Quoniam eleuata est magnificētia tua super cælos. Ex ore infantium & lactentium perfecisti laudem. Hactenùs oratio. Indè sequitur obsecratio, vt destruat inimicus. Postulatio, vt lunam & stellas videat: lunam, Ecclesiam: stellas, filios Ecclesiæ, cœ-

lestis gratiae luce fulgentes: & quod petit, prophetico spiritu visurum se esse promittit. Gratiarum actio, quod tuetur Dñs hominem. Similiter & Dominica oratio omnia comprahendit, quam vulgare non opus est.

Idē l. 4. de
sacr. ca. 4.

ALIBI quoq;: Nam per reliqua omnia, quae dicuntur, laus Deo defertur: oratione petitur pro populo, pro regibus, pro cæteris: ubi venit, ut cōficiatur venerabile sacramētum, iam nō suis sermonibus sacerdos, sed utitur sermonibus Christi.

Aug. epi.
59. ad Pau
lin. qu. 5.

APERTIVS autem D. August. Multa quippe (inquit) hinc dici possunt, quae improbanda non sint: sed eligo in his verbis hoc intelligere, quod omnis vel penē omnis frequētat ecclesia, ut preces accipiamus dictas, quas facimus in celebratione sacramentorum, antequam illud, quod est in Dñi mensa, incipiat benedici. Orationes, cum benedicitur & sanctificatur, & ad distribuendum cōminuitur: quam totam petitionem ferē omnis ecclesia Dominica oratiōe cōcludit. Ad quem intellectū etiam verbi Græci origo nos adiuuat. Nam eam, quam dicūt, *εὐχὴν*, rarō ita scriptura ponit, ut intelligatur oratio: sed plerunq; & multo vſitatius votū appellat *εὐχὴν*: *προσευχὴν* verō, quod verbum ita positum est, vndē tractamus, semper orationem vocat. Vndē hanc verbi originem, sicut superius dixi, nonnulli minūserudite intuētes, *προσευχὴν*, nō orationem, sed adorationem dicere voluerunt, quae potiùs *προσκύνησις* dicitur. Sed quia oratio interdū dicitur, quae vocatur *εὐχὴ*, adoratio putata est *προσευχὴ*. Porro si vſitatius, ut dixi, in scripturis votum appellatur *εὐχὴ*, excepto nomine generali orationis, ea propriē intelligenda est oratio, quam facimus ad votum, id est, *πρὸς εὐχὴν*. Vouentur autem omnia, quae offeruntur Deo, maximē sancti altaris oblatio, quo sacramēto prädicatur nostrum aliud votum maximum, quo nos vouimus in Christo esse mansuros, utique in compage corporis Christi. Cuius rei sacramētum est, quod

quòd vnus panis, vnum corpus multi sumus. Ideò in huius sancti-
ficatione, & distributionis preparatione, existimo Apostolum ius-
sisse propriè fieri προσευχάς, id est, orationes: vel, vt nonnulli mi-
nùs peritè interpretati sunt, adorationes: hoc est enim ad votum,
quod vsitatiùs in scripturis nuncupatur εὐχὴ. Interpellationes au-
tem, siue, vt vestri codices habent, postulationes, fiunt, cùm popu-
lus benedicitur. Tùc enim antistites velut aduocati, susceptos suos
per manùs impositionem misericordissimæ offerunt potestati.
Quibus peractis, & participato tanto sacramento, gratiarum actio
cuncta concludit: quam etiam in his verbis vltimam commenda-
uit Apostolus. Hæc autem causa præcipua fuit ista dicendi, vt his
breuiter perstrictis atque significatis, non putaretur negligendum
esse quod sequitur: Pro om̃ibus hominibus, pro Regibus & ijs qui
in sublimitate sunt, vt quietam & tranquillam vitam agamùs in
omni pietate & charitate: nè quisquam, sicut se habet humanæ co-
gitationis infirmitas, existimaret non esse ista facienda pro his, à
quibus persecutiõem patiebatur Ecclesia, cùm membra Christi ex
omni essent hominum genere colligenda. Vndè adiungit & dicit:
Hoc enim bonum & acceptum est coram Salvatore nostro Deo,
qui om̃es homines vult saluos fieri, & in agnitionem veritatis ve-
nire. Et nè quisquam dicere posset, esse salutis viam in bona con-
uersatione, & vnus DE I omnipotentis cultu, siue participatione
corporis & sanguinis Christi. Vnus enī Deus, inquit, & vnus me-
diator Dei & hominum homo Christus Iesus: vt illud quod dixe-
rat, Omnes homines vult saluos fieri, nullo alio modo intelliga-
tur præstari, nisi per mediatorem, non Deum, quod semper Ver-
bum erat, sed hominem Iesum Christum, cùm Verbum caro fa-
ctum est, & habitauit in nobis.

DI V S item Cælestinus eius nominis Papa I. Obsecrationum Cælest. 1.
quoq; (inquit) sacerdotaliũ sacramēta respiciamus, q̃ ab Apostolis Epistol. 1.
tra-

tradita, in toto mundo atque in omni Ecclesia Catholica vniformiter celebrantur, vt legem credēdi lex statuatur supplicandi. Quum enim sanctarum plebium præsules mādāta sibi met legatione fungantur, apud diuinam clementiam humani generis agunt causam, &c. vt infra latiùs.

Gennad. Quæ ipsa verba reperire est in Gennadij libro, (quem vel hinc de dogm. satis constat falsò D. Augustino adscribi) de dogmat. Eccles. & in Eccl. c. 30. hom. de Adam & Eua, quæ Latini hominis existens, perperam D. Chrysost. ascribitur. Citatur eadem & à Petro Diacono lib. de incarn. & gratia ad Fulgentium.

prospe. de SIMILIA quoquē reperio & apud D. Prosperum: de hac ergò voca. gēt. (inquit) doctrinē Apostolicę Regula, qua Ecclesia vniuersalis imbuitur, nè in diuersum intellectum nostro euagemur arbitrio, quid li. i. ca. 4. * in ipsa vniuersalis Ecclesia sentiat, requiramus: quia nihil dubiū esse poterit in præcepto, si obedientia concordet in studio. Præcepit itaque Apostolus, immò per Apostolum dominus, qui loquebatur in Apostolo, fieri obsecrationes, postulationes, gratiarū actiones, pro omnibus hominibus, pro Regibus, ac pro his, qui in sublimitate sunt. Quam legem supplicationis, ita omnium sacerdotum & omnium fidelium deuotio concorditer tenet, vt nulla pars mūdi sit, in qua huiusmodi orationes nō celebrētur à populis Christianis. Supplicat ergò vbiquē Ecclesia deo, non solūm pro sanctis & in Christo iam regeneratis, sed etiam pro omnibus infidelibus, &c.

Theoph. THEOPHYLACTVS verò: Primūm omnium (inquit) id est in cōm. in quotidiano cultu. Etenim sacerdos velut cōmunis orbis terrarum pater consistit, omnium curam gerens, quem & pro cunctis oportet mortalibus preces fundere, perindè ac deus cui sacrum facit, * ac cuius * ac sacerdotio fungitur. Obserua hīc magnam & latè patentem gratiam, nam Iudæorum preces eiusmodi non sunt. Nec dixit statim pro regibus, vt non videatur adulari. Enimuerò cū prius dixisset pro omnibus hominibus, tunc subiunxit pro Regibus. Et

si

fi enim infideles fuerint Reges, pro ipsis tamen orandum: tunc enim tales erant.

A C PAULÒ post: Quia verisimile erat, Christianorum animum turbari, si iubeatur mysteriorum tempore orare pro infidelibus Regibus: lucrum apponit, ut vel sic adhortationem recipiamus. Illorum namque salus, inquit, nostra est tranquillitas. bellum enim gerunt, ut nos extra metum simus. Quomodo igitur non iniquum est, illos pro nostra securitate pericula subire, nos verò ne labia quidem aperire vel mouere, ut pro ipsis interpellemus?

ET OECUMENIUS: In quotidiano Dei cultu hoc (inquit) fiat ante omnium memoriam. Episcopum enim, quum sit omnium pater, pro omnibus hominibus precari convenit, pro credentibus, inquam, & incredulis.

Oecum.
in Côm.

PAULÒ etiam postea: Nè perterreatur perturbeturve Christianus, quamobrem in tempore mysteriorum memoria fiat Regis, quandoquidem sæpè & incredulus sit, ostendit in nostrum lucrum cedere ipsorum incolumitatem.

HAYMO etiam apertissimè: Beatus (inquit) Apostolus dirigens hæc verba Timotheo, in illo tradidit omnibus Episcopis & presbyteris, omniq; Ecclesie formam, quomodo deberent Missarum solennia celebrare, & pro omnibus hominibus orare. Quam formam vel exemplum omnis Ecclesia modò retinet. Nam obsecrationes sunt, quicquid præcedit in Missarum solennijs usque ad illum locum, ubi incipit sacerdos consecrare mysteria corporis & sanguinis Domini, inquit: Te igitur clementissime pater, petimus. Orationes sunt, quas fundit sacerdos in consecratione Eucharistie ad fractionem corporis Domini, videlicet quando particulam quandam sacerdos in calicem ponit. Postulationes sunt benedictiones Episcopales, quas dicit Episcopus super populum, inuocans nomen Domini Dei super illum. Quod tractum est ex veteri testamento. Per Moysen namque dixit Dominus sacerdotibus: Inuocabitis nomen meum super filios Israel, & ego benedicam eis. Gratiarum actiones sunt laudes, quas communicato

Haymo
in côm.

I po.

populo; refert sacerdos Deo patri, qui dignatus est mysteria corporis & sanguinis filij sui dare eis in salutem & redemptionem.

Strab. in
Glos. ord.
Anselm⁹
in côm.

QV AE ipsa verba citantur à Strabo in Glossa Ordinaria.

D. Anselmus denique: Ordo Missæ in his verbis ostenditur, vt obsecrationes sint, quas facimus in celebratione sacramentorum, commemoratione sacrorum, antequàm illud quod est in Dñi nostri mensa, incipiat benedici. Oratiões verò, quum benedicatur & sanctificatur, & ad distribuendū comminuitur. Postulationes aut, cum populus ab episcopo benedicatur. Postulationes em̄ quasi ex debito petiuit, velut cum quadā fidutia vel adnifu. Sic postulatio ubi fit cū fidutia: vt quod geritur, in æterna vita perficiatur. Quibus peractis, & participato toto sacramēto, gratiarū actio cuncta cōcludit.

ALTARE APOSTOLIS IN VSV FVIT

OBLATIONIS TEMPORE.

Heb. 13.

HABEMVS (inquit D. Paulus Apostolus) θυσιαστήριον, id est, altare, de quo edere non habent facultatem qui tabernaculo deferuiunt.

Chrysost.
hō. 33. in
Epist. ad
Hebr.

SUPER quo loco D. Chrysost. Non enim (inquit) qualia sunt apud Iudæos, talia etiā nostra sunt, ita vt nec Pontifici liceat istorum participem fieri.

ET non multò pōst: Deindē aufert à figuris sacrificium, & ad principalem formam sermonem suum redigit, dicēs: Quorū enim animalium sanguis &c. Illa itaq; typus erant istorum. Intueris igitur, quoniam sanguinem participamur, qui infertur in sancta? sancta, inquam, veracia? Nos igitur veritatem participamur.

Theoph.
in côm.

ET explicatiūs Theophylactus: Nos (inquit) obseruationē habemus, verūm haud eam quę sit in huiusmodi cibis, sed super altari, siue incruēta hostia viuifici corporis. Hui⁹ em̄ vt sint participes, ne Pontificibus quidem legalibus permittitur tantispēr dum tabernaculo seruiunt, hoc est, legalib⁹ vmbreis & figuris, quę transeūt

ac.

ac dissoluuntur. tale quiddam enim tabernaculum erat vel mundo huic, perindè ac legalium victimarum ac sacrificiorum vulgus, vt indignum, haud erat particeps.

Ac paulopòst: At nostri sacrificij ne legis quidè Pontifices confortes esse possint: siquidem nostri sacri, illæ oblatiões typi erant.

OECUMEN. quoq;: Hic ergò est sanguis, qui per pontificem, qui apud nos est, super nostrum offertur altare: idcirco fas nò est, Pontificibus Iudæorum, ex hoc altari edere. Occum. in cōm.

ET Haymo, sicut & Primasius: Altare autem illud Iudæorum quod fiebat extra castra, vbi consumebantur carnes, altare Ecclesiæ est, vbi quotidie consecratur corpus Christi. Habemus ergò altare Ecclesiæ, vbi consecratur corpus Dominicum, de quo nò habent potestatem edere, qui tabernaculo corporis sui deseruiunt, fornicatores videlicet, adulteri, ebriosi, & immundi. Primasius et Haymo in com.

ANSELMVS deniq;: Altare verò, vbi extra castra crematus est Christus, altare est Ecclesiæ, vbi cōsecrat corp⁹ ei⁹: de quo nò habet potestare edere, qui deseruiunt tabernaculo, id est, vmbre veritatis. Anselm. in com.

APOSTOLORVM certè canones id conuincunt quod proposuimus: Si quis (inquiunt) Episcopus aut presbyter præter ordinationem Dñi alia quædam offerat in sacrificio ἐπὶ τὸ θυσιαστήριον, id est, supra altare &c. vt suprà. Apost. Canon. 3.

ET rursus: Offerri non liceat aliquid ad altare, præter nouas species & vvas, & oleū ad luminaria, & thymiana siue incensum tempore quo oblatio celebratur. Apost. cā. idē, seu 4.

Ac denuò: Si quis presbyter cōtemnēs Episcopū suū, seorsūm collegerit, & altare aliud erexerit, (χωρὶς συναγωγῆς καὶ θυσιαστηρίου ἑτέρου πῆξι) nihil habens, quo repræhēdat Episcopum in causâ pietatis & iustitiæ, deponatur, quasi principatūs amator existens. Est enim tyrannus, & cæteri clerici quicunq; tali consenserunt. Apost. Can. 30.

SIMILITER D. Andreas Apostolus, iuxta quod describūt presbyteri & Diaconi Achaïæ: Omnipotenti Deo, qui vnus & verus est, Andreas Aposto. lus in vi. ta sua.

est, ego omni die sacrifico, non thuris fumum, nec taurorum mugientium carnes, nec hircorū sanguinem: sed immaculatum agnū quotidie in altari crucis sacrifico: cuius carnes posteaquā omnis populus credentium māducauerit, & eius sanguinem biberit, agnus qui sacrificatus est, integer perseverat & viuus: & cū verē sacrificatus sit, & verē carnes eius manducatæ sint à populo, & verē sanguis eius sit haustus, tamen integer permanet, & immaculatus, & viuus.

Iacob. in
Liturg.

ET D. Iacobus frater Domini, dum initio Liturgiæ orationem collocat, quum Sacerdos assistit altari, & quod infra citatur. Neque verò dissentit D. Clemens, dicens se id à D. Petro accepisse: Altaris (inquit) palla, candelabrū, &c. Ac rursūm: Pallæ altaris solæ lauentur &c. sicut infra latiūs.

Amb. cō.
ad cap. 10.
Epist. 1.
ad Cor.

ET D. Ambrosius super illud Apostoli: Non potestis mensæ Domini participes esse, & mensæ dæmoniorum. Quia (inquit) qui calicem dæmoniorum bibit, calici Domini insultat: & cū mensæ dæmoniorum communicat, mensæ Dñi, id est, altario obstreperit, & Domini corpus crucifigit.

ETIAM LUMINARIBVS VSI SVNT

APOSTOLI.

Apost. cā.
3. sen. 4.

TESTATUR id Canon Apostolorum suprā citatus: Offerri (inquiunt) nō liceat aliquid ad altare præter novas spicas & vvas & oleum εἰς τὴν λυχνίαν, i. ad luminaria seu lucernas &c.

Apost.
Can. 70.

Et alter Canō, qui idipsum interdicit fieri ad sacra gētiliū. Si quis (inquiunt) Christianus oleū ad sacra gētiliū, aut ad Synagogas Iudæorum in festis eorum detulerit, aut λύχνου, id est, lucernas incenderit, à communione excluditor.

Apost.
Can. 71.

RURSUS alius Canon: Si quis clericus aut laicus ceram aut oleū ex sacra furripiat Ecclesia, à communione seiungitor.

Clē. Rō.
epist. 2. ad
fratrem
Domini.

EODEM pertinet quod habet D. Clemens Romanus, de candelabro, loco suprā & infra citato.

IN-

INCENSO QVOQVE SIVE THY-
MIAMATE SVNT VSI.

HOC quoque supradictus canon cōvincit: Offerri (inquiūt) Apost. cas
no. 3. siue
4.
non liceat aliquid ad altare, prater nouas spicas, & vuas, &
oleum ad luminaria & θυμίαμα.

EODEM pertinet D. Iacobi fratris Domini oratio, cū incen- Iac. in
Missā.
ditur thus in ingressu & principio Liturgiæ: Domine Iesu Christe
Dei sermo, qui tua sponte te Deo ac Patri victimam irrepræhen-
sam in cruce obtulisti, duplicis ille naturæ carbunculus, qui forcipe
labia prophetæ attigisti, & eius peccata abstulisti, tange & nostros,
qui peccatores sumus, sensus, ac nos purga omni macula, purosque
nos siste sancto altari tuo, vt tibi laudis sacrificium offeramus: &
præsentem hunc ex nobis inutilibus seruis tuis suffitum recipe in
odorem suauitatis, fœtoremq; animæ & corporis nostri fragrantem
redde, ac vi illa spiritûs tui sanctificante nos sanctifica: solus enim
tu sanctus es, qui sanctificas, & sanctificaris, fidelibusque imparti-
ris, quem vnâ cum æterno patre tuo, ac modis omnibus sancto, bo-
no & viuifico spiritu tuo, gloria decet nunc, & semper, & in secula
seculorum, Amen.

ET secunda oratio, Postquàm dixit Diaconus: Dominum rur-
sûs oremus: Deus (inquit sacerdos) qui admisisti Abelis dona, Noë
& Abrahami sacrificium, Aaronis & Zachariæ thymiamata: accipe,
quæso, de manibus nostris, qui sumus peccatores, thus hoc, quod
tibi adolemus in odorem suauitatis, nostrorumque peccatorum re-
missionem, ac totius populi tui: quia benedictus es, & te gloria de-
cet patrem, & filium, & spiritum sanctum, nunc & semper.

DIACONORVM MINISTERIO IN
SACRIFICIIS VTEBANTVR
APOSTOLI.

I 3

SI quis

Apost. ca.
no 8. seu
9.

SI quis (inquiunt Apostolorum Canones) Episcopus aut presbyter, aut Diaconus, aut quicumque ex sacerdotali consortio, oblatione facta, non communicauerit, causam dicito &c.

Apost. ca.
no. 27. seu
29.

ET rursùm: Si quis Episcopus aut Presbyter aut Diaconus ob certa crimina iuste depositus, attingere λειτουργίαν dudum sibi commissam presumpserit, hic ab Ecclesia absconditor.

Iacob. in
Liturg.
Clē. conf.

DIACONI etiam varia officia videre est in Liturgijs D. Iacobi & Clementis Romani, quae partim illic, partim infra catholicus lector requirat.

Apost. l. 2
c. 63. & li.
8. cap. 8. &
sequen.

Ignatius
Epist. ad
Trallian.

D. Ignatius etiam his consentit: Quid (inquit) Diaconi sunt, nisi imitatores Christi, ministrantes Episcopo, sicut Christus patri, & operantes illi operationem mundam & immaculatam? Quomodo sanctus Stephanus beatissimo Iacobo, & Timotheus & Linus Paulo, & Anacletus & Clemēs Petro. Qui igitur istis inobediens fuerit, hic sine Deo omnino erit, & impius, & contemnens Christum, & ordinationem ipsius minorans.

Item ad
Heron.

Ac ad Heronem Diaconum: Sine Episcopo nihil agas: sacerdotes enim sunt, tu verò minister sacerdotum. Illi enim baptizant, sacerdotium agunt, ordinant, manus imponunt: tu verò eis ministras, sicut sanctus Stephanus Iacobo, & ceteris presbyteris in Hierosolymis.

Hieron.
epist. ad
Euagr.
Tom. 2.

ITEM Hieron. epistola ad Euangelum: (sic enim habent MS. cod. pro, Euagrium) Et ut sciamus (inquit) traditiones Apostolicas sumptas de veteri testamento: quod Aaron & filij eius atque Leuitae in templo fuerunt, hoc sibi episcopi & presbyteri ac Diaconi vendicent in ecclesia.

Isidor. de
Dei offic.
li. 2. c. 8.

ISIDORVS denique: Leuitae ex nomine auctoris vocati: de Leui enim Leuitae exorti sunt, à quibus in templo Dei mystici sacramenti ministeria explebatur. Hi Græcè Diaconi, Latine ministri dicuntur: Quia sicut in sacerdote consecratio, ita in Diacono ministerij dispensatio habetur. Idem c. 8. lib. 2. de offic. ecclesiasticis, inquit:

quit: Diaconorum ordo à tribu Leui accepit exordium. Præcepit enim dominus Moyſi, vt poſt ordinationem Aaron ſacerdotis & filiorum eius, rursus Leui tribus in diuini cultus miniſterijs ordinaretur, & conſecraretur domino pro omnibus primogenitis, & feruaret pro Iſrael coram Aaron & filijs eius in tabernaculo dñi, excubans in templo die ac nocte, ipſiq; geſtarèt arcã & tabernaculũ, & omnia vaſa eius, & in circuitu tabernaculi caſtra ipſi conſtituerent, in promouendo tabernaculũ deponerent, rursus ipſi cõpõnerent. A viginti quinque annis & ſuprà in tabernaculo feruire mādātum eſt. Quam regulam conſtituerunt ſancti patres in nouo teſtamento. In Euangelio aut̃ primordia eorũ in actibus Apoſtolorum ita leguntur: Conuocantes aut̃ duodecim Apoſtoli multitudinem Act. 6. diſcipulorum &c. Ex hinc iam decreuerunt Apoſtoli vel ſucceſſores Apoſtolorũ, vt per omnes Eccleſias ſeptem diaconi, qui ſublimiore gradu eſſent cæteris, circa aram Chriſti, quaſi columnę altaris aſſiſterent, & non ſine aliquo ſeptenarij numeri myſterio.

CANTVS ITEM HYMNORVM ET
PSALMORVM APOSTOLIS NON
INVSITATVS.

HVC illud in primis pertinet, quod de Chriſto & Apoſtoliſ Matt. 26.
poſt cœnam ſacram referunt Euāgeliftæ: Et hymno dicto, Marc. 14,
exiēruut in montem Oliueti.

ITA em̃ diſertis verbis interpretatur eũ locũ D. Chryſoſt. ver. Chryſoſt.
bis ſuprà citatis: Cõſidera, inq̃t, quũ ſacras illas cœnas Apoſtoli acci- hom. 27.
piebāt, qd tũ faciebāt? Nõne in preces cõuertebātur & hymnos? &c. in epiſt. 1.
ad Cor.

ET alibi: Gratias agit, poſteaquã dedit, & hymnum cecinit, vt Idẽ hom.
nos quoquẽ ſimiliter faciamus. 83. in Mat.

Ac D. Hilarius: Conſummatis (inquit) vniuerſis diuinorum Hilar. in
myſteriorum virtutibus, gaudio & exultatione communi in cœle. Matt. cap.
ſtem gloriam efferuntur. no. 30.

POR-

1. Cor. 14.

PORRÒ etiam illud D. Apostoli huc pertinet: Psallam spiritu, psallam & mente. Ac, Cùm conuenitis, vnusquisque vestrùm Psallum habet &c. Et super hunc locum veterum commentarij.

Ephes. 5.

ILLVD quoque: Implemini Spiritu sancto, loquētes vobismet ipsis in Psalms, hymnis & canticis spiritualibus, cantantes & psallētes in cordibus vestris Domino, gratias agentes semper pro omnibus in nomine Domini nostri Iesu Christi Deo & patri.

Colof. 3.

Can. 1.

AC illud: Docentes & commonentes vosmetipsos in Psalms & hymnis & canticis spiritualibus in gratia, cantantes in cordibus vestris Deo.

Conc. To-

let. 4. ca.

no. 12.

COMMENTARIOS veterum super his locis compendij gratia pratermittimus. Vnicum locum ex Concilio Tolet. 4. adijcimus: De hymnis (inquiunt) canendis, & Saluatoris & Apostolorum habemus exemplum. Nam & ipse Dominus hymnum dixisse perhibetur, Matthæo Euangelista testante: Et hymno dicto, exierunt foras. Et Apostolus Paulus ad Ephesios scribit, dicens: Impleamini Spiritu sancto &c. vt supra.

Euse. hist.

eccl. l. 5. c.

28.

Niceph.

EODEM pertinet illud cuiusdam scriptoris incerti contra Artemonem hæreticum apud Eusebium & Niceph. Sed & Psalmi vel cantica quæ à fidelibus ab initio scripta sunt: verbū Dei esse Christum & Deum, tota hymnorum suorum laude concelebrant.

ETIAM SCRIPTVRARVM LECTIO
APOSTOLIS INITIO SACRI-
FICII VSITATA.

Apost. ca.
no. 10.Iacob. in
Liturg.

QUICVNQVE (inquiunt Apostoli) fideles Ecclesiam ingrediuntur, & scripturas audiunt, &c. vt infra.

DEINDE (inquit D. Iacobus frater Domini) leguntur fusissimè oracula sacra veteris testamenti & Prophetarum, & filij Dei incarnatio demonstratur, passio, resurrectio ex mortuis, ascensus in cælum,

Ium, secundus præterea aduentus eius cum gloria. Atq; id fit singulis diebus in sacra & diuina Missa.

ET D. Clemens: Post verò lectionem legis & prophetarū, Epistolarum (nomine Apostolorum loquitur) nostrarum, Actuum, post. l. 8. c. 4. & Euangelij, ordinatus salutet Ecclesiam.

EODEM pertinet quod habet Albinus Flaccus: Antea tantum Albin. Flacc. de diui. offic. Epistola Pauli recitabatur, & sanctum Euangelium, & sic Missa celebrabatur.

Ac illud Hrabani Mauri: Sedenim (inquit) initio mos iste cantandi non erat, qui nunc in Ecclesia ante sacrificium celebratur: sed * tamen Epistolæ Pauli recitabantur, & sanctum Euangelium. Hrab. de instit. cle. lib. 1. c. 32. + tantum

VERBIS CONSECRATIONIS PENE EIS-
DEM, QUIBUS NUNC VTIMUR, CVM ORA-
TIONE DOMINICA SACRIFICABANT APOSTOLI.

EA nocte (inquit D. Iacobus) qua tradebatur, vel potius se- Iacob. in Liturg. ipsum tradebat, pro vita & salute mundi.

Deinde sacerdos panem manibus accipiens, dicit:

ACCIPIENTS panem in sanctas, immaculatas, inculpabiles, immortales manus suas, in cælum suspiciens, ac tibi Deo & patri ostendens, gratias agens, sanctificans, frangens, dedit nobis discipulis suis & Apostolis, dicens:

Diaconi dicunt:

IN remissionem peccatorum, & in vitam æternam.

Deinde exclamat:

ACCIPITE, comedite: Hoc est corpus meum, quod pro vobis frangitur, & datur in remissionem peccatorum.

Pop. Amen.

Deinde accipit calicem, & dicit:

SIMILITER, postquam cenauit, accipiens calicem, & permiscens

K

ex vino

ex vino & aqua, & adspiciēs in cælū, ac ostendens tibi Deo & patri, gratias agens, sanctificans, benedicens, implens spiritu sancto, dedit nobis discipulis suis, dicens: Bibite ex hoc omnes. Hic est sanguis meus noui testamenti, qui pro vobis & multis effunditur & datur in remissionem peccatorum.

Popul. Amen.

Sacerdos:

Hoc facite in meā commemorationē: quotiescūq; enim comederitis panem hunc, & hunc calicem biberitis, mortem filij hominis annūciatis, & resurrectionem eius cōfitemini, donēc veniat.

Et postea: Et dignare Domine benigne, vt nos audacter & cōfidenter, inculpatē, puro corde, animo contrito, facie minimē confusa, atq; erubescēte, labijs sanctificatis, audeamus inuocare te sanctum Deum patrem, qui in cælis es, & dicere:

Populus:

PATER noster qui es in cælis, sanctificetur nomen tuum, &c.

Cle. Rom.
cōst. Apo.
stol. l. 8, c.
17.

ITEM D. Clemens: Nam in qua nocte tradebatur, accipiens panem in sanctas & immaculatas manus, & suspiciens in te Deū suū & patrem, frangensq; dedit discipulis, dicēs: Hoc mysterium noui testamenti accipite: ex eo comedite. Hoc est corpus meū, quod pro multis frangitur in remissionem peccatorū. Similiter & calicem miscens ex vino & aqua, & sanctificans, tradidit eis, dicens: Bibite ex eo omnes: Hic est sanguis meus, qui pro multis effunditur in remissionē peccatorum: hoc facite in meā commemorationē. Quotiescūq; enim comederitis panem hunc, & biberitis calicē hunc, mortem meam annuntiabitis donēc veniam.

Alcuin. de
diui. offi.

ITEM Alcuinus: Hoc autem (inquit) quod sequitur: Qui pridie quā pateretur, vsq; in meā memoriam facietis, Apostoli in vsu habuerunt post ascensionem Domini.

Honor. in
gem. ani.
l. 1, c. 86.

HONORIVS etiam presbyter Augustod. Missam (inquit) in primis Dn. Iesus sacerdos secundū ordinem Melchisedech instituit,

tuit, quandò ex pane & vino corpus & sanguinem suum fecit, & ob memoriam suâ suis celebrare hoc præcepit. Hanc Apostoli auxerunt, dum super panem & vinum verba quæ Dominus dixit, & Dominicam orationem dixerunt.

ILLUD quoquè quod suprà ex Vvalafrido Strabo citatum est, super illud Act. 20. Vna autem sabbati, &c.

EODEM pertinet illud D. Basilij: Dogmata quæ in Ecclesia prædicantur, quædam habemus è doctrina scripto prodita, quædam rursus ex Apostolorum traditione, in mysterio, id est, in occulto tradita, recepimus. Quorum vtraque parem vim habent ad pietatem, nec his quisquam contradicit, quisquis sanè vel tenuiter expertus est, quæ sint iura ecclesiastica. Nam si consuetudines quæ scripto proditæ non sunt, tanquàm haud multum habentes momenti, conemur reiicere, imprudentes & ea damnabimus quæ in Euangelio necessaria ad salutem habentur, immò potiùs ipsam fidei prædicationem ad nudum nomen contrahemus.

CIVIS rei exempla proferens: Inuocationis (inquit) verba, quum ostenditur panis Eucharistiæ & poculum benedictionis, quis sanctorum in scripto nobis reliquit? Nec enim his contenti sumus, quæ commemorat Apostolus, aut Euangelium, verum alia quoquè & antè & post dicimus, tanquàm multum habentia momenti ad mysterium, quæ ex traditione citra scriptum accepimus.

LATè hoc quoquè deducit Innocentius 3. Epist. ad Ioannem Archiepiscopum Lugdunensem, in hæc verba: Quæsiuisti quæ sit forma verborum, quam ipse Christus expressit, quum in corpus & sanguinè suum panè transubstantiauit & vinum, & quisnam (nam has voces hîc desiderari censeo aut similes) illud in canone Missæ quo Ecclesia vtitur generalis, adiecerit, quod nullus Euangelistarum legit expressisse. Cum em̃ in Euangelio sic legat: Accipies calicè, gratias agès, benedixit, & dedit discipulis suis, dicès, Bibite ex hoc oēs.

Basil. de
Spir. sanc.
c. 27.

De celebr.
Missarum
c. cū Mar-
tha.

Matt. 26.

K 2 Hic

Hic est enim sanguis meus noui testamenti, qui pro vobis & multis effundetur in remissionem peccatorum: in canone Missae, sermo iste: videlicet, mysterium fidei, verbis ipsis interpositus inuenitur. Vnde quum non Euangelista Christum hoc dixisse testetur, miraris quod aliquis asseuerare tentauerit eum aliquid plus dixisse, quam aliquis Euangelistarum asseueret. Verum si formam ipsius canonis inspicias diligenter, praeter hoc de quo tua fraternitas requisivit, alia duo, videlicet, eleuatis oculis in caelum: * & aeterni testamenti: poteris in ipso canone reperire, quae in textu Euangelico non leguntur. Sanè multa tam de verbis, quam de factis Dominicis, inuenimus ab Euangelistis omissa, quae Apostoli vel suppleuissent verbo, vel facto expressisse leguntur. Paulus enim in Actibus Apostolorum sic ait:

Act. 20. Meminisse nos oportet verbi Domini Iesu, qui dixit: Beatius est dare, quam accipere. Hoc nullus quatuor Euangelistarum descripsit. Nullus etiam horum expressit, quod Paulus de Christo ad Corinthios scribens, ait:

1. Cor. 15. Visus est plus quam quingentis fratribus simul, deinde visus est Iacobo, nouissimè autem omnium tanquam abortiuo visus est & mihi. Ipsi autem Euangelistae mutuo inter se suppleuissent leguntur, quae ab eorum aliquo vel aliquibus sunt omissa: vnde cum tres Euangelistae posuerint, Hoc est corpus meum: solus Lucas adiecit, quod pro vobis tradetur. & cum Matthaeus & Marcus dicant, pro multis: Lucas dicit, pro vobis. Matthaeus autem, in remissionem peccatorum, adiunxit.

Luc. 22.
Matt. 26.
Marc. 14.

Radulph.
Tung. de
can. obs.
seru. c. vlt.
Guil. Dur.
rant. in
rat. diuin.
l. 4. c. 1.

Cum planè similia habet idem Innocentius. 3. lib. 4. de sacrificiis, c. 4.
RADVLPHVM Tungrensem & Guilielmum Durantum, tum quod recentiores sint, tum prolixitatis vitandae gratia, praetermittimus.

AB APOSTOLIS SANCITVM, VT IN
SACRIFICIIS DEFUNCTORVM AGA-
TVR COMMEMORATIO.

FACIT

FACIT huc in primis, quod in D. Iacobi fratris Domini Liturgia pronunciat Diaconus: Vt patres & fratres nostri qui ante obiērunt, in pace requiescant, Dominum oremus: Item quod sacerdos: Vt de manu Apostolorum tuorum verum hunc cultum accepisti, ita quoque è manibus nostris, qui peccatores sumus, recipe munera hæc proposita per tuam benignitatem: & fac, vt oblatio nostra grata & acceptabilis sit, per spiritum sanctum sanctificata, in propitiationem peccatorum nostrorum, & eorum, quæ populus per ignorantiam, admisit, & in requiem animarum eorum, qui ante nos dormiunt, vt & nos abiecti, & peccatores, & indigni serui tui, digni habiti, qui sine dolo ministremus sancto altari tuo.

ET oratio illa: Memento Domine Deus noster, spirituum & vniuersæ carnis, quorum memoriam egimus, Orthodoxorum ac rectè de fide sentientium, ab Abel iusto vsque ad hodiernum diem: Fac eos requiescere in regione viuientium, in regno tuo in delicijs paradisi, in sinu Abrahæ, Isaac & Iacob, sanctorum patrū nostrorū, vnde exulat dolor, tristitia, & gemitus: vbì præsidet lumen vultus tui, & perpetuè refulget.

ITEM illud D. Clementis Romani: De ijs autem qui quiescunt in Christo, postquam Diaconus absoluit orationem, nè idem repetamus, hæc addet: Pro quiescentibus in Christo, fratres nostri, rogemus, vt benignus Deus qui ipsius animam suscepit, dimittat ei omne delictum voluntarium & inuoluntarium: Et propitius illi factus, collocet eum in regiōe piorum & beatorum, in sinu Abrahæ, Isaac, & Iacob, cum omnibus qui à seculo placuerunt ei, & fecerunt voluntatem ipsius, vnde abest dolor, tristitia & suspirium.

AC quod habet in Liturgia Apostolica: Pro ijs qui in fide quiescunt, oremus.

DISERTIS certè verbis hoc testatur D. Athanasio loco citato à Damasceno serm. pro defunctis: Si quis (inquit) diem suum obierit, miērun.

iērit, licet in aērē deponatur inhumatus, nē omiseris ceram & oleū, inuocato Christo Deo, ad sepulcrum accēdere: Accepta enim Deo sunt, plurimamque secum referunt retributionem. Oleum enim & cera, holocaustum est: incruentae autē hostiae oblatio, propitiatio est. Quod verò in pauperes collocatur beneficium, omnis bonae retributionis augmentum. Itaque pro defuncto oblaturus, eundem feruet scopum, quem qui pro paruulo filio, adhuc imbecillo & infante. Interim enim dum puer egrotat, affert ceram, oleum, & thymiana in templum Domini magna fide, & accendit pueri nomine. Neque enim puer hoc faceret, vel posset, cum ignoret diuinæ regenerationis constitutiones. Sic cogitet etiam eum, qui in Domino mortem obiit, & posse & afferre ceram, oleum, & cetera, quae in redemptionem offerri solent. Quod si hac ratione & fide obtulerit, eius gratia non vndiquaque diuina gratia priuabitur. Apostoli enim Dei praedicatores & magistri, sacrificiorum curatores, alijque patres sacro afflati numine, ut participes virtutis animum excedere facientis, secundum quod fas erat, & acceptum Deo, diuino ore annunciāunt, operationes sacras & preces & psalmos annuēfariasque defunctorum memorias, & quaecunque vsque in hodiernum diem gratia benignissimi Dei augentur, incrementumque accipiunt, ab ortu solis vsque ad occasum, & à septentrione & meridie, in gloriam & laudem Dei domini dominorum, & regis regnantium.

Gre. Nyss.
apud Damasc.

ET D. Gregorius Nyssenus loco ab eo citato: Nihil absque ratione & vtilitate à praedicatoribus & discipulis Christi traditum, & in omnibus Ecclesijs praedicatum. Res autē modis omnibus utilis & Deo in primis grata, in diuinis preclarisque sacris operationibus, eorum qui in recta fide decesserunt, manifestam facere memoriam.

Chrys. hō.
3. in Epist.
ad Philip.

D. item Chrysostomus: Non frustra ab Apostolis sancitum est, ut in celebratione venerandorum mysteriorum, memoria fiat eorum

rum

rum qui hinc discesserunt. Nouerunt illis multum hinc emolumenti fieri, multum utilitatis. Stante siquidem vniuerso populo, manus in caelos extendente, cœtu item sacerdotali, verendoque posito sacrificio, quomodo Deum non placemus pro istis orantes?

Ac iisdem penè verbis alibi: Non temerè ab Apostolis hæc sancta fuerunt, vt in tremendis mysterijs defunctorum agatur commemoratio. Sciunt enim illis indè multum cōtingere lucrum, utilitatem multam. Cùm enim totus constiterit populus, Sacerdotalis plenitudo, & tremendū proponatur sacrificium, quomodo deū non exorabimus pro his deprecantes?

D. quoque Isidorus: Sacrificium pro fidelium defunctorum requie offerre, vel pro eis orare, quia per totum hoc orbem custoditur, credimus quòd ab ipsis Apostolis traditum sit. Hoc enim Catholica tenet Ecclesia, quæ nisi crederet, fidelibus defunctis dimitti peccata, non pro eorum spiritibus vel eleemosynam faceret, vel Deo sacrificium offerret. Nam cùm Dominus dicat: Qui peccauerit in spiritum sanctum, non remittetur ei, neque in hoc seculo, neque in futuro: demonstrat quibusdam illic dimittenda peccata, & quodam purgatorio igne purganda.

DAMASCENVS etiam: Diui autem Apostoli discipuli Saluatoris, qui totum mundi circulum cepere viuum prædicando verbum, quod suis oculis viderant, in tremendis & impolutis vitalibusque sacramentis, memoriam eorum qui fideliter obdormierunt, habendam edixerunt. Quod adhuc firmiter atq; ad eò sine contradictione obseruat Apostolica & Catholica Ecclesia CHRISTI & Dei, à finibus vsque ad fines terræ, ab eoque tempore vsque ad præsens, & in finem mundi vsque. Omnino hoc neque variè, neque absurdè, neque temerè fortuito ve ordinatum est. Quæ enim CHRISTIANA religio erroris nescia suscipit, & in tot secula seruat inconcussa, minimè

vana

Isidor. l. i.
de offic.
Eccl. c. 18.

Matt. 12.

Damasc.
serm. de
defunctis.

vana sunt, sed vtilia, DEO placita, salutique nostrae conducibilia plurimum.

Hrab. l. 2. H R A B A N V S denique verbis citatis ex Isidoro desumptis:
de instit. Sacrificium pro defunctorum fidelium requie offerre vel pro eis
cler. c. 44. orare &c. vt suprà.

LITURGIA D. PETRI APO- STOLI, PRIMI ROMANI PONTIFICIS.

Frā. Turr.
Dogm.
charact.
libr. 3.

PETRVS (inquit Franciscus Turrianus) Romæ Missam composuit, quæ omnium breuissima. In causa fuit, (vt apud quendam Simeonem Græcum Authorem notatum reperi) quod longam moram in templo facere non esset tunc tutum, propter Christianæ gentis hostes, quibus illa vrbs Babylon magna maxime abundabat. Hæc quoque extat scripta Græcè, quæ tota est Latine translata.

Q V A N D O Q V I D E M autem nunc hæc D. Petri Missa ad manum non sit, quæ de illa ex ipsius ore describit D. Clemens Romanus, in medium adferemus.

MODVS CELEBRANDORVM MYSTERIORVM A B. PETRO ACCEPTVS.

Clē. Rō.
Epist. 2.
ad fratrem
Domini.

SICVT (inquit) à B. Petro Apostolo accepimus omnium Apostolorum patre, qui clauis regni cælestis accepit, qualiter tenere debemus de sacramentis, quæ geruntur in sanctis, te ex ordine nos decet instruere.

MINISTRI MYSTERIORVM, ET QVID ILLIS CVRANDVM.

TRIBVS enim gradibus commissæ sunt sacramenta diuinorum secretorum, id est, presbytero, Diacono, & ministro.

Reli-

RELIQVIAE FRAGMENTORVM COR-
PORIS DOMINICI, CVM TIMORE CVSTO-
DIENDAE AVT CONSVMENDAE.

QVI cum timore & tremore reliquias fragmentorum corporis Dominici custodire debent, nè qua putredo in sacratio inueniatur, nè quum negligenter agitur, portioni corporis Domini grauis inferatur iniuria. Communio enim corporis Domini nostri Iesu Christi si negligenter erogetur, & presbyter minora nõ curet admonere officia, graui anathemate & digna humiliationis plaga feriat. Certè tanta in altario holocausta offerantur, quanta populo sufficere debeant. Quòd si remanserint, in crastinũ non referuẽtur, sed cum timore & tremore, clericorum diligentia consumantur.

Et iterũ: A principio Epistolæ hucusquẽ hunc locum de sacramentis delegauĩ benè intuendis, vbĩ non murium stercora inter fragmenta Dominicæ portionis appareant, neque putrida per negligentiam remaneant clericorum: & conuenientes, qui accipere sibi medicinam desiderant, putrida quum viderint, magis cum ridiculo & fastidio videantur accipere, & in peccatum magis decident per negligentiam clericorum. Quapropter nemo clericorum vltra hæc dissimulet, aut negligere vllatenus audeat: sed libenter, quæ iussa sunt, expleat, & sacramenta diuina nequaquam negligenter contrectet.

Et infra: Tales ad ministerium eligantur clerici, qui dignè possunt Dominica sacramenta tractare. Melius est enim Domini sacerdoti, paucos habere ministros, qui possint dignè opus Dei exercere, quàm multos inutiles, qui onus graue ordinatori adducant.

IEIUNIUM MINISTRORVM AN-
TE ET POST SVMPTIONEM.

L

QVI

QVI autem residua corporis Domini, quæ in sacrario relictæ sunt, consumunt, non statim ad communes accipiendos cibos conueniant, nè putent sanctæ portioni commisceri cibum, qui per aqualiculos digestus, in secessum funditur. Si ergo manè Dominica portio editur, vsque ad sextam ieiunèt ministri, qui eam consumpserunt. Et si tertia vel quarta hora acceperint, ieiunèt vsq; ad vesperam. Sic secreta sanctificatione æterna custodienda sunt sacramenta.

VASA ET VESTES

SACRAE.

Ibidem.

DE Vasis sanè sacris ita gerendum est. Altaris palla, canthara, (magis em̃ placet hæc lectio, vt referatur ad calicem : quàm alia, quæ legit, Cathedra) candelabrum, & velum, si fuerint vetustate consumpta, incendio dentur: quoniam nõ licet ea, quæ in sanctuario fuerint, malè tractari, sed incendio vniuersa tradantur. Cineres quoque eorum baptisterio inferantur, vbì nullus transitum habeat, aut in pariete, aut in fossis pauimentorum iacentur, nè introeuntium pedibus inquinentur. Nemo per ignorantiam clericus palla mortuum credat obuoluendum, aut Diaconus ea scapulas operire velit, q̃ fuit in altari, aut certè quæ data est in mensam Domini. Qui hæc fecerit, vel leuiter quasi nihil & negligenter habuerit diuina mysteria, Diaconus triennio, sexq; mēsis à Dominico alienus erit altari, graui percussus anathemate. Quòd si clericum Presbyter non commonuerit, decem annis & quinq; mēsis excommunicatus sit, propterea quòd de Dñicis sacramētis subiecta sibi nõ commonuerit ministeria, & postea cum grandi humilitate matri reconcilietur ecclesiæ. Pallas verò & vela, quæ in sanctuarij fordidata fuerint ministerio, Diaconi cum humilibus ministris iuxta sacrarium lauent, non eijcientes foràs à sacrario velamina Dominicæ mensæ, nè fortè puluis Domini corporis malè decadat à

dat à sindone foris abluta, & erit hæc operati peccatū: idcirco, intra
sacrarium ministris præcipimus, hæc sancta cum diligentia custo-
dire. Sanè peluis noua comparetur, & præter hoc nihil aliud tan-
gat. Sed nec ipsa peluis velis apponatur lauandis, nisi quæ ad Do-
minici altaris cultum pertinent. Pallē altaris solē in ea lauentur, &
in alia, vela ianuarum. De velis autem ianuarum cura sit ostiarijs
ex admonitione maiorum, nè quis negligens aut ignarus, ad velum
ianuę domūs dñi manus inconditè tergat, sed statim coërcitus, di-
scat omnis homo, quia velum atrij domūs dñi sanctum est.

A c infra: Si fortè quispiam Presbyter, siue diaconus, sacrarij
sindonem vel velum subtracta vendiderit, Iudę Iscariotis similis
ęstimabitur. Qui propter cupiditatem fecerit hoc opus, nouerit se
suprà dicti Iudę suscepturum penam.

FRAGMENTA OBLATIONVM DOMI- NI, LAICIS NON COMMVNICANDA.

PRÆCIPIMVS etiam, nè extero seu excommunicato Ec- Ibidem.
clesię siue Laico, de fragmentis oblationum Domini ponatur
ad mensam. Vndè scis tu, qui passim sacrarij panes indignis impen-
dis, vndè nôsti, si à mulieribus mundi sunt hi, quibus impendis?
Hinc & Dauid, ab Abimelech sacerdote interrogatus, quum panes 1. Reg. 27.
sibi ad comedendū posceret, si mūdus esset à muliere, quum se mū-
dum ante triduū profiteretur, panes propositionis manducauit.

ET rursū m: Calicem verò, ad perferendū sanguinem dñi, præ-
paratū cum tota mūditiā ministerij, minister præparet, nè non be-
nè lotus calix, Diacono peccatum fiat offerenti.

MINISTRI ALTARIS ETIAM PRO- PRIAS VXORES NON NOVERINT.

AD Dñica aūt mysteria tales eligantur, qui ante ordinatiōem
suam cōiuges suas nō nouerint. Quòd si post ordinatiōem,

L 2 mi-

ministro altaris contigerit proprium inuadere cubile vxoris, sacrificij non intret limina, nec sacrificij portitor fiat, nec altare contingat, nec ab offerentibus holocausti oblationem suscipiat, nec ad Dominici corporis portationem accedat, nec aquam sacerdotibus porrigat ad manus: sed ostia forinsecus claudat, minora gerat officia, vrceum siue calicem ad altare nō sufferat.

CAETERARVM QVOQVE MVLIERV
CONSORTIA DEVITENT.

Ibidem.

CLERICVS verò solus ad fœminæ tabernaculum non accedat, nec properet sine maioris natu principis iussione. Nec presbyter solus cum sola adiungatur, sed duobus adductis testibus, visitet infirmam. Nec solus cum sola fœmina fabulas misceat. Nec Archidiaconus, aut Diaconus, sub prætextu officij humilitatis, frequentet domicilia matronarum, aut fortè per clericos, aut domesticos eius, matronę mandent secreti aliquid. Si cognitum fuerit, & ille deponatur, & illa à liminibus arceatur ecclesiæ. Sed si fortè aliqua intercessio fuerit, episcopo suggeratur. Et si talis est, ad quam debeat ire pio interuentu, ipse pergat: Sin autem, de latere suo dirigat, cum duobus aut tribus, qui hoc sanare debeant. Sanè ad visitandam mulierem infirmam nullus clericus ingrediatur, nisi cū duobus aut tribus. Nemo tamen clericorum cum extranea habitet fœmina, nisi proxima aut soror fuerit. Et hoc cum magna sollicitudine fiat. Non ignoramus malitias satanæ.

ECCLESIARVM ET SACERDO-
TVM CONSECRATIO.

Ibidem.

ECCLESIAS per cōgrua & vtilia facite loca, quæ diuinis precibus sacrare oportet, & in singulis sacerdotes, diuinis orationibus Deo dicatos, poni.

Idē epi. 3.

QVONIAM (inquit idem Diuus Clemens) in alijs locis sacrificia.

ficare, & Missas celebrare non licet, nisi in his, in quibus Episcopus proprius iusserit, aut ab Episcopo regulariter ordinato, tenente videlicet ciuitatē, consecratus fuerit. Aliter enim hæc non sunt agenda, nec ritè celebranda, docente nos nouo & veteri testamēto. Hæc Apostoli à Domino acceperunt, & nobis tradiderunt: hæc nos doceamus, vobisq; & omnibus, absq; repræhensione tenere, & docere, quibus agendum est, mandamus. Vnaquæque etenim res, tempus suum habet & locum.

ALIA DE SACRIFICIO A D. PETRO
CELEBRATO, TESTIMONIA.

CERTE Abdias post Cæsareæ narratā D. Petri & Simonis Abd. A. post. hist. l. 1. magi disceputationem: Et postquā (inquit) orauit, & præcepit vt die postera maturiùs conuenirent, sacrificium fecit.

D. Linus etiam cum Abdia, quum iam, nè subiret martyrium Linus de pass. Petr. Romæ, fugere statuisset D. Petrus: Proxima (inquit) nocte, celebrata oratione, valedicens fratribus, & cum benedictione illos Deo commendans, profectus est solus.

QVO ipsum reperire est apud Egesippum iisdem planè verbis. Egesip. de excid. Hieros. l. 3. c. 2. Isid. li. 1. de diuin. offic. c. 15.

D. verò Isidorus disertis verbis: Ordo (inquit) Missæ vel orationum, quibus oblata Deo sacrificia consecrantur, primùm à sancto Petro est institutus, cuius celebrationem vno eodemq; modo vniuersus peragit orbis.

ET Albinus Flaccus Alcuinus: Missam Petrus Apostolus primus omnium Antiochiæ dicitur celebrasse. In qua tres tantummodò orationes in initio fidei proferebantur, incipientes ab eo loco, vbi dicitur: Hanc igitur oblationem.

AC Vvalafrius Strabus: Romani quidem vsum obseruationū à beato Petro principe Apostolorum accipientes, suis quique temporibus, quæ congrua iudicata sunt, addiderunt. Quorum morem Vvalafr. Strab. de rebus eccl. c. 22.

L 3 ideò

ideò in sacris rebus tam multæ gentes imitantur, quia & tanti magisterij ex apice Apostolico primordijs clarent, & nulla per orbem Ecclesia, æquè vt Romana, ab omni face hæreseon cunctis retrò temporibus pura permanfit.

Simeon
Metaphr.
in vita
Petri.

QVIBVS consentit & Simeon Metaphraftes: Romæ (inquit) quum quotidie synaxes celebraret Petrus, & vnum DEVM patrem omnipotentem, & vnum Dominum Iesum Christum filium verum de Deo vero, & vnum Spiritum sanctum Dominum & viuificum, in synagogis & domi doceret, attraxit multos ad fidem in Christum.

Hugo de
S. Vict. l. 2
de sacrâ.
part. 6. c.
14.
Mart. Po-
lonus in
Chro. an.
Dom. 36.
Ibidè an.
399.

HVG O etiam de S. Victore: Hanc Missam B. Petrus Apostolus &c. ijsdem verbis quibus suprà Alcuinus.

MARTINVS quoquè Polonus: Antiochię (inquit) Petrus primam Missam celebrauit, dicendo solum modò (præter consecrationis verba) Pater noster.

ET iterum: Quum Syluester (inquit) Pontifex, statuerit vbiquè in Ecclesijs haberi altaria lapidea: in prædicta Ecclesia non erexit altare lapideum, sed ligneum antè habitum stabilivit. Est enim altare, in quo beatus Petrus & alij successores, vsq; ad tempora Syluestri celebrasse dicuntur. Tunc enim sæuiente persecutione, certa non erat in vrbe Episcopalis statio: sed vbicunquè poterant, siue in cryptis, siue in cœmeterijs, & subterraneis, siue in domibus virorū fidelium aut mulierum, Missam celebrabant super illud altare ligneum: quod erat concauum velut arca, habens quatuor circulos in angulis, per quos quatuor presbyteri illud ad locum celebrationis deferebant. Et ob reuerentiam S. Petri & aliorum sanctorum Pontificum, statuit B. Syluester, vt nullus nisi summus Pontifex, super illud celebret: quod vsque hodiè seruetur. Sed super ipsum deposita mensa summus Pontifex celebrat solum: quæ deponitur in cœna Domini, & non reponitur, nisi in Sabbato sancto post baptismum.

GVL

GVILIELMVS deniquè Durantus: Missam (inquit) instituit Dominus Iesus sacerdos secundum ordinem Melchisedech, quando panem & vinum in corpus & sanguinem suum transmutauit, dicens: Hoc est corpus meum, Hic est sanguis meus: & subiungens, Hoc facite in meam commemorationem. Apostoli autem hanc Missam adauxerunt, dicentes in Missa non solum verba præmissa, verum etiam Dominicam orationem superaddentes. Vnde B. Petrus sic Missam primus dicitur celebrasse in partibus Orientalibus, ubi post Domini passionem quatuor annis cathedram tenuit sacerdotalem. Deinde verò accepit cathedram Antiochiæ, ubi tres orationes ad Missam adiecit.

CAETERVM non D. Petrum solummodò, sed & cæteros omnes Apostolos sacrificasse testatur etiam iam olim D. Epiph. contra Collyridianos, qui D. Mariæ per mulieres sacrificabant: Petrus ite (inquit) & Andreas, Iacobus & Ioânes, Philippus & Bartholomæus, Thomas, Matthæus, & Iacobus Alphæi, & Iudas Iacobi, & Simon Cananæus, & Mathias, qui in complementum duodecim electus est: hi omnes electi sunt Apostoli, sacrificantes per terram Euangelium vnà cum Paulo & Barnaba ac reliquis, & mysteriorum duces cum Iacobo fratre Domini & primo Episcopo Hierosolymorum. A quo Episcopo & prædictis Apostolis, constitutæ sunt successiones Episcoporum & presbyterorum in domo Dei: & nupquam mulier inter hos constituta est. Fuerunt autem (inquit) quatuor filiæ Philippo Euangelistæ prophetantes, non tamen sacrificantes. Et erat Anna prophetissa filia Phanuelis, sed non sacrificium concreditum habuit.

Si quis plura huc pertinentia desideret, videat quæ scribit Abdias Babylonius de Missis DD. Apostolorum, Andreæ, Ioânis, Matthæi, & Thomæ: quod habet Beda de Missa D. Ioannis, ac quod habet de *παραλή* D. Ioânis Polycrates Ephesius apud Eusebium & Nicephorum.

LITVRGIA

Guiliel.
Durant.
rat. diuin.
l. 4. c. 1.

Epiph. l. 3.
Tom. 2.
hær. 79.

Abd. hist.
Apost. l. 3.
s. 7. & 9.
Beda hō.
de fest. 10.
an. Euāg.
Euseb. l. 5.
hist. Eccl.
c. 24.
Niceph.
Eccl. hist.
l. 4. c. 37.

LITVRGIA D. MARCI EVAN-
GELISTAE, AQVILEIEN-
SIVM APOSTOLI.

Frā. Tur.
dog. cha-
ract. l. 3.

MISSA M (inquit Franciscus Turrianus) in Ecclesia Ale-
xandrina Marcus composuit, quæ etiam apud nos Græcè
extat, quæ est aliquanto breuior Missa Iacobi.

Nos, quandoquidem hæc nondum extet, quicquid alicubi le-
gere contigit huc spectans, in medium adferemus.

Sacerdotium D. Marci.

Hieron-
prol. in
Marcum.

IN PRIMIS autem huc pertinet illud D. Hieronymi: Ampu-
tasse autem sibi post fidem pollicem Marcus dicitur, ut sacerdotio
reprobis haberetur. Sed tantum consentiens fidei prædestinata
potuit electio, ut non sic in opere verbi perderet, quod prius me-
ruerat in genere. Nam Alexandria Episcopus fuit.

Isid. lib. 1.
patr. noui
testam.

QUOD ipsum habet etiam D. Isidorus: Marcus (inquit) Evan-
gelista, ne ad sacerdotium promoueretur, abscidisse sibi pollicem
fertur. Primus tamen Alexandria cathedram tenuit.

HACTENVS illi, atque quum sacerdotis sit ac Pontificis, (teste
Apostolo) offerre dona & sacrificia pro peccatis, colligitur hinc, ne-
cessario sacrificium celebrasse.

Euseb. Ec-
cl. hist. l.
2. c. 16.
Niceph.
hist. Eccl.
l. 2. c. 16.

EODEM spectat, quæ de *θεραπεύταις* Alexandrinis sub D. Marco
scribit Philo Iudæus, qui ppe quum scribat Eusebius Cæsarensis, &
post eum Nicephorus, euidentissimo illo libro omnia Ecclesiæ
instituta contineri.

Ecclesiarum erectio.

POST hæc (inquiunt illi) descriptis eorum habitaculis, ut se
habeat singulorum qualitas & situs, etiam de ecclesijs quæ aquæ
eos sunt, ita dicit:

Philo lib.
de vit. cō-
templ.

HABET (inquit Philo) vnusquisq; sacram ædiculam, *σεμνείον*
siue

siue μονασήριον appellatam, in qua secedentes honestæ sanctæque vitæ *μυσήρια τελούνται*, non cibum, non potum, non aliud quicquam vsui corporis necessarium eò inferentes, sed leges tantum & oracula Prophetarum, & hymnos, & alia huiusmodi: per quæ doctrina simul & pietas augefcunt, ac perficiuntur. Per sex hebdomadæ dies in dictis monasterijs seorsum morantur singuli, & solitarij secum philosophantur: nec limen exeunt, nec intus abditæ per speculam vllam foras prospiciunt. Septimo autem die velut in Collegium congressi, ordine confident pro sua quisque ætate, cum habitu decenti, intrâ quem manus tenent, dexteram inter pectus & mētum positam, sinistram reductam ad latus. Tunc prodiens vnus in medium, qui cæteris senior, & dogmatum peritior habetur, mira vultus & vocis grauitate, cum magna item mentis solertia disserit: haud sanè, vt Rhetores vel Sophistæ nostræ tempestatis, dicendi acrimoniam ostentans: sed exactam potiùs vim sententiarum perscrutans atque enucleans, quæ non solum infideat extremis auribus, verumetiam per auditum in animum penetret, ac tenaciter inhæreat. Reliqui omnes cum silentio auscultant, & dictorum commendationem, oculorum vel capitis nutibus dicenti solum significant. Porro commune illud monasterium, in quod septimo quoque die concurrunt, duplicem habet ambitum distinctum, vnum ad virorum, alterum ad mulierum proprios confessus. Nam docentem audiunt vnâ etiam mulieres, vtpotè eiusdem zeli atque instituti consortes. At paries vtrunque dirimens habitaculum, tribus tantum vel quatuor cubitis supra pauimentum instar propugnaculi erectus est. Reliquum spatium ad tectum vsque apertum relinquitur, duabus forsitan de causis: tum vt conueniens naturæ muliebri pudor conseruetur, tum vt ex congrua loci dispositione, facile illæ percipiant vocem differentis, nulla media obstructione prepeditam.

M — HYMNO—

LITVRGICON ECCLESIAE LATINAE
HYMNORVM, PSALMORVM, ET LECTIO-
NUM AD LIBAMINA, AD ARAM IN STA-
TIONIBVS DECANTATIO.

Euseb. &
Niceph.
locis cita-
tis.

HAEC Philonem (inquiunt Eusebius & Nicephorus) de nostrorum θεραπευτῶν consuetudine referre, quis potest dubitare? Quod si cui adhuc videatur ambiguum, adhibebimus etiam alia eius dicta, quæ nulli omnino, nisi nostris tantummodo cōuenire, etiam infidelissimus quisque fatebitur. Ait ergo: Cum viris autem sunt & fœminæ &c. Quid autem adhuc his opus est, etiam de conuētibus eorum quæ scribit, & vt seorsum quidem viri, seorsum autem in iisdem locis fœminæ congregētur, & vt vigilias sicut apud nos fieri moris est, peragant, & maximè diebus illis, quum passionis Dominicæ solennitas celebratur, quum in ieiunijs pernoctare, & lectionibus sanctis auditum præbere consueuimus. Quæ omnia supradictus vir ex ordine, eaquæ consequentia qua apud nos geruntur, expressit.

Phil., l. cit.

VBI tandem (inquit Philo) fatis deseruisse videtur Præses, ac feliciter cessasse tam docenti sermo conatibus certis ad scopum perductus, quàm audientibus dictorum intelligētia, plausus fit à cunctis, ad vesp̄eram vsque simul gaudentibus. Tum exurgens vnus, hymnum canit in Dei laudem, vel recens à se factum, vel pridem ab aliquo priſcorum vatū, qui carmina & cantica permulta ipsis reliquerunt trimetri generis. Profodias item & hymnos varios, qui ad libamina, ad aram, in stationibus quoquē & choris cōcinuntur. diuersisque in choro fiunt conuersionum vicibus, eleganter commensurati. Post illum alij quoquē singulatim canunt, ordinem suum, ac decorum optimè seruantes, cæteris interim magna cum quiete attendentibus, præterquàm ubi ad extremas certas hymni partes accinenda sunt, quæ vocant Ephymnia. Tunc enim omnes simul viri & mulieres pariter exclamant.

SACER-

SACERDOTVM λειτουργία.

ADDIT autem adhuc his, (inquiunt Euseb. & Niceph.) modum præsidendi eorum, quibus Ecclesiasticæ Liturgiæ commissæ sunt, siue (vt vertit Rufinus) quomodo sacerdotes vel ministri exhibeant officia sua, & summam omnium Episcopalis apicis dignitatem. Hactenus illi. Quod quo loco faciat Philo, non video, nisi verbis sequentibus, vt quandoquidem nondum sacris mysterijs initiatus fuerit Philo, cætera mysteriorum secreta ignorauerit: ea verò sola narret, quæ aut eminens est conspicatus, vel ex relatu cognouit.

ΙΔΟΥΕ (inquit Philo) ob reuerentiam τῆς ἱερᾶς τραπέζης, Philo loc. quæ in ἀγία προνάος, id est, anteriore Ecclesiæ parte sita est. In ea ^{cit.} enim azymi panes, id est, absq; fermento & sales prorsus inconditi, eò quòd decet simplicissima & syncerissima quæque in præstantissimam sacrorum siue sacerdotum partem, velut λειτουργία præmium, deputari.

DE LITVRGIA D. MARCI APERTIO-
RA TESTIMONIA.

VTVT autem illa quis intelligat, certè vita ipsius D. Marci à Notarijs, quantum apparet, primitiua Ecclesiæ conscripta, Missam ab eo celebratam docet.

FACTVM est (inquiunt) vt beatissima festiuitas nostra Paschalis, id est, Dominicus dies sanctus, occurreret vicesimo die mensis Parmuthi, quod est octauo Kalendarum Maiarum: quo tempore corum Serapiaca agebatur celebritas. Hac igitur opportunitate adunati, insidiatores protinus dirigunt: qui repperunt eum orationis oblationem diuinæ Maiestati sacratissimam celebrantem.

ITEM venerabilis Beda: At postquam constitutis & confirmatis Ecclesijs per Libyam, Marmaricam, Ammonicam, Maij.

M 2 Pen-

Notar. in
vita D.
Marci.

Beda in
Martyrol.
ad 7. Kal.
Maij.

Pentapolim, Alexandriam, atque Aegyptum vniuersam, ad vltimū tentus est à paganis, qui remanserant Alexandria, qui videntes eum die sancto Paschæ Missas facientem, miserunt funem in collo eius.

Ado in Martyrol. **E**T Ado Treuirensis: Qui videntes (inquit) eum die sancto Paschæ Missam facientem, miserunt funem in collo eius, & trahebant eum ad loca Bucolicæ, quæ erant iuxta mare sub rupibus, vbi erat Ecclesia constructa. Et defluebant carnes eius in terram, ac saxa inficiebantur sanguine.

Marian. Scot. li. 2. histor. Anton. part. 1. tit. 6. c. 16. **C**ITAT quoquē ipsa illa verba Bedæ ex eius Martyrologio Marianus Scotus, & iisdem vtitur Antoninus in Summa historiali.

LITVRGIA D. BARNABAE MEDIOLANENSIVM APOSTOLI.

Alexand. Monach. in vita D. Barnabæ. **L**ITVRGIAE D. Barnabæ in hæc verba meminit Alexander Monachus apud Simeonē Metaphrasten: Hæc quum dixisset Barnabas, vnà cum omnibus Deum orauit, multusq; fletus hominum fuit, eò quòd dixerat, tempus propè esse quo à corpore dissoluendus foret. Ipse verò quum panem & calicem sumpsisset, & diuinæ Liturgiæ ordinem totum compleuisset, vnà cum fratribus particeps factus est Eucharistiæ sacramentorum.

MYSTERIA CELEBRATA A D. NICOMEDE, ROMANO PRESBYTERO.

Marcel. in vita D. Petron. & D. Nicomæ. dis M. S. **V**ENIENS (inquit D. Marcellus Petri discipulus) ad Petronillā S. Nicomedes presbyter, celebrauit mysteria Christi, Virgo

Virgo autem sanctissima, mox vt corporis Christi sacramentū accepit, reclinans se, in lectulo emisit spiritum.

Q V O D ipsum habet ven. Beda in hæc verba: Petronilla tertio die celebratis Dominicæ oblationis mysterijs à S. Nicomede presbytero, mox vt Christi sacramenta percepit, reclinans se, in lectulo emisit spiritum.

Beda in
Mar. prid.
Cal. Iunij

E O D E M pertinet illud Martyrologij Romani: Romę via Numentana natalis Nicomedis presbyteri & martyris, sub Domitiano Imperatore. Qui quum diceret compellentibus se sacrificare: Ego nō sacrifico nisi Deo omnipotenti qui regnat in cælis, plumbatis diutissimè cæsus, migravit ad Dñm.

Martyrol.
Rom. 17.
Cal. Octo.

SOLENNIA CELEBRATA A D. APHRODISIO, I. BITVRIGVM EPISCOPO.

B I T V R I G A S ciuitatem adgressus, (inquit Gregorius Turo-
nensis) salutare omnium Christum populis nunciauit. Ex his
ergo pauci admodum credentes clerici ordinati, ritum pfallendi
fufcipiunt: & qualiter ecclesiam construant, vel omnipotenti Deo
solennia celebrare debeant, instituuntur.

Gregor.
Tur. hist.
Fræc. li. 1.

MYSTERIA D. APOLLINARIS, I. RAVENNATENSIVM EPI- SCOPI, ET INCOLARVM DANVBII, AC DĀLMĀ- TARVM APOSTOLI.

M Y S T E R I A (inquiunt Protonotarij Ecclesiæ primitiæ) &
baptismata in domo Tribuni, B. Apollinaris agebat cum
discipulis suis assidue.

Proton.
Eecl. pri.
in vita D.
Apollin.

M 3 E T

Et postea: Habebāt enim Christiani tuguria non longè à muro, vbi mysteria faciebant.

Et denuò: Cōtigit aut post multū temporis, dū apud Christianos mysteria faceret in suburbano Pyrinæi senatoris, quòd subito feditio orta est.

Petr. Chry
sol. serm.
128.

PRO quo etiam facit D. Petrus Chrysologus: Beatus (inquit) Apollinaris primo sacerdotio solus hanc ecclesiam Rauennatem vernaculo atq; inclyto martyrij honore decorauit.

D. SAVINIANI, I. SENONENSIVM
EPISCOPI, OFFICIUM DIVINI
SACRAMENTI.

Vita D.
Sauinia.
MS. apud
Guiliel.
Brugen.

QVVMQVE his & similibus verborum admonitiōibus hortaretur suos B. Pontifex Sauinianus (vt habetur in eius vita) data benedictione, postquā diuini sacramenti peregit officium, videns caterua paganorum, quoniam diutius moras innecteret, intus cum grandi accedentes strepitu, beatum dignę memorię Sauinianū, simulq; eius discipulū Victorinū circumueniūt.

D. CLEMENTIS, I. METENSIVM EPI
SCOPI ET BELGARVM APOSTO
LI, MISSARVM SOLENNIA.

Anton.
hist. part.
1. tit. 6. ca.
26. §. 1.

SEQVENTI autem die (inquit Anton.) celebratis Missarum solennijs. & cūctis adstantibus sacra cōmunionē refectis, ad locū cauernę, sequeute omni populo, accessit cū psalmis & oratiōibus.

D. POTENTIANI, II. SENONENSIVM
EPISCOPI, QVOTIDIANVM SA
CRIFICIUM.

Vita D.
Potētiani
MS. apud
Guilielm.
Brugen.

VENERABILIS, Potentianus anno elapso à martyrio Sauiniani per Ducem Seuerum, (inquit author vitę ipsius) Duci respondit intrepidus: Nos Deum in cælis habemus, cui quotidie offerimus sacrificium laudis.

LI

LITVRGIA D. CLEMENTIS,
ROMANI IIIII. PONTIFI-
CIS, SEV POTIVS APO-
STOICA.

DESCRIPTIO ECCLESIAE ET CLERI, ET
QVIVNSQVISQVE EX CONGREGATIS CLE-
RICIS ET LAICIS, IN SYNAXI FACERE DEBEAT.

QVVM Ecclesiam Dei conuocas (inquit D. Clemens) o Epi-
scope, veluti magnæ nauis gubernator, ubi cum omni scie-
tia cœtus celebrari præcipiens Diaconis, tanquàm nautis, vt dispo-
nant loca fratribus, tanquàm epibatis, cum omni diligentia & san-
ctitate. Ac primùm sit longa domus, ad Orientē cōuersa, ex vtraq;
parte pastophoria habēs ad Oriētem, q̄ nauis habeat similitudinē:
In eius medio sit Episcopi sedes: ad cuius vtrunq; latus consideāt
presbyteri, & Diaconi asistant succincti & expediti. Hi enim sunt
ad nautarum & muralium præfectorū similitudinem. Horum cu-
ra Laici in altera parte sedeant cum omni quiete & ordine; mulie-
res quoquē separatim sedeant, silentium seruantes. Medius Lector
ē loco superiori stans, legat libros Moſis, Iesu Naue, Iudicum, Re-
gnorum, Paralipomenon, de reſitu: præterea Iob, Solomonis, sex-
decim prophetarum, seruata lectionum vicissitudine. Alius Dauid
hymnos canat, & populus initia versuum concinat. Post hæc, Acta
nostra, & Epistolas Pauli cooperatoris nostri, quas ad Ecclesias
misit, secundum institutionem spiritūs sancti. Deindē Diaconus
vel Presbyter legat Euangelia, quæ ego Matthæus & Ioannes vo-
bis tradidimus, & cooperator Pauli Lucas & Marcus accepta vo-
bis reliquerunt. Ac quum Euangelium legitur, omnes Presbyte-
ri, Diaconi, & Laici assurgant cū magnō silētio: Scriptum est enim:
Tace, & audi Israel. Et rursū, Tu verò hīc sta, & audies. Deindē
verò

Clē. Rō.
cōst. Apo-
stolicar.
li. 2. c. 61.

Loquitur
D. Clemēs
in perso-
na Apo-
stolorum,
quorum
Missam
describit.

verò moneant Presbyteri populum, vt sedeat, sed non omnes: ac postremus omnium Episcopus, qui gubernatori est similis. Maneant autem Ostiarij ad introitus virorum, illos custodiētes: Diaconissa, ad introitus fœminarum, more nauticorum custodum. Nam in tabernaculo testimonij, eadem seruabatur forma cum populo Dei. Si quis inueniatur extra locum sedere, increpetur à Diacono, veluti proreta, & in suum locum reducatur. Non solum enim nauis, sed etiam mandræ habet Ecclesia similitudinem: nam sicut pastores pecudes, capras (inquam) & oves, secundum genera & ætates separant, & quælibet sui generis similes sequitur: sic in Ecclesia iuniores seorsum sedeant, si fuerit locus, alioqui maneant recti: grandiores natu, ordine sedeant: pueros stantes recipiant eorum patres & matres. Adolescentulæ rursum, si sit locus, seorsum maneant, cæteraque post mulieres stent: nuptæ, & quæ iam liberos habent, seorsum maneant. Virgines & viduæ & anus, primæ omnium vel stent, vel sedeant. Diaconus autem loca videat, vt quilibet ingrediens, in suum locum concedat, ac præter decorum nõ sedeat. Eodem modo diaconus attendat in populo, nè quis murmuret, nève conuiueat, vel nutet. Oportet enim in Ecclesia accuratè, sobriè, vigilanter manere, attentas aures habentes ad Domini sermonem. Post hæc oēs simul assurgentes, & ad Oriētem conuersi, post Catechumenorum & Pœnitentum exitum, supplicent Deo cælum celi tenenti, idque ad Orientem, in memoriam veteris possessionis Paradisi ad Orientem positi, vnde primus homo, contempto mandato, serpentis consilio obtemperans, expulsus fuit. Diaconi, absoluta oratione, alij oblationi eucharistiæ sint intenti, ministrantes corpori Domini cum timore: alij turbas videant, quietemque illis imperent. Dicat autem, qui assistit pontifici, Diaconus populo: Nè quis contra aliquem, nè quis in hypocrisi. Deindè saluent inter se viri, & inter se mulieres osculo in Domino: sed caueant, nè quis dolosè id faciat, quemadmodum Iudas osculo Dominum tradidit.

Po-

Posteà Diaconus oret pro omni ecclesia, proque vniuerso mundo, pro suis patribus ac membris, item pro sacerdotibus, pro principibus, pro Pontifice, pro Rege, atque pro communi pace. Deindè Pontifex populo precatus pacem, eidem benedicat, quemadmodùm Moyses mandauit sacerdotibus, vt benedicerent populo his verbis: Benedicat tibi Dominus, & custodiat te: Ostendat Dominus faciem suam super te, & det tibi pacem. Item Episcopus oret, ac dicat: Saluum fac Domine populum tuum, & benedic hæreditati tuæ, quam possedisti, & acquisiisti precioso sanguine Christi tui, & vocasti regale sacerdotium & gentem sanctam. His perfectis, sacrificium peragatur, adstante omni populo, atque secretò orante. Ac postquàm oblatum fuerit, accipiant singuli per se ordine Dominicum corpus & preciosum sanguinem, gradatim, cum pudore ac timore, tanquàm ad Regis corpus accedentes: mulieres quoque velato capite, quemadmodùm eas decet, ordine accedant: custodiantur portæ, nè quis infidelis vel nondùm initiatus ingrediatur.

Num. 6.

Psal. 17.

Si quis venit à parœcia frater vel soror, commendatitias literas afferens, cognoscat de ijs Diaconus: exquirens an fideles sint, an ecclesiastici, an ab hæresi non deprauati: & rursùm, sit ne nupta, an vidua. atque ita quum perspexerit illorum statum, quòd sint verè fideles, & concordēs in Dominicis rebus, deducat, vnumque in conuenientem sibi locum. Si presbyter à parœcia venerit, recipiatur à Presbyteris in communionem. Si Diaconus, recipiatur à Diaconis. Si Episcopus, vnà cum Episcopo sedeat, eundem ab illo obtinens honorem. Rogabisque eum, ô Episcope, vt sermones habeat ad populum, ad docendum accommodatos: peregrinorum enim adhortatio & admonitio valdè accepta atque vehementer utilis esse consuevit. Nullus enim Propheta (inquit) acceptus est in patria sua. Permittes etiam ei Eucharistiam offerre: si propter reuerentiam, velut sapiens, scilicet honorem tibi re-

Ibid. c. 62.

Luc. 4.

N ser-

seruans, noluerit Eucharistiam offerre, coges eum vt vel populo benedicat. Si cum sedet is, alius quidam interueniat honestus & clarus in vita, peregrinus vel indigena: tu Episcopo, qui fortè vel verbum Dei prædicas, vel Cantorem aut Lectorem audis: noli illius personæ obsequio ministrorum verbi relinquere, vt illi primum confessum præcipias: sed mane quietus, non interrumpens sermonem vel auditionem tuam: fratres autem per Diaconos eos recipiant. Si locus desit, Diaconus excitato eo, qui iunior fuerit, non tamen iram adhibens, sed persuasionem, illum in sede collocet. Est autem æquum, vt beneuolus id per se faciat. Quod si renuerit, illum vi deturbatū, post omnes statuatur, vt discant reliqui præstantioribus cedere. Si inops aliquis, vel obscurus, vel aduena venerit, siue senex, siue adolescens ætate is sit, locusque desit, ei locum ex toto corde prouideat Diaconus, nè personis gratificari videatur, sed à Deo ministerij gratiam inire. Idem seruet Diaconissa cum aduenientibus mulieribus, pauperibus siue diuitibus.

QVOD OPORTET MANE ET VESPERE,
ET PRAESERTIM DIE DOMINICO COE-
TVS FREQUENTARE.

Ibid. c. 63.

QVOTIDIE conueniatis manè ac vespere, psallentes atque orantes in Dominicis, manè dicentes psalmum sexagesimū secundum, vespere centesimū quadragesimū: maximè verò hoc seruetis in Sabbato, & in die Resurrectioni dicato. Verum in die dominico diligentius conuenite, laudem Deo laturi, qui per Iesum cuncta condidit, & illum ad nos misit, atque mori permisit, & à mortuis excitauit. Nam quam excusationem afferre potest Deo, qui in hoc die non conuenit ad audiendum salutarem de resurrectione sermonem, in quo tres orationes, stantes, concipimus in memoria illi, qui tertia die resurrexit, in quo Prophetarum lectio habetur, & euangelij prædicatio, & sacrificij oblatio, atque sacri cibi dispensatio

ET

ET iterum: Die Resurrectioni dñi dicato, (Dominicum dicimus) conuenite assidue, gratias agentes deo, & confitentes de beneficijs, quæ in nos contulit Deus, per Christum liberans nos ab ignorantia, errore, vinctis, vt careat repræhensione sacrificium nostrum, & facile ascendat in deum, qui de Oecumenica sua Ecclesia dixit: Malach. 1.
In omni loco offeretur mihi incensum & sacrificium mundum, quoniam rex magnus ego sum, & dominus omnipotens, & nomen meum admirabile inter gentes.

QVOD NON OPORTET LAICVM SACERDOTALE OFFICIUM FACERE, AVT BAPTISMA, AVT SACRIFICIUM, AVT MANVS IMPOSITIONEM, AVT BENEDICTIONEM.

SED neq; laicos concedimus aliquod sacerdotale munus exercere, veluti sacrificium, baptismum, manuum impositionem, vel benedictionem magnam siue parvam. Non enim sibi quis sumit honorem, sed qui vocatur à Deo. Nam per Episcopi manus datur hæc dignitas. Qui verò ad eam promotus non est, sed eam sibi usurpat, Oziæ poenam sustinebit. Ibid. lib. 3. cap. 10.

QVOD EXCEPTO EPISCOPO VEL PRESBYTERO, NEMINI EX RELIQUIS CLERICIS CONCESSVM EST SACERDOTALIA EXERCERE, ORDINARE AVTEM, SOLI EPISCOPO CONVENIAT.

SED neque reliquos clericos baptizare permittimus, veluti Lectores, Cantores, Ostiarios, ministros, sed solos Episcopos & presbyteros, ministrantibus illis Diaconis. Qui hoc ausi fuerint, Coritarum supplicium patietur. Non concedimus autem presbyteros ordinare diaconos, Diaconissas, Lectores, Ministros, Cantores, Ostiarios, sed solos Episcopos: Is est enim ordo, & harmonia Ecclesiastica. Ibid. c. ii. Num. 16.

LITVRGICON ECCLESIAE LATINAE
DE MINISTRORVM ALTARIS CON-
TINENTIA.

Ibid. lib.
6, cap. 17.

EPISCOPVM & Presbyterum, ac Diaconum dicimus vnus vxoris debere constitui, siue viuât eorum vxores, siue decesserint: non licere autem ijs, si post ordinationem sine vxore fuerint, ad nuptias transire: vel si vxores habeant, cum alijs coniûgi, sed cōtentos esse ea, quam habētes ad ordinationem venerunt: Ministros quoquē, Cantores, Lectores, Ostiarios, vnus vxoris viros esse, iubemus. Si ante nuptias ad clerum venerunt, cōcedimus eis vt vxores ducere possint, si quidem hoc expetent, nē, si peccauerint, poena afficiantur. Statuimus autem, nemini licere ex clero amicam, vel ancillam, vel viduam, vel repudiatam ducere, vt etiam lex vetat. Diaconissa sit virgo casta: sin minùs, saltē vidua eligatur, quæ vnū virum habuerit, fidelis & honesta.

SERMO EPISCOPI POST LECTIONEM
SCRIPTVRARVM.

Ibid. lib.
8, cap. 4.

POST verò lectionem legis & Prophetarū, Epistolarum nostrarum, Actuum, atq; Euangelij, ordinatus salutet Ecclesiam ijs verbis: Gratia Dñi Dei nostri Iesu Christi, & charitas Dei patris, & communicatio Spiritus sancti, cum omnibus vobis, Amen. Et omnes respondeāt, Et cum spiritu tuo. Post hæc verba alloquitur populum sermonibus exhortatorijs.

SERMO DIACONI PRO CATE-
CHVMENIS.

Ibid. ca. 6.

OMNIBVS consurgentibus, Diaconus ascendens altum aliquem locum, pronunciet: Nē quis auditorum, nē quis infidelium. Silentioq; facto, dicat: Catechumeni, orate. Et omēs fideles orēt, attento animo dicētes: Dñe, miserere. Diaconus, p̄ ipsis oret, dicens: Pro catechumenis oēs Deū oremus, vt bonus & benignus Do-

Dominus clementer exaudiat obsecrationes & preces ipsorum, & recipiens eorum supplicationes, tribuat eis auxilium, & concedat petitiones cordis ipsorum ad vtilitatem: reuelet eis Euangelium Christi sui, illuminet eos, & instituat disciplina cognitionis DEI: doceat ipsos mandata & iudicia sua: inserat in animam eorum castum & salutarem timorem suum: aperiat aures cordis ipsorum, vt meditentur in lege sua die ac nocte: confirmet eos in pietate, vniat & connumeret in sancto ouili suo, dignos faciens lauacro regenerationis, veste immortalitatis, vera vita: liberet eos ab omni impietate, & nē det locum inimico aduersus eos: mundet eos ab omni iniquatione carnis & spiritus: inhabitet in eis & inambulet per Christum suum: benedicat introitus & exitus eorum, & dirigat vias eorum in bonum. Etiam pro eis intentē oremus, vt remissionem delictorum consecuti per baptismum, sanctis mysterijs digni fiant in mansione sanctorum. Erigite vos catechumeni, & petite pacem Dei per Christum suum, diem pacificum & sine peccato, itemque omne tempus vitæ vestræ, Christianos p̄sides vestros, propitium & benignum Deum, delictorum remissionem: ipsi soli ingenito Deo per Christum suum vosmet commendate: Inclinati, & benedictionem accipite. In ijs singulis, quæ loquitur Diaconus, populus (vt prædiximus) dicat: Domine, miserere, & inprimis pueruli.

BENEDICTIO EPISCOPI SVPER
CATECHVMENOS.

INCLINANTIBVS autem ipsis capita, benedicat ijs or- Ibid. c. 5. & 6.
dinatus Episcopus benedictione huiusmodi: Deus omnipotens, ingenite, inaccessibilis, qui es solus verus Deus, Deus & pater Christi vnigeniti filij tui, Deus paracleti & cunctorum Dominus, qui per Christum discipulos constituisti doctores ad docendum pietatem, ipse nunc respice super Catechumenos euangelij Christi tui,

N 3

& da

& da eis cor nouum, & spiritum rectum innoua in visceribus eorum, ad cognoscendam & faciendam voluntatem tuam in corde pleno, & volenti animo: dignos fac eos sancto baptismo, & aggrega eos Ecclesiae tuae sanctae, & participes fac sanctorum mysteriorum per Christum IESVM, qui est spes nostra, quiq[ue] pro nobis mortuus est, per quem tibi gloria: & adoratio in spiritu sancto in secula, Amen.

SERMO DIACONI PRO ENER-
GYMENIS.

Ibid. c. 7. **P**OST hæc Diaconus dicat: Ite Catechumeni in pace, qui, postquam i[n]exiuerunt, dicat: *Orate* Energumeni, hoc est, vexati ab immundis spiritibus. Intentè omnes pro ipsis orate, vt benignus Deus per Christum increpet immundos & nequam spiritus, & eripiat seruos suos ab imperio inimici, qui increpauit legionem dæmonum & principem malor[um] diabolum, ipse nunc increpet pietatis rebelles, & liberet figmenta sua à vexatione ipsius, & purget ea quæ ingenti sapientia condidit. Etiam intentè oremus. Salua & excita illos Deus in virtute tua. Inclinate vos Energumeni, vt benedictionem accipiatis.

ORATIO EPISCOPI PRO
ENERGYMENIS.

Ibid. c. 8. **E**T Episcopus oret, dicens: Qui fortem armatum ligasti, & omnia vasa eius diripuisti: qui dedisti nobis potestatem ambulandi super serpentes & scorpiones, & super omnem virtutem inimici, qui homicidam serpentem ligatum tradidisti nobis, tanquam passerem puerulis: quem cuncta pauent & horrèt à facie virtutis tuæ: qui eum deiecisti, sicut fulgur à cælo in terram, non lapsu locali, sed ab honore in ignominiam, ob voluntariam nequitiam: cuius
Iob 8. aspectus siccatur abyssos, & minæ liquefaciunt mōtes, & veritas Domini

mini manet in æternum:quem laudant infantes, & lactentes benedicunt: quem celebrant & adorant angeli: qui adspicit super terrā, & facit eam tremere: qui tangit montes, & fumigant: qui minatur mari, & siccat illud, & omnia flumina deserta facit: cuius nubes puluis pedum eius: qui ambulat super mare, sicut super pauimentum. Vnigenite Deus, magni Patris fili, increpa spiritus nequam, & libera opera manuum tuarum ab alieni spiritūs vexatione: quoniā tibi gloria, honor & adoratio, & per te tuo patri, & sancto spiritui in secula, Amen.

SERMO DIACONI PRO ILLV-
MINANDIS.

DIACONVS dicat, Ite Energumeni: & postea dicat, Ora- Ibid. c. 9.
te qui illuminamini. Intētē omnes fideles pro ipsis oremus, vt Dominus illos dignos reddat, vt in Christi mortem initiati, resurgant vnā cū illo, & consortes faciat eos regni ipsius, & participes mysteriorum eius: vniat & conscribat in numero eorum, qui salui fiunt in sancta eius Ecclesia. Salua & suscita illos in tua gratia.

ORATIO EPISCOPI TERTIA, SV-
PER ILLVMINANDOS.

CONSIGNATI Deo per Christum eius, inclinantes se, Ibid. c. 9.
benedicantur ab Episcopo hac benedictione: Qui per san- & 10.
ctos Prophetas prædixisti ijs, qui initiantur, Lauamini, mūdi esto. Isai. 1.
te: & per Christum instituiisti spiritualem regenerationem, idem nunc respice super eos qui baptizantur, & benedic & sanctifica eos, & præpara dignos fieri tuo dono spiritali, & vera adoptione filiorum, ad consequendum spiritalia tua mysteria in numero eorum, qui saluantur per CHRISTVM saluatorem nostrum, per quem tibi gloria, honor & adoratio in sancto spiritu in secula, Amen.

SERMO

LITVRGICON ECCLESIAE LATINAE
 SERMO DIACONI PRO POENI-
 TENTIBVS.

Ibid. c. 11. **E**T dicat Diaconus: Discedite illuminandi: & post hoc pronunciet: Orate poenitentes, Intentè omnes pro poenitentibus fratribus rogemus, vt misericors Deus ostendat illis viam poenitentiae: recipiat resipiscentiam & confessionem ipsorum, & conterat citò satanam sub pedibus eorum, & redimat eos à laqueis diaboli, & à fraude dæmonū, & eripiat eos ab omni verbo nefario, & ab omni opere illicito & amore prauo, & condonet eis peccata voluntaria & inuoluntaria, & deleat chirographum ipsorum, & conscribat eos in libro vitae: expiet eos ab omni piaculo carnis & spiritūs, & vniet eos, reducens ad sanctum suum ouile, quoniam ipse cognoscit figmentum nostrū: quoniam quis gloriabitur se castum habere cor? vel quis confidet se mundum esse à peccato? Omnes enim sumus poenae obnoxij. Etiam pro ipsis intentiùs oremus, quoniam gaudium fit in cælo super vno peccatore poenitentiam agente, vt declinantes omnem actionem malam, amplectantur omnia opera bona, vt benignus Deus citò eorum obsecrationibus placatus, restituat eis lætitiā salutaris, & spiritu principali confirmet eos, nè ampliùs prohibeantur communionem habere sanctorum * sacrorum ipsius, & participes fieri diuinorum mysteriorū, vt digni reperti adoptione filiorum, vitam æternam consequantur. Etiam omnes intentè pro eis dicamus: Domine, miserere.

Luc. 15.

* sacra-
 mentorū.

IMPOSITIO MANVVM PRO POE-
 NITENTIBVS.

Ibid. c. 12. **S**ALVA eos Deus, & suscita misericordia tua. Suscitati DEO per Christum, inclinate vos, & benedicimini.

EPISCOPI

EPISCOPI ORATIO SVPER
IISDEM.

Episopus ita oret: Omnipotens æterne Deus, cunctorum Do- Ibidem.
mine, creator & gubernator vniuersi, qui hominem in mundi
ornatum posuisti per Christum, & dedisti ei legem naturalem &
scriptam, vt viuendi normam haberet, vt rationis compos: & si in
aliquo peccaret, fundamentum pœnitentiæ tradidisti ei bonitatē
tuam: respice super inclinantes tibi colla animæ & corporis, quoniā
tu non vis mortem peccatoris, sed pœnitentiam, vt reuertatur à Ezech. 33.
via sua mala, & viuat: Qui Niniuitarum pœnitentiam admifisti,
qui vis omnes homines saluos fieri, & ad agnitionem veritatis ve- 2. Tim. 2.
nire: qui filium, qui suas facultates luxuriosè consumpserat, pater- Luc. 15.
no affectu recepisti per pœnitentiam: recipe nunc quoquē suppli-
cantium tibi pœnitentiam, quoniam non est qui non peccet in te.
Si enim iniquitates obseruaueris Domine, Domine, quis sustine- Psal. 129.
bit? quoniā apud te est redemptio: & reduc eos in sanctā tuam Ec-
clesiam, restituta illis priori dignitate & honore per Christum deū
& Saluatorem nostrum, per quem tibi gloria & adoratio in sancto
Spiritu in secula, Amen.

DIMISSIO POENITENTIVM.

ET Diaconus dicat: Discedite pœnitentes, & addat: Nullus ex Ibid.
prohibitis accedat. Fideles, flectamus genua: rogemus deum
per Christum eius, omnes attentē Deum per Christum inuoca-
mus.

ALLOCVTIO DIACONI PRO
FIDELIBVS.

PRO pace & tranquillitate mundi & sanctarum Ecclesiarum Ibid. c. 13.
oremus, vt cunctorum Deus suam æternam & firmam pacem
O nobis

nobis concedat, vt in stabilitate virtutis secundum pietatem perseuerantes nos custodiat. Pro sancta catholica & apostolica Ecclesia, diffusa à finibus vsque in fines, oremus, vt DOMINVS immobilem & tranquillam eam custodiat, atque conseruet vsque ad consummationem seculi, fundatam supra firmam petram. Et pro sancta parœcia huius loci oremus, vt concedat nobis cunctorum Dominus cœlestem eius spem perfectè persequi, & ei debitam orationis seruitutem sine intermissione impedere. Pro omni Episcopatu, qui est sub cœlo, rectè tractantium verbum veritatis, orate. Et pro Episcopo nostro Iacobo & parœcijs ipsius, orate. Pro Episcopo nostro Clemente & parœcijs ipsius, orate. Pro Episcopo nostro Euodio & parœcijs ipsius, orate, vt misericordiam Deus concedat eius Ecclesijs, eos esse saluos, honorabiles, longæui temporis, venerabilemque ipsorum senectutem faciat in pietate & iustitia. Et pro Presbyteris nostris orate, vt Dñs eripiat eos ab omni re incòmoda & mala, saluum & honorabile presbyteriũ eis præbeat. Pro omni in Christo Diaconatu & ministratu, orate, vt dominus inculpabilem diaconiam eis præbeat. Pro Lectoribus, Cantoribus, Virginibus, Viduis, Orphanis, orate. Pro matrimonio copulatis & liberis operam dantibus, orate, vt Dominus omnium suorum misereatur. Pro Eunuchis sanctè ambulantes, orate. Pro continenter & castè viuentibus, orate. Pro afferentibus fructus sanctæ Ecclesiæ, & facientibus pauperibus eleemosynam, orate. Et pro sacrificia & primitias offerentibus Domino Deo nostro, orate, vt sanctus Deus remuneretur ipsos cœlestibus donis, vt det ipsis in præsentem centuplum, & in futuro vitam æternam: & præstet eis pro temporalibus sempiterna, pro terrenis cœlestia. Pro nupèr illuminatis fratribus nostris orate, vt DOMINVS stabiliat eos & confirmet. Pro infirmis fratribus nostris orate, vt Dominus liberet eos ab omni ægritudine & imbecillitate, & saluos restituat sanctæ ipsius Ecclesiæ. Pro nauigantibus & viatoribus oremus. Pro ijs qui sunt in metallis, in exilio, in custodia

stodia & vinculis propter nomē Domini, orate. Pro oppressis amara seruitute, orate. Pro inimicis & odio vos prosequentibus, orate. Pro persequentibus nos propter nomen Domini, oremus, vt Dominus mitigato illorum furore, dissipet iram cōceptam contra nos. Pro ijs qui extrā sunt, & in errore versantur, orate, vt Dominus illos conuertat. Infantum Ecclesiæ memores simus, vt Dominus perfectos eos in timore suo ad adultam ætatem perducatur. Pro nobis mutuò oremus, vt Dominus seruet nos, & gratia sua custodiat vsq; ad finem, & liberet nos à malo, atq; ab omnibus scandalis operantium iniquitatem, & saluet in cæleste regnum ipsius. Pro omni anima Christiana oremus. Salua & suscita nos Deus misericordia tua. Excitemus nos orantes intentē, & mutuò nosmet commendemus Deo viuo per Christum eius.

ORATIO PONTIFICIS.

ORET Pontifex, & dicat: Domine omnipotens altissime, qui in altis habitas, sanctè requiescens in sanctis, qui es sine principio, & solus dominaris, qui per Christum prædicationē verbi dedisti nobis in agnitionem gloriæ tuæ & nominis tui, quod manifestauit nobis in compræhensionem: ipse quoque nunc respice per eum super hunc gregem tuum, & libera eum omni ignorantia & opere malo, & da eum timore timere te, & benedictione te diligere, & ire à facie gloriæ tuæ. Benignus & propitius esto in precibus ipsorum, & conserua eos immobiles, culpa carentes, criminis expertes, vt sint sancti corpore & anima, non habentes maculam, neque rugam, neque aliquid huiusmodi, sed sint perfecti, & nullus inter ipsos sit mancus vel imperfectus. Adiutor potens, personarum non acceptor, succurre huic populo tuo, quem redemisti precioso sanguine CHRISTI tui, defensor, auxiliator, dispensator, custos, murus fortissimus, sepes, securitas, quoniam de manu tua nemo potest eripere: nam non

Ibid. 14.

O 2

est sicut

- Ioan. 17. est sicut tu, Deus alter, quoniam in te sustinemur. Sanctifica eos in veritate, quoniam verbum tuum veritas est, qui nullius gratiam respicis, falsis rationibus non deciperis: libera eos ab omni morbo, & ab omni infirmitate, ab omni peccato, ab omni dolo & fraude: à timore inimici, à sagitta volante in die, à negotio perambulante in tenebris, & dignos fac eos vita æterna, quæ est in Christo tuo, filio tuo vnigenito, DEO & Salvatore nostro, per quem tibi gloria & honor in sancto spiritu nunc & semper, & in secula seculorum, Amen.

APPARATVS AD MYSTICVM

SACRIFICIUM.

Ibid, c. 15.

POST hoc Diaconus dicat, Attendamus. Et Episcopus salutet Ecclesiam, & dicat: Pax Dei cum omnibus vobis. Et populus respondeat: Et cum spiritu tuo. Et Diaconus dicat: Salutate vos inuicem in osculo sancto, & salutent clerici Episcopum, & viri laici laicos, & mulieres salutent mulieres. Pueri stent ad suggestum, & alius Diaconus præsit eis nè obstrepant. Et alij Diaconi deambulent, & videant viros & mulieres, nè tumultus aliquis excitetur, & nè quis murmuret, ne' ve connueat, vel nutet. Diaconi verò maneant ad portam virorum, Hypodiaconi ad portam mulierum, nè vllus exeat, ne' ve porta aperiatur, etiam si fidelis fuerit, tempore oblationis. Vnus Hypodiaconus det aquam manibus sacerdotum, in signum puritatis animarum Deo repositarum.

Et statim Diaconus dicat: Nullus catechumenus, nullus Auditor, nullus infidelis, nullus hæreticus. Qui primam orationem perfecistis, discedite. Pueros recipite matres. Nè quis contra aliquem, Nè quis in hypocrisi. Erecti ad DOMINVM cum timore & tremore manentes, sinamus offerri. Quibus peractis, Diaconi offerant dona Episcopo ad altare, & presbyteri à dextris & à

& à sinistris aſiſtant, velut à diſcipuli aſiſtētes magiſtro. Duo Diaconi ex vtraq; parte altaris teneant ſtabellum confectum ex tenuibus membranīs, vel ex pauonum pennīs, vel ex velo, quibus leniter abigant præteruolantes beſtiolas, nè in pocula incidant.

GRATIARVM ACTIO SIVE PRÆFATIO ANTE CONSECRATIONEM.

ORANS igitur per ſe Pontifex, vnà cum ſacerdotibus, induensque veſtem ſplendidam, & ſtans ad altare, trophæo crucis ſe conſignans in fronte, dicat: Gratia Omnipotentis Dei, & Charitas Domini noſtri Ieſu Chriſti, & communicatio ſpiritus ſancti ſit cum omnibus vobis. & omnes vna voce reſpondeant, Et cum ſpiritu tuo. Et Pontifex dicat: Sursùm mentem. Omnes reſpondeant, Habemus ad Dominum. Et Pontifex: Gratias agamus domino. & omnes reſpondeant, Dignũ & iuſtum eſt. Pontifex dicat, Verè dignum & iuſtum eſt, ante omnia laudare te verum deum, qui es ante res generatas, ex quo omnis paternitas in cælo & in terra nominatur, qui ſolus es inge-ni-tus, ſine principio, non agnoſcens alicuius imperium aut dominium, nullius indigens, omnis boni dator, extra omnem cauſam generationemq; poſitus, ſemper in eodem ſtatu conſiſtens, ex quo omnia, quaſi ex quodam fonte in rerum naturam proceſſerunt. Tu enim es notitia carens principio, æterna viſio, inge-ni-tus auditus, ſapientia increata, primus natura, lex eſſendi, extra omnem numerum conſtitutus, omnia de nihilo produ-cens per vnigenitum filium tuum: ipſum verò ante omnia ſecula genuiſti voluntate, virtute, & bonitate immediatè filium vnigenitũ, verbum, deum, ſapientiam viuentem, primogenitum omnis creaturæ, Angelum magni conſilij tui, Pontificem tuum, Regem & Dominum omnis intellectuæ & ſenſitiuæ naturæ, qui eſt ante omnia, per quem omnia. Tu enim æterne deus per ipſum cuncta feciſti, & per ipſum conuenienti prouidentia cuncta gubernas: per

Ibid. c. 16.

Eph. 3.

O 3 quem

quem enim concessisti vt res essent, per eundem fecisti vt benè essent: Deus & pater vnigeniti filij tui, qui per ipsum ante omnia fecisti Cherubin & Seraphin, secula & exercit⁹, Virtutes & Potestates, Archangelos & angelos: & post hæc omnia, fecisti hunc mundum visibilem, & omnia quæ in eo sunt. Tu enim es qui cælum vt fornicem statuisti, & vt pellem extendisti, & terræ molem nullo adminiculo stabiliuisti, sola voluntate tua: qui constituisti firmamentum, noctem & diem parasti, qui ex thesauris protulisti lucem, & eius recessu induxisti noctem ad quietem animantium, quæ mouentur in mundo: qui solem disposuisti in potestatem diei, & lunam in potestatem noctis: qui stellarum ornatu cælum distinxisti in laudem maiestatis tuæ: qui fecisti aquam in potum & munditiam, aërem vitalem ad ducendum spiritum, vocemque formandam, per linguam percutientem aërem, auditum auxilio ipsius, vt apprehenderet sonos, & exciperet delatas sibi per aërem voces: qui fecisti ignem ad depellendas tenebras, & ad explendam necessitatem, simulque ab eo caleferemus, & illustraremur: qui immensum mare à terra segregasti, & illud nauigabile effecisti, hanc pedibus peruiam: illud etiam animantibus pusillis atque magnis auxisti, hanc mansuetis atque agrestibus referisti, plantarum varietate ornasti, herbis decorasti, floribus distinxisti, seminibus distasti: qui constituisti abyssum, & vasto hiatu eam comprehendisti, salinarum aquarum cumulatis æquoribus, & eam tenuissimæ arenæ terminis conclusisti: qui mare modò ventis in montium altitudinem extollis, modò in planitiem exæquas, & modò agitas tempestate, modò sedas tranquillitate, vt ad nauigiorum cursus sit idoneum: qui creatum per CHRISTVM à te mundum cinxisti fluminibus, alluisti torrentibus, fontibusque perennibus irrigasti, montibus circundedisti in firmissimam terræ stabilitatem: referisti enim mundum, & ornasti suauissimis plantis, & ad medicinam aptissimis, multis ac varijs animantibus, robustis atq;

atque infirmis, ad esum atque ad laborem idoneis, cicuribus atque
 feris, serpentum sibilis, & diuersorum alitum cantibus, annorum
 recurrentibus circulis, mensium atque dierum numerosa multi-
 tudine: solstitiorum vicissitudine, nubium imbriferarum tem-
 pestatibus, ad fructuum maturitatem & animantium conuersatio-
 nem stationemque ventorum flantium ad imperium tuum, ad plan-
 tarum quoque atque herbarum multitudinem: ac non solum mun-
 dum creasti, sed etiam mundi ciuem hominem condidisti, mundi
 ornatum eum faciens. Dixisti enim sapientiae tuae: Faciamus homi-
 nem ad imaginem & similitudinem nostram, & imperet piscibus
 maris, & volatilibus caeli: ideoque composuisti eum ex anima immor-
 tali & corpore dissolutioni obnoxio: illa de nihilo creata, hoc ex
 quatuor elementis conflato: & dedisti ei per animam rationalem,
 intelligentiam pietatis, & impietatis iudicium, iusti & iniusti ob-
 seruationem: per corpus verò, quinque sensus & motum quo pro-
 greditur. Tu enim Deus omnipotens per Christum paradisum in
 Eden ad Orientem plantasti, & varijs plantis ad cibum aptis or-
 nasti, & in eum quasi in lautam domum hominem introduxisti: quem
 cum conderes, legem dedisti ei naturalem, ut intus inclusa, & apud
 se haberet semina diuinæ cognitionis. Nam quum illum in paradi-
 sum deliciarum induxisti, omnia ei permisisti ut perciperet: Vnum
 autem solum gustare prohibuisti, spe maiorum rerum, scilicet ut si
 mandatum seruasset, mercedem eius immortalitatem reportaret: sed
 cum mandatum contempsisset, & prohibitum fructum gustasset, frau-
 de serpentis & consilio mulieris, merito illum eiecisti Paradiso, sed
 bonitate tua non permisisti ut penitus periret, (tuum enim erat opus)
 sed subiecta ei creatura, concessisti ut sudore ac labore victum sibi
 quaereret, te omnia ferente, augente, ac maturante. Cumque iureiuran-
 do ei brevis temporis soporem dederis, illum ad nouam generationem
 reuocasti, soluto mortis termino, vitam ex resurrectione permisisti: non
 solumque id prestitisti, sed etiam posteros suos in infinitam multitudinem
 pro-

Gene. 1.

Gene. 3.

- Gen. 4. propagâsti: obsequentes tibi glorificâsti, rebelles supplicijs affecisti: atque Abelis quidem sancti sacrificium accepisti, Cain fratris interfeitoris munus tanquàm scelerati hominis reiecisti. Præterea
- Gen. 5. Seth & Enos recepisti, & Enoch trāstulisti. Tu enim opifex es hominum, vitæ præbitor, inopiæ expletor, legum dator, eas seruantium remunerator, violentium vltor: qui magnum diluuium induxisti mūdo propter multitudinem impiorum, & iustum Noe eripuisti à diluuiio in arca cum octo animis, vt esset finis præteritorū, & principium eorum, qui erant in futura successione nascituri: qui formidandum ignem quinque Sodomenis vrbibus immisisti, & terram fructiferam in salsuginem posuisti à malitia inhabitantiū in ea, & sanctum Loth incendio liberâsti. Tu es, qui Abraam maiorum suorum impietate liberâsti, & mundi hæredem fecisti, & ei Christum tuum ostendisti: qui Melchisedech Pontificem seruitutis tuæ constituisti, patientissimum seruum tuum Iob, victorem serpentis authoris malorum declarâsti, qui Isaac filium promissionis fecisti, Iacob patrem duodecim filiorum, eiusque posteros, in numerosam sobolem propogâsti, illum verò cum septuaginta animis in Aegyptum introduxisti. Tu Domine Iosephum non neglexisti, sed præmium suæ temperantiæ ei concessisti, vt Aegyptijs imperaret. Tu Domine Hebræos ab Aegyptijs vexatos non neglexisti, vt promissa patribus suis seruares. Cumque homines naturæ legem labefactarent, & creaturam aliquandò fortuitam ducerent, aliquandò plusquàm oporteret in honore haberēt, & eam tibi Deo æquarent, non permisisti illos errare, sed excitato sancto seruo tuo Moſe, per eum, in subsidiū naturalis, scriptam legem dedisti, & creaturam ostendisti tuum opus esse, deorumque multitudinem exterminâsti. Aaron & posteros sacerdotali honore decorâsti, Hebræos peccantes puniuiſti, resipiscentes recepisti, Aegyptios decem plagis es vltus, diuiso mari Israelitas traduxisti, persequentes Aegyptios demersos interemisti, ligno aquam amaram dul-

dulcem fecisti, è dura petra aquâ eduxisti, de cælo manna dediti, Exod. 16.
 atque ex aëre ortygommetram in cibum, columnam igneam nocte
 ad illustrandum, & die columnam nubis ad opacandum statuisti,
 Iesum imperatorem delegisti, septem nationes Cananæorum eius Iosu. 3.
 opera expugnasti, Iordanem aperuisti, flumina Ethan siccasti, mu- Iosu. 6.
 ros sine machinis, sineq; hominum manu diruisti. Pro omnibus ti-
 bi gloria Domine omnipotens. Te adorant infiniti exercitus An-
 gelorum, Archangelorū, Thronorum, Dominationum, Principa-
 tum, Potestatū, Virtutum, Exercituum æternorum, Cherubina, & Esai. 6.
 sex alas habētia Seraphina, duabus velantia pedes, duab⁹ capita, dua-
 bus volantia, & dicētia vnā cum millibus millum angelorū, inces-
 sabili voce clamantium.

HYMNVS TRISAGIOS.

Ibidem.

Et om̃is populus simul dicat: Sanctus, sanctus, sanctus, Dominus
 Sabaoth: Plenum est cælū & terra gloria tua, Benedictus in secula.

PONTIFICIS ORATIO.

ET Pontifex deindē dicat: Sanctus enim es, & in omnibus san- Ibid. c. 17.
 ctus, altissimus, & superexaltat⁹ in secula: Sanctus & vnigeni-
 tus filius tuus Dñs noster & Deus Iesus Christus, qui in omnibus
 ministravit tibi Deo ipsius & Patri, in vario opificio creaturarū, &
 in earum conuenienti prouidentia. Non permisit genus humanū
 perire, sed post naturalem legē, post legis scriptę admonitionē, post
 propheticas increpationes, post Angelorum tutelas, violentibus
 naturalē legē hoībus vnā cū scripta, oblitterataq; memoria diluuij,
 incendij, plagarum Aegyptiacarū, cædis Palæstinorum, imminen-
 teq; omnium interitu, decreuit voluntate tua, qui hominem cō-
 diderat, fieri homo: qui legislator erat, subijci legibus: qui Pontifex
 erat, victima fieri: pastor, effici ouis. Teq; deū suū ac Patrem placa-
 uit & conciliavit mundo, atque instanti ira omnes liberauit, Natus
 de virgine, natus in carne, Deus, verbum, filius dilectus, primoge-
 nitus omnis creaturæ, secundū de eo prædictas prophetias, ex se-

P mi-

* insti-
tutis,

Ioan. 17.

A. cor. 1.

mine Dauid & Abraam, de tribu Iudæ : & conceptus est in utero
Virginis, formator omnium qui nascuntur: atque incarnatus est is,
qui carnis est expers: in tempore natus, qui ab æterno est genitus:
piè conuersatus est, & sanctis legibus * instituit, omnem morbum
atque infirmitatem expulit, signa ac prodigia in populo fecit: ci-
bū, potū, somnū cepit is, qui oēs cibo indigētes alit, & replet omne
animal benedictione: manifestauit nomen tuum ijs, qui id ignora-
bant: ignorantiam fugauit, pietatem excitauit, volūtatē tuam ex-
pleuit: opus, quod dederas illi, consummauit. Quæ oīa quum perfe-
cisset, impiorum manibus cōprehensus, sacerdotū atq; pontificum
falsi nominis, populiq; ipsius iniqui, & malitia laborantis traditi-
one, multa passus est ab ipsis, omnemq; sustinuit ignominiam tua
permissione. Traditus est Pilato p̄sidi: ac iudicatus is, qui iudex
erat: condemnatus est aliorum Saluator: crucifixus, qui est impassi-
bilis: mortuus, natura immortalis: sepultus, omnium viuificator, ut
passione & morte liberaret eos, p̄pter quos venerat, & vincula dia-
boli disrumpere, hominesq; ab eius fraudib⁹ eriperet. Et resurre-
xit à mortuis tertia die, & per quadraginta dies versatus cū disci-
pulis, receptus est in calū, & sedet ad dexterā Dei & patris sui.

CONSECRATIO ET OBLATIO CORPO- RIS ET SANGVINIS DOMINI.

Ibidem.

MEMORES igitur eorum, quæ propter nos est passus, gra-
tias agim⁹ tibi Deus omnipotēs, non quātū debemus, sed
quātū possumus: Et ordinationem eius implemus.

NAM in qua nocte tradebatur, accipiens panem in sanctas & im-
maculatas manus, & suspiciens in te Deum suum & patrem, fran-
gensque dedit discipulis, dicens: Hoc mysterium noui Testamen-
ti: accipite, ex eo comedite. Hoc est corpus meum, quod pro mul-
tis frangitur in remissionem peccatorum. Similiter & calicem mi-
scens ex vino & aqua, & sanctificans, tradidit eis, dicens: Bibite ex

co

eo omnes: hic est sanguis meus, qui pro multis effunditur in remissionem peccatorum. Hoc facite in meam commemorationem. Quotiescunq; enim comederitis panem hunc, & biberitis calicem hunc, mortem meam annunciabitis donèc veniam.

MEMORES igitur passionis eius & mortis, necnon ex mortuis resurrectionis, atq; in cælos ascensionis, & futuri eius secundi aduētus, in quo veniet cum gloria & virtute iudicare viuos & mortuos, & reddere unicuique secundum opera sua: offerimus tibi regi & Deo secundum ipsius ordinationem panem hunc & calicem hunc, gratias tibi agentes, eo quod nos dignos fecisti assistere in conspectu tuo, & fungi sacerdotio tibi. Rogamusq; te, vt benignè adspicere digneris super hæc dona, pposita in conspectu tuo, tu qui nullo indiges neus, & complaceas tibi in ipsis in honorem Christi tui, & mittas sanctum Spiritum tuum super hoc sacrificium, testem passionum Domini Iesu, vt ostendat hunc panem corpus Christi tui, & hunc calicem sanguinem Christi tui, vt qui eum percipiunt, confortentur in pietate, & remissionem peccatorum consequantur, diabolo & errore eius liberentur, Spiritu sancto repleantur, Christo tuo digni efficiantur, vitam æternam adipiscantur, te eis reconciliato Domine omnipotens.

MYSTICA ORATIO.

ETIAM rogamus te Dñe pro sancta tua Ecclesia, quæ est à finibus vsq; ad fines, quæ acquisiisti precioso sanguine Christi tui, vt eam quietam & tranquillam cõserues vsq; ad cõsummationem sæculi. Et pro omni episcopatu rectè tractante verbum veritatis, etiam imploramus te, & pro meo offerentis tibi tenuitate, proque omni Presbyterio, pro diaconis atq; omni clero, vt oēs à te edoctos, Spiritu sancto repleas. Etiam rogamus te domine pro Rege, & pro ijs, qui sunt in sublimitate constituti, proque omni exercitu, vt per illos pacificè viuamus, vt in quiete & cõcordia perseuerantes,

Ibid. c. 18.

P 2 per

per omne tempus vitæ nostræ, glorificemus te per Iesum Christū, qui est spes nostra. Etiam offerimus tibi pro omnibus, qui à seculo placuerunt tibi, sanctis, Patriarchis, Prophetis, iustis, Apostolis, Martyribus, Confessoribus, Episcopis, Presbyteris, Diaconis, Hypodiaconis, Lectoribus, Cantoribus, Virginibus, Viduis, laicis atq; omnibus, quorum tu cognouisti nomina.

ETIAM offerimus tibi pro populo hoc, vt facias eum in laudem Christi tui regale sacerdotium, gentem sanctam: pro Virgibus & castitatem seruantibus: Pro Viduis Ecclesiæ: pro copulatis honorabilibus nuptijs, & filios procreantibus: pro infantibus populi tui, vt neminem nostrū reiicias. Etiam rogamus pro hac ciuitate, & habitatibus in ea: pro laborantibus infirmitate, & pro acerbam seruitutem seruientibus: pro relegatis, & publicationem bonorum perpensis: pro nauigantibus, & pro peregris proficiscētib; vt sis auxiliator omnium, adiutor & opitulator. Etiam oramus te pro ijs, qui nos odio habent, & persequuntur nos propter nomē tuum: pro ijs, qui extrā sunt, & versantur in errore, vt reducas eos in bonū, & furorem eorum mitiges. Etiam rogamus te pro Catechumenis Ecclesiæ, & pro vexatis ab aduersario, & pro fratribus nostris pœnitentibus, vt illos in fide perficias, alios à vexatione mali eripias, horum pœnitentiam recipias, & indulgeas illis atq; nobis delicta nostra. Etiam offerimus tibi pro aëris salubritate, & fructuum fertilitate, vt abundè bona tua percipientes, te assidue laudemus, qui das escam omni carni. Etiam rogamus te pro ijs, qui iusta causa impediti absunt, vt omnes nos in pietate custoditos, congreges in regnum Christi tui, Dei omnis sensitiuæ intellectualis naturæ, & regis nostri, stabiles in bono, inculpabiles, crimine carentes, quoniam tibi omnis gloria, cultus, gratiarum actio, honor & adoratio Patri & filio, & sancto Spiritui & nunc & semper, & in infinita secula seculorum. Et omnis populus dicat, Amen.

P A-

PACEM NVNCIAT EPISCOPVS.

ET Episcopus dicat: Pax Dei sit cum omnibus vobis. Et omnis ^{ibid.} populus dicat, Et cum spiritu tuo.

DIACONI EXHORTATIO AD ORATIONEM PRO VIVIS ET DEFUNCTIS.

ET Diaconus iterum pronunciet: Etiam rogemus Deum per ^{ibid. c. 19.} Christum suum. Pro dono oblato Domino Deo, oremus: vt bonus Deus suscipiat illud intercedente Christo ipsius, in caeleste altare suum in odorem suauitatis. Pro hac ecclesia, & pro populo rogemus: Pro omni Episcopatu, pro omni presbyterio, pro omni in Christo diaconia & ministerio, pro vniuerso Ecclesiae cœtu rogemus, vt Dominus omnes conseruet atque custodiat. Pro Regibus & pro ijs, qui sunt in sublimitate constituti, oremus, vt in pace per ipsos viuamus, vt quietam & tranquillâ vitam agamus in omni pietate ac sanctitate: sanctorum martyrum memoriam colamus, vt digni efficiamur certamine ipsorum. Pro ijs qui in fide quieuerunt, oremus. Pro salubritate aëris & fructuum maturitate rogemus. Pro nupèr illuminatis oremus, vt omnes in fide confirmentur. Excita nos Deus in gratia tua, Excitati, nos ipsos Deo per Christum eius commendemus.

EPISCOPI ORATIO.

EPISCOPVS dicat: Deus magnus, & magni nominis, magnus ^{ibid. c. 20.} consilio, & operibus potens, Deus & pater sancti pueri tui Iesu saluatoris nostri, respice super nos, & super hoc ouile tuum, quod per ipsum elegisti in gloriam nominis tui, & sanctificato corpore nostro & anima, dignos nos fac, vt purgati omni iniquatione carnis & spiritûs, proposita bona cōsequamur, & neminem nostrum

strum iudices indignum, sed sis adiutor noster, auxiliator, & defensor noster per Christum tuum, cum quo tibi gloria & honor, laus, gloriatio, & gratiarum actio, & sancto Spiritui in secula, Amen.

COMMUNIO.

Ibidem.

ET postquam omnes dixerunt, Amen: Diaconus dicat: Attēdamus. Et Episcopus alloquatur populū ijs verbis: Sancta sanctis. Et populus subiungat, Vnus sanctus, vnus Dñs, vnus Christus, in gloriam Dei patris benedictus in secula, Amen.

GLORIA in altissimis DEO, & in terra pax hominibus bonae voluntatis: Osanna filio David. Benedictus qui venit in nomine DOMINI: Deus Dominus, & apparuit nobis, Osanna in altissimis. Post hoc sumat Episcopus, deinde Presbyteri, & diaconi, & Hypodiaconi, & Anagnostæ, & cantores, & Ascetæ, & ex mulieribus Diaconissæ, & Virgines, & Viduæ, postea pueri & omnis populus ordine, cum pudore & reuerentia, absque tumultu. Et Episcopus det oblationem, dicēs: Corpus Christi. Et sumēs, dicat, Amē. Diaconus teneat calicem, & quandò tradit, dicat: Sanguis Christi, calix vitæ: & bibens dicat, Amen. Cū reliqui sumunt, dicatur Psalmus XXXIII.

SERMO DIACONI POST COMMUNIONEM ET PSALMVM.

POSTQVAM omnes sumpserunt, accipiant Diaconi reliquias, & portēt in pastrophoria. Perfecto Psalmo, Diaconus dicat: Percepto precioso corpore & precioso sanguine Christi, gratias agamus ei, qui dignos nos reddidit perficiendi sancta eius mysteria: & rogamus, vt non in iudicium, sed in salutem nobis fiant, in vtilitatem animæ & corporis, in custodiam pietatis, in remissionem peccatorum, in vitam futuri seculi. Excitemur in gratia,

gratia. Nos ipsos Deo soli ingenito, Deo & Christo eius commen-
demus.

GRATIARVM ACTIO EPISCOPI POST
COMMVNIONEM.

ET Episcopus gratias agat: Domine Deus omnipotens, Pater ^{Ibid. c. 22.}
Christi tui filij benedicti, exauditor inuocantium te in recti-
tudine, qui scis interpellationes tacentium, gratias tibi agimus,
quodd fecisti nos dignos participationis sanctorum mysteriorum
tuorum, quæ præbuiſti nobis in confirmationem eorum, quæ be-
nè cognita sunt, in custodiam pietatis, in remissionem peccatorum,
quoniam nomen Christi tui inuocatum est super nos, & tibi con-
ciliati sumus: qui segregasti nos à communicatione impiorum, con-
iunge nos cum consecratis tibi, confirma nos in veritate sancti spi-
ritus superuentione: ignorata reuela: quæ defunt, exple: cogni-
ta corrobora: sacerdotes illuminatos tuere in seruitute tua. Reges
conserua in pace, Magistratus in iustitia, cælum in salubritate, fru-
ctus in fertilitate, mundum in prouidentia omni ex parte suffici-
ti: nationes bellicosas reprime, errantes conuerte, populum tuum
sanctifica, virgines conserua: matrimonio vinctos custodi in fi-
de: ignorantes corrobora, infantes ad virilem ætatem perduc:
nouitios confirma: catechumenos instrue, & imitatione dignos
redde. nosque omnes congrega in regnum cælorum in Christo Ie-
su Domino nostro, cum quo tibi gloria, honor, cultus, & sancto spi-
ritui in secula, Amen.

BENEDICTIO EPISCOPI.

ET Diaconus dicat: Deo per Christum eius inclinamini, & be- ^{Ibid. 23.}
nedictionem accipite. Et Episcopus iterum oret, dicens: Deus
omnipotens, verus & incomparabilis, qui ubique ades, & præsens
es in cunctis, & in nullo tanquam ens quiddam existis, qui
loco

loco non circumscriberis, nec tempore consenesce, nec seculis terminaris, neque sermonibus explicaris, qui generationi non es subiectus, custodia non indiges, extra interitum es positus, mutatione non recipis, qui natura es inuariabilis, qui lucem inhabitas inaccessibile, qui natura es inuisibilis, quem vniuersales naturæ cum amore te inuestigantes cognoscunt, qui comprehendis ab ijs, qui in charitate quærent te: Deus Israël re vera videntis, populi tui credentis in Christum, propitius factus, exaudi me propter nomen tuum, & benedic eis, qui tibi inclinant colla sua: & concede eis petitiones cordis ipsorum, quæ sunt ad vtilitatem, & nullum ex ipsis expelle à possessione regni tui, & sanctifica eos, muni, tege, defende, libera ab aduersario, ab omni inimico domos ipsorum custodi: introitus & exitus eorum muni, quoniam tibi gloria, laus, maiestas, cultus & adoratio, & puero tuo Iesu, Christo tuo, Domino nostro, & Deo & Regi, & sancto spiritui, nunc & semper, & in secula seculorum, Amen.

DIMISSIO POPVLI.

Ibidem.

ET Diaconus dicat: Ite in pace.

PRO DEFVNCTIS IN LITVRGIA
ALLOCVTIO.

Ibid. c. 47.

DE ijs autem qui quieuerunt in Christo, postquam Diaconus absoluit orationem, nè idem repetamus, (orationem illam intelligit, quam habet supra: Pro fidelibus, & ad cætera Liturgiæ capita hîc esse refert) hæc addet: Pro quiescentibus in Christo fratribus nostris rogemus, vt benignus Deus, qui huius animam suscepit, dimittat ei omne delictum voluntariû, & inuoluntarium: & propitius illi factus, collocet eum in regione piorum & beatorum in sinu Abraham, Isaac, & Iacob, cû omnibus, qui à seculo placuerunt illi, & fecerunt voluntate ipsius, vnde abest dolor, tristitia & suspirium.

Excite-

EXCITEMVS nos, & inuicem cōmendemus nos aeterno Deo
per verbum, quod erat in principio.

ET EPISCOPVS DICAT:

QVI immortalis natura es, & nullo fine terminaris, à quo
omne immortale & caducum prodijt: qui rationale animal
hominem mundi ciuem, mortale in sua constitutione fecisti, &
promisisti ei resurrectionem: qui Enoch & Heliam mortem expe-
riri non permisisti, Deus Abraham, Deus Isaac, Deus Iacob, non
mortuorum, sed viuentium Deus, quoniam omnium animæ apud
te viuunt, & iustorum spiritus in manu tua sunt, quos non attinget
tormentum: omnes enim sanctificati sub tua manu sunt. Ipse quo-
quē nunc respice super hunc seruum tuum, quem recepisti in alte-
ram vitam, & condona ei, si quid volens vel inuitus deliquit: & an-
gelos placidos constitue ei, & colloca eum in sinu Patriarcharum,
Prophetarum, & Apostolorum, & omniū, qui tibi à seculo placue-
runt, vbi non est tristitia, dolor, neque horror, sed cœtus piorum &
lætantium, & terra rectorum beata videntium gloriam Christi tui,
per quem tibi gloria, honor, cultus, gratiarum actio, & adoratio in
sancto Spiritu in secula, Amen.

ET Diaconus dicat: Inclinamini, & benedictionem accipite. Et
Episcopus agat gratias pro eis, ijs verbis: Salua Domine populum
tuum, & benedic hæreditati tuæ, quam redemisti precioso sanguine
Christi tui. Pasce illos in dextera tua, & tege illos alis tuis, & da eis
bonum certamen certare, cursum consummare, fidem seruare con-
stanter & laudabiliter, Per Dominum nostrum Iesum Christū di-
lectum puerum tuum, per quem tibi gloria, honor, & cultus in san-
cto Spiritu in secula, Amen.

QVANDO CELEBRATVR MISSA, PRE-
SBYTERIVM LAICVS INGRESSE NON
PRAESVMAT.

Q SACER-

Grat. in
decr. de
consecr.
dist. 2. c. Sa
cerdotū.

SACERDOTVM aliorumq; clericorū (vt citat D. Clemens papa apud Gratianum) Ecclesiæ seruientium honores, à laicorum loco discretè apparere conuenit. Quamobrem nulli laicorum liceat in eo loco, vbi sacerdotes & reliqui clerici consistunt, (quod Presbyterium nuncupatur) quandò Missa celebratur, consistere, vt liberè ac honorificè possint sacra officia * exercere. Pars canonis, Te igitur, huic attributa. Sanctus (inquit Radulphus Tungrensis) Clemens I. natione Romanus, ante consecrationem, orationem instituisse dicitur. Vndè, Te igitur clementissime pater, à quibusdam ei tribuitur.

**SACRIFICIUM D. MARTIALIS
LEMOVICENSIVM, BURDE-
GALENSIVM, TOLOSATVM,
ARVERNENSIVM, AGENEN-
SIVM, PICTAVIENSIVM, CA-
DVRCORVM, ANICIENSIVM,
RVTHENENSIVM, ENGOLI-
SMENSIVM, ET MIMIATEN-
SIVM, EPISCOPI.**

ALTARIS CONSECRATIO.

Martial.
Epist. 1. ad
Burdegal.

DV M altaria (inquit ad Burdegaleses) dæmonum in puluerem redigerentur, aram ignoti Dei ad consecrationem re-feruari iussimus: qua dedicata in nomine Domini Dei Israel, & ipsius testis Stephani, qui pro eo à Iudæis passus est, non hominis cultum, sed Dei in ea frequentatis: Stephanus enim non Deus, sed

ami-

amicus DEI fuit. qui pro testimonio eius, animam suam posuit: cuius sanguine ipsa mensa est decorata, quia suo sanguine IESVS Christus comprobatus est esse Deus: & qui crediderit, ornamenta fidei maiora perceperit.

SACRIFICII OBLATIO.

SACRIFICIUM enim Deo creatori offertur in ara, non homini, non angelo. Nec solum in ara sanctificata, sed ubique offertur Deo oblatio munda, sicut testatus est, cuius corpus & sanguinem in vitam æternam offerimus, dicens: Spiritus est Deus, & Ioan. 4. eos qui adorant eum, in spiritu & veritate oportet adorare. Ipse enim corpus habens, & immaculatum, & sine peccato, quia conceptus est de spiritu sancto, natus ex Maria virgine, in ara crucis ipsum permisit immolari. Quod autem Iudæi per inuidiam immolauerunt, putantes se nomen eius à terra abolere, nos causa salutis nostræ in ara sanctificata proponimus: scientes, hoc solo remedio nobis vitam præstandam, & mortem effugandam: hoc enim ipse Dominus noster iussit nos agere in sui commemorationem. Nam de sacrificijs idolorum, notum vobis à me factum est, quia ea maxime de causa dominabitur vobis diabolus. Et sicut communio vini Dei est vobis vita, sic participatio mensæ simulacrorum, erat vobis æterna mors, & infirmitates, & corruptiones, & nimia tribulationes huius seculi.

LITURGIA D. DIONYSII
AREOPAGITAE, I. PARISIORVM
EPISCOPI, GALLIARVM
APOSTOLI.

Q²

SACRI

LITVRGICON ECCLESIAE LATINAE
SACRI VNGVENTI, QVO ALTARIA
ET SACERDOTES CONSECRAN-
TVR, MYSTERIVM.

Dionys.
Arcop.ec.
cl. hierar.
4.c.

EST (inquit) synaxi finitimum alterum sacramentum, quod praeceptores nostri vnguenti mysterium nominant. Eodem autem modo, quo in synaxi, ordines eorū qui minū perfecti sunt, excludūtur: cū scilicet & Pontificis circū totum templū odoribus incensis referta profectio, & Psalmorum recitatio, & diuinorum scriptorum lectio antecefferit: tum Pontifex sumptum vnguentum in diuino altari, duodecim pennis obiectum locat canentibus omnibus sanctissima voce, Prophetarum qui à Deo promoti sunt, verba, quae diuino spiritu dictante exceperunt, perfectaq; in eo solenni in sanctissimis eorum, qui consecrantur ceremonijs, precatione, illud adhibet in omni ferè Pontificio munere.

CONTEMPLATIONEM, siue latiore rituum explicatione, & hīc & in sequentibus, compendij gratia, omittimus.

SOLI PONTIFICI LICITA HVIVS VNGVENTI ET ALTARIS ET SACERDOTVM CONSECRATIO.

Dionys.
Arcop.ec.
cl. hierar.
c.4.

ITAQVE diuinus nos mos sanctam hierarcharum ordinum institutionem diuiniq; vnguenti confectionem, atque sanctam altaris consecrationem, diuinorum Pontificum efficacibus facultatibus singulari munere attribuit.

ALTARIS CONSECRATIONIS RITVS.

Ibid. in
cōtempl.

HOC etiam animaduerti, diuini quoque altaris consecratione sanctissimorū mysteriorū more & instituto sanctissimis sacri vnguenti infusionibus perfici. Est autem caelestis DEI actio omnis, diuinæ nostrae sanctificationis principium, essentia, perficiensque vis. Si enim Iesus, qui est diuinum altare nostrum, diuina est diui-

est diuinarum mentium consecratio, in quo vt scripta diuina loquuntur, consecrati, ac mysticæ omninò hostiæ instar incensi, accessum habemus, cælestibus oculis diuinū ipsum altare cernamus, in quo quæ perficiuntur, ab ipso diuino vnguento & perficiuntur, & sanctificantur omnia.

MYSTERIVM CONSECRATIONVM,
QVÆ SACROS ORDINES CONTINGVNT.

PONTIFEX quidem (inquit) qui ad perfectionem virtutemque Pontifice dignam euehitur, vtroque genu flexo ante altare, supra caput habet libros à Deo traditos, manumque Pontificis: atque hoc modo ab eo pontifice, qui eum consecrat, sanctissimis precationibus appellationibusque consecratur. Sacerdos autem flexis ante aram genibus, capiti suo ad motam Pontificis manum dextram habet: atque ita à pontifice, qui eum consecrat, sanctis precationibus consecratur. Minister verò genu altero flexo ante altare, dextram manum Pontificis qui eum consecrat, super caput habet, ab eoque consecratur ijs precationibus & inuocationibus, quibus ministri consecrari solent. Vnicuique autem eorum signum crucis à consecrante pontifice imprimitur, & singulis sancta prædicatio, perficiensque salutatio adhibetur, omnibus Ecclesiastici ordinis consalutantibus, ac Pontifice consecratore eum, qui in aliquem ordinem Ecclesiasticum eorum, quos enumerauimus, cooptatus est.

Ibid. ca. 5.

PRECES ANTE MYSTERIA.

NEQVE Carpus (inquit) qui me Cretæ hospitio excepit, sacros mysteriorum ritus aggrediebatur, nisi prius ipsi in ijs precibus, quæ antea perfici solent, sacra & læta apparuisset visio.

Idē Epist.
ad De-
moph. I.
monach.

SYNAXEOS LITURGIA.

PONTIFEX (inquit) perfecto precum sacro ad Dei altare, cum ab eo incendi odores initium fecit, sacrum obit locum.

Ibid. ca. 3.

* quæ

cum. Reuersus autem ad diuinam aram, sacros psalmos canere incipit, canuntq; cum eo omnes ecclesiastici ordines. Deinceps à ministris sanctorum librorum lectio ordine recitatur. Ea recitata, extra templi ambitum collocantur catechumeni, & vnà cum eis energumeni, atque ij quos superioris vitæ poenitet: manent autem ij qui diuinarum rerum & adspectu digni sunt & communione. Ministrorum verò alij stant pro templi foribus, * atq; occlusæ sunt: alij autem, aliquid aliud eorum, quæ eorū ordinem attingunt, perficiunt. Præcipui porrò atque selecti ordinis eius, qui ministrat, cū sacerdotibus in diuino altari proponunt panem, benedictionisque calicem: cū antea ecclesiastici omnes laudem hymnumq; generalem Deo tribuerint: cum quibus Pontifex sacras preces ritè perficit, sanctamq; pacem omnibus nunciat. Cū omnes se inter se salutauerūt, mystica sanctarum *δουπλέζων* recitatio fit. Cumq; manus aqua abluerunt & Pontifex & sacerdotes, pontifex quidem in medio altari collocatur: circumstant autem eum soli cum sacerdotibus ministri selecti. Pontifex laudatis sacris Dei operibus, ea quæ diuinissima sunt, ritè perficit, oculisq; subiicit ea quæ propositis ritè signis laudata sunt. Donis diuinorū operum monstratis, ad sacram eorum communionem & venit ipse, & inuitat cæteros. Accepta dataq; diuina communione, in sacram gratiarum actionem definit: cū interea multi quidem sola diuina signa considerēt, ipse aut diuino spiritu semper ad sacra principia eorū quæ perficiuntur, beatis, intentisq; contemplationibus, vt Pontificem decet, in diuini statūs puritate ducitur.

LITVRGIA IN CONSECRATIONE MONASTICA.

Ibid, c. 6. SACERDOS quidem (inquit) stat ante diuinum altare, precationem quæ monachos attingit, recitans ac pronuncians: is autem qui consecratur & initiatur, stat post sacerdotem, nec vtrunq;
ge-

genu flectit, nec alterum, nec caput habet suppositū diuinis libris, sed tantū præstō est sacerdoti, qui mysticam precationem in ipso recitat. Sacerdos verò ea perfectā, quum ad eum qui initiatur, venit, illum rogat primū, num remittat nuncium non solum diu-
 duis distinctisq; vitis, verum etiam visionibus: deinde perfectissi-
 mam ei vitam exponit, hoc pro testimonio dicens, eum mediam
 vitam superare ac transilire oportere. Quē ubi omnia is qui initia-
 tur, continenter professus est se esse facturum, sacerdos signo crucis
 eum consignatum tondet, appellans tres personas diuinæ beatitu-
 dinis: omniq; veste detracta, eū alia induit, & cum alijs sanctis viris
 qui ad sunt, cū eum salutauit, participem facit diuinorū myste-
 riorum.

AD SACRA MYSTERIA ADITVS QVI-

BVS PERMISSVS.

AN non hoc clamāt (inquit) etiam sacra mysteria? Neq; enim planē omnibus aditus ad sancta sanctorum interdictus est, sed proximē ad ea accedit Pontificum ordo, deinde sacerdotum, tum secundū hos, ministrorum. Ijs autem qui monachi instituti sunt, valuæ adytorum occlusę sunt, ad quas & initiantur, & assistūt, non vt eas custodiant, sed vt agnoscant & se & ordinem suum: propiusque ad populum, quā Ecclesiastici ordinis homines, accedunt.

SACERDOTVM PROPRIA DIVINORVM

TRACTATIO.

AC mihi quidem videtur audax & temerarius, si quis ea sibi sumat quæ propria sacerdotum, neque metu & pudore, à diuinorum tractatione præter captum ac meritum deterretur: putatq; Deum ignorare, quē ipse sibi est conscius, & sperat se deceptu-
 rum eum, qui à se falso nomine appellatur pater, audetq; scelestas
 suas, vt itā dicam, maledictiones (neq; em̄ preces dixerim) in diui-
 nis mysterijs Christi imitatione proferre.

CHRL

LITURGICON ECCLESIAE LATINAE
CHRISTI APPARITIO IN D. DIONYSII SACRIFICIO.

In vita
Dionysij.
edita per
Hilduinū
Abbatē.

QVVM post permultas (inquit D. Visbius in vita Dionysij) & pernecessarias populi, qui eum sequendo carcerem eruperant, exhortationes, & ad absentes directa institutio-
num præcepta, Dominica Missarum solennia, vt confirmarentur participatione corporis & sanguinis Domini nostri Iesu Christi fideles, velut iam in cælis positus celebraret: hora qua frangebatur
* deberēt, panis sanctus, quo ipse & populus communicare * debebant, resplenduit huiusmodi lux de cælo super eum & omnes qui ibi aderant, qualem nemo eorum antea viderat. In qua veniens apparuit ei Dominus Iesus Christus, etiam cunctis videntibus, quibus est datum videre, cum multitudine angelorum: & accipiens panem sanctum, dedit illi, dicens: Accipe hoc chare meus, quod mox complebo tibi vnā cum patre meo, qui mecum est maxima merces tua, & his qui audierint te, salus in regno meo.

QUOD ipsum repetit Hilduinus Abbas in hæc verba: Conscriptio (inquit) Visbij, quæ in tomo satis superque abdito Parisijs diuino nutu inuenta est: inter alia memoranda, sicut in ea legitis, verba Domini nostri Iesu Christi ad eum prolata, quando facta Diony. cra mysteria perageret, illi cunctis videntibus apparentis, continere dignoscitur.

S. VALERII, II. TREVIRENSIVM
EPISCOPI, VIATICI CONCESSIO.

S. Valerij
Treur.
vita, Tomo I. Surij.

ILLVSCENTE iam quinto die, (inquit author vitæ ipsius, Iqui post excidium Treuironum hæc in chartulis scripta reperisse affirmat, Oratorium ingressus S. Valerius, viaticum quod ipse consecrauerat, accepit: & post hæc extensis inter discipulorum manus membris sacris, 4. Calend. Februar. spiritum reddidit cælo.

D. R. E.

D. REGVLI, I. ARELATENSI-
VM ET SYLVANECTENSI-
VM EPISCOPI, MISSA
PVBLICA.

ACCIDIT autem (inquit Author vitæ ipsius) vt hora inter-
fectionis sanctorum Martyrum, Dionysij, Rustici & Eleu-
therij, beatissimus præsul Regulus Arelatensi populo iam ex more
Ecclesiam frequentanti, Missam publicam celebraret. Dominica
oratione iam dicta, & Apostolorum nominibus recitatis, adiunxit, Et
beatis martyribus, Dionysio, Rustico & Eleutherio. Quo audito,
paululum stupefactus, secum mirari cepit, cur præter solitum hoc di-
xerat. Et ecce apparuerunt tres columbe super altaris crucem resi-
dentes, horum martyrum nomina pectoribus sanguine habentes in-
scripta. Quas beatus Præsul diligenter intuitus, beatum Dionysium
& socios eius per coronam Martyrij celos ascendisse, per spiritum
sanctum cognouit. Mox autem columbe ab oculis eius elapse sunt.
Expleta autem Dominici corporis consecratione, paucis secum, quos
voluit, retentis, ceteros discedere fecit. Quibus visionem quam vi-
derat, & quod B. Dionysius & socij eius palmam martyrij suscepissent,
amarissimè flens narrauit.

S. Reguli
vita MS.
apud Gui-
liel. Bruns-
gen.

Id ipsum habet D. Anton. part. 1. sum. histor. titul. 6. ca. 28. lib. 2.

D. SANCTINI, I. CARNOTENSI-
VM, MELDENSIUM ET VIR-
DVNENSIUM EPISCOPI,
SACRIFICIUM.

SICQVE (inquit Hincmarus Rhemensis Archiepiscopus) re-
suscitato Antonino, suo postea successore, per D. Sanctinum of-
feren-

Hincm.
Rhemen.
epi. de ges-

R

stis D. Di-
on. ad Ca-
rol. Im-
per. MS.

ferentes Dño sacrificium laudis, Eucharistiæ corporis & sanguinis Christi participati sunt: & accipientes cibum, cõfortati sunt, & iter cceptum aggredientes, Romam, auxiliante Dño, venerunt: & iam B. Clemente martyrio coronato, in eadem sede S. Anacletum natione Græcum de Athenis, qui fuerat à B. Petro Presbyter ordinatus, consecratum Pontificem inuenerunt.

SECVNDI A CHRI- STO INCARNATO SECVLI, SACRIFICII RITVS.

D. ANACLETI, PAPAE ROMANI
QVINTI, STATVTA DE SA-
CRIFICIO, ET EO PER-
TINENTIBVS.

DE SACERDOTVM, NEMPE EPISCO-
PORVM ET PRESBYTERORVM, ORDINE
BIPARTITO.

Anaclet.
epistola 3.

SACERDOTVM (inquit) ordo bipartit⁹ est, & sicut Dominus illum constituit, à nullo debet perturbari. Scitis autem à Domino Apostolos esse electos & constitutos, & postea per diuersas prouincias ad prædicandum dispersos. Quum verò messis cœpisset crescere, videns paucos esse operarios, ad eorum adiuuentum septuagintaduos eligi præcepit discipulos. Episcopi verò, Domini Apostolorum: presbyteri quoq; septuagintaduorum discipulorū locum tenent.

QVOD ipsum latiùs tractat Epistola secunda, sed compendij gratia prætermittimus.

DE

TOMVS PRIMVS. 131
DE EPISCOPORVM, PRESBYTERORVM
ET INFERIORVM GRADVVM OR-
DINATIONIBVS.

OR DINATIONES Episcoporum (inquit ad episcopos Ita- Idē epi. 2.
lię) auctoritate Apostolica, ab omnibus q̄ in eadem fuerint
provincia, Episcopis sunt celebrādę. Qui simul cōueniētes, scrutiniū
diligēter agāt: ieiuniumq̄; cum omnibus celebrēt precibus, & ma-
nus cum sanctis Euāgelijs, quę prędicaturi sunt, imponētes, Dñica
die hora tertia orantes, sacraq̄; vnctione, exemplo Prophetarum &
Regum, capita eorum (more Apostolorum & Moſis) vngentes, quā
omnis sanctificatio, constat in Spiritu sancto, cuius virtus inuisibi-
lis, sancto Chrismati est permixta, & hoc ritu solennem celebrent
ordinationem. Quod si simul omnes conuenire minimē pote-
runt, assensum tamen suis precibus prębeant, vt ab ipsa ordinatio-
ne animo non desint. porro & Hierosolymitarum primus Archi-
episcopus beatus Iacobus, qui Iustus dicebatur, & secundū carnem,
Domini nuncupatus est frater, à Petro, Iacobo, & Ioanne Aposto-
lis est ordinatus, successoribus videlicet dantibus formam eorum,
vt non min⁹ quā à tribus Episcopis, reliquisq̄; omnibus assen-
sum prębentibus, vltaten⁹ episcopus ordinetur, & communi vo-
to ordinatio celebretur. Reliqui verò sacerdotes à proprio ordi-
nentur episcopo, itā vt ciues & alij sacerdotes, assensum prębe-
ant, & ieiunantes ordinationem celebrent: similiter & Diacon-
i ordinentur. Cæterorum autem graduum distributioni, trium
veracium testimonium, cum episcopi scilicet approbatione, suffi-
cere potest.

QVOD SACRIFICANDVM SIT IN LOCIS
SACRATIS, ET ADHIBITIS TESTIBVS, DIACO-
NIS, SVBDIACONIS, ET ALIIS MINISTRIS.

SACERDOTES autem (inquit alio loco) quando dño sacri- Idē epi. 1.
fāt, nō soli hoc agere debēt, sed testes secum adhibeāt, vt dño

R 2 per-

perfectè in sacratìs Deo sacrificare locis probentur. Ait nanque auctoritas legis diuinæ: Vide nè offeras holocausta tua in omni loco, quem videris, sed in loco quem elegerit Dominus Deus tuus. Episcopus Deo sacrificans, testes (vt præfixum est) secum habeat, & plures quàm alius sacerdos. Sicut enim maioris honoris gradu fruatur, sic maioris testimonij incremento indiget. In solenioribus quippe diebus, aut septem, aut quinque, aut tres Diaconos, qui eius oculi dicuntur, & subdiaconos atq; reliquos ministros secum habeat, qui sacris induti vestimentis, in fronte & à tergo, & presbyteri eregionè dextra læuaq; cōtrito corde & humiliato spiritu, ac prono stent vultu, custodientes eum à maleuolis hominibus, & consensum eius præbeant sacrificio.

QVOD, PERACTA CONSECRATIONE,
OMNIBVS COMMUNICANDVM SIT.

Ibidem.

*Dño(

PERACTA aut consecratione, oēs communicent, qui noluerint ecclesiasticis carere liminibus. Sic enim & Apostoli statuerunt, & sancta Romana tenet ecclesia. Seruite* (inquit Dñs per Prophetā David) in timore, & exultate ei cū tremore. Adorate purè, nè fortè irascatur, & pereatis de via. Ille enim non perit de via, qui rectè graditur, & præcepta custodit Maiorum.

D. EVARISTI PAPAE VI. ROMANI,
DECRETA DE CERTO MISSARVM GE-
NERE.

DE OBLATIONIBVS IN LEGITIMIS NUPTIIS.

ALL.

ALITER (inquit) legitimum, vt à Patribus accepimus, & à sanctis Apostolis, eorumque successoribus traditum inuenimus, non fit cōiugium, nisi (cætera omitto breuitatis causa) vxor suo tempore sacerdotaliter (vt mos est) cum precibus & oblationibus à sacerdote benedicatur.

Euarist.
Papa
Epist. 1.

DE MISSA IN CONSECRATIONE ECCLESIA- RVM ET ALTARIVM.

OMNES Basilicæ (iuxta quod ex Decretis eiusdem à D. Burchardo citatur) cum Missa semper debet consecrari, altaria verò placuit non solum vnctione Chrismatis, sed etiam sacerdotali benedictione sacrari. Si verò altaria non fuerint lapidea, ad celebranda diuina officia non consecrentur. Vbi autem Ecclesia est, de cuius ambiguitur consecratione, à vicinis presbyteris & parochianis fideliter requiratur. Hi ergò cum cæteris omnibus in Synodali Concilio ab Episcopo pro suo sunt contestandi sacerdotio, si illorum temporibus vel antecessorum suorum, sciant Ecclesiæ illius dedicationem, die vel officio vnquam fuisse celebrem. Quod si affirmando in hoc concordant, non fiat iniuria Ecclesiæ legitimæ vel suo defensori: Sin autem, in arbitrio sit Episcopi, claudere seu aperire eam.

Decr. MS.
cod. l. 5. c.
8. & Tom.
1. Conc. ac
Burch. de
cr. l. 3. c. 27

CHRISTIANORVM SVB TRA- IANO ANTELVCANI COETVS.

AFFIRMABANT autem (inquit Plinius Secundus, ad Traianum scribens) Christiani, quod essent soliti stato die ante lucem conuenire, carmenque Christo quasi Deo dicere secum inuicem, seque sacramento non in scelus aliquod obstringere, sed

plin. 2. E.
pist. ad
Traian. sub
fin. l. 10.

R 3

nè furta,

nè furta, nè latrocinia, nè adulteria committerent, nè fidem fallerent, nè depositum appellati abnegarent: quibus peractis, morem sibi discedendi fuisse, rursusq; coeundi ad capiendum cibum, promiscuum tamen & innoxium.

Tertull.
Apol. cōt.
gentes.

QVOD ipsum ex Plinio citat in hæc verba Tertullianus: Plinius Secundus quum prouinciam (Bithyniam) regeret, damnatis quibusdam Christianis, quibusdam gradu pulsis, ipsa tamen multitudo perturbatus, quid deceterò ageret, consuluit Traianum Imperatorem, allegans præter obstinationem non sacrificandi, nihil aliud se de sacris eorum comperisse, quàm cœtus antelucanos ad canendum cuidam Christo Deo, & ad conferendam disciplinam homicidium, adulterium, fraudem, perfidiam, & cætera scelera ab ipsis prohiberi. Tunc Traianus rescripsit, hoc genus inquirendos quidem non esse: oblatos verò, puniri oportere.

ad annum
III.

QVÆ ipsa Tertulliani verba citat Eusebius in Chronico seu potius Hieronym. inter ea quæ ad illud suis quibusdam locis interfuerit.

D. ALEXANDRI, VII. PA-
PAE, ET ALIORVM PATRV
CONCILII ROMANI, CANO-
NES DE SACRAMENTO
RVM OBLATIO-
NIBVS.

INTER MISSARVM SOLENNIA PASSIO
DOMINI MISCENDA, QVIBVS PLA-
CATVR DEVS.

IN

IN sacramentorum (inquit) oblationibus, quæ inter Missarum solennia Domino offeruntur, passio Domini miscenda est, ut eius, cuius corpus & sanguis conficitur, passio celebretur.

Et postea: Crimina enim atque peccata, oblati his Domino sacrificijs, delentur. Idcirco & passio eius in his commemoranda est, qua redempti sumus, & sæpius recitanda, atq; hæc Domino offerenda. Talibus hostijs delectabitur & placabitur Dominus, & peccata dimittet ingentia.

Quem locum tractat Vvalafridus Strabus: Alexander, inquit, septimus papa in numero, miscuit passionem Domini in precatione sacerdotum, quando Missæ celebrantur. Quod cum ita de eo in Pontificalibus scriptum sit, dubium videtur, utrum ille eam tantum partem actionis, qua passio Domini commemoratur, ordinaverit, vel totam à capite usque ad ipsum locum. Sed huic secundæ æstimationi videtur contrarium, quod in ea parte sancti nominantur, qui & ante illum, & qui post illius tempora longè fuerunt: nisi dicamus, ab illo eos tantum, qui ante illum fuerunt, commemoratos: Cæterorum verò nomina, suis quæque temporibus, ab alijs superimmissa. Unde & ipsius nomen Alexandri, in sequenti ordine reperitur.

Berno verò Augiensis Abbas: De Alexandro quoque Papa, qui à B. Petro septimus erat in ordine, ita legimus: Hic passionem Domini miscuit in precatione sacerdotum, quando Missæ celebrantur.

Et Micrologus noster: Multa tamen Canon à sanctis Patribus inserta legimus: sicut à sancto Alexandro Papa in ordine, quinto, ipsius Dominicæ passionis, commemoratio interferi iubetur.

Sigebertus quoque: Hic (inquit) inseruit memoriam Dominicæ passionis ad consecrationem Eucharistiæ.

Radulphus denique Tungrensis: Sanctus Alexander, de quo

Alex. Pa.
pa Epist.
1. c. 4.

Vvalafr.
Strab. de
reb. Eccl.
c. 22.

Berno Aug.
gient. c. 1.
de offic.
Missæ.

Microlog.
de obseru.
Eccl. c. 12.
Sigeb. in
chron. ad
annū Dñi
688.

Radulph.
Tungr. de
can. obser.
quo c. 23.

quo suprà, ipsius Dominicæ passionis commemorationem inter-
feri iussit. Vndè orationem, (Vndè & memores) quidam ipsi attri-
buunt.

PANIS TANTVM, ET VINVM AQVA MI-
XTVM, IN SACRIFICIO OFFERANTVR.

Alexand.
Papa ibid.

ITA (inquit idem D. Alexander) vt repulsis opinionibus su-
perstitionum, panis tantum & vinum aqua permixtum, in sa-
crificio offerantur. Non debet enim (vt à Patribus accepimus, &
ipsa ratio docet) in calice Domini aut vinum solum, aut aqua sola
offerri, sed vtrunque permixtum, quia vtrunque ex latere eius in
passione sua profluxisse legitur. Ipsa verò veritas nos instruit, cali-
cem & panem in sacramento offerre, quandò ait: Accipit Iesus pa-
nem, & benedixit, deditq; discipulis suis, dicens: Accipite & man-
ducate: Hoc est enim corpus meum, quod pro vobis tradetur. Si-
militer, postquàm coenauit, accepit calicem, deditq; discipulis suis,
dicens: Accipite, & bibite ex eo omnes: quia hic est calix sanguinis
mei, qui pro vobis fundetur in remissionem peccatorum.

Microlog.
de Eccl. ob-
seru. c. 10.

QUAM ipsam quoque constitutionem citat Micrologus:
Sanctus (inquit) Alexander papa constituit, vt panis tantum & vi-
num aqua mixtum, in sacrificio Domini offeratur, quia de latere
Domini sanguis & aqua simul profluxerunt. Ac in hæc verba Si-
gebertus: Sicut de latere crucifixi Christi Iesu effluxit sanguis &
aqua, ita aquam vino misceri in ipsa consecratione instituit, nec vi-
num sine aqua, nec aquam sine vino offerri debere decernens.

Sigeb. 10.
co citato.

Mart. Po-
lon. in
chron. ad
annū Do-
mini 132.

ET Martinus Polonus: Hic etiam statuit, vt vino aqua misce-
retur in Missa, ad designandam vnionem Christi in Ecclesia: Et vt
oblatio fieret ex azymo, & in modica quantitate, dicens: Hæc ob-
latio quanto potior, tanto rarior.

25. 29. 30. 31. 32.

QUAE postrema vndè sumpserit, nescio: eadem tamen habet
Radulphus Tungrensis loco citato.

OBLA-

OBLATIO HAEC, PVRA CONSCIENTIA
OFFERENDA, ET AB OMNIBVS
VENERANDA.

NIHIL (inquit idem D. Alexāder) in sacrificijs maius esse potest, quā corpus & sanguis Christi. Nec vlla oblatio hac potior est, sed haec omnes praecellit. Quae pura cōscientia Domino offerenda est, & pura mente sumenda, atque ab omnibus veneranda. Et sicut potior est cæteris, ita potius excoli & venerari debet. Alexand.
Papa ibid.

AQVA SALE CONSPERSA BE-
NEDICATVR.

AQVAM verò sale conspersam, populis benedicimus, ut ea cuncti adpersi, sanctificentur ac purificentur: quod & omnibus sacerdotibus faciundum esse mandamus. Ibidem.

NAM si cinis vitulae adpersus sanguine, populum sanctificabat atque mundabat: multo magis aqua sale adpersa, diuinisq; precibus sacrata, populum sanctificat atque mundat. Et si sale adperso, per Helisæum prophetam, sterilitas aquae sanata est: quanto magis diuinis precibus sacratus, sterilitatem aufert rerum humanarum, & coinquinatos sanctificat, atque mundat, & expurgat, & cætera bona multiplicat, & insidias diaboli auertit, & ab eius phantasmatibus, ac versutijs homines defendit? Nam si tactu fimbriae vestimenti Saluatoris, saluatos infirmos esse non dubitamus: quanto magis virtute sacrorum eius verborum diuinitus sacrantur elementa, quibus saninitatem corporis & animae humana percipit fragilitas?

IDIPSVM ab eo constitutum testatur his verbis D. Damasus: Hic constituit aquam adspersionis cum sale benedici, siue (ut alij legunt) cum sale benedicto spargi in habitaculis hominum. Damas. li.
Pōtif. c. 7.
Ado in
Martyrol.
ad 7. No-
nas Maij.
Vvalafr.

ET IJSDem verbis Ado Treuirensis in Martyrologio.

SIMILITER Vvalafridus Strabus: Aquam sparsionis cum sale

Strab. de
reb. Eccl.
c. 29.

fale benedici, & in habitaculis fidelium spargi, Alexander Papa constituit. Sicut enim populus prior legalibus institutis deseruiens, sanguine lustrabatur: ita nouus Christianorum populus, Baptismi sacramento renatus, dignè aqua benedicta adspargitur, vt sicut sanguis agni in postibus ad repellendum percussorem ponebatur, ita mysterium aquæ, corpora & loca muniat renatorum.

Et Micrologus: Alexander Papa quintus à beato Petro, constituit, vt sal & aqua benediceretur ad conspergendum populum & habitacula eorum: quod & nos in omni Dominica iuxta Canones sequimur.

Sigeb. lo
co supra
citato.
Radulph.
Tungr. lo
co citato.

Ac Sigebertus: Instituit aquam benedici & aspergi.

Radulph. Tungr. lo
co citato. R A D V L P H V S deniquè Tungrensis: Rursusq; præcepit populum aspergi aqua cum sale exorcizata & benedicta.

SACERDOTES SACRANDI.

Alexand.
Papa E
pist. 2.

SACERDOTES (inquit idem Alexander alibi) sibi sacri & in ordine Apostolatus constitui voluit. Ipsi enim pro populo interpellant, & peccata populi comedunt, quia suis precibus & oblationibus ea delent atque consumunt.

D. SIXTI I. PAPAE ROMANI VIII. CVM RELIQVIS EPI SCOPIIS, CONSTITVTIONES CIRCA MISSARVM ACTIONEM.

VASA SACRA NON NISI A SACRA
TIS MINISTRIS CONTRA
CTENTVR.

IN

IN hac (inquit D. Sixtus) sede Apostolica à nobis & reliquis Episcopis, cæterisq; Domini sacerdotibus statutum est, vt sacra vasa non ab alijs, quàm à sacratis, Dominoq; dicatis contrectentur hominibus. Indignum enim valde est, vt sacra Domini vasa, quæcūq; sint, humanis vsibus seruiant, vt ab alijs quàm à Domino famulantibus, eiq; dicatis, tractentur viris, nè pro talibus præsumptionibus iratus Dominus plagam imponat populo suo, & hi etiam, qui non peccauerunt, mala patiantur, aut pereant, quia perit iustus sæpissimè pro impio. Attēdite fratres, nè talia vestris in Ecclesijs permittatis deinceps fieri, nè grex precioso Christi sanguine redemptus, in præcipitium (quod absit) ruat.

Sixt. Papa
epist. 1.

QUOD ipsum paucis adstruit D. Damasus: Hoc (inquit) constituit, vt ministeria siue vasa sacra non tangerentur, nisi à ministris sacratis.

Damas. 1.
pōtif. c. 8.

ET Marianus Scotus: Sixtus Papa constituit in Dēcretis, vt sacra ministeria non tractentur, nisi à sacratis ministris.

Marian.
Scot. lib.
2. hist.
Radulph.
Tungr. loc.
co sepe ci-
tato.

SIC etiam Radulphus Tungrensis: Constituit (inquit) nè sacra vasa tangerentur, nisi à ministris Domini consecratis.

**HYMNVS, SANCTVS, SANCTVS &c. INFRA
MISSARVM ACTIONEM SIVE CANONEM
DECANTETVR A POPVLO.**

CONSTITVIT etiam, (inquit D. Damasus) vt Missarū actionem sacerdote incipiente, populus hymnum decantaret: **SANCTUS, sanctus, sanctus, Dominus Deus Sabaoth &c.**

Dam. loc.
citato.

ET Albinus Flaccus Alcuinus: Sixtus Papa instituit adiectionē illam primæuo Hymno, id est, Sanctus, sanctus, sanctus &c.

Alcuin. de
diui. offic.

BERNO quoque Augiensis: Non desunt (inquit) qui dicunt, Berno in Sixtum Papam supradictum hymnum, Sanctus, sanctus, sanctus, Missa ad Missam addidisse.

S 2

Ac

Marian.
Scot. loco
cit.

A c Marianus Scotus : Et infra actionem Missarum, Sanctus, & Ofanna (sic enim lego, pro eo quod est, Gloria) in excelsis cantari constituit.

Microl. li.
cit. c. II.

MICROLOGVS item: Angelicus (inquit) hymnus, id est, Sanctus, sanctus, sanctus, subsequitur, quem beatus Sixtus Papa in ordine octauus constituit, vt ante sacrificium diceretur. Hunc autem hymnum & ipse sacerdos cum alijs necessariò debet dicere, nè seipsum sua prece videatur priuasse, qui & suas voces & aliorum angelicis laudibus admitti deprecatus est in præfatione.

Sigeb. vt
suprà.

SIGEBERTVS autem: Sixtus primus hymnum instituit, Sanctus, sanctus, &c.

Radulph.
Tungr.
loc. cit.

RADVLPHVS etiam Tungrensis: Sixtus primus natione Romanus, successor Alexandri, qui coepit anno Domini CXXIX. constituit, vt hymnus, Sanctus, sanctus, sanctus, ante sacrificium diceretur, dimidium de Esaia, dimidium de Euangelio sumens.

Mart. Pol.
in chron.
ad an. 133.

MARTINVS deniquè Polonus: Hic (inquit) constituit, vt diceretur in Missa: Sanctus, sanctus, sanctus, Dominus DEVS Sabaoth.

D. TELESPHORI IX. PAPAE,
ET CUNCTORVM EPISCO-
PORVM CONCILII ROMANI,
CONSTITVTA DE MISSA-
RVM CELEBRA-
TIONE.

CLERICI DIE NOCTVQVE HYMNIS ET
VIGILIIS ATQVE ORATIONIBVS
INHAEREANT.

OMNES

OMNES (inquit cum suo concilio Telesphorus) clerici hy-
mnis & vigilijs atq; orationibus Domino inhærere die no-
ctūq; studeant. Telesph.
Epist. 1.

NOCTE SANCTA NATIVITATIS DOMI-
NI MISSAE CELEBRENTVR, RELIQUIS TEMPO-
RIBVS NON ANTE HORAM TERTIAM, ET
HYMNVS ANGELICVS DECANTETVR
SOLENNITER.

NOCTE verò sancta Natiuitatis Domini saluatoris, Missas Ibidem.
celebrent, & hymnum angelicum in eis solenniter decantēt,
quoniam & eadem nocte ab angelo pastoribus nunciatus est, sicut
ipsa veritas testatur, dicens: Pastores erant &c.

HVIIVS cōstituti meminit etiam in hæc verba Damasus: Hic Damas. li.
Pōtif. c. 9.
fecit, vt in Natali Domini nostri Iesu Christi noctū Missæ celebra-
rentur, cū omni alio tempore ante horæ tertiæ cursum nullus p-
sumeret Missas celebrare, quia ea hora Dominus noster ascendit
in crucem.

ET ven. Beda: Hic (inquit) constituit, vt in Natiuitate Dñi Beda in
Martyrol.
ad 5. Ianu.
nostri Iesu Christi, Missæ nocte celebrarentur.

AC Vualafrius Strabus: Telesphorus (inquit) nonus in ordine Vualaf.
Strab. de
reb. Eccl.
cap. 21.
Ibid. c. 23.
sedis Romanæ Episcopus, in Natali Domini, noctū tres Missas ce-
lebrari constituit.

ET vt nullo alio tempore ante horæ tertiæ cursum, vllus præsu-
meret Missam celebrare: qua hora Dñs noster, secundum Marci
Euangelium, crucifixus asseritur.

MARIANVS etiam Scotus: Hic constituit, vt in nocte Nati- Mar. Scot.
lib. 2. hist.
uitatis Domini Missæ celebrentur.

RADVLPHVS etiam Tungrēsis: De hora Missæ celebrandæ Radulph.
Tungr. lo
co sep̃e ci-
tato.
S. Telesphorus martyr natione Græcus, qui successit Sixto anno
Domini 139. constituit in nocte Natiuitatis Missas celebrari, & hy-
mnum

mnium angelicum solenniter decantari. Reliquis verò temporibus ante horam tertiam illas minimè celebrandas: quia & eadem hora Dominus crucifixus est, & super Apostolos spiritus sanctus legitur descendisse.

MARTINVS Polonus deniquè: Hic constituit, vt Missam ante tertiam nullus præsumat canere, & in Natali Domini tres Missas, cum, Gloria in excelsis Deo. Tres autem Missas in Natali Christi instituit: primam, in pullorum cantu, circa mediam noctem, quandò Christus in Bethlehem nasci dignatus est: secundà, circa auroram, quandò Christus in cunabulis est adoratus à pastorebus: tertiam, in hora diei tertia, quandò illuxit nobis dies redemptionis nostræ.

IDEM HYMNVS ANGELICVS CELE-
BRETVR AB EPISCOPIS IN MISSARVM
SOLENNIIS.

Teleph.
vbi suprâ.

AB episcopis autem (inquit idem D. Telephorus) idem angelicus hymnus pro tempore & loco in Missarum solennijs celebrandus est, atq; solenniter recitandus.

Damas. li.
Põtif. c. 9.

QVOD ipsum ab illo cõstitutum asserit Damasus: Et vt ante sacrificiũ hymnus diceret angelicus, Hoc est, Gloria in excelsis Deo.

Beda in
martyrol.
vbi suprâ.

AC ven. Beda: Ac vt hymnus angelicus, id est, Gloria in excelsis deo, hora sacrificij Missæ celebraretur.

Alcuin.
de diuin.
offic.

ALBINVS etiam Alcuinus: Telephorus natione Græcus ex Anachoreta, constituit, vt hymnus diceret angelicus ante sacrificiũ.

Amal. de
diuin. of.
fic. l. 3. c. 8.

ET Amalarius: Telephorus natione Græcus ex Anachoreta, cõstituit, vt hymnus diceretur angelicus, hoc est, Gloria in excelsis deo, ante sacrificium.

Hrabanus
de inst.
cler. lib.
1. cap. 32.

HRABANVS quoq; Maurus: Fertur etiam & longè antè Telephorus papa constituisse, id est, IX. post Petrum, vt ante sacrificiũ hymnus, Gloria in excelsis deo, diceretur.

L A-

LATISSIME verò Vualafrius Strabus: Hymnum autem angelicum (inquit) in quo paucis verbis, quædam ab angelis circa Natiuitatem Dominicam, in laudem Dei sunt prolata, sequentes sancti patres ad communem sanctæ & indiuiduæ Trinitatis laudationem, dulcissimas & congruentissimas dictiones addiderunt: Vt sicut eius principium à cælestibus ordinatum ministris, ita etiam tota eius series diuinis esset plena mysterijs. Illum, inquam, hymnum ante sacrificium dici, Telephorus 9. Romanorum præsul cõstituit, vt ad tantę sanctitatis celebrationem, cõgregatorum animi angelicę modulationis dulcedine mulcerentur. Sed in hoc loco quæri potest, Si idem hymnus huius Papæ temporibus ante sacrificium cœpit dici: cur longo tempore post, sub Cælestino legatur, tantum ante sacrificium lectionem Apostoli & Euangelium præfuisse, vt ille necessariò de Psalmis David Antiphonas, quę ante ipsas lectiones cantarentur, preposuisse videatur? Vbi respondendum est, constitutum quidem fuisse à Telephoro, vt idem hymnus in capite Missæ diceretur, sed apud posteros ipsam eius cõstitutionem intermissam, doncè à sequentibus plenius totus ordo Missę componeretur: sed ita statutum ab eo, vt ipse hymnus in summis festiuitatibus & à solis Episcopis vsurparetur, quod etiam in capite libri Sacramentorum designatū videtur, & ideo scriptum esse, vsq; ad tempora Cælestini ante sacrificium lectiones tantum habitas: vt subintelligatur, quauis ille hymnus interdum ante Missas diceretur, vt prædiximus, non fuisse tamē, quod iugiter, in omnibus Missis, ab omnibus sacerdotibus ante lectiones poneretur, antequam idem Cælestinus antiphonas ad introitum dicendas, instituit.

BERNO itē Augiēsis: Telephor⁹ Papa cõstituit, vt ante sacrificiū hymn⁹ dicere⁹ angelic⁹, hoc est, gloria in excelsis deo. qualiter ei⁹ debeat credi testimonio, testat⁹ martyriū, quod sustinuit p̄ dñō.

Berno
Aug. de
Miss. c. 2.

EISDEM penè verbis idipsum testantur Marianus Scotus, li. 2. hist. Sigebertus loco suprà citato, & Radulphus Tungrensis.

S A.

LITVRGICON ECCLESIAE LATINAE
SACERDOTIBVS QVI CORPVS DOMI-
NI CONFICIVNT, ET A QVIBVS POPVLVS
BENEDICITVR, OBEDIENDVM.

Teleph.
vbi supr.

IPSI autem (inquit idem D. Telephorus) qui Corpus Domini proprio ore conficiunt, ab omnibus sunt audiendi, obediendi, atque timendi, & non dilacerandi: quia à quibus se populus benedici, saluari, & instrui cupit, nullatenus debet eos arguere.

D. HYGINI PAPAE ROMANI X.
DECRETA DE MISSA ET EC-
CLESiarVM CONSE-
CRATIONE.

ABSQVE MISSA NON FIAT ECCLESIA-
RVM CONSECRATIO.

Grat. de
consecr.
dist. 1. c.
Omnes.

OMNES Basilicæ (vt citatur D. Hyginus à Gratiano) cum Missa debent semper consecrari.

QVAE ECCLESIA ITERVM SIT CON-
SECRANDA, AVT SALIBVS TANTVM
EXORCIZANDA.

Burch.
Decr. li. 3.
c. 11. & 12.
Iuo Decr. part 3. ca. 3. ac 4.
Grat. ibi.
c. Si mo-
tum.

SI motum fuerit altare (vt idem citatur Decretorum D. Hygini cap. 4. ac 6. à D. Burchardo, Iuone & Gratiano) denuò cōsecratur Ecclesia. Si tantum parietes mutantur, & non altare, salibus tantum exorcizetur. Si homicidio vel adulterio Ecclesia violata fuerit, diligentissimè expurgetur, & denuò cōsecratur.

LIGNA ECCLESiarVM, IN VSVS LAI-
CORVM NON CONVERTANTVR.

Burchard.
Decr. li. 3.
c. 39. grat.

LIGNA autem Ecclesiæ (vt citatur ex c. 6. Decretorum eiusdem à D. Burchardo & Gratiano) dedicata, non debent ad aliud

aliud opus iungi, nisi ad aliam Ecclesiam, vel igni sunt comburenda, vel ad profectum in monasterio fratribus. In Laicorum verò opera non debent admitti.

D. PII PAPAE XI. ROMANI CONSTITVTA CIRCA SA- CRAMENTA DIVINA.

SI PER NEGLIGENTIAM ALIQUID
DE CALICE DOMINI STILLAVERIT, POE-
NITENTIAM SACERDOS AGAT.

SI per negligentiam (inquit ca. 3. Decretorum D. Pius iuxta ci-
stationem d. Burchardi, D. Iuonis, & Gratiani) de calice sangui-
nis Domini aliquid stillauerit in terram, lingua lambatur, tabula
radatur. Si non fuerit tabula, vt non conculcetur, locus corrada-
tur, & igne consumatur, & cinis intrà altare recondatur, & sacerdos
quadraginta diebus pœniteat. Si super altare stillauerit calix, for-
beat minister stillam, & tribus diebus pœniteat. Si super linteum
altaris, & ad aliud stilla peruenerit, quatuor diebus pœniteat. Si vsq;
ad tertium, nouem diebus pœniteat. Si vsque ad quartum, viginti
diebus pœniteat, & linteamina, quæ tetigerit stilla, tribus vicibus
minister abluat, calice superposito, & aqua ablutionis sumatur, &
iuxta altare recondatur.

Burchard.
decr. l. 5. c.
47. Iuo
part. 2. ca.
56. Grat.
de cõf. di.
2. ca. si per

POST MISSARVM SOLENNIA EV-
LOGIAE DOMINICIS ET FESTIS DIEBUS
POPULO DISTRIBVANTVR.

DE oblationibus quæ offeruntur à populo (vt citatur à DD. Burch.
Burchardo & Iuone c. 4. Decretorum ipsius) & consecratio-
ni supersunt, vel de panibus, quos deferunt fideles ad ecclesiam,
T vel cap. 37.

Burch. li.
5. ca. 27. &
28. Iuo
part. 2.
vel cap. 37.

vel certè de suis, Presbyter conuenienter partes incisās habeat in vase nitido & conuenienti, vt post Missarum solennia, qui communicare non fuerint parati, eulogias omni die Dominico, & in diebus festis exindè accipiant, quæ cum benedictione priùs faciat.

ARREPTITII SACRIS ALTARIBVS
NON MINISTRENT.

Burchard. **B**E NE siquidem (vt citant ex cap. 6. Decr. eius D. Burchardus, decr. li. 3. ca. 72. Iuo moniacis alijsque passionibus irretitis ministeria sacra tractare non liceat. Cui præcepto consensu rationis adhibito id communiter diffinimus, vt nullus de his, qui aut in terra arrepti à dæmonibus eliduntur, aut quolibet modo vexationis incurfibus effertur, vel sacris audeant ministrare altaribus, vel indiscussè se ingerant sacramentis diuinis, exceptis illis, qui corporum incommoditati dediti, siue huiusmodi passionibus in terra probantur elisi, qui tamen & ipsi, tam diù erunt ab officij sui ordine & loco suspensi, quousq; vnus anni spatio, per discretionem Episcopi, inuenientur ab incurfū dæmonum liberati.

PRAEDIA VSIBVS CAELESTIVM SE-
CRETORVM DICATA, SI QVIS SVBTRAHAT,
SACRILEGVS IVDICETVR.

Pius papa **A**D sedem autem Apostolicam (inquit idem D. Pius Epistola ad Italicas ecclesias) perlatum est, quòd sint inter vos contentiones & æmulationes: Et prædia, diuinis vsibus tradita, quidam humanis applicant vsibus, & Domino Deo (cui tradita sunt) ea subtrahunt, vt suis vsibus inferuiant. Quapropter ab omnibus illius vsurpationis contumelia depellenda est, nè prædia vsibus secretorum cælestium dicata, à quibusdam irruentibus vexentur.

Eius.

EIVSDEM PII PAPAE MISSARVM
ACTIO.

ANTEQVAM (inquit Diuus Pius Papa Epistola ad Iustum Georg. Fabr. adn. in Poet. Christ. Episcopum Viennensem apud Georgium Fabricium) Roma exisses, soror nostra Euprepia, sicut benè recordaris, titulum domûs suæ pauperibus assignauit: vbi nunc cum pauperibus nostris commorantes, Missas agimus.

D. ANICETI ROMANI PAPAE
XII. DECRETVM, CIRCA
MISSARVM CELEBRA-
TIONEM.

PANIS, VINVM, ET AQVA, SINE QVI-
BVS MISSAE CELEBRARI NEQVEVNT,
MVNDISSIME TRA-
CTENTVR.

PANES (vt citatur à DD. Burchardo & Iuone Decr. cap. 3. Burch. l. 5. c. 29. Iuo part. 2. cap. 38. Aniceti Papæ, sic enim legendum pro eo quod est, Anicij) quos Deo in sacrificium offertis, aut à vobismetipsis, aut à vestris pueris coram vobis nitidè ac studiosè fiant, & diligenter obseruetur, vt panis & vinum & aqua, sine quibus Missæ nequeunt celebrari, mundissimè atque studiosè tractentur, & nihil in eis vile, nihil non probatum inueniatur, iuxta illud quod ait scriptura: Sit timor Domini vobiscum, & cum diligentia cuncta facite.

T 2 SVB

SVB ANICETO D. POLYCARPI
APVD ROMANOS EVCHARI-
STIAE MINISTERIVM.

QVAE quum ita essent constituta, (inquit D. Irenaeus cum to-
tius Galliae Concilio, Epistola ad D. Victorem Papam, cita-
ta ab Eusebio & Nicephoro) communicabant inter se mu-
tuò, & Anicetus in ipsa Ecclesia Polycarpo, ob reuerentiam dunta-
xat, quam erga illum habebat, ritus qui in Eucharistia peragi solent,
obeundi potestatem (sive Eucharistiae ministerium, ut alij ver-
tunt) concessit.

Euseb. l. 5.
ca. 25. seu
24. Nice.
l. 4. c. vlt.

D. SOTERIS PAPAE ROMANI
XIII. MANDATA CIRCA SA-
CRIFICII SACRA MY-
STERIA.

NE FOEMINAE SACRATAE SACRA VA-
SA VEL PALLAS CONTINGANT, AVT INCEN-
SUM CIRCVM ALTARIA PERFERANT.

SACRATAS (inquit D. Soter Epistola ad Episcopos Italiae) fœ-
minas vel monachas sacra vasa vel sacratas pallas penès vos
contingere, & incensum circa altaria deferre, perlatum est ad Apo-
stolicam sedem, quæ omnia reprehensione & vituperatione plena
esse, nulli rectè sapientium dubium est. Quapropter huius sanctæ
sedis autoritate, hæc omnia vobis refecare funditùs, quanto citiùs
poteritis, censemus: & nè pestis hæc latius diuulgetur per omnes p-
uincias, abstergi citissimè mandamus.

Soter pa-
pa epist. 2.

QVOD etiã de illo tradit Damasus: Hic cõstituit, ut nulla mona-
cha pallã sacratã cõtingeret, nec incensum poneret in sancta ecclesia.

ET

Et iisdem ipsis verbis Marianus Scotus, Radulphus Tungren-
fis, & Martinus Polonus, locis suprà citatis.

QVISQVE SACRIFICANS SACERDOTEM
ADSTANTEM HABEAT, QUI COEPTA SACRA-
MENTA EXPLEAT, SI NECESSITAS
INGRVERIT.

VT illud (inquit idem D. Soter Decr. c. 8. citato à DD. Bur-
chardo, & Iuone, ac Gratiano) diuini oraculi momentis sin-
guli præcaueant, quo scribitur, Væ soli, quia quum ceciderit, non
habet subleuantem: summopere verendum est nobis atque cau-
dum, nè horis illis atque temporibus, quibus Deo psallitur vel sa-
crificatur, vnicuique diuinis singulariter officijs insistenti, perni-
ciosa passio, vel quælibet corporis inualitudo occurrat, quæ aut
corpus subito subruui faciat, aut mentem alienatione vel terrore
confundat. Pro huiusmodi ergò casibus præcauentes, necessarium
duximus instituere, vt vbì temporis vel loci siue cleri copia suffra-
gatur, habeat (quisquis ille) canens Deo atque sacrificans, post se vi-
cini solaminis adiutorem, vt si aliquo casu ille, qui officia impletu-
rus accedit, turbatus fuerit, vel ad terram elisus, à tergo semper ha-
beat, qui eius vicem exequatur intrepidus, & officium inceptum
adimpleat.

CELEBRET NEMO, NISI DVO-
BUS PRÆSENTIBVS.

HOC quoque statutum est, (vt citatur eiusd. Decr. c. 10. ab
iisdem) vt nullus presbyterorum Missarum solennia cele-
brare præsumat, nisi duobus præsentibus, sibi que respondentibus,
& ipse tertius habeatur: quia quum pluraliter ab eo dicitur, Domi-
nus vobiscum: & illud, Orate pro me: aptissimè cõuenit, vt & ipsius
respondeatur salutationi.

T 3

PRESBY.

LITVRGICON ECCLESIAE LATINAE
 PRESBYTERI NON CONREGIONALES,
 OFFERRE NON POSSINT, NISI AD HOC
 INVITATI, ABSENTIBVS CIVITA-
 TIS PRESBYTERIS.

Burch. li.
 5. c. 45.
 luo part.
 2. c. 54.

PRESBYTERI (inquit idem Decr. c. 33. citato à DD. Bur-
 chardo & Iuone) qui conregionales non sunt, in Ecclesijs
 praesentibus Episcopis vel presbyteris ciuitatis, offerre non pote-
 runt, nec panem dare, in oratione autem calicem dabunt. Quòd si
 absentes sunt ciuitatis sacerdotes, & fuerint inuitati in orationem,
 soli possunt dare.

D. PHOTINI EPISCOPI LVG-
 DVNENSIS, SANCTI DIACO-
 NI VIENNENSIS, ET ALIO-
 RVM APVD GALLIAS MAR-
 TYRVM SVPPPLICIA, OB COE-
 NAS AB IIS CELEBRATAS,
 QVAS VELVT THYESTAEAS
 CALVMNIABANTVR
 SERVI.

Euseb. l. 5.
 hist. Eccl.
 c. 1.
 Niceph. l.
 4. c. 16.

QUIDAM etiam Ethnici (vt describit Ecclesia Gallicana,
 in Epistola ad Ecclesias Asiae & Phrygiae apud Eusebium &
 Nicephorum) nostrorū serui, vnà capiebantur, (siquidē Praeses oēs
 nos passim perquiri praeceperat) qui tormenta, quae sanctos tolerare
 cernebant, reformidātes, contra nos militibus, satanae impulsu, illos
 ad hoc idē incitantibus, Thyestaeas coenas & incestus Oedipodis
 falso

falsò cōmenti sunt: & alia quæ nobis nec eloqui, nec cogitare quidē
fas esse iudicatur: Quin tale facinus aliquādò inter homines admif-
sum fuisse, nec credi quidem propemodùm debet. Quæ sanè quum
essent fama & sermone hominum passim dissipata, omnes velut
immanes belluæ, contra nos furere cœperunt.

A c paulopòst: Vndè decaterò sancti martyres maiora quædā
cruciamenta, quàm quæ possint oratione explicari, (idq; satana in
illud pro viribus incumbente, vt aliquid talis blasphemiae contra ^{*eliceret}
Christū, ex eorum ore educeret) sufferre cogeantur. Supra modū
igitur lethale multitudinis vniuersæ, præsidis & satellitum odium
in Diaconum nomine Sanctū, Viennæ prognatum, & in Maturū
etiam recens quidē baptizatum, sed generosum tamē Christi athle-
tam efferbuit. In Attalum porrò genere Pergamenum, columnam
& stabilimentum continuum Ecclesiarum, quæ hīc sunt: in Blan-
dinam deniquē & B. Photinum, cui Lugdunensis Episcopatus
ministerium erat concreditum.

DE eiusdem D. Photini sacrificio D. Euseb. Emissenus seu po-
tius Lugdunensis: Præstitit (inquit) inter ista diuina prouidentia, <sup>Eusebius
Emiss. hō.
de sancta
Blandina.</sup>
vt in tantis patriæ sacrificijs etiam Pontifex nō deesset. Rapitur ad
impiam quæstionē grandæuus & plenus dierū beatus pater noster
Photinus, Ecclesiæ huius antistes, & pro eruditionis, vt credimus,
merito gregi suo iungitur, ac post Dñici corporis sacrificium, pro-
phanis tribulationib⁹ nouā de se hostiā Christo oblaturus infertur.
— SIMILIA videre est apud Gregorium Turonensem, de glo-
ria beatorum martyrum.

D. ANTIMI EPISCOPI, ET CONCORDII PRESBYTERI SPOLETANI MARTYRVM SACRIFICIVM.

TEmpore oportuno (inqt Author vitæ eius) cōsecrauit Anti-
m⁹ episc. Cōcordiū Presbyterū, & cœperūt pariter orationib⁹
vacare. <sup>Vita D.
Concord.
mart. Tō.
1. Suriij.</sup>

vacare. Post aliquantum verò temporis, reuocatur à Comite Tusciae Torquato Concordius, aitque illi Comes: Ecquid de salute tua deliberasti? Sanctus vir respondit, Salus mea Christus est, cui quotidie sacrifico sacrificium laudis.

Ado Treu-
uiren-
sis in
Mart. Cal.
Januar.

His ferè ad verbum concordat Ado Treuiren-
sis in Martyrologio.

D. ALEXANDRI EPISCOPI ET MARTYRIS ITALI MIS- SARVM ACTIO.

Ado in
Martyrol.
ad 6. Cal.
Decembr.

QUVMQVE rumor (inquit Ado Treuiren-
sis) beatum Alexandrum ubique spargeret, Antoninus direxit antonia-
num praesidem, ut Alexandrum Episcopum ei exhiberet. Qui in-
uenit eum die Dominica in Ecclesia docentem, & Missas agentem:
& sicut Imperator iusserat, apprehensum Romam perduxit. Secu-
ti sunt autem eum Crescentianus Presbyter, Nouitianus, & Vi-
talis.

D. IRENAEI EPISCOPI LVG- DVNENSIS, DE SACRIFICIO ECCLESIAE TESTI- MONIA.

IN PRIMIS videantur quae supra hac de re ex D. Irenæo ci-
tauimus. Deindè & hæc apud eundem reperire est:

MARCI HAERETICI SVPER CALICE VI-
NO MIXTO, INVOCATIONIS VERBA, QVIBVS
EVCHARISTIAM FACERE SE FINGEBAT.

PRO

PRO calice (inquit D. Irenæus aduersus hæreses) vino mixto fingens se Marcus gratias agere, & in multum extendens sermonem inuocationis, purpureum & rubicundum apparere facit, vt putetur ea gratia ab ijs, quæ sunt super omnia, suum sanguinem stillare in illius calicem per inuocationem eius, & valdè concupiscere præsentem ex illo gustare poculo, vt & in eos stillet quæ per magum hunc vocatur gratia. Rursus mulieribus dans calices mixtos, ipsas gratias agere iubet, præsentem se: & vbi hoc factum est, ipse alium calicem multo maiorem, quàm est ille, in quo illa seducta Eucharistiam facit, proferens, & transfundens à minori, qui est à muliere Eucharistia factus, in illum qui est ab eo allatus, multo maiorem, statim dicens ita: Illa, quæ est ante omnia, inexcogitabilis & inenarrabilis gratia, adimpleat tuum intuitus hominem, multiplicet in te agnitionem suam, infeminans granum sinapis in bonam terram. Et alia quædam dicens, & in infaniam mittens illam infelicem, admirabilia faciens apparuit, quâdò maior calix adimpletus est de minori calice, vt & supereffunderet ex eo.

Iren. l. i.
adu. hæ.
c. ix.

QUAE ipsa verba hoc modo citantur à D. Epiphanio: Pocula vino mixta, simulans se *εὐχαριστῶν*, & diutiùs extendens sermonem inuocationis, purpurea ac rubicunda apparere facit, vt putetur gratia ab his quæ sunt super vniuersa, sanguinem suum instillare in illud poculum per inuocationem ipsius: & valdè cupiant præsentem ex illo poculo gustare, vt & in ipsos instillet gratia, quæ per magum hunc inuocatur. Rursus autem mulierculis tradens pocula vino mixta, ipsas gratias agere iubet se præsentem: & quum hoc fit, ipse aliud poculum multo maius illo, super quo decepta illa gratias egit, asserens, & à minore super quo muliercula gratias egit, in hoc quod ab ipso adornatum est, transfundens, simul ita dicit: Gratia quæ est ante vniuersa, illa cogitatione incompræhensibilis & inenarrabilis, impleat tuum internum ho-

Epiph. l. i.
Tom. 3.
cont. hæ.

V minem

minem, & multiplicet in te agnitionem suam, consēminans in te granum sinapis in bonam terram. Et talia quādam loquutus, ubi miseram illam ad infaniam extimulauit, miraculorum editor appāret, dum magnum poculum expletur in minore, vt etiam ex ipso superfundatur.

IN ECCLESIA VERO ET EA SOLA, OF-
FERTVR OBLATIO QVAM CHRISTVS
OFFERRE DOCVIT.

Iren. l. 3.
cont. hær.
c. 33.

QVONIAM ergò (inquit) nomen filij proprium patris est, & in Deo omnipotente, per Iesum Christum offert Ecclesia, benè ait secundum vtraq; Et in omni loco incensum offertur nomini meo, & sacrificium purum.

Ibid. c. 34.

IGITVR Ecclesiæ oblatio, quam Dominus docuit offerri in vniuerso mundo, purum sacrificium reputatum est apud Deum, & acceptum est ei.

Ac paulopòst: Sacrificia in populo Iudaico, (nam vocem similem suppleri debere, series verborum indicat) sacrificia in Ecclesia: sed species immutata est tantum.

Et postea: Hanc oblationem Ecclesia sola puram offert fabricatori, offerens ei cum gratiarum actione ex creatura eius.

NE QV E Iudæorum igitur, neque Hæreticorum synagogæ puram Deo oblationem offerunt.

IVDÆI autem iam non offerunt: non enim receperunt verbū, per quod offertur Deo. Sed neq; omnes hereticorū Synagogæ. Alij enim alterum præter fabricatorem dicentes patrem, idè quæ secundum nos creaturæ sunt, offerentes ei, cupidum alieni ostendunt eum, & aliena concupiscentem. Qui verò ex defectione & ignorantia & passione dicunt facta ea quæ sunt secundum nos, & ignorantie & passionis & defectionis fructus offerentes, peccant in patrē suum, contumeliam facientes magis ei, quàm gratias agentes.

EVCHA-

EVCHARISTIAE AVTEM CONSONA EST
ECCLESIAE SENTENTIA, ET EVCHARISTIA
ECCLESIAE SENTENTIAM
CONFIRMAT.

NOSTRA autem consonans est sententia Eucharistiae, & Eucharistia rursus confirmat sententiam nostrā. Offerimus enim ei, quæ sunt eius, congruenter communicationem & unitatē prædicantes carnis & spiritūs. Quemadmodum enim qui est à terra panis, percipiens vocationem Dei, iam non communis panis est, sed Eucharistia, ex duabus rebus constans, terrena & cælesti: Sic & corpora nostra percipientia Eucharistiam, iam non sunt corruptibilia, spem resurrectionis habentia. Offerimus autem ei non quasi indigenti, sed gratias agentes donationi eius, & sanctificantes creaturam. Quemadmodum enim Deus non indiget eorum, quæ à nobis sunt, sic nos indigemus offerre aliquid Deo.

OFFERRE ITAQVE MVNVS AD
ALTARE SINE INTER-
MISSIONE.

SIC & ideo nos quoque offerre vult munus ad altare frequenter sine intermissione.

ID'QVE IN OMNI SIMPLICITATE
ET INNOCENTIA.

QUOD in omni simplicitate & innocentia Dominus volens nos offerre, prædicauit, dicens: Quum igitur offers munus tuum ad altare, & recordatus fueris, quoniā frater tuus habet aliquid aduersum te, dimitte munus tuum ante altare, & vade prius reconciliari fratri tuo, & tunc reuersus, offer munus tuum.

V 2 ALIO.

LITVRGICON ECCLESIAE LATINAE
ALIOQVI OFFERENTI OBLATIO
NON PRODERIT.

Gen. 4. **A**B initio enim respexit Deus ad munera Abel, quoniam cum simplicitate & iustitia offerebat: Sacrificium autem Cain non respexit, quoniam cum zelo & malitia, quæ erat aduersus fratrem, diuisionem habebat in corde, quemadmodum occulta eius arguens Deus, ait: Nónne si rectè offeras, rectè autem non diuidas, peccásti? quiesce, quoniam non sacrificio placatur Deus. Si enim quis solummodò secundum quod videtur, mundè & rectè & legitimè offerre tentauerit, secundum suam animam non rectè diuidat eam, quæ est ad proximum, communionem, neque timorem habeat Dei, non per id quod rectè foris oblatum est, sacrificium ad se ducit Deum, intus habens peccatum: nec oblatio talis proderit ei aliquid, sed cessatio mali, quod est intus conceptum, nè per assimulatam operationem, magis autem peccatum ipsum, sibi homicidam faciat hominem.

PER COMMVNICATIONEM SANGVINIS
ET CORPORIS CHRISTI, COMPROBATVR RE-
SVRRECTIO MORTVORVM.

Idem l. 5. adu. hæc. **V**ANI autem (inquit alibi idem D. Irenæus) omnimodò, qui vniuersam dispositionem Dei contemnunt, & carnis salutem negant, & regenerationem eius spernunt, dicentes non eam capacem esse incorruptibilitatis. Sic autem, secundum hæc videlicet, nec Dñs sanguine suo redemit nos: neq; calix Eucharistiæ, communicatio sanguinis eius: neq; panis quem frangimus, communicatio corporis eius est. Sanguis enim non est, nisi à venis & carnibus, & à reliqua quæ est secundum hominem, substantia, qua verè factum verbum DEI, sanguine suo redemit nos. Quemadmodum & Apostolus eius ait: In quo habemus redemptionem per sanguinem

1. Cor. 10.
Colof. 1.

sanguinem eius, & remissionem peccatorum. Et quoniam membra eius sumus, & per creaturam nutrimur: creaturam autem ipse nobis præstat, solem suum oriri faciens, & pluens quemadmodum vult: eum calicem qui est creatura, suum corpus confirmavit, ex quo nostra auget corpora. Quando ergo & mixtus calix, & fractus panis, percipit verbum Dei, fit eucharistia sanguinis & corporis Christi, ex quibus augetur & consistit carnis nostræ substantia: Quomodo carnem negant capacem esse donationis Dei, qui est vita æterna, quæ sanguine & corpore Christi nutritur, & membrum eius, quemadmodum & Apostolus ait in ea, quæ est ad Ephesios, *Ephc. 5.* Epist. Quoniam membra sumus corporis eius, de carne eius, & de ossibus eius: non de spiritali aliquo & inuisibili homine dicēs hæc, *Luc. 24.* (Spiritus enim neque ossa, nec carnes habet) sed de ea dispositione quæ est secundum hominem, quæ ex carnibus & nervis & ossibus consistit, quæ de calice, qui est sanguis eius, nutritur: & de pane, qui est corpus eius, augetur. Et quemadmodum lignum vitis depositum in terra, suo fructificat tempore: & granum tritici decidens in terram, & dissolutum, multiplex surgit, per spiritum Dei, qui continet omnia: quæ deinde per sapientiam in vsum hominibus veniunt, & sanguis Christi: sic & nostra corpora ex ea nutrita, & reposita in terram, & resoluta in ea, resurgent in suo tempore, verbo Dei resurrectionem eis donante, in gloriam Dei patris, qui huic mortali immortalitatem circumdat, & corruptibili incorruptelam gratuito donat.

I AM tum vñtatum illud, In secula seculorum.

Idem lib.
1. cap. 1.

SED & nos ipsi (inquit alio loco, vt citatur etiam ab Epiphano) dum *ἐν τῇ εὐχαριστίᾳ* dicimus, In æonas æonum, siue, in secula seculorum.

Epiph. l. 1.
Tom. 2.
har. 31.

V 3

D. VI

LITVRGICON ECCLESIAE LATINAE
D. VICTORIS PAPAE XV. RO-
MANI, STATVTVM DE NON
DISCREPANDO IN SA-
CRAMENTIS DI-
VINIS.

Victor pa
pa epist. 2. **O**PORTET vos (inquit D. Victor Papa Epistola ad Epi-
scopos Africæ) vnanimis esse, & adminiculum vicissim fer-
re: in recta ergò fide, & in sacramentis diuinis non discrepare, sed
concordes esse: quia licet pauci sitis malorum comparatione, si ta-
men concordēs fueritis, facile, auxiliante Domino, vestros insidia-
tores superabitis. Si verò discordes (quod absit) fueritis, non supe-
rabit, sed superabimini. Perlatum est enim ad sedem Apostoli-
cam, aliquos vestrum, nocere fratres velle, & vt cadant, decertare.
Similiter in sacramentis discrepare, & ob id contentiones & æmu-
lationes inter vos fieri: à quibus dissensionibus vos auertere, & in his
omnibus concordare, & opem ferre vicissim, mandamus. Nam si
hoc agere citò neglexeritis, & vicissim reconciliari non studueri-
tis, ab Apostolicæ sedis & totius Ecclesiæ communione vos pelli
non dubitetis.

CONCILIORVM, ROMANI, GAL-
LIARVM, ET ALIORVM DECRE-
TVM ECCLESIASTICVM, DE
TREMENDO PASCHATIS
MYSTERIO DIE DO-
MINICA CELE-
BRANDO.

ID.

IN CIRCO (inquit Eusebius) Concilia & conuentus episcoporum in vnum cogeantur, & omnes vna sententia decretum ecclesiasticum, nempe vt non alio die aliquandò, quàm Dominico, mysterium Domini resurrectionis à mortuis, celebraretur: & vt in hoc solo, ieiuniorum, quæ circiter Pascha fieri solent, finem faceremus: per literas ad omnes ecclesias scriptas, ratum faciebant. Decretum autem episcoporum, qui tum erant in Palæstina conuocati, ad hanc vsque ætatem scriptis custoditum est. In quorum Synodo Theophilus Cæsarensis ecclesiæ episcopus, & Narcissus episcopus Hierosolymorum, præsides fuerunt. Aliud etiam est episcoporum, qui Romæ similiter conueniebant, de eadem controuersia statutum: quod quidem Victorem id temporis Episcopum fuisse declarat. Aliud item Episcoporum Ponti, quibus Palmas, ut potè antiquissimus & maximè venerandus, præsidebat. Aliud Ecclesiarum Galliæ, quas Irenæus regebat Episcopus. Aliud porro Ecclesiarum, quæ Ostrœnam, & reliquas in eo loco ciuitates incolebant. Aliud separatim Bacchilli Ecclesiæ Corinthiorum episcopi, & alia deniquè aliorum propè infinitorum, qui vno consensu, iudicioq; vno eandem de illius festi obseruatione tulere sententiam. Atq; istorum omnium vna hæc, quam docuimus, consentiēs erat decisio.

QVOD ipsum habet in hæc verba Nicephorus: Conuentus Niceph. l. Episcoporum varijs in locis sunt acti. Vbi quum in eandem con- 4. cap. 36. celsissent sententiam, postea omnibus vbiquè ecclesijs decretum siue edictum scriptum promulgârunt & proposuerunt: vt de cæterò non alio, quàm Dominico, die tremendum resurrectionis & Paschatis mysterium, ieiunio tum soluendo, celebraretur.

TER

TERTII A CHRISTO INCARNATO SECVLI SACRIFICII RITVS.

D. ZEPHYRINI ROMANI PAPAE XVI. CONSTITVTA CIRCA MISSARVM CELEBRATIONEM.

PATENIS VITREIS MINISTRI VTANTVR.

Dam. lib. **H**IC (inquit D. Damasus) fecit constitutum de Ecclesia, vt
Pōti. c. 16. patenas vitreas ministri ante sacerdotes portarent, dum episcopus Missam celebrat.

Vualaf. de reb. Eccl. **Q**UOD ipsum repetit Vualafrius Strabus: Zephyrinus (inquit) Pōtifex 16. patenis vitreis Missas celebrari (sic enim lego, pro celebrare) constituit.

Rad. Tūg. loco sapē citato. **A**C Radulphus Tungrensis verbis penè ijsdem.

Mart. Pol. **M**ARTINVS deniq; Polonus: Fecit statutum in Ecclesia, vt omnia vasa altaris essent vitrea, vel stannea.

ad annū Dñi 213. **D**VM MISSAE CELEBRANTVR, ADSTENT SACERDOTES.

Damasus vbi suprā. **C**ONSTITVIT etiam (inquit idem Damasus) vt sacerdotes omnes adstarent, dum sic Missæ celebrantur.

Mar. scot. hist. lib. 2. **A**C Marianus Scotus: Hic constituit, vt adstantibus sacerdotibus Missæ celebrarentur.

QVIN-

QVINTI SEPTIMII TERTVL-
LIANI PRESBYTERI ATQVE
AFRICANAE ECCLESIAE
SACRI CONVENTVS,
ET SACRIFICIA.

FALSA ETHNICORVM CALVMNIA DE
MYSTERIIS CHRISTIANORVM, QVOS OB EA IN-
FANTICIDAS ESSE, ET COETVS INCESTOS
COGERE CRIMINABANTVR.

DICIMVR (inquit Tertullianus) sceleratissimi, de sacramē-
to infanticidij, & pabulo crudo, & post conuiuium incesto, Tertull.
apol. adu.
gent.
quòd euerfores luminum, canes, lenones scilicet tenebrarum libi-
dinum impiarum, inuerecundiam (sic enim cod. MS.) procurent.
Dicimur tamen semper, nec vos quod tam diù dicimur, eruere
curatis. Ergò aut eruite, si creditis: aut nolite credere, qui non
* eruistis. de vestra vobis dissimulatione praescribitur, nò esse, quod * eruistis
nec ipsi audetis eruere. Longè aliud munus carnifici in Christia-
nos imperatis, non vt dicant quæ faciunt, sed vt negent quod sunt.
Census istius discipline, vt iam edidimus, à Tiberio est, quod odio
suu coepit, simul veritas atque apparuit inimica esse. Tot hostes ei-
us, quot extranei, & quidem propriè ex æmulatione Iudæi, ex cõ-
cussione milites, ex natura ipsi etiam domestici nostri. Quotidiè
obsidemur, quotidiè prodimur, in ipsis plurimùm cœtibus & cõ-
gregationibus nostris opprimimur. Quis vnquàm taliter vagienti
infanti superuenit? quis cruenta, vt inuenerat, Cyclopum & Sire-
narum ora iudici (nam sic cod. MS.) reseruauit? Quis vel in vxoribus
aliqua immunda vestigia depræhendit? Quis talia facinora

X cùm

*trahens cū inuenisset, celauit? aut vendidit, ipsos * vendens homines? Si
semper latemus, quando proditum est quod admittimus? Immo
à quibus prodi potuit? ab ipsis em̄ reis non vtiq̄, cū vel ex ipsa
forma omnibus mysterijs silentij fides debeat. Samothracia &
*Eleusi- * Eleusina reticentur: quanto magis talia, quæ prodita interim,
ana etiam (itā quoque MS. cod.) humanam animaduersionem prouo-
cabunt, dum diuina seruantur? Si ergo non ipsi proditores sui, se-
quitur vt extranei: & vnde extraneis notitia? Cū semper etiam
impie initiationes arceant profanos, & arbitros caueant, nisi si im-
pij minùs metuunt.

Idē l. 2. ad
vxorem.

Et paulopost: Benè autem, q̄ omnia tempus reuelat, testibus etiā
vestris prouerbijs atq; sententijs, ex dispositione nature, quæ itā or-
dinauit, vt nihil diū lateat, etiam quod fama nō distulit. Meritò igitur
fama tam diū sola cōscia est scelerum Christianorū. Hanc indi-
cem aduersus nos profertis, quæ, quod aliquandō iactauit, tantoq;
spatio in opinionem corroborauit, vsq; adhuc probare non valuit.

NOCTVRNI ET ANTELVCANI CHRI- STIANORVM CONVENTVS.

Idē l. 2. ad
vxorem.

QUIS (inquit alibi) nocturnis conuocationibus, si itā oportu-
erit, à latere suo eximi libenter feret? Quis deniq̄ solenni-
bus Pasche abnoctantem securus sustinebit? Quis ad cōui-
uium Dñicum illud, quod infamant, sine sua suspitione dimittet?

Eodem pertinet, quod de Antelucanis cœtibus sub Traiano
adduximus.

STATIONES ET PROCEDENDI MOS DE DIE, ET PRAESERTIM DIE DO- MINICO.

Idem pau-
loantē.

VT (inquit) si statio facienda est, maritus de die condicat ad
balneas: si ieiunia obseruanda sunt, maritus eadem die cōui-
uium exerceat: si procedendum erit, nunquā magis familiæ oc-
cu-

cupatio adueniat. Quis enim sinat coniugem suam, visitandorum fratrum gratia, viciatim aliena, & quidem pauperiora quæq; tuguria circuire?

I AM & stationes (inquit alio loco) aut alij magis faciet, quàm Christo: aut & Dominico die, quando nec Christo. Idem l. de cor. mil.

STATIONES ET ADGENICVLATIO- NES AD ARAM DEI.

NONNE (inquit) solennior erit statio tua, si ad aram Dei steteris? Idem lib. de Orat.

ITEM: Aris Dei adgeniculari. Idem lib. de pœnit.

EODEM pertinet illud: Si spiritus reus apud se sit, & conscientia erubescit, quomodo audebit orationem dicere ad altare? Idem exhort. cast.

STATIONES ANTE FINEM NON SOL- VENDAE.

SIMILITER (inquit) de stationum diebus: Si statio de militari exemplo nomē accepit, (nam & militia Dei sumus) utiq; nulla lætitia siue tristitia obueniens castris, stationes militum rescindit. Idem lib. de Orat.
Nam lætitia libentiùs, tristitia sollicitiùs administrabit disciplinā.

IN IIS AD ORATIONEM NON PER- MITTENDA SESSIO.

ITEM quòd assignata oratione assidendi mos est quibusdam, non perspicio rationem, nisi si Hermas ille, cuius scriptura fere Pastor inscribitur, transacta oratione non super lectum assedis- Ibidē paulantē,
set, verum aliud quid fecisset, id quoque ad obseruationem vindicaremus. Vtique non. Simpliciter enim & nunc positum: Quum adorassem & assedissem super lectum ad ordinem narrationis, non ad instar disciplinæ. Alioquin nusquam erit adorandum, nisi ubi fuerit lectus. Immo contra scripturam fecerit, si quis in Cathedra aut subsellio federit. Porro quum perinde faciant nationes, adoratis sigillaribus suis residendo, vel propterea in no-

bis repræhendi meretur, quòd apud idola celebratur. Eò apponitur & irreuerentiæ crimen, etiam ipsis nationibus, si quid scirent, intelligendum. Siquidem irreuerens est asidere sub conspectu, contraque conspectum eius, quem quum maximè reuereris ac venereris, quanto magis sub conspectu Dei viui angelo adhuc orationis adstante, factum istud irreligiosissimum est, nisi exprobramus Deo, quòd nos oratio fatigauerit?

IPSIUS CHRISTIANORVM CONGREGATIONIS RITVS.

Ibidem. **C**OIMVS in cœtum & congregationem, vt ad Deum quasi manu facta, precationibus ambiamus, orantes. Hæc vis Deo grata est.

IPSORVM IN ORATIONE ET SACRIFICIO CÆREMONIAE.

Ibid. pauloant. **I**ELVC in cælum suspicientes Christiani, manibus expansis, quia innocuis: capite nudo, quia non erubescimus: deniquè
Ibid. li. de sine monitore, quia de pectore oramus. Nos verò non attollimus
Orat. tantum, sed etiam expandimus, & Dominica passione modulâtes, & orantes confitemur Christo.

Ibid. paulo post. **A**TQVI cum modestia & humilitate adorantes, magis commendamus Deo preces nostras, ne ipsis quidem manibus sublimius elatis, sed temperatè ac probè elatis.

Luc. 18. **N**E vultu quidem in audaciam erecto. Nam ille publicanus, qui non tantum prece, sed & vultu humiliatus atq; deiectus orabat, iustificatio Pharisæo procacissimo discessit.

*:at **S**ONOS etiam vocis subiectos esse oportet *, aut quantis artibus opus est, si pro sono audiamur? Deus autem non vocis, sed cordis auditor est, sicut conspexor. Dæmonium oraculi Pythij: Et multum (inquit) intelligo, & non loquentem exaudio. dei aures sonum

sonum expectant? Quomodo ergò oratio Ionæ de ventre ceti per tantæ bestia viscera, ab ipsis abyssis per tantam æquoris molem ad cælum potuit euadere? Quid ampliùs referent isti, qui clariùs adorant, nisi quòd proximis obstrepunt? Immò prodendo petitiones suas, quid minùs faciunt, quàm si in publico orent?

EODEM pertinet, quod de Marcione alibi dicit: Ad alienum Idem l. 1. cælum alij deo expanditur, in aliena terra alij deo sternitur, su-^{adu. Mar.} per alienum panem alij deo gratiarum actionibus fungitur.

ORATIONES ALIAE, ORATIONI DOMINICAE SUPERSTRVCTAE.

COMPENDIIS paucorum verborum, quot attinguntur ^{Ibid. paulo ante.} Cedita prophetarum, euangeliorum, Apostolorum, sermones Domini, parabolæ, exempla, præcepta? quot simul expunguntur officia Dei? honor in patre, fides, testimonium in nomine, oblatio obsequij in voluntate, commemoratio spei in regno, petitio vitæ in pane, exomologesis debitorum in deprecatione, sollicitudo tentationum, in postulatione tutelæ. Quid mirum? Deus solus docere potuit, vt se vellet orari. Ab ipso igitur ordinata religio orationis, & de spiritu ipsius iam tunc quum ex ore diuino ferretur, animata suo priuilegio ascendit in cælum, commendans patri quæ filius docuit. Quoniam tamen Dominus prospector humanarum necessitatum, seorsùm post traditam oradi disciplinam, Petite, inquit, & accipietis: & sunt quæ petuntur, pro circumstantia cuiusque, præmissa legitima & ordinaria oratione, quasi fundamento, accidentium ius est desideriorum, ius est superstruendi extrinsecùs petitiones, cum memoria tamen præceptorum, nè quantùm à præceptis, tantum ab auribus Dei longè simus. Memoria præceptorum, viam orationibus sternit ad cælum.

LITURGICON ECCLESIAE LATINAE
ORATIO PRO IMPERATO-

RIBVS.

Idem in
Apolog.

NOS (inquit idem alibi) pro salute Imperatorum Deum inuocamus æternum, Deum verum, Deum viuum, quem & ipsi imperatores propitium sibi præter ceteros malunt.

PRECANTES semper pro omnibus Imperatoribus, vitam illis prolixam, imperium securum, domum tutam, exercitus fortes, senatum fidelem, populum probum, orbem quietum, quæcunq; hominis & Cæsaris vota sunt.

Ibid. postea.

ET rursum: Oramus etiam pro Imperatoribus, pro ministris eorum & potestatibus, pro statu (ita MS. cod.) seculi, pro rerum quiete, pro mora finis.

DIVINARVM LITERARVM COMMEMORATIO, CANTVS, CHRISTI INVOCATIO, DIVINA BENEDICTIO.

Ibid.

COIMVS (inquit ibidem) ad diuinarum literarum commemorationem, si quid præsentium temporum qualitas aut præmonere cogit, aut recognoscere. Certè fidem sanctis vocibus pascimus, spem erigimus, fidutiam figimus, disciplinam præceptorum nihilominus inculcationibus densamus.

Ibid. l. 2.
ad vxorẽ.

ET alibi: Quid maritus suus illi, vel marito quid illa cantabit? Audiatur sanè, audiat aliquid de Dei cœna, de taberna, de gehenna. Quæ Dei mentio? Quæ Christi inuocatio? Vbi fomenta fidei de scripturarum interlectione? Vbi spiritus refrigerium? Vbi diuina benedictio?

Ibid.

ET postea: Sacrificia sine scrupulo, non muta benedictio: sonant inter duos Psalmi & hymni, & mutuò prouocant, quis melius Deo suo canet.

Idem l. 3.
côt. Marc.

ET iterum alibi: Sacrificium (inquit) mundum, Gloriæ scilicet relatio, & benedictio, & laus, & hymni, & munditiæ sacrificiorum.

VSL

VSITATA ETIAM APVD APHROS,

ἐς αἰῶνα: ET, AMEN.

QVALE est enim, (inquit alio loco) de Ecclesia Dei, ad (sic Idem de
enim cod. MS.) diaboli ecclesiā tendere? de cælo, quod aiunt, spect.
in cœnū? illas manus, quas ad Dñm extuleris, postmodum laudan-
do histrionē fatigare: ex ore quo Amen in sanctum protuleris, gla-
diatori testimonium reddere: ἐς αἰῶνα, alij omninò dicere, nisi
Deo & Christo?

ADORATIO.

NOS (inquit) Dominum adoramus. Idem lib.
ET paulopòst: Alioquin nusquàm erat adorandum &c. de Orat.
vt infrà citatur latius.

ET rursùm, vt suprà citauimus: Quid ampliùs referent isti, qui
clariùs adorant?

ALIBI quoquē: Vt qui meminerint, etiam per noctem ado- Idē Apol.
randum Deum sibi esse.

ET denuò: Dominico die ieiunium nefas ducimus, vel de ge- Idem de
niculis adorare. cor. mil.

SACRIFICII OBLATIO.

VOBIS autem (inquit) nulla procedendi causā non tetrica. Idem de
Aut imbecillis aliquis ex fratribus visitandus, aut sacrificiū cul. sœm.
offertur, aut Dei verbum ministratur. Quoduis horum, grauita-
tis aut sanctitatis negocium, & cui opus non sit habitu extraordi-
nario, & composito, & soluto.

OSCVLVM PACIS.

ALIA (inquit) consuetudo inualuit: ieiunantes, habita ora- Idem lib.
tione cū fratribus, subtrahunt osculū pacis, quod est signacu- de Orat.
lum

lum orationis. Quando autem magis conferenda cum fratribus pax est, nisi cum oratione commendabilior ascendit, ut ipsi de nostra operatione participant, quam auderent de sua pace fratri transigere? Quæ oratio, cum diuortio sancti osculi, integra? quem Domino officium facientem impedit pax? Quale sacrificium est, à quo sine pace receditur? Quæcunque ratio sit, non erit potior præcepti obseruatione, quo iubemur ieiunia nostra celare. Iam enim de abstinentia osculi agnoscimus ieiunantes. Sed & si qua ratio est, nè tamen huic præceptor tu sis, potes domi fortè, inter quos latere ieiunium in totum non datur, differre pacem. Vbicunque autem alibi operationem tuam abscondere potes, debes meminisse præcepti: ita & disciplinæ foris, & consuetudini domi satisfacies. Sic & die Paschæ, quo communis & quasi publica ieiunij religio est, meritò deponimus osculum, nihil curantes de osculando, quod cum omnibus faciamus.

SACRIFICIORVM ORATIONES ET PARTICIPATIO.

Ibidem.

NON putant (inquit) plerique sacrificiorum orationibus interueniendum, quod statio soluenda sit, accepto corpore Domini. Ergò deuotum Deo obsequium eucharistia resoluit, an magis Deo obligat?

Ibid. l. de
cor. milit.
* mādātū

Et alibi: Eucharistiæ sacramentum & in tempore victus, & omnibus * mundatum à Domino, etiam antelucanis coetibus, nec de aliorum manu, quàm præsentium, sumimus.

Idem l. 2.
ad vxorē.

Eodem pertinet & illud: De cibo, de poculo inuadere, desiderare, & mente habere.

Ibidem.

Ac illud: De cuius manu desiderabit? de cuius poculo participabit?

Idem de
resurr. car.

DENIQUE etiam illud: Caro corpore & sanguine Christi vescitur, ut & anima de Deo saginetur.

COR-

CORPORIS DOMINI POST SACRIFICIUM
RESERVATIO, ET ANTE OMNEM CL-
BVM GVSTATIO.

ACCEPTO (inquit) corpore Domini & reseruato, vtrum- ^{Idem lib. de orat.}
que saluum est: & participatio sacrificij, & executio officij.

Et alio loco: Quum etiam per noctem oratum exurgis, non ^{Idem l. 2. ad vxorē.}
magiæ aliquid videberis operari? Non sciet maritus, quid secretò
ante omnem cibum gustes? Et si sciuerit, panem non illum credit
esse qui dicitur.

Quòd etiam pertinere videtur illud de presbyteris & diaconis: ^{Idem l. de mongam.}
Et illi planè dabant viros & vxores, sicut & buccellas.

EXHORTATIONES, CASTIGATIONES,
ET CENSURA EXCOMMVNICATIO-
NIS DIVINAE.

IBIDEM etiam exhortationes, castigationes, & censura diui- ^{Idem in Apolog.}
na. Nam & iudicatur magno cum pondere, vt apud certos de
Dei conspectu: summumque futuri iudicij præiudicium est, si quis
ità deliquerit, vt à cōmunicatione orationis & conuētūs & omnis
sancti commercij relegetur. Præsident probati quique seniores, ho-
norem istum non precio, sed testimonio adepti. neque enim pre-
cio vlla res Dei constat.

COLLECTAE PRO EGENIS, NAVFRAGIS,
ET AD METALLA CONDEMNATIS,
AVT CAPTIVIS.

ETIAM si quod arcę genus est, non de oneraria summa, qua- ^{Ibidem. *redeptæ}
si *redeptę religionis congregat, modicam vnusquisque stipē
menstrua die, vel quū velit, & si modò velit, (sicut additur in MS.
cod.) & si modò possit, apponit: nam nemo cōpellitur, sed spontē
Y confert.

* iamq;
domesti-
cis

confert. Hæc quasi depofita pietatis funt. nam indè non epulis, nec potaculis, nec ingratif volatrinis difpenfatur, fed egenis alendis humanisq; & pueris ac puellis, re ac parentibus deftitutis, * ætateq; domitis fenibus, item naufragis, & fi qui in metallis, & qui in infulis, vel in cufiodijs, duntaxat ex caufa Dei fectæ, alumni confefſionis fuî funt.

Αγάπη POST SACRIFICIVM.

Ibidem.

* Latinos

COE N A (inquit) noſtra, de nomine rationem fuî (fic MS. cod.) oftendit. vocatur enim ἀγάπη id, quod dilectio penès * Græcos eſt. Quantifcunque ſumptibus conſtet, lucrū eſt, pietatis nomine facere ſumptum. ſiquidem inopes quoſque (itā legit MS. cod.) refrigerio iſto iuamur, non qua penès vos paraſiti affectāt, ad gloriam famulandæ libertatis, ſub authoramēto ventris inter contumelias ſaginandi, ſed qua penès Deum maior eſt contemplatio mediocriū. Si honeſta cauſa eſt conuiuij, reliquū ordinē diſciplinæ de cauſa (ſic rursū habet MS. cod.) æſtimate, quod (ſic denuò MS. c.) ſit de religionis officio. nihil vilitatis, nihil immodeſtiæ admittitur. non priùs diſcumbitur, quàm oratio ad Deum præguſtetur. editur, quantum eſurientes capiunt: bibitur, quantum pudicis eſt vtile: itā ſaturantur, vt qui meminerint, etiam per noctē adorandū Deum ſibi eſſe: itā fabulantur, vt qui ſciant Dñm audire. Poſt aquam manualet & lumina, vt quiſq; de ſcriptoribus ſanctis, vel de proprio ingenio poteſt, prouocatur in mediū DEO canere: hinc probatur, quomodò biberit. Aequè oratio conuiuium dirimit, indè diſceditur non in cateruas cæſionum, neque in claſſes diſcurſationum, nec in eruptiones laſciuiarum, ſed in eandem curā modeſtiæ & pudicitæ, vt qui non tam cœnam cœnauerint, quàm diſciplinam.

Idem l. ad
Martyres.

Eodem pertinet illud: Immò & quæ iuſta ſunt, caro nō amittit per curam Eccleſiæ & Agapen fratrum.

ITEM

ITEM illud, ubi eleemosynam Agapē interpretatur: De alienis ^{Idem l. 1. adu. Mar.}
bonis ob alium Deum nomine eleemosynæ & dilectionis opera-
tur.

AD hanc quoque alludere videtur dum dicit: Quam delictis ^{Idem l. adu. Iudg.}
omnibus expiati sacerdotes templi spiritualis, id est, Ecclesiæ, quasi
visceratione quadam fruerentur.

OMNI DIE VVLGATA, CONSE-
CRATIO.

NOBIS (inquit alibi) omnis dies, etiam vulgata, consecra- <sup>Idem de
ieiun.</sup>
tione celebratur.

OBLATIONES PRO DE-
FUNCTIS.

OBLATIONES (inquit idem Tertullianus) pro defunctis <sup>Ibid. l. de
cor. milit.</sup>
annua die facimus.

ET alibi de vidua: Pro anima eius (mariti nēpe defuncti) oret, <sup>Idem l. de
Monog.</sup>
& refrigerium interim adpostulet ei, in prima resurrectione con-
fortium, & offerat annuis diebus dormitionis eius.

AC rursū ad virum vxore viduatū: Etiam repete apud deum, <sup>Idem ex
hort. ad
cast.</sup>
pro cuius spiritu postules, pro qua oblationes annuas reddas. Sta-
bis ergo ad Deum cum tot vxoribus, quot illas oratione comme-
moras, & offeres pro duabus, & commemorabis illas duas per sa-
cerdotem de monogamia ob pristinum de virginitate sancitū,
circundatum virginibus ac vniuiris: & ascendet sacrificium tuum
libera fronte.

OBLATIONES IN NATALITIIS
MARTYRVM.

OBLATIONES (inquit) pro natalitijs annua die facimus. <sup>Idem l. de
cor. milit.</sup>

OBLATIO IN CONCILIATIONE
MATRIMONII.

Y 2

VNDE

Idem l. 2.
ad vxorē.

VNDE (inquit) sufficiam ad enarrandam felicitatem eius matrimonij, quod Ecclesia conciliat, & confirmat oblatio, & obsignatum angeli renunciant, & pater * rato habet?

SACRIFICIVM PRO SALVTE IM-
PERATORVM.

Idem ad
Scapulā.

ITAQVE & sacrificamus (inquit) pro salute Imperatoris, sed Deo nostro, & ipsius: sed, quomodo præcepit Deus, prece pura. Itā nos magis oramus pro salute Imperatoris, ab eo eam postulantes, qui præstare potest.

CALICES, QVIBVS TVM VTEBANTVR,
DEPICI, ET QVANTVM APPARET,
VITREI.

Idem l. de
pudic.

PRÆCEDANT (inquit) ipsæ picturæ calicum vestrorum. Et aliquantò postea: Cui ille (inquit) si fortè patrocina- bitur pastor, (alludens ad librum Pastoris) quem in calice depingis * quæ &c. At ego pastoris eius scripturam haurio, * qui non potest frangi.

SACRAMENTVM BENEDICTIO-
NIS, EVCHARISTIA.

Ibid. pau-
lopòst.

VT extra Ecclesiam detur &c. vt sacramento benedictionis exauthoraretur, nunquā in castra Ecclesiæ reuersura.

HORAE IN ORATIONIBVS DIVINIS
SOLENNIORES, TERTIA, SEXTA,
ET NONA.

Ibid. l. de
ieiun.

PORRO quum in eodem commentario Lucae, & tertia hora orationis demonstratur, sub qua spiritu sancto initiati, pro ebrijs habebantur: & sexta, qua Petrus ascendit in superiora: & nona, qua templum sunt introgressi, cur non intelligamus, salua planè indiffe-

indifferentia, semper & vbiquè & omni tempore orandum? tamen tres istas horas, vt insigniores in rebus humanis, quæ diem distribuunt, quæ negocia distinguunt, quæ publicè resonant, ita & solenniores fuisse in orationibus diuinis: * quod etiam suadet Danielis ^{* quoniã} quoquè argumentum, tẽr die orantis, vtiquè per * aliarum horarũ ^{* aliquarũ} exceptionem, non aliarum autem, quàm insigniorum exindè apostolicarum, tertiæ, sextæ, nonæ.

ROMANAE ECCLESIAE CVM AFRICANIS DE EVCHARISTIA CONTESSERATIO.

VIDEAMVS, (inquit) Romana Ecclesia quid didicerit, quid ^{Idẽ de p. docuerit,} quid (sic MS. cod.) cum Africanis Ecclesijs con- ^{scr. hæc.} tesserarit. Vnum Deum nouit &c. fidem aqua signat, spiritu sancto vestit, eucharistia pascit.

Et alibi: Vide (inquit, Romanũ Pontificem alloquens) quàm ^{Idem de bonum & quàm iucundum habitare fratres in vnum : hoc tu psal. ieiun.} lere non facilè nõsti, nisi quo tempore cum compluribus cœnas. Conuentus autem illi, stationibus prius & ieiunationibus operati, dolere cum dolentibus, & ita demũ congaudere cum gaudentibus nõrunt. Si & ista solennia, quibus tunc præsens patrocínatus est sermo, nos quoq; in diuersis prouincijs fungimur, in spiritu inuicẽm repræsẽtati, lex est sacramenti.

EPISCOPI, PRESBYTERI, DIACONI, LECTORIS, LAICI APVD HAERETICOS NULLA
DISTINCTIO.

NVS QVAM (inquit) facilius proficitur, quàm in castris ^{Idẽl. de p. scrip. adu. hæretic.} bellum, vbi ipsum esse illic, promereri est. Itaque alius hodiẽ Episcopus, cràs alius: Hodiẽ Diaconus, qui cràs lector: Hodiẽ presbyter, qui cràs Laicus. Nam & laicis sacerdotalia munera iniungunt.

LITVRGICON ECCLESIAE LATINAE
ETHNICORVM ET CATECHVMENO-
RVM NVLLA APVD EOS IN SACRIFICIO EX-
CLUSIO.

Ibid. pau-
lo prius.

IN PRIMIS (ait) quis catechumenus, quis fidelis, incertū est: pa-
riter adeunt, pariter audiunt, pariter orant: etiam ethnicis, (itā
MS. cod.) si superuenerint, sanctum canibus, & porcis margaritas,
licet non veras, iactabunt. Simpliciter volunt esse prostrationē
disciplinæ, cuius penēs nos curam, lenocinium vocant.

MARCVS HAERETICVS OBLATIONE
CALICIS IN MAGIAM ABVSVS.

Idem li. i.
cōt. Marc.
carminē.

MARCVS (inquit idem alibi) per numeros argumentatus
acutē,
Tradidit in magicæ formam violare pudicam,
Offerri calicem, precibusq; in sanguine verbi.

Idēl. de p̄-
fer. hær.
sub finē.

OPHITAE HAERETICI SERPENTEM FAL-
SIS SVIS EVCHARISTICIS ADHIBENT.

ACCESSERVNT etiam heretici (inquit) illi, q̄ Ophitæ nū-
cupātur. Nam serpētem magnificāt intātū, vt illū etiā ipsi
Christo p̄ferāt. Ipsum introducūt ad benedicēda * Eucharistia sua.

* Eucharis-
tica

D. CALIXTI PAPAE ROMANI
XVII. STATVTVM CIRCA SA-
CRIFICII OBLATIONEM.

Calixt.
Papa epi.
2. Decret.

SACERDOTIBVS POST POENITENTIAM
DENVÒ SACRIFICIVM OFFERRE LICEAT.

PORRÒ (inquit Calixtus papa, ad Episcopos Galliarum scri-
bens) sanctus Dauid de criminibus mortiferis egit poeniten-
tiam,

tiam, & tamen in honore permanfit. Beatus quoque Petrus amarissimas lachrymas fudit, quando Dominum negasse poenituit, sed tamen Apostolus permanfit. Et Dominus per Prophetam peccantibus pollicetur, dicens: Peccator in quacunque die conuersus ingemuerit, omnium iniquitatum illius non recordabor amplius. Errant enim, qui putant Domini sacerdotes post lapsum, si condignam egerint poenitentiam, Domino ministrare non posse, & suis honoribus frui, si bonam deinceps vitam duxerint, & suum sacerdotium condigne custodiuerint. Et ipsi qui hoc putant, non solum errant, sed etiam contra traditas ecclesiae clauces, disputare & agere videntur, de quibus dictum est: Quaecunque solueritis in terra, erunt soluta & in caelo. Alioquin haec sententia, aut Domini non est, aut vera est. Nos vero indubitanter, tam Domini sacerdotes, quam reliquos fideles, post dignam satisfactionem posse redire ad honores credimus, testante Domino per Prophetam: Nunquid qui cadit, non adijciat ut resurgat? & qui auersus est, non reuertetur? & alibi: Nolo (inquit Dominus) mortem peccatoris, sed ut conuertatur & viuat. Et Propheta Dauid poenitentiam agens, dixit: Redde mihi laetitia salutaria tui, & spiritu principali confirma me. Ipse nanque post poenitentiam & alios docuit, & sacrificium Deo obtulit, dans exemplum doctoribus sanctae ecclesiae, si lapsi fuerint, & condignam poenitentiam Deo gesserint, utrumque facere posse.

Ezech. 18.

Matt. 18.

Hier. 8.

Psal. 40.

Ezech. 33.

Psal. 50.

EXCOMMUNICATIS NEMO IN ORATIONE COMMUNICET

EXCOMMUNICATOS quoque a sacerdotibus, nullus recipiat ante vtriusque partis iustam examinationem, nec cum eis in oratione, aut cibo, aut potu, aut osculo communicet, nec aue eis dicat: quia quicumque in his vel alijs prohibitis, scienter excommunicatis communicauerit, iuxta Apostolorum institutionem & ipse simili excommunicationi subiacebit.

D. V R.

D. VRBANI ROMANI XVIII.
DECRETA CIRCA SA-
CRA CAELESTIA.

PRAEDIA VSIBVS SACRORVM CAE-
LESTIVM DEDICATA, NON IRRVANTVR.

Vrban. pa-
pa Epist.
Decret.

*sacrorū

AT TENDENDVM est omnibus (inquit D. Vrbanus papa) & fideliter custodiendum, & illius vsurpationis contumelia depellenda, nè prædia vsibus *secretorum caelestium dedicata, à quibusdam irruentibus vexentur. Quod si quis fecerit, post debitæ ultionis acrimoniam, quæ erga sacrilegos iure promenda est, perpetua damnetur infamia, & carceri tradatur, aut exilio perpetuæ deportationis vratur.

MINISTERIA SACRATA, ARGENTEA
FACTA.

Dam. Pō-
tif. ca. 18.

Cōci. Tri-
bur. ca. 18.

Vualafr.
de reb. h.

Eccl. c. 24.
Radulph.

Tungr. lo-
co sæpè
citato.

HIC fecit (inquit Damafus) ministeria sacrata omnia argētea, & patenas argenteas 25. apposuit.

Ac Concil. Triburiense: Vrbanus papa omnia ministeria sacra fecit argentea.

Et Vualafridus Strabus: Vrbanus 18. papa, omnia ministeria sacrata, fecit argentea & patenas 25.

RADVLPHVS quoq; Tungrensis: Sanctus verò Vrbanus papa primus argenteis constituit celebrari.

AB EODEM VRBANO PAPA CONSECRATA ECCLESIA AD PERAGENDA SANCTA DEI MYSTERIA.

Simeon
Metaphr.
in vit. D.
Cæcil.

CÆCILIAE autem domum (inquit D. Simeon Metaphrastes) sanctissimus Vrbanus papa consecrauit nomine sanctæ Ec-

Ecclesiæ : & illic perpetuò peraguntur sancta Domini mysteria usque in hodiernum diem. In memoriam quidem martiris, gloriam autem & laudem magni Dei & saluatoris nostri IESV CHRISTI.

D. PONTIANI XIX. PAPAE
ROMANI DECRETVM, DE
IIS QVI CORPVS DOMI-
NI CONFICIVNT, ET
POPVLIS TRADVNT.

DE sacerdotibus autem Domini, (inquit D. Pontianus papa) D. Pötia. quos vos audiuius contra prauorum hominum insidias papa ep. 1. adiuuare, eorumq; causas portare, scitote vos in eo valde Deo placere, qui sibi eos ad seruiendum adsciuit, & familiares intantum sibi esse voluit, vt etiam aliorum hostias per eos acceptaret, atq; eorum peccata donaret, sibiq; reconciliaret. Ipsi quoque proprio ore corpus Domini conficiunt, & populis tradunt. De illis dictum est: Qui vos contristabit, & qui vobis facit iniuriam, recipiet id Zach. 2. quod inique gessit. Et alibi: Qui vos audit, me audit: & q vos spernit, me spernit: q autem me spernit, spernit eum qui me misit. Hi Luc. 10. enim non sunt infestandi, sed honorandi. In eis quoque Dominus honoratur, cuius legatione funguntur.

D. HIPOLYTI PORTVENSIS
EPISCOPI LITVRGIAE
RITVS.

LVGEVNT (inquit) sub Antichristo ecclesiæ luctum malignum, quia nec oblatio, nec suffitus fiat, nec cultus Deo grat. Hippol. Port. orat. de Anti- tus: christ.

tus: Sed ecclesiarum ædes sacra, tugurij instar erunt, preciosumq;
corpus & sanguis Christi non exabit in diebus illis: liturgia extin-
guetur, psalmorum decantatio cessabit, scripturarum recitatio non
audietur: Sed erunt apud homines tenebrae, lamentatio super lamē-
tationem, vae super vae.

AD SEPULCRVM IPSIVS APPOSITA

ARA, SACRAMENTI DONATRIX.

Prud. Pe-
risteph.
hymn. II.

TALIEVS (inquit D. Prudentius) Hippolyti corpus manda-
tur opertis,

Propter ubi apposita est ara dicata Deo.

Illa sacramenti donatrix mensa, eadem que

Custos fida sui martyris apposita,

* Vindictis Seruat ad æterni spem * Iudicis ossa sepulcro,

Pascit item sanctis Tibricolas dapibus.

D. ANTERI PAPAE XX. ROMANI, DECRETVM SIMILE.

Anter. pa-
pa epist.
Decret.

ABSIT (inquit Anterus Papa ad Episcopos Hispanos) vt qu-
quam sinistrum de his loquar, qui Apostolico gradui succe-
dentes, Christi corpus sacro ore conficiunt, per quos nos etiam Chri-
stiani sumus, & clauēs regni celorum habentes, ante iudicij diem iu-
dicāt. Veteri quidem lege habetur, quicumq; sacerdotibus nō ob-
temperasset, aut extra castra positus, lapidabatur à populo, aut gla-
dio ceruice subiecta, contemptum expiabat cruore. Nunc verò in-
obediens, spiritali animaduersione truncatur: & eiectus ab ecclesia,
rabido dæmonum ore discerpitur.

Deut. 17.

D. FABIANI, ROMANI XXI. PA-
PAE, INSTITVTA DE SACRO
RITV ET DIVINO OFFICIO
PERAGENDO.

RO-

ROMANAM ECCLESIAM IN SACRO RI-
TV SEQVANTVR CAETERI.

CONSEQVENS est, (inquit D. Fabianus Papa) debere vos scī ^{Fabian.}
re, quæ apud Romanam in sacro aguntur ritu Ecclesiam, vt ^{papa ep. 1.}
eius sequentes exempla, eius veri filij inueniamini, quæ vestra est
mater vocata.

PER SINGVLAS CIVITATES SEPTEM
DIACONI, CVM SVBDIACONIBVS ET ACOLYTIS
AC SEQVACIVM ORDINVM MINISTRIS, DI-
VINVM PERAGANT OFFICIVM.

SEPTEM ergo Diaconos in vrbe Roma per septem regiones ^{Ibidem.}
Sciuitatis, sicut à patribus accepimus, habemus: qui per singulas
hebdomadas & Dominicis dies, atque festiuitatum solennia cum
subdiaconibus & Acolytis, ac sequacium ordinum ministris, iniun-
cta sibi obseruant ministeria, & parati omni hora sunt ad diuinum
officium, & quicquid eis iniungitur, peragendum. Similiter & vo-
bis, prout opportunum fuerit, per singulas ciuitates est faciendum,
vt diuinum absque vlla mora & negligentia studiosè ac solenniter
agatur officium.

CVM EXCOMMVNICATIS NEMO PSAL-
LAT AVT ORET.

SIC Apostoli statuerunt, dicentes: Cum excommunicatis (ci- ^{Ibidem.}
tat can. II.) non est cōmunicandum. Et si quis cum excommu-
nicatis, auertendo regulas, scienter psallat in domo, aut simul locu-
tus fuerit, aut orauerit, ille communione priuetur.

QVAE CIRCA DIVINA MYSTERIA VNI-
VERSA VNIFORMITER AGIT ECCLESIA, NON
OCIOSE CONTEMPLANDA.

Z 2 ILLA

Idē epi. 2.

ILLA autem (inquit idem ad Episcopos Oriētales) quę circa diuina mysteria, & erga baptizandos, in vniuerso mundo sancta ecclesia vniformiter agit, non ocioso contemplanda sunt intuitu, nē locum superuacuis intentionibus & superstitionibus faciamus.

SACERDOTES SACRIFICENT, LEUITAE MINISTRENT.

Ibidem.

SA CER DOTES quoq; Dominus sibi elegit, vt sacrificent ei, & offerant oblationes Domino. Leuitas quoq; sub eis esse iussit in ministerijs eorum.

TER IN ANNO QVISQVE FIDELIUM COMMVNICET.

Burchard.
Decr. l. 5. c.
17. Iuo
par. 2. c. 27.
Grat. de
consecr.
dist. 1. c.
Etsi non.

VT si non frequentius, (citatur idē Decr. c. 4. à DD. Burchardo, Iuone & Gratiano) saltem in anno tēr homines cōmunicent: nisi fortē quis maioribus quibuslibet criminibus impediatur, in Pascha videlicet & Pentecoste, & Natali Domini.

OMNIBVS DOMINICIS DIEBVS AD ALTARE FIAT OBLATIO PANIS ET VINI.

Burchard.
ibid c. 24.
Iuo ibi.
dēm c. 34.

DE CERNIMVS (vt citatur eiusdem Dec. c. 5. à DD. Burchardo & Iuone) vt in omnibus Dominicis diebus altaris oblatio ab omnib; viris & mulieribus fiat, tam panis quàm vini, vt per has immolationes à peccatorum suorum fascibus liberentur.

PACEM QVOQVE CVM OBLATIONE IN ECCLESIA FACERE POPVLVS ADMONEATUR.

Burchard.
ibid. c. 25.
Iuo ca. 35.

OBLATIONEM quoquē (ait idem iuxta quod ab iisdem citatur c. 10.) & pacē in ecclesia facere iugiter admoneatur populus Christianus: quia ipsa oblatio sibi & suis magnum remedium est animarum, & in ipsa pace vera vnanimitas & concordia demonstratur.

PRE-

PRESBYTER ILLITERATVS MISSAM
NON CELEBRET.

SACRIFICIVM (inquit Decr. c. 10. ab ijsdem citato) nō
est accipiendum de manu sacerdotis, qui orationes vel actio-
nes, & reliquas obseruationes in Missa secundū ritum implere
non potest. Burch. lib.
5. c. 36.
Iuo part.
2. l. 10.

PHILIPPI PRIMI CHRISTIA-
NI IMPERATORIS, QVVM
VELLET COMMVNICARE
MYSTERIIS, POENITEN-
TIA PVBLICA.

DE hoc traditum (inquit Eusebius) nobis est, quōd Christia-
nus fuerit, & in die Paschæ, id est, in ipsis vigilijs, quum inter-
esse voluisset & communicare mysterijs, ab Episcopo loci nō prius
esse permissum, nisi confiteretur peccata sua, & inter pœnitentes
staret: nec vllō modo copiam sibi mysteriorum futuram, nisi prius
per pœnitentiam culpas, quæ de eo ferebantur plurimæ, diluisset.
Ferunt igitur, libenter eum quod à sacerdote imperatum fuerat,
suscepisse, diuinum sibi inesse metum, & fidem religionis plenissi-
mam rebus atque operibus comprobando. Euseb. hi-
stor. Eccl.
1. 6. c. 25.
seu 27.

Quod ipsum de vtroque Philippo tradit Paulus Diaconus: Paul. Dia-
con. hist.
1. 10.
Isti primi (inquit) omnium Imperatorum Christiani Romæ fa-
cti sunt, & in die Paschæ, id est, in ipsis vigilijs, quum interesse vo-
luissent, & communicare mysterijs, à Fabiano Episcopo Romano
non prius est permissum, nisi confiteretur peccata sua, & inter pœ-
nitentes staret: nec vllō modo copiam sibi mysteriorum futurā,
Z 3 nisi

nisi prius per pœnitentiam culpas, quæ de eo ferebatur plurimæ, diluisset. Fertur igitur, libenter eum quod à sacerdote sibi imperatū fuerat, suscepisse, diuinum sibi inesse metum, & fidem religionis plenissimam, rebus atque operibus comprobans.

Ioan. Zo-
nar. An-
nal. Tō. 1.

IOANNES verò Zonara de Philippo Patre: Authores (inquit) quidam sunt, eum Christianam fidem amplexū, in Ecclesia communia cum Christianis vota fecisse, & peccata sua non grauatim confessum esse. Nam quum à præposito Ecclesiæ ad communionē non admitteretur, nisi confiteri vellet, & nomen suum inter pœnitentes profiteri, haud recusasse.

Niceph. 1.
s. c. 25.

ET similiter Nicephorus: Hunc primum aiunt ex Imperatoribus ad Christi fidem accessisse, eumq; vltimo Paschatis peruigilio, de reliquijs orationum in ecclesia participare voluisse. non prius tamen in conuentum fidelium accedere, intercessione & impedimento eius, qui tum ecclesiæ præfuit, Episcopi permissum esse, quàm confiteretur, & pœnitentium numero, qui ordine & loco suo segregati, disciplina certa explorabantur, aggregaretur: quod non aliter licere ille diceret, nisi hoc fecisset, propter multas eius noxas, cum ecclesiæ multitudine, conuentus eius festi participem fieri. Eum verò, rebus ipsis timorem diuini luminis, religionemque debitam ritè atque syncerè declarantem, obsequium illi esse ferunt,

CONCILII CARTHAGINIENSIS
SVB ANTECESSORE D. CYPRIANI,
STATVTVM DE SACRIFICIO RRO DOR-
MITIONE.

QVOD

QUOD Episcopi Antecessores nostri (inquit D. Cyprianus) Cyprian. Epist. 66. ad Furni.
 religiosè considerantes, & salubriter prouidentes, censuerunt, ad Furni-
 nè quis frater excedens, ad tutelam vel curam clericum tan-
 nominaret: ac si quis hoc fecisset, non offerretur pro eo, nec sacri-
 ficiu pro dormitione eius celebraretur.

D. GRATIANI PRIMI TVRO-
 NENSIVM EPISCOPI, MYSTE-
 RIORVM IN CRYPTIS
 CELEBRATIO.

PRIMVS (inquit D. Gregorius Turonensis) Gratianus episco- Greg. Tu- ron. hist. Franc. l. 10. c. 31.
 pus anno imperij Decij primo Turonicis à Romano Papa
 transmissus, per cryptas & latibula cum paucis Christianis per eun-
 dem conuersis, mysterium solennitatis diei Dominicæ celebra-
 bat.

D. CORNELII PAPAE ROMANI
 XXII. ET ALIORVM EA AETATE
 SACRIFICII RITVS, ET QVAE
 EODEM PERTI-
 NENT.

D. CORNELIVS PER OMNIA ECCLESIA-
 STICA OFFICIA ET DIVINAS ADMINISTRA-
 TIONES AD EPISCOPATVM
 PROMOTVS.

Non

Cyprian.
Epist. 52.

NON iste (inquit D. Cyprian Epistola ad Antonianum) ad Episcopatum subito praeuenit, sed per omnia Ecclesiastica officia promotus, & in diuinis administrationibus Dominum saepe promeritus, ad sacerdotij sublimis fastigium cunctis religionis gradibus ascendit.

NOVATIANVS E CONTRARIO OBLATIONE ET DISTRIBUTIONE SACRAMENTI ABVSVS.

Euseb. Eccl. hist.
1.6.c.35.
Niceph. 1.
6.c.3.

QVVM fecisset (inquit D. Cornelius Epistola ad Fabium Episcopum Antiochenum apud Eusebium & Nicephorum) oblationes ποιῖσας τὰς προσφορὰς, & singulis partem sacramenti distribuisse porrexissetq; , miseros homines & infelices pro benedictione & gratiarum actione iusiurandum dare coegit.

ATQVE suis utrisque manibus manus accipientis prae-hendens, non prius dimisit, quam hoc iureiurando eum obstrinxisset, (illius enim verbis utar) Iura mihi per corpus & sanguinem Domini nostri Iesu Christi, te nunquam nec me deserturum, nec ad Cornelium reuersurum.

AMEN DICEBAT COMMVNICANS

ATQVE miser homo non ante degustauit, quam ita illi se deuouisset. Et qui illum acceperat, pro Amen, quod dicere debuerat, hoc dixit: Non deinceps ad Cornelium reuertar.

QVI NOVITIANVM ORDINAVERAT
EPISCOPVS, AD COMMVNIONEM LAICAM DVNTAXAT ADMISSVS.

EX quibus

EX quibus Epistolis (inquit eadē Epist. D. Cornel. apud eosdē) vnus non longē pōst, peccatū flebiliter lamentatus, & idem apertē confessus, ad Ecclesiam reuēnit, quem, populo vniuerso pro eo rogante, tandē vt laicum in communionem recepimus.

Euseb. &
Niceph. lo-
cis citatis.

IN ECCLESIA ROMANA QVAMPLVRIMI
TVM PRESBYTERI, DIACONI, SVBDIACONI,
ACOLYTI, LECTORES, EXORCISTAE,
OSTIARIJ.

ISTVM igitur (inquit apud eosdē ibidē D. Corn.) lepidū Euangelij patronum Nouatianum (itā enim haud dubiē legendum, pro eo quod est, Nouatum) omninō prāterijt, scilicet vnum solum Episcopum oportere esse in hac Ecclesia catholica, in qua tamen non ignorabat (quomodō enim poterat?) presbyteros esse quadraginta sex, Diaconos septem, subdiaconos septem, acolytos quadraginta duos, Exorcistas & Lectores vnā cum Ostiarijs quinquaginta duos.

Euseb. &
Nic. ibid.

IPSIVS D. CORNELII SACRI-
FICI VM.

TVNC miserunt se (inquit Ado Treuirensis) milites omnes ad pedes eius, orantes se baptizari. Quos vt baptizauit, obtulit pro eis sacrificium laudis: & participati sunt omnes corpore & sanguine Domini nostri Iesu Christi.

Ado in
Martyrol.
ad 16. Cal.

QVOD iisdem verbis repetit Marianus Scotus hist. suæ lib. 2. Huc pertinet ex eiusdem Cornelij Epistola ad Lupicinum Vienne sem archiepiscopum locus, quemadmodū is apud Georgium Fabricium inuenitur, de Misis in Cryptis ab eo celebratis.

SCIAS (inquit) frater charissime, arcam Domini vento persecutionis acerrimē commoueri, & edictis Imperatorum Christianos vbiquē tormentis varijs affici. Nam in vrbe Roma Imperator

Georg. Fabric. com.
in Christ.
poetas.

A a

ad hoc

ad hoc constitutus est. Vnde neque publicè, neque in cryptis notioribus, MISSAS agere Christianis licet. Exhortetur itaq; charitas vestra omnes credentes in Christum, nè timeant eos, qui occidunt corpus, sed potiùs eum qui habet corpus & animam perdendi potestatem. Iam plures fratrum martyrio coronati sunt. ora vt perficiamus cursum nostrum nobis à Domino reuelatù. Vale frater in Domino, & saluta omnes qui nos amant in Christo.

**D. CORNELII IN CONCILIO
ROMANO CENSURA, VT EPI
SCOPI LAPSI, A SACRIFI
CII OBLATIONE RE
PELLANTVR.**

Cyprian.
Epist. 68.

QVVM manifestum sit, (inquit D. Cyprianus epistola ad Episcopos Hispanos) eiusmodi homines, nec ecclesiæ Christi posse præesse, nec Deo sacrificia offerre debere: maximè quum iam pridem nobiscum & cum omnibus omninò Episcopis in toto mundo constitutis, etiam Cornelius Collega noster, sacerdos pacificus ac iustus, & martyrio quoquè dignatione Domini honoratus, decreuerit eiusmodi homines ad pœnitentiam quidem agendam posse admitti: ab ordinatione autem cleri atque sacerdotali honore prohiberi.

Idè Epist.
64.

Ad quam etiam alludit D. Cyprianus epistola ad Epictetum: Vndè (inquit) & ipsam venisse perspiciamus, & credimus de Dei exploratione censuram, nè apud altare consistere, & contrectare vltèriùs perseverarent pudorem incesti, fidem perfidi, religionem prophani, diuina terreni, sancta sacrilegi.

Idè Epist.
52.

Eandem censuram ab ipso D. Cornelio adimpletam testatur his verbis D. Cyprianus epistola ad Antonianum: Tractatu ergò illic

illic cum collegis plurimis habito, susceptus est Trophimus, pro quo satisfaciebat fratrum reditus, & restituta multorum salus: sic tamen admissus est Trophimus, vt laicus communicet, non secundum quod ad te malignorum literæ pertulerunt, quasi locum sacerdotij vsurpet.

D. CYPRIANI CARTHAGINENSIS EPISCOPI, SACRIFICIORVM RITVS.

CYPRIANI INDESINENS IN PERSECUTIONE ET PACE SACRIFICIORVM OBLATIO.

ET nos quidem (inquit ad Moysem & Maximum epistola 1.) Cyprian. Epist. 16.
vestri diebus ac noctibus memores, & quãdò in sacrificijs precem cum pluribus facimus, & cum in secessu priuatis precibus oramus, coronis ac laudibus vestris plenam à Domino fauentiam postulamus.

EPISTOLA quoquẽ ad Florentium Pupianum: Si Deo & Christo eius, quibus seruiò, & quibus puro atque immaculato ore sacrificia & in persecutione pariter & in pace indefinenter offero, plenissimè satisfeceris, communicationis tuæ poterimus habere rationem. Idẽ Epist. 69.

Ac ad Iubaianum: Aut quia Nouatianus altare collocare, & sacrificia offerre contra fas nititur: ab altari & sacrificijs cessare nos oportet, nè paria & similia cum illo celebrare videamur. Idẽ Epist. 73.

CONVENTVS FIDELIUM AD
SACRIFICIUM.

Aa 2 QVAN-

Idem lib.
de Orat.
Dominic.

QVANDO (inquit lib. de Orat. Domin.) in vnū cum fratribus conuenimus, & sacrificia diuina cum Dei sacerdote celebramus, verecundiae & disciplinae memores esse debemus: Non passim ventilare preces nostras inconditis vocibus: nec petitionem commendandam modestè Deo, tumultuosa loquacitate iactare.

ET IS IN DOMINICVM SIVE

ECCLESIAM.

Idem l. de
oper. &
elem.

CAETERVM (inquit l. de oper. & eleemos.) quæ talis es, nec Operari in Ecclesia potes: Egentem enim & pauperem non vident oculi tui superflui nigroris tenebris, & nocte contacti.

A c paulopost: Quæ in Dominicum sine sacrificio venis.

PRAESERTIM IN OBLATIONIBVS MATUTINIS, NON ITEM VESPERTINIS.

Idē Epist.
63.

CAETERVM (inquit Epistola ad Cæcilium) omnis religionis & veritatis disciplina subuertitur, nisi id quod spiritaliter præcipitur, fideliter referuetur: nisi si in sacrificijs matutinis hoc quis veretur, nè per saporem vini redoleat sanguinem Christi. Sic ergò incipit & à passione Christi in persecutionibus fraternitas retardari, dum in oblationibus discit de sanguine eius & cruore confundi. Porro autem Dominus in Euangelio dicit: Qui confusus me fuerit, confundetur eum filius hominis. Et Apostolus quoque loquitur, dicens: Si hominibus placerem, Christi seruus non essem. Quomodo autem possumus propter Christum sanguinem fundere, qui sanguinem Christi erubescimus bibere? An illa sibi aliquis contemplatione blanditur, quòd etsi manè aqua sola offerri videtur, tamen cum ad cœnandū venimus, mixtū calicem offerimus. Sed cum cœnamus, ad conuiuiū nostrum plebē conuocare nō possum⁹, vt sacramēti veritatē, fraternitate omni præsente, celebrem⁹.

MANE

MANE ENIM OB RESVRRECTIONEM

DOMINI CELEBRABATUR DOMINICVM, ET
SI CHRISTVS POST COENAM HOC
FECERIT.

AT enim non manè, (addit ibidè) sed post cœnam mixtum ^{Ibidè.}
calicem obtulit Dominus. Nunquid ergò Dominicum post
cœnam celebrare debemus, vt sic mixtum calicem frequentandis
Dominicis offeramus? Christum offerre oportebat circa vesperam
diei, vt hora ipsa sacrificij ostenderet occasum & vesperam mun-
di, sicut in Exodo scriptum est: Et occident illum omne vulgus ^{Exod. 12.}
Synagogæ filiorum Israel ad vesperam. Et iterum in Psalms: Ad-
leuatio manuum mearum sacrificium vespertinum. Nos autem ^{Psal. 140.}
resurrectionem Domini manè celebramus.

STARE CVR MOS FVERIT AD

ORATIONEM.

QVANDO autem stamus (inquit de orat. Dominica) ad Ora- ^{Idè lib. de}
tionem, fratres dilectissimi, vigilare & incumbere ad preces ^{Orat. Do.}
toto corde debemus. Cogitatio omnis carnalis & secula-
ris abscedat, nec quicquam tunc animus, quàm id solum cogitet
quod precatur.

FIEBAT AVTEM AD ALTARE

SACRIFICIVM.

HVC in primis pertinent quæ suprà allegauimus ex Cypria- ^{Epist. 63.}
no de typo Domini sacrificij apud Salomonem, vbi etiam ^{lib. Test.}
Altaris fit mentio, ex epistola ad Cæcil. & lib. Testim. 2. ad Quiri- ^{3. cap. 2.}
num. Illud quoquè quod modò ex Epistola ad Iubaianum cita-
uimus.

ITEM illud epistolæ 2. ad Cornelium: In tanto fratrum religio- ^{Idem epis-}
foc; conuentu, confidentibus Dei sacerdotibus, & altari posito. ^{stola 42.}

Aa 3 ILLVD

Idem epi-
stola 40.

ILLVD etiam de presbyteris hæreticis : aliud altare constitui, aut sacerdotium nouum fieri, præter vnum altare & vnum sacerdotium, non potest. Quisquis alibi collegerit, spargit.

Idem lib.
de Vnit.
Ecclef.

ET quod de Nouatiano hæretico alibi adserit : Arma ille contra ecclesiam portat, cōtra Dei dispositionem repugnat: hostis altaris, aduersus sacrificium Christi rebellis, pro fide perfidus, pro religione sacrilegus, inobsequens seruus, filius impius, frater inimicus, cōtemptis episcopis & Dei sacerdotibus derelictis, constituere audet aliud altare, precem alteram illicitis vocibus facere, Dominicę hostiæ veritatem per falsa sacrificia profanare.

Idē epi. 55.

HOC deniq; epistolę ad Cornélium 7. Quid superest, quàm vt ecclesia Capitolio cedat, & recedentibus sacerdotibus, ac Domini altare remouentibus, in Cleri nostri sacrum venerandumq; confessum, simulacra atque idola cum aris suis transeant?

SVB SPECIE PANIS ET VINI CVR IN-
STITVTVM HOC MYSTERIVM.

Idē ep. 76.

DENIQVE (inquit Epistola ad Magnum) vnanimitatem Christianam firma sibi atq; inseparabili charitate connexa, etiam ipsa Dominica sacrificia declarant. Nam quandò Dominus corpus suum panem vocat de multorum granorum adunatione congestum, populum nostrum quem portabat, indicat adunatum: & quandò sanguinem suum vinum appellat, de botris atque acinis plurimis expressum, atque in vnum coactum : gregem item nostrum significat, commixtione adunatę multitudinis copulatum.

NON ALITER OFFERENDVM, QVAM
VINO AQUA MIXTO.

Idē ep. 63.

ADMONITOS (inquit epistola citata ad Cęciliũ de sacramento dominici calicis) nos scias, vt in calice offerendo dominica traditio seruetur, neque aliud fiat à nobis, quàm quod pro nobis
Dñs

Dominus prior fecerit: Vt calix qui in commemorationem eius offertur, mixtus vino offeratur. Nam quum dicat Christus: Ego sum vitis vera: sanguis Christi non aqua est vtiq; sed vinum. Nec potest videri sanguis eius, quo redempti & viuificati sumus, esse in calice: quando vinum desit calici, quo Christi sanguis ostenditur, qui scripturarum omnium sacramento ac testimonio prædicetur. Inuenimus enim & in Genesi circa sacramentum Noe hoc idem præcurrisse, & figuram Dominicæ passionis illic extitisse, q; vinum bibit, quòd inebriatus est: quòd in domo sua nudatus est: quòd fuit recubans nudis & patētibus femoribus: quòd nuditas illa patris à medio filio denotata est, & foràs nunciata: à duobus verò, maiore & minore, contecta: & cetera quæ necesse non est exequi: cum satis sit hoc solum complecti, quòd Noë typum futuræ veritatis ostendens, non aquam, sed vinum biberit, & sic imaginem Dominicæ passionis expresserit.

A c pagina sequenti: In benedictione quoquē Iudæ hoc idem significatur, ubi & illic Christi figura exprimitur, quòd à fratribus suis laudari & adorari haberet, quòd inimicorum dorfa, cedētium atque fugientium manibus, quibus crucem pertulit & mortem vicit, compressurus fuisset: quodque ipse sit leo de tribu Iuda, & recubet dormiens in Passione, & surgat, & sit ipse spes gentium, quibus scriptura diuina adiungit, & dicit: Lauabit in vino stolam suam, & in sanguine vuae amictum suum. Quando autem sanguis vuae dicitur, quid aliud quàm vinum calicis Domini, sanguis ostenditur? Necnon & apud Isaiam hoc idem Spiritus sanctus de Domini passione testatur, dicens: Quare rubicunda sunt vestimenta tua, & indumenta tua velut à calcatione torcularis pleni & percalcati? Nunquid rubicunda vestimenta aqua potest facere? Aut in torculari aqua est, quæ pedibus calcatur, vel prælo exprimitur? Vini vtiq; mentio est, & ideo ponitur, vt DOMINI sanguis vino intelligatur: & quod in calice

Domi.

Dominico postea manifestatum est, prophetis annūciantibus prædiceretur. Torcularis quoque, calcatio & pressura taxatur, quia quomodo ad potandum vinum veniri non potest, nisi botrus calcetur antè, & prematur: sic nec nos sanguinem Christi possemus bibere, nisi Christus calcatus prius fuisset & pressus, & calicem prior biberet, quem credentibus propinaret.

ET postea: Vnde apparet sanguinem Christi non offerri, si desit vinum calici: nec sacrificium Dominicū legitima sanctificatione celebrari, nisi oblatio & sacrificium nostrum responderit passioni.

P A V L O P O S T item: Quum ergo neque ipse Apostolus, neque angelus de cælo annunciare possit aliter aut docere, præterquam quod semel Christus docuit, & Apostoli eius annunciauerūt: miror satis, vnde hoc usurpatum sit, ut contra Euangelicam atque Apostolicam disciplinā, quibusdam in locis aqua offeratur in dominico calice, quæ sola Christi sanguinem non possit exprimere. Cuius rei sacramentum nec in Psalmis tacet Spiritus sanctus, faciens mentionem Dominici calicis, & dicens: Calix tuus inebrians quàm peroptimus. Calix autem qui inebriat, utique vino mixtus est. Neque enim aqua inebriare quēquam potest. Sic autem calix Dominicus inebriat, ut & Noë in Genesi vinum bibens, inebriatus est. Sed quia ebrietas Dominici calicis & sanguinis non est talis, qualis ebrietas vini secularis, cum diceret Spiritus sanctus in Psalmo, Calix tuus inebrians: addidit, quàm peroptimus, quod scilicet calix. Dominicus sic bibentes inebriet, ut sobrios faciat, ut mentes ad spiritalem sapientiam redigat, ut à sapore isto seculari, ad intellectum Dei vnusquisque respiscat: & quemadmodum vino isto communi mens soluitur, & anima relaxatur, & tristitia omnis exponitur, ita è poto sanguine Domini & poculo salutari, exponatur memoria veteris hominis, & fiat obliuio conuersationis pristinæ secularis, & mœstum pectus ac triste, quod prius peccatis agentibus preme-

ba-

batur, diuinæ indulgentiæ lætitia resoluatur. quod tunc demùm potest lætificare in Ecclesia Domini bibentem, si quod bibitur, Dominicam teneat veritatē. Quàm verò peruersum est, quamq; Ioan. 2. contrarium, vt quum Dominus in nuptijs de aqua vinum fecerit, nos de vino aquam faciamus: cùm sacramentum quoquē rei illius admonere, & instruere nos debeat, vt in sacrificijs dominicis vinum potiùs offeramus?

A c iterùm: Quod scilicet perspicimus & in sacramento calicis contineri. Nam quia nos omnes portabat Christus, qui & peccata nostra portabat: videmus in aqua populum intelligi, in vino verò ostendi sanguinem Christi. Quando autem in calice vino aqua miscetur, Christo populus adunatur, & credentium plebs ei, in quē credidit, copulatur & coniungitur. Quæ copulatio & coniunctio aquæ & vini, sic miscetur in calice Domini, vt commixtio illa nō possit abinuicē separari. Vndē Ecclesiam, id est, plebem in Ecclesia constitutam, fideliter & firmiter in eo quod credidit, perseverantem, nulla res separare poterit à Christo, quo minùs hæreat semper & maneat indiuidua dilectio. Sic autem in sanctificando calice Domini offerri aqua sola non potest: nam si vinum tantum quis offerat, sanguis Christi incipit esse sine nobis: si verò aqua sit sola, plebs incipit esse sine Christo: quando autem vtrunque miscetur, & adunatione confusa sibi inuicē copulatur, tunc sacramentum spiritale & cæleste perficitur. Sic verò calix Domini non est aqua sola, aut vinum solum, nisi vtrunque sibi misceatur: quo modo nec corpus Domini potest esse farina sola, aut aqua sola, nisi vtrunque adunatum fuerit & copulatum, & panis vnius compage solidatum, Quo & ipso sacramento populus noster ostenditur adunatus, vt quemadmodum grana multa in vnum collecta, & commolita, & commixta, panem vnum faciunt: Sic in Christo qui est panis cælestis, vnum sciamus esse corpus, cui coniunctus sit noster

Bb

nume.

numerus & adunatus. Non est ergò, frater charissime, quòd aliquis existimet sequendam esse quorundam consuetudinem, si qui in präteritum in calice Dominico aquam solam offerendam putauerint: quærendum est enim, ipsi quem sint secuti. Nam si in sacrificio quod Christus obtulit, non nisi Christus sequendus est: utique id nos obaudire & facere oportet, quod Christus fecit, & quod faciendum esse mandauit.

SUB finem denique eius epistolę: Et viderit, frater charissime, si quis de antecessoribus nostris vel ignoranter, vel simpliciter non hoc obseruauit & tenuit, quod nos Dominus facere exemplo & magisterio suo docuit: potest simplicitati eius de indulgentia Domini venia concedi, nobis verò nò poterit ignosci, qui nunc à Domino admoniti & instructi sumus, ut calicem Dominicum vino mixtum, secundum quod Dominus obtulit, offeramus.

ACCESSVS SACERDOTIS AD

ALTARE.

Idē Epist.
64.

AVDET sibi adhuc (inquit Epistola ad Epiſtetum) sacerdotium quod prodidit, vindicare: quasi post aras diaboli, accedere ad altare Dei fas sit.

CONFESSIO PECCATORVM HIERARCHAE, ET LEVATIO MANVVM IN REPRESENTATIONEM MYSTERII CRVCIS.

Idē lib. de
card. oper.
Christi.

SED hierarcha pius (inquit de cœna Domini) quē Spiritus sanctus compūgit, excitat, inhabitat, & sanctificat, eleuatione manuum crucis mysterium repræsentans, confidenter orat pro sua & populi ignorantia: recolens pudibundi & contriti animi confessione, quòd aliquandò præualente aduersum se peccato fuerit derelictus, iuxta illud quod Dauid plorans ait: Auertisti faciem tuam à me, & factus sum conturbatus. Et Dominus per Esaiam: Ad
tem-

tempus in modico derelinquam te. Verecundatur fateri, & tamen fatetur iuuentutis delicta. Sed accusatrici consciētiae necesse est coram iudice respondere: nec potest ibi esse vllum diffugium, vbi ipsa testis est quę accusat, & nihil ei potest esse occultum qui iudicat. Sed vbi cum iudice agit qui iudicatur, & ipse in partem accusatoris transiens, etiam in sua pręscriptione sententiam approbat condemnantis, experitur clementiam saluatoris.

LECTIO SCRIPTVRARVM PER LECTORES SVPER PVLPI TVM.

FECISSE me (inquit) sciatis Lectorem Saturum, & hypodiam Idē Epist. conum Optatum confessorem: quos iam pridē communi 24. consilio clero proximos feceramus: quādō aut Saturo die Pasche semel atq; iterum lectionem dedimus, &c.

ET de Aurelio confessore: Merebatur talis clericę ordinatio. Idē ep. 33. nis vltiores gradus & incrementa maiora, non de annis suis, sed de meritis aestimandus: sed interim placuit vt ab officio lectionis incipiat.

AC de Celerino confessore: Hunc ad nos, fratres dilectissimi, Idē ep. 34. cum tanta Domini dignatione venientem, testimonio & miraculo eius ipsius, qui se persecutus fuerat, illustrem: quid aliud quā super populum, id est, super tribunal Ecclesię oportebat imponi, vt loci altioris celsitate subnixus, & plebi vniuersę pro honoris sui claritate conspicuus, legat pręcepta & Euāgelium nomini, quę fortiter ac fideliter sequitur? vox Dominū cōfessa, in his quotidie, quę Dominus locutus est, audiatur? Viderit an sit vltior gradus, ad quem profici in ecclesia possit. Nihil est in quo magis cōfessor fratribus profit, quā vt dum Euangelica lectio de ore eius auditur, lectoris fidem, quisquis audierit, imitetur.

ORATIONES PRO QVAVIS NECESSITATE.

Bb 2 PRO

Pro arcendis (inquit lib. ad Demetrianum) hostibus & im-
bribus impetrandis, & vel auferendis vel temperandis aduer-
fis, rogam⁹ semper & preces fundimus: & pro pace ac salute vestra
propitiantes ac placantes Deum, diebus ac noctibus iugiter atque
instanter oramus.

OBLATIONES POPVLI AD SA-
CRIFICIVM.

Idem lib.
de oper.
& elem.

LOCVPLES & diues es, (matronam auaram alloquitur) &
Dominicum celebrare te credis, quæ corbanam omninò non
respicis: quæ in Dominicum sine sacrificio venis: quæ partem de
sacrificio, quod pauper obtulit, sumis. Intuere in Euangelio vi-
duam praeceptorum caelestium memorem, inter ipsas pressuras &
angustias egestatis operantem, in gazophylacium duo, quæ so-
la sibi fuerant, minuta mittentem. Quam cùm animaduerneret
Marc. 12. Dominus & videret, non de patrimonio, sed de animo opus eius
examinans, & considerans, non quantum, sed ex quanto dedis-
set, respondit & dixit: Amen dico vobis, quoniam vidua ista plus
omnibus misit in dona Dei. Omnes enim isti de eo quod abun-
dauit illis, miserunt in dona Dei: Hæc autem de inopia sua
omnem quemcunque habuit victum misit. Multùm beata mu-
lier & gloriosa, quæ etiam ante diem iudicij meruit iudicis voce
laudari. Pudeat diuites sterilitatis atque infidelitatis suæ: vidua, &
inops vidua, in opere larga inuenitur. Quumq; vniuersa quæ dan-
tur, pupillis & viduis conferantur, dat illa quam oportebat accipe-
re, vt sciamus quæ poena sterilem diuitem maneat, quandò hoc do-
cumento operari etiam pauperes debeât. Atq; vt intelligamus hæc
opera Deo dari, & eum quisquis hæc faciat, Dñm promereri, Chri-
stus illud Dei dona appellat, & in dona dei viduam duos quadrates
misisse significat, vt magis ac magis possit esse manifestum, quia
qui miseretur pauperis, Deum scenerat.

EODEM

EODEM pertinet & illud epistolæ ad Epictetum: Stipes & oblationes & lucra desiderant, quibus prius insatiabiles incubabant.

Idē Epist.
64.

NOMINVM EORVM QVI OBTV-
LERANT, RECITATIO.

AD communionem (inquit epistola ad Clerum I. de Lapsis) Idē Epist.
admittuntur, & offertur nomen eorum. 10.

EPISTOLA quoquē ad episcopos Numidas de redemptione Idē Epist.
captiuorum: Vt autem fratres nostros ac sorores qui ad hoc opus 60.
tam necessarium promptē ac libenter operati sunt, vt semper ope-
rentur, in mentem habeatis in orationibus vestris, & eis vicem bo-
ni operis in sacrificijs & precibus repræsentetis, subdij nomina
singulorum, sed & collegarum quoquē & cōsacerdotum nostro-
rum, qui & ipsi quum præsentes essent, & suo, & plebis suæ nomi-
ne, quædam pro viribus contulerunt, nomina addidi.

IN PRAEFATIONE ANTE ORATIONEM,
SVRSVM CORDA: AC, HABEMVS AD
DOMINVM.

IDEO & sacerdos (inquit I. de Orat. Domin.) ante Orationē Præ- Idem I. de
fatione præmissa parat fratrum mentes, dicendo: Sursùm corda: ora. Dom.
vt dum respondet plebs, Habemus ad Dominum: admoneatur,
nihil aliud se, quàm Dominum, cogitare debere.

GRATIARVM ACTIO SACERDOTIS,
ET CAPITIS INCLINATIO.

AD hæc (inquit de cœna Domini) inter sacra mysteria ad Idem I. de
gratiarum actiones conueritur, & inclinato capite, munditia card. oper.
cordis adepta, se intelligens cōsummatum, restitutus peccator, fan- Christi.
ctificatam Deo animā quasi depositum custoditū fideliter reddit.

Bb 3

SAN-

SANCTIFICATIO LEGITIMA SEV
CONSECRATIO.

Idē Epist.
63.

QVONIAM quidam (inquit sæpè dicta Epist. ad Cæcil.) vel ignoranter vel simpliciter in calice Dñico sanctificādo, & plebi ministrādo, nō hoc faciunt, quod Iesus Christus, dominus & Deus noster, sacrificij huius author & doctor fecit & docuit: religiosum pariter ac necessarium duxi, de hoc ad vos literas facere, vt si quis in isto errore adhuc teneatur, veritatis luce perspecta, ad radicem atque originem traditionis dominicæ reuertatur.

Et paulopost: Vndè appāret, sanguinem Christi non offerri, si desit vinum calici: nec sacrificium dominicum, legitima sanctificatione celebrari, nisi oblatio & sacrificium nostrum responderit passioni.

Idem l. de
card. oper.
Christi.
Luc. 22.

ITEM de cœna Domini: Sed ex quo à Domino dictum est, Hoc facite in meam commemorationem, hæc est caro mea, & hic est sanguis meus: quotiescunquē his verbis & hac fide actum est, panis iste supersubstantialis & calix benedictione solenni sacratu, ad totius hominis vitam salutemque proficit, simul medicamentum & holocaustum, ad sanandas infirmitates & purgandas iniquitates, existens.

PANIS COMMVNIS IN CARNEM ET SAN-
GVINEM DOMINI MUTATIO.

Ibid.

PANIS (inquit ibidē paulopost) iste communis, in carnem & sanguinem mutatus, procurat vitam & incrementum corporibus: ideoque ex consueto rerum effectū, fidei nostrę adiuta infirmitas, sensibili argumento edocta est, visibilibus sacramentis inesse vitæ æternæ effectum.

Ac rursū: Panis iste, quem DOMINVS discipulis porrigebat, nō effigie, sed natura mutatus, omnipotētia verbi factus est caro.

ADORA-

ADORATIO CVM PVLSIONE
PECTORIS.

ADORANS autem, fratres dilectissimi, (inquit lib. de Orat. Idem l. de dominica) nec illud ignoret, quæadmodum in templo cum ora. Dom. Phariseo Publicanus orauerit: non alleuatis in cælum impudenter oculis, nec manibus insolenter erectis, sed pectus suum pulsans, & peccata intus inclusa contestans, diuinæ misericordiæ implorat auxilium.

PASSIONIS CHRISTI
MENTIO.

ET quia passionis eius mentionem (inquit Epistola ad Cæcil.) Idē Epist. in sacrificijs omnibus facimus, nihil aliud quàm quod iste fecit, facere debemus. scriptura enim dicit: Quotiescunquē enim ederitis panem istum, & calicem istum biberitis, mortem Domini annuntiabitis, quoadusquē veniat. Quotiescunquē ergo calicem in commemorationē Domini & passionis eius offerimus, id quod constat Dominum fecisse, faciamus.

SACRIFICII VERA OBLATIO, IMMO
IPSA PASSIO CHRISTI.

SACRIFICIUM (inquit ibidē) verum & plenū tunc offert Ibid. in Ecclesia Deo Patri, si sic incipiat offerre, secundum quod ipsum Christum videat obtulisse.

Ac paulopost: Passio est enim Domini sacrificium quod offerimus.

SACRIFICII COMMUNICATIO.

NEC solos (inquit de cœna domini) sacerdotes ad panis huius Idem l. de card. oper. Christi. esum dignitatis Leuiticæ prærogatiua admittit: vniuersa Ecclesia ad has epulas inuitatur, æqua omnibus portio datur: integer erogatur: distributus, nō emembratur: incorporatur, nō iniuriatur: reci-

recipitur, non includitur: cum infirmis habitans, non infirmatur, nec pauperum ministerio indignatur: fides pura, mens sincera hunc habitatorem delectat, neque immensi & omnipotentis Dei magnitudinem, pauperculæ domûs nostræ angustia offendit vel arctat.

Et sub finem: Defæcatis animis carnis eius edulium non est horrori, sed honori, potuque sancti & sanctificantis sanguinis, spiritus delectatur. Hæc quotiès agimus, non dentes ad mordendum acuius, sed fide sincera panem sanctum frangimus & partimur: dum quod diuinum, & humanum est, distinguimus & separamus, itemq; simul separata iungentes, vnū Deum & hominē fatemur. Sed nos ipsi corpus eius effecti, sacramēto & re sacramenti capiti nostro cōnectimur & vnimur, singuli alter alterius mēbra ministeriū dilectionis pro inuicem exhibentes, communicamus charitate, participamus solitudine, eundem cibum manducantes, & eundem potum bibentes, qui de petra spiritali, profluit & emānat, qui cibus & potus est Dominus noster Iesus Christus.

PER EOS QVI INTERSVNT AVT ETIAM
PARTICIPANT DONIS, COMMEMORANDA
CHRISTI PASSIO.

Ibidem.

VIDE (inquit ibidē pauloprius) quomodò his qui Christi commemorāt passionē intrā sacra officia, quasi per quosdam canales de interioribus fontibus egrediantur torrentes, & super omnes delicias lachrymis nectareis anima delectetur: quantam suauitatem animæ, inquirenti ubi sit Deus suus, suspiria contemplationis eliciant.

Ac rursū: Verūm hi, qui verbotenū corde sicci, & mēte aridi sacris intersunt, vel etiam participant donis, lambunt quidem petram, sed indē nec mel sugunt, nec oleū: qui nec aliqua charitatis dulcedine, nec spiritūs sancti pinguedine vegetantur, nec se iudi-

iudicant, nec sacramenta dijudicant: sed sicut cibus communibus irreuerentes sacris vtuntur muneribus, & Dominicę mensę in veste lutulenta se ingerunt impudenter.

SACRIFICIO A SACERDOTE CELEBRATO, PARTEM QVILIBET ACCIPIEBAT.

ET alius (inquit lib. de lapsis) qui & ipse maculatus, sacrificio à sacerdote celebrato, partem cum cæteris ausus est latenter accipere: sanctum Domini edere & contrectare non potuit, cinerem ferre se apertis manibus inuenit. Documento vnus ostensum est, Dominum recedere, cū negatur: nec immerentibus ad salutem prodesse quod sumitur, quandò gratia salutaris in cinerem, sanctitate fugiente, mutetur. Idem l. de lapsis,

IN MANVS CORPVS DOMINI
TRADEBATVR.

A Diaboli aris (inquit ibidem ante aliquot paginas) reuer- tentes, ad sanctum Domini sordidis & infectis nidore manibus accedunt: & plūs modò in Dominum manibus atq; ore delinquant, quàm quum Dominum negauerunt. Ibid.

A cursùs: Iacens stantibus, & integris vulneratus minatur: & quòd non statim Domini corpus inquinatis manibus accipiat, aut ore polluto Domini sanguinem bibat, sacerdotibus sacrilegus irascitur.

EODEM pertinet illud epistolę ad Thibaritanos: Armemus & dexteram gladio spiritali, vt sacrificia funesta fortiter respuat, & eucharistię memor, quę DOMINI corpus accepit, ipsum complectatur, postea à Domino sumptura pręmium cęlestium coronarum. Idē Epist. 56.

ILLVD quoquę libri de bono patientię: Nec post gestatam eucharistiam manus gladio & cruore maculatur. Idem l. de bō. patiēt.

Cc

DOMVM

DOMVM QVOQVE SECVM ABSPORTA-
RE EUCCHARISTIAM LICEBAT.Idem l. de
spect.

QVI festinans (inquit libro de spectaculis) ad spectaculum dimissus, (ubi videtur alludere ad illud vsitatum, *Ite Missa est*) & adhuc secum gereñs, vt assolet, Eucharistiam, inter corpora obscena meretricum tulit, plus damnationis meritis de spectaculi voluptate.

Idem l. de
Laps.

HVC etiam pertinet illud libri de lapsis: Et quum quædam arcam suam, in qua Domini sanctum fuit, manibus indignis tentasset aperire: igne indè surgente deterrita est, nè auderet attingere.

SOLENNIBVS QVOQVE ADIMPLE-
TIS, DIACONVS CALICEM AD-
MINISTRABAT.

Ibidem.

IGNORATIONE (inquit ibidem) obreptum est, vt sacrificantibus nobis, eam secum mater inferret. Sedenim puella mixta cum sanctis, precis nostræ & orationis impatiens, nunc ploratu concuti, nunc mentis æstu cœpit fluctabunda iactari, & velut tortore cogente, quibus poterat indicijs conscientiam facti in simplicibus adhuc annis rudis anima fatebatur. Vbi verò solennibus adimpletis, calicem Diaconus offerre præsentibus cœpit, & accipiētibus cæteris locus eius aduénit: faciem suam paruula, instinctu diuinæ maiestatis auertere, os labijs obturantibus premere, calicem recusare. Perstitit tamen Diaconus, & reluctanti licèt, de sacramento calicis infudit. Tunc sequitur singultus & vomitus. In corpore atq; ore violato Eucharistia permanere non potuit. Sanctificatus in Domini sanguine potus, de pollutis visceribus erupit: tanta est potestas Domini, tanta maiestas. Secreta tenebrarum sub eius luce detecta sunt, sacerdotem Dei nec occulta crimina fefellerunt. Hoc
circa

circa infantem, quæ ad eloquendum alienum circa se crimen necdum habuit ætatem.

AT verò ea quæ ætate prouecta, & in annis adultioribus constituta, sacrificantibus nobis latenter obrepfit, non cibum, sed gladium sibi sumens, & velut quædam venena letalia inter fauces & pectus sanguinem admittens, angi & anima exæstuante concludi postmodum cœpit. Et pressuram non iam persecutionis, sed delicti sui passa, palpitans & tremens cõcidit. Impunitum diù nõ fuit nec occultum disimulatæ conscientiæ crimen: quæ fefellerat hominem, Deum sensit ultorem.

PVERI QVOQUE ET PVELLAE COMMUNICABANT.

PERTINERE huc imprimis illud, quod modò de puella ^{Ibid.} adduximus, patet ex eo quod præmittitur: Sed facinus puella commissum tam loqui & indicare non potuit, quàm nec intelligere prius potuit, nec arcere.

DE infantibus quoquẽ id ipsum iam antea testatur in hæc verba: ^{Ibid.} Nõne illi, quum dies iudicij venerit, dicent: Nos nihil fecimus, nec derelicto cibo & poculo Domini, ad profana contagia spontè properauimus?

LAPSI, ANTE EXOMOLOGESIN ET ACTAM POENITENTIAM A COMMUNICATIONE ABSTENTI, ET PRESBYTERI PRO ILLIS OFFERRE PROHIBITI.

QVVM in minoribus peccatis (inquit Epistola ad Clerum ^{Idẽ Epist. 10.} de Lapsis) agant peccatores pœnitentiã iusto tempore, & secundum disciplinæ ordinẽ ad exomologesim veniãt, & p. m. nũs impositionem Episcopi & Cleri, ius communicationis accipiãt: nunc crudo tempore, persecutione adhuc perseverãte, nondũ

restituta ecclesiae ipsius pace, ad communicationem admittuntur, & offertur nomen eorum, & nondum poenitentia acta, nondum exomologesi facta, nondum manu eius ab episcopo & Clero imposita, Eucharistia illis datur, quum scriptum sit: Qui ederit panem, aut biberit calicem Domini indignè, reus erit corporis & sanguinis Domini.

Idē Epist.
11.

ET epistola 11. Illi contra Euangelij legem, contra vestram quoque honorificā petitionem ante actam poenitentiam, ante exomologesin grauissimi atq; extremi delicti factam, ante manum ab episcopo & Clero in poenitentiam impositam, offerre lapsis pacē & Eucharistiam dare, id est, sanctum Domini corpus profanare audeant: cū scriptum sit: Qui ederit panem, aut biberit calicem Domini indignè, reus erit corporis & sanguinis Domini.

Ibid. epist.
12.

AC epistola 3. Nam quū in minoribus delictis, quæ non in Dominum committuntur, poenitentia agatur iusto tempore, & exomologesis fiat, inspecta vita eius qui agit poenitentiam, nec ad communionem venire quis possit, nisi prius illi ab episcopo & clero manus fuerit imposita: quantò magis in his grauissimis & extremis delictis, cautè omnia & moderatè, secundum disciplinam Domini, obseruari oportet?

Item. lib.
de Laps.

ITEM libro de lapsis: Mortiferos idolorum cibos adhuc penè ructantes, exhalantibus etiam nunc scelus suum faucibus, & contagia funesta redolentibus, Domini corpus inuadunt: quando occurrat scriptura diuina, & clamet & dicat: Omnis mundus manducabit carnem: & anima quæcunque manducauerit ex carne sacrificij salutaris, quod est DOMINI, & immunditia ipsius super

* ipsam
1. Cor. 10.

* ipsum est, peribit anima illa de populo suo. Apostolus item testatur, & dicit: Non potestis calicem Domini bibere & calicem dæmoniorum: non potestis mensæ Domini communicare, & mensæ dæmoniorū. Idē contumacibus & peruicacibus cōminatur & denunciatur, dicēs: Quicumq; ederit panē, aut biberit calicem

Domi-

Domini indignè, reus erit corporis & sanguinis Domini. Spretis his omnibus & contemptis, vis infertur corpori eius & sanguini.

**QVI CONTRAVENERINT PRESBYTERI,
OFFERRE NON PERMITTANTVR, ET A COM-
MUNICATIONE ARCEANTVR.**

INTERIM (inquit dicta i. ad Clerum de lapsis Epistola) teme- Idē ep. 10.
rarij & incauti & tumidi quidam inter vos qui hominem non cogitant, vel Deum timeant: scientes quoniam si vltra in iisdem perseverauerint, vtar ea admonitione, qua me vti Dominus iubet, vt interim prohibeantur offerre, acturi & apud nos & apud confessores ipsos, & apud plebem vniuersam causam suam, cū Domino permittente, in sinum matris Ecclesiæ recolligi cœperimus.

EPISTOLA quoquē de Gaio Diddensi presbytero: Integre Idē ep. 28.
& cum disciplina fecistis, fratres chariss. quod consilio collegarum meorum qui præsentes erant, Gaio Diddensi presbytero, & diacono eius censuistis non communicandum: qui communicando cum lapsis & offerendo oblationes eorum in prauis erroribus suis frequenter depræhensi, & semel atque iterum, secundum quod mihi scripsistis, à collegis meis moniti nè hoc facerent, in præsumptione & audacia sua pertinaciter perstiterunt.

A c paulopost: Interea si quis immoderatus, & præceps siue de nostris presbyteris vel diaconibus, siue de peregrinis ausus fuerit ante sententiam nostram communicare cum lapsis, à communicatione nostra arceatur.

**EPISCOPI QVOQVE LAPSI SACRIFICI-
VM OFFERRE PROHIBITI.**

QUOMODO se putat posse (inquit Epistola ad Epietum) Idem epis-
agere pro Dei sacerdote, qui obtemperauit & seruiuit diabo- stola 64.
li sacerdotibus? aut quomodo putat manum suam trans-
ferri

ferri posse ad Dei sacrificium & precem Domini, quæ captiua fuerit sacrilegio & crimini? quando in scripturis diuinis Deus ad sacrificium prohibeat accedere sacerdotes etiam in leuiori crimine constitutos, & in Leuitico dicat: Homo in quo fuerit vitium aut macula, nō accedet offerre dona Deo. Item in Exodo: Et sacerdotes qui accedunt ad Dominum Deum, sanctificentur, nē fortē derelinquat eos dominus. & iterū: Et qui accedunt ministrare ad altare sancti, non adducunt in se delictum, nē moriantur. Qui ergo graui in se delicta adduxerunt, id est, qui idolis sacrificando sacrilega sacrificia fecerunt, sacerdotium DE I sibi vindicare non possunt.

PRESBYTERORVM SINGVLORVM CVM
SINGVLIS DIACONIS OBLATIO.

Idē epi. 5. **P**RESBYTERI quoq; (inquit Epistola ad Clerū de cura pauperum & quiete plebis) qui illic apud confessores offerūt, singuli cum singulis diaconis per vices alternēt: quia & mutatio personarum, & vicissitudo conuenientium minuit inuidiam.

SACRIFICIA IN ANNIVERSARIIS
MARTYRV.

Idem epi-
stola 34. **S**A CRIFICIA (inquit epistola de Celerino) pro eis semper, vt meministis, offerimus, quotiēs martyrum passiones & dies anniuersaria commemoratione celebramus.

Idē ep. 37. **D**ENIQUE & dies eorum (inquit epistola ad Clerum de confessoribus in carcere) quibus excedunt, adnotate, vt commemorationes eorum inter memorias martyrum celebrare possimus. Quancūq; Tertullus fidelissimus & deuotissimus frater noster, pro cetera solitudine & cura sua, quam fratribus in omni obsequio operatiōis impertit, (qui nec illic circa curam corporum deest) scripserit & scribat, ac significet mihi dies, quibus in carcere be-
ati

ati fratres nostri ad immortalitatem gloriosæ mortis exitu trans-
eunt, & celebrentur hîc à nobis oblationes & sacrificia ob commemo-
rationes eorum, quæ citò vobiscum, Domino protegente, ce-
lebrabimus.

BIRRO, DALMATICA, ET LINEA VTE-

BATUR D. CYPRIANVS.

ET ità (inquit Author Actûs passionis eius) idem Cyprianus ^{Act. Pass.}
in agrum Sexti perductus est, & ibi se lacerna & birro expo- ^{Cypr.}
liauit, & genu in terram flexit, & in orationem se domino prostra-
uit, et quum se dalmatica expoliâset, & diaconibus tradidisset, in
linea stetit.

QUOD iisdem penè verbis repetit Ado Treurenensis: Et ità per- ^{Ado in}
ductus (inquit) gloriosus martyr post Prætorium in agrum Sexti, ^{martyrol.}
exiit se lacerna & birro, & complicans posuit ad genua sua: dehinc ^{ad 18. Cap.}
dalmaticam tulit, & diaconibus tradidit, & stans in linea, sustine- ^{lend. Oct.}
bat spiculatorem, cui & XXV. aureos dari præcepit.

CONCILII AFRICANI DE LAPSIS I. SENTENTIA DE ADULTERINA NOVATIA- NI CATHEDRA ET SA- CRIFICIIS.

QUVM Nouatianus ipse (inquit epistola ad Stephanum I.) quæ ^{Idē ep. 67.}
sequitur, olim abstētus, & hostis ecclesiæ iudicatus sit. Et quū
ad nos in Africā legatos misisset, optans ad communicatio-
nem nostram admitti, hinc à Concilio plurimorum sacerdotum
qui præsentibus eramus, sententiam retulerit, se foris esse cœpisse, nec
posse à quoquam nostrū sibi communicari, qui episcopo Cor-
nelio in Catholica ecclesia de Dei iudicio & cleri ac plebis suf-
fragio ordinato, profanum altare erigere, & adulteram cathedram
col-

collocare, & sacrilega contra verum sacerdotem sacrificia offerre tentauerit.

PATRV M AFRICANI CONCI-
LII II. DE LAP SIS DECRE-
TV M, DE COMMVNICATIO-
NE LAP SIS DANDA, AC
QVOTIDIANA SA-
CRIFICIA.

Apud Cy.
Epist. 54.

AT verò nunc (scribunt Epistola ad Cornelium) non infirmis, sed fortibus pax necessaria est: nec morientibus, sed uiuentibus communicatio à nobis danda est, vt quos excitamus & hortamur ad prælium, non inermes & nudos relinquamus, sed protectione sanguinis & corporis Christi muniamus: & quum ad hoc fiat Eucharistia, vt possit accipientibus esse tutela, quos tutos esse contra aduersarium volumus, munimento Dominicæ saturitatis armemus. Nam quomodò docemus aut prouocamus eos in confessione nominis sanguinem suum fundere, si eis militaturis Christi sanguinem denegamus? aut quomodò ad martyrij poculum idoneos facimus, si non eos prius ad bibendum in Ecclesia poculum Domini iure communicationis admittimus? Et paulò post: Immodò Episcopatus nostri honor grandis & gloria est, pacem dedisse martyribus, vt sacerdotes qui sacrificia Dei quotidie celebramus, hostias Deo & victimas præparemus.

D. LV.

D. LVCII PAPAE XXIII. RO-
MANI CONSTITVTVM DE
MINISTRIS AL-
TARIS.

MINISTRI altaris, (inquit D. Lucius, vt citatur à Gratia-
no) Presbyteri siue diaconi, ad dominica tales eligantur of-
ficia, qui continentiam seruent. Si verò post ordinationem suam
ministros contigerit propriæ vxoris inuadere cubile, sacrarij non
intrent limina, neque * sacrarij portitores fiant, neque altare con-
tingant, neque ab offerentibus holocausti oblationem suscipiant,
neque ad dominici corporis * portionem accedant, neque * pro-
pinquent, neque sine maioris natu autoritate maiora gerant of-
ficia: vrceum sanè ad altare vel calicem non suggerant.

Grat. dist.
81. ca. Mi-
nistri

* sacrificij

* portati-
onem
* propinçt

CONCILII AFRICANI PA-
TRVM ID TEMPORIS
SACRIFICIA.

VICARIAS verò (inquiūt epistola ad Luciū Papam) pro no-
bis ego & collegæ & fraternitas omnis has ad vos literas mit-
timus, frater charissime, & representantes vobis per Epistolam
gaudium nostrum, fida obsequia charitatis expromimus: hic quo-
què in sacrificijs atque in orationibus nostris non cessantes deo
patri, & Christo filio eius domino nostro gratias agere: & orare pa-
riter ac petere, vt qui perfectus est atq; perficiens, custodiat & per-
ficiat in vobis confessionis vestræ gloriosam coronam.

Apud Cy.
Epist. 58.

QVI in eadem epistola alludunt ad D. Lucij sacrificia, dum in-
quiunt: Vt altari dei assistat Antistes.

Dd

D. STE-

D. STEPHANI ROMANI PAPAE
XXIII. STATVTVM DE VESTI-
MENTIS SACRATIS, ET
SACRIFICIA.

Steph. pa-
pa epist. 1.

VESTIMENTA verò ecclesiastica (inquit D. Stephanus epistola ad Hilarium Episcopum) quib⁹ Domino ministratur, cultusque diuinus omni honorificentia & honestate, à sacerdotibus reliquisque ecclesiae ministris celebratur, & sacrata debent esse, & honesta. Quibus alijs in vsibus (quum Deo, eiusque seruitio cōsecrata & dedicata sint) nemo debet frui, quàm Ecclesiasticis & Deo dignis officijs. Quæ nec ab alijs debent contingi aut ferri, nisi à sacratīs hominibus, nè vltio quæ Balthasar regem percussit, super hæc transgredientes, & talia præsumentes, veniat diuina, & corruiere eos faciat diuinæ vltionis iustum flagellum ad ima. Hæc illis partibus quibus moraris, & in omnibus quibus potueris, cōctis nota facito, & obseruare Apostolica mandato autoritate: quia & nostri, nobisque commissi, in sancta Apostolica & vniuersali Ecclesia, omnes hæc obseruare, nunc & futuris temporibus profecti sunt.

Dam. Pō-
tif, l. c. 24.

FACIT huius quoque statuti mentionem Damasus: Hic (inquit) constituit, sacerdotes & Leuitas vestibus sacratīs in vsu quotidiano non uti, & nisi in Ecclesia tantum.

Beda &
Ado ad 4.
Non. Au.

ET ven. Beda ac Ado Treuirensis: Hic constituit, vt sacerdotes & Leuitæ vestes sacras in quotidiano vsu non haberēt, nisi tantum in Ecclesia.

Alcuin. l.
de diuin.
offic.

ALCVINVS quoque: Stephanus natione Romanus ex patre Iobio, vt legitur in Gestis Pontificalibus, constituit sacerdotibus Leuitisque, vestes sacras in quotidiano vsu non uti, nisi in Ecclesia.

I T E M

ITEM Vualafrius Strabus: Stephanus autem 24. constituit, sacerdotes & Leuitas vestibus sacratiss in vsu quotidiano nõ vti, nisi in Ecclesia tantum.

Vualafri.
Strab. de
reb. Eccl.
cap. 24.

Ac Martinus Polonus: Hic constituit, sacerdotes & Leuitas vestes sacrate in quotidiano vsu non vti.

Mart. Pol.
ad annũ
257.

EIVSDEM SACRIFICIA.

SACRIFICII porrò ipsius D. Stephani papę in hæc verba meminuit ven. Beda: Beatus igitur Stephanus, post multa quę operatus est bona, missis à Valeriano militibus, iussus est decollari, qui venientes, inuenerunt eum sacrificium Deo offerentem, & decollauerunt eum in eodem loco.

Beda in
Martyr.
loco cit.

Et Vsuarius: Qui quum staret intrepidus ante altaris solēnia, & iugiter cępta perficeret, in eodem loco sic à sua decollatus est sede.

Vsuari.
in mart.

Ado quoquę Treuirensis: Celebrabat (inquit) Missas atque Concilia per cryptas martyrum.

Ado in
martyr.

Et paulò post: Beatus verò Stephanus perrexit cum omnibus Christianis ad Cœmeterium S. Lucinę, & multis eos consolatus sermonibus, obtulit pro eis sacrificium Deo omnipotenti. Quę gesta audiens Valerianus, misit plurimos militum, qui B. Stephanum punirent. Qui venientes, inuenerunt sacrificium Deo offerentem, intrepidum atque constantem ante altare, solennia incepta perficientem. Et in eodem loco eum in sua decollauerunt sede.

Quę verba eadem etiam reperire est apud Marianũ Scotum.

Mar. Scot.
hist. l. 2.

MARTINVS deniquę Polonus: Hunc demum Missam celebrantem, in sua sede decollauerunt.

Mart. Pol.
loco cit.

CONCILII AFRICANI HOC TEM-
PORE STATVTA DE EPI-
SCOPIS LAPSI.

Dd 2

QVA

LITVRGICON ECCLESIAE LATINAE
QVALES OPORTEAT DESERVIRE AL-
TARI, ET SACRIFICIA CELEBRARE.

Apud Cy.
Epist. 68.

SED ENIM (inquiunt epistola ad Hispanos episcopos de Bas-
lide & Martiali) desiderio huic vestro non tam nostra cōsilia,
quàm diuina pręcepta respondent, quibus iam pridem mandatur
voce cęlesti, & Dei lege pręscribitur, quos & quales oporteat de-
seruire altari, & sacrificia diuina celebrare. In Exodo nanque ad
Exod. 19. Moysen Deus loquitur & monet, dicens: Sacerdotes, qui accedunt
ad Dominũ Deum, sanctificentur, nè fortè derelinquat illos do-
minus. Et iterũ: Et quum accedunt ministrare ad altare sancti,
Leuit. 21. non adducunt in se delictum, nè moriantur. Item in Leuitico p-
cipit Dominus, & dicit: Homo in quo fuerit macula & vitium, nõ
accedet offerre dona Deo. Quę quum p̄dicta, & manifesta sint no-
bis, pręceptis diuinis necesse est obsequia nostra deseruiant: nec per
sonã in eiusmodi rebus accipere, aut aliqd cuiquã largiri potest hu-
mana indulgētia, vb̄ intercedit & legem tribuit diuina p̄scriptio.

NON NISI IMMACVLATOS ANTISTI-
TES ELIGI DEBERE.

IBIDEM paulopõst: Quę ante oculos habentes, & sollicitè ac re-
ligiosè considerantes, non nisi immaculatos & integros antisti-
tes eligere debemus, qui sanctè & dignè sacrificia Deo offerant.

CVR CLERO CONVOCATO ELECTIO
CELEBRABATUR.

POSTEA quoquẽ: Quod ubiq; idcirco tam diligenter & cau-
tè, conuocata plebe tota, gerebatur, nè quis ad altaris ministe-
rium vel ad sacerdotalem locum indignus obreperet.

LAICA COMMVNIO.

AC rursũ: Satis gratulans, si sibi vel laico communicare
contingeret.

SA-

SACRIFICIA OFFERRE EPISCOPI LAPSI
NON PERMITTANTVR.

QVAPROPTER quum multa sint & graua delicta,
quibus Basilides & Martialis implicati tenetur, frustra tales
Episcopatum sibi vsurpare conantur, quum manifestum
sit, eiusmodi homines nec Ecclesiae Christi posse praesse, nec Deo
sacrificia offerre debere.

CONCILII AFRICAE DE BAPTI-
ZANDIS HAERETICIS I. SANCTI-
FICATIONIS EVCHARISTIAE
TESTIMONIVM.

PORRO autem (inquiunt Epistola ad Ianuarium & ceteros Episcopos Numidas) Eucharistia in altari sanctificatur. Apud Cy-
priā. epist.
70.

CONCILII AFRICAE ET NVMI-
DIAE DE BAPTIZANDIS HAERE-
TICIS II. DECRETVM, DE EPI-
SCOPIS, PRESBYTERIS, ET
DIACONIS HAERE-
TICIS.

NON RECIPIENDI ILLI, NISI AD
COMMVNIONEM LAICAM.

ADDIMVS planè & adiungimus, (inquiunt Epistola ad Stephanum Papam) frater charissime, cōsensu & authorita- Apud Cy-
priā. epist.
72.
D d 3 te com-

te communi, vt etiam si qui Presbyteri aut Diaconi, qui vel in ecclesia catholica prius ordinati fuerint, & postmodum perfidi ac rebelles contra ecclesiam steterint, vel apud hæreticos à Pseudoepiscopis & Antichristis contra Christi dispositionem profana ordinatione promoti sint, & contra altare vnum atque diuinum sacrificia foris falsa ac sacrilega offerre conati sint, eos quoque hac conditione suscipi quum reuertuntur, vt communicent laici: & satis habeant quòd admittuntur ad pacem, qui hostes pacis extiterint, nec debere eos reuertentes, ea apud nos ordinationis & honoris arma retinere, quibus contra nos rebellauerint.

OPORTET ENIM QVI ALTARI ET SACRIFICIIS DESERVIVNT, IMMACULATOS ESSE.

Ibid.

OPORTET enim sacerdotes & ministros, qui altari & sacrificijs deseruiunt, integros atque immaculatos esse, quum
 Leuit. 21. Dominus Deus in Leuitico loquatur & dicat: Homo in quo fuerit macula & vitium, non accedet offerre dona Deo. Itē in Exodo hæc
 Exod. 19. eadem præcipiat & dicat: Et sacerdotes qui accedunt ad Dominum Deum, sanctificentur, nè fortè derelinquat illos Dominus. Et iterum: Et quum accedunt ministrare ad altare sancti, non adducent in se delictum, nè moriantur.

CONCILII CARTHAGINIENSIS DE BAPTIZANDIS HÆRETICIS TERTII, SIMILES SENTENTIAE.

Apud. Cy priā. Cōc. Carth. Sē. tent. 1.

SACERDOTIVM (inquit Cæcilius à Bilta) administrat proprium, ponit altare sacrilegus. Ad hæc omnia accedit & illud malum, vt antistites diaboli, audeant eucharistiam facere.

ET

ET ideò (inquit Nouatus à Thamugade) secundùm testimonium scripturarum, & secundùm decretum Collegarum nostrorũ sanctissimæ memoriæ virorum, omnes schismaticos & hæreticos eos qui Ordinati videbantur, inter laicos recipi debere.

ALTERIVS RVRSVM AFRICAE CONCILII STATVTA DE CLERICIS ET EORVM SACRIFICIIS.

CLERICI, TVTORES NON NOMINANDI.

GRAVITER cõmoti sumus ego & Collegæ mei (inquit Concilij nomine ad Furnitanecos D. Cyprianus) qui præsentes aderat, & cõpresbyteri nostri qui nobis absidebāt, fratres charissimi, quũ cognouissemus quòd Gemini⁹ Victor, frater noster, de seculo excedēs, Geminiũ Faustinum Presbyterũ, tutorem testamento suo nominauerit, quum iam pridem à Concilio episcoporũ statutũ sit, nè quis de Clericis & Dei ministris, tutorem vel curatorem testamento suo constituat.

Apud Cy.
priā. epist.
66.

NON ENIM NISI ALTARI ET SACRIFICIIS VACARE DEBENT.

QVANDO singuli diuino sacerdotio honorati, & in clerico ministerio cõstituti, non nisi altari & sacrificijs deferuire, & precibus atq; orationib⁹ vacare debeāt. Scriptũ est em̃: Nemo militans Deo, obligat se molestijs secularibus, vt possit placere ei cui se p̃bavit. Quod quum de oĩbus dictum sit, quãto magis molestijs & laqueis secularibus obligari non debent, qui diuinis rebus & spiritalib⁹ occupati, ab ecclesia recedere, & ad terrenos & seculares actus vacare non possunt? Cuius ordinationis & religionis formã Leuitę prius in lege tenuerunt, vt quum terram diuideret, & possessiones

Ibid.

2. Tim. 2.

Iosue 13.

parti-

partirentur vndecim tribus, Leuitica tribus, quæ templo, & altari, & ministerijs diuinis vacabat, nihil de illa diuisionis portione perciperet: sed alijs terram colentibus, illa tantum Deum coleret, & ad victum atque alimentum suum, ab vndecim tribubus de fructibus qui nascebantur, decimas reciperet. Quod totum fiebat de auctoritate & dispositione diuina: vt qui operationibus diuinis infestebant, in nulla re auocarentur, nec cogitare aut agere secularia cogerentur. Quæ nunc ratio & forma in clero tenetur: vt qui in Ecclesia Domini ordinatione clerica promouentur, in nullo ab administratione diuina auocentur, nec molestijs & negocijs secularibus alligentur, sed in honore sportulantium fratrum, tanquam decimas ex fructibus accipientes, ab altari & sacrificijs non recedant, sed die ac nocte cælestibus rebus & spiritualibus seruiant.

QVARE, SI QVIS AD TVTELAM CLERICVM NOMINAVERIT, PRO DORMITIONE EIVS NON FIAT OBLATIO.

Ibid.

ET ideo Victor quum contra formam nupèr in concilio à sacerdotibus datam, Geminium Faustinum presbyterum ausus fit tutorem constituere, non est quod pro dormitione eius apud vos fiat oblatio, aut deprecatio aliqua nomine eius in Ecclesia frequentetur, vt sacerdotum decretum religiosè & necessariè factum, feruetur à nobis: simul & cæteris fratribus detur exemplū, nè quis sacerdotes & ministros Dei, altari eius & Ecclesiæ vacantes, ad seculares molestias deuocet.

APVD ALTARE ENIM DEI NOMINARI NON MERETVR.

Ibid. paulo ante.

NE QVE enim apud altare Dei meretur nominari in sacerdotum prece, qui ab altari sacerdotes & ministros voluit auocare.

D. SIXTI

D. SIXTI II, ROMANI PAPAE
XXV, SACRIFICIA.

AD hæc beatus Sixtus (inquit Ado Treuirensis) respondit: Ado in
Ego semper sacrificauī, & sacrificabo Deo patri omnipoten- Martyrol.
ti, & Domino Iesu Christo filio eius, & Spiritui sancto, hostiam pu- 8. Idus
ram & immaculatam. Aug.

QUOD ipsum repetitur à Mariano Scoto hist. lib. 2.

NEMESIANI ET ALIORVM
EPISCOPORVM AFRICAE
MARTYRV M SACRI-
FICIA.

SED nec illo (scribit ad illos è suo exilio D. Cyprianus) fra- Cyprian.
tres dilectissimi, aliqua potest aut religionis, aut fidei iactura Epist. 77.
fentiri, quòd illic nunc sacerdotibus Dei facultas non datur offerē-
di & celebrandi sacrificia diuina.

D. LAVRENTII ARCHIDIACONI
ROMANI, SACRIFICII MI-
NISTERIVM.

IPSI COMMISSA DOMINICI SANGVI-
NIS DISPENSATIO.

QVVM' QV E duceretur B. Sixtus, cœpit eum his verbis beatus Vita. D.
Laurentius (inquit Author vetustiss. vitæ D. Sixti, Laurētij Sixti MS.
& aliorum) Archidiaconus compellare: Quò progredieris sine filio
E e pater?

pater? Quò sacerdos sancte sine Diacono properas? Tu nunquam sine ministro sacrificiū offerre cōsueueras. Quid in me ergò displicuit tibi pater? Num degenerem probasti? Experire certè, vtrum idoneū ministrū elegeris, cui commisisti Dominici sanguinis dispensationem, cui consummandorū consortium sacramentorū credidisti, huic sanguinis tui consortium negas?

Ambr. of.
fic. l. i. c.
41.

QVOD ipsum in hæc verba testatur D. Ambrosius: Non prætereamus sanctum Laurentium, qui quum videret Sixtum Episcopum suum ad martyrium duci, flere cœpit, non passionem illius, sed suam remansionem. Itaq; his verbis appellare cœpit: Quò progrederis sine filio pater? Quò sacerdos sancte sine Diacono properas? Nunquam sacrificiū sine ministro offerre consueueras. Quid in me ergò displicuit pater? Num degenerem probasti? Experire certè, vtrum idoneum ministrum elegeris. Cui commisisti Dominici sanguinis consecrationem, cui consummandorum consortium sacramentorum, huic consortium tui sanguinis negas?

Ado Treu.
uir. in
mart.

ADO quoquè Treuirensis iisdem penè verbis, quibus suprà.

VASA SACRA QVAEDAM ETIAM AVREA,
IVSSV D. SIXTI DIVIDENDA.

Vit. Ms.
D. Sixti ac
Ado in
Mart.

ET dixit B. Sixtus ad B. Laurentium: (inquit Author suprà citatus, & Ado Treuirensis) Accipe facultates Ecclesiæ & thesauros, & diuide pauperibus quibus tibi videbitur. Accepta potestate, B. Laurentius cœpit peregrinos studiosè quærere, & vbicunquè S. clerici, vel pauperes essent absconsi, & portans thesauros, prout cuique opus erat, ministrabat.

Ambr. of.
fic. l. 2. c.
28.

CVI consentit & D. Ambrosius: Tale (inquit) aurum sanctus martyr Laurentius Domino reseruauit, à quo quum quærentur thesauri Ecclesiæ, promisit demonstraturum se, sequenti die pauperes duxit. Interrogatus, vbi essent thesauri quos promiserat, ostēdit

dit pauperes, dicens: Hi sunt thesauri Ecclesiæ. Et verè thesauri, in quibus Christus est, in quibus Christi fides est. Deniquè Apostolus ait: Habemus thesaurum in vasis fictilibus. Quos meliores thesauros habet Christus, quàm eos in quibus se esse dixit? Sic enim scriptum est: Esuriui, & dedistis mihi manducare: sitiui, & dedistis mihi bibere: hospes eram, & collegistis me. Et infra: Quod enim uni eorum fecistis, mihi fecistis. Quos meliores Iesus habet thesauros, quàm eos, in quibus amat videri? Hos thesauros demonstrat Laurentius, & vicit, quòd eos nec persecutor potuit auferre. Itaque Ioachim qui aurum in obsidione seruabat, nec dispensabat alimoniam comparandæ, & aurum vidit diripi, & se in captiuitatem deduci. Laurentius qui aurum ecclesiæ máluit erogare pauperibus, quàm persecutori reseruare: pro singulari interpretationis viuacitate, sacram mysterij accepit coronam. Nunquid dictum est sancto Laurentio: Non debuisti erogare thesauros Ecclesiæ, vasa sacramentorum vendere?

Matth. 25.

A c eadem ætate D. Prudentius,

HIC primus è septem viris,
Qui stant ad arã proximi,
Leuita sublimis gradu,
Et cæteris præstantior:

Claustris sacrorum præerat,
Cælestis arcanum domûs
Fidis gubernans clauibus,
Votasque dispensans opes.

Verfat famem pecuniæ
Præfectus vrbi regiæ,
Minister infani ducis,
Exactor auri & sanguinis.

Laurentium fisti iubet:
Exquirat arcam ditibus
Mæsis refertam, & fulgidæ
Montes monetæ conditos.

Hunc (inquit) esse vestris
orgijs
Morèq; & artem proditum est,
Hanc disciplinam fœderis,
Libent vt auro antistites.

Argenteis scyphis ferunt
Fumare sacrum sanguinem,
Auroque nocturnis sacris
Astare fixos cereos.

Ec 2

Nil

Prud. peris
steph.
hym. 2.

Nil asperum Laurentius	Quo fungar efficacius
Refert ad ista aut turbidum,	Promissionis munere.
Sed vt paratus obsequi,	Pepigere tempus tridui,
Obtemperanter annuit.	Laudatus indè absoluitur
Est diues, inquit, non nego:	Laurentius: sponsor suus,
Habetq; nostra ecclesia	Et sponsor ingentis lucri.
Opumq; & auri plurimùm:	Tribus per urbem cursitat
Nec quisquam in orbe est ditior.	Diebus, infirma agmina
Vnum sed orans flagito,	Omnesq; qui poscunt stipem,
Induciarum paululùm,	Cogens in vnũ & congregans.

Serm. de
nat. S. Lau-
rent.

ET D. Leo papa: Leuitam (inquit) Laurentium, qui non solum ministerio sacramentorum, sed etiam dispensatione ecclesiastica substantiae praeminebat, impius persecutor efferbuit, duplicem sibi praedam de vnus viri compræhensione promittens, quem si fecisset sacrae pecuniae traditorem, faceret etiam verae religionis exortem. Armatur itaque gemina face homo pecuniae cupidus, & veritatis inimicus: auaritia, vt rapiat aurum: impietate, vt auferat Christum. Postulat, sibi ab immaculato sacrarii praesule opes ecclesiasticas, quibus auidissimus inhiabat, inferri. Cui Leuita castissimus, ubi eas repositas haberet, ostendens, numerosissimos sanctorum pauperum obtulit greges: in quorum victu atque vestitu inamissibiles condiderat facultates: quae tanto integrius erant saluae, quanto sanctius probabantur expensae. Fremit ergo praedo frustratus, & in odium religionis quae talem diuitiarum usum instituisset, ardescens, direptionem thesauri potioris aggreditur, vt apud quem nullam denariorum substantiam reperisset, illud depositum ei quod sacratius erat, diues auferret.

Ado in
Mart. ad
4. Id. Au-
gust.

Ado quoque Treuirensis in passion. D. Laurent. Cui B. Sixtus omnes facultates ecclesiae & thesauros, pergens ad coronam martyrii, tradidit. Hic veniens in Caelum montem, ubi erat quaedam vidua,

vidua, in viduitate trigintaduos annos habens, in cuius domo multi Christiani, & presbyteri, & clerici, absconsi manebant, tulit vestes & thesauros ecclesiæ, & cepit erogare.

SIMEON deniquè Metaphrastes: Cui (inquit) quum Ecclesiæ ^{Simeon Metaphr.} vasa omnia commisisset: Sint hæc (inquit) apud te, & diligentissimè in Pals. S. custodiantur, ità vt Imperatoris avarissimi cupiditas ea inuenire ^{Laurent.} non possit. Tunc B. Laurentius vasa illa omnia quæ accepit, Christianis quibusdam aurificibus vendidit, & precium quod ex illis percepit, egentibus distribuit.

D. IUSTINI PRESBYTERI ROMANI SACRI FICIVM.

IPSIVS SACRIFICIVM, ET EIVS

PARTICIPATIO.

BEATVS autem Iustinus (inquiūt Author qui suprà, & Ado ^{Vit. DD. Sixti & Laurëtij. Ado in Martyro.} Treuirësis) Presbyter obtulit sacrificium laudis, & participati sunt omnes de corpore & sanguine Domini.

PARTIS SACRIFICII DOMVM DE-
PORTATIO.

REGRESSVS itaque Hippolytus (inquit idem Author vbi ^{Ibidem.} de Hippolyto agit) post diem tertium, venit in domum suam, & dedit pacem omnibus seruis & ancillis suis, & communicarunt de sacrificio altaris D. Laurentij martyris.

DD. FRVCTVOSI EPISCOPI, AV-
GVRII ET EVLOGII DIACO-
NORVM TARRACONEN-
SIVM, STATIO.

Ec 3

SI-

Mar. DD.
Fruct. Au.
& Eulog.
Tō. 2. vit.
suri.

SI QV IDEM in carcere (inquit Author passionis ipsorum) quarta feria stationem solenniter celebrârunt.

FELICIS PAPAE XXVII. ET CONCILII ROMANI DECRETVM, DE MISSARVM CELEBRATIONE SVPER MEMORIIS MARTYRVM.

Felix papa
epist. 2.

TALES autem perturbatores (inquit D. Felix papa & alij Patres Concilij Romani Epistola ad Galliae Episcopos) Ecclesiae, non solum praedicta agunt mala, sed & memorias martyrum execrantur. Quapropter in praefata constituimus Synodo, vobisque & omnibus Ecclesijs tenendum & agendum mandamus, vt super memorias martyrum Missae celebrentur, ne memoriae eorum à talibus extingui, aut veneratio possit prohiberi.

Dam. Pō
tif. l. c. 27.

QUOD repetitur à Damaso: Hic (inquit) constituit, supra sepulcra aut memorias martyrum, Missas celebrari.

Beda in
Mar. ad 3.
Cal. Iunij.
Vualastr.

AC IJSDem verbis ven. Beda in Martyrologio.

ITEM à Vualastro Strabo: Legitur enim Felix 27. Papa constituisse, vt super memorias martyrum Missae celebrarentur.

strab. de
reb. Eccl.
cap. 20.

QUIBUS consentit Marianus Scotus: Iste decreuit Missas celebrari super memorias martyrum.

Mar. sco.
hist. l. 2.

RADVLPHVS etiam Tungrensis loco citato, & Martinus Polonus ad annum 267.

D. LVCIANI SVCCCESSORIS D. CYPRIANI OBLATIO ET ALTARE.

Opt. cōtra
Parm. li. 1.

CONFERTA erat (inquit Diuus Optatus) Ecclesia, populis plena erat Cathedra Episcopalis, erat altare loco suo,

fuor, in quo pacifici Episcopi retrò temporis obtulerant Cyprianus, Lucianus, & cæteri.

DIVI EUTYCHIANI ROMANI PAPAE XXVIII. CANONES CIRCA SACRIFICIUM ALTARIS.

AD ALTARE NON NISI FABAE ET
VVAE BENEDICANTVR.

IDCIRCÒ fratres, (inquit Diuus Eutychianus Papa Epistola Eutych. ad Bætica Episcopos) ista prætulimus, vt hæ species, quas nō li-
cet offerri super altare, iuxta constitutionem Apostolorum, eorumque successorum, ad domum sacerdotum deferantur, & à sacerdotibus benedicantur, & per simplicem benedictionem benedicta, demùm à populis sumantur: Fabæ tantùm & vuæ, & cætera, quæ Apostoli constituerunt, super altare offerantur.

Ad quod alludens Damasus: Hic constituit fruges fabæ & vuæ super altario benedici.

Et castigatiùs ven. Beda: Hic constituit, fruges super altare tantùm fabas & vuas benedici.

Cvi consentit Marianus Scotus loco citato.

LATIVS quoquè Vualafrius Strabus: Dum ergò quædam prohibentur offerri, ostenditur, ea à quibusdam (licet extraordinariè) oblationibus adhibita. Vndè Eutychianus 28. Sedis Romanæ præsul constituit, fruges super altare tantùm fabæ & vuæ benedici. Et hæc idcirco fortassè, quia vino, sanguinis Domini mysterium celebratur: Faba verò, abstinentium cibus est: Aliàs autem diuersarum species rerum, statutum est vbi libet benedici à sacerdotibus:

vel

papa ep. 1.

Can. ca. 4.

Dam. lib.

Pōti. c. 28.

Beda in

mart. ad

6. idem

Decemb.

Vualafri.

strab. de

reb. Eccl.

cap. 18.

vel si ad altare benedicenda quælibet deferantur, speciali benedictione à consecratione Dominicorum sacramentorum omnimodis discernenda: vt sicut pro innumeris legis mandatis, breuiatum Euangelij verbum Dominus fecit super terram, ita pro diuersis sacrificiorum ritibus, simplex oblatio panis & vini fidelibus sufficiat, qui non in multitudine vmbrarum apparituram quærunt veritatem, sed eam in manifestatione factorum tenent perspicuam.

POST CIBVM NEMO SACRIFICIUM
ACCIPIAT, NISI PRO VIATICO.

Burchard.
decr. l. 5. c.
35. Iuopa.
2. cap. 45.

QVI acceperit (inquit idem Canon 2. iuxta quod citatur à DD. Burchardo & Iuone) sacrificium post cibum, aut post aliquam paruissimam refectionem, nisi pro viatico, pueri tres dies, maiores septem, clerici viginti dies pœniteant.

MISSA PRO HAERETICIS NON CAN-
TANDA.

Grat. 11 q.
3. c. Si quis
Episcopus.

SI quis Episcopus aut Abbas (inquit idem, iuxta quod citatur à Gratiano) Presbytero, aut monacho suo iusserit Missas pro hæreticis cantare, non licet. Non enim expedit eis obedire.

CVM DALMATICA VEL COLLOBIO SE-
PELIANTVR MARTYRES.

Dam. l. 1.
c. cit.

Hoc (inquit Damascus) constituit, vt quicumque fidelium martyrem sepeliret, sine dalmatica aut collobio purpurato nullatenus sepeliret, dum tamen huius constitutionis ad illum peruenisset notitia.

Mar. Scot.
loc. cit.
Mar. Pol.
ad annū
270.

Sic & Marianus Scotus: Hic constituit, vt nullus martyrum sine dalmatica aut collobio sepeliretur.

Et iisdem quoque verbis cum Damaso, Martinus Polonus.

D. CAII

D. CAII PAPAE XXIX. ROMANI, SACRIFICIUM ET STATVTVM DE ECCLESIASTICIS ORDINIBVS.

VENIT itaque (inquit Author vitæ D. Sebastiani) dies Dominica, in qua Caius Põtifex, agēs quę Dei sunt, intrā domū Chromatij omnibus congregatis, cunctos alloquitur. Vit. D. Sebastiani. Tõ. 1. Vit. Suri.

DE Episcoporum verò (inquit D. Caius papa Epistola ad Felicem Episcopum) & presbyterorum, diaconorumque & sequentium clericorum ordinationibus, sanctos Apostolos & successores eorum, & præcipuè Anacletum, & præterea alios, sufficienter statuisse cognoscimus: & idcirco non est necesse nunc replicari, nisi quod illi non statuerunt. Illud tamen nos statuentes, vobis & omnibus seruare mādamus, vt ad ordines Ecclesiasticos sic ascendant in Ecclesia, qui ordinari meretur, i. si quis Episcopus esse meretur, sit primò Ostiarius, deindè lector, postea exorcista, indè sacretur acolytus, demùm verò subdiaconus, deindè diaconus, & postea presbyter: & exindè, si meretur, Episcopus ordinetur. Caius papa Epi. 1.

QVOD in hæc verba repetit Damasus: Hic constituit, vt omnes ordines in Ecclesia sic ascenderent: Si quis Episcopus fieri meretur, vt esset Ostiarius, lector, exorcista, acolytus, sequens subdiaconus, diaconus, presbyter, & exindè Episcopus ordinaretur. Dam. lib. Põf. c. 29.

VEN. etiam Beda: Hic constituit, vt per omnes gradus ascenderet, si quis Episcopus fieri mereretur: vt esset Ostiarius, Lector, exorcista, acolytus, subdiaconus, diaconus, presbyter. Beda in Martyr. 10. Cal. Maij.

SIC & Marianus Scotus: Caius in hac Epistola constituit, vt per omnes gradus Ecclesiasticos &c. vt suprà. Mar. Scot. lib. cit.

ET prorsus iisdem verbis, quibus Beda, Martinus Polonus. Mart. Polon. ad ann. 278.

DD. DIODORI PRESBYTERI, MARTINIANI DIACONI, ET ALIORVM
FF RO.

LITURGICON ECCLESIAE LATINAE
ROMAE CONVENTVS, AD DIEM NA-
TALIS DD. CHRYSANTHI ET
DARIAE MARTYRV.

Beda &
Ado in
Martyr.
Cal. De.
cemb.

CONTIGIT (inquiunt Ven. Beda & Ado Treuirensis) vt ad diem natalis eorum, infinita populi multitudo concurre-
ret. Hoc nunciatum est Imperatori Numeriano, qui iussit vt in introitum cryptæ paries leuaretur. Ac sic factum est, vt omnes pa-
riter dum sacramenta Christi perciperent, martyrij gloria cele-
bres fierent. Inter quos erat Diodorus Presbyter, & Diaconus Ma-
rianus, & plurimi clericorum.

CHRISTIANORVM FREQUENTISSI-
MI PER LOCA SINGVLA IN TEM-
PLIS CONVENTVS ET ECCLE-
SIARVM AEDIFICATIO.

Euseb.
hist. Eccl.
lib. cap. 1.

QUOMODO (inquit Eusebius, de initio scribens Imperij Diocletiani) quisquam, conuentus illos infinita hominum turba frequentatos, multitudines in singulis ciuitatibus coactas, il-
lustres hominum in templis (Græcè προσευκτηρίοις) concursus,
poterit oratione explicare? Vndè quum in antiquis illis ædificijs
non satìs loci haberent, ampliores Ecclesias in vniuersis vrbibus,
fundamentis earum ad maiorem laxitatem dilatatis, erexerunt.

Niceph.
lib. 7. ca. 2.

Et ferè ijsdem verbis Nicephorus: Ostendunt id quoquè
plurimorum millium hominum in oratorijs domibus cœtus &
conuentus habiti, quæ oratoria, quum propter angustiam,
confluentem tantam multitudinem non caperent, cerne-
re erat, ex paruis initijs & fundamentis, in angusta, am-
plitudine & magnitudine admiranda, in locis
omnibus excitari atque con-
strui templa.

SACRI

SACRIFICII RITVS²²⁷ QVARTI A CHRISTO IN- CARNATO SECVLI.

D. MARCELLINI XXX. PAPAE ROMA-
NI DE SACRIFICIO NON SOLVM
DEO PATRI, SED ET FILIO IM-
MOLANDO, RESCRIPTVM.

EPISTOLAE tuae sermo (inquit D. Marcellinus ad Salomo-
nem Episcopum scribens) & commonitorij series, & libelli Marc. pa-
pa Epi. i.
tui textus eloquitur, quòd quidam errore decepti, dicunt, ideò Pa-
trem maiorem filio esse, quia illi soli sacrificium immolatur.

QUIBVS competens & congruum reddatur responsum, quia
ficut patri, ita etiam filio, non solum Christianis temporibus, ve-
rum etiam priscis temporibus à sacerdotibus, varijs multisq; modis
probamus, sacrificium fuisse oblatum.

SACRIFICIUM itaque, quod à Christianis sacris altaribus
admoetur, non solum Deo patri, sed etiam filio communi de-
votione offertur: quoniam nec patri sine filio potest offerri, neq;
filio sine patre sacrari.

DIOCLETIANI IMPERATORIS EDI-
CTVM DE ECCLESIIS DESTRV-
ENDIS, ET SCRIPTVRIS SACRIS
IGNE COMBVRENDIS.

ANNO (inquit Eusebius Caesareensis) decimonono imperij Euseb.
hist. eccl.
lib. 8. ca. 3.
Diocletiani, mense Dystro (qui à Romanis Martius nomi-
natur) quum salutaris passionis Dominicæ festum iam pro fori-
bus esset, omnibus in locis per imperatoris literas palam edictum
fuit, vt tum deturbarentur Ecclesiae, soloq; æquarentur, tum scri-
pturae absumerentur igni.

Ff 2 ET

Niceph.
Eccl. hist.
lib. 7, ca. 3.

ET Nicephorus: Primùm quidem vbiquè circumferebantur & proponebantur imperialia edicta, vt templa solo æquarentur, diuinæ scripturæ comburerentur.

CONTINUVS MINISTRORVM DEI
CVLTVS IN FAMILIA CONSTAN-
TII PATRIS CONSTANTINI
APVD GALLIAS.

Euseb. de
vita Con-
stantini
libr. 1.

OMNEM (inquit Eusebius Cæsarensis) suam familiam regi Deo consecrauit, adeò vt multitudo, quæ intrà regiam ipsam coiuerit, nihil ab ecclesiæ forma distare videretur. In qua erant Dei ministri, qui còtinuos cultus pro Imperatore etiam tum obierunt, cùm piorum hominum genus, & vero Deo inseruientium, alibi apud gentilium multitudinem ne nominari quidem absque periculo poterat.

MARTYRVM EA TEMPESTATE IN
DOMIBVS PRIVATIS, ET CAR-
CERIBVS, COLLECTAE, ET
SACRAMENTORVM CE-
LEBRATIO.

Aug. Bre-
uic. coll.
cū Dona-
tist. coll.
3. cap. 5.
& contra
Donatist.
post coll.
cap. 14.

CATHOLICI (inquit D. Augustinus) respondebant: multo faciliùs duodecim homines in domum conuenire potuissent eo tempore, quo etiam congregationes plebium fieri solebant, quanuis persecutione feruente, sicut ipsis gestis martyrum monstrabatur, qui confitebantur in passionibus suis, se Collectam & Dominicum egisse.

Ac paulò post: Nam & domum (inquit) priuatam Christianis congregandis præstitam constitit tempore persecutionis, sicut in quibusdam gestis martyrum legebatur.

ET rursùm: Commemoratum est, usq; adeò non esse incredibile, quòd in priuatam domum pauci illi Episcopi (loquitur de Epi-

Episcopis Donatistis in Concilio Cirthenſi congregatis) perſecutionis tempore conuenerant, vt ſeruente perſecutione, etiam in carcere doceantur baptizati, (ſic enim lego, pro, baptizari) & illic à Chriſtianiſ celebrata ſacramenta, vbì Chriſtiani propter eadem ſacramenta tenebantur incluſi.

EODEM TEMPORE CALICVM ET ORNAMENTORVM VSVS IN AFRICA.

DIOCLETIANO (inquit D. Auguſt.) & Maximiano ſeptiès Idem cōt. conſulibus, quartodecimo Calendas Iunij, ex Actis (ſic enim haud Crescent. dubiè legendum, pro eo quod eſt, exacti) * Simmacij Felicis fla- Grām. l. 3. c. 29. minis, perpetui curatoris Coloniae Cirthenſis: Quum ventū eſſet * Sym- ad domum, in qua Chriſtiani conueniebant, Felix flamen, perpe- machi tuus curator, Paulo Epifcopo dixit: Proferre ſcripturas legis, & ſi quid aliud habetis, vt & præcepto & iuſſioni parère poſſitis. Paulus Epifcopus dixit: Scripturas Lectores habent, ſed nos quod hīc habemus, damus. &c. Sedente itaq; Paulo Epifcopo, &c. contraſcribente Victore Aufidij in breue, (ſic nempe ſcriptum eſt) Calices duo aurei, item calices ſex argentei.

EODEM pertinet illud Optati Mileuitani: Erant Eccleſiæ ex Opt. Mileuit. cōt. auro & argento, quàm plurima ornamenta. Parm. l. 1

Et quod paulò poſt habet: Breuis auri & argenti, ſedenti Cæcilianò traditur.

TVM QVOQVE TVRONENSIS ECCLESIAE DIVINI OFFICII OCCVLTA CELEBRATIO.

QVI Chriſtiani (inquit D. Gregorius Turon.) eo tempore Greg. Turon. hiſt. Franc. l. 2. c. vlt. videbantur, occultè & per latebras diuinum officium celebrabant.

brabant. Nam si qui à Paganis reperti fuissent Christiani, aut affliciebantur verberibus, aut gladio truncabantur.

ARNOBII AFRI AETATE, SUMMA
DIVINORVM OFFICIORVM IN
CHRISTIANORVM CON-
VENTIBVS.

Arnob.
adu. gent.
l. 1.

RELIGIONES, inquiunt, (scribit Arnobius aduersus gentes) impias atq; inauditos cultus terrarum in orbe tractatis. Quid, ô participes rationis, audetis homines proloqui? quid effutire? quid promere temerarię vocis desperatione tētatis? Deū principem rerum cunctarum quęcunq; sunt, Dominum summitatem omnium summorum obtinentem adorare, obsequio venerabili inuocare, in rebus festis, totis (vt itā dixerim) sensibus amplexari, amare, suspicere, execrabilis religio est & infausta, impietatis & sacrilegij plena, cæremonias antiquitus institutas, nouitatis suę superstitione contaminans.

Ac paulopōst: Nihil aliud sumus Christiani, nisi magistro Christo summi regis ac principis veneratores: nihil, si confideres, aliud inuenies in ista religione versari. Hęc totius summa est actionis: hic propositus terminus diuinorum officiorum, hic finis, huic omnes ex more prosternimur, hūc collatis precibus adoramus: ab hoc iusta & honesta, & auditu eius condigna, deprecamur: nō quod ipse desideret supplices nos esse, aut amet substerni, tot millium venerationem videre: vtilitas hęc nostra est, & commodi nostri rationem spectans. Nam quia proni ad culpas, & ad libidinis varios appetitus vitio sumus infirmitatis ingentis, patitur se semper nostris cogitationibus concipi: vt, dum illum oramus, & mereri eius contendimus munera, accipiamus innocentie voluntatem, & ab omni nos labe delictorum omnium amputatione purgemus.

Et rursū: Ergone impię religionis sumus apud vos rei, & quod

quòd caput rerum & columen venerabilibus adimus obsequijs, vt conuicio vtamur vestro, infausti & athei nuncupamur?

DENIQUE & postea: Sed non (inquiunt, sic ego lego) idcirco dij vobis infesti sunt, quòd omnipotentem colatis Deum: sed quòd hominem natum, & (quod personis infame est vilibus) crucis supplicio interemptum, & Deum fuisse contenditis, & superesse adhuc creditis, & quotidianis supplicationibus adoratis.

ET alibi, (quantum apparet, alludens ad calumnias ethnico- Idem l. 2.
rum, de quibus supra) Argumenta vos nobis & suspicionum argutias proferetis: quibus ipse si Christus (cum pace hoc eius, & cum venia dixerim) populorum in conuentibus vteretur, quis acquiesceret? quis audiret? quis eum permetteret apertè aliquid iudicare?

ALIBI quoque paulo apertius: Nam nostra quidem scripta Idem sub
cur ignibus meruerunt dari? cur immaniter conuenticula dirui? finem l. 4.
in quibus summus oratur Deus, pax cunctis & venia postulatur magistratibus, exercitibus, regibus, familiaribus, inimicis, adhuc vitam degentibus, & resolutis corporum vinctiōe: in quibus aliud auditur nihil, nisi quod humanos faciat, nisi quod mites, verecundos, pudicos, castos, familiaris communicatores rei (itā enim legendū censeo) cum omnibus, quos solidet germanitatis necessitudine copulatio.

D. MARCELLI ROMANI PAPAE
XXXI. MISSAE.

POSTHAEC (inquiunt Notarij Romanę Ecclesię in Vita D.
vita ipsius) altare consecrauit, Tunc participati sunt omnes Marc. Pa.
corpore & sanguine Domini nostri Iesu Christi. Tom. I.
Vit. surij.

Ac postea apertius: Lucina autem rogauit sanctum Marcellū Episcopum, vt domum eius Ecclesiam consecraret. Quod cum omni deuotione fecit Marcellus Episcopus. At vbi frequenter in eadem domo Missas celebrasset in media ciuitate via Latina, & audiret hoc Maximianus, (seu potius Maxentius Augustus)

iratus

iratus præcepit, vt in eadem Ecclesia planæ sternerentur ad animalia stabulanda, & eundem Marcellum Episcopum ad seruitiū animalium deputauit cum custodia publica.

Dam. l.
Pontif. c.
31.

QVIBVS consentit Damasus: Matrona verò quædam (inquit) nomine Lucina, vidua, quæ vixerat cum viro Marco annis quindecim, & in viduitate sua habebat annos nouendecim, suscepit beatum virum, quæ & domum suam nomine tituli B. Marcelli dedicauit, vbi die noctuque hymnis & orationibus, Domino Iesu Christo confitebantur. His auditis à Maxentio, misit, & tenuit iterum B. Marcellum, & iussit in eadem Ecclesia iterum planas externi, vt ibidem animalia catabuli congregata starent, & ipsis B. Marcellus deferuiret.

D. VINCENTII DIACONI CAESAR-
AVGVSTANI, ALTARIS MI-
NISTERIVM.

Prudent.
Peristeph.
hym 5.

EXCLAMAT (inquit Prudentius) hîc Vincentius
Leuita de tribu sacra,
Minister altaris Dei,
Septem è columnis lacteis.

D. EVSEBII PAPAE XXXII. ROMANI,
IN CONCILIO STATVTVM CIR-
CA SACRIFICII CONSE-
CRATIONEM.

Burch. de
cr. l. 3. c.
99.
Iuo part.
2. c. 134.
Grat. de
cōsec. dist.
1. c. Cōsul.
to.

HIC inter cætera (inquit Decr. suorum D. Eusebius Papa c. 51. iuxta quod citatur à D. Burchardo, Iuone, & Gratiano) prædicta, consultu omnium constituimus, vt sacrificium altaris nō in Serico panno aut tincto quisquam celebrare præsumat, sed in puro lineo (vellinteo) ab Episcopo consecrato, terreno scilicet li-
no pro-

no procreato atq; cōtexto, sicut corpus Domini nostri Iesu Christi in sindone linea munda sepultum fuit.

SACRA LOCA CHRISTIANIS RESTITVTA A' MAXENTIO CAESARE INITIO SVI IMPERII.

LEGEBATUR (inquit D. Augustin.) Melciades misisse Diaconos cum literis Maxentij Imperatoris & literis Praefecti praetorij ad Praefectū vrbis, vt ea reciperent loca, quae tempore persecutionis ablata, memoratus Imperator Christianis iusserat reddi.

Aug. Bres
uic. coll.
contr. Do-
natist. col.
3. & lib.
post coll.
c. 13.

CONVENTVS ITEM CHRISTIANI DENVO PERMISSI A' GALERIO MAXIMIANO, CONSTANTINO, ET LICINIO IMPP.

MENTEM igitur (inquiunt Eusebius & Nicephorus) recoligens Galerius Maximianus, (itā enim rectius vertit Rufinus iuxta fastos Cōsulares, quā alij, Maximinus) & tanquā rediens ad se, primū Deo omnium rerū creatori se confitetur: deinde suis ad se accersitis, persecutionem contra Christianos sine dilatione sedare & comprimere iubet: lege & decreto imperatorio, ipsos Christianos templa sua exaedificare, rem maturare, consueta officia in illis facere, preces pro imperij statu fundere.

Euse. hist.
Eccl. l. 8.
c. 19. seu
29. Nicep.
l. 7. c. 22.
& 23.

EDICTI autem ipsius verba sunt ista: Nos idcirco, ad mansuetudinem nostram, & diurnam clementiae nostrae consuetudinem, qua omnibus hominibus veniam impartire solebamus, oculos conuertentes: libentissimè istud concessimus, vt homines denuò se libere Christianos profiteantur, vt aedes in quibus conuenire solent, (Græcè συνήγορον) resarciant: sic tamen, vt nihil

Gg con-

contra publicam Romanorum disciplinam moliantur. Per alias item literas iudicibus significabimus, quid ipsos obseruare oporteat. Vnde Christiani hac indulgentia à nobis concessa deuincti, debent Deo suo obnixè supplicare pro nostra, pro Reip. pro sua ipsorum salute, vt quouis modo cùm publicus rerum status integer & incolumis retineatur, tum ipsi in suis familijs absq; cura & solitudine vitam traducere queant.

Euf. l. 9.

c. 1. Ni.

ceph. dict.

l. c. 24.

Exequutionem eiusdem his verbis referunt Eusebius & Nicephorus: Istis igitur rebus hoc modo cõstitutis, derepentè in omnibus ciuitatibus, Christianorum conuentus frequentes in vnũ coalescẽtes, & crebros cõgressus, qui inter istos de more in ritibus suis obeundis fieri solent, tanquàm lumen quoddam post tenebras & noctem opacam effulgens, cernere licuit.

MELCIADIS SEV MILTIADIS XXXIII.
PAPAE ROMANI DECRETA CIR-
CA OBLATIONES IN SA-
CRIFICIO.

Ad Altare quid iuxta Apostolorum Canones
offerendum.

Burch. de.

er. l. 5. c. 7.

Iuo part.

2. c. 17.

HAE species (inquit D. Melciades Decr. c. 1. apud DD. Burchardum & Iuonem) quas non licet offerre super oblata iuxta cõstitutionem Apostolorum, eorumq; successorum, ad domũ sacerdotum deferantur, & à sacerdotibus benedicantur, & simplici benedictione benedicta, demũ à populis sumantur. Fabẽ tantũ & vna, noua spica, & oleum, & odorama ad incensum, & cetera quæ Apostoli constituerunt, super altare offerantur.

Oblationes mittantur per Ecclesias in signum com-
munionis.

Dam. l.

Pontif. c.

3.

MELCIADES fecit, (inquit Damasus) vt oblationes consecratae, per Ecclesias ex consecratu Episcopi dirigerentur.

Ac

Ac Vener. Beda: Et hic constituit, vt ex consecratu Episcopi, oblationes ob hæreticos per Ecclesias mitterentur.

Beda in
Mart. 4.
Idus Decemb.

CONSTANTINI ET LICINII IMPP.
EDICTVM, QVALE SVpra, DE
CHRISTIANORVM
LOCIS.

ITAQVE (inquiunt Imp. Constantinus & Licinius apud Niceph. l. 7. c. 41. Euf. l. 10. cap. 5.) & hoc in personam Christianorum discernentes statuimus: vt loca eorum in quibus antea conuenire soliti fuerant, (de quibus, prioribus etiam literis nostris alio tempore ad deuotionem tuam datis, formam & modum alium constitueramus) si ea aliqui vel à fisco nostro, vel à quopiam alio, emptione interueniente, comparauerint, ipsis Christianis absque pecunia & absque repetitione vlla precij dati, citra omnem cunctationem & deliberationem restituant. Quod si qui talia loca dono à quopiam acceperint, aut etiam ex liberalitate & munificentia nostra consecuti fuerint, ij ad Præfectum, cuiusque loci iudicis locum obtinentem, adeant, vt ipsorum per benignitatem nostram ratio habeatur. Atque ea loca omnia, nulla interposita mora, corpora Christianorum omninò reddi curabis.

SIMILE MAXIMINI CAESARIS IN
ORIENTE EDICTVM.

LEX autem eius (inquiunt Eusebius & Nicephorus) sub Euf. lib. 9. c. 9. seu 8. Niceph. l. 7. c. 38. iectis pro Christianis promulgata, talis fuit: Imperator Caesar C. Galerius (sic enim legendum patet ex fastis Consularibus, pro eo quod est, Valerius) Maximinus & cæt. Vt deinceps omnis causa dubitationis & timoris sublata sit, hoc edictum diuulgari statuimus, quò omnibus planè constet, ex hac nostra donatione, liberam esse potestatem illis, qui istam sectam

G g 2 & re-

& religionem sequi voluerint, eam pro arbitratu sanctè, vt eorum mos fert, & augustè excolendi. Quin etiam vt Dominica & sacras ædes reficiant, à nobis concessum est.

SACRORVM MINISTRIS IMMVNITAS CONCESSA A CONSTANTINO ET LICINIO IMPERAT.

Niceph. l.
7. c. 42.
d. iuxta
sanct. c. de
Episc. &
cler.
Euseb. l.
10. c. 7.

POSTEA QVAM (scribunt ad Anylinum Præconsulem Africæ apud Nicephorum & Euseb.) rebus multis constat, neglectam, contemptamque religionem, per quam summa sanctissimi cælestis numinis obseruantia, & reuerentia conseruatur, in gentia rebus publicis intulisse pericula: eamque ipsam legitimè atque sanctè receptam, & cultam, maximam Romano nomini felicitatem, plurimaque omnibus hominibus beneficia, diuina benignitate suppeditante, conciliasse: placitum nobis est, viros eos, qui debita sanctitate. & præcipua talium sacrorum cura ministerijs suis per egregium sacre religionis cultum funguntur, laborum suorum digna referre præmia. Quam ob causam qui intrà prouinciam tibi creditam in Ecclesia Catholica sunt, cui Cæcilianus præest, functionemque & operam suam sanctissimæ religioni præstant, quos Clericos nominare solent, eos ab omnibus prorsus muneribus immunes conseruari volumus, vt nè errore aliquo aut lapsu sacrilego à cultu, qui summo numini debetur, abstrahantur: sed potius citra omnem perturbationem, religioni sacrisque suis inseruiant: Qui sanè si cultum suum, qui longè maximus est, DEO ritè exhibeant plurimum rebus publicis videntur adferre commodi & emolumenti.

CONCL

CONCILII ELIBERINI DECRETVM,
DE ENERGVMENIS AD ALTARE
NON ADMITTENDIS.

ENERGVMENTVM (inquiunt ijdem) qui ab erratico spiritu Concil.
exagitatur, huius nomen neque ad altare cum oblatione esse reci- Eliber.
tandum, neque permittendum, vt sua manu in Ecclesia ministret. can. 29.

CONCILII ARELATENSIS I. IN CAV-
SA CAECILIANI, DE SACRIFI-
CIO, CANONES.

DE Diaconibus (inquiunt) quos agnouimus, multis in locis Concil.
offerre, placuit minimè fieri debere. Arel. 1. ca:
15, & 20.

PEREGRINO (inquiunt ijdem) Episcopo, locus sacrifican-
di detur.

CONVENTVVM SACRORVM ET SA-
CRIFICIORVM PLENA TANDEM,
LICINIO INTERFECTO, PER
CONSTANTINVM IMP. CON-
CESSA LIBERTAS.

VNA (inquit Eusebius) erat sacri spiritus virtus & potentia, Euseb. li.
quæ per vniuersa Ecclesiæ membra permeauit: vna omni- 10. cap. 3.
um mens & sententia, vna & eadem fidei propensio ac studium, seu 9. cap.
vna ex omnium ore & consentiens diuinitatis laus: perfectus eti- vlt.
am in summis Ecclesiæ Præfctis cultus & obseruantia: accurata
sacrorum mysteriorum administratio: decori Ecclesiæ ritus, in-
terdum psalmorum cantu, & cæteris hymnorum diuinitus nobis
traditorum recitationibus, nonnunquàm diuinis & mysticis my-
sterijs exequendis celebrati: erant item arcana passionis seruatoris
symbola.

Et paulò pòst, iuxta Rufini paraphrasin: Simpliciores (inquit)

Gg 3 quique

quique admirabantur & suspiciebant eos, qui per sapientiam verbi populos instruebant. Sapientes verò & eruditi viri præferebāt eos, quibus pura vita & sincera simplicitas offerendi Deo hostias, maiorem fidutiam dabat. Eisque immolandi sacrificij permittebatur officium, quos familiarior vitæ simplicitas in cordis puritate seruabat.

Burch. De
cr. l. 3. c. 5.
Iuo part.
3. cap. 7.
Concil.
Tom. 1. in
p̄fat. Do.
nat. Con-
stantini.

EODEM pertinet illud incerti Authoris, de munificentia Constantini erga Ecclesiam, quod Melchiadi Papæ perperam adscribitur à DD. Burchardo & Iuone: Vir religiosissimus Constantinus, primus fidem veritatis patenter adeptus, licentiam dedit per vniuersum orbem sub suo degentes imperio, nō solū fieri Christianos, sed etiam fabricari Ecclesias.

ET quod sequitur: Ab illo etenim tempore, & deinceps viri religiosissimi, non solū possessiones & prædia quæ possederant, sed etiam semetipsos Domino consecrârunt, ædificante basilicas in suis fundis, in honore sanctorum Martyrum per ciuitates, ac monasteria innumera, in quibus cœtus Domino seruientium cōueniret.

Ibidem
& apud
Burch. li.
3. ca. 4. ac
Iuonem
part. 3. c. 6.

ILLVD etiam: Deniquè Reges & Præfides ac magistratus, non solū hanc licentiam tribuere, sed etiam ipsi propria largiti sunt per vniuersa regna terrarum, vnde alerentur egentes, qui nihil in mundo possidebant, Ecclesiæq; Dei fabricarentur, atque restaurarentur, Deoque & Ecclesiæ eius ritè famulantibus, seruisq; illius, supplementa (vt absque necessitate essent) tribuerentur, vt hæc accipientes, possent (secundū monita Apostoli) orationes, postulationes, obsecrationes, gratiarumq; actiones facere, pro omnibus hominibus, pro regibus, & qui in sublimitate sunt, vt quietam & tranquillam vitam habeant.

Damas.
Pontif.
cap. 34.

EODEM etiam spectant, quæ latè deducit Damasus in vita Diui Syluestri Papæ, de diuersis altaribus, calicibus, & patinis, alijsque donarijs aureis & argenteis, donatis ab eodem Constantino.

stantino, in vsum Basilicarum Romanarum, Constantinianæ, siue Lateranensis: S. Petri, sancti Pauli, sanctæ Crucis in Hierusalem, sanctæ Agnetis, sancti Laurétij, & sanctorum Petri ac Marcellini, ab eo recens erectarum, & à D. Sylvestro postmodum consecratarum.

ITEM quod de portatili Ecclesia Constantini Imper. in hæc Niceph. l. 7. cap. 46. verba scribit Nicephorus: Et quum in imperiali palatio suo templum construxit, tum portatilem Ecclesiam aliam fieri sibi curauit, quæ, ubicunquè locorum esset, & maximè in bello, circumferri posset, vt ne in solitudine quidem agens, vbi opus esset, Deumq; colere, & diuina mysteria participare deberet, ædibus sacris careret, ad quam veluti ad tabernaculum semper præstò fuere sacerdotēs & diaconi, sine intermissione mysteria diuina, iuxta statas Ecclesiæ cæremonias, obeuntes.

D. SYLVESTRI PAPAE ROMANI
XXXIII. DECRETVM DE ALTARI-
BUS LAPIDEIS, ET OBLATIO
INCRVENTA.

SYLVESTER Pontifex (inquit Martinus Polonus) quum staterit ubiquè in Ecclesijs haberi altaria lapidea, in prædicta Martinus Polon. ad ann. 315. tamen Ecclesia (nempe Lateranensi) non erexit altare lapideum, sed ligneum antè habitum stabiliiuit.

DE eius autem oblatione incruenta sic habet D. Simeon Metaphrastes: Peraçto, quod præstitutum erat, ieiunio, Petrus summus Apostolorum, huic sanctissimo patri apparet in somnis, iubens vt ex sacerdotibus & Diaconis ab eo assumerentur ij, quos vocabat nominatim, & cum illis veniret ad ingressum spelûcæ, & illic Deo incruentū offerret cultum: deindè sic subiret per eos, q̄ sunt in ipsa, gradus. Dicensq; vt alloqueretur Draconem q̄ dicebatur, & portas Simeon Metaphr. in vita Sylvestri. ha-

habebat in ore, præcepit vt clauem ferret manibus, & nomine Domini Iesu Christi inuocato, ad se portas traheret, & in adaptatos annulos clauem iniiceret : & quum clausisset, diceret : Hæc dicit Apostolus Petrus : Hæ portæ non aperiuntur vsque ad, vespere carentem & horribilem, diem iudicij. Atque hæc quidem sic nocturnè mandata fuerant sancto Syluestro ab Apostolo. Is autem, vt iussus fuerat, & cultum peregit, & descendit.

EIVSDEM IN CONCILIO ROMANO DECRETA, CIRCA ALTARIS SACRIFICIUM.

A. Non nisi in lineo panno sacrificium celebrandum.

A&. Cœc. Roman. Tom. I. **H**IC (habent Acta Concilij Romani) inter cætera prædicta omnium consultu constituit in Synodo, vt sacrificium altaris non in Serico panno aut tincto quisquam celebrare præsumeret, sed in puro lineo ab Episcopo consecrato, è terreno scilicet lino procreato atque contexto, sicut corpus Domini nostri Iesu Christi in sindone munda sepultum fuit.

Dam. Põtif. ca. 34. **Q**UOD ijsdem penè verbis Damasus repetit.

Beda in Marty. vi. Decemb. **V**EN. etiam Beda : Constituit vt Ecclesiæ & altaris sacrificium in sindone linea celebraretur.

Hrab. de instit. cleric. lib. I. cap. 33. **H**RABANVS Maurus : Corporalis (inquit) pallium ex lino puro textum esse debet, & non ex Serico vel purpura, neque ex panno tincto, sicut à Syluestro Papa institutum inuenimus : quia in Euâgelio legitur, Sindone munda inuolutum esse à Ioseph corpus Saluatoris, & sudarium capitis eius post resurrectionem Domini, non cum linteaminibus positum, sed seorsum inuolutum inueniri.

VALAFRIDVS deniq; Strabus de rebus Eccl. c. 24. Marianus Scotus, Martinus Polonus in Chronic. & Radulphus Tungenfis de Can. obseru. ca. vlt.

B. Vt

B. Vt dalmaticis Diaconi in Ecclesia vtantur.

IDEM constituit, (inquit Damasus) vt Diaconi dalmaticis in Damas. Ecclesia vterentur, & palla linoftima læua eorum tegeretur. loc. cit.

REPERITVR id decretum Concilij Romani Can. 6. in hæc Cōci. Rō. can. 6.
verba: Diaconi non sint plūs vel ampliūs per Parochiarum exa-
men, nisi duo, & Diaconi Cardinales vrbis Romæ septem: ita ta-
men, vt dalmaticis vterentur, & palla linoftima læuam eorum te-
gerent.

EIVS meminit & Ven. Beda: Constituit & dalmaticas in Ec- Beda lo. co cit.
clesia, & vt palla linoftima (hoc enim ibi adiiciendum) eorum læ-
ua tegeretur, scilicet Diaconorum.

ET latius Alcuinus: Vfus dalmaticarum à B. Syluestro Papa Alc. de diu. offic.
institutus est: nam antea colobijs utebantur. Colobium verò est
vestis sine manicis. Significat autem in eo quod est, sine manicis,
vnumquenque fidelem exercitatum esse debere ad bona opera ex-
ercenda. Cum ergò nuditas brachiorum culparetur, vt diximus, à
B. Syluestro dalmaticarum repertus est vfus.

LOCIS deniq; citatis Vualafrius, Marianus Scotus, Martinus
Polonus, & Radulphus Tungrensis.

C. Vasa sacrata nullus Ostiarius, aut Lector, contingat, nul-
lus etiam acolytus rem sacratam porrigat alijs.

NVLLVS (inquit in eadem Synodo D. Syluester) Lector Cōc. Rō. c. 9. Burch. Decr. lib. 5. cap. 34. luo part. 2. cap. 7.
vel Ostiarius vasa sacrata contingat, nullus acolytus rem
sacratam à Presbytero (sic enim legunt castigatiūs DD. Burchar-
dius & Iuo) alijs porrigat, quia aliud est minister, aliud adfistens: ni-
si tantum supportet, quod ei sacerdos imposuerit ore suo bene-
dictum.

D. Non nisi in sacratīs locis Missæ celebrentur.

HIC etiam (inquiūt Acta eiusdē Cōcilij) in memorata Syn- Cōc. Rō. Act. quæ supra.
odo cōstituit oīm cum consensu, vt nullus presbyter Missas

Hh

celebrare præsumat, nisi in sacris ab Episcopo locis, qui sui particeps de cæterò voluerit esse sacerdotij.

De cōsecr. Quod iisdem verbis repetit Gratianus.

dist. 1. ca.
Nullus
Presbyter
Missas.

Beda hist.
Angl. lib.
1. cap. 8.

ECCLESIAE BRITANNICAE SACRA EO TEMPORE.

VBI (inquit Ven. Beda) turbo persecutionis quieuit, progressi in publicum fideles Christi, qui se tempore discriminis, syluis ac desertis abditisve speluncis occultauerant, renouant Ecclesias ad solum usque destructas, Basilicas sanctorum Martyrum fundant, construunt, perficiunt, ac veluti victricia signa passim propalant, dies festos celebrant, sacra mundo corde & ore perficiunt. Mansitque hæc in Ecclesijs Christi, quæ erant in Britannia, pax usque ad tempora Arrianæ vefaniæ.

CONCILII ARELATENSIS II. DECRE- TVM CIRCA CORPORIS DOMI- NI MYSTERIVM.

Concil.
Arelat. 2.
can. 15.

IN secretario (inquiunt Patres) Diacono inter Presbyteros sedere non liceat, vel corpus Christi, præsentem Presbytero, tradere non præsumat. Quod si fecerit, ab officio Diaconatus abscedat.

D. MARCI PAPAE XXXV. ROMANI DE- CRETVM DE SYMBOLO NICENO IN MISSA CANTANDO.

Marti. Po-
lō. Chron.
ad ann.
338.

MARCVS (inquit Martinus Polonus) constituit, ut symbolum alta voce in Missa cantaretur.

ET latius Radulphus Tungrensis: Symbolum (inquit) Nicenum, id est, Credo in vnum Deum, sanctus Marcus natione Romanus, successor Syluestri, qui cepit anno Domini CCC. XXXIX. vel XL. statuit, ut post Euangelium in Ecclesia alta voce dicatur.

CON.

CONSTANTINI IMPERATORIS EDI-
CTVM ADVERSVS HAERETICOS,
NE ALIBI, QVAM IN ECCLESIA
CATHOLICA, CONVENTVS
FIANT.

CONTRA hæreticos (inquiunt Zozomenus & Nicephorus) Zozom. l. 2. cap. 30. Niceph. l. 8. cap. 32.
legem tulit imperator, mandauitque vt templa ipsis adime-
rentur, Ecclesijsq; adiungerentur, & neque in ædibus priuatorum,
neq; in loco publico conuentus haberent. Quinetiam illis exposu-
it, quòd præstaret cum Ecclesia Catholica communicare, atque ad
eam accedere hortatus est. Hac lege promulgata, istarum sectarum
memoria magna ex parte deleta est. Nam dum superiores regna-
rent imperatores, omnes qui Christum colebant, tametsi opinio-
nibus dissentirent, tamen eodem in numero ac loco habebantur
à gentilibus, & pari ratione torquebantur, nec poterant præ com-
munibus calamitatibus curiosè in se ipsi inquirere. Et propterea
singuli seorsum per se facilè in vnum conuenire, conuentus agere,
crebrò in mutuum venire colloquium solèt: & licèt essent nume-
ro pauci, non tamen disiuncti sunt. At hac lege sancita, hæretici
propter Episcopos & clericos, qui eos assiduè obseruabant, facul-
tatem minimè habuerunt vel palàm, vel in occulto conuentus
peragendi. Qua de causà complures eorum admodum perterriti,
se Ecclesiæ Catholicæ addixerunt. Alij autem, qui in eadem per-
stabant sententia, quoniam neque in vnum conuenire permissi
erant, neque poterant sine metu suæ opinionis fautores docere,
idcirco nullis suæ sectæ successoribus post se relictis, è vita exi-
uerunt.

D. FELICIS NOLANI PRESBYTERI
MYSTERIORVM CONFECTIO.

APVD Nolam Campaniæ (inquit Ven. Beda) beati Felicis Beda in Marty. 19. Cal. Febr.
Presbyteri. Hic à Maximo (sic enim legendum haud dubiè,
Hh 2 pro

pro Maximiano) Nolanæ vrbis Episcopo, presbyterij honore prelatus est. Qui quum multa à perfidis pro nomine Christi patetur, volentibusque omnibus eiusdem vrbis, vt Episcopus * leuaretur, non consensit, sed alterum eligens ad Pontificatus honorem, ipse duodecim post annos, cessante persecutione, Dominica die mysterijs confectis, data pace omnibus, se in pauimentum oraturus proiecit: moxque beati viri anima de carnis ergastulo egressa, felicia regna ipse verè Felix conscendit.

Paul. Nol.
Nat. Fe.
lic, 3.

HINC est & illud D. Paulini Nolani:

Te prius, alma pio celebrans altaria cultu

Presbyter, instituit, placido & moderamine rexit.

D. IVLII ROMANI PAPAE XXXVI.
STATVTVM DE IIS QVAE IN
SACRIFICIO OFFERENDA
SVNT.

Burch. de-
cr. li. 5. c. 1.
Iuo part.
2. c. 2. Gr.
de cōsecr.
dist. 2. c. 7.
Microl.
cap. 19.

QVVM omne crimē (inquit D. Iulius Papa Epistola ad Episcopos Aegypti, iuxta quod citat à DD. Burchardo ac Iuone, Gratiano item ac Micrologo) atq; peccatū, oblati Deo sacrificijs, deleatur: quid deceterò pro expiatione delictorum domino dabitur, quandò in ipsa sacrificij oblatione erratur? Audiui-
mus enim quosdam, schismatica ambitione detentos, contra diuinos ordines & Apostolicas institutiones, lac pro vino in Diuinis sacrificijs dedicare: alios quoque intinctam Eucharistiam populis, pro completamento communionis porrigere: quosdam etiam expressum vinum, in sacramento Dominici calicis offerre: alios verò pannum lineum musto intinctum, per totum annum referuare, & in tempore sacrificij partem eius aqua lauare, & sic offerre: quod quàm sit Euangelicæ & Apostolicæ doctrinæ contrarium, & consuetudini Ecclesiasticæ aduersum, non difficile
ab

ab ipso fonte veritatis probatur, à quo ordinata ipsa sacramentorū mysteria processerunt. Cū enim magister veritatis, verum salutis nostræ sacrificium suis commendaret discipulis, non illis lac, sed panem tantū & calicem, sub hoc sacramento cognoscimus dedisse. Legitur enim in Euangelica veritate: Accepit Iesus panem & calicem, & benedicens, dedit discipulis suis. Cesset ergo lac * sacrificando offerri, quia manifestum & euidens exemplum veritatis Euangelicæ illuxit, quod præter panem & vinum aliud offerri non liceat. Illud verò, quod pro complemento communionis, intinctam tradunt Eucharistiam populis, nec hoc prolatum ex Euangelio testimonium receperunt, vbi Apostolis suum corpus commendauit & sanguinem. Seorsum enim panis, & seorsum calicis commendatio memoratur. Nam intinctum panem, alijs Christum præbuisse non legimus, excepto illo tantum discipulo, quem intincta buccella Magistri proditorem ostenderet, non quæ sacramenti huius institutionem signaret. Nam quod de expresso botro, id est, de vuarū granis populus communicatur, valde est omnino confusum: sed si necesse sit, botrus in calice comprimatur, & aqua misceatur: quia calix Dominicus, iuxta Canonum præcepta, vino & aqua permixtus debet offerri, quia videmus populum in aqua intelligi, in vino verò ostendi sanguinem Christi. Ergo cū in calice vino aqua misceatur, Christo populus adunatur, & credentiū plebs, ei in quem credit, copulatur & iungitur: quæ copulatio & coniunctio aquæ & vini, sic misceatur in calice Domini, vt mixtio illa non possit separari. Nam si vinum tantum quis offerat, sanguis Christi incipit esse sine nobis: si verò aqua sit sola, plebs incipit esse sine Christo. Ergo quando botrus solus offertur, in quo vini * efficacia tantum designatur: salutis nostræ sacramentum negligitur, quod aqua significatur. Non enim potest calix Domini esse aqua sola, aut vinum solum, nisi vtrunque misceatur. Et ideo, quia iam ex hoc plurima & multiplex Maiorum manauit sentē-

H h 3 tia,

tia, omnis deinceps talis error atque praesumptio cessare debet, ne peruerforum & inordinata compago, statum veritatis eneruet. Et ideo nulli deinceps erit licitum, aliud in sacrificijs diuinis offerre, nisi iuxta antiquorum sententiam conciliorum, panem tantum & calicem vino & aqua permixtum. De caetero aliter, quam praecceptum est, faciens, tam diu a sacrificando cessabit, quando legitima poenitentiae satisfactione correctus, ad gradus sui officij redeat, quod amisit.

Eiusdem testimonium de Catechumenis, ab Oblatione excludi solitis.

D. Athan.
Apol. 2.
contra Ar-
rianos.

EX istis (inquit idem Epistola ad Episcopos Arrianos Antiochiae congregatos, inserta operibus D. Athanasij) rationibus Athanasij facile colligebamus, fieri non potuisse, ut qui morbo post ostium decumbebat, in sacris constiterit, & oblationem confecerit: nec oblationem proponi potuisse, cum intus catechumeni versarentur, quibus intus adhuc agentibus, tempus oblationis nondum esse potuit.

ROMAE EO TEMPORE D. ATHANASII EPISCOPI ALEXANDRINI SYNAXES.

Idē Apol.
1. ad Cōst.
Imp.

PROFECTVS sum (inquit idem D. Athanasius) Alexandria, non ad castra fratris tui, aut alium quempiam, sed Romam duntaxat, me meaque Ecclesiae commendaturus. Ea enim mihi vnica cura fuit: quo tempore multus eram in synaxibus celebrandis.

Idē Apol.
2. supradicta.

EODEM pertinet illud eiusdem de Concilio Romano: Romanae Presbyter Viton, plures episcopos quam quinquaginta in Concilium adduxit, ubi & nostra defensio recepta fuit, nosque digni habiti sumus communione & agape.

AQVI

AQVILEIENSIVM SYNAXIS, CVI CON-
STANS IMP. INTERFVIT.

QVINIMMO (inquit idē Athanasius) frater tuus piæ me- Idem A.
moriæ, in huiusmodi templo quum Aquileiæ synaxis habe- Pol. 1.
retur, ipse quoque eò se contulit.

S. LIDORII TVRONENSIS EPISCO-
PI PRIMAE IN EA VRBE BA-
SILICAE ERECTIO.

SECVNDVS (inquit D. Greg. Turonensis) anno Imperij Greg. Tu-
Cōstantis I, Lidorius ordinatur episcopus. Hic ædificauit ec- ron. hist.
clesiam primā intrā urbem Turonicā, quum iam multi Christiani Franc. l.
essent, primāq; ab eo ex domo cuiusdā Senatoris basilica facta est. 10. c. 31.

LIBERII XXXVII. PAPAE ROMANI,
S. PAVLINI TREVERORVM, AC
OSII CORDVBENSIS, EPI-
SCOPORVM SYNAXIS.

PACATA (inquit Ioco à Theodoro citato D. Athana- Athan. A.
sius) Ecclesia, populoque in sacris synaxibus orante, Liberius pol de fu-
Romanus Præsul, & Paulinus Galliarum Metropolitanus, alijque ga sua.
boni & præclari Episcopi, veritatis præcones, aguntur, raptantur, & Theodo. l.
in exilium mittuntur. De magno etiam & grauissimæ ætatis vi- 2. hist. Ec-
ro, eodemque Confessore Osio, qui verè ὁσιος est, superfluum ar- clef. c. 15.
bitror mentionem facere, quum nullus fortasè sit, qui cognitum
non habeat, eum ab ipsis quoque in exilium missum.

EODEM pertinet, quòd alibi idem D. Athanasius, dictos Libe- Idem sub
rium Papam & Osum, Italos quoque, Gallos, Hispanos, & Aphri- finē Apol.
canos Episcopos, in exilium à Constantio missos, suos nuncupat 2. contra
sacrorum comministros. Arrian.

HINC

Theodor.
1. 2. c. 16. Hinc est & illud Liberij Papæ in Dialogo cum Imp. Cōstan-
tio apud Theodoretum : Noli (inquit) Episcoporum manu iniu-
riam vindicare, quam Deus non ad eiusmodi facta, sed ad sancti-
ficationem constituit.

D. EVSEBII VERCELLENSIS, ET LV-
CIFERI CARALITANI EPISCO-
PORVM SYNAXES.

Athanas.
Tom. 12.
ad Antioch.
VERE nobis (inquit qui suprā D. Athanasius, epistola ad
ipsum Antiochiam scripta) sacrorum comministri, ubi sole-
tis conuentus agere, ista iubebitis promulgari. Ibi demque omnes
qui pacem amant, inter se concilientur, ac deinde ubi cōciliati fue-
rint, ubicunque populis videbitur, præsente quoque vestra huma-
nitate, synaxis celebretur, & Dñs publicè ab omnibus glorificetur.

EORVMDEM, ALIORVMQUE EPI-
SCOPORVM CONSTANTIA, IN NON
ADMITTENDIS AD SOLENNIA
SECVM CELEBRANDA
ARRIANIS.

Lucifer
Caral. lib.
de non cō-
ueniendo
cum hære-
ticis.
QVVM pacem (inquit Lucifer lib. 4. ad Imp. Constantium
Arrianū) semper habuerit Ecclesia, & vos atq; omniū secta-
rum hæreticos semper abiecerit, quomodò vobiscum potueramus
conuenire ad Deum adorandum?

3. Reg. 13. ET paulopost : Si homini Dei eunti in Bethel hoc repræsē-
tatum est, cur manducasset panem, & potum sumpsisset aquæ in lo-
co prophano apud alienigenas, vt à leone interficeretur in via:
quid nobis repræsētatum fuisset, si vobiscum Arrianis, precem fu-
dissemus, si denique * passos nos fuissetemus, omnia quæ celebramus
Domini sacerdotes, cum pseudoepiscopis Arrianis tuis celebrare?

Ac rursū: Quomodò esset vobis & nobis vnus loci con-
uenticulum,

uenticulum, cùm audias item Dauid dicere in Psalmo sexto, Discedite à me, qui operamini iniquitatem?

POSTEA deniquè apertiùs: Si cibum vobiscum iubemur non sumere, credideras potuisse catholicos conuenire cum hæreticis, ad solennia cuncta celebranda vobiscum erraticis: vobiscum, per diaboli venenum ad omnem deductis ebrietatem, esse potueramus Dei cultores?

EA DE CAUSA IN D. DIONYSIVM
MEDIOLANENSEM EPISCOPVM AD
ALTARE IN SANCTIS SANCTO-
RVM, AC TOLOSÆ IN IPSVM
CHRISTVM MISSAE
MANVS.

MEDIOLANENSEM (inquit D. Hilarius l. ad eundem Constantium 3. qui perperam primo loco ponitur) pijs-
mam plebè, quam tu furore terroris tui turbasti, tribuni tui adie-
runt sancta sanctorum, & viam sibi omni per populum crudelitate
pandentes, protraxerunt de altario sacerdotes. Leuiùs te putas, sce-
leste, Iudæorum impietate peccasse? Effuderunt quidem illi Za-
chariæ sanguinem, sed quantum in te est, concorporatos Christo, à
Christo discidisti.

Hilar. Pis-
taur. l. 3.
ad Con-
stant.

Ac paulopòst: Quos tu deindè in Ecclesiam Tolosanam ex-
ercuisti furores? clerici fustibus cæsi, diacones * plumbo elisi, & vt
sanctissimi mecum intelligunt, in ipsum Christum manus missæ.

* plumbæ
tis

EANDEM OB CAUSAM A CONSTAN-
TIO IMP. ARRIANO, CATHOLICORVM CONVEN-
TVS PROHIBITI, ET ECCLESIAE EREPTAE.

CONSTANTIVS (inquit D. Athanasius epistola ad
monachos de persecutione Arrianorū) in gratiam hèreseos,

Athan. E-
pist. ad so-
litarios.

Ii Episco.

Episcopos in exilium eiicit: populos verò, dum prohibet conuentus celebrari, à meditatione pietatis precibusq; ad Deum summo-
 1. Reg. 22. uet ac depellit: Rursùs, vt Saul Nobam ciuitatem sacerdotù euer-
 tit, ita & iste eius sceleris magnitudinem superans, Ecclesias Domi-
 ni hæreticis tradit.

Lucif. de Sic & Lucifer l. 3. ad Constantium: Manassès (inquit) omni-
 Regib. A- bus idolis seruiendum esse mandauit, recedendum verò à Deo.
 postat. Non ergò erit mirandum, si tibi vindicasti ædes, in quas colligere
 4. Reg. 21. fumus soliti Dei populum.
 2. Pa. 33.

Rufin. Ec- Eodem pertinet illud Rufini: Ea tempestate facies Ecclesiæ
 clef. hist. l. fœda & admodum turpis erat. Ara nusquàm, nec immolatio, nec
 1. c. 21. libamina,

ARIMINENSIS CONCILII PATRVM
 CATHOLICORVM, AD CONSTAN-
 TIVM LEGATIO, VT EPISCOPIS
 REDITVS ET DIVINI OFFI-
 CII PERMITTATVR CE-
 LEBRATIO.

Athan. de NE deinceps (inquiunt epistola ad Constantium apud D.
 Aët. Syn. Athanasium, Theodoretum & Nicephorù) nos itineris la-
 Arim. bore affligi, atq; alienos longeq; disitos à parœcijs nostris esse per-
 Theod. 1. mittas: sed vt episcopi potius cù populo suo in pace sacris epulis &
 2. c. 19. rebus diuinis vacare possint, pro tua salute, imperio & pace, orâtes.
 Niceph. 1. 9. c. 39.

D. HILARII PICTAVORVM EPISCO-
 PI SACRA MYSTERIA.

A. Eius hymnorum & mysteriorum libri.

Hier. ca- EST eius (inquit D. Hieronymus) & liber hymnorum, & my-
 tal. scrip. steriorum alius.

Hrab. de DE quo & Hrabanus Maurus: Hilarius (inquit) Gallus episcopus,
 instit. cler. Pictauis genitus, eloquëtia conspicuus, hymnorù carmine primus
 1. 2. c. 49. floruit,

ITEM

ITEM Concil. Tolet. 4. A nōnullis (inquit) hymni magno studio, in laudem Dei atque Apostolorum & Martyrum triumphos, compositi esse noscuntur, sicut sunt hi, quos beatissimi doctores Hilarius atque Ambrosius ediderunt.

QVAE ipsa verba citat Vvalafridus Strabus, de reb. Eccl. c. 25.

B. Hymnus, Gloria in excelsis, ab eodem auctus.

INCIPIT deinde sacerdos, (inquit D. Alcuin⁹) Gloria in excelsis Deo, Hymnum in natiuitate Saluatoris ab angelis decantatum: sed à B. Hilario Pictauiēsi postea auctum & consummatum.

C. Mysteria per eum ad altaria celebrata.

HILARIVS (inquit D. Fortunatus) olim mysterijs deputatus, aliquandò sacris altaribus sacerdos electus est.

D. Conuentus in Ecclesiam ad secretam Sacramentorum religionem.

CONVENTVS Ecclesiarū (inquit ipse D. Hilarius) siue templi, quos ad secretam sacramentorum religionem adificiorum septa concludunt, consuetudo nostra vel domum Dei solita est nuncupare, vel templum: scriptura quoque vel prophetica, vel Apostolica, ad demonstrationem locorum, his est vsa nominibus.

EODEM pertinet illud eiusdem ad Constantium Imperat. lib. Idem. li. 1. qui perperam secundo loco ponitur: Verentes igitur illi (loquitur de Valente & alijs Arrianis Episcopis in Synodo Mediolanensi) populi iudicium, è Dominico ad palatium transeunt.

E. Diuinorum mysteriorum concelebratio, & pro Imperatoribus preces.

PERMITTAT (inquit ad Constantium ibidem) lenitas tua populis, vt quos voluerint, quos * putauerint, quos elegerint, audiant docentes, & diuina mysteriorum solennia concelebrant, & pro incolumitate & beatitudine tua offerant preces.

F. Inter Diuinorum sacramentorum officia,
Cantus & Responsa.

Idem in
Psal. 65.

AVDIAT (inquit idem alibi) orantis populi, consistens quis extra Ecclesiam, vocem, spectet celebres hymnorum sonitus, & inter diuinorum quoque sacramentorum officia, responsionem deuotæ confessionis accipiat. Necesse est terreri omnem aduersitatem, & bellari aduersus diabolum, vinctus; resurrectionis fide mortem, tali exultantis vocis nostræ (vt dictum est) iubilo. Sciat hoc Deo placitum esse, hoc spei nostræ testimonium publicas victricesque exultationis nostræ voces personare: Quarum Prophetia non negligens est, loco alio memorans: Circuiui & immolaui in tabernaculo eius hostiam iubilationis. Et ne inanem iubilationis huius doctrinam atque obseruantiam crederemus, alibi protestatur: Beatus populus qui scit iubilationem.

Psal. 26.

Psal. 88.

G. Statio & eleuatio manuum.

Idem in
Psal. 133.
* frequentia,

STANDVM est ergo (inquit alio loco) in domo Domini, quia benedictio statium placeat, & statium in domo illa sancta & cælesti Hierusalem, & angelorum * frequentium, ad quam, per hanc Ecclesiæ & conuentus nostri domum, scanditur.

* precandum

ET paulopost: Eleuandæ manus sunt in sancta, non ad * prædicandum & orandum tantum, sed etiam ad operandum.

Idem in
Psal. 67.

H. Sacerdotum sanctificatio mysterij.

AD Ecclesiæ (inquit idem) decus detracta ab diabolo gētium spolia diuiduntur, atque etiam ex his spolijs domus pulchritudo perficitur, cum in sacerdotes Dei ad mysterij sanctificationem, ab aris templisque dæmonum abstrahuntur.

I. Osculum & sacerdotum benedictio.

Idem li. 3.
ad Const.

OSCULO (inquit li. 3. ad Constantium) sacerdotes excipis, quo & Christus est præditus: caput benedictioni submittis, vt fide calces.

Idem in
Psal. 132.

EODEM pertinere videtur illud eiusdem: Benedictiones enim sola largitur Ecclesia.

Com-

L. Communio populo per presbyteros.

EPISCOPVS (inquit idem l. 2. ad Constantium, qui non re- Idē l. 2. ad
ctē 3. loco collocatur) ego sum, in omnium Gallicarū Eccle- Constant.
fiarum atque Episcoporum communione, licet in exilio perma-
nens, & Ecclesiæ adhuc per Presbyteros meos communionem dis-
tribuens.

IVLIANI APOSTATAE IMPERATO-
RIS CONATVS, AD TOLLENDAS
CHRISTIANORVM SYNAXES.

QVÆCUNQVE Ecclesiæ (inquit Nicephorus) suppete- Niceph.
bant vasa sacra & donaria, ea abstulit, & in idolorum delu- li. 10. ca. 5.
bris reposuit.

CONSILIVM QVE eius fuit, (eodem teste) vt statas solitasq; Ibid. c. 20.
multitudinis synaxes, ducibus eorum sublatis, tolleret. Itā enim
fore arbitratus est, vt neque conuentus agere, neque docere, nobis,
multo verò minùs de rebus diuinis participare, mysticaque & ar-
cana sacra peragere, facile esset: & vt diuturniore tempore, in obli-
uionem etiam religionis nostræ prorsùs perueniremus.

OMNEM etiam mouit (vti idem scribit) funem, vt Græco- Ibid. c. 21.
rum mores ad nostra instituta accommodaret. Itaque in idolo-
rum templis fieri curauit subsellia & primarios suggestus: insti-
tuit lectiones & doctrinas, quæ tamen Græcis dogmatibus innite-
rentur: prætereà sacerdotes & lectores more nostro, item certas
certarum horarum & dierum preces.

QUOD in hæc verba repetit Zozomenus: At verò quum ex- Zozom.
istimaret religionem Christianam, maximam ex vita & moribus lib. 5. ca. 15.
eorum, qui eam sequebantur, commendationem consecutam,
instituit animo delubra gentilium tum apparatu, tum ordine re-
ligionis Christianæ adornare: subsellijs prætereà & primarijs sedi-
bus, doctoribus lectoribusq; gentilis doctrinæ & exhortationum,

Ii 3 quin-

quinetiam precibus in certas horas diesq; præscriptis, monasterijs item virorum & mulierum, qui sapientiæ studio se dicauerant, collegijs etiam peregrinorum & pauperum, reliqua deniq; in egētes benignitate, religionem Gentilem nobilitare.

EO TEMPORE DONATISTARVM
FVROR IN CATHOLICORVM
CONVENTVS, ET ALTARIVM
AC CALICVM CONFRA-
CTIO.

Opt. Mi-
leuit. lib.
2. contra
Parmen.

BASILICAS (inquit ad illos D. Optatus Mileuitanus) inuasistis, & quum altare defenderent Diaconi Catholici, regulis plurimi cruentati sunt, duo occisi sunt.

Ac paulò post: Vt omnia sacrosancta suprâ memorati vestri Episcopi violarent, iusserunt Eucharistiam canibus fundi, non sine signo diuini iudicij. Nam iidem canes accensi rabie, ipsos Dominos suos, quasi latrones, sancti corporis reos, dente vindice, tâquàm ignotos & inimicos lanauerunt.

POSTEA quoquē: Exorcizastis & laulistis sine causa parietes.

ET iterum: Quid (inquit) iniquius, quàm exorcizare Spiritum sanctum, altaria frangere, Eucharistiam animalibus proijcere?

Ibid. li. 6.

RVRVM alibi: Quid est em̃ (inquit) tam sacrilegum, quàm altaria Dei (in quibus & vos aliquandò obtulistis) frangere, radere, remouere? In quibus vota populi, & membra Christi portata sunt: Quo Deus omnipotens inuocatus sit. Quò postulatus descendit spiritus sanctus: vndè à multis pignus salutis æternæ, & tutela fidei, & spes resurrectionis accepta est. Altaria, inquam, in quibus fraternitatis munera non iussit Saluator poni, nisi quæ essent de pace condita. Depone (inquit) munus tuum ante altare, & prius concorda cum fratre tuo, vt possit pro te sacerdos offerre.

Matt. 5.

offerre. Quid est enim altare, nisi sedes & corporis & sanguinis Christi? Hæc omnia furor vester aut rasisit, aut fregit, aut remouit. Quid perditorum conductam multitudinem, & vinum in mercedem sceleris datum? Quod vt immundo ore sacrilegis haustibus biberetur, calida de fragmentis altarium facta est. Si liuoris iudicio nos (sic enim lego, pro, non) vobis sordidi videbamur, quid vobis fecerat Deus, qui * illic inuocari consueuerat? Quid vos offenderat Christus, cuius illic per certa momenta corpus & sanguis habitabat? Quid vos offendistis etiam vosipsi, vt illa altari frangeretis, in quibus ante nos per longa temporum spatia, sancti (vt arbitrabamini) obtulistis? Dum impiè persequimini manus nostras, illic vbi corpus Christi habitabat, feristis & vestras. Hominem Iudæos estis imitati. Illi iniecerunt manus Christo in cruce: à vobis percussus est in altari. Si Catholicos illic insectari voluistis, vel vestris illic antiquis oblationibus parceretis. Ille modò superbus inuentus es, vbi iamdudum humilis offerebatur. Ibi libenter peccas, vbi pro multorum peccatis orare consueueras. Hoc faciendo, in numerum sacrilegorum sacerdotum libenter intrastis, sociati sceleribus prophanorum, de quibus apud Dominum Helias propheta querelam deponit. His enim locutus est verbis, quibus & vos inter alios ab ipso accusari meruistis: Domine, inquit, altaria tua confregerunt. Dum dicit, Tua: indicat, quia res est Dei, vbi Deo aliquid à quocunque oblatum est. Sufficeret insanix vestrae, quòd membra laniastis Ecclesiae, quòd DEI populos iamdudum in vnitatem positos, vestris seductionibus diuistis. Inter hæc omnia vel altaribus parceretis. Cur vota & desideria hominum cum ipsis altaribus euertistis?

3. Reg. 19.
Rom. 11.

Et postea: Hoc (inquit) immane facinus geminatum est, ibidem. dum fregistis etiam calices, Christi sanguinis portatores. Quorum species reuocastis in massas, mercem nefarijs nundinis pro-

curan-

curantes, ad quam nec emptores eligere voluistis sacrilegi, dum inconsideratè vendidistis. Passi estis etiam comburi manus vestras, quibus ante nos eosdem calices tractabatis. Eam rem tamen passim vendi iussistis. Emerunt forsitan in usus suos sordidae mulieres. Emerunt pagani, facturi vasa, in quibus incenderent idolis suis. O scelus nefarium: o facinus inauditum: auferre Deo quod idolis praestes. Subducere Christo, quod proficiat sacrilegio.

Ibidem.

IAM illud (repetit iterum postea) quale est, quod in multis locis etiam parietes lauare voluistis, & inclusa spatia falsa aqua adspergi (sic enim lego, pro, & spargi) praecipistis. Dicite, quid vobis fecerat locus, quid ipsi parietes, ut ista paterentur? An quia illic rogatus est Deus? An quia illic laudatus est Christus? An quia illic inuocatus est spiritus sanctus?

Ibid. sub finem.

AD hoc (denique inquit) basilicas inuadere voluistis, ut vobis solis coemeteria vindicetis, non permittentes sepeliri corpora Catholica.

DONATI HAERETICI OBLATIONVM CATHOLICARVM CONTEMPTVS.

Idem lib. 3. contra Parmen.

DE aliorum (inquit idem D. Optatus de Donato Carthaginiensi) oblationibus nunquam est dignatus accipere: ut solus secretò nescio quid ageret, & postea cæteris perfunctoriè misceretur.

IOVINIANI IMPERATORIS CONVENTVVM ECCLESIASTICORVM RESTITVTIO.

Zozom. lib. 6. c. 3. Niceph. l. 10. cap. 39.

IMPERATOR (inquiunt Zozomenus & Nicephorus) Iovinianus, experientia edoctus, diuina vindicta Iulianum grauius malis afflictum esse, ad omnes ubique Praefectos scripsit, ut cunctos liberè rem diuinam facere, cōuentus cogere, & Deum ex animo

mo

mo colere, paterentur, & vt vna in imperio Romano obseruaretur fides & religio, Christianorum videlicet. Iuraque pristina Ecclesijs reddidit. Et quaecunque clero, viduis & virginibus dudum à Constantino & filiis eius, diuini cultus augendi gratia, concessa, legibusque firmata: à Iuliano autem, propter summum eius in fidem nostram odium, pessimo consilio adempta & accisa fuerant, priuilegia & beneficia restituit.

D. DONATI EPISCOPI ARETINI MISSAE.

APVD Tusciam (inquiunt Ven. Beda, & Ifuardus) ciuitate Aretio, natalis B. Donati Episcopi & martyris, qui tentus est tempore Iuliani Imperatoris. Cuius meminit beatus Gregorius, quod fractum calicem orando restaurarit.

Beda, &
Ifuard. in
Martyr.

ET latius Ado: Quumque die quadam Missam celebrasset populo, & de corpore Christi ac sanguine ipsius populus venerabiliter recrearetur, Diaconus quidam nomine Antimus, tradebat sacrum sanguinem Christi, qui subito paganorum impulsu cecidit, & sacrum calicem comminuit. Vnde valde tristis tam ipse, quam populus Christi efficitur. Cuius tristitiam Dominus per beatum Donatum ilico releuauit. Nam collecta sunt fragmenta Domini calicis, & beato viro allata. Quæ flens ille suscipiens, oratione facta, vas in pristinam formam restaurauit.

Ado ibid.
ad 7. Idus
August.

ANTE hos quoque D. Gregorius Papa: Virtutem Donati imitatus est, qui fractum calicem pristina incolumitati restituit.

Greg. Dial. lib. 1.
cap. 7.

ROMAE ID TEMPORIS AD MEMORIAS SANCTORVM OBLATIO.

APOSTOLVS ait, (inquit D. Optatus Mileuitanus de Macrobio Donatista) Memorijs sanctorum communicantes,

Opt. Mileuit. li. 2.
contra

K k

Eccè Parmen.

Eccè præsentes sunt Romę duorum memoriæ Apostolorum. Dicitur, si ad has ingredi potuit, vt obtulerit illis, vbi sanctorum memorias esse constat.

D. DAMASI PAPAE ROMANI XXXVIII.
CIRCA MISSAE CELEBRATIONEM STATUTA.

A. Altaris & Ecclesiæ dedicatio.

Damas.
Epist. De
cret. 4.

CHOREPISCOPI (inquit D. Damasus) nec altare erigere liceat, nec vngere, aut sacrare, nec ecclesias dedicare.

B.

Psalmorum cantus ante sacrificium.

Lib. Pont.
tif. de vita
Damas.

HIC constituit (inquit liber Pontificalis) vt Psalmi die noctuq; canerentur per omnes Ecclesias, qui hoc præcepit presbyteris, Episcopis, ac monasterijs.

Vualaf.
Strab. de
eccl. offic.
cap. 25.

QUOD iisdem penè verbis Vualafrius Strabus: Damasus (inquit) constituit, vt psalmi die noctuq; canerentur per omnes Ecclesias vel monasteria, & præcepit hoc Episcopis & Presbyteris.

Marian.
Scot. hist.
libr. 2.

ITEM Marianus Scotus: Damasus Papa 38. post Petrum, constituit, vt die noctuq; canerentur Psalmi per omnes Ecclesias.

Beda, A.
do, Vsu.
ard. in

ET Beda, Ado, & Vsuardus: Hic constituit vt Psalmi die noctuq; canerentur per omnes Ecclesias.

Martyr. 3.
idus Dec.
sigebert.

SIGEBERTVS deniquè: Instituit etiam in Ecclesia Psalmos die noctuq; cantari.

in Chron.
ad ann.
Dñi 382.

QUI omnes haud dubiè alludunt ad verba D. Hieronymi, quæ subsequuntur.

C.

Psalmis additum, Gloria Patri &c.

Hier. epi.
ad Dam.
Tom. 1.
Concil.

PRECATOR (inquit Diuus Hieronymus) cliens tuus, vt vox ista psallentium in sede tua Romana, die noctuq; canatur, & in fine psalmi cuiuslibet, siue matutinis vel vespertinis horis, coniungi præcipiat Apostolatûs tui ordo: Gloria patri, & filio,

filio, & spiritui sancto: Sicut erat in principio, & nunc, & semper, & in secula seculorum, Amen. Istud carmen laudis, omni Psalmo coniungi præcipias, vt fides 318. Episcoporum Niceni Concilij, in vestro ore pari consortio declaretur.

QVOD confirmat Albinus Flaccus: Gloria (inquit) Patri, & Filio, & Spiritui sancto. Quæ verba ad diuisionem Psalmodum, qui prius indifferenter canebantur, B. Hieronymus, Damasus Papa petente, composuit. Sed quum nequaquam id sufficeret, prædicto Apostolico iterum suggerente, addidit adhuc: Sicut erat in principio.

Alb. Flac.
de diuina.
offic.

ET rursùm Sigebertus: Damasus (inquit) Papa instituit rogatu Hieronymi dicere in Ecclesia in fine Psalmodum: Gloria Patri, &c. Sicut erat in principio.

sigeb. vbi
suprà.

ITEM Radulphus Tungrensis: Gloria Patri, Nicena Synodus composuit: sed Damasus Papa ad Psalmodum cantari censuit.

Radulph.
de canon.
obseru.
cap. vlt.

ET iisdem penè verbis Martinus Polonus ad annum 370.

D. Epistolæ & Euangelij lectio.

PETRO (inquit idem Diuus Damasus ad Hieronymum) tuam charitatem, vt sicut à rectore tuo Alexandro Episcopo nostro didicisti, Græcorum psallentiam ad nos dirigere tua fraternitas delectetur: quia tantæ apud nos simplicitatis indago est, vt tantum in die Dominica, Apostoli epistola vna recitetur, & Euangelij capitulum vnum dicatur: & nec psallentium mos tenetur, nec hymni decus in ore nostro cognoscitur.

Damas.
epistol. 2.
Decr.

QVOD rectius explicat Vualafrius Strabus: Videtur (inquit) non alias lectiones ante Euangelium fuisse tunc positas, nisi tantum Apostoli Pauli, quas solum nominauit, qui gesta Pontificum scripsit, cum Antiphonarum mentionem subiunxit: Quod antè non fiebat, nisi tantum Epistola beati Pauli Apostoli legabatur, & sanctum Euangelium. Quod etiam sanctus Damasus Papa ad Hieronymum scribens, penè iisdem verbis ostendit. Et for-

Vualafri.
de reb eccl.
ca. 22.

Kk 2 tasis

tasis inprimis solius Pauli lectiones eo loco legebantur: Postea autem omnibus latius augmentatis, aliae lectiones, non tantum de nouo, verum etiam de veteri (prout festorum ratio poscebat) intermixtae sunt testamento.

Radulph.
loco cit.

Et rursum Radulphus Tungrensis: Beatus (inquit) Hieronymus presbyter Cardinalis Epistolas & Euangelia, ut hodie habet Ecclesia, collegit & ordinauit, ut in libro qui Comes dicitur, habetur, & ipse ait scribens ad Constantium Episcopum. Et Damasus Papa, ut nunc moris est, legi censuit.

E.

Alleluia.

Hieron.
ubi supra.

VBI (inquit ad D. Damasum D. Hieronymus) Deus & homo honorabili voce praedicatur, Alleluia semper cum omnibus Psalmis affigatur, ut in omni loco communiter respondeatur nocturnis temporibus. In Ecclesia autem, a sancta resurrectione usque ad * sanctum Pentecosten finiatur: inter dierum vero spatia quinquagesimae, propter nouitatem sancti Paschae, ut vox ista laudis canatur.

Greg. 1. ad
Ioan. sy-
racul. A-
mal. de
offic. eccl.
lib 4. c. 33.

EUNDem locum citat D. Gregorius Papa 1. epist. citata ab Amalario: Ut Alleluia hic diceretur, (inquit) de Hierosolymorum Ecclesia, ex B. Hieronymi traditione, tempore beatae memoriae Damasii Papae, traditur tractum.

F.

Symboli Constantinopolitani recitatio.

sige. ad
ann. Do-
mini 688.
Rupert.
de diuin.
offic. cap.
21. lib. 2.

DAMASVS Papa (inquiunt Sigebertus & Rupertus) instituit, Credo in vnum Deum, solennibus diebus cantari, ex decreto sanctae secundae vniuersalis Synodi, a 150. Episcopis Constantinopoli celebratae.

Quod latius repetit Radulphus Tungrensis: Deinde (inquit) eiusdem symboli forma, quam Graecorum & Latinorum confessio praedicat, & quam post Nicenum Concilium sancti Patres tradiderunt in sancta & vniuersali Synodo secunda, apud Constantinopolim

polim celebrata tempore B. Damasi Papæ, circa annum Domini 387. idem sanctus Papa in solennibus diebus ad Missam cantari instituit.

G. Populi salutatio & exhortatio.

NEC liceat (inquit idem D. Damasus) Chorepiscopis, Epi- ^{Damaf. Epist. Decr. 4.}
scopo coram posito, populum docere, aut salutare, aut exhortari.

H. Pœnitentium reconciliatio.

NEC publicè quidem (inquit de iisdem ibidem) in Missa ^{Ibid.}
pœnitentem reconciliare.

I. Corporis & sanguinis Domini confectio.

NEC etiam (inquit de iisdem) præsentem Episcopo, nisi eo ^{Ibid.}
iubente, sacramentum corporis & sanguinis Domini conficere illis liceat.

EODEM pertinet illud eiusdem: Sacerdotum, qui proximiores ^{Dam. Epist. Decr. 3.}
Deo sunt, & proprio ore corpus Domini conficiunt.

EIVSDEM IN CONCILIO ROMANO DECRETVM DE OBLATIONIBVS.

HANC consuetudinem, (inquiunt apud Gratianum) quæ ^{Gratian. 10. 4. 1. c. Hanc.}
contra sanctam Ecclesiam Catholicam agere videtur, omnino interdici-
mus, ut nullo modo, villo unquam tempore, oblationes quæ intrâ sanctam Ecclesiam offeruntur, sub dominio laicorum detineantur, sed tantummodò sacerdotibus, qui quotidie Domino seruire videntur, illis solis liceat comedere & bibere: quia in veteri Testamento prohibuit Dominus panes sanctos comedere filijs Israel, nisi tantummodò Aaron & filijs eius, qui longè erant ab istis panibus, qui nunc in sancta ecclesia offeruntur, quia illi sub umbra legis erant: Qui verò modò sub gratia sunt Spiritus sancti, toti mundo, Euangelio coruscante, lucidiores esse videntur.

Kk 3 D. OPTA.

D. OPTATI EPISCOPI MILEVITANI, SACRIFICII RITVS.

A. Altarium solennis aptatio.

Opt. cont.
Parmen.
lib. 3.

DICEBATVR (inquit D. Optatus) illo tempore venturos esse Paulum & Macarium, qui interessent sacrificio, vt quum altaria solennia aptarentur, proferrent illi imaginem (Cæsaris nempe statuum, vt rectè interpretatur Fr. Balduinus) quam primò in altari ponerent, & sic offerretur sacrificium.

B. Altare linteamine coopertum.

Ibid. l. 6.

QVIS fidelium (inquit idem alibi) nescit, in peragendis mysterijs ipsa ligna linteamine cooperiri? Inter ipsa sacramenta velamen potuit tangi, non lignum.

Ibid.

EODEM pertinet quod paulopòst: Exerfistis (inquit) cum codicibus pallas. Nisi fallor, has purificare properastis, lauitis proculdubiò pallas.

C. Vini vsus in sacrificio.

Ibid. l. 3.

NAM & vinum (inquit alio loco) à peccatoribus operarijs & calcatur, & premitur, & sic indè Deo sacrificiù offertur.

D. Populi statio.

Ibid. l. 4.

POPVLVS (inquit idem) in Ecclesia sedendi non habet potestatem.

E. Communis Oratio.

Ibid. l. 3.

CONTRA (inquit idem) sub Macario cōmouebantur oēs, vt Deus vnus pariter in Ecclesia ab omnibus rogaretur.

F. Oratio ad Patrem per filium.

Ibid.

PAGANVM (inquit ibidè) vocas eum, qui Deum patrè per filium eius ante aram rogauerit?

G. Lectionum recitatio.

Ibid. l. 6.

POLLVTOS (inquit idem) vocas, quia furtiuas vobiscum non legimus lectiones, aut negate vos alienas lectiones legere, si potestis: vt quid audetis Epistolas, ad Corinthios scriptas, legere,

gere, qui Corinthijs communicare noluitis? Vt quid ad Galatas, ad Thessalonicenses scriptas recitatis, in quorum communione non estis?

Et postea: An quia vobis absentibus, illic Prophetæ & Evangelia sancta recitata sunt?

Ac alibi: Per loca singula diuinum sonat vbiq̃ præconium. Non silent ora Lectorum. Manus omnium, codicibus plenæ sunt.

H. Ritus sacrificiorum solennis.

VISA est (inquit idem) puritas, & ritu solito solennis consuetudo perfecta est. Cum viderent diuinis sacrificijs, nec mutatum quicquam, nec additum, nec ablatum. Ibid. l. 3.

I. Oblatio pro Ecclesia vna.

IAM & mendacium vestrum (inquit contra eosdem) hoc loco iuste damari potest, quo quotidie à vobis sacrificia coniunguntur. Nam quis dubitet, vos illud legitimum in Sacramentorum mysterio præterire non posse? Offerre vos Deo dicitis pro Ecclesia, quæ vna est: hoc ipsum mendacij pars est, vnam te vocare, de qua feceris duas. Et offerre vos dicitis pro vna Ecclesia, quæ sit in toto terrarum orbe diffusa. Quid si unicuique vestrum dicat Deus: Quid offeres pro tota, qui non es in tota? Ibid. l. 2.

K. Oratio pro Imperatoribus.

IAM tunc (inquit de Donato Carthaginiensi) meditabatur contra Ibid. l. 3.
tra præcepta Apostoli Pauli, Potestatibus & Regibus iniuriam facere, pro quibus, si Apostolum audiret, quotidie rogare debuerat. Sic enim docet B. Apostolus Paulus: Rogate pro Regibus & Potestatibus, ut quietam & tranquillam vitam cum ipsis agamus. 1. Tim. 2.

L. Corporis & sanguinis Domini in altari præsentia.

QUID enim est altare, (inquit loco supra citato) nisi sedes corporis & sanguinis Domini? Ibid. l. 6.

Et

ET paulopòst: Quid vos offenderat Christus, cuius illic per
 *habebat? certa momenta corpus & sanguis *habitabat?

M. Orationis Dominicae recitatio.

Ibid. l. 2.

ET ENIM (inquit alibi) inter vicina momenta, dum manus
 imponitis, & delicta donatis, mox ad altare conuersi, Do-
 minicam orationem prætermittere non potestis. Et utique dici-
 tis: Pater noster, qui es in cælis, dimitte nobis debita & peccata
 nostra.

Ibid. l. 3.

ET rursum: Nobis (inquit) & vobis vna est conuersatio, & si
 litigant hominum mentes, non litigant sacramenta. Vnum Deum
 rogamus, Dominica Oratio apud vos & nos vna est.

N. Pax vobiscum, in sacrificio recitatum.

Ibid.

ET non potuistis (inquit ad eosdem) prætermittere, quod le-
 gitimum est. Utique dixistis, Pax vobiscum: Cùm Deus
 contrà, pax, & ubi pax? Hoc est dicere, Quid salutas, de quo non
 habes? Quid nominas, quod exterminasti? salutas de pace, qui non
 amas.

D. MARTINI TVRONENSIS EPISCO- PI MISSARVM SOLENNIA.

seuer. Sul-
 pit. Dial.
 2. de vita
 s. Mart.

MARTINVM (inquit Seuerus Sulpitius) vsque in eam
 horam, qua solennia populo agi consuetudo deposceret, in
 Secretario sua solitudo cohibebat. Ergò hoc secretum beati viri
 pauper ille captans, cùm ei Archidiaconus dare tunicam distulif-
 set, irrupit, dissimulatum se à clerico querens, ac algere deplorans.
 Nec mora: sanctus, paupere non vidente, intrà amphibalum sibi
 tunicam latenter educit, pauperemque contextum discedere iu-
 bet. Dein paulopòst Archidiaconus ingressus admonet, pro con-
 suetudine expectare in Ecclesia populum, illum ad agenda Missa-
 rum solennia debere procedere. Cui ille respondens, ait: Pauperem
 priùs (de se autem dicebat) oportere vestiri, se ad Ecclesiam non
 posse

posse procedere, nisi vestem pauper acciperet. Diaconus verò nihil intelligens, quia extrinsecus indutum amphibalo, veste nudum interiùs non videbat, postremò pauperem non comparere causatur. Mihi (inquit) vestis quæ parata est, deferatur: pauper non deerit vestiendus. Arctatus demùm clericus, & necessitate compulsus, iamque felle commotus, è proximis tabernis nigerrimam vestem, breuem atque hispidam, quinque comparatam argenteis rapit, atq; ante Martini pedes iratus exponit. En (inquit) vestem, sed pauper hîc non est. Ille nihil motus, iubet eum paulùm stare pro foribus, secretum utique procurans, dum sibi vestem nudus imponeret, totis viribus elaborans, vt posset occultum esse, quod fecerat. Sed quandò in sanctis viris latent ista quærentibus? Velint, nolint, cuncta produntur. Cum hac igitur, oblaturus sacrificium Deo, veste procedit. Quo quidè die (mira dicturus sum) cum iam altarium, sicut est solenne, benediceret, globum ignis de capite illius vidimus emicare, ità vt in sublime contendès, longiùs columnam, crinemq; flamma produceret.

Quo d ipsum occasione similis miraculi repetitur à D. Gregorio Turonensi, in hæc verba: Pro instructione credentium, narrare aliqua nõ pigebit, qua scilicet se virtus B. Martini reuelatione reuelauit, ità vt appareret multis ignitus globus ille terribilis, qui quondam eo solennia celebrante, emerferat paucis visibilis, à capitis arce prorumpens.

Greg. Turon. de Glor. Cõs. fess. c. 20.

Ac paulopòst: Ingredientibus autem nobis, subitò repleuit cellulam illam fulgor terribilis. ità vt præ timore & splendore nimio, adstantium oculi clauderentur. Discurrebat autem per totam cellulam, tanquàm fulgur, non paruum nobis ingerens metum. Nec quisquam scire poterat quid hoc esset, nisi quòd omnes pauore prostrati, solo iacebant. Tunc ego: Nolite, inquam, timere, virtus est enim sanctorum, quam cernitis. Præsertim autem rememoramini librum vitæ beati Martini, & recolite, qualiter verba

Ll

sacrata

sacrata promenti, de capite globus ignis egressus, usque ad caelos visus est conscendisse. Ideò nē terreamini, sed ipsum nos cum sanctis reliquijs credite visitasse.

Seuer. Sulpit. Dial. 3. ET rursūm (narrante eodem Seuero Sulpitio) testatur Arborius ex praefecto, vidisse se Martini manum sacrificium offerentis, vestitam quodammodò nobilissimis gemmis, luce micare purpurea, & ad motum dexteræ, collisarum inter se fragorem audisse gemmarum.

D. AMBROSII MEDIOLANENSIS EPISCOPI MISSA, ET EOD- DEM SPECTANTIA.

A. Templorum dedicatio ad sacrificium.

*Ambr. sub
finem ex-
hort ad
Virg.*

TE nunc precor (inquit D. Ambrosius, oratione de dedicatione Ecclesiæ SS. Vitalis & Agricola) vt supra hanc domū tuam, supra hæc altaria, quæ hodiè dedicantur, supra hos lapides spirituales, quibus sensibile tibi in singulis templum sacratur, quotidianus praesul intendas: orationesq; seruorum tuorum, qui in hoc loco funduntur, diuina tua suscipias misericordia. Fiat tibi in odorem sanctificationis omne sacrificium, quod in hoc templo fide integra, pia sedulitate defertur. Et cum ad illam respicis, hostiam salutarem, per quam peccatū mundi huius aboletur, respicias etiā ad has pia hostias castitatis.

B. Idque cum reliquijs Martyrum.

*Idē epist.
85.*

QV V M basilicam (inquit alibi) dedicasset, multi tanquam vno ore interpellare coeperant, dicentes: Sic in Romana basilica dedices? Respondi, faciam, si Martyrum reliquias inuenero.

C. Eorundem ornatus.

*Idē offic.
l. 2. c. 21.*

MAXIME (inquit idem) sacerdoti conuenit, ornare Dei templum decore congruo, vt etiam hoc cultu aula Domini resplendeat.

D. Sa-

D. Sacerdotium consecratio per Manûs impositionem.

MANVS verò (inquit) impositiones, verba sunt mystica, q- Idem in 1.
bus cõfirmatur ad hoc opus electus, accipiens authoritatem Tim. c. 4.
teste cõscientia sua, vt audeat vice Domini sacrificiũ Deo offerre.

E. Eorum, aliorumq; sacrificij ministrorum continentia.

INOFFENSVM (inquit) exhibendum & immaculatum Idẽ Offic.
ministerium, nec vllò coniugali coitu violandum cognoscitis, l. i. c. 30.
qui integro corpore, incorrupto pudore, alieni etiam ab ipso cõsor-
tio coniugali, sacri ministerij gratiam recepistis. Quod eò non præ-
terij, quia in plerisq; additioribus locis cùm ministerium gererët,
vel etiam sacerdotiũ, filios susceperũt, & id tanquàm vsu veteri de-
fendũt, quandò per interualla dierũ sacrificium deferebatur: & ta-
men castificabatur etiam populus per biduum aut triduum, vt ad
sacrificium purus accederet, vt in veteri testamento legimus: Et la- Exod. 19.
uabat vestimenta sua. Si in figura tanta obseruantia, quanta in veri-
tate? Disce sacerdos atque Leuita, quid sit lauare vestimenta tua, vt
mundum corpus celebrandis exhibeas sacramentis. Si populus sine
ablutione vestimentorum suorum prohibebatur accedere ad ho-
stiam suam, tu illotus mente pariter & corpore, audes pro alijs sup-
plicare? audes pro alijs ministrare?

F. Vasa aurea ad sacrificium initiata.

QVVM esset propositum, (inquit) vt Ecclesiæ vasa iam tra- Idẽ Orat.
deremus, hoc responsi reddidi: Me, si de meis aliquid posce- in Auxen-
retur, aut fundus, aut domus, aut aurum, aut argentum: id tium.
quod mei iuris esset, libenter offerre: templo Dei nil posse decerpe-
re, nec tradere illud, quod custodiendum, non tradendum, accepe-
rim. Deindè consulere me etiam imperatoris saluti, quia nec mihi
expediret tradere, nec illi accipere.

E T alibi: Nos (inquit) aliquandò in inuidiam incidimus, qui Idem l. 2.
confregerimus vasa mystica, vt captiuos redimeremus. c. 28. offic.

A c paulopòst: Aurum habet Ecclesia, non vt seruet, sed

Ll 2 vtero-

vt erogat, & subueniat in necessitatibus.

Et rursum: Sanè si quis deriuat emolumenta, crimen est: Sin verò pauperibus erogat, captiuum redimit, misericordia est. Nemo enim potest dicere, cur pauper viuit? Nemo potest queri, quia captiui redempti sunt: nemo potest accusare, quia templum Dei ædificatum est: nemo potest indignari, quia humandis fidelium reliquijs spatia laxata sunt: nemo potest dolere, quia in sepulturis Christianorum requies defunctorum est: In his tribus generibus vasa Ecclesiæ etiam initiata, confringere, conflare, vendere licet. Opus est vt de Ecclesia mystici poculi forma non exeat, nè ad vsus nefarios, sacri calicis ministerium transferatur. Ideò intrà Ecclesiam primùm quæsitæ sunt vasa, quæ initiata non essent, deindè comminuta, postremò conflata, per minutas erogationes dispensata egentibus, captiuorum quoquè precijs profecerunt. Quòd si desunt noua, & quæ nequaquam initiata videantur: in huiusmodi vsus, quos suprà diximus, arbitror omnia piè posse conuerti.

G. Ecclesiæ conuentus ad sacrificium.

Idè Apol.
Dauid c.
17.
Cant. 8.

MVR I (inquit) Hierusalem, Ecclesiarum conuentus sunt, toto orbe fundati. Ecclesia enim dicit: Ego murus, & vbera mea turris. Et benè muri Hierusalem, Ecclesiarum conuenticula sunt: quoniam quisquis bona fide atque opere ingreditur Ecclesiam, fit supernæ illius ciuis & incola ciuitatis; quæ descendit de cælo. Hos muros, lapidum ædificat structura viuorum. Videns igitur Hierusalem veram & Sion, dixit: Cùm direxeris in voluntate tua Hierusalem & Sion, tunc acceptabis sacrificium iustitiæ: hoc est, sacrificium corporis Christi.

Idè offic.
l. i. cap.
33.

ET alibi: Augetur beneuolentia cœtu Ecclesiæ, fidei consortio, initiandi societate, percipiendæ gratiæ necessitudine, mysteriorum communione.

H. In ijs silentium & reuerentia.

AN

AN quicquam indignius est, (inquit) quàm oracula diuina circumstrepì, nè audiàntur, nè credantur, nè reuelentur? circumsonari sacramenta confusis vocibus, vt impediatur oratio, pro salute deprompta omnium, cùm gentiles idolis suis reuerentiam tacendo deferunt? Vndè illud exemplum proditur: Alexandro sacrificante Macedonum rege, puerulum barbarum, qui ei lumen accenderet, excepiisse ignem brachio, atque adusto corpore, manifeste immobilem, nec dolorem prodidisse gemitu, nec tacito poenam indicasse fletu. Tanta in puero barbaro fuit disciplina reuerentiæ, vt naturam vinceret: atque ille non deos, qui nulli erant, sed regem timebat. Quid enim timeret eos, quos si idem ignis contigisset, arfissent? Quid, quòd quidam in conuiuio patris adolescens iubetur, nè meretricios amores indicijs insolentibus prodat? Et tu in ministerio DEI virgo, gemitus, excreatus, tussis, risus abstine. Quod ille in conuiuio potest, tu in ministerio Dei non potes? Vocis virginitas prima signetur, claudat ora pudor, debilitatem excludat religio, instituat consuetudo naturam. Virginem mihi prius grauitas sua nunciet, pudore obuio, gradu sobrio, vultu modesto, & prænuncia integritatis anteeant signa virtutis. Non satis probabilis virgo est quæ requiritur cùm videtur. Frequens sermo est, cùm plurima ranarum murmura religiosæ auribus plebis obstrepent, sacerdotem Dei præcepisse, vt conticescerent, ac reuerentiam sacræ deferrent orationi: tunc subito circumfusus strepitus quieuisse. Silent igitur paludes, homines non silebunt? Et irrationale animal per reuerentiam recognoscit, quod per naturam ignorat: hominum tantam esse immodestiam, vt plerique deferre nesciant mentium religioni, sed deferunt aurium voluptati?

1.

Inclinatio quoquè & prostratio.

VENIT quis (inquit) in Ecclesiam, dum honorem affectat sub Imperatoribus Christianis: simulato metu orationem se fingit deferre, inclinatur, & solo sternitur, qui genu mentis non

Idem in
Psal. 118.
serm. 20.

L1 3

flexe-

flexerit: Videt illum homo, & Christianum putat: videt hominem orantem suppliciter, & credit: sed Deus audit negantem.

K.

Infideles ab oblatione excludendi.

Idem lib.
7. in Luc.
cap. 9.

QUAE lector (inquit) agnoscis, infidelis intelligere non debet: non quod cibis imperetur aut potus, sed sacrae oblationis veneranda communio reueletur. Non ergo interdictum est muneris, sed religionis mysterium, communionem nobis cum gentibus mortuis non futuram.

L.

Intra cancellos sacrificij celebratio.

Theodor.
li. 5. ca. 17.

THEODOSIUS Imperator (inquit Theodoretus) quum dona, uti solebat, obtulisset, intus prope cancellos mansit. At rursus magnus ille Ambrosius non conticuit quidem, sed locorum differentiam eum docuit. Ac primum sciscitatur, ecqua re egeret: Et cum respondisset Imperator, se expectare diuinorum mysteriorum perceptionem, significauit illi per primarium Diaconum, qui ei ministrabat, ad loca interiora solis sacerdotibus aditum patere, eademque alijs omnibus inaccessa esse, nec debere tangi. Iubet igitur ut exeat, & cum reliquis laicis consistat. Nam purpura, (inquit) imperatores, non sacerdotes, efficit. Quam admonitionem itidem excepit lubens Imperator fidelissimus: responditque se non animi confidentia inductum, mansisse intra cancellos, sed hanc consuetudinem Constantinopoli didicisse. Quare habeo (inquit) etiam pro hac medicina gratiam.

Zozom.
hist. eccl.
l. 7. ca. 24.

ET post eum Zozomenus: Moris (inquit) erat, ut Imperatores dum sacris interessent, in sacrario federent, Maiestatis ergo a populi consortio separati. Ambrosius autem considerans eam consuetudinem vel ex assentatione, vel ex ordinis inscitia esse natam, Imperatori in Ecclesia locum assignauit ante sacrarij cancellos, ita ut populum Imperator, Imperatorem sacerdotes ordine sedis antecederent. Hanc autem optimam constitutionem Theodosius Imperator approbavit, & successores eius corroborauerunt, ac nos

eam

eam ex eo vsque tempore conseruatam cernimus.

NICEPHORVS quoq;: Dono (inquit) ex consuetudine oblationis, intra sacros cancellos permanfit, in sanctiore sacerdotum loco, ubi antiquitus Imperatores confiftere mos erat, propter dignitatis sublimitatem, à plebe segregatos. Quam rem quòd Ambrosius adulationis magis, quàm ordinis recti, esse putabat, Imperialis quoq; stationis locum, ità vt par erat, in ordinem suum redegit, pro tabulatis seu cancellis sacrarij sede illi designata: vt Imperator honoratiorem quidem præ populo stationem haberet: præ illo autem, sacer ordo locum sublimiorem obtineret. Eum ordinem vt optimum Theodosius tum laudauit, posteri quoq; confirmârunt: qui indè ad hæc vsq; tempora seruat. Niceph. eccl. hist. li. 12. c. 41.

Ac paulò pòst: Postquàm in sacrarium ingressus est Theodosius, blandè eum, si quid vellet, Ambrosius interrogauit. Ille verò se ibi diuinorum mysteriorum perceptionem expectaturum esse respondit, Antistes, primario diacono internuncio vsus, ei significauit, sacrarium interius à solis adiri sacerdotibus: reliquos autem omnes se aditu eius abstinere, Exeūdum igitur sibi esse, & in communi cum alijs loco standum esse: Purpuram Imperatores, non sacerdotes, facere dicens. Imperator diuinus, illi rursùm renunciari iussit, non temeritate se adductum, sed consuetudinem quæ Constantinopoli seruaretur, sequutum, intra sacrarij cancellos venisse. Magnas verò eo etià nomine de tali institutione se illi gratias agere. Ibidem.

M.

Ad altare sacrificij oblatio.

Nec prius (inquit Paulinus Mediolanensis presbyter) ad altare accedere voluit, nisi fide sua Imperator illum agere debere testaretur. Cui Episcopus: Ergò ago fide tua. Respondit Imperator: Age fide mea. Qua sponsione iterata, iam securus peregit, sacerdos diuina mysteria. Paulinus in vita Ambr.

Eodem pertinet illud D. Ambrosij. Ministerium altaribus Christi, non obsequium hominibus, deferendum recepimus. Ambr. li. Offic. 1. cap. 26.

Et

Idē l. 4. de
sacr. ca. 12.

ET quod alibi dicit: Forma Corporis Christi, altare est, & corpus Christi est in altari.

Idē l. 5. ca.
2. de sacr.

Ac postea in eodem opere: Quid est enim altare, nisi forma corporis Christi?

Idem
Epist. 85.

MVLTO etiam apertius id ipsum inculcat, dum de martyribus agit, sub altari sepultis: Succedant (inquit) triumphales victimae in locum ubi Christus hostia est. Sed ille super altare, qui pro omnibus passus est: isti sub altari, qui illius redempti sunt sanguine. Hunc ego locum praedestinaueram mihi. Dignum est enim, ut ibi requiescat sacerdos, ubi offerre consuevit. Sed cedo sacris victimis dexteram portionem: locus iste martyribus debebatur. Condamus ergo reliquias sacrosanctas, & dignis aedibus inuehamus, totumque diem fida deuotione celebremus.

N.

Altaris compositio.

Idē de ijs
qui myst.
initiatur,
cap. 8.

VENIT igitur (inquit idem) plebs, & videns sacrosanctum altare compositum, exclamans ait: Parasti in conspectu meo mensam.

Idem lib.
de sacr.
4. cap. 3.

ET alibi: Venisti ad altare, vidisti sacramenta posita super altare.

O.

Vsitatum iam tum illud, Introibo ad altare Dei.

Idem de
ijs myst.
init. c. cit.

HIS abluta (inquit) plebs, diues insignibus, ad Christi contendit altaria, dicens: Et introibo ad altare Dei, ad Deum qui laetificat iuuentutem meam. Depositis enim inueterati erroris exuijs, renouata in aquilae iuuentutem, caeleste illud festinat adire conuiuium.

Idem l. 4.
de sacr. c. 2.

ET alio loco: Veniebas ergo desiderans, utpotè qui tantam gratiam videras: veniebas desiderans ad altare, quo acciperes sacramentum. Dicit anima tua: Introibo ad altare Dei, ad Deum qui laetificat iuuentutem meam. Deposuisti peccatorum senectutem, sumpisti gratiae iuuentutem. Hoc praestiterunt tibi sacramenta caelestia.

P. Suffi-

P. Suffitus altarium.

VT IN AM nobis quoquē (inquit) adolentibus altaria, sacrificium deferentibus, adfistat angelus, immò præbeat se videndum. Idem in Luc. ca. 1.

Carminum & hymnorum diuinorum concentus.

CONSIDERATE, (inquit) cuius Maria soror Moyfi, speciem tunc gerebat. Nonne Ecclesię, quę religiosos populi cœtus, qui carmina diuina concinerent, immolato virgo spiritu copulauit? Idem li. 1. de Virg.

Et alibi: Aures tuas (inquit) non penetrabat hymnorum spiritualium cantus. Idem ad virg. laps.

Ac rursum: Nihil incantatores valent aduersus Ecclesiam, ubi quotidie Christi canticum decantatur. Idem li. 4. Exā. ca. 8.

APERTIVS quoque: Hęc est enim symphonia, quādò concinit in Ecclesia diuersarum ætatum atque virtutum velut variarum chordarum indiscreta concordia. Psalmus respondetur: Amen dicitur. Hęc est symphonia, quam sciuit & Paulus, & ideo ait: Psallam spiritu, psallam & mente. Idē li. 7. in Luc. c. 15. 1. Cor. 14.

ATQVE hoc est, quod de sacrificij cæremonijs loquens, dicit: Laus Deo defertur. Idē. l. 4. de sacr. ca. 4.

EODEM pertinet illud D. Augustini: Quantum (inquit) fleui in hymnis & canticis tuis, suaue sonātis Ecclesię tuę vocibus commotus acriter: Voces illę influebant auribus meis, & eliquabatur veritas tua in cor meum, & ex ea æstuabat indē affectus pietatis, & currebant lachrymę, & benē mihi erat cum eis. Non longē cœperat Mediolanensis Ecclesia genus hoc consolationis & exhortationis celebrare, magno studio fratrum concinentium vocibus & cordibus. Nimirum annus erat, aut non multo ampliùs, cū Iustina Valentiniani regis pueri mater, hominem tuum Ambrosium persequeretur hęresis suę causā, qua fuerat seducta ab Arrianis. Excubabat pia plebs in Ecclesia, mori parata cum Episcopo suo, seruo

M m tuo,

tuo. Tunc hymni & psalmi vt canerentur secundum morem Orientalium partium, nè populus mœroris rædio contabesceret, institutum est: & ex illo in hodiernum retentum, multis iam ac penè omnibus gregibus tuis, & per cætera orbis imitantibus.

Ambr.
Orat. ad
popul. de
Auxetio.

ITEM quod de hymnis suis ipse D. Ambrosius commemorat: Hymnorum meorum carminibus populum deceptum volunt. Planè nec hoc abnuo. Grande carmen istud est, & quo nihil potentius. Quid enim potētius, quàm confessio Trinitatis, quæ quotidie totius populi ore celebratur? Certatim omnes studēt fidem fateri, patrem & filium & spiritū sanctum: nōrūt versibus p̄dicare.

QVORVM etiam mentionem faciūt D. Benedictus in Regula, Hrabanus Maurus de institut. cler. li. 2. c. 49. Vualafrius Strabus de reb. Eccl. c. 25. Berno de Missa c. 2. ac Decanus Tungrensis frequenter, quorum verba compendij gratia præmitto.

R. Antiphonarum Vfus.

Paulinus
in vit. D.
Ambr.

HOC in tempore (inquit Paulinus Mediolanensis) primū Antiphonæ hymni ac vigilię in Ecclesia Mediolanensi celebrari cœperūt. Cuius celebritatis deuotio vsq; in hodiernum diem non solū in eadem Ecclesia, verū per oēs penè Occidentis prouincias manet.

Vual. Str.
locis cit.
Isid. de ec
cles. offic.
lib. 1. ca. 7.
Hrab. de
inst. cler.
li. 2. ca. 50.
Isaiæ 6.
Sigebr. ad
ann. 388.

QVI locus citatur ad verbum à Vualafrido Strabo.

INDIPSVM adfirmāt D. Isidorus & Hrabanus: Antiphonas (inquiūt) Græci primū composuerūt, duobus choris alternatim cōcinētibus, quasi duo Seraphim, duo quoq; Testamēta inuicem sibi conclamātia. Apud Latinos aut primus idem beatissimus Ambrosius antiphonas cōstituit, Græcorum exemplum imitatus. Exhinc in cunctis occiduīs regionibus earum vsus increbuit.

ITEM Sigebertus in Chronicis: Ambrosius ritum canendi Antiphonas in Ecclesia primus apud Latinos trāstulit à Græcis, apud quos hic ritus iam inoleuerat ex instituto Ignatij Antiocheni Episcopi & Apostolorum discipuli, qui per visiōem in cælum raptus, vidit

vidit & audiuit, quomodo angeli per Antiphonarum reciprocat-
ionem, hymnos sanctę Trinitati canebant.

QVOD paucis etiam repetit à Martino Polono in Chronicis.

LATISSIME verò omnium Radulphus Tungrēsis: Antipho-
na (inquit) ex Græco interpretatur vox reciproca, duobus scilicet
choris alternatim psallētibz, ordine commutato, siue de vno ad
vnum. Quod genus psallendi, Gręci inuenisse traduntur. Tamen
ex hoc vniuersaliter in Ecclesiam Dei cantus nō fuit introductus:
sed postmodum tempore Theodosij iunioris, sicut in vita B. Am-
brosij legitur, in Ecclesia Mediolanensi, Cantus & hymni cōperūt
frequentari. Et tempore successiuo à B. Ambrosio apud Latinos, &
ad Missam, & ad alias Horas diuinas cantus publicus cum hymnis
metricis est introductus. Vnde in Chronicis legitur, quod Am-
brosius ritum Antiphonarum in Ecclesia canendarum primus à
Gręcis transtulit ad Latinos.

s. Episcopi ad populum salutatio.

Pronūciat (inquit) episcopus huiusmodi ad populū, dicēs: Pax vobis.

t. Populi ad obsecrandum exhortatio.

SACRIFICIA quoq; ipsa (inquit) deo probata esse nō possunt,
nisi confessio vocis adspiret, quę sacerdotali oblatione, ad obsecrā-
dam Dei gratiam populos excitare consuevit.

v. Orationes quatuor.

OBSECO ergo (inquit Apostolus, teste eodem D. Ambro-
sio) primū fieri obsecrationes, gratiarum actiones. Prima
ergo Oratio laudem debet habere Dei, Secunda supplicationem,
Tertia postulationem, Quarta gratiarum actionem.

x. Lēctionum sacrarum lēctio.

QVANTVM (inquit) laboratur in Ecclesia, vt fiat silentium
cū lēctiones legūtur? Si vnus loquatur, obstrepit vniuersis.
Cū Psalmus legitur, ipse sibi est effector silentij. Omnes
loquuntur, & nullus obstrepit.

Mm 2 Et

LITURGICON ECCLESIAE LATINAE

ET alibi: Reuerētia exhibetur, quum scripturę diuinę legūtur.

AC rursū: Alius distinguendę lectioni aptior, alius psalmo gravior: alius exorcizandis, qui malo laborant spiritu, sollicitior: alius sacrario opportunior habetur. Hęc omnia spectet sacerdos: & quid cuique congruat, id officij deputet. Quō etenim vnumquęque suum ducit ingenium, aut quod officium decet, id maiore implet gratia.

EODEM pertinet & illud: Inuenit S. Iuliana in Ecclesia quod suum dicat, filium sacrarum lectionum oracula personantem.

ILLVD quoquē: Mentem tuam non ventilabat lectionum cælestium virtus?

Y.

Prophetica & Apostolica lectio.

EO tempore (inquit Seuerus Sulpitius) Ambrosius, cuius hodie flores eloquij per totam Ecclesiam redolent, Mediolanē. si ciuitati præerat Episcopus: cui celebranti festa Dominicę diei ista erat consuetudo, vt veniens lector cum libro, non antea legere præsumeret, quā m nutu sanctis. præcepisset. Factum est autem, vt illa die Dominica, prophetica lectione iam lecta, ante altare stante, qui lectionem B. Pauli proferret, beatissimus Antistes Ambrosius super altare obdormiret. Quod vidētes multi, cū nullus eum excitare præsumeret, transactis ferē duarum aut trium horarum spatijs, excitauerūt eum, dicētes: Iam hora præterijt, iubeat Dñs Episcopus lectori lectiōem legere: expectat enim populus valdē iam lassus. Respondēs autem B. Ambrosius: Nolite (inquit) turbari, multū mihi valet sic obdormisse, qā miraculum magnum Dominus mihi ostēdere dignatus est. Nam noueritis fratrem meum Martinum sacerdotē, de corpore egressum fuisse, me autē eius funeri obsequium præbuisse. Peractoquē ex more seruitio, capitellam tantūm vobis excitātibus, nō expleui. Tūc illi stupefacti pariter & admirātes, diē & tēpus notāt. Qui sollicitē requirētes, ipsam diē, tēpusq; reperiūt, quo beatus confessor dixerat se eius obsequijs deseruisse.

z. Euan.

2. Euangelica lectio.

PVLCHRE (inquit) dum legeretur hodiè Euangelium. Ambr. of. fic. l. i. c. 8.

ET alio loco: Certè sic docuit hodierna, quæ decursa est, lectio, Idem l. 3. de Virg.
secundùm librum Euangelij Matthæi.

ALIBI quoquè: Considerate quid lectum sit hodiè de Domino Iesu. Idem ad Grat. l. 4. de fid.

RVRSUM: Audistis quid hodiè lectum sit: Pullum sibi a sine Saluator per Apostolos iussit adduci. Quod postea denuò repetit, Idè cõtra Auxet. de basil. non trad.
ipsum illud Euangelium explicans.

Ac iterum: Audisti frater lectionem Euangelij, in qua decursum est, quòd præteriens Dominus Iesus, vidit à generatione cæcum. Idè epist. 75. ad Bellic.

ALIO deniquè loco: Audistis hodiè in lectione decursa, quid Legio dixerit: Quid mihi & tibi est Iesu fili David? Idem de Hel. & ieiun. c. 20.

ALIOS locos eiusmodi complures in sermonibus siue tractatibus ad populum, prolixitatis vitandæ gratia omittimus.

A a. Earundem Lectionum tractatus ad populum.

SEQUENTI die, (inquit, ad Marcellinam sororem suam scribens) erat autem Dominica, post Lectiones atque tractatum. Idè Epist. 33.

EODEM pertinet illud D. Augustini de D. Ambrosio: Et eum quidem in populo, verbum Dei rectè tractantem, omni die Dominico audiebam. Aug. Confess. l. 6. c. 3.

B b. Oblationum mos.

HVC imprimis pertinent verba illa suprà de Theodosio Imperatore citata, & illud Nicephori de eodem: Postquàm verò tempus aduenit, quum eum more recepto, munus ad sacram mensam offerre oporteret, lachrymans surrexit, & diuinum sacramentum ingressus est. Niceph. eccl. hist. l. 12. c. 41.

M m 5 DEIN-

Paulin. in
vit. Amb.

DEINDE & illud Paulini Mediolanensis: Munera Imperatoris (Eugenij nempe) qui se sacrilegio commiscuerat, ab Ecclesia respuebantur, nec orandi illi cum Ecclesia societas tribuebatur.

Ambr.
epist. 30.

ILLVD item D. Ambrosij ad Valentinianum Imperatorem: Certè si aliud statuitur, Episcopi hoc equo animo pati & dissimulare non possumus. Licebit tibi ad Ecclesiam conuenire, sed illic non inuenies sacerdotem, aut inuenies resistentem. Quid respondebis sacerdoti dicenti tibi: Munera tua non quærit Ecclesia, quia templa Gentilium muneribus adornâsti? Ara Christi dona tua respuit, quoniam aram simulacris fecisti.

Possid. in
vit. Aug.

Ac quod narrat D. Possidius, Beatissimum Ambrosium, præsentem D. Augustino, in Ecclesia aliquandò tractâsse de neglecto à fidelibus gaphylacio ac sacrario.

c c. Symboli recitatio.

Ambr. in
epist. 1. ad
Corinth.

ORARE, dicit deprecari: prophetare autem, aduentum fore Domini, voce symboli post orationem effari.

c. 11.
Idē Epist.
33.

d d. Catechumenorum dimissio.

DIMISSIS (inquit) catechumenis symbolum aliquibus competentibus in baptisterijs tradebam basilicæ.

e e. Pœnitentium item exclusio.

Niceph. l.
12. c. 41.

HVC pertinet inprimis, quod de Theodosio Imperatore scribunt locis citatis Theodoretus, Zozomenus, & Nicephorus: Quū (inquiunt) post Maximum deuictum Theodosius Mediolanum venisset, & in Ecclesiam, sicuti mos est, precatum iret, & iam ad fores eius adesset: occurrens ei Ambrosius, & purpura eius apprehensâ, in multitudine media, nè sacrarum ædium vestibulū tangeret, prohibet. Resiste, inquit, virum enim impurum, & manus sanguine innocenti ferè adhuc periniquè stillantes circumferentem, fas non est, ante legitimam debitamq; pœnitentiam, sacrâ ingredi ædem, aut diuinorum mysteriorum participem fieri.

Paulin. in
vit. Amb.

ET quod de eodē facto narrat Paulinus Mediolanensis: Quod factum

factum ubi comperisset sacerdos, copiam Imperatori ingrediendi (sic enim lego, pro eo quod corruptè legitur, egrediendi) Ecclesiã denegauit, nec prius dignum iudicauit cœtui Ecclesię, vel sacramentorum communioni, quàm publicam ageret pœnitentiam.

ITEM quod ad ipsum Theodosium scribit B. Ambrosius: *Of. Ambros. epist. 28.*
ferre non audeo sacrificium, si volueris asistere. An quod in vnus innocentis sanguine non licet, in multorum licet? Non puto. Postremò scribo manu mea quod solus legas. Ità me Dominus ab omnibus tribulationibus liberet, quia non ab homine, neque per hominem, sed apertè mihi interdictum aduertit. Cùm enim essem sollicitus, ipsa nocte qua proficisci parabam, venisse quidem visus es ad Ecclesiã, sed mihi sacrificium offerre non licuit.

EODEM spectat illud eiusdem: Occiditur & vitulus saginatus, *Idem lib. 7. in Luc. c. 15.*
vt carnem Domini, spiritali opimam virtute, per gratiam sacramenti, mysteriorum confortio restitutus, epuletur.

f f. Neque enim omnibus conspicua alta mysteriorum.

NON (inquit) omnes vident alta mysteriorum, quia operiuntur à Leuitis, nè videant qui videre non debent: & sunt, qui seruare non possunt. *Idē Offic. 1. c. 50.*

g g. Aquæ & vini commixtio.

IN calicem (inquit) mittitur vinum. Et quid aliud? Aqua. Sed *Idem sacr. 1. 5. c. 1.*
tu mihi dicis: Quomodò ergò Melchisedech panem & vinum obtulit? Quid sibi vult admixtio aquæ? Rationem accipe. Primò omnium, figura quæ antè præcessit tempore Moyfi, quid habet? Quia quum sitiret populus Iudæorum, & murmuraret, quòd aquam inuenire non posset, iussit Deus Moyfi vt tangeret petram de virga. Tetigit petram, & petra vndam maximam fudit, sic ut Apostolus ait: Bibebant autem de consequenti petra, petra *1. Cor. 10.*
autem erat CHRISTVS. Non immobilis petra, quæ populum seque-

sequebatur. Et tu bibe, ut te Christus sequatur. Vide mysterium. Moyses, hoc est, propheta: Virga, hoc est, verbum Dei. Sacerdos verbo Dei tangit petram, & fluit aqua, & bibit populus Dei. Tangit ergo sacerdos calicem, redundat aqua in calice, salit in vitam æternam, & bibit populus Dei, qui Dei gratiam consecutus est. Didicisti ergo hoc. Accipe & aliud. In tempore Dominicæ passionis, cum sabbatum magnum instaret, quia vivebat Dominus noster Iesus Christus, vel latrones: missi sunt qui percuterent eum. venientes, inuenerunt defunctum Dominum IESUM Christum. tunc unus de militibus læcea tetigit latus eius, & de latere eius aqua fluxit & sanguis. Quare aqua? quare sanguis? Aqua, ut emundaret: sanguis, ut redimeret. Quare de latere? Quia unde culpa, inde gratia. Culpa per feminam, gratia per Dominum Iesum Christum.

Ioan. 19.

H h. Missa, & oblationis initium.

Idē Epist.
33.

ILLIC nuntiatur est, (inquit epist. ad Marcellinam) mihi, comperto, quod ad Patianam basilicam de palatio decanos mississent, & vela suspenderent, populi partem eò pergere. Ego tamen mansi in munere, Missam facere cœpi.

I i. Præfationes Ambrosianæ.

Radulph.
Tungr. de
cā. obseru.
c. ult.

PRÆFATIONES (inquit Radulphus Tungrensis) ut dicit Gemma animæ, Dionysius Areopagita putatur composuisse. Ambrosius librum præfationum ordinavit, ex quo in Lombardica multæ præfationes allegantur. In qualibet autē Missa Ambrosiani officij, propria decantatur præfatio.

Alg. l. i. c.
15.

QUOD authenticum esse testimonium, vel illud comprobatur, quod D. Algerus præfationem D. Ambrosij citet de Dominica V. post Pascha.

K k. Oratio pro Imperatoribus.

Amb. cōt.
relat. Sym
machi.
Idē Ep. 29

NOS (inquit) ipsis imperatoribus à Christo pacem rogamus.

EODEM pertinet illud eiusdem ad Imperatorem Theodosiū:
Si

Si indignus sum qui à te audiar, indignus sum qui pro te offeram, cui tua vota, cui tuas committas preces. Ipse ergò non audies eum, quem pro te audiri velis?

I. I. Oratio pro populo & Regibus.

ORATIO (inquit) præmittitur pro populo, pro Regibus, pro cæteris.

Idem l. 4.
de sacr. c.

Et alibi latiùs: Hæc regula Ecclesiastica est tradita à magistro gentium, qua vtuntur sacerdotes nostri, vt pro omnibus supplicet: deprecantes pro regibus huius seculi, vt subiectas habeant Gentes, vt in pace positi, in tranquillitate mentis & quiete Deo nostro seruire possimus. Orantes etiam pro ijs, quibus sublimis potestas est credita, vt in iustitia & veritate gubernent rempublicam, supeditante rerum abundantia, vt amota perturbatione seditionis, succedat lætitia.

4.
Idem in c.
2. epist. 1.
ad Timot.

M m. Oblatio.

DVM offero (inquit Epist. sæpè citata ad Marcellinam) raptum cognoui à populo Castulum quendam, quem Presbyterum dicerent Arriani, Hunc aut in platea offenderant transientes. Amarissimè flere, & orare in ipsa oblatione Deum cœpi, vt subueniret, nè cuius sanguis in causa ecclesiæ fieret, certè vt meus sanguis pro salute, non solum populi, sed etiam pro ipsis impijs effunderetur.

Idem Epist.
33.

N n. Confectio sacramentorum.

VBI venit (inquit) vt conficiatur venerabile sacramentum, iam non suis sermonibus sacerdos, sed vtitur sermonibus Christi. Ergò sermo Christi hoc conficit sacramentum. Quis sermo Christi? Nempe is, quo facta sunt omnia. Iussit Dominus, & factum est cælum. Iussit Dominus, & facta est terra. Iussit Dñs, & facta sunt maria, Iussit Dominus, & omnis creatura generata est. Vides ergò quàm operatorius sit sermo Christi. Si ergò tanta vis est in sermone Domini Iesu, vt inciperent esse quæ non erant: quanto

Idem de sa.
cr. l. 4. c. 4.

N n

magis

magis operatorius est, ut sint quæ erant, & in aliud commutentur?

O o. Verba ipsa Consecrationis.

Idem de
sacram. l.
4. c. 5.

VIS scire (inquit) quia verbis cælestibus consecratur? Accipe quæ sunt verba. Dicit sacerdos: Fac nobis (inquit) hanc oblationem ascriptam, rationabilem, acceptabilem, quod est figura corporis & sanguinis Domini nostri Iesu Christi. Qui pridie quam pateretur, in sanctis manibus suis accepit panem, respexit in cælum, ad te sancte pater omnipotens æterne Deus, gratias agens: benedixit, fregit, fractumque Apostolis suis & discipulis suis tradidit, dicens: Accipite, & edite ex hoc omnes. Hoc est enim corpus meum, quod pro multis confringetur. Similiter & calicem postquam cœnatum est, pridie quam pateretur accepit, respexit ad cælum, ad te sancte pater omnipotens æterne Deus, gratias agens: benedixit, Apostolis & discipulis suis tradidit, dicens: Accipite & bibite ex eo omnes: Hic est enim sanguis meus. Vide singula. Qui pridie, inquit, quam pateretur, in sanctis manibus suis accepit panem. Antequam consecratur, panis est: ubi autem verba Christi acceperint, corpus est Christi. Denique audi dicentem: Accipite & edite ex eo omnes, hoc est corpus meum. Et ante verba Christi, calix est vini & aquæ plenus. Ubi verba Christi operata fuerint, ibi sanguis efficitur, qui plebem redemit.

P p. Per hæc verba Christi, benedictio, consecratio, & transsubstantiatio.

Idem de
sacr. l. 4. c.
4.

TV fortè dicis: (inquit eodem loco) Meus panis est vsitatus. Sed panis iste, panis est ante verba sacramentorum: ubi acceperit cōsecratio, de pane fit caro Christi. Hoc igitur adstruamus. Quomodò potest, qui panis est, corpus esse Christi? Consecratione. Consecratio igitur quibus verbis est, & cuius sermonibus? Domini Iesu.

Ibidem.

Ac paulopost: Ergò tibi ut respondeam, nō erat corpus Christi ante consecrationem, sed post consecrationem dico tibi, quòd iam

iam corpus est Christi. Ipse dixit, & factum est: ipse mandauit, & creatum est. Tu ipse eras, sed eras vetus creatura: postea quàm consecratus es, noua creatura esse cœpisti. Vis scire quàm noua creatura? Omnis, inquis, in Christo noua creatura. Accipe ergò quemadmodùm sermo Christi creaturam omnem mutare cōsueuerit, & mutat, quandò vult, instituta naturæ. Quomodò, requiris? Accipe, & primò omnium de generatione eius sumamus exemplum. Consuetudo est, vt non generetur homo, nisi ex viro & muliere, & consuetudine coniugali. Sed quia voluit Dominus, qui hoc elegit sacramentum, & de spiritu sancto & Virgine natus est Christus, hoc est, mediator Dei & hominum homo Christus Iesus. Vides ergò, quia contra instituta & ordinem homo est natus ex virgine? Accipe aliud. Vrgēbatur populus Iudæorum ab Aegyptijs, Exod. 14. interclusus erat mari, diuino imperio virga Moyses tetigit aquas, & se vnda diuisit: nō vtiquē secundum suæ naturæ consuetudinē, sed secundū gratiā cælestis imperij. Accipe aliud: Sitiēbat populus, Ibid. 15. venit ad fontē: amarus erat fons, misit lignū sanctus Moyses in fontē, & factus est dulcis fons qui amarus erat. hoc est, mutauit consuetudinem naturæ suæ, accepit dulcedinem gratiæ. Accipe & quartum exemplum. Ceciderat ferrum securis in aquas. quasi ferrum, sua 4. Reg. 6. consuetudine demersum est. misit lignum Helisæus, statim ferrū eleuatum est, & aquis supernatauit, vtiquē contra consuetudinem ferri. Est enim materies grauior, quàm aquarum est elementum. Ex his igitur omnibus non intelligis, quantū operetur sermo cælestis. Si operatus est in fonte terreno, si operatus est sermo cælestis in alijs rebus, non operatur in cælestibus sacramentis? Ergò didicisti quòd ex pane corpus fiat Christi, & quòd vinum & aqua in calicem mittitur, sed sit sanguis consecratione verbi cælestis. Sed fortè dicis: Speciem sanguinis non video. Sed habet similitudinem. Sicut enim mortis similitudinem sumpsiisti, ita etiam similitudinem preciosi sanguinis bibis, vt nullus

N n 2 horror

Idem de
ijs qui
myſter.
initiant.
c. 19.

horror cruoris ſit, & precium tamen operetur redemptionis. Dedicisti ergò, quia quod accipis, corpus eſt Chriſti.

Et alibi latiùs: Fortè dicas: Aliud video, quomodò tu mihi aſſeris, quòd Chriſti corpus accipiam? Et hoc nobis adhuc ſuper eſt, vt probemus. Quantis igitur vtimur exemplis, vt probemus non hoc eſſe quod natura formauit, ſed quod benedictio conſecrauit, maioremque vim eſſe benedictionis, quàm naturæ, quia benedictione etiam natura ipſa mutatur? Virgam tenebat Moyſes, proiecit eam, & facta eſt ſerpens. Rurſùs apprehendit caudam ſerpētis, & in virgæ naturam reuertitur. Vides igitur prophetica gratia bis mutatam eſſe naturam & ſerpentis, & virgæ? Currebant Aegypti flumina puro aquarū meatu: ſubitò de fontium venis ſanguis cœpit erumpere. Non erat potus in fluuijs. Rurſùs ad Prophetæ preces cruor ceſſauit fluminum, aquarum natura remeauit. Circumcluſus vndiquè erat populus Hebræorum, hinc Aegyptijs valla- tus, indè mari clauſus: virgam leuauit Moyſes, ſeparauit ſe aqua, & in murorum ſpeciem congelauit, atque inter vndas via pede- ſtris apparuit. Iordanis retrorſùm conuerſus, contra naturam, in ſui fontis reuertitur exordium. Nōne claret, naturam vel ma- ritimorum fluctuum, vel fluuiialis curſus, eſſe mutatam? Siti- bat populus patrum, tetigit Moyſes petram, & aqua de petra flu- xit. Nunquid non præter naturam operata eſt gratia, vt aquam vomeret petra, quam non habebat natura? Marath fluuius ama- riſſimus erat, vt ſitiens populus bibere non poſſet. Miſit Moy- ſes lignum in aquam, & amaritudinem ſuam aquarum natura de- poſuit, quam infuſa ſubitò gratia temperauit. Sub Helifæo pro- pheta vni ex filijs prophetarum excuſſum eſt ferrum de ſe- curi, & ſtatim merſum eſt. Rogauit Helifæum, qui amiſerat fer- rum. Miſit etiam Helifæus lignum in aquam, & ferrum natauit: vtiquè & hoc præter naturam factū eſſe cognoscimus. Grauior eſt enim ferri ſpecies, quàm aquarū liquor. Aduertimus igitur maio- ris

Exod. 15.

4. Reg. 6.

ris esse virtutis gratiam, quàm naturam, & adhuc tamen propheti-
cæ benedictionis numeramus gratiam. Quòd si tantum valuit hu-
mana benedictio, vt naturam conuerteret: quid dicimus de ipsa
consecratione diuina, vbì verba ipsa Domini Saluatoris operantur?
Nam sacramentum istud quod accipis, Christi sermone confici-
tur. Quòd si tantum valuit sermo Helix, vt ignem de cælo depo-
neret: non valebit Christi sermo, vt species mutet elementorum?
De totius mundi operibus legisti: Quia ipse dixit, & facta sunt: ipse
mandauit, & creata sunt. Sermo ergò Christi qui potuit ex nihilo
facere quod non erat: non potest ea quæ sunt, in id mutare quod
non erant? Non enim minus est, nouas rebus dare, quàm mutare,
naturas. Sed quid argumentis vtimur? suis vtamur exemplis, in-
carnationisquæ exemplo adstruamus mysterij veritatem. Nun-
quid naturæ vsus præcessit, cum Iesus Dominus ex Maria nascere-
tur? Si ordinem quærimus, viro mixta fœmina generare consue-
uit. Liquet igitur quòd præter naturæ ordinem Virgo generauit:
& hoc quod conficimus corpus, ex Virgine est. Quid hîc quæris
naturæ ordinem in Christi corpore, quum præter naturam sit ipse
Dominus Iesus partus ex Virgine? Vera utiquè caro Christi, quæ
crucifixæ est, quæ sepulta est: verè ergò carnis illius sacramentum
est. Ipse clamat Dominus Iesus: Hoc est corpus meum. Ante be-
nedictionem verborum cælestium, alia species nominatur: post
consecrationem, corpus significatur. Ipse dicit sanguinem suum.
Ante consecrationem aliud dicitur, post consecrationem sanguis
nuncupatur.

Psal. 148.

Matt. 26.

EODEM pertinet illud: Nos quotiescunquè sumimus sacra-
menta, quæ per sacræ orationis mysterium, in carnem transfigurã-
tur & sanguinem, mortem Domini annunciamus.

Idem ad
Grat. de
fid. lib.
4. cap. 5.

HOC etiam: Et offeras transfigurandum corpus Christi al-
taribus.

Idem de
incarn.
Dō. sacr.
cap. 4.

29.

Christi oblatio.

Nn 3

ANTE

LITURGICON ECCLESIAE LATINAE

ANTE (inquit) agnus offerebatur, offerebatur vitulus, nunc Christus offertur: sed offertur quasi homo, quasi recipiens passionem, & offert se ipse quasi sacerdos, vt peccata nostra dimittat. Hic in imagine, ibi in veritate, vbi apud patrem pro nobis quasi aduocatus interuenit.

Rr. In Christi immolatione angelorum assistentia.

Idē li. 1. in
Luc. ca. 1.

NON enim dubites (inquit) assistere Angelum: Christus assistit, quando Christus immolatur. Etenim Pascha nostrum immolatus est Christus.

Ibid. li. 8.
in cap. 18.

ITEM postea: Est etiam corpus, de quo dictum est: Caro mea verè est cibus, & sanguis meus verè est potus. Circa hoc corpus verè aquilæ sunt, quæ alis circumuolant spiritalibus.

Idē li. 1. de
sacr. ca. 2.

ET alio loco: Si hic est corpus Christi, hic & angeli constituti sunt. Vbi corpus, ibi & aquilæ, legisti in Euangelio. Vbi Corpus Christi, ibi & aquilæ volare consueverunt.

sf. Adoratio Christi.

Idē li. 3. de
spir. sanct.
cap. 12.

VIDEAMVS tamen, (inquit tractans illud psalmi: Adorate scabellum pedum eius) terram ne illam dicat adorandam Prophetæ, quam dñs Iesus in carnis assumptione suscepit. Itaq; per scabellum terra intelligitur, per terram autem caro Christi, quam hodieq; in mysterijs adoramus, & quæ Apostoli in Dño Iesu adorârunt.

Idē de in-
carn. Dñ.
sacr. ca. 7.

EODEM spectat & illud: Nunquid quum & diuinitatem eius adoramus & carnem, Christum diuidimus?

Tt. Verba sacerdotis post Consecrationem.

Idē li. 4. de
sacr. ca. 6.

DE I N D E (inquit) quantum sit sacramentum, cognosce. Vide quid dicat: Quotiescunq; hoc feceritis, toties commemoracionem meî facitis, donec iterum adueniam. Et sacerdos dicit: Ergo memores gloriosissimæ eius passionis, & ab inferis resurrectionis, & in cælum ascensionis, offerimus tibi hanc immaculatam hostiam, rationabilem hostiam, incruentam hostiam, hunc panem sanctum, & calicem vitæ æternæ: & petimus & precamur, vt hanc oblatio-

tionem suscipias in sublimi altari tuo per manus angelorum tuorum, sicut suscipere dignatus es munera pueri tui iusti Abel, & sacrificium patriarche nostri Abrahe, & quod tibi obtulit summus sacerdos Melchisedech.

v u. In ijs passionis Domini commemoratio.

ERGÒ tu audis (inquit) quod quotiescunq; offertur sacrificium, mors Dñi, resurrectio Dñi, eleuatio Dñi significetur, & remissio peccatorum: & panē istum vite, nō quotidianū, assumis? Qui vulnus habet, medicinā requirit. Vulnus est, quia sub peccato sumus. Medicina est, cēleste & venerabile sacramentum.

Ibid. lib. 5. cap. 4.

EODEM pertinet illud: Mortem Christi orātes annunciamus.

Idē lib. de fid. ref.

xx. Defunctorum memoria.

OMNIBVS (inquit ad Gratianum & Valentinianum Imp̃p̃) iam defunctos vos oblationibus frequentabo.

Idē de obitu Valēt.

yy. Orationis Dominicę recitatio.

MEMINI (inquit) sermonis mei, cū de sacramētis tractarē. Dixi vobis, quòd ante verba Christi, quod offertur, panis dicatur: vbi Christi verba deprompta fuerint, iam non panis dicitur, sed corpus appellatur. Quare ergò in Oratione Dñica, quę postea sequitur, ait: Panem nostrum? Panem q̃dem dixit, sed ἐπιούσιον dixit, hoc est, supersubstantialem. Non iste panis est qui vadit in corpus, sed ille panis vitę eternę, qui animę nostrę substantiam fulcit. Idēd Gręcē ἐπιούσιον dicitur.

Idē l. 5. de sacr. ca. 4.

zz. Eiusdem appendix.

QUID sequitur? (inquit) Audi quid dicat sacerdos. Per Dñm nostrū Iesum Christum, in quo tibi est, cū quo tibi est honor, laus, gloria, magnificētia, potestas cum spiritu sancto à seculis, & nunc & semper, & in omnia secula seculorum. Amen.

Ibidē l. 6. cap. 5.

aaa. Ad altare sacramentorum perceptio.

LEVITAM (inquit) vidisti, sed minister est Christi. Vidisti illum ante altaria ministrantem. Ergò chirographum tuum

Ibidē l. 1. cap. 2.

tene.

tenetur non in terra, sed in cælo. Considera ubi capias sacramenta cælestia.

Ibid. lib.
5. cap. 3.

E T postea: Ergo venisti ad altare, accepisti corpus Christi.
A C paulopost: Venisti ergo ad altare, accepisti gratiam Christi, sacramenta es cælestia consecutus.

Paul. in
vit. Amb.

H V C pertinet etiam illud Paulini: Per idem tempus Nicentius quidam ex tribuno & notario, quodam pedum dolore tenebatur, ut raro in publico videretur: cum ad altare accessisset, ut sacramenta perciperet, calcatusque casu à sacerdote, exclamaret, audiuius: Vade, & amodo saluus eris. Nec amplius doluisse pedes, tempore quo sanctus sacerdos de hac luce migravit, lachrymis testabatur.

B b b.

Manuum ad susceptionem Corporis Domini extensio.

Theodor.
& Nicep.
locis cit.]

Q V I B V S (inquit D. Ambrosius, apud Theodoretum & Nicephorum ad Theodosium Imperatorem) diuinum intueris oculis templum? Quibus pedibus sanctum illud calcabis solum? Quomodo manus extolles, quæ cæde iniqua diffundunt? Quomodo etiam diuinum Domini corpus eis accipies? Quomodo sanguinem preciosum ad os afferes, per quod ira transuersim actus, tantum effudisti sanguinis?

c c c.

Responsio Communicantium, Amen.

Ambr. li.
4. de sacr.
cap. 5.

E R G O (inquit) non ociosè tu dicis: Amen, iam in spiritu confitens quod accipias corpus Christi. Dicit tibi sacerdos, corpus Christi. Et tu dicis, Amen, hoc est, verum. Quod confitetur lingua, teneat affectus.

Idè de ijs
q. in it. my
ster. lib. 1.
cap. 9.

E T alibi: Et tu dicis, Amen: hoc est, verum est. Quod os loquitur, mens interna fateatur, quod sermo sonat, affectus sentiat.

n d d.

Sacrificia pro defunctis.

Idè de ob.
it. Valèr.

D A T E (inquit) manibus sancta mysteria, pio requiem ei poscimus affectu. Date sacramenta cælestia, animam piam nostris

stris oblationibus prosequamur. Extollite populi mecum manus in sancta, ut in eo saltem munere vicem eius meritis rependamus. Nō ego floribus tumulum eius adspargam, sed spiritum eius Christi odore perfundam. Spargant alij plenae lilia calathis, nobis lilium est Christus. Hoc reliquias eius sacro, hoc eius gratiā comēdabo.

Et alibi in cōsolatoria ad Faustinum: Itaq; nō tam deplorādam Idē Epi. 8.
q̃ prosequēdam orationib⁹ reor: Nec mœstificādam lachrymis tuis, sed magis oblatiōibus, animā eius Dño commēdādam arbitror.

E e e.

Idq; in sepultura.

LVCESCENTE (inquit Paulinus) die Dominico, cū corpus Paul. in
illius, peractis sacramētis diuinis, de Ecclesia leuaretur, portā- vit. Amb.
dum ad basilicā Ambrosianam, in qua positus est, ita ibi dāmonū
turba clamabat, se ab illo torqueri, ut eiulat⁹ eorum ferri nō posset.

F f f.

In die II. VII. XXX. & XL.

EIVS principis (inquit, de Theodosio agens) & maximē cōcla- Ambros.
mauimus obitū, & nūc quadragesimum celebramus, assistē- de obit.
te sacris altaribus Honorio principe: qui sicut sanctus Ioseph patri Theod.
suo Iacob quadraginta diebus humationis officia detulit, ita & hic Gen. 50.
Theodosio patri iusta persoluit. Et quia alij tertium diem & trige-
simum, alij septimum & quadragesimum obseruare consueuerunt,
quid doceat lectio, consideremus.

DEEVNCTO (inquit) Iacob, p̃cepit Ioseph pueris sepultoribus, Ibidem.
ut sepelirent eum. Et sepeliērūt sepultores Israel, & repleti sunt ei
quadraginta dies. sic enī dinumerantur dies sepulture. Et luxit eum
Aegyptus septuaginta diebus. Hęc ergo sequēda solennitas, quam
p̃scribit lectio. Sed & in Deuteronomio scriptum est: Quia plan-
xerunt filij Israel Moysem diebus triginta, & consummati sunt di- Deut. 34.
es luctūs.

G g g.

Et in anniuersario.

Nos quoq; ipsi (inquit) natales dies defunctorū obliuiscimur, Idem de
& eum, quo obiērūt, diem celebri solennitate renouamus. obit. frat.
orat. 2.

O o

H h h, Sa-

Idēli i. de
virg. sub
finem.

h h h. Sacrificium in velatione & consecratione Virginum.

MEMORIAE (inquit) nostrę puella, dudum nobilis in seculo, nunc nobilior Deo, cum vrgeretur ad nuptias à parentibus & propinquis, ad sacrosanctum altare cōfugit. Quò enim melius virgo recurreret, quàm ubi sacrificium virginittatis offertur? Ne is quidem finis audacię. Stabat ad aram Dei pudoris hostia, victima castittatis: nunc capiti dexteram sacerdotis imponēs, precem poscens, nūc iustę impatiens morę, summum altari subiectās verticem. Num melius (inqt) mater tu me, quàm altare, velabis, quod sanctificat ipsa velamina? Plūs talis decet flammeus, in quo caput omnium Christus quotidie consecratur.

Idē instit.
virg. ca. 8.

EODEM pertinet illud eiusdem in Oratione super virgine velanda: Hęc quoque famula tua ad huiusmodi virtutis gratiam laesita, tuis assistit altaribus, non rutilanti cęsarie flauum deferens crinem, flammeo nuptiali dicatum: sed illum crinem, quo Evangelica illa mulier sancta Maria, pedes Christi sedula pietate deterfit, & domum totam effuso impleuit vnguento, sacro offerens velamine consecrandum.

Luc. 7.
Ioan. 12.

i i i. Sacrificium & cæremonię festi Paschę.

Idem de
Hel. & ieiun.
ca. 10.

QUADRAGESIMA (inquit) totis præter Sabbatum & Dominicam ieiunatur diebus. Hoc ieiuniū Dñi Pascha cōcludit. Venit iam dies resurrectionis, baptizātur electi, veniunt ad altare, accipiunt sacramēta, sitientes totis hauriūt venis. Meritò dicūt singuli, refectioni spiritali cibo & spiritali potu: Parāsti in cōspectu meo mēsam, & poculum tuum inebrians quàm præclarum est?

Psal. 21.

Idē Ep. 83.

ET alio loco: Non mediocris (inquit) esse sapientię, diem celebritatis definire paschalis, & scriptura diuina nos instruit, & traditio Maiorum: qui conuenientes ad Synodum Nicenam, inter illa fidei vt vera, itā admirāda decreta, etiam super celebritate memorata, cōgregatis peritissimis calculādi, decem & nouem annorū colligere rationem, & quasi quēdam cōstituere circulū, ex quo exemplum

plum in annos reliquos gigneretur. Hunc circulum Enneadecate-
rida nuncupauerūt, sequētes illud, q̄ non debeamus vana quadam
opinione super celebritate huiusmodi fluctuare, sed veraratione
comperta, itā omnium cōcurrat affectio, vt vna nocte vbiq; sacri-
ficiū pro resurrectione Dñi deferatur.

APERITIUS deniq; Hęc illa est celestium mysteriorum gra- Idem de
tia, hoc Paschæ donum, hæc optabilis anni festiuitas, hæc exordia Pasch. c. 5.
gignentium rerum. Hinc vitalis lauacri sacre Ecclesiæ editi puer-
perio infantes, paruulorum simplicitate renati, * baratro innocētis * barbyte
perstrepunt conscientia. Hinc casti patres, pudicæ etiam matres,
nouellam per fidem stirpem prosequuntur innumeram. Hinc
sub fidei arbore ab vtero fontis innocui cereorum splendet orna-
tus. Hinc celestis meriti sanctificantur munere, & sacramenti
spiritalis celebri mysterio saginantur. Hinc vnus plebis gremio
beatæ ecclesiæ nutrita fraternitas, vnica diuinitatis substantiam, ac
virtutis trinum nomen adorātes, Psalmum annuæ festiuitatis cum
Propheta concelebrant: Hic est dies quem fecit Dominus, exulte- Psal. 117.
mus & lætemur in eo.

kkk.

Festorum dierum oblatio.

PLERIQUÉ (inquit) eiusmodi dies, vt statim meridianis ho- Idem in
ris adueniēdum sit in Ecclesiā, canēdi hymni, celebrāda obla- Psal. 118.
tio. Tūc vtiq; paratus assiste, vt accipias tibi munimentū, vt corpus ferm. 8.
edas Dñi Iesu, in quo remissio peccatorū est, postulatio diuinæ re-
cōciliationis, & p̄tectionis æternæ. Suscipe antē Dominum Iesum
tuæ mentis hospitio: vbi corpus eius, ibi Christus est.

LII.

Sacrificium priuatum.

PER idem tempus (inquit de D. Ambrosio Paulinus) quum Paul. in
Romæ trans Tiberim apud quandam clarissimam inuitatur, vit. D.
Ambr.
vt sacrificium in domo offerret: quædam balneatrix, quæ para-
lytica in lecto iacebat, cum cognouisset ibidem esse Domini sacer-
dotem, in sellula se ad eandē domū, ad quā ille inuitatus venerat,

Oo 2 por-

portari fecit, atq; orāti & imponenti manus vestimēta attigit. Quæ quum exosculare, statim sanitate recepta ambulare cœpit: vt im-
 Ioan. 14. pleretur illud Dominicum dictum ad Apostolos: Etiam maiora his facietis, credentes in nomine meo. Quod tamē signum sanitatis vt mirabile fuit, ita etiam nec occultum. Nam ego hoc post annos plurimos, sanctis viris referētibus, positus in vrbe cognoui.

m m m.

Omni saltem hebdomada offerendum.

Ambr. in
 1. ad Tim.
 cap. 3.

NV N C autem (inquit) septem diaconos esse oportet, & aliquantos presbyteros, vt bini sint per Ecclesias: & vnus in ciuitate Episcopus, ac per hoc oēs à conuentu scēminē abstinere debere, quia necesse est eos quotidie præstō esse in Ecclesia, nec habere dilationem, vt post conuentum legitimè purificentur sicut veteres. Omni enim hebdomada offerendum est, etiam si non quotidie peregrinis, incolis tamen vel bis in hebdomada: & si nō desint, qui propè quotidie baptizentur, ægri. Nam veteribus ideò concessum est, quia multo tempore in templo non videbantur, sed erant priuati. Si em̄ plebeijs hominibus orationis causā ad tempus abstinere se præcipit, vt vacent orationi: quāto magis Leuitis aut Sacerdotibus, quos die noctuq; pro plebe sibi commissā oportet orare? Mundiores ergō esse debent cæteris, quia actores Dei sunt.

n n n.

Dominicis diebus assistendum diuinis mysterijs.

Idē serm.
 2. de S.
 Laurētio.

QV V M videmus (inquit) plures è fratribus pigrius ad Ecclesiam conuenire, & Dominicis præcipuè diebus minimè cælestibus interesse mysterijs, prædicamus inuiti: nō quò nos pigeat loqui, sed quia negligentiores prædicatio nostra grauet potius, non emendet.

ibidē.

QV I S Q V I S enim frater Dominicis non interest sacramentis, necessariò apud deum castrorum desertor est diuinorum. Nam quomodò se excusare potest, qui sacramentorum die prandium sibi domi præparans, prandium cæleste contemnit, & ventris curam faciens, animæ suæ negligit medicinam?

AMBRO.

AMBROSIANA MISSAE RITVS ET ORDO.

IN NATIVITATE DOMINI.

De Natiu.
Dñi vide
re est Ser.
Ambr. 12.
13. & 16.

A. Oratio secreta, antequàm accedat altare.

ROGO te altissime Deus Sabaoth, pater sancte, ut me tunica castitatis digneris accingere, & lumbos meos balteo tui amoris & timoris ambire, & renes cordis mei igne tui charitatis vrere, vt pro peccatis meis possem intercedere, & adstantibus veniam peccatorum promereri, ac pacificas singulorum hostias immolare.

E Missal. Mediolan. pleraque desumpta sunt, quibus correspondent quæ de Missa Ambrosiana scribit Radulph. Tūgr. Decanus de can. obseru. prop. 12. & 23. vt suis locis hac nota, R. T. adnotauimus.

B. Dum accedit altare.

ME quoque audacter ad tuum sanctum altare accedentem non finas perire, sed dignare lauare, ornare, & clementer suscipere, Per Christum Dominum nostrum,

c. Ingressa.

PVER natus est nobis, & filius datus est nobis, cuius imperium super humerum eius, & vocabitur nomen eius, magni consilij angelus.

D. Salutatio populi absque versione.

R. T.

DOMINVS vobiscum.

Responsio.

ET cum spiritu tuo.

E. Oratio super populum.

R. T.

DEVS qui es mundi creator & rector, da nobis in hac die incarnationis verbi & partus sacrae Mariae virginis pium celebrare consortium: vt qui per tuam gratiam sunt redempti, tua sint

Oo 3

R. T. sint protectione securi. Per eundem Dominum nostrum Iesum Christum, qui tecum viuit & regnat * Deus, in vnitate spiritus sancti, per omnia secula seculorum.

Responsio.

AMEN.

F. Rursùm salutatio populi & Responsio,
DOMINVS vobiscum.

Resp.

ET cum spiritu tuo.

R. T.

G. Hymnus angelicus.

GLORIA in excelsis Deo. Et in terra pax hominibus bonæ voluntatis. Laudamus te, benedicimus te, adoramus te, glorificamus te: gratias agimus tibi, propter magnam gloriam tuam. Domine Deus, rex cælestis, Deus pater omnipotens. Domine fili vnigenite Iesu Christe, Domine Deus, agnus Dei, filius patris. Qui tollis peccata mundi, miserere nobis. Qui tollis peccata mundi, suscipe deprecationem nostram. Qui sedes ad dexteram patris, miserere nobis. Quoniam tu solus sanctus, tu solus Dominus, tu solus altissimus Iesu Christe, cum sancto spiritu, in gloria Dei patris, Amen.

H. Deindè.

R. T. KYRIE eleison. Kyrie eleison. Kyrie eleison.

I. Iterùm.

DOMINVS vobiscum.

Resp.

ET cum spiritu tuo.

K. Lectionis Prophetice titulus.

Præter Radulphum,
Lect. Proph. & Apostolicę meminit etiã
Seuerus Sulpit. loco
suprà citato.

LECTIO Isaia Prophetæ.

L. Benedictio.

PROPHETICA doctrina repleas nos gratia diuina:
In nomine † patris, & filij, & spiritus sancti. Amen.

M. Ipsa

M. Ipsa lectio.

R. T.
Esaia 9.

PRIMO tempore alleuiata est terra Zabulon & terra Nephtalim, & nouissimò aggrauata est via maris trans Iordanem Galilææ gentium. Populus qui ambulabat in tenebris, vidit lucem magnā: Habitantibus in regione vmbrae mortis, lux orta est eis. Multiplicasti gentem, non magnificasti lætitiā. Lætabuntur coram te sicut qui lætantur in messe, sicut exultant victores capta præda, quando diuidūt spolia. Iugum enim oneris eius, & virgam humeri eius, & sceptrum exactoris eius superasti sicut in die Madian: Quia omnis violenta prædatio cum tumultu, & vestimentum mixtum sanguine, erit in combustione & cibus ignis. Paruulus enim natus est nobis, & filius datus est nobis, & factus est principatus super humerum eius, & vocabitur nomen eius, admirabilis, confiliarius, Deus, fortis, pater futuri seculi, princeps pacis. Multiplicabitur eius imperium, & pacis non erit finis. Super folium Dauid, & super regnum eius sedebit, vt confirmet illud, & corroboret in iudicio & iustitia amodò & vsque in sempiternum, dicit Dominus omnipotens.

N. Psalmus.

R. T.

TECUM principium in die virtutis tuæ, in splendoribus sanctorum, ex vtero ante luciferum genui te.

V. Dixit Dominus Domino meo, sede à dextris meis, donèc ponam inimicos tuos scabellum pedum tuorum.

O. Denuò.

DOMINVS vobiscum.

Resp.

ET cum spiritu tuo.

P. Titulus Læctionis Apostolicæ.

R. T.

LECTIO B. Pauli Apostoli ad Hebræos.

O. Benedictio.

APOSTOLICA læctio sit nostræ salutis instructio. In nomi-

ne

ne ꝑ patris, & filij, & spiritus sancti. Amen.

R. T.

R. Ipsa lectio.

Ad Heb. 1.

MULTIFARIA multisque modis olim Deus lo-
quens patribus in Prophetis, nouissimè diebus istis locutus
est & nobis in filio, quem constituit hæredem vniuersorum, per
quem fecit & secula. Qui quum sit splendor &c.

R. T.

s. Alleluia cum versu.

ALLELUIA. Hodie in Bethleem puer natus est, & no-
men eius sanctum & terribile.

R. T.

T. Antiphona ante Euangelium.

GLORIA in excelsis Deo, & in terra pax, alleluia, alle-
luia.

v. Rursùm.

DOMINVS vobiscum.

Resp.

Et cum spiritu tuo.

x. Titulus Læctionis Euangelicæ.

LECTIO S. Euangelij secundum Lucam.

y. Benedictio.

PER Euangelica dicta deleantur nostra delicta. In nomine ꝑ
patris, & filij, & spiritus sancti. Amen.

R. T.

z. Ipsa lectio.

Luc. 2.

EXIT edictum à Cæsare Augusto, vt describeretur vniuer-
sus orbis. Hæc descriptio prima facta est à præside Syriæ Cyrino.
Et ibant &c.

a a. Iterùm.

DOMINVS vobiscum.

Resp.

Et cum spiritu tuo.

b b. Item.

R. T.

KYRIE eleison. Kyrie eleison. Kyrie eleison.

c c. De

c c. Denuò,

DOMINVS vobiscum.

Resp.

ET cum spiritu tuo.

d d. Antiphona post Euangelium.

R. T.

ECCĒ annuncio vobis gaudium magnum, quod erit in vniuersa terra: hodiè natus est vobis saluator mundi in ciuitate Dauid: regnabit, & regni eius non erit finis.

e e. Versus.

PACEM habete.

Resp.

AD te Domine.

f f. Rursùm.

DOMINVS vobiscum.

Resp.

ET cum spiritu tuo.

g g. Oratio super sindonem.

R. T.

DEVS qui humanæ substantiæ, dignitatis tuæ gratiam contulisti, da nobis Iesu Christi filij tui diuinitatis esse consortes, qui fragilitatis nostræ dignatus est fieri particeps, Qui tecum viuit.

h h. Oblatio panis azymi cum patena.

SUSCIPE clementissime pater hunc panem sanctum, vt fiat vnigeniti tui corpus, in nomine † patris, & † filij, & spiritus † sancti. Amen.

i i. Oblatio vini aqua mixti in calice.

SUSCIPE clementissime pater hunc calicem, vinum aqua mixtum, vt fiat vnigeniti tui sanguis, in nomine † patris, & † filij, & spiritus † sancti. Amen.

k k. Orationes secretæ ad munus oblatum.

OMNIPOTENS sempiternus Deus, placabilis, & acceptabilis sit tibi hæc oblatio, quam ego indignus pro me misero peccatore,

P p

& pro

& pro delictis meis innumerabilibus tuæ pietati offero, vt veniam & remissionē omnium peccatorum meorum mihi cōcedas, & iniquitates meas nē respexeris, sed sola tua misericordia mihi proficit indigno: Per Christum Dominum.

Et suscipe sancta Trinitas hanc oblationē, quam tibi offerimus pro regimine & custodia, atque vnitāte catholicæ fidei, & pro veneratione quoquē beatæ Dei genitricis Mariæ, omniumque simul sanctorum tuorum, & pro salute & incolumitate famulorum famularumque tuorum N. & omnium, pro quibus clementiam tuam implorare polliciti sumus, & quorum quarumque eleemosynas suscepimus, & omnium fidelium Christianorum tam viuorum quàm defunctorum, vt te miserante remissionem peccatorum, & æternę beatitudinis præmia in tuis laudibus fideliter perseuerando percipere mereantur, ad gloriam & honorem nominis tui Deus, misericordissime rerum conditor: Per Christum Dominum.

Et suscipe sancta Trinitas hanc oblationem pro emendatione mea, vt munda & purges me ab vniuersis peccatorum maculis, quatenus tibi dignè ministrare merear Deus & clemētissimē Domine. Benedictio Dei patris † omnipotentis, & † filij, & spiritus † sancti copiosa de cælis descendat super hanc nostram oblationem, & accepta tibi sit hæc oblatio Domine sancte, pater omnipotens, æterne Deus, misericordissime rerum conditor. Amen.

R. T.

E. I. Offerenda.

Eccē apertum est templum tabernaculi testimoniij, & Hierusalem noua descendit de cælo, in qua est sedes Dei & agni: & serui eius offerunt ei munera, dicentes: Sanctus, sanctus, sanctus, Dominus Deus omnipotens, qui erat, & qui est, & qui venturus est. V. Et ecce sedet in medio eius super thronū maiestatis suæ agnus, & vox sonat ante eum, dicens: Vicit Leo de tribu Iuda radix Dauid, & quatuor animalia requiem non habent, dicētia sedenti super thronum: Sanctus.

mm. De-

M m. Denuò,

DOMINVS vobiscum.

Resp. Et cum spiritu tuo.

N n. Symbolum.

CREDO in vnum Deum, patrem omnipotentem, factorem R. T.
 celi & terræ, visibilium omnium & invisibilium: & in vnum Do-
 minū Iesum Christum, filium Dei vnigenitum, & ex patre natum
 ante omnia secula, Deum de Deo, lumen de lumine, Deum verum
 de Deo vero: Genitum, non factum, consubstantialem patri, per
 quem omnia facta sunt. Qui propter nos homines, & propter no-
 stram salutem descendit de cælis: & incarnatus est de spiritu sancto
 ex Maria virgine, & homo factus est. Crucifixus etiam pro nobis
 sub Pontio Pilato, passus & sepultus est. Et resurrexit tertia die se-
 cundum scripturas. Ascendit ad cælos, sedet ad dexteram patris.
 Et iterum venturus est cum gloria, iudicare viuos & mortuos, cuius
 regni non erit finis. Et in spiritum sanctum Dñm, & viuificantem:
 qui ex patre filioq; procedit, qui cum patre & filio simul adoratur,
 & conglorificatur, qui locutus est per prophetas. Et vnam sanctam
 catholicam & Apostolicam Ecclesiam. Confiteor vnum baptisma
 in remissionem peccatorum. Et expecto resurrectionem mortuo-
 rum, & vitam venturi seculi. Amen.

O o. Rursùm.

DOMINVS vobiscum.

Resp.

Et cum spiritu tuo.

P p. Oratio super oblatam alta voce dicenda.

R. T.

Grata tibi sit, quæsumus Domine, hodiernę natiuitatis Domini
 nostri Iesu Christi hæc oblatio. Vt tua gratia largiente, per hæc sa-
 cro sancta commercia, in ipsius inueniamur forma, in quo & no-
 stram credendo speramus esse substantiam. Qui tecum &c. Per
 omnia secula seculorum. R. Amen.

Q q. Prefatio in canonem.

R. T.

P p. 2

Do-

DOMINVS vobiscum.

Resp.

Et cum spiritu tuo.

SVRSVM corda.

Resp.

HABEMVS ad Dominum.

GRATIAS agamus Deo nostro.

Resp.

DIGNVM & iustum est.

R. r. Præfatio.

Ms.

VERE. Quia dignum & iustum est, æquum & salutare &c. Per Christum Dominum nostrum.

QVEM beata Maria sine detrimento virginitatis & sine virili actione mater & virgo concepit intacta, & non est eius conceptio sine virginitatis inuenta pudore. Vt quod audiuit ab angelo, crederet: & quod crediderat, indubitanter acciperet. Nec in ea honor exterminatus est integritatis, vt mater sempiternæ diceretur castitatis. O beatum & sacrosanctum Mariæ virginis vterum, * quæ sola meruit inter mulieres suis visceribus mundi portare Dominum: ad nostram quoque salutem æternam edidit Christum. Gaudet itaq; vniuersus orbis, quia ex mēbris virginalibus egressus est Deus. Cōgratuletur innumerabilis multitudo angelorū exercitū, cum quibus innumerabilem gloriam tuam canimus, sine fine dicentes: Sanctus.

* qui meruit mun-
di portare
Dominū.

R. T.

S s. Hymnus trishagios.

SANCTVS, sanctus, sanctus, Dominus Deus sabbaoth. Pleni sunt cæli & terra gloria tua, hosanna in excelsis.

Benedictus qui venit in nomine Domini, hosanna in excelsis.

Meminit huius ipse
Ambr. l. 4. de sacr. c.
4. & in cap. 2. epist.
1. ad Timoth. verbis
suprà citatis,

r. t. Oratio pro populo, Regibus, & cæ-
teris viuīs.

TE igitur clementissime pater, per Dominum nostrum Iesum

IESVM Christum filium tuum, supplices rogamus & petimus, vt accepta habeas, & benedicas † hæc dona, † hæc munera, † hæc sancta sacrificia illibata: In primis quæ tibi offerimus pro Ecclesia tua sancta Catholica, quam pacificare, custodire, adunare, & regere digneris toto orbe terrarum, vnâ cum famulo & sacerdote tuo Papa nostro N. & Pontifice nostro N. & famulo tuo N. Imperatore, sed & regibus & cæteris orthodoxis atque Catholicæ & Apostolicæ fidei cultoribus.

MEMENTO Domine famulorum famularumque tuorum, & omnium circumstantium, quorum tibi fides cognita & nota deuotio, pro quibus tibi offerimus, vel qui tibi offerunt hoc sacrificium laudis, pro se suisque omnibus, pro redemptione animarum suarum, pro spe salutis & incolumitatis suæ, tibiq; reddunt vota sua, æterno Deo, viuo & vero.

v. Infra actionem.

COMMUNICANTES & memoriam venerantes, in primis gloriosæ semperque virginis Mariæ genitricis Dei ac Domini nostri Iesu Christi, sed & beatissimorum Apostolorum & martyrum tuorum Petri & Pauli, Andreæ, Iacobi, Ioannis, Thomæ, Iacobi, Philippi, Bartholomæi, Matthæi, Simonis & Thaddæi, Xysti, Laurentij, Hippolyti, Vincentij, Cornelij, Cypriani, Clementis, Chrysogoni, Ioannis & Pauli, Cosmæ & Damiani, Apollinaris, Vitalis, Nazarij & Celsi, Protasij & Geruasij, Victoris, Naboris, Felicis, Calimeri, Materni, Eustorgij, Dionysij. Et omnium sanctorum tuorum, quorum meritis precibusque concedas, vt in omnibus protectionis tuæ muniamur auxilio. Per Christum Dominum nostrum.

Nihil obstat quod Diuus syriacus Papa hoc Missæ adiecit scribatur, quia sub illo vixit aliquandiu D. Ambrosius qui ss. Apollinarem & cæteros Mediolanenses infra scriptos addidit.

xx. Inuocatio sacerdotis.

FAC nobis Deus hanc oblationem ascriptam, rationabilem, acceptabilem, quæ nobis corpus & sanguis fiat di-

Hoc etiâ ex ipso Ambrosio descriptum est lib. 4. de sacr. cap. 3.

Pp 3 le-

lectissimi Filij tui, D E I & Domini nostri Iesu Christi.

yy. Ablutio digitorum.

LAVABO inter innocentes manus meas, & circumdabo altare tuum Domine, vt audiam vocem laudis tuæ, & enarrem vniuersa mirabilia tua.

Etia hæc
Ambrosi-
ana sunt
loc. cit.

zz. Consecratio panis per verba Christi.

QVI pridie quàm pateretur, in sanctis manibus suis accepit panem, respexit in cælum, ad te sancte pater, omnipotens æterne Deus, gratias agens, benedixit, fregit, fractumque Apostolis suis & discipulis suis tradidit, dicēs: Accipite & edite ex hoc omnes. **HOC EST ENIM CORPVS MEVM**, quod pro multis confringetur.

Itē & hæc. Aaa. Consecratio calicis per verba Christi.

SIMILITER etiam calicem postquæ cœnatum est, pridie quàm pateretur, accepit: respexit ad cælum, ad te sancte pater, omnipotens æterne Deus, gratias agēs, benedixit, Apostolis [& discipulis] suis tradidit, dicens: Accipite & bibite ex eo omnes. **HIC EST ENIM SANGVIS MEVS.**

Ex eodem
Ambros.
lib. cap. 6,
& hæc

MANDANS quoque & dicens ad eos: Quotiescunque & hoc feceritis, toties commemorationem meā facietis, [mortem meam prædicabitis, resurrectionem meam annuntiabitis, aduentum meum sperabitis] donèc iterum adueniam.

bbb. Commemoratio, passionis, resurrectionis, & Ascensionis Domini.

Ibidem. ERGÒ memores gloriosissimæ eius passionis, & ab inferis resurrectionis, & in cælum ascensionis, offerimus tibi hanc immaculatam hostiam, rationabilem hostiam, incruentam hostiam, hunc panem sanctum, & calicem vitæ æternæ.

ET petimus & precamur, vt hanc oblationem suscipias, in sublimi altari tuo per manus angelorum tuorum, sicut suscipere digna-

dignatus es munera pueri tui iusti Abel, & sacrificium patriarchæ nostri Abrahamæ, & quod tibi obtulit summus sacerdos tuus Melchisedech.

ccc. Oratio pro defunctis.

MEMENTO etiam Domine famulorum famularumque tuorum N. qui nos præcesserunt cum signo fidei, & dormiunt somno pacis: ipsis & omnibus in Christo quiescentibus locum refrigerij, lucis, ac pacis vt indulgeas, deprecamur. Per eundem Christum Dominum.

Alludit
ad hæc eti-
am Amb.
de obitu
Valenti-
niani.

ddd. Oratio sacerdotis pro seipso.

NOBIS quoque minimis & peccatoribus famulis tuis, de multitudine misericordiæ tuæ sperantibus, partem aliquam & societatem donare digneris cum tuis sanctis Apostolis & martyribus, cum Ioanne & Ioanne, Stephano, Andrea, Petro, Marcellino, Agnete, Cæcilia, Felicitate, Perpetua, Anastasia, Agatha, Euphemia, Lucia, Apollonia, Iustina, Sauina, Tecla, Pelagia atque Catharina. Et cum omnibus sanctis tuis: intra quorum nos consortium, non æstimator meriti, sed veni, quæsumus, largitor admitte. Per Christum Dominum nostrum.

PER quem hæc omnia Domine semper bona creas, † sanctificas, † viuificas, † benedicis, & nobis famulis tuis largiter præstas, ad augmentum fidei, & remissionem omnium peccatorum nostrorum. Et est tibi DE O patri omnipotenti, ex ipso †, & per ipsum †, & in ipso †, omnis honor, virtus, laus & gloria, imperium †, perpetuitas †, & potestas † in vnitæte spiritus sancti: Per infinita secula seculorum. Amen.

eee. Confractio hostiæ, & commixtio

in calice.

CORPVS tuum frangitur Christe, calix benedicitur: sanguis tuus sit nobis semper ad vitam & ad saluandas animas, Deus noster.

COM-

COMMIXTIO consecrati corporis & sanguinis Domini nostri Iesu Christi, nobis edentibus & sumentibus proficiat ad vitam & gaudium sempiternum.

R. T. fff. Confractorium siue Antiphona ad confectionem.

MAGNUM & salutare mysterium Dei nostri: quæ peperit, & mater & virgo est: quem peperit, Deus & homo est: ipse est creator omnium, filius virginis, Dominus genitricis.

Huius quoque meminit Ambrosius lib. 5. de sacr. c. 4. Ambrosius ibi. lib. 6. ca. 5.

ggg. Oratio Dominica.

DIVINO magisterio edocti, & salutaribus monitis instituti, audemus dicere: Pater noster qui es in cælis &c.

Eiusdem appendix.

PER Dominum nostrum Iesum Christum, in quo tibi est, cum quo tibi est honor, laus, gloria, magnificentia, potestas cum spiritu sancto à seculis, & nunc & semper & in omnia secula seculorum. Amen.

h h h. Pacis nunciatio.

V. Pax & communicatio Domini nostri Iesu Christi sit semper vobiscum.

R. Et cum spiritu tuo.

V. Offerte vobis pacem.

R. Deo gratias.

V. Pax in cælo, pax in terra, pax in omni populo, pax sacerdotibus Ecclesiarum DEI. Pax Christi & Ecclesiæ maneat semper vobiscum.

iii. Oratio ante Communionem corporis Domini.

DOMINE sancte, pater omnipotens, æterne Deus, da mihi hoc corpus Iesu Christi filij tui Domini mei ita sumere, ut non sit mihi ad iudicium, sed ad remissionem omnium peccatorum meorum. Qui tecum.

k k k.

Item ante Communionem sanguinis Domini,

PRÆ-

PRAESTA, quæso Domine, vt perceptio corporis & sanguinis Dñi nostri Iesu Christi, quem pro nobis dignatus es effundere, ab omni nos peccati macula purget, & ad vitam perducatur æternam, Amen.

LI. Orationes post sumptionem vtriusque.

DEO gratias, Deo gratias. Accepta Christi munera sumamus Dei gratia, non ad iudicium, sed ad saluandas animas Deus noster.

CONFIRMA hoc DEVS quod operatus es in nobis, & dona Ecclesiæ perpetuam tranquillitatem & pacem. Per Dominum nostrum.

ASCENDAT Domine oratio nostra ad thronum Maiestatis tuæ, & nè vacua reuertatur ad nos postulatio nostra, Domine exaudi orationem nostram, Et clamor noster ad te perueniat. Et nè vacua reuertatur &c.

MMM. Communio adstantium.

V. Corpus Christi.

R. Amen.

NNN. Transitorium.

GAUDE & lætare exultatio angelorum. Gaude Domini virgo, Prophetarum gaudium. Gaudeas benedicta, Dominus tecum est. Gaude quæ per angelum gaudium mudi suscepisti. Gaude quæ genuisti factorem & Dominum. Gaudeas, quia digna es esse mater Christi.

OOO. Salutatio populi.

V. Dominus vobiscum.

R. Et cum spiritu tuo.

PPP. Oratio post Communionem.

REPLE, quæsumus, Domine famulos tuos tua sacra benedictione: vt qui te factorem & conditorem ad eos renouandos Dominum nostrum Iesum Christum aduenisse confidunt, te au-

Qq thore

Hoc quo-
q; desum-
ptum est,
ex Ambr.
li. de sacr.
4. cap. 5.

R. T.

thore iugiter operante saluentur. Qui cum patre & spiritu sancto
viuis & regnas.

qqq. Iterum.

DOMINVS vobiscum.

R. Et cum spiritu tuo.

rrr. Rursum.

R. T.

Kyrie eleison, Kyrie eleison, Kyrie eleison.

fff. Benedictio.

R. T.

V. Benedicat & exaudiat nos Deus.

R. Amen.

ttt. Dimissio populi.

PROCEDAMVS in pace.

R. In nomine Christi.

AMBROSIANAE MIS- SAE ORATIONES ET PRAE- FATIONES PER RELI- QVVM ANNI CIR- CVLVM.

IN NAT. B. STEPHANI.

Oratio super populum.

sequentia ex Missal.
Mediolā. desumpta
sunt. Inter quæ præ-
fationes etiam quæ-
dam cum codice
Ms. Guilielmitarū
Brugē collatæ sunt.
Quibus notulam
MS. adiecimus.

OMNIPOTENS sempiternus Deus, qui primitias
martyrum in sancti Leuitæ Stephani sanguine dedicasti:
tribue, quæsumus, vt pro nobis intercessor existat, qui pro
suis etiam persecutoribus supplicauit dominum nostrum
Iesum Christum filium tuum. Qui tecum.

Oratio super sindonem.

DA, quæsumus, omnipotens Deus, vt beati protomar-
tyris

tyris tui Stephani post natiuitatem Dñi nostri Iesu Christi solennia recensentes, & meritis ipsius protegatur, & precibus adiuuemur. Per eundem Dominum.

Oratio super oblatam.

H o c munus populi tui Domine, Leuitæ & protomartyris tui Stephani deprecatione sit gratum, vt ecclesia tua eius semper intercessionibus adiuuetur, cuius sine cessatione instruitur disciplina. Per Dominum nostrum.

Præfatio.

AETERNE Deus, Qui Leuitarum præconem vocâsti Stepha- M. S.
num: Hic tibi primus dedicauit martyrij nomen: Hic tibi inchoauit primus effundere sanguinem: Hic meruit videre cælos apertos, & filium stantem ad dexteram patris. In terris hominem adorabat, & in cælo filium patris esse clamabat. Hic magistri verba referebat, quia quod Christus dixit in cruce, hoc Stephanus docuit in sanguinis sui morte. Christus in cruce indulgentiam seminabat, & Stephanus pro suis lapidatoribus Dominum supplicabat. Propterea cum angelis & archang.

Oratio post Communionem.

GRATIAS tibi agimus Domine, multiplicatis circa nos miserationibus tuis, qui & filij tui natiuitate nos saluas, & B. protomartyris tui Stephani deprecatione sustentas. Per eundem Dominum.

B. IN NAT. B. IOANNIS APOSTOLI ET EVANGELISTAE.

Oratio super populum.

DEVS, qui per os beati Apostoli tui Ioannis Euangelistæ, verbi tui nobis arcana referâsti: præsta, quæsumus, vt quod ille nostris auribus excellenter infudit, intelligentiæ competentis eruditione capiamus. Per eundem Dominum.

Qq 2 Oratio

Oratio super find.

PRAESTA, quæsumus, omnipotens Deus, ut verbum caro factum, quod B. Ioannes Euangelista prædicauit, per hoc suū mysterium habitet semper in nobis. Qui tecum.

Oratio super obl.

SUPPLICATIONIBVS Apostolicis B. Ioannis Euangelistę, quæsumus Domine, Ecclesię tuę commendetur oblatio, cuius magnificis prædicationibus eruditur. Per Dominum nostrum.

Præfatio.

M. S.

AETERNE Deus. Beati Ioannis Euangelistę merita recolentes, quem Dominus Iesus Christus non solum peculiari semper decore ornauit, sed & in cruce positus, tanquam hæreditario munere profecutus, vicarium pro se matri filium clementer adtribuit. Quem intantum benignitas indulta præfecit, ut & factus ex piscatore discipulus, & humanę dispensationis modum excedens, ipsam verbi tui sine initio Deitatem, præ ceteris & mente conspiceret, & voce proferret. Propterea cum angelis & archang.

Oratio post Communionem.

APOSTOLICA B. Ioannis Euangelistę, quæsumus Domine, intercessionem nos adiuua, pro cuius solennitate percepimus tua sancta lætantes. Per Dominum nostrum.

C. IN NAT. BEATORVM INNOCENTVM.

Oratio super populum.

LAETETVR, quæsumus, Domine Ecclesia tua de tuorum celebritate infantum, & misericordiæ tuæ iugiter experiatur effectum: quod & fragilitas humana subsistat, & diuina supplicantibus redemptio non negetur. Per Dominum nostrum.

Oratio super find.

TRE-

TRIBVE, quęsumus, omnipotens Deus, vt Innocentum sinceritarem possimus imitari, quorum tibi dicatam veneramur infantiam, Per Dominum.

Oratio super obl.

PRAESTA, quęsumus, omnipotens Deus, vt & hi martyres tui pro nobis interueniant, quorum clara prior est confessio, quàm loquela. Per Dominum nostrum.

Præfatio.

AEQVVM & salutare. Nos in preciosa morte paruulorum te, Ms. sancte pater omnipotens, gloriosius collaudare, quos propter filij tui Domini nostri Saluatoris infantiam, bestiali sæuitia Herodes funestus occidit. Immensa clementiæ tuæ * dona cognoscimus. * benefi. Fulget nanque sola magis gratia, quàm voluntas: & clara est prius ^{cia} confessio, quàm loquela. Antè passio, quàm membra passionis existerent. Testes Christi, qui eius nondum fuerant agnitores. O infinita benignitas omnipotentis, cùm pro suo nomine trucidatis, etiam nescientibus, æternæ meritum gloriæ perire non patitur, sed proprio cruore perfusis, & salus regenerationis expletur, & imputatur corona martyrij. Per eundem.

Or. post Com.

HODIERNÆ solennitatis effectum sumpsimus Domine gaudia magna de paruis, suppliciter exorantes, vt hanc abundantiam in nostra quoquē saluatione defendas. Per Dominum nostrum Iesum Christum,

D. IN ORDINATIONE B. IACOBI
ALPHAEI APOSTOLI
XXX. DEC.

Or. super populum.

DEVS, qui huius diei venerandam sanctamque lætitiā beati Apostoli tui Iacobi festiuitate tribuisti, da Ecclesiæ

Qq 3 tuæ

tuae & amare quod credidit, & predicare quod docuit. Per Dominum nostrum Iesum Christum.

Or. super find.

TRIBVE, quaesumus, omnipotens Deus, ut cuius doctrina populus tuus ad confessionem Deitatis tuae est institutus, eius suffragantibus meritis, diuinae seruiat unitati. Per Dominum nostrum,

Or. super oblata.

Supplicationibus, ut supra in Nat. D. Ioannis.

Præfatio.

AETERNE Deus. Maiestatem tuam suppliciter deprecantes, ut digneris nos beati Iacobi Apostoli dignis precibus confouere, ut cuius victorijs sine cessatione gaudemus, protectione perpetua muniamur. Per Christum Dominum.

Or. post Com.

PIGNVS vitae aeternae capientes, humiliter te Domine imploramus, ut Apostolicis fulti patrocinijs, quod in imagine contingimus sacramenti, manifesta perceptione sumamus. Per Dominum nostrum Iesum Christum filium tuum, qui tecum.

E. DOMINICA I. POST NATIVITATEM DOMINI.

Or. super populum.

RESPICE, quaesumus, Domine populum supplicantem misericordiam tuam, ac dispone praesidijs, ut te in omnibus rectore gratuletur, quia non habet nisi in tua tantum pietate fiduciam. Per Dominum.

Super find.

PATEANT aures misericordiae tuae, Domine, precibus supplicantium: & ut petentibus desiderata concedas, fac eos quae tibi sunt placita, postulare. Per Dominum,

Super

Super obl.

RESPICE Domine, quesumus, nostram propitius seruitutem: vt quod offerimus, sit tibi munus acceptum, sit nostræ fragilitati subsidium. Per Dominum nostrum.

Præfatio.

ÆTERNE Deus. Suppliciter implorantes, vt filius tuus Iesus Christus, qui se vsque in finem sæculi suis promisit fidelibus affuturum, & præsentiae corporalis mysterijs non deferat, quos redemit, & maiestatis suæ beneficijs non relinquat. Quem laudant.

Post Com.

REPLETI sumus Domine muneribus tuis: tribue, quesumus, vt eorum emundemur effectu, & muniamur auxilio. Per Dominum nostrum.

F. INFRA OCT. NAT. DOMINI.

DEVS, qui restaurationem conditionis humanæ mirabiliter operaris: tribue, quesumus, vt simul perficiatur in nobis, quod verbi tui creauit dignatio, & quod eius hominis facti gloriosa natiuitas reformauit. Per eundem.

Super sindonem.

DEVS, qui humanum genus principaliter sauciatur, Christi tui natiuitate saluare dignatus es: præsta, quesumus, vt non inhecreamus perditionis auctori, sed ad redemptoris nostri consortia transferamur. Per eundem Dominum.

Super obl.

OBLATIO tibi sit, Domine, quesumus, hodiernæ festiuitatis accepta, quia & nostræ reconciliationis processit perfecta placatio, & diuini cultus nobis est indita plenitudo. Per Dominum nostrum.

Præfatio.

ÆTERNE

AETERNE Deus. Tuæ laudi hostiam iugiter immolantes cuius figuram Abel iustus instituit, agnus quoque legalis ostendit, celebrauit Abraham, Melchisedech sacerdos exhibuit: sed verus agnus & æternus Pontifex hodiè natus Christus impleuit. Et ideò cum angelis.

Post Com.

HIS Domine sacramentis tuus nos semper natalis instauret, cuius nouitas siugularis, humanam repulit vetustatem. Qui cum patre.

De Caléd.
Ianuar. ha
bet Serm.
Ambr. 17.

G. IN OCTAVA DOMINI.

OMNIPOTENS sempiternæ Deus, qui tuæ mensæ participes, à diabolico iubes abstinere conuiuio: da, quesumus, plebi tuæ, vt gustu mortiferæ prophanitatis abiecto, puris mentibus ad epulas æternæ salutis accedat. Per Dominum nostrum.

Super find.

OMNIPOTENS sempiternæ Deus, qui in vnigenito tuo nouam creaturam nos tibi esse fecisti, custodi opera misericordiæ tuæ, & ab omnibus nos maculis vetustatis emunda: vt per auxilium gratiæ tuæ, in illius inueniamur forma, in quo tecum est nostra substantia. Qui tecum.

Super obl.

Muneribus nostris, quesumus Domine, precibusque susceptis, & cælestibus nos munda mysterijs, & clementer exaudi. Per Dominum.

MS.

Præfatio.

PER Christum Dominum nostrum. Qui vt nos à graui seruitute legis redimeret, circumcisionis legalis * purgationem accepit: In qua & obseruationis antiquæ probator existeret, & humanam in se naturam vetustate expolians innouaret. Præteriti sacramentorum consummator mysterij, idem legislator & custos, præcipiens

cipiens & obediens, diues in suo, pauper in nostro. Par turturum vel duos pullos columbarum: sacrificio vix sufficit celi terreque possessor. Grandæui Simeonis inualidis gestatur manibus, à quo mundi rector & Dominus prædicatur. Accedit etiam testificantis oraculum viduæ, quoniam decebat vt ab ytroque annunciaretur sexu vtriusque saluator. Quem laudant.

Super Com.

FAC nos, quæsumus Domine, multiplicatis solennitatibus iterare, quod nobis causam perpetuæ saluationis operatur. Per Dominum nostrum.

H. IN VIGILIA EPIPHANIAE DOMINI.

Orat. post Lect. 1.

ANNVE, quæsumus, omnipotens Deus, vt sicut scrutantibus Magis hodiè latenter est cognitus Dominus noster Iesus Christus, & adoratus à cunctis gentibus, ita & nostris sensibus manifestatus adueniat, & omni homini innotescat. Qui tecum viuit & regnat.

Or. post Lect. 2.

PRAESTA, quæsumus, omnipotens Deus, vt saluatoris mundi, stella duce, manifestata natiuitas mētibus nostris reueletur semper & crescat, Per eundem Dominum nostrum.

Or. post Lect. 3.

DEVS illuminator omnium gentium, da populis tuis perpetua pace gaudere, & illud lumē splendidum infunde cordibus nostris, quod trium Magorum mentibus adpersisti. Per Dominū nostrū.

Or. super populum.

OMNIPOTENS sempiternæ Deus, qui verbi incarnationem præclari testimonio fideris indicasti, quod videntes Magi, oblati maiestatem tuam muneribus adorauerunt: concede nobis, vt sem-

R r per

De Epi-
phania
Ser. 18. 20.
21. & 22.

per in mentibus nostris tuę appareat stella iustitię, & noster in tua sit confessione thesaurus. Per eundem.

Super find.

ADESTO Domine supplicationibus nostris, & populo tuo, quem tibi ex omnibus gentibus elegisti, veritatis tuę lumen ostende. Per Dominum.

Super obl.

ECCLESIAE tuę, quęsumus Domine, propitius dona intueri quibus non iam aurum, thus & myrrha profertur, sed quod eisdem muneribus declaratur, Iesus Christus Dominus noster. Qui tecum viuit & regnat.

Præfatio.

M. S. PER Christum Dominum nostrum. Qui à puerperio cælesti intulit mundo suę miracula maiestatis, vt adorandā Magis ostenderet stellam: & transacto temporis interuallo, aquam mutaret in vinum: & suo quoquē baptisate sanctificaret fluentia Iordanis, idem Iesus Christus Dominus noster. Quem vnā.

Post Commun.

LARGIRE, quęsumus, omnipotens Deus supplicibus tuis, vt quem natum in terris fatemur hominem, hunc Deum, astris quoquē fatentibus, adoremus. Qui tecum.

1. IN FESTO EPIPHANIAE DOMINI.

Super populum.

DEVS, qui hunc diem electionis gentium primitijs consecrasti, & per luminis tui stellam, manifestum te nobis ostendisti: tribue, quęsumus, vt noua cęlorum & mirabilis claritas, in nostris semper cordibus oriatur. Qui cum patre.

Annunciatio diei Paschatis per Diaconum.

NOVERIT charitas vęstra, fratres charissimi, quod annuente
Dei

Dei & Domini nostri Iesu Christi misericordia, die tali mensis talis Pascha Domini celebrabimus.

Super find.

TRIBVE, quęsumus, omnipotens Deus, vt sicut omnes nationes veniunt gaudentes adorare Christum regem Dominum natum, ita & hæc præclara lux habitet semper in nobis. Per eundem Dominum nostrum.

Super obl.

PIETATIS tuę Domine sacramentum hodierna solennitate recolentes, pro apparitione Domini nostri IESU Christi, & pro nostrę vocationis exordijs, sacrificium tibi laudis offerimus, quod propitiatus suscipias deprecamur. Per eundem Dominum.

Præfatio.

ÆTERNE Deus. Qui te nobis super Iordanis alueum de cælis in voce tonitruī præbuiſti, vt saluatorem mundi demonstrares, & te patrem æterni luminis ostenderes, cælos aperuiſti, ærem benedixiſti, fontem purificasti, & tuum vnicum filium per speciem columbę sancto spiritu declarasti: Susceperunt hodię fontes benedictionem tuam, & abstulerunt maledictionem nostram, ita vt credentibus purificationem omnium delictorum exhibeant, & * Deo filios generando * adoptiuę faciant, ad vitam æternam. Nam quos ad temporalem vitam carnalis natiuitas fuderat, quos mors per præuaricationem ceperat, hos vita æterna recipiens, ad regni cęlorum gloriam reuocauit. Per eundem Christum Dominum.

Ms.

* Dei
* adoptio
ne

Post Communionem.

CÆLESTI lumine, quęsumus, Domine semper & vbiquę nos præueni, vt mysterium, cuius nos participes esse voluisti, & puro cernamus intuitu, & digno percipiamus effectū. Per Dominum nostrum.

R. r. 2. x, DOM.

K. DOM. I. POST EPIPHAN.

Super populum.

BENEDICTIO, quæsumus, Domine in tuos fideles copiosa descendat, & quam subiectis cordibus expetunt, largiter consequantur: quoniam sicut superbis resistis, sic humilibus tuis gratiam benignus impendis. Per Dominum nostrum Iesum Christum filium tuum.

Super sindonem.

VOTA, quæsumus, Domine supplicantis populi cælesti pietate prosequere, ut quæ agenda sunt, videant: & ad implenda, quæ viderint, conualescant. Per Dominum.

Super obl.

QUÆSUMUS, Domine Deus noster, ut noxijs desiderijs expeditos, deuotionem nos tibi liberam atque oblationem offerre concedas. Per Dominum nostrum.

Præfatio.

AETERNE Deus, Suppliciter exorantes, ut qui te authore subsistimus, te dispensante dirigamur, non nostris sensibus relinquamur, sed ad tuæ reducti semper tramitem veritatis, hæc studeamus exercere quæ præcipis, ut dona possimus percipere quæ promittis. Per Christum.

Post Com.

QUÆSUMUS, Domine Deus noster, ut quos diuinis reparare non desinis sacramentis, tuis non destituas benignus auxilijs. Per Dominum nostrum.

L. DOM. II. POST EPIPHAN.

Super populum.

OMNIPOTENS sempiternæ Deus, qui cælestia simul & terrena moderaris, supplicationes populi tui clementer exaudi, & pacem tuam nostris concede temporibus. Per Dominum.

Super

Super find.

ADESTO, quæsumus, Domine supplicationibus nostris, & in tua misericordia confidentes, ab omni nos aduersitate custodi. Per Dominum.

Super oblatam.

OBLATA Domine munera sanctifica, nosque per hæc à peccatorum nostrorum maculis emunda. Per Dominum.

Præfatio.

ÆTERNE Deus. Semperque virtutes & laudes tuas labijs exultationis effari, qui nobis ad releuandos istius vitæ labores, diuersa donorum tuorum solatia, & munerum salutarium gaudia contulisti, mittendo nobis Iesum Christum Dominum nostrum. Per quem.

Post Communionem.

AVGEATUR in nobis Domine, quæsumus, tuæ virtutis operatio, vt diuinis vegetati sacramentis, ad eorum promissa capienda tuo munere præparemur. Per Dominum nostrum.

M. DOMINICA III. POST EPIPHAN.

Super populum.

OMNIPOTENS sempiternæ Deus, infirmitates nostras propitius respice, atque ad protegendum nos, dexteram tuæ maiestatis extende. Per Dominum.

Super find.

VOX clamantis Ecclesiæ ad aures Domine, quæsumus, tuæ maiestatis ascendat, vt percepta venia peccatorum, te fiat operante deuota, & te protegente secura. Per Dominum.

Super obl.

HÆC hostia Domine, quæsumus, emundet nostra delicta, & ad sacrificium celebrandum, subditorum tibi corpora mentesque sanctificet. Per.

Rr 3 Præ-

Præfatio.

AETERNE Deus. Et te in omni tempore collaudare & benedicere, quia in te viuimus, mouemur, & sumus: & nullum tempus nullumque momētum est, quod à beneficijs pietatis tuæ vacuum transigamus. Varijs etenim solennitatum causis, salutarium nobis operum tuorum & munerum memoria, præsentis vitæ tempora exornat. Vndè & nos vel innouante lætitijs præteriti gaudij, vel permanentis boni tempus agnoscentes, indefessas maiestati tuæ grates exoluimus. Per Dominum.

Post Communionem.

QVOS tantis Domine largiris refici salutaribus mysterijs, quæsumus, vt effectibus nos eorum veraciter aptare digneris. Per Dominum.

N. DOM. III. POST EPIPHAN.

Super populum.

CONSERVA, quæsumus, Domine familiam tuam, & benedictionum tuarum propitijs vberrime purifica, vt eruditionibus tuis semper multiplicetur & donis. Per.

Super sind.

FAMILIAM tuam, quæsumus, Domine dextera tua perpetuo circundet auxilio, vt ab omni prauitate defensam, bonis cælestibus prosequatur. Per Dominum.

Super oblat.

CONCEDE, quæsumus, omnipotens Deus, vt huius sacrificij munus oblatum, fragilitatē nostram ab omni malo purget semper & muniat. Per.

Præfatio.

QVIA tu in nostra semper faciens infirmitate virtutem, Ecclesiam tuam inter aduersa crescere tribuisti, vt quum putaretur oppressa, tunc potiùs exaltata præualeret, dum simul & experi-
enti.

entiam fidei declarat afflictio, & triumphatrix semper perseverat,
te adiuuante, deuotio. Per Christum.

Post Communionem.

QVÆSUMVS &c. vt suprà Dom. I.

O. DOM. V. POST EPIPHAN.

Super populum.

OMNIPOTENS sempiternè Deus, dirige actus nostros in be-
neplacito tuo, vt in nomine dilecti filij tui mereamur bonis operi-
bus abundare. Per eundem.

Super find.

PROPITIARE misericors Deus supplicationibus nostris, &
populum tuum pia protectione custodi, vt qui vnigenitum tuum
in carnem nostri corporis Deum natum esse fatentur, nulla possint
diaboli falsitate corrumpi. Per eundem Dominum.

Super obl.

CONCEDE, vt Dom. præcedenti.

Præfatio.

AETERNE Deus. Et tibi hanc immolationis hostiam offer-
re, quæ salutifero & ineffabili diuinæ gratiæ sacramento offertur à
plurimis, & vnū corpus Christi, sancti spiritus infusione efficitur.
Singuli accipiunt Christum Dominum, & in singulis portionibus
est totus. Nec per singulos minuitur, sed integrum se præbet in sin-
gulis. Propterea ipsi qui sumimus communionem huius sancti pa-
nis & calicis, vnum corpus efficimur. Per ipsius itaq; maiestatem
te supplices exoramus, vt nos ab omnibus emundes contagijs vetu-
statis, & in nouitate vitæ perseverare concedas. Per eundem Chri-
stum.

Citat hæc
Præfat. D.
Ambrosij
titulo, D.
Algerus
libr. 1. de
sacram.

Post Communionem.

PER huius Domine mysterij virtutem & vitia nostra purgē-
tur, & iusta desideria compleantur. Per.

P. IN

P. IN NAT. S. AGNETIS.

Super populum.

DEVS, qui vt humanum genus ad confessionem tui nominis prouocares, etiam in fragili sexu perfecisti conditionem martyrij: præsta, quæsumus, vt Ecclesia tua hoc exemplo commonita, nec pati pro te metuat, & cælestis præmij gloriam concupiscat. Per Dominum.

Super find.

DA nobis, quæsumus Domine, beatæ martyris tuæ Agnetis confidenter honorare infantiam, quæ in puellari consistens ætate, mortem pro tua confessione calcauit. Per Dominum.

Super obl.

MVNERA plebis tuæ, quæsumus, Domine lætanter offerimus, quæ in honore nominis tui & sanctæ Agnetis nobis remedia sempiterna dignanter impendant. Per Dominum.

Præfatio.

M. S.

ÆTERNE DEUS. Recensentes diem beatæ Agnetis martyrio consecratum, quæ terrenæ generositatis oblectamenta despiciens, cælestem meruit dignitatem. Et societatis humanæ vota contemnens, æterni regis est sociata consortio: Et preciosam mortem, sexûs fragilitate calcata, pro Christi confessione suscipiens, simul est eius facta conformis, vt sempiternitati eius sociaretur & gloriæ. Per eundem Christum Dominum.

Post Communionem.

REFECTI cibo potuque cælesti, DEVS noster, te supplices exoramus, vt in cuius hæc commemoratione percepimus, eius muniamur & precibus. Per Dominum nostrum.

Q. IN NAT. S. VINCENTII.

Super populum.

DEVS mundi creator & rector, qui hunc diem in Leuitæ tui Vincentij martyrio consecrasti: exaudi propitius supplices tuos, & con-

& concede, vt omnes qui martyrij eius merita veneramur, intercessionibus eius ab æternis gehennæ incendijs liberemur. Per Dominum.

Super find.

A V X I L I V M, quæsumus, Domine Maieſtati tuæ poteſtatiq̃ue ſubiectis tribue, vt quicquid actibus noſtris non meremur accipere, beati Leuitæ & martyris tui Vincentij precibus aſſequamur. Per Dominum.

Super obl.

H O S T I A S tibi Domine B. Vincentij Leuitæ & martyris tui dicatas meritis, benignus aſſume, & ad perpetuum nobis tribue prouenire ſubſidium. Per Dominum.

Præfatio.

P E R Chriſtum Dominum noſtrum. Qui martyrem ſuum M. S. Vincentium vocauit ad gloriam, qui eum per martyrij vulnera cæleſtem vocauit ad palmam. Hic nempe martyr, verus Domini teſtis, non dubitauit pro Chriſto animam dare in mortem, ſciens quòd hîc non haberet ciuitatem manentem, ſed in cælo diſtributam hæreditatem per ſortem. Non timuit tortoribus in pœnis tradere membra, ſciens quòd caro ſua glorificata reſurgat, & propter dolorum flagella recipiat præmia ſempiterna. Torquetur, tûditur, flagellatur, exuritur: ſed inuictus pro ſancto nomine animus, non concutitur. * Plûs ardet igne cæli, quàm ferri: plûs neçtitur timore D E I, quàm * ſeculi. Plûs voluit placere Deo, quàm foro: plûs dilexit mori mundo, quàm Domino. Propter quod in ſancta confeſſione triumphans, nec in perſecutione animam ponere dubitans, carnea clauſtra relinquens, ad cæleſte regnû conſcendens, cum ſanctis omnibus exultat & gaudet. Et ideò cum.

* plus ardens
* pœnæ

Post Communionem.

Q V A E S V M V S, omnipotens Deus, vt qui cæleſtia alimenta percepiſimus, intercedente beato Vincentio Leuita & martyre

Sf tuo,

tuo, per hæc contra omnia aduersa muniamur. Per Dominum.

R. IN CONVERSIONE S. PAULI.

Super populum.

DEVS, qui vniuersum mundum beati Apostoli tui Pauli prædicatione docuisti, da nobis, quæsumus, vt cuius hodiè conuersionem colimus, per eius ad te exempla gradiamur. Per Dominum.

Super sindonem.

PRAESTA nobis, quæsumus, Domine consolationis auxilium, vt diuturnis calamitatibus laborantes, beati Apostoli tui Pauli intercessione, à cunctis tribulationibus eruamur. Per Dominum nostrum Iesum Christum filium tuum.

Super obl.

APOSTOLI tui Pauli precibus, Domine, plebis tuæ dona sanctifica, vt quæ tibi tuo grata sunt instituto, gratiora fiant patrocinio supplicantis. Per Dominum.

Præfatio.

AETERNE Deus. Qui Ecclesiam tuam in beati Apostoli tui Pauli prædicatione constantem, nulla sinis fallacia violari: Quia nihil in vera religione manere censetur, quod eius non * conuenit disciplinis. Quem hodiè vas factum electionis, magistrum & doctorem gentium vocandarum, mutato in Paulum nomine, collocasti. Per Christum.

* condic-
xit disci-
plina.

Post Communionem.

SANCTIFICATI Domine salutaris mysterio, quæsumus, vt pro nobis eius non desit oratio, cuius donasti patrocinio gubernari. Per Dominum.

S. IN NAT. S. AGATHAE.

Super populum.

INTERCESSIONEVS beatæ virginis & martyris tuæ Agathæ, quæsumus Domine, fructum clementiæ tuæ sentiant supplican-

cantes, cuius orationibus in sancta tua Ecclesia etiam eorum deuotione efficiantur mentes. Per Dominum nostrum.

Super find.

TRIEVE, quesumus, omnipotens Deus, vt sanctæ virginis & martyris tuæ Agathæ solennitate letemur, & tantæ fidei & castitatis proficiamus exemplo. Per Dominum nostrum.

Super oblat.

FIANT Domine tuo grata conspectui munera supplicantis Ecclesiæ, & vt nostræ salutis proficiant, adsit intercessio beatæ tuæ martyris Agathæ. Per Dominum.

Præfatio.

ÆQVVM & salutare. Nos te in hoc præcipuè die digna laude præconij canere, in quo Agatha triumphans, hostia tuæ maiestati oblata est: Cui tantam contulisti victoriam, vt ipsa seua & aspera victricem tremere tormenta. Cuius lampas coruscis emicat fulgoribus, vt referatas poli ingredi valeat ianuas. O felix & inclyta virgo, quæ meruit Domini pro laude fidelis martyrium sanguine clarificare suum. O illustris & gloriosa, gemino illustrata decore, quæ inter tormenta aspera, cunctis præclara miraculis, & mystico pollens suffragio, Apostoli tui meruit visitatione curari. Hanc Christo nuptam susceperunt angelorum agmina, quæ mentis eius sanctitatem indicârunt, & patriæ liberationem. Per eundem Christum.

Post Communionem.

EXVITEMVS pariter de percepto pane iustitiæ, & de tuæ Domine festiuitate martyris Agathæ, quia interuentionibus tibi placentium confidimus, nobis ad perpetuam vitam profutura quæ sumpsimus. Per Dominum nostrum.

T. IN NAT. S. MATHIAE.

Super populum.

Sf 2 DEVS,

DEVS, qui proditoris tui ruinam, nè Apostolorum tuorum numerus sacratus perfectione careret, beati Apostoli tui Mathiæ electione supplēsti: præsta, quæsumus, vt eius protegamur meritis, in cuius festiuitate annua deuotione lætamur. Per Dominum.

Super find.

DEVS, qui es vita indeficiens & salus æterna, exaudi nos clemens & propitius, vt qui ad beatissimi Apostoli tui Mathiæ festiuitatem conueniunt, eius interuentu à morte perpetua liberentur. Per Dominum.

Super oblatam.

SACRIFICIA Domine tibi laudis offerimus, beati Apostoli tui Mathiæ solennia recolentes, vt in eius fortis collegio, gratia tua opitulante, purificatis mentibus inueniri mereamur. Per Dominum.

Præfatio.

ÆTERNE Deus. Te suppliciter exorantes, vt gregem tuum pastor æterne non deseras, sed per beatum Mathiam continua protectione custodias. Quem inter sanctos Apostolos tuos constituere dignatus es, vt quod nequissimi infidelitas dignè amiserat, istius fidelissimi constantia benè promerendo susciperet. Et ideò cum.

Post Com.

PLACEANT, quæsumus, omnipotens Deus Maiestati tuæ sacrificia, quæ sumpsimus, & sicut beatum Mathiam Apostolorum tuorum numero sorte aggregasti, ita nos mente & corpore emundatos, eius consortio fociare digneris. Per Dominum nostrum Iesum Christum.

V. DOM. IN SEPTVAGESIMA.

Super populum.

PRECES populi tui, quæsumus, Domine clementer exaudi,
vt

vt qui iustè pro peccatis nostris affligimur, pro tui nominis gloria misericorditer liberemur. Per Dominum nostrum.

Super find.

FAMILIAM tuam, quæsumus, Domine continua pietate custodi, vt quæ in sola spe gratiæ cælestis innititur, tua semper protectione muniatur. Per Dominum.

Super obl.

HOSTIAS, quæsumus, Domine nostræ deuotionis benignus assume, & sacrificijs gloriosis subditorum tibi corda purifica. Per Dominum.

Præfatio.

AETERNE Deus. Ad cuius immensam pertinet gloriam, vt non solum mortalibus tua Deitate succurreres, sed & de ipsa etiã mortalitate nostra nobis remedium prouideres, & perditos quosque, vnde perièrant, indè saluares. Per Christum Dominum nostrum.

Post Com.

FIDELIS tui Deus perpetuis donis firmentur, vt eadem & percipiendo requirant, & querendo sine fine percipiant. Per Dominum nostrum.

X. DOM. IN SEXAGES.

Super populum.

AUXILIARE Domine populo tuo, vt sacre deuotionis proficiens incrementis, & tuo semper munere gubernetur, & ad redemptionis æternæ perueniat, te deducente, consortiũ. Per Dominum nostrum.

Super find.

ECCLESIAM tuam Domine perpetua miseratione prosequere, vt inter seculi turbines constituta, & præsentis iucunditate respiret, & æternæ beatitudinis donum percipiat.

S f 3

Super

Super obl.

GRATIAS tibi referat Domine corde subiecto tua semper Ecclesia, & consequenter obtineat, vt obseruationes antiquas iugiter recensendo, proficiat in futurum. Per Dominum.

Præfatio.

ÆTERNE Deus. Qui nos de donis bonorum temporalium, ad perceptionem prouehis æternorum, Hæc enim tribuis, & illa promittis, vt & mansuris iam incipiamus inferi, & prætereuntibus non teneri. Tuum est enim omne quod viuimus, quia licet peccati vulnere natura nostra sit vitata, tui tamen est operis, vt à terrenis ad cælestia renascamur. Per Christum.

Post Com.

REFECTI vitalibus alimentis, quæsumus Domine, ad vitam nutriamur æternam. Per Dominum.

Y. DOM. IN QVINQVAG.

Super populum.

PRÆSTA famulis tuis Domine abundantiam protectionis & gratiæ: Da salutem mentis & corporis, da cōtinuæ prosperitatis augmenta, & tibi semper fac esse deuotos. Per Dominū.

Super find.

CONSERVA Domine familiam tuam bonis semper operibus eruditam: & sic præsentibus consolare præfidijs, vt ad superna perducas dona propitius. Per Dominum.

Super obl.

SUSCIPE, quæsumus, Domine deuotorum munera famulorum, & diuinis purifica seruientes tua pietate mysterijs, quibus etiam iustificas ignorantes. Per Dominum.

Præfatio.

ÆTERNE Deus. Qui idè conditionis humanæ propensis precibus exoraris, vt sicut tu corripis filios ad paternam reueren-

uerentiam tardiores, ita nos solita pietate praeuenias, vt & supplices tuos fieri tribuas, & supplicantibus optata concedas. Per Christum.

Post Com.

T V O R V M nos Domine largitate donorum, & temporalibus attolle praesidijs, & renoua sempiternis. Per Dominum nostrum Iesum Christum.

2. DOM. IN CAPITE QVADRA- GESIMAE.

Super populum.

CONCEDE nobis, omnipotens Deus, praesidia militiae Christianae sanctis inchoare ieiunijs, vt contra spirituales nequitias pugnaturi, continentiae salutaris muniamur auxilijs, Per Dominum nostrum.

Super sindonem.

FAMILIAE tuae, quaesumus Domine, absolue peccata, mentesque purifica, vt venerabilis ieiunij dies congrua deuotione repetentes, quae fideliter poscimus, impetrare mereamur. Per Dominum nostrum.

Super obl.

D A nobis, quaesumus, omnipotens Deus, ieiuniorum magnifici sacramenti & dignè semper tractare mysteria, & competenter honorare primordia. Per Dominum.

Praefatio.

PER CHRISTVM Dominum nostrum. In quo ieiunantium fides alitur, spes prouehitur, charitas roboratur. Ipse est enim panis verus & viuus, qui est substantia aeternitatis, esca virtutis. Verbum enim tuum, per quod facta sunt omnia, non solum humanarum mentium, sed ipsorum quoque panis est angelorum. Huius panis alimento Moyse famulus tuus, quadra-

De Quas
drag. ha
bet serm.
Ambr. 23.
24. 25. 26.
27. 33. 34.
35. 36. 37.
38. 39. 40.
79. 80. 83.
84. 85. 86.
87. 88. Me
minit etiã
Quadrag.
Epist. 44.
& de He-
lia ac ieiũ.
c. 10.

quadraginta diebus ac noctibus, legem suscipiens, ieiunauit: & à carnalibus cibis, vt tuę suauitatis capacior esset, abstinuit. Vndè nec famem corporis sensit, & terrenarum oblītus escarum est, quia
 * glorificabat. illum glorię tuę * clarificabat adspēctus, & influente spiritu Dei
 * definis, sermo pascebat. Hunc panem etiam nobis ministrare non * de-
 & vt cum finas, quem vt indefinenter esuriamus hortaris, Iesum Christum
 indefinenter Dominum nostrum, cuius carne, dum pascimur, roboramur: &
 ter sanguine, dum potamur, abluimur. Per quem.

Post Com.

SUMPSIMVS Domine sacramenta cælestia: propterea deprecamur, vt quorum continua perceptione reficimur, salutari traditione letemur. Per Dominum nostrum Iesum Christum.

A. a. FERIA II.

ORATIONES & in hac & cæteris Quadragesimæ feriis, prætermisimus, tum prolixitatis vitandę gratia, tum quòd ferè eadē sint cum Officio Gregoriano, ita vt ex Officio Ambrosiano illæ desumptę videantur, quare eas requirat Lector curiosus Tom.2. Præfationes verò earundem feriarum reperiet infrà sub finem 1. Tomi cum addita litera A. quę significet, in Ambrosiano Officio easdem reperiri. Hoc interim adnotatu dignū, quòd excepta die Parasceues, nullum hīc existet Officium in feriis sextis Quadragesimæ, præter eas quas suo loco subiecimus.

B. B. DOM. QUADRAG. DICTA, DE SAMARITANA.

Finite ingressa, preces per Diaconum pronunciata,
 respondente choro.

DIVINAE pacis & indulgentię munere supplicantes, ex toto corde & ex tota mente precamur te.

R. Domine miserere.

Pro

Pro Ecclesia tua sancta catholica, quæ hîc & per vniuersum orbem diffusa est, precamur te.

R. Domine miserere.

Pro papa nostro N. & pontifice nostro N. & omni clero eorum, omnibusque sacerdotibus ac ministris, precamur te.

R. Domine miserere.

Pro famulo tuo N. imperatore, & famula tua N. imperatrice, & omni exercitu eorum, precamur te.

R. Domine miserere.

Pro famulo tuo N. rege & Duce nostro, & omni exercitu eius, precamur te.

R. Domine miserere.

Pro pace Ecclesiarum, vocatione gentium, & quiete populorum, precamur te.

R. Domine miserere.

Pro ciuitate hac & conuersatione eius, omnibusque habitantibus in ea, precamur te.

R. Domine miserere.

Pro aëris temperie, ac fructuum, & fœcunditate terrarum, precamur te.

R. Domine miserere.

Pro virginibus, viduis, orphanis, captiuis, ac pœnitentibus, precamur te.

R. Domine miserere.

Pro nauigantibus, iter agentibus, in carceribus, in vinculis, in metallis, in exilijs constitutis, precamur te.

R. Domine miserere.

Pro his qui diuersis infirmitatibus detinentur, qui que spiritibus vexantur immundis, precamur te.

R. Domine miserere.

Pro his qui in sancta tua Ecclesia fructus misericordiæ largiuntur,

T t

giuntur, precamur te.

R. Domine miserere.

EXAUDI nos Deus in omni oratione atque deprecatione nostra, precamur te.

R. Domine miserere.

DICAMVS omnes:

R. Domine miserere.

Kyrie eleison, Kyrie eleison, Kyrie eleison.

Or. super populum.

INCHOATA ieiunia, quesumus Domine, Ecclesiae tuae benigno favore proseguere, ut obseruantiam quam corporaliter exercemus, mentibus valeamus implere sinceris. Per Dominum nostrum.

Super find.

ADESTO Domine supplicationibus nostris, ut hoc solenne ieiunium quod animabus corporibusque curandis salubriter institutum est, deuoto seruitio celebremus. Per Dominum.

Super obl.

DOMINE Deus noster, in cuius spiritalibus castris militat laudanda sobrietas, abstinentia fructuosa, & casti pectoris opulenta frugalitas: ieiunantium vota clementer adsume, & fidelibus postulatus consueta pietate succurre. Per Dominum.

Præfatio.

PER Christum Dominum nostrum. Qui ad insinuandum
 *humilitatis
 *humilitatis suæ mysterium, fatigatus refedit ad puteum, & à muliere Samaritana aquæ sibi petijt porrigi potum, quia in ea creauerat fidei * donum: Et ita eius sitire dignatus est fidem, ut dum ab ea aquam peteret, in ea ignem diuini amoris accenderet. Imploramus itaque immensam clementiam tuam, ut contemnentes tenebrosam profunditatem vitiorum, & relinquentes noxiarum hydriam cupiditatum, te qui fons vitæ, & origo bonitatis es, semper sitiamus, & tibi ieiuniorum nostrorum obseruatione pla-

ne placeamus. Per eundem Christum.

Post Com.

TRIBVE nobis omnipotens Deus, vt dona cælestia quæ debito frequentamus obsequio, sincera professione sectemur. Per Dominum nostrum Iesum.

cc. FERIA IIII.

Præfatio.

AETERNE Deus. Qui ieiunia sacro instituto exequi præcepisti: vt per hanc abstinentiam, sicut confidimus de tua misericordia, mereamur veniam delictorum. Tu enim solus Deus abluis ægritudines animarum, quæ peccati vitio irrogantur: & facis abstinentiam prodesse, quibus fuerat obligata præsumptio. Per Christum Dominum.

dd. DOM. QVADRAG. DE
ABRAHAM.

Finita ingressa, preces.

DICAMVS omnes:

R. Kyrie eleison.

DOMINE Deus omnipotens patrum nostrorum.

R. Kyrie eleison.

RESPICE de cælo Deus, & de sede sancta tua.

R. Kyrie eleison.

PRO Ecclesia tua sancta catholica, quam conseruare digneris.

R. Kyrie eleison.

PRO papa nostro N. & pontifice nostro N. & sacerdotio eorū.

R. Kyrie eleison.

PRO vniuersis Episcopis, cuncto clero & populo.

R. Kyrie eleison.

PRO famulo tuo N. Imperatore, & famula tua N. imperatrice,
& omni exercitu eorum.

Tt 2

R. Kyrie

R. Kyrie eleison.

PRO famulo tuo N. rege & duce nostro, & omni exercitu eius.

R. Kyrie eleison.

PRO ciuitate hac, omnibusque habitantibus in ea.

R. Kyrie eleison.

PRO aëris temperie, ac fructuum, & foecunditate terrarum.

R. Kyrie eleison.

LIBERA nos qui liberasti filios Israel.

R. Kyrie eleison.

IN manu forti & brachio excelsio.

R. Kyrie eleison.

EXURGE Domine, adiuua nos, & libera nos propter nomen tuum.

R. Kyrie eleison, Kyrie eleison, Kyrie eleison.

Super populum.

ADIVVA Domine fragilitate plebis tuae ieiunij sacramento, ut ad votiuos Paschalis celebritatis effectus & corporaliter gubernata cōcurrat, & per tuā gratiā deuota perueniat. Per Dñm nostrū.

Super sindonem.

SANCTIFICA Domine, quæsumus, nostra propitius ieiunia, & cunctarum nobis indulgentiam largire placatus culparum. Per Dominum.

Super obl.

OFFERIMVS tibi Domine munera supplicantes, ut quæ subditi pijs celebramus officijs, plenius affectibus exequamur. Per Dominum.

Præfatio.

AETERNE Deus, Tu es enim Dñe nouissimus pater, qui ante multa tempora, Abrahæ in semine Christi tui, Dei que, natiq; aduentum clamasti. Iam iamq; tenemus, quod olim patribus promittebas. Nam quod Abrahæ sancto gentium populus pollicetur, verissi-

verissimè ex omni gente, tribu & lingua, Christiana religio congregatur. O quàm perfida & pertinax gens Iudæorum iniqua, qui cælestem patrem recognoscere nolunt, & in semine gloriantur. O ingrata gens, multis perculsa vicibus, qui respuunt præsentem, nec valent tenere absentem. Nos verò magnis vocibus exultemus, qui & locum pariter & regnum accepimus Iudæorum. Per eundem Christum.

Post Communionem.

SUPPLICES te rogamus omnipotens Deus, vt quos tuis re-
ficus sacramentis, etiam placitis moribus deseruire concedas. Per
Dominum.

EC. DOM. QVADR. DE CAECO.

Preces.

DIVINAE pacis &c. vt suprà.

Super populum.

DEVS, qui hominì ad imaginem tuam cõdito, ideò das tem-
poralia, vt largiaris æterna: Ecclesiam tuam spiritali fœcunditate
multiplica, vt qui sunt generatione terreni, fiant regeneratione cæ-
lestes. Per Dominum nostrum.

Super s̃ind.

DEVS, in cuius præcipuis mirabilibus est humana reparatio,
solue opera diaboli, & mortifera peccati vincula disrumpe, vt de-
structa malignitate quæ nocuit, vincat potiùs misericordia quæ re-
demit. Per Dominum.

Super obl.

SUSCIPE Domine sacrificium, cuius te voluisti dignanter
immolatione placari, & præsta, quæsumus, vt huius operatione
mundati, beneplacitum tibi nostræ mentis offeramus affectum.
Per Dominum nostrum Iesum.

Præfatio.

Tt. 3 AEQVVM

AE QVVM & salutare. Nos tibi Domine, in excelsa caelorum qui resides arce, gratias referre, & totis sensibus confiteri: Quoniam per te infirmis mundi caecitate deterfa, verum lumen emicuit, quodd inter multarum tuarum virtutum miracula, caecum a natiuitate, videre iussisti. In quo genus humanum originali caligine maculatum, futuri forma expressum est. Nam illa Siloe natatoria, ad quam ille mittitur caecus, nil aliud, nisi fons facer signatus est: Vbi non tantum corporea lumina, sed totus homo saluatus est. Per Christum.

Post Communionem.

SACRAE nobis, quaesumus Domine, mensae libatio, & pia conuersationis augmentum, & tuae protectionis continuum praestet auxilium. Per Dominum.

ff. DOM. QVADR. DE LAZARO.

Preces.

DICAMVS omnes &c. vt supra.

Super populum.

DA cordibus Ecclesiae tuae Domine, quaesumus, desideria terrenae conditionis abscindere, & celestis vitae spiritum sensibus eius largius infunde: nec preualeat ille qui perdidit, sed vincat potius qui redemit, vt a vetustatis lege mundata proficiat, & ad aeternam perueniat tuo munere nouitatem.

Super find.

DEVS, qui licet salutem hominum semper opereris, nunc tamen populum tuum gratia abundantiore laetificas: respice propitius ad electionem tuam, vt paternae protectionis auxilium, & regenerandos muniat, & renatos. Per Dominum nostrum.

Super obl.

DICATAE Domine, quaesumus, capiamus oblationis effectum,

ctum, vt terrene vetustatis conuerfatione mundati, celestis vitæ profectibus innouemur. Per Dominum nostrum Iesum.

Præfatio.

PER Christum Dominum nostrum. Qui eminenti gloria maiestatis, plurima in terris mirabilia peregit, inter quæ summe pietatis virtute quadriduanum Lazarum à nexu funeris liberauit. Iam enim teterrimo squalore subactus, in atra telluris humatus voragine, vinctus institis, quiescebat. Cuius mortem prius per soporis requiem, postmodum aperta voce Dominus discipulis referauit. Quem & amicum pia dignatione commemorans, ad claustrum ipsius spelæi properauit. Ibiq̃ue Iudeorum turbis adstantibus, lachrymosis oculis, infremuit ac plorauit. O quale exhibitionis miraculum, vt celorum conditor flere ante serui tumultum dignaretur. O quam magnum & salutare mysterium, quod per resurrectionem Lazari figuraliter designatur. Ille tabo corporis dissolutus, per superni regis imperium, continuò surrexit ad vitam. Nos verò primi hominis facinore confepultos, diuina Christi gratia ex inferis liberauit, & rediuiuos gaudijs reddidit sempiternis. Quem laudant.

Post Com.

SATIATI munere salutari, tuam Domine misericordiam deprecamur: vt hoc eodem sacramento, quo nos temporaliter vegetas, efficias perpetuæ vitæ participes. Per Dominum nostrum.

FERIA TERTIA.

Præfatio.

AETERNE Deus. Qui non solum peccata ieiunantium dimittis, sed ipsos etiam peccatores ieiunando iustificas: Et reis non tantum pœnam relaxas, sed donas abstinentibus etiam præmia sempiterna. Per Christum Dominum.

eg. FE-

gg. FERIA QVARTA.

Præfatio.

AETERNE Deus. Per hæc sacrosancta mysteria quæ in nostro ieiunio, iubente te, solenniter celebramus, tribue (quæsumus) propitiatus, vt vberior tuæ pietatis gratia redundet in nobis, vt, sicut speramus, animabus simul & corporibus tribuas æternæ vitæ salutem. Per Christum.

hh. SABBATO IN TRADITIONE SYMBOLI.

Super populum.

DEVS, qui humani generis ita es conditor, vt sis etiam reformator, propitiare populis ad optiuus, & nouo testamento sobolem nouæ proles ascribe, vt filij promissionis, quod non potuerunt assequi per naturam, gaudeant se recepisse per gratiam. Per Dominum.

Super sind.

DA nobis obseruantiam Domine legitimam & deuotionem perfectam, vt cum refrenatione carnalis alimonix, sancta tibi conuersatione placeamus. Per Dominum.

Super obl.

OMNIPOTENS sempiternæ Deus, qui nos ad æternam vitam in confessione tui nominis baptismatis reparas sacramento, suscipe tuorum munera & vota famulorum, vt in te sperantium & desideria iubeas perfici, & peccata deleri. Per Dominum.

Præfatio.

AETERNE Deus. Cuius nos misericordia præuenit, vt benè agamus: subsequitur, nè frustrà agamus: Accendit intentionem, qua ad bona opera peragenda inardescamus: Tribuit efficaciam, qua hæc ad perfectum perducere valeamus. Tuam igitur clementiam indefessis vocibus obsecramus, vt nos ieiunij victimis, à peccatis

etatis mundatos, ad celebrandam vnigeniti filij tui Domini nostri passionem facias esse deuotos. Per quem maiest.

Post Communionem.

ADESTO Domine fidelibus tuis, & quos caelestibus reficis sacramentis, à terrenis conferua periculis. Per Dominum.

ii. DOM. IN RAMIS OLIVARVM.

Ad Missam in Ecclesia minore.

Super populum.

DEVS, qui iustè irasceris, & clementer ignoscis, afflicti populi tui lachrymas respice, & iram tuę indignationis quam iustè mere-
mur, propitiatus auerte. Per Dominum.

Super sind.

DA nobis, quæsumus Domine, tua dignè tractare mysteria, vt miserationibus tuis congruo respondeamus obsequio, & fidutiali-
us impetranda poscamus. Per Dominum.

Super obl.

EFFICIATUR Domine hæc hostia solennibus grata ieiunijs, & vt tibi fiat acceptior, purificatis eam mentibus immolemus. Per Dominum nostrum Iesum.

Præfatio.

AETERNE Deus. Qui filium tuum Dominum nostrum Ie-
sum Christum in hunc mundum pro salute nostra misisti, vt se
humiliaret ad nos, & nos reuocaret ad te: cui etiam, dum Hierusa-
lem veniret adimplere scripturas, credentium turba fidelissima
deuotione vestimenta sua cum ramis oliuarum in via sternebant:
præsta, quæsumus, vt & nos illi fidei viam præparemus, de qua re-
moto lapide offensionis & petra scandali, frondea opera & iustitiæ
ramos vestigijs eius sternamus, vt vsque ad palmam victoriæ per-
tingere mereamur. Per eundem Dominum.

Post Communionem.

Vv

PRÆ-

Minoris
& maio-
ris eccle-
siarum fit
mentio
epist. 33.

PRAESTA nobis, omnipotens Deus, vt quia vitijs subiaceret nostra mortalitas, tua nos & medicina purificet, & communionis potentia tueatur. Per Dominum.

Ad Missam in Ecclesia maiori.

Super populum.

POPVLVM tuum Domine, quæsumus, ad te toto corde conuertere: quia quos defendis etiam delinquentes, maiori pietate tueris sincera mente deuotos. Per Dominum.

Super sind.

ASCENDANT ad te Domine supplicum preces, vt qui diu pro nostris offensionibus castigati sumus, miserationis tuæ veniam sentiamus. Per Dominum.

Super obl.

IPSA Maieitati tuæ Domine populos fideles commendet oblatio, quæ per filium tuum reconciliauit inimicos. Qui tecum viuit & regnat in vnitæte spiritûs.

Præfatio.

PER Christum Dominum nostrum. Quem ad hoc humanam carnem assumere voluisti, vt quicquid prophetales ac sanctæ clamaueŕe scripturæ, Bethleemitica rura seu Hierosolymam adueniens, consummaret. Sicut igitur tunc puerili voce, turba præeunte & arborum ramis ac vestibus viam sternente, laudatio insonabat: ita & nos diuino amore repleti, nunc Christo Domino deuotis vocibus decantemus: Sternentes deniquè vestimenta, Christo domino in itinere occurramus, aligerique sanctum hymnum honorificè nobiscum proclament, dicentes: Sanctus, Sanctus, Sanctus.

Post Com.

SANCTIFICENT nos Domine sumpta mysteria, & paschalis obseruantia sufficentem nobis tribuant facultatem. Per Dominum nostrum.

ILLVD quoquè hîc adnotatu dignum, quòd hebdomada.

mada, quam olim maiorem, nos verò sanctam nuncupamus, Authentica appelletur in Ambrosiano officio.

Quam etiam vltimam appellat Ambr. epist. 33.

ek. **FERIA QVINTA IN COENA
DOMINI.**

DEVS, à quo & Iudas reatus sui pœnam, & confessionis suæ latro præmium sumpsit, concede nobis tuæ propitiationis effectum, vt sicut in passione sua Iesus Christus Dominus noster diuersa vtrisque intulit stipendia meritorum, ita nobis ablato vetustatis errore, resurrectionis suę gratiam largiatur. Qui tecum.

Super find.

OMNIPOTENS sempiternæ Deus, qui vitam humani generis, pro nobis filio tuo moriente, saluasti: præsta, quæsumus, vt in hac populi deuotione fructus proueniat gaudiorum. Per eundem.

Super oblat.

IPSE tibi, quæsumus, Domine sancte, pater omnipotens, æterne Deus, sacrificium nostrum reddat acceptum: qui discipulis suis in sui commemoratione hoc fieri hodierna traditione monstrauit Iesus Christus Dominus noster. Qui tecum viuit.

Præfatio.

PER Christum Dominum nostrum. Qui quum Deus esset in cælis, ad delenda hominum peccata descendit in terras: Et qui humanum genus venerat liberare, tanquàm obnoxius debitor illicito precio Dominus à seruo distrahitur: Et qui angelos iudicat, in hominis iudicio est constitutus, vt hominem quem ipse fecerat, de morte liberaret. Et ideò cum angelis & archangelis.

Infra actionem.

COMMUNICANTES, & diem sacratissimum celebrantes, quo traditus est Dominus noster Iesus Christus: Tu nos Domine participes filij tui, tu consortes regni tui, tu incolas paradisi, tu angelorum comites esse iussisti, si tamen illæsa & intemerata fide

V v 2 cale-

cælestis militiæ sacramenta seruemus. At quid desperare de tua misericordia possumus, qui tantum munus accepimus, vt talem tibi hostiam offerre mereremur, corpus scilicet & sanguinem Domini nostri Iesu Christi, qui se pro mundi redemptione, pia illi ac venerandæ tradidit passioni : qui formam sacrificij salutis perennis instituens, hostiam se primus obtulit, & primus docuit offerri?

Post Orationem sacerdotis pro seipso.

HÆC facimus, hæc celebramus, tua Domine præcepta seruantes, & ad communionem inuiolabilem hoc * ipsum quod corpus Domini sumimus, mortem Dominicam annunciamus. Tuum verò est omnipotens pater, mittere nunc nobis vnigenitum filium tuum, quem non quærentibus spontè misisti. Qui cum sis ipse immensus & inæstimabilis, DEVM quoque ex te immensum & inæstimabilem genuisti : vt cuius redemptionem humano generi tribuisti, eius nunc corpus tribuas ad salutem. Per eundem.

Post confractionem.

IPSIVS præceptum est Domine, quod agimus, in cuius nunc te præsentia postulamus. Da sacrificio authorem suum, vt impleatur fides rei in sublimitate mysterij, vt sicut veritatem cælestis sacrificij exequimur, sic veritatem Dominici corporis & sanguinis hauriamus. Per eundem Christum.

Post Communionem.

DOMINE Deus noster, concede propitius, vt qui vnigeniti tui sumpsimus corpus & sanguinem, ab infidelis discipuli reddamur cecitate diuisi, qui Christum Dominum nostrum, verum Deum hominemque fitemur & colimus, Qui tecum viuit.

LI. EODEM DIE.

Benedictio olei ad vngendum tam infirmos, quàm energumenos.

DEVS.

Ex Ordine
Romano,
no. pa. 64.

DEVs, qui studio salutis humanæ creaturis tuis vim benedictionis indidisti, vt ad animarum nostrarum sanctificationis vtilitatem, creaturarum etiam corporalium ministerio nostris salus temporibus tribueretur: infunde sanctificationem tuâ huic oleo, vt ab his quæ vnixerit membra, fugatis insidijs aduersariæ potestatis, susceptione præsentis olei, sancti spiritûs gratia salutaris debilitatem expellat, & plenam conferat sospitatem, in nomine Domini nostri Iesu Christi.

Benedictio olei, quo vngendi sunt catechumeni.

DEVs sacramenti huius inuentor atque dispositor, qui præsentis liquoris pinguedine beatorum confirmasti corpora, cordaque pontificum: quiq; in hac creatura excellentis nobilitatem nominis, vt eos Christos faceres, indidisti: qui nitentes ac delibutos antistites iussisti participibus anteferri, dignum æstimans elementum, quo innocentia & variarum tribueretur forma virtutum: concede infusione sancti spiritûs, olim tibi placitam præsentis olei confirmes nobilitatesq; substantiâ, vt quicquid ex eo in humano genere tactum fuerit, ad naturam transeat mox supernam: nec aliquid sibi per vñctionem eius vendicet hostis antiquus, sed doleat se, telis beatæ huius propugnationis addictum, & pacis oleo vetusti furoris comprimi superbias ingemiscat. Per Christum Dominum nostrum. Per quem.

Præfatio Chrismatis.

VNANIMES atque concordēs, fratres charissimi, Dei patris omnipotentis auxilium misericordiæ deprecemur, vt hoc vnguentum quo in regali gloria populus eius vestiendus est, cœlesti benedictione & virtutis suę vigore corroboret, & tegmine eius plebs in æternum tueatur. Præstante Domino nostro Iesu Christo, qui cum patre.

Oratio ad confirmandam Chrismatis benedictionem.

V u 5 D O.

DOMINATOR Domine Deus, rex vnctus, author vnguenti, speciosus forma, speciosior vnctione, sacrator ipse tuus, ipse omniū consecrator, qui vnguentum de potestate sanctificas, potestatem consecras de vnguento, de vnguento fecisti Chrisma, de Chrismate nomen quod est super omne nomen, vt in nomine isto sit regalis vnctio Christianis: in tuo ergo nomine fiat hæc creatura iam Chrisma, & habeatur vt Chrisma, forma crucis, signum frontis, sacri titulus bellatoris. In hoc Chrismate mulceatur auditus, purificetur visus, odoratus suauescat, soporetur gustus, tactus in trinitate sit solidus: vt talibus stipendijs Domini milites decorati, atque ambrosio rore madidi, imperanti seruiant, non suadenti, & signati Chrismate sancto, signiferi esse mereantur cælestes. Per te Christe Iesu saluator mūdi, qui viuīs & regnas Deus, per omnia secula seculorum. Amen,

M m. FERIA VI. IN PARASCEVE.

Post primam Lectionem.

DEVS, qui pro nobis filium tuum crucis patibulum subire voluisti, vt inimici à nobis expelleres potestatem: concede nobis famulis tuis, vt resurrectionis eius gloriam consequamur. Per Dominum.

Post passionem Domini secundum Matthæum.

V. Benedictus Dominus qui viuit & regnat in secula seculorum.

R. Amen.

Oratio.

DEVS, qui pro redemptione nostra accepisti sanguinem Christi: solue opera diaboli, & omnes laqueos disrumpe peccati, vt creaturam regenerationis, nulla polluant contagia vetustatis. Per eundem.

Iterum.

V. Bene-

V. Benedictus &c. vt supra. R. Amen. & sic deinceps vbi-
quē, vsque ad Missam diei sabbati, loco, Dominus vobiscum.

Oratio super crucem.

IMMENSÆ pietatis Deus, qui latronem ob confessionem in
hac die de cruce in paradisum transtulisti, transfer à nobis iniqui-
tates nostras, & hæredes nos cælestium bonorum esse concede. Per
Dominum nostrum.

Benedictio crucis.

BENEDIC Domine, quæsumus, hanc crucem tuam, per
quam eripuisti mundum à potestate dæmonum, & superasti
passione tua suggestorem peccati, qui gaudebat in præuarica-
tione primi hominis, per ligni vetiti præsumptionem, † sancti-
fica istud signaculum passionis tuæ, vt sit inimicis tuis obstacu-
lum, & credentibus in te perpetuum vexillum. Qui cum patre &
spiritu.

Oratio ad crucem adorandam.

DOMINE Iesu Christe, qui manus tuas in crucem misisti, &
nos tuo sanguine redemisti, ignosce mihi peccatori, quia omnes
culpæ meæ à te non sunt absconditæ, Veniam peto, veniam spero,
veniam credo: tu, qui pius & misericors es, parce & indulge mihi.
Qui cum patre & spiritu sancto &c.

Post adoratam crucem.

DEVS, qui humano generi ad imitandum humilitatis exem-
plum, saluatorem nostrum & carnem sumere, & crucem subire fe-
cisti: concede propitius, vt patientiæ ipsius documenta, & resurre-
ctionis consortia mereamur. Per eundem.

Orationes solennes.

OREMVS dilectissimi nobis.

ET ceteræ quæ habentur infra Tom. 2.

¶ N. SABBATO SANCTO.

Post

Post primam Lectionem Prophetica, & Euangelicam illam
secundum Mattheum: Altera die quæ est
post Parasceuen.

OMNIPOTENS sempiternus Deus, qui in omnium
operum tuorum dispensatione es mirabilis: intelligant re-
dempti tui, non fuisse excellentius, quod in initio factus est mun-
dus, quàm quod in fine seculorum Pascha nostrum immolatus est
Christus. Qui tecum uiuit.

Ad benedictionem ignis.

DOMINE Deus noster, pater omnipotens, qui es lumen inde-
ficiens, & conditor omnium luminum, benedic & sanctifica hoc
lumen, quod à te sanctificatum atq; benedictum est, qui illumi-
nasti omnem * mundum: vt ab eo accendamus & illuminemur
igne claritatis tuæ, quo illuminasti Moysen famulum tuum, vt il-
luminatis sensibus & cordibus nostris, ad vitam æternam perueni-
re mereamur. Per Dominum.

* hominē
venientē
in hunc

DOMINE sancte, pater omnipotens, æterne Deus, lux & splen-
dor vniuersarum creaturarum, qui ex nihilo cuncta producere di-
gnatus es: te humiliter deprecamur, vt hanc creaturam ignis be-
nedicere & sanctificare digneris, in nomine dilectissimi filij tui, &
in virtute spiritus sancti, vt nobis ad obsequium & ad lumen esse
facias tam animæ quàm corporis, & vt nihil in eo nobis aduersa-
rius damni irrogare possit, sed sit nobis in adiutorium. Per eun-
dem Dominum.

Cereorum
Paschaliū
meminit
Ambr. li.
de Pascha,
c. vlt.

Ad benedictionem cerei paschalis per Diaconum.

Exultet iam angelica turba cælorum, exultent diuina my-
stera, & pro tanti regis victoria, tuba intonet salutaris. Gaudeat &
tellus tantis irradiata fulgoribus, & æterni regis splendore illu-
strata, totius orbis sentiat se amisisse caliginem. Letetur & mater Ec-
clesia, tanti luminis adornata fulgore, & magnis populorum voci-
bus hæc aula resultet. Quapropter adstantibus vobis fratres charis-
simi,

fimi, ad tam miram huius sancti luminis claritatem, vnà mecum, quæso, Dei omnipotentis misericordiam inuocate, vt qui me non meis meritis intrà Leuitarum numerum dignatus est aggregare, luminis sui gratiam infundendo, cerei huius laudem implere perficiat. Præstante Domino nostro Iesu Christo filio suo, secum vi- uente atque regnante Deo, in vnitate spiritûs sancti, Per omnia se- cula seculorum.

R. Amen.

V. Dominus vobiscum.

R. Et cum spiritu tuo.

V. Sursùm corda.

R. Habemus ad Dominum.

GRATIAS agamus Domino Deo nostro.

R. Dignum & iustum est.

V E R E, Quia dignum & iustum est, æquum & salutare, nos ti- bi semper & vbiqûe gratias agere, D O M I N E sancte, pater omnipotens, æterne Deus. Qui populorum Pascha cunctorum, non pecudum cruore nec adipe, sed vnigeniti tui Domini nostri Iesu Christi sanguine corporeq; dedicâsti, vt supposito ritu gentis ingrata, legi gratia succederet, & vna victima per semetipsam tuæ maiestati semel oblata, mundi totius expiaret offensam. Hic est agnus, lapideis præfiguratus in tabulis, non adductus è gregibus, sed euectus è cælo: nec pastore indigens, sed pastor bonus ipse tantummodò, qui animam suam pro suis posuit ouibus, & rur- sùs assumpsit, vt nobis & humilitatem diuina dignatio, & spem resurrectionis corporalis ostenderet. Qui coram tondente se nò vo- cem queruli balatûs emisit, sed Euangelico proclamauit oraculo, dicens: A modò videbitis filium hominis sedentem ad dexteram maiestatis. Ipse nobis & te reconciliet, pater omnipotens, & pari tecum maiestate sultus indulgeat. nam quæ patribus in figura con- tingebant, nobis in veritate proueniunt.

X x

Post

Post accensum cereum.

Eccē iam ignis columna resplendet, quæ plebem Domini beatę noctis tempore ad salutaria fluenta præcedat, in quibus persecutor mergitur, & Christi populus liberatus emergit. nam sancti spiritus vnda conceptus, per Adam natus ad mortē, per Christū regignitur ad vitam. Soluamus igitur voluntariē celebrata ieiunia, quia Pascha nostrum immolatus est Christus, nec solum corpore epulemur agni, sed etiam inebriemur & sanguine. huius enim tantummodò cruor nō creat piaculū bibētibus, sed salutē: ipso quoquē vescamur & azymo, quoniam non de solo pane viuit homo, sed de omni verbo Dei. Siquidem hic est panis qui descendit de cēlo, longē præstantior illo quondam manne imbre frugifluo, quo tunc Israel epulatus interijt: hoc verò qui vescitur corpore, vitæ perennis possessor existit. Eccē vetera transiērunt, & facta sunt omnia noua: nam circumcisionis Mosaicæ mucro iam scabruit, & Iesu Nauæ acuta lapidum obsoleuit asperitas: Christi verò populus insignitur fronte, non inguine: lauacro, non vulnere: Christmate, non cruore. Decet ergò in hoc Domini Saluatoris nostri vespertinæ resurrectionis aduentu, ceream nos adolere pinguedinem, cui suppetit candor in specie, suauitas in odore, splendor in lumine, quæ nec marcescenti liquore defluit, nec offensam tetri nidoris exhalat. Quid enim magis accommodum, magisque festiuium, quàm Iesseico flori floreis excubemus vt tedis? præsertim cū & sapientia de semetipsa cecinerit: Ego sum flos agri & liliū conuallium. Ceras igitur nec pinus exusta defudat, nec crebris fauciata bipennibus cedrus illachrymat, sed est illis arcana de virginitate creatio, & ipsæ transfiguratione niuei candoris albescent. Eandem verò papyrum liquida fontis vnda producit, quæ instar infantis animę, nullis articulatur sinuata compagibus, sed virginali circunsepta materie, fit hospitalis ignibus alumna riuorum. Decet ergò aduentum sponsi, dulcatis Ecclesiam luminaribus

naribus opperiri, & largitatē sanctitatis acceptā, quanta valet deuotionis dote pensare, nec sanctas interpolare tenebras excubias, sed tedam sapienter perpetuis preparare luminibus, nē, dūm oleū candelis adiungitur, aduentum Dñi tardo prosequamur obsequio: qui certē in ictu oculi vt coruscus adueniet. Igitur in huius diei vespere, cuncta venerabilis sacramēti plenitudo colligitur: & quę diuersis sunt prefigurata vel gesta tēporibus, huius noctis curriculo, deuoluta supplētur. Nam primū hoc vespertinū lumen, sicut illa dux Magorū stella, præcedit: deindē mysticę regenerationis vnda subsequitur: velut dignante Domino fluente Iordanis, tertio resurrectionem Christi vox Apostolica sacerdotis annunciat. Tum ad totius mysterij supplementum Christo vescitur turba fidelium, quę resurrectionis Dominicę diem, Christo in omnibus prosperante, suscipiat. Per bonum & benedictum filium tuum Dominum nostrum Iesum Christum, cum quo beatus viuis & regnas Deus, in vnitatis spiritūs sancti, Per omnia secula seculorum.

R. Amen.

Post II. Prophetica Lectionem.

DEVS incommutabilis virtus & lumen æternum, respice propitius ad totius Ecclesię tuę mirabile sacramentum, & opus salutis humanę perpetuę dispositionis effectu tranquillus operare. Totusque mundus experiatur & videat, diruta erigi, veterata innouari, & per ipsum redire omnia in integrū, à quo sumpsere principium. Per Dominum nostrum.

Post III. Lectionem.

DEVS fidelium pater summe, qui in toto orbe terrarum promissionis tuę filios diffusa adoptione multiplicas, & per paschale sacramentum Abraham puerum tuum vniuersarum, sicut iurasti, gentium efficis patrem: da populis tuis, dignē ad gratiam tuę vocationis intrare. Per Dominum.

Post IIII. Lectionem.

X x 2

OMNI-

OMNIPOTENS sempiternae Deus, multiplica in honorem nominis tui quod patrum fidei spondidisti, & promissionis tuae filios sacra adoptione dilata: ut quod priores sancti non dubitauerunt futurum, Ecclesia tua magna iam ex parte cognoscat impletum. Per Dominum.

Post V. Lectionem.

DEVS celsitudo humilium & fortitudo rectorum, qui per sanctum Moysen puerum tuum ita erudire populum tuum sacri carminis tui decantatione voluisti, ut illa legis iteratio, fieret etiam nostra directio: excita in omnem iustificandarum gentium plenitudinem potentiam tuam, & da letitiam, mitigando terrorem: ut omnium peccatis tua miseratione deletis, quod denunciatum est in ultionem, transeat in salutem, Per Dominum nostrum Iesum.

Post VI. Lectionem.

OMNIPOTENS sempiternae Deus, spes vnica mundi, qui Prophetarum tuorum praconio praesentium temporum declarasti mysteria: auge populi tui vota placatus, quia in nullo fidelium, nisi ex tua inspiratione, proueniunt, quarumlibet incrementa virtutum. Per Dñm.

Post VII. Lectionem.

OMNIPOTENS sempiternae Deus, respice propitius ad deuotionem populi renascentis, qui sicut ceruus aquarum expetit fontem: & concede propitius, ut fidei ipsius sitis, baptismatis mysterio, animam corpusque sanctificet. Per Dominum.

Benedictio Fontium.

Fons cōsecrati per signū crucis sit mētio apud Ambr. de ijs q̄ myst. in it. c. 3. & 4. l. i. de sacram. c. 5. a. 2. c. 5.

OMNIPOTENS sempiternae Deus, adesto magnae pietatis mysterijs, adesto sacramentis: & ad creandos novos populos, quos tibi fons baptismatis parturit, spiritum adoptionis emitte: ut quod humilitatis nostrae gerendum est ministerio, tuae virtutis impleatur effectum. Per Dominum.

DEVM immensum maiestatis aeternae suppliciter exoramus, ut per verbum, & virtutē, & sapientiam suam, Dominum nostrum Iesum

sum Christum, in hoc lauacro salutari peccatorum omnium admissa concedat. Detque his sanctificationem suam aquis, ut quicumque easdem ingressi fuerint, remissionem criminum, & benedictionem consequantur. Per eundem Dominum nostrum Iesum Christum filium suum, secum viuentem atque regnantem Deum, in unitate spiritus sancti, Per omnia secula seculorum.

R. Amen.

OREMVS & deprecemur Dei patris omnipotentis clementiam, ut famulis suis competentibus, quos in hac hora ad hunc beatæ regenerationis fontem dexteræ suæ protectione perduxit, det gratiam misericordiæ suæ. Et corda eorum spirituali repleat intellectu, ut cæleste sacramentum plena fide & credula mente suscipiant. Nobis etiam famulis suis det veniam omnium delictorum, gloriæ suæ præsentiam tribuat, ut mysteria salutaris baptismatis sine offensione celebremus. Per Dominum, ut suprâ.

Exorcismus aquæ cum insufflatione.

ADIVRO te creatura aquæ, per Deum † verum, Deum † viuum, Deum † sanctum, qui te in principio à terra separauit, qui te de paradisi fonte produxit, & ex quatuor fluminibus totam terram rigare præcepit.

ADIVRO te per Dominum nostrum Iesum Christum filium Dei viui, qui te in Cana Galilææ signo admirabili in vinum conuertit: qui pedibus super te ambulauit, & à Ioanne in te est baptizatus: qui te amarissimam aquam per lignum passionis suæ indulcavit, & populum sitientem, te de petra producens, satiauit: & Naaman Syrum in te à lepra sua mundauit: & nomen tibi imposuit, Siloa, in qua cæcum, ut lumen reciperet, oculos lauare præcepit: Qui te de latere suo, vnâ cum sanguine produxit: Qui discipulis suis dixit: Ite, docete omnes gentes, baptizantes eos in nomine patris, & filij, & spiritus sancti. Efficere ergo aqua exorcizata, ad effugandam omnem diaboli infestationem, omneque phan-

Ioan. 9.

Ioan. 19.

Matt. 28.

Xx 3 talma

tasma inimici, & ipsum inimicum eradicandum, effugandum, atque supplantandum à seruis Dei, qui in te hodiè baptizandi sunt, accepturiq̃ remissionem omnium peccatorum suorum in nomine Dei patris omnipotentis, & in nomine Iesu Christi filij eius, qui venturus est in spiritu sancto iudicare viuos & mortuos, & seculum per ignem.

Benedictio aquæ.

Exod. 14. SANCTIFICARE per verbum Dei vnda cęlestis, sanctificare aqua Christi calcata vestigijs, quę mentibus pressa non clauderis, quę scopulis illisa non frangeris, quę terris infusa non deficiis. Tu sustines aridam, portas montium pondera, nec demergeris. Tu cęlorum vertice contineris, circumfusa per totum, lauas omnia, nec lauaris. Tu fugientibus Hebręorum populis, in glaciem indurata constringeris: tu rursus altis resoluta verticibus, Nil accolas perdis, & hostilem globum freto sequente persequeris, vna eademq̃ es salus fidelium, & ultio criminosis. Te per Moysen percussa rupes euomuit, nec abdita cautibus, latere potuisti, cū maiestatis imperio iussa prodires. Tu gestata nubibus, imbre iucundo arua fecundas, nè siccatis exanimata visceribus, sublimes neget terra prouentus. A te principium, in te finis exultat: vel potius tum est, vt terminum nesciamus. Neque enim Domine omnipotens pater, virtutum tuarum nescij, aquarum merita laudamus, sed in his operis tui prædicamus insignia. Suscipe igitur noxios, solue captiuos, redde quod in paradiso Adam perdidit, quod vxor amisit, quod intemperantia crudelis absorbuit. Da salutare potum malè saturis acerbitate pomorum, vt indigesta mortalium & annosa pernicies, diuino soluatur antidoto. Ablue terram squaloris illuue, discute paradisi macheram flammeis obicibus fluctuantem. Pateat redeuntibus floribus, ruris ingressus: recipiant imaginem deitatis olim perditam, liuore serpentis. Quicquid noxium de præuaricatione contractum est, huius gurgitis puritate deponant. Surgant

gant ad requiem, producantur ad veniam, vt mystico corpore & sanguine innouati, & redemptos se nouerint, & renatos. Per eundem Dominum nostrum Iesum Christum filium tuum, tecum viuentem atque regnantem Deum, in vnitate spiritus sancti, Per omnia secula seculorum.

R. Amen.

Inter infundendum chrisma.

SIT fons iste sacer, sanctificatus, perunctus, & benedictus, in nomine patris, & filij, & spiritus sancti Amen.

Post baptismum.

CELEBRATIS atque perfectis diuini baptismatis sacramentis, Domine celi & terræ, Deo patri omnipotenti, indefessas gratias referamus, ipsumque supplices postulemus, vt nos atque oem familiam suam gloriosæ resurrectionis Domini nostri Iesu Christi annuat esse participes: Prestante ipso domino nostro Iesu Christo filio suo, secum viuente atque regnante, in vnitate spiritus sancti, Per omnia secula secul.

Ad Missam probaptizatis.

Super populum.

DEVS, qui renatis ex aqua & spiritu sancto cælestis regni pandis introitum, auge super famulos tuos gratiam quam dedisti, vt qui ab omnibus sunt purgati peccatis, nullis priuentur promissis. Per Dominum, in vnitate eiusdem.

Super sind.

DEVS, qui hanc sacratissimam noctem gloria Dominicæ resurrectionis illustras, conserua in noua familiæ tuæ progenie adoptionis spiritum quem dedisti, vt corpore & mēte renouata, puram tibi exhibeat seruitutem. Per Dominum, in vnitate eiusdem.

Super obl.

DEVS, cuius munere honoranda baptismatis sunt impleta mysteria, concede populo tuo, originalis delicti errore mundato, post sacratissimum fontem terram tuæ promissionis intrare,

vi

Octauæ
baptiza-
torū men-
tionē fa-
cit Ambr.
prologo
in Psa. 118.

vt dulcia sacramentorum tuorum iam nunc alimenta percipiat.
Per Dominum.

Præfatio.

AETERNE Deus. Quia vetustate destructa, vitæ nobis in Christo reparatur integritas. Propterea profusis gaudijs totus in orbe terrarum mundus exultat. Sed & superne virtutes, & angelice concinunt potestates hymnum gloriæ tuæ, perpetim sine fine dicentes: Sanctus, Sanctus.

Post Communionem.

PRAESTA, quæsumus, omnipotens Deus, vt diuino munere satiati, & sacris mysterijs innouemur & moribus. Per Dominum. Qui tecum.

Ad Missam in Ecclesia maiore.

Adnunciatio resurrectionis Domini ter repetita.

CHRISTVS Dominus resurrexit.

R. Deo gratias.

Super populum.

OMNIPOTENS sempiternus Deus, qui in omnium operum tuorum dispensatione es mirabilis, intelligant redempti tui, non fuisse excellentius quod in initio factus est mundus, quam quod in fine seculorum Pascha nostrum immolatus est Christus. Qui tecum.

Super sind.

DEVS, qui in solennitate paschali cælestia mundo remedia benignus operaris, annua festiuitatis huius dona prosequere, vt per obseruantiam temporalem, ad vitam perueniamus æternam. Per Dominum.

Super obl.

ACCIPERE Domine munera exultantis Ecclesiæ: & cui causam tanti gaudij contulisti, perpetue fructum concede lætitię. Per Dominum.

Præ-

Præfatio.

AEQVVM & salutare. Nos te quidem Domine omni tempore benedicere, sed in hac potissimum nocte profusiùs exultantibus animis prædicare, quum pascha nostrum immolatus est Christus. Ille enim verus est agnus, qui abstulit peccata mundi: Qui mortem nostram moriendo destruxit, & vitam nobis refurgendo reparauit. Vndè profusis gaudijs totus in orbe.

Infra actionem pro baptizatis.

VERE sanctus, verè benedictus Dominus noster Iesus Christus filius tuus: Qui quum Dominus esset maiestatis, descendens de cælo, formam serui, qui priùs perierat, suscepit, & spontè pati dignatus est, vt eum quem ipse fecerat, de morte liberaret. Vndè & hoc paschale sacrificium tibi offerimus pro his, quos ex aqua & spiritu sancto regenerare dignatus es, dans eis remissionem omnium peccatorum, vt inuenires eos in Christo Iesu Domino nostro. Pro quibus tibi Domine supplices fundimus preces, vt nomina eorum, pariterque famuli tui Papæ N. & Pontificis nostri N. ac N. Imperatoris, scripta habeas in libro viuentium. Per eundem.

Post Communionem.

CIBI salutaris & poculi dona libantes, quæsumus Domine, vt qui paschale mysterium sumpsimus, prodesse nobis in perpetuum gaudeamus. Per Dominum nostrum.

OO. IN DIE SANCTO PASCHAE.

Manè ad Missam pro baptizatis.

Super populum.

DEVS, qui humanam naturam supra primæ originis reparas dignitatem, respice ad pietatis tuæ ineffabile sacramentum, vt quos regenerationis mysterio dignatus es innouare, in his dona tuæ perpetis gratiæ benedictionisq; cõferua. Per Dominum.

Celebritatem Paschæ commemorat Ambros. epist.

83. de Helia & ieiun. cap. 10. ac Li. de Pascha. sunt etiam serm. eius de Pascha 53. et 54.

Yy

Super

Super find.

DEVS, qui credentes in te fonte baptismatis innouâsti, hanc renatis in Christo cōcede custodiam, vt nullo erroris incurfu gratiam tuæ benedictionis amittant. Per eundem.

Super obl.

SUSCIPE, quæsumus Domine, plebis tuæ & tuorum hostias renatorum, vt & confessione tui nominis & baptismo renouati, sempiternam beatitudinem consequantur. Per Dominū nostrum.

Præfatio.

ÆTERNE Deus. Et pro humani generis mirabili reparatione, exultantibus te gaudijs in hac die laudare: Quæ omnibus diebus temporibusque præcellens, & suæ crucis interitu, & beatæ resurrectionis est clara primatu. In hac enim vnigenitus tuus, vt primogenitus esset ex mortuis, ad glorificandā in se carnis nostrę animæq; naturā, qua potestate occubuit, eadē resurrexit. Vndē pfusis.

Post Com.

DIGNE nos tuo nomini, quæsumus Domine, famulari salutaris cibus & sacer potus instituat, vt renouationem conditionis humanæ, quam mysterio continet, in nostris sensibus iugiter operetur. Per Dominum.

Ad Missam in Ecclesia maiore.

Super populum.

DEVS, qui ad æternam vitam in Christi resurrectione nos reparas, da populo tuo fidei speique constantiam, vt non dubitemus implenda, quæ te nouimus authore promissa. Per eundē Dominum nostrum.

Super findonem.

DEVS, qui per vnigenitum tuum eternitatis nobis aditum, deuicta morte, referâsti: erige ad te fidelium corda, vt à terrenis cupiditatibus liberati, ad cęlestia desideria transeamus. Per eundem.

Super oblat.

Q V AE-

QVAESVMVS Domine, vt iam non teneamur obnoxij damnationis humanæ sententia, à cuius nos vinculis hæc hostia paschalis * absoluat. Per Dominum.

Præfatio.

AEQVVM & salutare: Nos tibi sancte pater omnipotens gratias agere, nos deuotas laudes referre, Pater inclyte, omnium author & conditor. Quia quum Dominus esset maiestatis Christus Iesus filius tuus, ob liberationem humani generis crucem subire dignatus est. Quem dudum Abraham præfigurabat in filio, turba Moisaica immaculati agni immolatione signabat. Ipse est enim, quem sacra tuba cecinerat Prophetarum, qui omnium peccata portaret, aboleret & crimina. Hoc est illud Pascha, Christi nobilitatum cruore, in quo fidelis populus præcipua deuotione resultat. O mysterium gratia plenū, ô ineffabile diuini muneris sacramentum: ô solennitatum omnium honoranda solennitas. In qua vt seruos redimeret, mortalibus se præbuit occidendum. Quam itaque beata mors, quæ mortis nodos resoluit. Iam nunc sentiat se tartareus princeps attritum, & nos de profundi labe * educti, ad celeste regnum conscendisse gratulemur. Et ideo cum angelis.

Post Communionem.

PERPETVO Deus Ecclesiam tuam pio fauore prosequere, vt Paschalibus resuscitata mysterijs, ad resurrectionis perueniat claritatem. Per Dominum nostrum.

Pp. FER. II. IN ALBIS.

Probaptizatis.

Super populum.

DEVS, qui populum tuum de hostis callidi seruitute liberasti, preces eius misericorditer respice, & aduersantes ei tua virtute prosterne. Per Dominum nostrum.

Super sind.

Y y 2 D A,

DA, quęsumus, omnipotens Deus, vt Ecclesia tua & suorum firmitate membrorũ, & noua semper fecunditate letetur. Per Dñm.
Super oblatam.

CLEMENTIAM tuam supplices exoramus omnipotens Deus, vt populum tuum, quem sacro baptismo renouare dignatus es, per hæc Paschalia munera, ad æternę vitę gaudia peruenire concedas, Per Dominum.

Præfatio.

AETERNE Deus. Redemptionis nostrę festa recolentes, quibus humana substantia vinculis pręuaricationis exuta, spem resurrectionis per renouatã sumpsit originis dignitatem. Per Christum.
Post Communionem.

SOLITA, quęsumus Domine, quos saluasti pietate, custodi, vt qui tua passione sunt redempti, tua resurrectione letentur. Quicum patre.

In Ecclesia maiore.

Super populum.

PRAESTA, quęsumus, omnipotens Deus, vt huius Paschalis festiuitatis mirabile sacramentum, & temporalem nobis tranquillitatem tribuat, & vitam conferat sempiternam. Per Dominum.

Super find.

PERFICE Domine benignus in nobis paschalium munerum votiuua commercia, vt à terrenis affectibus liberati, ad celeste desiderium transferamur. Per Dominum.

Super obl.

PLEBIS tuę Domine munera placatus admitte, vt quę paschalibus mysterijs exhibet, in tuę remunerationis veritate percipiat. Per Dominum.

Præfatio.

PER Christũ Dñm nostrũ: Qui semper in nobis Paschale perficiat sacramentũ, vt per initiata remedia, cõtinuus educare nõ desistat

stat augmentis. Vnde profusis gaudijs totus in orbe terrarum mundus exultat. Sed & supernæ virtutes, & angelicæ concinunt potestates, hymnum gloriæ tuæ perpetim sine fine dicētes: Sanctus.

Post Commun.

SPIRITVM in nobis Domine tuæ charitatis infunde, vt quos sacramentis Paschalibus satiasti, tua facias pietate concordēs. Per Dominum.

29. FER. III. IN ALBIS.

Pro baptizatis.

Super populum.

DEV S, qui Ecclesiam tuam nouo semper fœtu multiplicas, concede famulis tuis, vt sacramentum Paschale viuendo teneant, quod fide perceperunt. Per Dominum.

Super sind.

DEVS, qui renatis ex aqua & spiritu sancto cælestis regni pandis introitum: auge super famulos tuos gratiā quam dedisti, vt qui ab omnibus sunt purgati peccatis, nullis priuentur promissis. Per Dominum. in vnitāte eiusdem.

Super obl.

SUSCIPE, quæsumus, Domine oblationes familiæ tuæ, vt sub tuæ protectionis auxilio collata non perdāt, & ad æterna dona perueniant. Per Dominum.

Præfatio.

AEQVVM & salutare: Nos te quidem Domine, omni tempore benedicere, sed in hoc præcipuè die, quo Domini nostri Iesu Christi resurrectio celebratur, omni deuotione laudare. Hoc itaq; die, quo Christus à mortuis resurrexit, potestas diaboli cecidit, tartarea sunt inferni vincula resoluta, chirographum est antiquæ præuaricationis extinctum, & aculeus mortis attritus. Nos quoque de seruitutis iugo dominationis Aegyptiæ per spirituales aquas educēs, triumphans resurrexit in gloriam. Propterea profusis.

Yy 3 Post

Post Com.

IMPLEATUR in nobis, quæsumus Domine, sacramenti Paschalis sancta libatio, nosque de terrenis affectibus, ad cæleste transferat institutum. Per Dominum.

In Ecclesia maiore.

Super populum.

Omnipotens sempiterne Deus, qui populum tuum vnigeniti tui sanguine redemisti: solue opera diaboli, rumpe vincula peccati, vt qui æternam vitam in confessione tui nominis sunt adepti, nihil debeant mortis auctori. Per eundem Dominum.

Super sindonem.

EXAUDI nos misericors Deus, & redemptionis nostræ subsidia deuota nos effice semper mente tractare. Per Dominum.

Super obl.

Sacrificia Domine Paschalibus gaudijs immolamus, quibus ecclesia tua mirabiliter pascitur, & nutritur. Per Dominum nostrum.

Præfatio.

ÆTERNE Deus. Tuam magnificentiam deprecantes, vt qui alligans fortem nostri generis inimicum, vasa eius diripere non desistis, ad consortiū nos Christi tui facias venire vincentes. Per eundem Christum Dominum.

Post Com.

CONCEDE, quæsumus, omnipotens Deus, vt Paschalis perceptio sacramenti continua in nostris mentibus perseueret. Per Dominum.

R. FER. IIII IN ALBIS.

Pro baptizatis.

Super populum.

TVERE Domine familiam tuam, quæsumus, paschali mysterio gloriantem: vt cuius salutarem fidei veneratur originem, iugiter instituta custodiat. Per Dominum.

Super

Super find.

DEVS conditor totius creaturæ, famulos tuos quos fonte baptis-
matis renouâsti, quosque gratiæ tuæ plenitudine solidâsti, in
adoptionis sorte facias dignanter ascribi. Per Dominum.

Super obl.

Clementiam tuam Domine suppliciter exoramus, vt paschalis
muneris sacramentum, quod fide recolimus, & spe desideramus in-
tenti, perpetua dilectione capiamus. Per Dominum.

Præfatio.

PER Christum Dominum nostrum: Qui se pro nobis obtulit
immolandum, vt corpore eius & sanguine, quo à peccatis redempti
sumus, ad æternam vitam sacrificijs paschalibus pasceremur. Pro-
pterea profusis,

Post Com.

Ecclesia tua Dñe cœlesti gratia repleatur, atq; ab omnibus vitijs
expiata, percipiat sempiternæ redemptionis augmentū. Per Dñm.

In Ecclesia maiore.

Super populum.

DEVS, qui nos resurrectionis Dominicæ annua solennitate le-
tificas, concede propitius, vt per temporalia festa quæ agimus, per-
uenire ad gaudia æterna mereamur. Per eund.

Super find.

Omnipotens sempiterne Deus, qui resurgens à mortuis passio-
ne cassata, potentior te tuis discipulis reddidisti: concede propi-
tius, vt nos quoque maiestatis tuæ mysteria celebrantes, præsentis
diuinæ beneficia consequamur. Qui cum patre.

Super obl.

ACCIPERE Domine preces nomini tuo dicatas, cum oblationib;
supplicantium, vt quod mysterijs paschalibus fideliter exequuntur,
in tuæ remunerationis veritate percipiant. Per Dominum.

Præfatio.

AETER-

AETERNE Deus. Quia refulsit in æternum dies nostrę resurrectionis, & glorię Domini nostri Iesu Christi: Qui idem sacerdos & hostia dignanter extitit, nõ solùm qui sanctificet populum, sed ipsos quoquẽ dicatos maiestati tuę cõmendet, Vndẽ profusis.

Post Com.

AB omni nos, quęsumus Domine, vetustate purgatos, sacramenti tui veneranda perceptio, in nouam trãsferat creaturam. Qui cum patre.

S s. FER. V. IN ALBIS.

Pro baptizatis.

Super populum.

DEVS, qui diuersitatem gentium in confessione tui nominis adunãsti, da, vt renatis fonte baptismatis vna sit fides mętium, & pietas actionum. Per Dominum.

Super sind.

DEVS, qui multiplicas sobolem renascentium, fac eos gaudere propitius de suorum venia peccatorum. Per Dominum.

Super obl.

SUSCIPE, quęsumus Domine, munera populorum tuorum propitius, vt confessione tui nominis & sacro baptismo renouati, sempiternam beatitudinem consequantur. Per Dominum.

Prefatio.

MS.

PER Christum Dominum nostrum. De cuius morte vita surrexit, de passione salus ascendit, de pœna crucis remedium pietatis, gloria de damnatione, medicina de vulnere. Vnus nanq; mori voluit, nõ omnes moreremur. Immò vnus mori dignatus est, vt omnes nos perpetuò viuereamus. Propterea profusis.

Post Com.

PRAESTA, quęsumus, omnipotens Deus, vt qui paschalia sacramenta percepimus, æternę vitę gaudia percipere mereamur, Per Dñm. In

In Ecclesia maiore.

Super populum.

DEVS, qui nobis ad celebrandum Paschale sacramentum libe-
riores animos præstitisti: doce nos & metuere quòd irasceris, &
amare quod præcipis. Per Dominum.

Super sindonem.

DEVS, qui ad æternam vitam in Christi resurrectione nos re-
paras, erige nos ad confedentem in dextera tua nostræ salutis au-
thorem: vt qui propter nos iudicandus aduenit, pro nobis iudi-
caturus, mitis adueniat, Dominus noster Iesus Christus filius tuus:
Qui tecum viuit & regnat.

Super obl.

CONCEDE, quæsumus, misericors Deus, vt quod Paschalibus
exequimur institutis, fructiferum nobis omni tempore sentiamus:
Per Dominum.

Præfatio.

PER Christum Dominum nostrum, Qui oblatione sui cor-
poris, remotis sacrificijs carnalibus victimarum, * seipsum tibi pro
salute nostra offerens, idem sacerdos & sacer agnus exhibuit. Vn-
dè profusis.

Post Com.

EXAUDI Domine preces nostras, vt redemptionis nostræ sa-
cro sancta commercia, & vitæ nobis conferat præsentis auxilium, &
gaudia sempiterna concilient. Per Dominum.

T t. FER. VI. IN ALBIS.

Pro baptizatis.

Super populum.

OMNIPOTENS sempiternæ Deus, qui populum tuum
quondam, Iordane transiecto, terram fecisti promissionis in-
trare: præsta, quæsumus, vt significationis antiquæ & veritatis pa-
tefactis

Zz

tefactis

refectis mysterijs, per sacramenta baptismatis, adoptionis tuæ filij, regno cælesti mereantur ascribi. Per Dominum.

Super find.

DEVS, qui credentes in te populos gratiæ tuæ largitate multiplicas, respice propitius ad electionem tuam, vt qui sacramento baptismatis sunt renati, regni cælestis mereantur introitum. Per Dominum.

Super obl.

HOSTIAS Domine, quæsumus, placatus assume, quas & pro renatorum expiatione deferimus, & pro acceleratione cælestis auxilij, Per Dominum nostrum.

Præfatio.

PER Christum Dominum nostrum: Qui secundum promissionis suæ incommutabilem veritatem, cælestis Pontifex factus in æternum, solus omnium sacerdotū peccati remissione non eguit, sed potius peccatum mūdi idem verus agnus absterfit. Per quem.

Post Com.

FAC, quæsumus, omnipotens Deus, vt qui Paschalibus remedijs innouati, similitudinem terreni parentis euasimus, ad formam cælestis transferamur authoris. Qui tecum.

In Ecclesia maiore.

Super populum.

OMNIPOTENS sempiternus Deus, qui Paschale sacramentum in reconciliationis humanæ foedere contulisti, da mentibus nostris, vt quod professione celebramus, imitemur affectu. Per Dominum.

Super find.

DA nobis Domine, quæsumus, vt Paschalia gaudia quæ lætenter exequimur, perpetua virtute nos tueantur & saluent. Per Dominum.

Super obl.

Ac

ACCIPERE Domine fidelium preces cum oblationibus hostiarum, vt per hæc pię deuotionis officia, ad cælestem gloriã transeamus. Per Dominum.

Præfatio.

ÆTERNE Deus. Poscentes, vt cuius muneris mysticū pignus accepimus, manifesta dona compræhendere valeamus, vt quę nobis fideliter speranda Paschale contulit sacramentum, * attingere mereamur resurrectionis Dominicę firmitate. Per eundem.

* per resurrectionis eius attingere mereamur ineffabile mysterium.

Post Com.

RESPICE, quæsumus, Domine populū tuum, & quem eternis dignatus es renouare mysterijs, à temporalibus culpis dignanter absolue. Per Dominum.

VU SABBATO IN ALBIS.

Pro baptizatis.

Super populum.

DEVS, qui humani generis es reparator & rector, fac Ecclesiam tuam in noua prole semper augeri, & deuotione cunctorum crescere filiorum. Per Dominum.

Super sind.

LARGIRE, quæsumus, Ecclesię tuę Deus, & à suis semper & ab alienis abstinere delictis, vt pura tibi mente seruiens, pietatis tuę remedia sine cessatione percipiat. Per Dominum.

Super obl.

FAMILIAM tuam Domine, quam per paschalia festa lætificas, his quoquē sacrificijs emendatam, à cunctis defende periculis. Per Dominum.

Præfatio.

ÆQVVM & salutare: Nos te, omnipotēs Dñe, suppliciter exorare, vt fidelibus tuis dignanter impendas, quò & paschalia capiant sacramenta, & desideranter expectent ventura: vt in mysterijs,

Z z 2 quibus

quibus renati sunt, permanentes, ad nouam vitam his operantibus perducantur. Et ideò.

Post Communionem.

EXAUDI nos omnipotens Deus, & familiae tuae corda, cui perfectam baptismatis gratiam contulisti, ad promerendam beatitudinem aptes aeternam. Per Dominum.

In Ecclesia maiore.

Super populum.

CONCEDE, quesumus, omnipotens Deus, ut qui festa Paschalia venerando egimus, per haec pertingere ad gaudia aeterna mereamur. Per Dominum.

Super find.

OMNIPOTENS sempiternae Deus, quem, docente spiritu sancto paterno nomine inuocare praesumimus: effice in nobis filiorum corda fidelium, ut hereditatem promissam mereamur ingredi per debitam seruitutem. Per Dominum. in unitate eiusdem.

Super obl.

ACCIPERE Domine fidelium preces cum oblationibus supplicantium, ut Paschalibus initiata mysterijs, ad eternitatis nobis proficiant haec dona suffragium. Per Dominum.

Præfatio.

AETERNE Deus. Et nunc maximè gratulari, quā dō dies salutis nostrae, & tuae erga nos pietatis mysteriū solenniter celebratur: quo de tenebris captiuitatis antiquae, filij lucis & libertatis effici-mur: & terrenis exuti, ad celestia regna trāsimus. Propterea pfusis.

Post Com.

REDEMPTIONIS nostrae munere vegetati, quesumus Domine, ut hoc perpetuē salutis auxilium fides semper vera perficiat. Per Dominum.

XX. DOM. IN ALBIS DEPOSITIS.

Super populum.

PRÆ-

PRAESTA, quæsumus, omnipotens Deus, vt qui Paschalia festa peregrimus, hæc, te largiente, moribus & vita teneamus. Per Dominum.

Super find.

DEVS, innocentiae restitutor & amator, dirige ad te tuorum corda famulorum, vt quos de infidelitatis tenebris liberasti, nunquam à tuæ veritatis luce discedant. Per Dominum.

Super obl.

RESPICE Domine munera exultantis Ecclesie, & salutem credentium perpetua sanctificatione sumenda concede. Per Dominum.

Præfatio.

AETERNE Deus, Suppliciter exorantes, nè nos ad illum finem redire actum, cui iure dominatur inimicus: Sed in hac potius facias absolutione persistere, per quam diabolus extitit, filio tuo vincente, captiuus. Et ideò.

Post Communionem.

EXVERET, quæsumus Domine, mentibus nostris paschalis gratia sacramenti, vt donis tuis ipsa nos dignos efficiat. Per Dominum nostrum.

Yy. DOM. II. POST PASCHA.

Super populum.

MISERICORS Domine fidelium tuorum consolator & doctor, auge in Ecclesia tua desideria quæ dedisti, & de intelligenda altitudine promissionum tuarum, sperantium in te corda confirma: vt omnes adoptionis filij, lumen quod nondum ostendis, fidei oculis incunctanter intueantur, & patienter expectent. Per Dominum.

Super find.

DEVS, qui in filij &c. vt infra Tom. 2.

Zz 5

Super

Super oblatam.

DEVS, qui nos per huius sacrificij veneranda commercia vni-
us summæque diuinitatis participes effecisti: præsta, quæsumus,
vt sicut tuam cognoscimus veritatem, sic eam dignis moribus as-
sequamur. Per Dominum.

Præfatio.

AETERNE Deus. Qui omnia elementa fecisti, & varias dis-
posuisti temporum vices, atque homini ad tuam imaginem con-
dito, vniuersa simul animantia rerumq; miracula subiecisti. Cui
licet origo terrena sit, tamen regeneratione baptismatis cælestis ei
vita confertur. Nam deuicto mortis authore, immortalitatis est
gratiam consecutus: & præuaricationis errore cessato, viam reperit
veritatis. Per Christum.

Post Communionem.

PRAESTA nobis omnipotens & misericors Deus, vt viuifi-
cationis tuæ gratiâ consequentes, in tuo semper munere gloriemur.
Per Dominum.

22. IN FESTO S. MARCI.

Super populum.

DEVS, qui hunc diem, B. Marci Euangelistæ & martyris tui,
sanguinis roseo consecrasti cruore perfusum: præsta, quæsumus, vt
ipse apud te pro nobis existat præcipuus suffragator, qui vnigeniti
tui fieri meruit euangelicus prædicator. Per eundem.

Super sind.

DEVS, qui nos B. Marci Euangelistæ & martyris tui solennita-
te lætificas, pietatis tuæ largitate cōcede benignus, vt cuius trium-
phum pio amore veneramur in terris, societatis eius lætitiā adipi-
sci, te largiente, mereamur in cælis. Per Dominum.

Super obl.

HANC in cōspectu diuinæ maiestatis tuæ Domine placationis
hostiâ, B. Marci Euangelistæ tui intercessio deuota cōmendet: Quæ
qui-

quidem angelicis tibi manibus oblata; tuaq; dextera benedicta, ab omni nos reddat peccatorum labe purgatos. Per Dominum.

Præfatio.

ÆTERNE Deus. Et te in tuorum martyrum venerari triumphis, qui eos pro fidei merito reluctantes, victricibus armis præcinxisti. Quorum pio commonitus exemplo, speiq; promissæ perpetuitate certissimus, beatus Euangelista Marcus, seculi huius momentaneis gaudijs abolitis, per diuersa martyrij ludibria, cælestium militum meruit adipisci commercia. Per Christum.

Post Communionem.

INENARRABILIS sacramenti suauitate resecti, quæsumus Domine, beati Marci Euangelistæ tui suffragijs, nullis vnquam impediamur terrenis actibus, te sequi omnium bonorum creatorem. Qui viuus.

AAA. IN FESTO SS. VITALIS ET VALERIAE.

Super populum.

SANCTORVM nos, quæsumus Domine, Vitalis & Valeriæ natilitia votiuâ lætificent, & suæ beneficijs intercessionis attollant. Per Dominum.

Super sind.

CONCEDE, quæsumus, omnipotens Deus, vt ad meliorem vitam, sanctorum tuorum Vitalis & Valeriæ exempla nos prouocet, quatenus quorû solennia agimus, etiam actus imitemur. Per Dñm.

Super obl.

ACCEPTA sit in conspectu tuo Domine nostra oblatio, & eorum nobis fiat supplicatione salutaris, pro quorum solennitate defertur. Per Dominum.

Præfatio.

ÆTERNE Deus: Et te in omnium martyrum triumphis laudare, quoniâ tuis donis atq; muneribz, beatorû martyrum Vitalis & Val-

Horum
Martyrû
apud Ra
uennam
passio ce
lebratur
in Mar
tyrol. 28.
April. &
ab Ambr.
serm. de
Geruasio
& Protas
io.

Valeriæ passionem hodierna solennitate veneramur. Qui pro cō-
fessione Iesu Christi filij tui diuersa supplicia sustinuerunt, & ea
deuincens, coronam perpetuitatis promeruerūt. Per Christum.
Post Communionem.

EXVLTET, quæsumus Domine, populus tuus, in sanctorum
tuorum commemoratione Vitalis & Valeriæ: Et quorum votiuo
letatur officio, suffragio releuetur optato. Per Dominum.

bbb. DOM. III. POST PASCHA.

Super populum.

DEVS, qui fidelium mentes vnus efficis voluntatis, da po-
pulis tuis id amare quod præcipis, id desiderare quod pro-
mittis: vt inter mundanas varietates ibi nostra fixa sint corda, vbi
vera sunt gaudia.

Super find.

DEVS, qui misericordiæ ianuam fidelibus patere voluisti, re-
spice in nos, & miserere nostrî: vt qui voluntatis tuæ viam, donan-
te te, sequimur, à vitæ nūquā tramite deuiemus. Per Dominum.

Super obl.

BENEDICTIONEM &c. vt infrà Tom. 2. Dom. 3. Post oct.
Paschæ.

Præfatio.

PER Christum Dominum nostrum. Qui humanis misertus
erroribus, per virginem nasci dignatus est, & per passionem mor-
tis, à perpetua nos morte liberauit, ac resurrectione sua æternam no-
bis contulit vitam, Idem Iesus Christus Dñs noster. Quem vnā.

Post Communionem.

SACRAMENTA &c. vt infrà ibidē Tom. 2.

ccc. FER. 4. MEDIANTE DIE FESTO.

id est, die xxv. post Pascha, qui inter Pascha & Pente-
costen est medius.

Super

Super populum.

DEVS, per cuius prouidentiam nec præteritorum momenta deficiunt, nec vlla superest expectatio futurorum: tribue permanentem peractæ, quam recolimus, solennitatis effectum, vt quod recordatione percurrimus, semper in opere teneamus. Per Dominum nostrum.

Super sind.

POPVLVS tuus, quæsumus Domine, renouata semper exaltet animæ iuuentute: vt qui antea in peccatorum veteris mortis venerat * senio, nunc lætetur in pristinam se gloriam restitutum. * senium, Per Dominum.

Super obl.

MVNERA tibi Domine oblata sanctifica, vt tui nobis vnigeniti corpus & sanguis fiant. Qui tecum viuit & regnat in vnitæte.

Præfatio.

AETERNE Deus: Per mediatorem Dei & hominum, Iesum Christum Dominum nostrum. Qui, mediante die festo, ascendit in templum docere: qui de cælo descendit, mundum ab ignorantia tenebris liberare. Cuius descensus genus humanum doctrina saluari instruit, mors à perpetua morte redemit, ascensio ad cælestia regna perduxit. Per quem te summe pater poscimus, vt eius institutione edocti, salutaris parsimonie deuotione purificati, in tua perueniamus promissa securi. Per eundem.

Post Communionem.

ADIVVET nos, quæsumus Domine, sanctum istud Paschale mysterium, & vt deuotis hoc mentibus exequamur, obtineat. Per Dominum.

ddd. DOM. IIII. POST PASCHA.

Super populum.

DEVS, qui errantibus &c vt infra Tom. 2. post oct. Paschæ.

Super sind.

Aaa ACTIO-

ACTIONES nostras, quæsumus, Domine & adspirando præueni, & adiuuando prosequere, ut cuncta nostra operatio, à te semper incipiat, & per te cæpta finiatur. Per Dominum.

Super obl.

HIS nobis Domine. &c. ut infra ibidem.

Præfatio.

ÆTERNE Deus. Postulantes, ut tempora quibus post resurrectionem Dominus noster Iesus Christus cum suis discipulis corporaliter habitauit, pia deuotione tractemus. Quem vnâ.

Post Communionem.

ADESTO nobis Domine &c. ut ibidem Dom. 3.

**ECC. IN FESTO SS. APOST. PHILIPPI
ET IACOBI.**

Super populum.

DEVS, qui conspicias quia nos vndiquè mala nostra conturbant, præsta, quæsumus, ut beatorum Apostolorum tuorum Philippi & Iacobi intercessio gloriosa nos protegat. Per Dominum.

Super find.

INTERCESSIONIBVS nos Domine, quæsumus, sanctorum Philippi & Iacobi ubiquè confoueat, ut eorum sacra natalitia temporaliter frequentemus, & conspiciamus æterna. Per Dominum.

Super obl.

SACRIFICIUM nostrum tibi Domine, quæsumus, beatorum Apostolorum Philippi & Iacobi precatio sancta conciliet, ut in quorū honore solēniter exhibetur, meritis efficiatur acceptum. Per Dominum.

Præfatio.

ÆTERNE Deus. Quia tui est operis tuæque virtutis, ut beatorum Apostolorum Philippi & Iacobi gloriosa confessio usque in finem seculi nobis capiat regni celestis augmentum. Per Christum.

Post

Post Communionem.

BEATORVM Apostolorum Philippi & Iacobi honore continuo Domine plebs tua semper exultet, & his p̄sulibus gubernetur, quorum & doctrinis gaudet, & meritis. Per Dominum.

Eff. IN FESTO INVENTIONIS
S. CRVCIS.

De S. Cru-
ce Serm.
est Amb.

Super populum.

DEVS, qui p̄clara salutiferæ crucis inuentione, passionis tuę^{ss.} miracula suscitasti: concede, vt vitalis ligni precio, æternę vitę suffragia consequamur. Qui cum patre.

Super find.

ADESTO familiæ tuæ clementissime Deus, vt in aduersis & prosperis preces eius exaudias, & nefarias aduersariorum insidias per vexillum sanctę crucis digneris contere, vt perennis gaudiij salutem possit, te protegente, mereri. Per Dominum.

Super obl.

SACRIFICIVM Domine quod immolamus, placatus intēde, vt ab omni nos exuat bellorum nequitia, & per vexillum sanctę crucis filij tui, ad conterendas potestatis aduersę insidias, nos in tuę protectionis securitate constituat. Per eundem.

Præfatio.

PER Christum Dominum nostrum. Cuius hodiè, dudum à M. s. Iudeis abditum, gloriosum inuentum est vexillum. Qui protoplas^{Simpl.}ti facinus, quod per ligni vetiti gustum in genus humanum diuatum est, per idem lignum simulque nostra affigens delicta delere dignatus est. Cuius typum virga tenuit in separando æquoris vndas, & viam populo per Moysen præparando securam. Per cuius quoque vmbra, aspera mors populis ligno deducta cucurrit, in quo pendens redemptor, factus est maledictum, vt à maledicto nos eriperet legis. Cuius ligni mysterio saluari credimus omnes. Per eundem.

Aaa 2

Post

Post Communionem.

REPLETI alimonia caelesti, & spiritali poculo recreati, quæsumus omnipotens Deus, vt ab hoste maligno defendas, quos per lignum sanctæ crucis filij tui armari, ac signo illo salutifero triumphare voluisti. Per eundem Dominum.

ggg. DOM. V. POST PASCHA.

Super populum.

DEVS, qui hoc nobis confers gratia, vt iusti ex impiis, & beati efficiamur ex miseris : Adesto operibus tuis, adesto muneribus, vt quibus inest fidei iustificatio, non desit perseuerantiæ fortitudo. Per Dominum.

Super sind.

AUXILIARE Domine temporibus nostris, vt tua nos ubiq; dextera protegente, & religionis integritas, & Christiani nominis securitas reparata consistat. Per Dominum.

Super obl.

CONCEDE nobis hæc, quæsumus Domine, frequentare mysteria, quia quotiès huius hostiæ commemoratio celebratur, opus nostræ redemptionis exercetur. Per Dominum.

Præfatio.

ÆTERNE Deus. Et maiestatem tuam indefessis precibus exorare, vt mentes nostras bonis operibus semper informes : quia sic erimus præclari muneris prompta sinceritate cultores, si ad meliora iugiter transeuntes, Paschale mysterium studeamus habere perpetuum. Per Christum Dominum nostrum. Per quem.

Post Communionem.

TRIBE nobis, quæsumus Domine, caelestis mensæ virtute satiatis, & desiderare quæ recta sunt, & desiderata percipere. Per Dominum.

hhh. IN

tur ferri sententia, vt victoriæ palmam adeptus, & author sui esset nominis, & exemplum magistri. Per Christum Dominum.

Post Com.

PERCEPTA mysteria, quæsumus Domine, & eruditione nos instruant, & participatione restaurent, vt ad spiritualia mereamur munera peruenire. Per Dominum.

iii. IN DIE ASCENSIONIS DOMINI.

Super populum.

DEVS, qui Ecclesiam tuam, euangelicæ doctrinæ exhortatione, quæ fursùm sunt, iubes sapere, & ad eandem se altitudinem, ad quam mundi Saluator ascendit, erigere: da populis tuis intellectu capere, quod multi viderunt, vt in secundo mediatoris aduentu ditentur donis, qui promissis crediderunt. Per eundem.

Super synodum.

Exaltationem conditionis humanæ, substantiæ cōditor respice Deus, vt tua dignatione mundati, sacramētis magnæ pietatis aptemur. Per Dominum.

Super obl.

Sacrificium Dñe supplices pro filij tui venerabili nunc ascensione deferimus: presta, quæsumus, vt nos per ipsum his commercijs sacrosanctis ad cælestia confurgamus. Per eundem.

Præfatio.

PER Christum Dominum nostrum, Qui post resurrectionem suam seculis omnibus gloriosam, discipulis suis visu conspicuus, tactu quæ palpabilis, vsque in quadragesimum diem manifestus apparuit, ipsis quæ cernentibus est eleuatus in cælum. In id proficientibus intrà has moras primitiuas, vt & certius fieret quod credidissent, & plenius discerent quod docerent. Per eundem Christum Dominum nostrum. Per quem.

Post

Post Com.

DEVS, cuius filius in alta cælorum potenter ascendens, captiuitatem nostram sua duxit virtute captiuam: tribue, quæsumus, vt dona quæ suis participibus contulit, largiatur & nobis. Qui tecum viuunt.

κ κ κ. IN TRANSLATIONE S.
NAZARII MART.

Meminit
huius trans-
lationis p
S. Ambr.
Paulin. in
vita Am-
br. & post
eum Mar-
tyrolog.

Super populum.

PRÆVENIANT nos, quæsumus, Domine beatissimi martyris tui Nazarij desiderata commercia, vt cuius perpetuam dignitatem sacro ministerio frequentamus in terris, & præsentia nobis subsidia postulet, & æterna. Per Dominum.

Super find.

FAC nos, quæsumus Domine, sancti martyris tui Nazarij semper festa sectari, cuius suffragijs, protectionis tuæ dona sentimus. Per Dominum.

Super obl.

FIAT Domine, quæsumus, hostia sacrandæ placabilis preciosi celebritate tui martyris Nazarij, quæ & pectora nostra purificet, & tuorum tibi vota conciliet famulorum. Per Dominum.

Præfatio.

ÆQVVM & salutare. Nos tibi reddere grates, vis trina Deus, factor optime rerū. Qui cuncta proprijs animata figuris, artifice sermone facis, quiq; facta cōseruas: Qui dudum multo latitante puluere drachmā inuenis, accensa verbi virtute lucerna, vt pateant cunctis tua munera seclis. Reddens Ecclesiæ * secundum certaminis * sanctam palmam, angelicos vt cernant humana lumina vultus, micent & splendida tumuli membra loco. Iam iamq; repertus olim absconditus agro, rutilat thesaurus, euāgelicis præsignat figuris: * Et semper exultat intemerata Ecclesiæ fides, dum sacrū mercatu margaritæ lucrum

Ms.
Simpli-
ciani.

En

* capescat lucrum * capeſſat. In qua Chriſte tuus inclytus martyr geminam inſignem Nazarius geſtat coronam, qui meruit Domini pro laude fidelis, ſanguine martyrium clarificare ſuum. O nimum dilecta Dei membra, Chriſti ſeruata promiſſo. O teſtis flagrantiffime, nitore celi fulgide, cuius inaeſtimabilis odor Sabæis præpollet aromatibus. Quem pius Ambroſius ſacrum locans Eccleſiæ munus, perennem reperiens patronum, dedit & medicum, propugnatorum fidei, ſacri prælij bellatorem. Propterea cum ang.

Post Commun.

QVAESVMVS, omnipotens Deus, vt beati martyris tui Nazarii cæleſtibus myſterijs celebrata ſolennitas, indulgentiam nobis tuę propitiationis acquirat. Per Dominum.

III. DOM. POST. ASCCENSIONEM DOMINI.

Super populum.

IMPLOMANTE S Domine miſericordiam tuam populos fideles propitiuſ intueri, vt qui præter te alium non noverunt, tuiſ beneficijs glorientur. Per Dominum.

Super ſind.

SANCTI nominis &c. vt infrà Dom. 2. poſt Pent.

Super obl.

OBLATIO nos Domine tuo nomini dicanda purificet, & de die in diem ad cæleſtis vitę transferat actionem. Per Dominum.

Præfatio.

AETERNE Deus. Poſcentes vt ſenſibus noſtris clementer inſundas, nè terrenis affectibus inherendo, oculos ad cæleſtia non leuemus: Nè in infimis voluptatibus occupati, mentes non valeamus attollere, quò noſter Saluator aſcendit: ac diabolica ſectando veſtigia, à Chriſti conſortio recedamus: Quia nemo poteſt ſummi

summi veriſque regis celsitudine delectari, nisi pestifera destructa subuerſaque tyranni iura calcauerit. Per eundem.

Post Communionem.

PRAESTA nobis, quaesumus, omnipotens & misericors Deus, ut quae visibilibus mysterijs sumenda percepimus, inuisibili consequamur effectu. Per Dominum.

Officium Mediolanen. hac septimana continet dies Rogationum, quorum officia compendij gratia praetermisimus, quod eadem sint cum hodiernis.

mm. IN TRANSLATIONE S. VICTORIS, ET NAT. SS. FELICIS ET FORTVNATI MARTYRVM.

Super populum.

ADESTO Domine fidelibus tuis, nec ullis eos metis & corporis finas subiace periculis, quos beatorum martyrum tuorum, Victoris, Felicis, & Fortunati, munit gloriosa confessio. Per Dominum.

Super find.

Omnipotens sempiternae Deus, fortitudo certantium, & palma martyrum, solennitatem hodierni diei propitius intueri, & ecclesiam tuam continua fac celebritate laetari: & intercessionibus beatorum martyrum tuorum, Victoris, Felicis, & Fortunati, omnium in te credentium vota perfice Per Dominum.

Super obl.

HOSTIAS Domine quas nomini tuo sacradas offerimus, sanctorum martyrum tuorum Victoris, Felicis, & Fortunati, prosequatur oratio, per quam nos expiari concedas & defendi. Per Dominum.

Prefatio.

AETERNE Deus. Qui es gloriosus in sanctis, & digno laudandus preconio. Tua eos gratia ex mundi accersitos illecebris, tyrannidis

B B B

Felices & Fortunati marty. A. quileien. meminerunt martyrologia 11. Iunij.

MS.

nidis dirē temnere minas, seūisq; fecit agonizare principibus. Quæ præquenti beatissimi martyres Felix & Fortunatus, alius quos protulit vna, æthereo afflati suffragio, profana idolorum spreuere præstigia. Nam agnita Christi Iesu filij tui mira credulitate potentia, scelestorum vitantes contagia, reliquerunt propria loca: præstantius censentes, in nemoribus inter feras æterno famulari regi, quàm in sacrilegis continuatim cœtibus vanissimo degere cultu. Deniquè obtutibus crudelissimi acciti præsidis, pia confessione Christi nominis indagata, atrocibus pœnarum iubentur exagitari supplicijs. Quos celeberrimi martyres cruciatus, superno fulti superârūt præsidio. Cruento postremum ceruicibus mucrone præcisis, polorum regna scandentes, Christi locari gremio meruerunt. Quibus etiam ad iucundissimum hodiernæ festiuitatis augetur tripudium, sacratissimi Victoris martyris translatio corporis, quæ totius plebis celebratur lætitia. Per Christum.

Post Com.

RECREATI sacri muneris gustu, quæsumus Domine, quod sumpsimus, nobis non vertatur ad pœnam, sed intercedentibus sanctis tuis, Victore, Felice, & Fortunato, fideliter libantibus proficit ad veniam. Per Dominum.

NONA. IN VIGILIA PENTECOSTES.

Post I. Lect.

DA nobis, quæsumus Domine, per gratiam spiritus sancti novam tui paracleti spiritualis obseruantia disciplinam, ut mentes nostræ sacro purgatæ ieiunio, cunctis reddantur eius muneribus aptiores. Per Dominum.

Post II. Lect.

Omnipotens sempiterne Deus, lumen indeficiens, qui spiritum sanctum tuum, cum super aquas in mundi creationis exordio ferretur,

retur, humanæ declarâsti salutis authorem: præsta, quæsumus, vt idē spiritus veritatis, Ecclesię tuæ dona multiplicet. Per Dominū.

Post III. Lect.

DEVS, qui primis temporibus impleta miracula, noui testamenti luce referâsti, vt & mare rubrum, forma sacri fontis existeret, & liberata plebs ab Aegyptiacæ seruitute, Christiani populi sacramenta præferret: da, vt omnes gentes Israelis priuilegium merito fidei cōsecutæ, spiritûs tui præceptione regenerentur. Per Dominum. in vnitae eiusd.

Deindē benedictio Fontis, vt in Sabbato sancto Paschę, nihil immutando, præter vltimam orationem, quæ hoc modo dicitur.

CELEBRATIS atque perfectis diuini baptismatis sacramentis, Domino celi & terræ, Deo patri omnipotenti indefessas gratias referamus, ipsum quę supplices postulemus, vt nos atque omnem familiam suam gratię spiritûs sancti annuat esse participes: Præstāte Domino nostro Iesu Christo filio suo, secum viuēte atq; regnāte Deo in vnitae eiusdem.

Ad Missam.

Super populum.

Deus, cuius spiritu totū corpus Ecclesiæ multiplicatur & regit, cōserua in noua familiæ tuæ progenie sanctificationis gratiā quam dedisti: vt corpore & mente renouati, in vnitae fidei seruētes, tibi Domino seruire mereamur. Per Dominum. in vnitae eiusdem.

Super sind.

PRAESTA, quæsumus, omnipotens Deus, vt qui, tuæ maiestatis effectu, per filij tui mirabile sacramentum, cooperante spiritu sancto, sunt renati, cælestis vitæ fiant conuersatione perpetui. Per eundem Dominum. in vnitae eiusdem.

Super obl.

VIRTVTE sancti spiritûs Dñe munera nostra cōtinge, vt quod

Bbb 2 solen-

solennitate praesenti suo nomini dedicauit, & intelligibile nobis faciat, & æternum. Per Dominum. in vnitate eiusdem.

Præfatio.

PER Christum Dominum nostrum. Qui ascendens &c. vt infra Tom. 2.

Post Com.

CONCEDE, quæsumus, omnipotens Deus, vt paschalis perceptio sacramenti, mentibus nostris continua perseueret, Per Dñm.

Ooo. IN DIE SANCTO PENTECOSTES.

Pro baptizatis.

Super populum.

PRAESTA, quæsumus, omnipotens Deus, vt claritatis tuæ super nos splendor effulgeat, & lux tuæ lucis corda eorum, qui per tuam gratiam renati sunt, sancti spiritûs illustratione confirmet. Per Dominum. in vnitate.

Super sindonem.

BONORVM omniû Deus, author atq; largitor, fac quæsumus, vt Ecclesiæ tuæ proles, te instituyente, succrescens, in nouam filij tui creaturam, sancto fouente spiritu, nutriatur. Per eundem Dominum nostrum Iesum Christum filium tuum. in vnitate eiusdem.

Super obl.

MVNERA nostra Domine sancti spiritûs sacrentur aduentu, per quem à peccatis omnibus absoluti, adoptionis tuæ filij renascantur. Per Dominum nostrum. in vnitate eiusdem.

Præfatio.

ÆTERNE Deus. Quia hodiè sancti spiritûs celebramus aduentum, qui principijs nascentis Ecclesiæ cunctis gentibus imbuendis, & deitatis scientiam indidit, & loquelam. In diuersitate donorum mirabilis operator vnitatis, variarumque gratiarum distri-

distributor, idem & fidei vnus effector, & prædicantium dispen-
fator ipse linguarum. Propterea profusis gaudijs, totus in orbe ter-
rarum mundus exul.

Post Com.

SACRIS cælestibus Domine vitia nostra purgentur, vt mune-
ribus tuis possimus semper aptari. Per Dominum. Qui tecum viuit.

In Ecclesia maiore.

Super populum.

DEVS, qui discipulis tuis spiritum paracletum in ignis specie
(hanc enim vocem addendam censeo) feruore tui amoris mittere
dignatus es, da populis tuis in vnitæ fidei esse feruentes: vt in tua
semper dilectione permanentes, & in fide inueniantur stabiles, &
in opere efficaces. Qui viuis & regnas cum Deo patre in vnitæ
eiusdem.

Super sind.

OMNIPOTENS sempiternæ Deus, qui Paschale sacramen-
tum quinquaginta dierum voluisti mysterio cõtineri: præsta, vt
gentium facta dispersio diuisione linguarum, ad vnā confesio-
nem tui nominis cælesti munere congregetur. Per Dominum.

Super oblat.

PRAESTA Domine, quæsumus, vt secundum promissionem
filij tui Domini nostri Iesu Christi, spiritus sanctus huius nobis
sacrificij copiosius reuelet arcanum, & omnem ppitius referet ve-
ritatem. Per eundem filium tuum Dominum nostrum Iesum
Christum, qui tecum viuit.

Præfatio.

ÆQVVM & salutare: Nos in hac præcipua festiuitate gaude-
re, qua sacratissimum Pascha quinquaginta dierum mysterijs te-
gitur, & mysticus numerus adimpletur, & dispersio linguarum
quæ dudum per superbiam in confusione facta fuerat, nunc per
spiritum sanctum adunatur. Hodie enim de cælis repente sonum

Bbb 3 au-

audientes Apostoli, vnius fidei symbolum exceperunt, & linguis varijs euangelij tui gloriam cunctis gentibus tradiderunt. Per Christum Dominum nostrum. Per quem.

Post Communionem.

H AEC nobis Domine munera sumpta proficiant, vt illo iugiter ferueamus spiritu, quem Apostolis tuis ineffabiliter infudisti. Qui viuis. in vnitate.

ppp. IN FESTO S. DIONYSII MEDIO-
LAN. EPISCOPI.

Meminit
hui⁹ Amb.
epist. 82.

Super populum.

D E V S, qui nos sancti Dionysij confessione gloriosa circumdas & protegis, da nobis eius imitatione proficere, & oratione fulciri. Per Dominum.

Super find.

S A N C T I Dionysij Domine confessio recensita, conferat nobis pie deuotionis augmentum, quia in nomine tuo perseverans, dignè meruit honorari. Per Dominum.

Super obl.

H O S T I A S tibi Domine pro commemoratione beati sacerdotis & confessoris tui Dionysij offerimus, quem à tui corporis vnitatem nulla tentatio separauit. Per Dominum.

Præfatio.

A E T E R N E Deus. Et confessionem sancti sacerdotis tui Dionysij memorabilem non tacere. Qui nec hereticis prauitatibus, nec seculi blandimentis à sui statûs rectitudine potuit immutari. Sed in vtroq; discrimine veritatis assertor, firmitatem tuę fidei non reliquit. Et idè ei debitę pietatis obsequium exhibemus, quia potètiā tuā Domine, cuius gratia talis extitit, in eius solennitatibus prædicamus. Per Christum Dominum nostrum. Per.

Post Communionem.

Q V A E S V M V S Domine Deus noster, vt intercedente sancto
fa-

sacerdote & confessore tuo Dionysio, sacrosancta mysteria quæ
sumpsimus, actu subsequamur & sensu. Per Dominum.

299. DOM. I. POST PENTECOST.

Super populum.

DEVS in te sperantium fortitudo, adesto propitius inuocatio-
nibus nostris, & quia sine te nihil potest mortalis infirmitas, præsta
auxilium gratiæ tuæ, vt in exequendis mandatis tuis, & voluntate
tibi, & actione placeamus. Per Dominum.

Super sind.

DEVS, qui te in rectis ac sinceris manere pectoribus asseris, da
nobis tua gratia tales existere, in quibus habitare digneris. Per
Dominum.

Super obl.

HOSTIAS nostras, tibi Domine dicatas, placatus assume, & ad
perpetuum nobis tribue peruenire subsidium. Per Dominum.

Præfatio.

ÆTERNE DEUS. Qui Ecclesiæ filios sicut erudire non cessas,
itâ non desinis adiuuare, vt & scientiam recta faciendi, & possibili-
tatem capiant exequendi. Per Christum Dominum nostrum.

Per quem.

Post Communionem.

TANTIS Domine repleti muneribus, præsta, quæsumus, vt &
dona salutaria capiamus, & à tua laude nunq̃ cessemus. Per Dñm.

R. R. IN FESTO SS. SISINNII, MAR-
TYRII, ET ALEXANDRI MAR-
TYRVM.

Super populum.

EXAUDI nomine populum tuum toto tibi corde subiectum,
& intercessionibus beatissimorum martyrum tuorum, Sisinnij, Mar-
tyrij, & Alexandri, à præsentibus defende periculis & futuris.
Per Dominum.

Super

Super findonem.

MAIESTATI tuæ nos, quæsumus, Domine martyrum tuorum Sifinnij, Martyrij, & Alexandri, intercessio beata conciliet, vt qui incessabiliter actibus nostris offendimus, iustorum precibus expiemur.

Super obl.

SYSCIPE, quæsumus Domine, munera tibi reuerenter oblata, & beatissimorum martyrum tuorum, Sifinnij, Martyrij, & Alexandri, suffragantibus meritis, ad nostræ salutis remedium, prouenire concede. Per Dominum nostrum.

Præfatio.

M. S.
Alicuius est successoris D. Ambrosij, quippe quorum reliquæ post obitum eius Mediolanum allatæ sint, teste Paulino in eius vita.

AETERNE Deus. Teque laudare mirabilem in sanctis tuis, Sifinnio, Martyrio, & Alexandro. Quos ante constitutionem mundi in æternam tibi gloriam præparasti, vt per eos huic mundo, veritatis tuæ lumen ostenderes. Quosque ita spiritu veritatis armasti, vt fortitudinem mortis per infirmitatem carnis euincerent. Hi sunt veri martyres, qui in Ecclesiæ prato sicut rosæ & lilia floruerunt. Quos pius sanguis in prælio confessionis roseo perfudit colore, & in præmio passionis niueo liliorum flore vestiuit Iesus Christus Dominus noster. Quem vnâ.

Post Communionem.

DIVINO munere satiati, maiestatem tuam supplices exoramus omnipotens Deus, vt intercessionibus sanctorum martyrum tuorum, Sifinnij, Martyrij, & Alexandri, proprijs careamus culpis, & tuis inhærere valeamus mandatis. Per Dominum.

ss. DOM. II. POST PENTECOST.

Super populum.

ECCLESIÆ tuę Domine voces placatus admitte, vt destructis aduersitatibus vniuersis, securâ tibi seruiat libertate. Per Dñm.
Super

Super find.

PORRIGE dexteram tuam, quæsumus Domine, plebi tuæ misericordiam postulanti, per quam & terrores declinet humanos, & solatia vitæ immortalis accipiat, & sempiterna gaudia comprehendat. Per Dominum.

Super obl.

ADESTO Domine supplicationibus nostris, & his muneribus præsentiam tuæ maiestatis interfere: vt quod nostro seruitio geritur, te potiùs operante, firmetur. Per Dominum.

Præfatio.

AETERNE Deus. Maiestatem tuam suppliciter exorantes, vt ab Ecclesia tua quicquid est noxium, tua virtute repellas, & quod eidem salutare est, largiaris. Nobisque contra superbos spiritus humilitatem tribuas rationabilem custodire, & gratiam tuam clementer impendas. Nec nos humani incertos auxilij derelinquas, sed tua, quæ falli non potest, gubernatione conserues. Per Christum.

Post Communionem.

QVOD ore sumpsimus Domine, pura mente capiamus, vt de corpore & sanguine Domini nostri Iesu Christi fiat nobis remedium sempiternum. Per eundem.

III. IN FESTO S. BARNABAE APOST.
ET MEDIOLAN. EPISCOPI.

Super populum.

DEVS, qui beatum Barnabam in prædicatione tuis Apostolis sociasti, tribue, quæsumus, ad eius nos peruenire consortium, cuius celebramus præsentis festiuitate triumphum. Per Dominum.

Super find.

MAIESTATEM tuam Domine suppliciter deprecamur, vt sicut nos annua beati Barnabæ Apostoli veneratione latificas, ita semper ipsius supplicatione defendas. Per Dominum.

Ccc

Super

Super obl.

OBLATA munera, quæsumus Domine, tua benedictione sanctifica, quæ, te donante, nos illa flamma tuæ dilectionis accendat, per quam sanctus Apostolus Barnabas, tormenta sui corporis uniuersa deuicit. Per Dominum.

Præfatio.

AETERNE Deus. Qui Apostolorum collegio tua gratia sanctum Barnabam aggregasti, magnificis meritò præconijs extollendum. Hic namq; Cyprius ex stirpe Leuitica ortus, terrenorum contemptor, zelator cælestium, ad pedes Apostolicos agri proiecit precium. Hic ex septuagintaduobus discipulis assumptus, in Apostolum sublimatur. Hic Antiochiæ, Romæ, Mediolani, semen uerbi tui disseminans, gentium multitudinem Christi conuertit ad fidem. Hic Mediolanensis Ecclesiæ primus Pontifex, perspicuis eam miraculis insigniuit. Dum enim super languidos Matthæi deponit Euangelium, infirmitates repente sanat omnium. Dumq; templo gentiliū maledicit, eius pars subito funditus corruens, multos idolorum cultores interemit. Demum multis pro tuo nomine quassatus & attritus supplicijs, per ignis incedium felix migravit ad regnum. Et ideo.

Post Communionem.

CAELESTIS mensæ dapibus recreati, quæsumus, omnipotens Deus, ut intercedente B. Barnaba Apostolo tuo, quod fideliter ore percepimus, sincera mente seruemus. Per Dominum.

vuu. DOM. III. POST PENTECOST.

Super populum.

EXAUDI Domine vocē tibi supplicantis Ecclesiæ, quæ in modum vineæ filij tui propagata cultoribus, firmis in te nititur stare radicibus: ut à præsentis seculi fluctibus aliena, pullulantis in se populi natiuitate ditata, ubertatis suæ fructibus gloriatur. Per eundē.

Super sind.

DEVS,

DEVS, qui diligentibus te bona inuisibilia preparasti, infunde cordibus nostris tui amoris affectum, vt te in omnibus & super oia diligentes, promissiones tuas, quæ omne desiderium superant, consequamur. Per Dominum.

Super obl.

PROPTIARE Domine supplicationibus nostris, & has populi tui oblationes benignus assume: & vt nullius sit irritum votum, nullius vacua postulatio: præsta, quæsumus, vt quod fideliter petimus, efficaciter consequamur. Per Dominum.

Præfatio.

ÆTERNE Deus. Maiestatem tuam suppliciter deprecantes, vt qui rei sumus meritis, non efficiamur nostra duritia contumaces. Nec te proteruis sensibus accusare nitamur, cum tua nobis, quæ non meremur, beneficia retardentur. Sed hinc potius & nostras cognoscamus offensas, & opem tuam iugiter imploremus. Quia multo amplius continuata subsidia deuotis mentibus ministrabis, qui eadem largiris indignis. Per Christum.

Post Communionem.

GRATIAS tibi agimus Domine sancte, pater omnipotens, æterne Deus, qui nos corporis & sanguinis Domini nostri Iesu Christi communione satiasti, tuamque misericordiam humiliter imploramus: vt hoc tuum Domine sacramentum non sit nobis reatus ad pœnam, sed sit intercessio salutaris ad veniam, sit ablutio scelerum, sit fortitudo fragilium, sit contra mundi pericula firmamentum. Hæc nos communio purget à crimine, & cælestis gaudij tribuat esse participes. Per eundem.

xxx. INFESTO SS. CANTIANO-

RVM MART. Super populum.

POPVLVM tuum Dñe perpetua defensione conserua, nec diffcultè, quod pie postulat, consequatur, cui sanctorum martyrum tuorum Cantianorum merita suffragantur. Per Dñm.

Super sind.

Ccc 2

DEVS,

De ss.
Catio, Cātiano, &
Cātianila, tractat
Ambros.
serm. 75.

DEVS, qui sanctorum martyrum tuorum Cantianorum gloriosi fecisti palmam florere certaminis, da nobis, quæsumus, hostis nostri fortia superare tentamina: & quod nostris meritis non valemus accipere, ipsorum, quorum natalitia celebramus, precibus assequamur. Per Dominum.

Super obl.

PLEBIS tuæ Domine munera benignus intende, quæ maiestati tuæ in sanctorum martyrum tuorum Cantianorum solennitatibus sunt dicata. Per Dñm.

Post Communionem.

INVOCANTES nomen tuum Domine deprecamur, vt qui patres nostros, virtute tui nominis præeunte, angelicis pastibus refecisti, nos quoq; intercessionem beatorum martyrum tuorum Cantianorum, mysticis dapibus foueas & reformes. Per Dominum.

yyy. IN FESTO S. VITI MART.

Super populum.

Passio
huius in
Sicilia ce-
lebratur
in Marty.
15. Iunij.

DA Ecclesiæ tuæ Domine, quæsumus, S. Vito intercedente, superbè non sapere, sed tibi placita humilitate proficere, vt proterua despiciens, quæcunque matura sunt, libera exerceat charitate. Per Dominum.

Super find.

DEVS, qui nos beati Viti martyris tui meritis & intercessionem lætificas, concede propitius, vt qui eius beneficia poscimus, dono tuæ gratiæ consequamur. Per Dominum.

Super oblat.

MAIESTATEM tuam suppliciter imploramus, omnipotens Deus, vt sicut gloriam diuinę potētis munera, p̄ sanctis oblata testantur, sic nobis effectum tuæ saluationis impendant. Per Dñm.

ÆTERNE Deus. Beati Viti martyrio gloriantes. Cui admiranda gratia in tenero adhuc corpore virtutem fidei & patientiæ fortitudinē tribuisti, vt sæuitię persecutoris nō cederet constantia pueri-

puerilis. Quæ inter acerba supplicia nec sensu potuit terreri, nec frangi ætate, vt gloriosior fieret eius corona martyrij. Et ideo.

Post Com.

REFECTI Domine benedictione solenni, quæsumus, vt per intercessionem sancti Vitt, medicina sacramenti & corporibus nostris profit, & mentibus. Per Dominum.

Zzz. DOM. IIII. POST-PENT.

Super populum.

DEVS, qui Ecclesiam tuam noua semper prole fœcundas, auge eam quotidie credentium puritate, & diuinæ gratiæ infusione multiplica: vt repulsa impugnatione malorum omnium, in tranquillitate pacis & fidei, tuo semper ditata munere gloriatur, Per Dominum.

Super sindonem.

DEVS, qui nos &c. vt infra Tom. 2. Dom. 5. post oct. Epiphaniæ.

Super obl.

DEVS, qui legalium &c. vt infra ibidem Dom. 8. post Pentecost.

Præfatio.

IMPLORANTES clementiam tuam, vt gubernare digneris onera diuinæ militiæ sustinentes, Et quia necesse est, vt ab eo cui plus creditur, amplius exigatur: tu nostras propitius dirigas actiones, vt & proprijs non implicemur erroribus, & externis, Per Christum Dominum nostrum.

Post Com.

SIT nobis Domine, quæsumus, medicina mentis & corporis, quod de sancti altaris tui benedictione percepimus: vt nullis aduersitatibus fatigemur, qui tanti remedij participatione munimur. Per Dominum.

Ccc 3 Aaaa. IN

De inuen-
tione cor-
porum ho-
rū marty.
tractat
Ambr. E
pist. 82. &
ferm. 89.
ac 70.

aaaa. IN VIGILIIS SS. PROTASII
ET GERVASII.

Super populum.

MARTYRVM tuorum Domine Protasij & Geruasij
natalitia praeuētes, supplices te rogamus, vt quos caelesti
gloria sublimasti, tuis adesse cōcedas fidelibus. Per Dñm nostrū.

Super find.

SANCTORVM martyrum tuorum nos Domine Protasij &
Gervasij confessio beata communiat, & fragilitati nostrae subsidiū
dignanter exoret. Per Dominum.

Super obl.

SACRIFICIUM Domine, quod pro sanctis martyribus tuis
Protasio & Geruasio praeuenit nostra deuotio, eorum merito no-
bis augeat, te donante, suffragium. Per Dominum.

Præfatio.

AETERNE Deus. Qui licet in omnium sanctorum tuorum
fis protectione mirabilis, in his tamen beatissimis martyribus tuis
Protasio & Geruasio speciale tuum munus agnoscimus: quos fra-
tres forte nascendi, magnifica praestitisti passione germanos: vt si-
mul essent venerandæ genitricis, & florentissimæ proles Ecclesie.
Per Christum Dominum.

Post Com.

DA, quæsumus, omnipotens Deus, vt mysteriorum virtute
sanctorum, Protasio & Geruasio martyribus intercedentibus,
vita nostra firmetur. Per Dominum.

bbbb. IN FESTO EORVNDem.

Super populum.

ADESTO Domine supplicationibus nostris, quas in bea-
tissimorum Martyrum tuorum Protasij & Geruasij cōme-
moratione deferimus, vt qui nostrae iustitiae fidutiam non habe-
mus,

mus, eorum qui tibi placuerunt, meritis & intercessionibus adiuuemur. Per Dominum.

Super find.

PRAESTA, quæsumus, omnipotens Deus, vt nos geminata lætitia hodiernæ festiuitatis excipiat, quæ de beatissimorum martyrum tuorum Protasij & Geruasij glorificatione procedit, quos eadem fides & passio fecit esse germanos.

Super obl.

PRAETENDE munera, quæsumus, Domine altaribus tuis pro beatissimorum martyrum tuorum Protasij & Geruasij commemoratione proposita: vt sicut per hæc beata mysteria illis gloriam contulisti, ita nobis indulgentiam largiaris. Per Dominum.

Præfatio.

AETERNE Deus. Qui militibus tuis pro tui nominis amore certantibus, virtutem fidei contulisti: inter quos & pios fratres beatos Protasium & Geruasium aggregare dignatus es, quos pater dudum præcesserat, adeptus martyrij palmam. Hi sunt, qui vexillo cælesti signati, victricia apostoli arma sumpserunt: & à mundanis nexibus absoluti, nequissimi hostis vitiorum aciem prosternentes, liberi & expediti Christum Dominum sunt secuti. O quàm felix germanitas, quæ sacris inherendo eloquijs, nullo potuit interpolari contagio. O quàm gloriosa certaminis causa, ubi pariter coronantur, quos vnus vterus maternus effudit. Pro quorum triumphis & fecundissima mater lætatur Ecclesia, quæ per beatum Ambrosium tales meruit soboles reperire, qui sibi conferant signa virtutum & gloriam. Per eundem.

M. S.
Simplicianus.

Post Com.

QVOS donis cælestibus satiasti, sanctorum martyrum tuorum Protasij & Geruasij Domine defende præsidijs, vt à noxijs omnibus expediti, post salutaria tua toto corde curamus. Per Dominum.

cccc. IN

cccc. IN VIGILIIS NATIVIT. S. IO-
ANNIS BAPTISTAE.

Super populum.

VIRTUTVM cælestium Deus, qui annua beati Ioannis Baptistæ solennia nobis frequentare concedis: præsta, quæsumus, vt per te securis eadem mentibus celebremus, & eius patrocinio promerente, plenæ capiamus securitatis augmentum. Per Dominum.

Super find.

BEATI Ioannis Baptistæ nos, quæsumus, Domine præclara comitetur oratio:& quem venturum esse prædixit, poscat nobis habere pacatum. Qui tecum.

Super obl.

TVA Domine muneribus altaria cumulamus, illius natiuitatem honore debito celebrantes, qui saluatorem mundi & cecinit affuturum, & adesse monstrauit. Qui tecum.

Præfatio.

AETERNE Deus. Exhibentes solenne ieiunium, quo Ioannis Baptistæ natalitia præuenimus:cuius genitor dum eum dubitat nasciturum, sermonis amisit officium: & eo nascente, & sermonis vsum, & prophetiæ suscepit donum. Cuius etiam genitrix senio confecta, sterilitate mulctata, in eius conceptu non solum sterilitatem amisit, fecunditatem acquisiuit, sed etiam spiritum sanctum, quo matrem Domini & Saluatoris agnosceret, accepit. Per quem.

Post Communionem.

SANCTI nos, quæsumus, Domine Baptistæ Ioannis oratio, & assequi faciat semper mēte quę gerimus, & debite seruitutis actione sectari. Per Dominum.

d d d d. IN FESTO NATIV.
EIVSDEM.

Super

Super populum.

DEVS, qui præsentem diem honorabilem nobis in beati Ioannis natiuitate fecisti, da populis tuis spiritualium gratiã gaudiorum, & omnium fidelium mentes dirige in viam salutis & pacis. Per Dominum.

Super find.

PRÆCURSORIS tui Ioannis Baptistæ nos, quesumus Domine, intercessio sancta commendet, vt & spiritualibus mereamur eius prædicationibus erudiri, & eò, quò præcipis, ipso iuuante, nostra possit peruenire fragilitas. Qui cum patre.

Super obl.

RESPICE Domine ad hæc munera, quæ te sanctificante sacramus: Et sicut beatus Ioannes Baptista factus est præcurfor & præparator vię Domini nostri Iesu Christi, ita & pro nostris infirmitatibus intercessor existat. Per eundem.

Præfatio.

AETERNE Deus. Et in die festiuitatis hodiernæ, quo beatus Baptista Ioannes exortus est, exultare: qui vocem matris Domini nondum editus sensit, & adhuc clausus vtero, aduentum salutis humanæ prophetica exultatione * gestiuit. Qui & genitricis sterilitatem conceptus absterfit, & patris linguam natus absoluit, solusque omnium prophetarum, redemptorem mundi, quem prænuñciauit, ostendit. Hic est enim ille, cui nomen & antequam conciperetur, dedisti: & quem spiritu sancto, priusquam nasceretur, implēsti. Dignè natalis eius hodiè solennia recensemus: dignè inter natos mulierum nemo maior apparuit, qui Deum hominemque perfectum, filium tuum Iesum Christum Dominum nostrum, & prædicare meruit, & euidenter ostendere: Quem laud.

* significauit.

Post Commun.

TRIBVE, quesumus, omnipotens Deus, vt sicut nos donis

D d d celesti-

cælestibus fatias, ita beati Ioannis Baptistæ protectione defendas: & quod ille de filij tui natiuitate prædicauit, nobis profit ad salutem. Per eundem.

EEEE. DOM. V. POST PENT.

Super populum.

OMNIPOTENS sempiternus Deus, in protectione fidelium populorum antiqua brachij tui operare miracula: ut hostibus nostris tua virtute compressis, secura tibi seruiat catholica fides, & deuotio Christiana. Per Dominum.

Super sindonem

DEVS, qui creaturæ tuæ misereri potius eligis, quàm irasci: cordis nostri infirma considera, & tuæ nos gratia pietatis illustra. Per Dominum.

Super obl.

SVSCIPE munera, quæsumus Domine, quæ tibi de tua largitate deferimus, ut hæc sacrosancta mysteria, gratiæ tuæ operante virtute, & præsentis vitæ nos conuersatione sanctificent, & ad gaudia sempiterna perducant. Per Dominum.

Præfatio.

AETERNE Deus. Ut te authorem nostrum pronis visceribus, humana famulatio religioso excolat affectu. Et ideò obsecramus misericordiam tuam, nè pro nostra nos iniquitate condemnes, sed pro tua pietate in viam rectam semper disponas. Nec, sicut mere-mur, delinquentibus irascaris, sed fragilitati nostræ inuicta tua bonitate subuenias. Per Christum.

Post Com.

SUMPSIMVS Domine sacri dona mysterij, humiliter deprecantes, ut quæ in tui commemoratione nos facere præcepisti, in nostræ proficiant infirmitatis auxilium. Qui cum patre & spiritu.

FFFF. IN

RITVS ET ORDO.

fff. IN VIGILIIS SS. PETRI.
ET PAULI.

Super populum.

FAMILIAM tuā, quęsumus Domine, propitius intueri,
& apostolicis foue p̄sidijs: vt eorum precibus gubernetur,
quibus niritur, te constituente, principibus. Per Dominum.

Super find.

EXAUDI nos Deus salutaris noster, & Apostolorum Petri &
Pauli tuere p̄sidijs, quorū donāsti fideles esse doctrinis. Qui cum
patre.

Super obl.

MVNERA supplices Domine tuis altaribus adhibemus, vt
quantū de nostro merito sumus formidantes, tantū beatorum
Apostolorum Petri & Pauli, pro quorum solennitatibus offerun-
tur, intercessione gloriemur saluandi. Per Dominum.

Præfatio.

ÆTERNE Deus, Apud quem licet beatorum Apostolorum
Petri & Pauli continuata festiuitas, & æterna celebritas, atq; trium-
phi cęlestis perpetuus sit natalis, nobis tamen beatę confessionis
initia recolētibus, celebriori tribuis deuotione gaudere: vt annuus
honor sacratissimę passioni repensus, maiorem nobis retributionis
gratiam largiatur. Per.

Post Com.

SVMPTO Domine sacramento, beatis Apostolis Petro &
Paulo interuenientibus deprecamur, vt quod temporaliter geri-
mus, capiamus æternum. Per Dominum.

gggg. IN FESTO EORVNDem.

Super populum.

OMnipotens sempiternę Deus, da populis tuis Apostolorum
tuorum Petri & Pauli natalem plena deuotione venerari,

Ddd 2 vt

395

De sanctis
Petro &
Paulo
sunt Ser.
Ambr. 6.
ac 67.

vt quorum doctrinis, confessione Trinitatis vnus institutus est mundus, eorum suffragantibus meritis, diuine seruiat unitati. Per Dominum.

Super find.

DEVS, qui confitentium tibi redemptor es animarum, quarū piscator beatus Petrus Apostolus atque omnium Pastor tua praeceptione cognoscitur: annue misericors precibus nostris, & populo tuo pietatis tuae dona concede. Qui cum patre.

Super obl.

MVNERA plebis tuae, quæsumus, Domine beatissimorum Apostolorum & martyrum tuorum Petri & Pauli fiant grata suffragijs, vt in quorum triumphis tuo nomini deferuntur, ipsorum digna efficiantur & meritis. Per Dominum.

Præfatio.

Ms.

AEQVVM & salutare. Nos tibi semper hinc & vbiq̃ in honore Apostolorum Petri & Pauli gratias agere: quos ita electione tua consecrare dignatus es, vt B. Petri secularem piscandi artem, in diuinum dogma conuerteres, quatenus humanū genus de profundo inferni praeceptorum tuorum retibus liberaret, & coapostoli eius Pauli mentem cum nomine mutares. Et quem prius persecutorē metuebat Ecclesia, nunc celestium mandatorum letatur se habere doctorem. Paulus cecatus est, vt videret: Petrus negauit, vt crederet. Huic clauēs celestis imperij, illi ad euocandas gentes diuine legis scientiam contulisti. Nam ille introducit, hic aperit. Ambo igitur virtutis eternæ præmia sunt adepti. Hunc enim dextera tua gradientem in elemento liquido, dum mergeretur, erexit: illum autem tertio naufragantem, profunda pelagi fecit vitare discrimina. Hic portas inferni, ille mortis vicit aculeum. Et Paulus capite plectitur, quia gentium caput fidei probatur. Petrus autem in cruce sursum versis vestigijs, caput omnium nostrum secutus est Christum: Quem.

Post

Post Com.

PERCEPTIS Domine sacramentis, suppliciter te rogamus, vt intercedentibus beatissimis Apostolis tuis Petro & Paulo, quę pro illorum veneranda gerimus passione, nobis proficiant ad salutem. Per.

H h h h. DOM. VI. POST PENTEC.

Super populum.

DA, quęsumus, Domine populo tuo sanitatem mentis & corporis. Da vitare quod nocet, & amare quod saluet: Da vt bonis operibus inherendo, & benedici mereatur, & tua semper virtute defendi. Per Dominum.

Super sindonem.

ADESTO supplicationibus nostris, omnipotens Deus, & quibus fidutiam sperandę pietatis indulges, consuetę misericordię tribue benignus effectum. Per Dominum.

Super obl.

SANCTIFICATIONEM tuam Domine nobis his mysterijs placatus operare, quę nos & à terrenis purget vitijs, & ad cęlestia dona perducatur. Per Dominum.

Pręfatio.

ÆTERNE Deus. Te deprecantes, vt vna nos gratia protegat & conseruet. Et quia sine te nihil rectę valemus efficere, ipsius munere semper capiamus, vt tibi placere possimus. Per Christum Dominum nostrum. Per quem.

Post Communionem.

QVOS cęlesti Domine dono satiasti, pręsta, quęsumus, vt à nostris mundemur occultis, & ab hostium liberemur insidijs. Per Dominum.

In sequentibus Dominicis vsque ad Aduentum Domini, pręterquàm in Dominica dedicationis Eccle-

D d d 3 siæ,

fiat, repetitur vicissim Orationes illae & Praefationes, quas in praecedentibus post Pentecosten Dominicis, reperire est: quare superfluum foret easdem repetere. Hoc vnum adnotatu dignum putauimus, quod recenseantur in officio Ambrosiano, XV. Dominicae post Pentecosten, V. post Decollationem S. Ioannis Baptiste, I. mensis Octobris, I. ante Dedicationem, I. Dedicationis Ecclesie, & III. post Dedicationem, quae simul efficiunt Dominicas numero XXVI.

Basilicae
istorum
mart. me-
minit
Ambros.
epist. 35.

iiii. IN FESTO SS. NABORIS ET
FELICIS MART. XII. IULII.

Super populum.

BENEDIC, quaesumus, Domine plebem tuam, & beatissimorum martyrum tuorum Naboris & Felicis deprecationibus confidentem, tribue consequi, quod sperare donasti. Per Dominum.

Super find.

PROTEGAT Ecclesiam tuam, Deus, oratio veneranda beatissimorum martyrum tuorum Naboris & Felicis: & quorum frequentia deuotionem impendit, perpetue poscat redemptionis effectum. Per Dominum.

Super obl.

SANCTORVM tuorum Naboris & Felicis nobis, quaesumus, Domine pia non desit intercessio: quae & nostra tibi munera conciliet, & tuam nobis indulgentiam semper obtineat. Per Dominum.

Praefatio.

M. s.

PER Christum Dominum nostrum: Qui ita suorum fidelium corda ignifero amore succendit, ut & mundi caducam contemnant gloriam, & per tormenta adeant consortium ciuium supernorum. Ob hoc & doctissimi milites Christi Nabor & Felix, a summis terrarum digressi finibus, huic terre se exules tradiderunt, ne cruento Caesaris subiacerent imperio: & ut ad aulam Regis aetherei facilius per-

pergerent, sub chlamyde terrene militiæ latere diutiùs voluerunt, præstolantes desuper vocationem cælestis imperij. Acceptoq; cōstanter spei clypeo, sumpta fidei lorica & galea, securi incedunt in hostis aciem. Vincunt pœnarum tormenta sēuissima, carcerem & verbera, eculeum, ignem, & vngulas. Stridoribus catenarum colla subiiciūt, trahuntur à noxijs manibus vinculati. Ad vltimum mucrone sanguine fuso, triumphali gloria decorati, ad ciues superos cum palma victoriæ peruenerunt. Per eundem.

Post Communionem.

PIGNVS vitę æternę capientes, maiestatem tuam suppliciter deprecamur omnipotens Deus, vt sanctorum martyrum tuorum Naboris & Felicis fulti patrocinij, quod in imagine contigimus, manifesta perceptione sumamus. Per Dñm.

✠ k k k. IN FESTO S. MARCELLINAE
VIRGINIS, XVII. IULII.

Super populum.

INTERCESSIO, quęsumus Dñe, beatissimę virginis Marcellinę, tuam pro nobis placare non desinat maiestatem: & quę tibi placuit suę mentis & corporis integritate, nostram tibi deuotam iugiter efficiat seruitutem. Per Dominum.

Super find.

INTERVENIAT pro nobis, quęsumus Dñe, beatissima virgo Marcellina, quę pro tui nominis amore, virginitatis laudatę ppositum, intemerato semper corpore & corde seruauit. Per Dñm.

Super oblat.

DEBITVM tibi Domine nostrę reddimus seruitutis obsequium, suppliciter deprecantes: vt B. virginis Marcellinę suffragantibus meritis, plebis tuę dona sanctifices, quia pro eius honorabili inter sanctas virgines cōfessione, laudis tibi hostias immolamus. Per Dominum.

Præfatio.

ÆTERNĒ Deus, Gloriosę virginis Marcellinę pferenda merita recolen-

Celebrat
hęc suam
sororem
Ambr. li.
tribus de
virg. &
epist. 33.

recolentes: quam tanto munere sublimare dignatus es, vt nō solum integritatis donum illibata mente seruaret, verum etiam euangelica præfulgens lampade, bonorum operum incrementis excreset, & virtute fidei virgo prudentissima præpolleret. Quæ etiam terræ generositatis insignia, Christi filij tui seruitute nobilitans, cælesti facta est thalamo multiplici decore condigna: intantum, vt beatorum comitatu germanorum, velut duarum alarum fulta remigio, ad cælestem gloriam læta conscenderet, & cum eisdem immarcescibilem perpetuæ vitæ coronam acciperet. Per eundem Christum.

Post Communionem.

CÆLESTIVM sacramentorum refecti libamine, & præsentis festiuitatis gaudio saginati, supplices te Domine deprecamur, vt cuius congratulamur tripudio, eius semper protegamur auxilio. Per Dominum.

LIII. IN FESTO S. MATERNI EPI-
SCOPI, XVII. IULII.

Super populum.

Meminit
huius Be-
da in Mar-
tyr. 15. Ca-
len. Aug.

BEATI Confessoris tui Materni atque Pontificis fac nos Do-
mine miranda præconia confiteri, vt eius adiuti præsidij, ma-
iestati tuæ iugiter mereamur esse deuoti. Per Dominum.

Super sind.

AD SIT nobis Domine, quæsumus, sancta precatio beati Pō-
tificis tui Materni, quæ nos à terrenis affectibus incessanter expe-
diat, & cælestia desiderare perficiat. Per Dominum.

Super obl.

SACRANDVM tibi Domine munus offerimus, quo beati sa-
cerdotis tui Materni solennia recolentes, purificationem quoquæ
nostris mentibus imploramus. Per Dominum.

Præfatio.

AETERNE

AETERNE Deus. Suppliciter exorantes, vt dum beati Materni confessoris tui merita veneramur, auxilium nobis tuæ propitiationis acquisisse gloriemur: nec desperemus de veniæ largitate, quam per eos qui tibi placuerunt, suppliciter exposcimus. Per Christum.

Post Com.

BEATI confessoris tui Materni, quæsumus Domine, à malis omnibus gloriosa nos semper merita tueantur, in cuius solennitate percepimus tua sancta lætantes. Per Dominum.

mmmm. IN FESTO S. MARIAE MAGDALENÆ.

Super populum.

DEVS, qui per os B. Marię Magdalene, Dominicę resurrectionis gaudium, primùm sanctis Apostolis præloquendo innotescere voluisti, vt ipsa in secundo Adam fieret nuncius vite, quæ in primo propinauerat poculum mortis: tribue, quæsumus, vt eius precibus infirmitas nostra roboretur in terris, de cuius profectibus angeli gratulantur in cælis.

Super findonem.

SANCTAE Marię Magdalene Domine supplicationibus tribue nos foueri: vt cuius venerabilem solennitatem pio celebramus obsequio, eius intercessionibus commendemur. Per Dominum.

Super obl.

MVNERA nostra, quæsumus Domine, B. Marię Magdalene gloriosa merita tibi reddant accepta, cuius oblationis obsequium vnigenitus filius tuus clementer suscepit impensum. Qui tecum viuit.

Præfatio.

AEQVVM & salutare: Noste pater omnipotens omni tempore glorificare, & in die festiuitatis hodiernę B. Marię Magda-
Ecc Ms. le-

Ienę exultantibus animis prædicare. Quam sic tui amoris igne accendere dignatus es, vt ad Christi filij tui vestigia deuota corrueret, & eadem nardi pisticę preciofo vnguento perfunderet. Osculari quoquę ac lachrymis rigare, & capillis non cessat extergere, donęc audire promeruit, Dimissa sunt tibi peccata, vade in pace. O beata fides, diuinę misericordię munita præsidio. O digna cõuersio, quę tantum munus accepit: vt quę antea draconis antiqui, suis meritis, faucibus tenebatur adstricta, Dominicę resurrectionis gaudia primùm sanctis Apostolis nunciauit liberrima facta. Per eundem.

Post Communionem.

SUMPTO Domine vnico ac salutarī remedio, corpore scilicet & preciofo sanguine tuo, ab omnibus malis, quęsumus, B. Marię Magdalenę patrocinijs eruamur. Qui cum pat.

Fit huius
mentio in
Marty. &
passio ei
excusa cū
Abdia de
vit, apost.

IN FESTO S. APOLLINARIS
EPISCOPI ET MART. XXIII. IULII

Super populum.

MAIESTATIS tuę clementiam suppliciter deprecamur, Omnipotens & misericors Deus, vt sicut vnigeniti filij tui agnitionem per beatissimi sacerdotis & martyris tui Apollinaris prædicationem, populorum cordibus infudisti, ita & nos, ipsius opitulantis meritis, fidei stabilitate firmemur. Per eundem.

Super find.

BEATI sacerdotis & martyris tui Apollinaris annua festiuitate lætantes, clementiam tuam supplices exoramus, omnipotens Deus, vt sicut ille ob tanti agonem certaminis triumphali redimitus exultat corona, ita & nos orationum illius suffragio, temptationum tela superantes, brauiο lætemur æterno. Per Dominum.

Super obl.

FAMVLATVS nostri sacrificio, clementissime Deus, quod in
com-

commemoratione celeberrimi sacerdotis & martyris tui Apollinaris tripudianter offerimus, tuę, quęsumus, dignanter pręsentiam interfere maiestatis, ipſius vt meritis & tibi ſit acceptabile, & nobis proſit ad veniam. Per Dominum.

Pręfatio.

PER Chriſtum Dominum noſtrum. Cuius potentię ſeptus p̄. M. s. ſidio Apollinaris digniſſimus pręful, à principe Apoſtolorum Petro Rauennam mittitur, Ieſu de nomine incredulis nunciare. Qui dum mira virtutum illic ſigna conferret in Chriſto credentibus, ſæuis verberum flagellis ſæpè conteritur, & ſenile iam corpus ab impijs horrendis cruciatibus laniatur. Sed nè de ſuis vexationibus fideles trepident, in virtute nominis Ieſu Chriſti ſigna Apoſtolica perficit poſt tormenta. Puellam reſuscitat mortuam, viſum conſpicuum cęcis reddit, & muto reſtaurat loquelam. Obſeſſam à dęmonio liberat, contagionem mundat leproſi, diſſoluta morbo ſannat peſtifero membra, portentum ſimulacri ſimul cum templo deiecit. O digniſſimus admiratione pręconij Pontifex, qui cum Pontificij dignitate Apoſtolicam promeruit accipere poteſtatem. O fortiſſimus athleta Chriſti, qui ætatis iam frigefcente calore, cōſtanter in pœnis eundem Ieſum Dei filium mundi p̄dicat redemptorem. Quem vnà.

Poſt Communionem.

PRAESTA, quęsumus, omnipotens Deus, vt nullis nos permittas perturbationibus concuti, quos in Apoſtolicę confeſſionis petra ſolidâſti. Per Dominum.

oooo. IN FESTO S. IACOBI APOST.

Super populum.

DA nobis, quęsumus, Domine Deus noſter, vt ſicut in commemoratione beati Apoſtoli tui Iacobi temporalis gratulamur officio, ità cum ipſo in tui vultūs delectatione perpetuo lętemur adſpectu. Per Dominum.

Ecc 2 Super

Super find.

SOLENNITATIS Apostolicę multiplicatione gaudētes, clementiam tuam deprecamur omnipotens Deus, vt tribuas iugiter nos eorū & confessione benedici, & patrocinijs cōfoueri. Per dñm.

Super obl.

OBLATIONES populi tui Domine, quæsumus, beati Apostoli tui Iacobi passio gloriosa conciliet: & quę nostris nō sunt apta meritis, fiant tibi placita eius deprecatione. Per Dominum.

Præfatio.

AETERNE Deus. Quia licet nobis salutem semper operetur diuini celebratio sacramenti, propensius tamen confidimus affuturam, dum sancti Apostoli tui Iacobi meritis & interuenientibus precibus exhibetur. Per Christum.

Post Communionem.

BEATI Apostoli tui Iacobi, in cuius hodiē festiuitate corpore & sanguine tuo nos refecisti, quæsumus Domine, intercessione nos adiuua: vt eius precibus gubernemur, cuius vtimur, te constituente, doctrina. Qui cum patre & spiritu sancto.

De sanctis
Nazario
& Celso
est ferm.
Amb, 92.

pppp. IN VIGILIIS SS. NAZARII
ET CELSI.

Super populum.

DEVS humani generis conditor & redemptor, qui ineffabili pietatis munere martyrum tuorum gloriosa certamina potentissimus largitor remuneras: præsta, quæsumus, Ecclesię tuę, quę sanctorum martyrum Nazarij & Celsi lætatur triumphis, & à peccatorum seruari contagijs, & quod illi te confitendo meruerūt percipere, hoc populus tuus eorum consequi mereatur suffragijs. Qui viuīs & regnas.

Super find.

PRAESTA, quæsumus Dñe, vt sicut populus Christianus martyrum tuorum Nazarij & Celsi temporali solēnitate cōgaudet, ita perfrua-

fruatur æterna: & quod votis amantissimè celebrat, compleatur effectu. Per Dominum.

Super obl.

HOSTIAS tibi Domine pro sanctorum martyrum tuorum Nazarij & Celsi commemoratione deferimus, suppliciter exorantes, vt indulgentiam nobis pariter conferant & salutem. Per Dominum.

Præfatio.

ÆQVVM & salutare: Nos tibi Domine cæli terræque, Deus pater, gratias agere, quas hîc & per vniuersum mundum Ecclesia tua, sancta catholica, omnium viuentium mater, in honore nominis tui, per officia spiritalis obsequij, quotidiana deuotione & annua festiuitate multiplicat. Quæ fidelium tuorum innumeris passionibus compta, & beatissimorum martyrum tuorum Nazarij & Celsi sanguine decorata, à dextris sempiternæ maiestatis assistens, tot nûc illustrata patrocinijs gaudet, quot pignora persequente mundo transmisit ad cælum. Magnum hoc Domine pietatis tuæ & ineffabile sacramentum, vt de illorum potius salute letetur Ecclesia, quos punisse mundus exultat. Atque illos magis acquisisse gaudeat, quos pro veritate certantes seculi gladius interemit. O beata mater, natorum suorum glorificata tormentis, quos non planctu, non gemitu ad inferna deducit, sed ad cælestia & æterna migrantes, perpetua laude prosequitur. Per Christum Dominum.

Post Communionem.

PRAESTA, quæsumus, omnipotens Deus, vt sanctorum tuorum Nazarij & Celsi cælestibus mysterijs celebrata solennitas, indulgentiam nobis tuæ propitiationis acquirat.

2999. IN FESTO EORVNDEN,
XXVIII IVLII.

Super populum.

Eee 3

EX-

EXAUDI Domine preces nostras, vt populus tuus qui sub tantis sanctorum martyrum tuorum Nazarij & Celsi patrocinij est constitutus, & à suis offensionibus liberetur, & ab omnib⁹ tueatur aduersis. Per Dominum nostrum Iesum Christum.

Super find.

TRIBVE nobis, quæsumus, omnipotens Deus, sanctorum tuorum Nazarij & Celsi desiderata commercia: vt quorum perpetua dignitate sacra mysteria frequentamus in terris, & præsentia nobis subsidia postulent, & æterna. Per Dominum.

Super obl.

SVSCIBE, quæsumus, Domine munera populi tui, pro martyrum tuorum Nazarij & Celsi festiuitate sanctorum, & syncero nos corde perfice benignus acceptos. Per Dominum.

Præfatio.

M. S.

AEQVVM & salutare. Nos tibi summe Deus gratias agere, & in hac triumphali die nostræ deuotionis pandere vota, in qua martyr sanctus roseo lustratus cruore Nazarius, cæleste meruit conscendere regnum. Qui dum per innumera tormentorum acerba supplicia crudeliùs vexaretur, tyrannicam rabiem fidei constantia superabat. Nec potuit persecutorum illatis cedere minis, quandò pro se certante ipse author victoriæ Christus Dominus dimicabat. Ducitur interea ad templum idolis prælibare profanis, quorum portenta, diuino fultus præsidio, mox vt ingressus est, redegit in puluerem. Ob hoc & liquidas maris in vndas longiùs à terra proiectus, angelici muneris famulatu, solida inter fluctus vestigia præfigebat. O felix & inclytus Domini præliator, qui mundi congressus principi, innumeram populi multitudinem vitæ sociauit æternæ. Inter quos & sacri plij bellatorem, Celsum videlicet fidelissimum testem, dum martyrij docuit certare ad palmam, pariter meruerunt cælestis patriæ peruenire ad regnum. Per Christum.

Post

Post Com.

PROTEGE, quęsumus, Domine plebem tuam, & festiuitatem
martyrum tuorum Nazarij & Celsi, quam nobis tradis assidue, de-
bitam tibi persolui precibus concede sanctorum. Per Dominum.

rrrr. IN FESTO S. MARTHÆ VIRG.
ET HOSPITAE DOMINI.

Super populum.

OMNIPOTENS clementissime Deus, cuius filius in
æde B. Marthę hospitari dignatus est: da, quęsumus, vt eius
meritis, quę illum suscepit placide, in æde polorum misericorditer
hospitari valeamus. Per eundem filium.

Super find.

DA, quęsumus, misericors Deus, vt qui B. Marthæ filij tui ho-
spitę festiuitatem colimus, eius meritis à cunctis aduersitatibus libe-
remur. Per eundem.

Super obl.

SUSCIPE & sanctifica Adonai Deus hoc munus oblatum, &
concede, vt ad salutem nostram carnem & sanguinem filij tui me-
ritis illius suscipiamus, quæ illum gratanter hospitio suscepit. Qui
tecum viuunt & regnat.

Præfatio.

AETERNE Deus, Et in celebritate beatissimę Marthæ impe-
ratorem cælorum dignis laudibus extollere, quem in suis ædibus
hospitio deuota suscepit, & pietatis obsequium ei sollicita mini-
strauit. Vnde & quadriduanum fratrem suum Lazarum ab infe-
ris resuscitari obtinuit, & in aula cęlestis imperij cum eodem
hospite Christo inseparabiliter sociari promeruit. Quem laudant
angeli.

Post Com.

Quęsumus, omnipotens Deus, vt pijs sacramentis quę sumpsi-
mus,

mus, & meritis B. Marthæ filij tui hospitæ, ad gaudia pertingamus æterna. Per eundem.

Facit huius
us men-
tionem
suprà Am-
br. in can.
Miss.

SSSS. IN FESTO S. CALIMERI EPI-
SCOPI ET MART. VLT. IVL.

Super populum.

OMNIPOTENS sempiternæ Deus, solennitatē huius diei propitius intueri, & Ecclesiam tuam intercessionē beati Calimeri pontificis & martyris tui, continua fac celebritate gaudere, omniumque in te credentium vota perfice. Per Dominum.

Super find.

DEVS author mundi & conditor, qui sanctis tuis in confessione tui nominis virtutem atque victoriam contulisti: præsta populo tuo, ut cuius annua celebritate deuotis exultat obsequijs, eius suffragijs tuæ pietatis consequatur auxilium. Per Dominum.

Super obl.

OMNIPOTENS sempiternæ Deus, qui beatum Calimerum martyrem tuum pontificalibus infulis decorasti: præsta, quæsumus, nos eius exemplo & magnifico interuentu, tibi dignè munera consecrare, ac mundi gloriam mente despicere, & cælum semper ambire. Per Dominum.

Præfatio.

AETERNE Deus. Et in hac die, quam beati Calimeri passio consecrauit, & nobis venerabilem exhibuit, prædicare. Qui euangelica prædicatione imbutus, doctrinis celestibus educatus, electione dignitatis conspicuus, & martyr insignis, & sacerdos refulsit egregius. Per Christum.

Post Com.

DEVS, qui es tuorum antistitem potentissimus illustrator, tribue, quæsumus, ut per hæc sacramenta quæ sumpsimus, & beatissimi pontificis & martyris tui Calimeri magnificis exemplis pariter

riter & monitis informati, seculi istius caliginem sine periculo transeamus. Per Dominum.

TTTT. IN FESTO SS. MACHABAEORVM MART. ET DEPOSIT.
S. EVSEBII PRESBYT.

De S. Eu-
sebio Ver-
cellensi tra-
ctat Amb.
epist. 82.

Super populum.

ADESTO Domine supplicationibus nostris, & intercessionibus beatissimorum martyrum tuorum Machabæorum, perpetuam nobis misericordiam benignus impende. Per Dominum.

Super find.

ANNVE nobis, quæsumus, omnipotens Deus, ut sanctorum martyrum tuorum Machabæorum suffragiis adiuuemur: ut sicut eis copiosa victoria dedit triumphum, ita & nobis cōtinuum præstet auxilium. Per Dominum.

Super obl.

SVSCIBE, quæsumus Domine, & sanctifica hoc sacrificiū populi tui, ut quod in honore beatissimorum martyrum tuorum Machabæorum, offertur ad gloriam, nobis tribuas ad salutem perpetuam. Per Dominum.

Præfatio.

AEQVVM & salutare: Nos in honore nominis tui Domine, sanctos martyres tuos Machabæos annua festiuitate cum omni admiratione præferre, natiuitate fratres, passionem germanos, quos gloriosa mater vtero concepit & mente: ut quos secundum carnem genuerat mundo, eosdem omnipotenti Deo spiritu fecunditatis generaret ad gloriam: Nam qui nati fuerant carnaliter ad mortem, religiosè moriebantur ad vitam. Abscinduntur lingue, cutes capitū auferuntur: & inter hæc gloriosissimi iuuenes non dolebant quod crudelius punirentur, sed exultabant quod gloriosius interirent, ut inuicem sibi essent & solatium, & exemplum. Post quos omnes

Ffff & ipsa

& ipsa exultans sanguinis mater & fidei, nouissimè subsecuta est: non ut vltima esset, sed ut fructus ventris sui præmitteret Deo, & pignora sua secura sequeretur. Quid illud, quantaque exultatione dicendum est, quod passionis ipsorum die, de hoc mundo profectus est ad æternam sedem testis fidei, & veritatis confessor Eusebius? Qui etiam die, quo passi sunt martyres veterum præceptorum, eodem die noui testamenti propugnator assumptus est. Illi discesserunt, Iudaicę legis mandata seruantes: hic requieuit, inseparabilis Trinitatis asserens vnitatem. Quam laudant.

Post Com.

PRAESTA, quęsumus, omnipotens Deus, ut quorum memoriam sacramenti participatione recolimus, fidem quoque proficiendo sectemur. Per Dominum.

Meminit
& huius
Ambr. in
Can. Miss.

VUUU. IN FESTO S. PERPETVÆ
MATRIS S. NAZARII, IIII.
AVGVSTI.

Super populum.

DEVS, qui B. Perpetuę vterum glorioso martyre Nazario tua gratia fecundasti: da, quęsumus, ut eius meritis adiuti, sincera fide & sanctis operibus fecundemur, & perpetuam in cælis gloriam consequamur. Per Dominum.

Super findonem

OMNIPOTENS sempiternus Deus, qui per beatam Perpetuam, Affricanum eius coniugem cum filio Nazario ad lucem fidei, tuę gratiæ dono conuertisti: præsta, quęsumus, ut relictis vitiorum tenebris, ad te qui es lumen indeficiens, conuertamur. Per Dominum.

Super obl.

NOSTRÆ deuotionis munera Domine, in honore S. Perpetuę tuis altaribus offerentes, maiestatem tuam suppliciter exoramus,

mus, vt & tibi grata semper existant, & ad salutem nostram proficiant. Per Dominum.

Præfatio.

ÆTERNE Deus: Qui tuæ maiestatis potentiam in sexu foemineo multipliciter operosam & mirabilem manifestans, beatam Perpetuam sic tuæ gratiæ radio illustrasti, vt execrato gentilitatis errore, ab Apostolorum Principe baptizata, non solum filium Nazarium ad Christi cultum flecteret, sed & Affricanum eius infidelis virum, Iudaici ritus cultorem, fidelis mulier duplici lucro ditata, Christianorum collegio sociaret. Hæc misericordiæ operibus exuberans, indigentibus subuenit, & afflictos miseria consolatur. Hæc beatorum martyrum corpora pio tradidit studio sepulchris, hæc miris corruscans virtutibus, & in sinceritate fidei & operum sanctitate perseverans, carnis deferens claustrum, læta migrat ad Christum. Quem laudant.

Post Com.

CONCEDE, quæsumus, omnipotens Deus, vt sacramentum corporis & sanguinis Domini nostri Iesu Christi, quod ad S. Perpetuæ laudem percepimus & honorem, in nobis mentis & corporis medicinam salutiferam operetur. Per eund.

XXXX. IN VIGILIIS S. LAURENTII.

Super populum.

ANNVE nobis, quæsumus, omnipotens Deus, vt beati Leuitæ & martyris tui Laurentij veneranda solennitas & deuotionem nobis augeat, & salutem. Per Dominum.

Super sind.

DEVS, cuius * claritatis ardore beatus Laurētius Leuita & martyr edaces incendij flammæ, contempto persecutore, deuicit: cōcedere propitius, vt omnes qui martyrij eius merita veneramur, protectionis tuæ muniamur auxilio. Per Dominum.

Ffff 2 Super

De hoc s.
habet Ser.
Ambr. 1.
& 2.

Super obl.

SVSCIP E Domine hæc munera populi tui, quæ tibi in B. Leuitæ & martyris tui Laurentij festiuitate offerimus, vt per eadem sicut confidimus, tuæ pietatis sentiamus auxilium. Per Dominum.

Præfatio.

AEQVVM & salutare: Nos tibi omnipotens Domine gratias agere, B. Laurētij Leuitæ & martyris tui solennitatē celebrātes. Cui fidem confessionemq; non abstulit ignis accēsus, sed vt clariùs luceret, accendit. Nam sicut aurum flammis nō vritur, sed probatur: sic beati Martyris sancta substantia non consumitur, sed apparatus cælestibus ornamentis. Per Christum Dominum.

Post Commun.

Indulgentiam tuam Domine nobis, quæsumus, sancti Laurentij postulet grata precatio, per dilectissimum filium tuum, Deum, Dominum, & Saluatorem nostrum. Qui tecum.

yyyy. IN FESTO EIVSDEM.

Super populum.

ANNVE, quæsumus, omnipotens Deus, vt sicut beatus Leuita & martyr tuus Laurentius, ignium globos, te protegēte, euasit: ita fidelis populus huius aduersitatem seculi, te auxiliante, euadat. Per Dominum.

Super find.

BEATI Leuitæ & martyris tui Laurentij nos, quæsumus Domine, foueant continuata præsidia: Quia non desinis propitius intueri, quos promissis auxilijs cōcesseris adiuuari. Per Dominum.

Super obl.

VT grata tibi sit, quæsumus Domine, nostræ seruitutis oblatio, beatus Leuita & martyr tuus Laurentius natalitio suo obtineat. Per Dominum.

Præ-

Præfatio.

ÆTERNE Deus: Qui hodierna die Leuitæ tui Laurentij fidem auream igne ardentissimo comprobâsti, vt esset tibi hostia viua, hostia sancta, in odorem suauitatis accensa. O gloriosi certaminis virtus, ô inconcussa constantia mentis. Stridunt membra viuentis super craticulam imposita, & prunis seuiantibus anhelantis, vt & tibi hostia fieret, & ad triumphum martyrij intrepidus perueniret. Per Christum.

Post Communionem.

CONSERVA in nobis Domine munus tuum: & quod, te donante, pro solennitate B. Leuitæ & martyris tui Laurentij percepi-
mus, * ad salutem nobis præstet & pacem. Per Dominum.

* id salutē

zzzz. IN FESTO S. HIPPOLYTI.

Super populum.

INTERCESSIO Domine beati Hippolyti martyris tui, & tuam nobis nō desinat placare iustitiam, & nostrum tibi deuotum efficere famulatum. Per Dominum.

Super find.

SANCTI martyris tui Hippolyti Domine, quæsumus, veneranda festiuitas, salutaris auxiliij nobis præstet augmentum. Per Dominum.

Super obl.

OFFERIMVS tibi Domine preces & munera, quæ vt tuo sint grata conspectui, beati martyris tui Hippolyti precibus adiuuemur. Per Dominum.

Præfatio.

ÆTERNE Deus. Nosque in hac solennitatis die, beati martyris tui Hippolyti, ad tui nominis gloriam exultare. Quia te verum ducem considerans, miles tuus esse maluit, quàm dux militum comprobari. Beatumque Laurentium suæ custodiæ mancipatum,

Fff 3 non

non persecutus est, sed secutus. Qui cum thesauros Ecclesie discutit, inuenit thesaurum, non quem tyrannus eriperet, sed quem pietas possideret. Inuenit thesaurum, unde vera diuitiae peterentur. Spreuit fauorem tyranni, ut cum regis perpetui gratia probaretur. Membris diuidi non refugit, ne nexibus diuelleretur æternis, quia solum vite dilexit authorem. Quem vnà tecum.

Post Communionem.

SACRAMENTI tui Dñe communio sumpta nos saluet, & in tuę veritatis luce confirmet. Per Dominum nostrum.

AAAAA. IN VIGILIIS ASSUMPTIONIS
MARIAE.

Super populum.

SUBVENIAT Dñe plebi tuę Dei genitricis oratio. Quam etiam per conditionem carnis migrasse cognouimus, in celesti tamę gloria pro nobis orare sentiamus. Per Dñm.

Super sind.

MAGNA est Domine apud clementiam tuam Dei genitricis oratio, quam idcirco de presenti seculo transtulisti, ut pro peccatis nostris apud te fidutialiter intercedat. Per Dominum.

Super oblat.

SUSCIPE, quęsumus, Domine sacrificium placationis & laudis: quod nos interueniente sancta Dei genitrice, semperque virgine Maria, cuius festiuium Assumptionis diem celebramus, & perducatur ad veniã, & ad perpetuã gratiarũ cõstituat actionẽ. Per dñm.

Præfatio.

PER Christum Dominum nostrum. Et in huius diei veneranda festiuitate gaudere, in qua sancta DEI genitrix mortem subiit temporalem, nec tamen mortis nexibus deprimi potuit, quæ filium tuum Dominum nostrum de se genuit incarnatum. Cuius intercessione quęsumus, ut mortem euadere possimus animarũ. Per eundem.

Post

Post Communionem.

MENSÆ cælestis participes effecti, imploramus clementiam tuam Domine Deus noster, vt qui festa Dei genitricis colimus, à malis imminetibus eius intercessionibus liberemur. Per Dominum.

abbbb. IN FESTO ASSVMPTIONIS
EIVSDEM.

Super populum.

OMNIPOTENS sempiternus Deus, qui terrenis corporibus, verbi tui veritatis filij vnigeniti, p̄ venerabilem ac gloriosam, semperq; virginem Mariam, ineffabile mysterium coniungere voluisti: petimus immensam clementiam tuam, vt quod in eius veneratione deposcimus, te propitiante, consequi mereamur. Per Dominum.

Super sind.

CONCEDE nobis, quæsumus, omnipotens Deus, ad B. Mariæ semper virginis gaudia æterna pertingere, de cuius nos veneranda assumptione tribuis annua solennitate gaudere. Per Dominum.

Super obl.

INTERCESSIO, quæsumus Domine, B. Mariæ semper virginis munera nostra commendet, nosq; in eius veneratione tuæ maiestati reddat acceptos. Per Dñm.

Præfatio.

AEQVVM & salutare: Nos te * in tuis sacratissimis virginibus, * in veneratione sacrarum virginū, exultantibus animis laudare, benedicere, & prædicare. Inter quas beata Dei genitrix intemerata virgo Maria, gloriosissimè fulget, cuius assumptionis diem omni deuotione colendum, præsentis sacrificio celebramus. Per Christum.

Post Communionem.

CÆLESTI munere satiatis, quæsumus, omnipotens Deus, tua nos pro-

protectione custodi, & castimoniam & pacem mentibus nostris atque corporibus, intercedete sancta Maria, propitiatus indulgeas: ut veniente sponso filio tuo unigenito, accensis lampadibus, eius digni prestolemur occursum. Qui tecum.

cccc. IN FESTO SS. MAMMETIS ET AGAPITI, XVII. AVGUST.

Super populum.

AVXILIVM tuum Domine nobis, quaesumus, placatus impende, & intercedentibus sanctis martyribus Mammete & Agapito, dexteram super nos tuae propitiationis extende. Per Dominum.

Super find.

SANCTORVM Martyrum tuorum Domine Mammetis & Agapiti merita nos preciosa tueatur: in quibus tuae maiestatis opera predicantes, & praesens capiamus adiutorium, & futurum. Per Dominum.

Super obl.

SUSCIPE Domine munera, quae in eorum tibi solennitate deferimus, quorum confidimus patrocini liberari. Per Dominum.

Præfatio.

M. s.

AETERNE Deus, Gloriosique martyris tui Agapiti, perennis diem triumphi debita veneratione recolere: Qui dum adhuc puerilibus degens sub annis, fidei virtute proficeret, ætatisque modum mente transcenderet, seculi contemnendo ludibria, & principum abolenda prestigia, martyrij corona superna liber petijt atria. Tuo etiam Domine amore succensus Mammes beatissimus martyr, gloriosam promeruit consequi certaminis palmam. Qui pestiferam sacrilegorum plebem despiciens, maluit habitare cum beatis, quam mundi commoda cum infidelibus possidere. Ob hoc &
voce

voce diuina admonitus, Euangelium inuenire meruit, vt qui polluta incredulorum despexit colloquia, sui cōditoris verbo sedulus perfrui mereretur. Cui & bestia, depōita feritate, famulari non desinunt, dum suorum vberum fructus Christi famulo spontē ministrant. Mittitur interea, vt exhibeatur carnifici, qui paratus dimicare pro Christo, ad stadium deuotus occurrit. Illic pēnarum acerbitate vexatus, Dei filium voce libera profitetur. Suspenditur denique torquetur, carcere squalori subiicitur, ferarum horrendis moribus exhibetur, camino vrendus includitur, iniquorum traditur manibus lapidandus: sed feralis illa insatianda rapacitas, mitis efficitur, & igneus globus incolumem Christi martyrem conseruauit. O ineffabilis æterni regis potentia, ô admiranda clementia redemptoris, qui * ob martyrum dignitatem dat intellectum be-^{+pro martyrum di-} stijs, & elementis propriam tollit virtutem, vt vniuersi qui tibi feruiunt, te Deum verum glorificent, te omnium discant esse factorem, Per eundem.

Post Com.

PROTEGAT, quæsumus, Domine populum tuum & participatio cælestis indulta conuiuij, & precatio collata sanctorum.
Per Dominum.

DDDD. IN FESTO S. BARTHO-
LOMAEI.

Super populum.

OMNIPOTENS sempiternæ Deus, qui huius diei venerandam sanctamq; lætitiā B. Apostoli tui Bartholomæi festiuitate tribuisti, da Ecclesiæ tuæ, quæsumus, & amare quod credit, & prædicare quod docuit. Per Dominum.

Super sindonem.

SUPPLICATIONIBVS Apostolicis beati Bartholomæi Domine, quæsumus, Ecclesiæ tuæ commendetur oratio, cuius

Ggg ma-

magnificis prædicationibus eruditur. Per Dominum.

Super obl.

HÆC hostia Domine, quæsumus, beati Bartholomei Apostoli intercessionibus, & ab occultis reatibus Ecclesiam tuam semper expediat, & manifestis conueniēter expurget. Per Dominum.

Præfatio.

ÆTERNE Deus. Qui discipulis Christi tui prædicantibus Trinitatem, tuam mundo mirabiliter dignatus es ostendere maiestatem. Inter quos beatissimum Bartholomeum, magna virtutum prerogatiua colendum, benigna tui prospectio ad populum misericorditer direxit longinquum. Quem licet humana penitus conuersatione remotum, tibi tamen prædicationum augmento meruit consignare vicinum. O quantis præconijs Apostolum mirabilem celebrandum, cui dum ad seminandam fidem, proximorum corda non sufficerent populorum, alatis quasi vestigijs extremos terrarum fines penetrauit Indorum. Hic, cum languentium innumera caterua templum ingressa esset dæmonicum, effecit illico, ut nullum cultoribus dæmon præberet responsum. Regiam à diabolica contagione liberauit puellam, solutisque nexibus, patri repræsentauit sanissimam. Rex reginaque simul baptizantur, cum gente, vrbiumque duodecim accolę te Deum patrem omnipotentem corpore sequuntur & mente. Ad extremum verò, idolorum * Polemij delatione Pontificū, * Polimij regis frater tyrannus, B. Apostolum in fide constantem, cæsum atque excoriatum, acerrimam fecit suscipere mortē. Qui tñ mortis perferendo discrimē gloriosi certaminis, ad cæleste regnum secum reportauit triumphum. Per eundem.

Post Communionem.

SYMPSIMVS Domine pignus salutis æternę, B. Bartholomæi Apostoli tui solennia celebrantes: p̄sta, quæsumus, ut cuius in terris merita veneramur, eius precibus ad gaudia pertingamus æterna. Per Dominum.

℟℞℞℞. IN

RITVS ET ORDO.
EEEE. IN FESTO S. GENESII,
XXV. AVGVST.

Super populum.

BEATI martyris tui Genesij nos faciat, quęsumus Do-
mine, passio veneranda latantes, & vt eam sufficienter
recolamus, dignos efficiat. Per Dominum.

Super find.

SANCTI martyris tui Genesij merita nos, quęsumus Dñe,
preciosa tueantur, in quibus tuę maiestatis opera prędicantes, & p-
sens capiamus adiutorium, & futurum. Per Dominum.

Super obl.

HOSTIAS, quęsumus Domine, quas in solennitate beati
martyris tui Genesij sacris altaribus exhibemus, propitius respice,
vt nobis indulgentiam largiendo, tuo nomini dent honorem. Per
Dominum.

Pręfatio.

AEQVVM & salutare: Nos tibi, omnipotens Domine, gratias
agere, & in hac triumphali die, consona exultatione laudare: Qua
beatus Genesius celeberrimus martyr, pro Christi confessione
nominis, mortem suscipere non expauit. Hic dum terreno im-
perio inimicę artis placeret industria, renuit mundanę delectatio-
nis lętitiam, vt esset gaudiorum cęlestium perennis possessor. Nam
cũ vnda sacri dilueretur baptismatis, & intrã cęli secreta suę cõ-
fessionis authorem videre promeruit, & sanctum spiritum in co-
lumbę specie sibi adesse cognouit. O beata fides, diuino fulta prę-
fidio. O digna conuersio, Deifico lustrata decore: quę antè me-
ruit gloriam videre cęlestem, quàm pro ipsius authoris gloria
in agone certasset. Hic etiam innocentum animas, **C H R I-**
S T I pro nomine damnatas morti, & intrã cęlestia regna con-
spexit, & quę esset luce collocandus, agnouit. Sic nimirũ

Ggg 2) coram

419

Fuit is passus Are-
lati sub Dioclet.
vt testantur mar-
tyrol. & Euseb.
Emis. ac Greg.
Turon. de mart.
cap. 67. cum 3.
sequent.

coram tyranno stetit immobilis, vt post varias minas verberumq; terrores, per sui sanguinis effusionem, & nobis gloriosum se martyrem, & caelestium ciuium monstraret esse consortem. Per eundem Christum.

Post Communionem.

PLEBEM tuam Domine B. martyr tuus Genesius interuētor attollat, & quam de suo facit martyrio gratulari, dignam impleret tuæ pietatis existere sacramentis. Per Dominum.

ffff. IN DECOLLATIONE S. IOANNIS BAPTISTAE.

Super populum.

PROTEGAT Ecclesiam tuam Deus oratio veneranda beatissimi præcursoris & martyris tui Ioannis Baptistæ, & cui frequentiam deuotionis impendit, perpetuæ poscat redemptionis effectum. Qui cum patre.

Super sind.

PERPETUIS nos Domine, quæsumus, sancti Ioannis Baptistæ tuere præsidij: & quanto fragiliores sumus, tanto magis necessarijs attolle suffragijs. Per Dominum.

Super obl.

AUXILIENTUR nobis, Domine, B. præcursoris & martyris tui Ioannis Baptistæ veneranda merita passionis, & hæc nobis hostia tuæ placationis existat. Qui cum patre.

Præfatio.

AEQVVM & salutare: Nos tibi omnipotens Domine gratias agere, teque omni tempore benedicere, & in hac præcipui festiuitate dici laudare. In quo beatus Ioannes Baptista martyrij est coronam adeptus, quo inter natos maior nemo extitit mulierum. Nuptias prohibendo illicitas, gloriosum martyrij triumphum, capite truncatus, obtinuit. Et Dñm Iesum Christum, mudi
sal-

saluatorem venisse corporali præsentia demonstravit: eius quoque descensionem præcurrens, inferis nunciauit. Et ideò cum.

Post Com.

SANCTI Ioannis Baptistæ & martyris tui Domine, quæsumus, veneranda festiuitas, salutaris auxilij nobis præstet effectum. Per Dominum.

ggggg. IN FESTO S. EUPHEMIAE,
XVI. SEPT.

Meminit
Ado in
Martyrol.

Super populum.

CONCEDE, quæsumus, omnipotens & misericors Deus, vt beata Euphemia, quæ virginitatis pariter & martyrij promeruit palmam, intercessionibus suis & præsentis vitæ remedia nobis conferat, & æternam salutem. Per Dominum.

Super find.

DEVS, qui B. virgini & martyri tuæ Euphemie pro tuo nomine dimicanti, fidem & constantiam præbuiisti: concede nobis supplicantibus, vt sicut illa horrenda vicit augmenta pœnarum, ita & nos sequissimi hostis vitia, te auxiliante, vincere valeamus. Per Dominum.

Super obl.

MVNERA quæsumus Domine, quæ in B. Euphemie celebritate deferimus, ita gratie tuæ efficiantur accepta, sicut eius tibi placitum extitit passionis certamen. Per Dominum.

Præfatio.

PER Christum Dominum nostrum. Per quem virgo alma triumphatrix Euphemia, virginitatis retinens mitram, passionis meruit vestiri corona. Cuius precibus inimicus hostis euincitur, priscus aduersarius superatur. A fornacis igne virgo sospes eripitur, duri lapides in puluerem conuertuntur. Feræ mansuescunt,

Citat hæc
præfatio.
nē Iacob
Bergom.
de claris
mulieris
bus c. 104.

Ggg 3 col.

collaque submittunt, atque omnia pœnarum supplicia eius oratione superantur. Nouissimè gladij mucrone confossa, carnea relinquens claustra, cœlesti choro iungitur læta. Hæc sacra virgo tibi Domine Ecclesiam tuam commendet: Hæc pro nobis peccatoribus interpellat, hæc vota nostra, vt virgo vernula illibata, tibi præsentet. Per eund.

Post Com.

SANCTIFICET nos Domine, quæsumus, tui perceptio sacramenti, & intercessio B. martyris tuæ Euphemiæ, tibi reddat acceptos. Per Dominum.

Meminerunt Marti-
tyrol.

HHHHH. IN FESTO S. EVSTORGII
EPISCOPI MEDIOL. XVIII.
SEPTEMBR.

Super populum.

BEATI sacerdotis & confessoris tui Eustorgij nos, quæsumus, Domine foueat preciosa confessio, & pia iugiter intercessio tueatur. Per Dominum.

Super sind.

VOTA populi tui Domine propitius intende, & cuius nos tribuis annua solennia celebrare, fac gaudere suffragijs. Per Dominum.

Super obl.

PRO sancti confessoris tui Eustorgij commemoratione, munera tibi Domine, quæ debemus, exoluimus: præsta, quæsumus, vt remedium nobis perpetuæ salutis operetur. Per Dominum.

Præfatio.

AETERNE Deus: Quando enim tibi sufficienter Domine referre gratias valeamus? qui idè nos solennitatibus martyrum atq; confessorum frequenter exerces, vt & deuotione continua excites ad profectum, & fragilitatem nostram pijs intercessoribus benignus

nignus attollas: Et quæ proprijs non meremur operibus, tibi placitis suffragatoribus impetremus. Inter quos debitæ pietatis obsequium sancto sacerdoti & confessori tuo Eustorgio exhibentes, potentiam tuam Domine, cuius gratia talis extitit, prædicamus, atque per eum nobis indulgentiam credimus non negandam. Per Christum.

Post Com.

QVÆSVMVVS, omnipotens Deus, vt hodiernæ munus, solennitatis acceptum, & corporibus nostris salutem præstet, & mentibus. Per Dominum.

iiii. IN FESTO S. MATTHÆI.

Super populum.

PRÆSTA, quæsumus, omnipotens Deus, vt qui iugiter beati Apostoli & Euangelistæ tui Matthæi defensione munimur, nec succumbamus vitijs, nec opprimamur aduersis. Per Dominum.

Super find.

BEATI Apostoli & Euangelistæ Matthæi Domine precibus adiuuemur, vt quod possibilitas nostra non obtinet, eius nobis intercessione donetur. Per Dominum.

Super obl.

BEATI Apostoli & Euangelistæ tui Matthæi supplicationibus Domine, quæsumus, tibi nostra grata sint munera, in cuius solennitate tuis altaribus exhibentur. Per Dominum.

Præfatio.

ÆTERNE Deus: Qui Ecclesiam tuam in tuis fidelibus ubique pollentem, apostolicis facis constare doctrinis: præsta, quæsumus, vt per quos initium diuinæ cognitionis accepit, per eos usque in finem seculi, capiat regni cælestis augmentum. Per Christum.

Post

Post Communionem.

PERCEPTIS Domine sacramentis, beato Matthæo Apostolo tuo & Euangelista interueniente, deprecamur, vt quæ pro eius celebrata sunt gloria, nobis proficiant ad medelam. Per Dominum.

De Dedit
cat. Eccles
fiæ est
Ser. Amb.
89.

LIIII. DOM. III. OCTOBR. IN DEDICATIONE ECCLESIAE MAIORIS.

Super populum.

DEVS, qui de viuis & electis lapidibus æternum nomini tuo condishabitaculum, da ædificationi huic incrementa iustitiæ, vt ab omnibus hîc inuocantibus nomen tuum, protectionis tuæ auxilium sentiatur, Per Dominum.

Super findonem.

OMNIPOTENS sempiternæ Deus, qui in omni loco dominationis tuæ totus asistis, & totus operaris: adesto inuocationibus nostris, & huius domûs, cuius es fundator, esto protector. Nulla hîc nequitia contrariæ potestatis obsistat, sed virtute sancti spiritûs operante, fiat hîc tibi semper purum seruitium, & deuota libertas. Per Dominum. in vnitæ eiusd.

Super obl.

DEVS, qui sacrandorum tibi author es munerum, ad sanctificationem loci huius propitius adesse dignare, vt qui hæc in tui nominis honore condiderunt, protectorem te habere in omnibus mereantur, Per Dominum.

Præfatio.

PER Christum Dominum nostrum: Qui eminentiam acceptæ Ecclesiæ tradidit, quam pro honore percepto & reginam constituit, & sponsam. Cuius sublimitati vniuersa subiecit, ad cuius iudicium consentire iussit è cælo. Hæc est mater omnium viventium,

tium, filiorum numero facta sublimior, quæ per spiritum sanctum quotidie Deo filios procreat, cuius palmitibus mundus omnis impletus est. Quæ propagines suas ligno baiulante suspensas, erigit ad regna cælorum. Hæc est ciuitas illa sublimis, iugo montis erecta, perspicua cunctis, & omnibus clara. Cuius conditor & inhabitator est idem Dominus noster Iesus Christus filius tuus. Quem vnâ.

Post Commun.

BENEDICTIONIS tuæ, quæsumus Domine, plebs tibi sacra fructus reportet & gaudium: vt quod in huius festiuitatis die, corporali seruitio exhibuit, spiritaliter se retulisse cognoscat. Per Dominum.

mmmm. IN DEDICATIONE ECCLESIAE MINORIS.

Super populum.

DEVS, qui loca nomini tuo dicata sanctificas, effunde super hanc orationis domum gratiam tuam, vt ab omnibus hic te inuocantibus, auxilium tuæ misericordiæ sentiat. Per Dominum.

Super find.

POPVLVM tuum Domine propitius intueri, & in templo nomini tuo ædificato, tuam pietatem inuocantes, miserationis tuæ potiantur auxilio. Per Dominum.

Super obl.

QVÆ in hoc altari proposita munera Domine oculis tuæ maiestatis offerimus, sancti tui N. quæsumus supplicationibus propitiatus assume. Per Dominum.

Præfatio.

ÆTERNE Deus: Qui hanc Ecclesiam nomini tuo dicatam, M. S.
annua festiuitate illustras, atque mysticis ornatam virtutibus, de

H h h ter-

terris mittis ad cælum. Hæc est enim Domine mater viuentium, vita & salus omnium in te credentium. Hæc est sponsa agni tui, mirabili ipsius illustrata decore: pro qua clementissime pater unigenitus tuus crucem pertulit, & aduersarium vicit. Vnde & à de- xtris tuis in cælestibus constituta, ac suorum ciuium decorata vir- tute, maiestatem tuam trina voce interpellare non cessat. Quam laudant,

Post Com.

DEVS, qui Ecclesiam tuam sponsam vocare dignatus es, vt quæ habet gratiam per fidei deuotionem, haberet etiam ex nomine pietatem: da, vt omnis hæc plebs nomini tuo seruiens, huius vo- cabuli consortio digna esse mereatur. Per Dominum nostrum,

nnnn. IN FESTO S. LVCAE.

Super populum.

INTERVENIAT pro nobis, quæsumus Domine, san- ctus tuus Lucas Euangelista, qui crucis mortificationem iu- giter in suo corpore pro tui nominis honore portauit. Per Do- minum..

Super find.

PRÆSTA, quæsumus Domine, vt B. Lucæ Euangelistæ suf- fragijs, cuius natalitia celebramus, hæc plebs tua semper & sua vota depromat, & desiderata perficiat. Per Dominum.

Super obl.

DONIS cælestibus da, quæsumus Domine, nos libera mente seruire, & munera quæ deferimus, interueniente B. Euangelista tuo Luca, & medelam nobis operentur, & gloriam. Per Dominum.

Præfatio.

ÆTERNE Deus: Et te in tuis sanctis collaudare, benedicere & prædicare. Qui eos dimicantes contra antiqui hostis machina- menta & proprii corporis blandimenta, inexpugnabili virtute rex
glo-

gloriæ roborâsti. Ex quibus beatus Euangelista tuus Lucas assumpto fidei scuto, & galea spei salutis, & gladio spiritûs sancti, viriliter contra vitiorum incentiua pugnauit, & Euangelicę nobis dulcedinis fluena deduxit. Vndè petimus Domine immensam clemētiam tuam, vt qui eum tot meritorum donâsti prærogatiuis, nos eius & informes exemplis, & meritis adiuues gloriosis. Per Christum.

Post Com.

PRAESTA, quæsumus, omnipotens Deus, vt quod de sancto altari tuo accepimus, precibus B. Euangelistę tui Lucę sanctificet animas nostras, quò tui esse possimus. Per Dominum.

Ooooo. IN FESTO SS. SIMONIS
ET IVDÆ.

Super populum.

PROTECTOR in te sperantium Deus, familiam tuam propitius respice, & per beatos Apostolos tuos Simonem & Iudam à cunctis eam aduersitatibus, potentia tuæ brachio defende. Per Dominum.

Super find.

DEVS mundi creator, qui beatos Apostolos Simonem & Iudā nominis tui gloria sublimâsti: exaudi populum tuum, cum sanctorum tuorum tibi patrocinijs supplicantem, vt pacis dono proficiat, ad fidei & charitatis augmentum. Per Dominum.

Super obl.

GLORIAM Domine sanctorum Apostolorum & martyrum tuorum perpetuam celebrâtes, quæsumus, vt eandem sacris mysterijs expiati digniùs celebremus. Per Dominum.

Præfatio.

AETERNE Deus: Te in tuorum Apostolorum Simonis & Iudę glorificantes honore. Qui & illis tribuisti beatitudinem sempiternam,

H h h 2

nam, & infirmitati nostræ talia præstitisti suffragia, per quæ eam, te donante, apprehendere valeamus. Per Christum.

Post Com.

QVÆSVMVS, omnipotens Deus, vt fideles tui venerandas assiduè celebrantes sanctorum tuorum passionis, & copiam perpetuæ deuotionis inueniant, & salutis æternæ suffragia maiora conquirant. Per Dominum.

Fit horū
mentio
apud Am-
br. in ex-
hort. ad
Virg.

ppppp. IN FESTO SS. VITALIS ET
AGRICOLAE, IIII. NOVEMB.

Super populum.

SANCTORVM martyrum tuorum Vitalis & Agricolæ, quæsumus Domine, natalitia nobis votiua resplendeant, & quod illis contulit excellentia sempiterna, fructibus nostræ deuotionis accrescat. Per Dominum.

Super find.

OMNIPOTENS sempiternæ Deus, qui in sanctorum martyrum tuorum Vitalis & Agricolæ cordibus flammam tuæ dilectionis accendis, da mentibus nostris eandem fidei charitatisque virtutem, vt quorum gaudemus triumphis, proficiamus exemplis. Per Dominum.

Super obl.

HOSTIAS tibi Domine pro sanctorum martyrum tuorum Vitalis & Agricolæ commemoratiõe deferimus, suppliciter deprecantes, vt & indulgentiam nobis pariter conferant, & salutem. Per Dominum.

Præfatio.

ÆTERNE Deus: Qui sanctorum tuorum certamina ad copiosam perducis victoriam, atque perpetuum largiris triumphum, vt in exemplum Ecclesiæ tuæ per innumera proficiant secula: præsta nobis per eorum, quorum festa celebramus, intercessionem,

nem, tuæ pietatis æterno perfrui auxilio. Per Christum.

Post Communionem.

P R A E S T A, quæsumus, omnipotens Deus, vt sanctorum martyrum tuorum Vitalis & Agricolæ cælestibus mysterijs celebrata solennitas, indulgentiam nobis tuę propitiationis acquirat. Per Dominum.

¶¶¶¶¶ IN FESTO S. MARTINI
EPISCOPI.

Super populum.

E X A V D I Domine populum tuum, tota tibi mēte subiectum, & B. Martini sacerdotis tui atque Pontificis supplicatione custodi, vt corpore & corde protectus, quod piē credidit, appetat: & quod iustē sperat, obtineat. Per Dominum.

Super sind.

A D E S T O quæsumus, Domine plebi tuę, & intercessione B. sacerdotis & confessoris tui Martini, confidenter tribue consequi, quod sperare donāsti. Per Dominum.

Super obl.

B E A T I sacerdotis & confessoris tui Martini, quæsumus Domine, nobis pia non desit intercessio, quæ & munera nostra conciliet, & tuam nobis indulgentiam semper obtineat. Per Dominum.

Præfatio.

A B Q V V M & salutare: Nos te, omnipotens Domine, in beati sacerdotis & confessoris tui Martini laudibus honorare. Qui sancti spiritus tui dono repletus, ita in ipso tyrocinio fidei perfectus inuentus est, vt Christum texisset in paupere, & vestem quam egenus acceperat, mundi Dominum induisset. O felix largitas, qua diuinitas operitur. O chlamydis gloriosa diuisio, quæ militem texit & regem. Inestimabile donum est, quod vestire meruit veritatem. Dignè huic confessionis tuæ præmia contulisti, dignè ei Arriano-

H h 3 rum

rum subiacuit feritas, dignè tanto amore martyrij, persecutoris tormenta non timuit securus. Quanta, putamus, erit glorificatio passionis, quandò pars chlamydis sic exitit preciosa? Et quid erit pro oblatione integri corporis recepturus, qui pro quantitate vestis exigua, & vestire Deum meruit, & videre? O animi imitanda benignitas, ô virtutum veneranda potentia. Sic egit suscepti pontificatus officium, vt per formam probabilis vitæ, obseruantiam exigeret disciplinæ. Sic Apostolica virtute sperantibus contulit medicinam, vt alios supplicationibus, alios * visu saluaret. Hæc tua est Domine virtus & gloria. Per eundem.

Post Communionem.

SVMENTES Domine gaudia sempiterna de participatione sacramenti & defestiuitate B. Martini confessoris tui, suppliciter deprecamur, vt quæ sedula seruitute, te donante, gerimus, dignis sensibus tua munera tractemus. Per Dominum.

De sex hebdomad. Aduent. in Ambrosiano officio, fit mentio apud Radulph. Tungr. de can. obser. cap. 16.

RRRR. DOM. I. DE ADVENTV DOMINI, PROXIMA POST MARTINI FESTVM.

Super populum.

DEVS, qui in vnigenito tuo nouam creaturam nos tibi esse fecisti, respice propitius in opera misericordiæ tuæ, & in aduentu filij tui, ab omnibus nos maculis vetustatis emunda. Per eundem.

Super find.

EXCITA potentiam tuam Deus, & veni, vt hi qui in tua pietate confidunt, ab omni inimici aduersitate liberentur. Qui cum patre.

Super oblat.

SACRIFICIIS præsentibus Domine quæsumus, intende placatus, vt & deuotioni nostræ proficiant, & salutem. Per Dominum.

Præfatio.

ÆTERNE

ÆTERNE Deus: Cui proprium ac singulare est, quòd bonus es, & nulla vnquàm à te es commutatione diuersus: Propitiare supplicibus, & Ecclesię tuę misericordiam quam confitetur, ostende: manifestans plebi tuę vnigeniti tui mirabile sacramentum: vt in vniuersitate nationum perficiatur, quod per verbi tui Euangelium promisisti. Et habeat plenitudo adoptionis, quod prętulit te. stificatio veritatis. Per eundem.

Post Communionem.

SUMPTIS muneribus Domine, quesumus, vt cum frequentatione mysterij, crescat nostrę salutis effectus. Per Dñm.

ssss. IN FESTO S. ROMANI EPISCOPI ET MART. XVIII. NOVE MB.

Super populum.

PLEBS tua Domine B. sacerdotis & martyris tui Romani te glorificatione magnificet, & eodem semper precante, te mereatur habere rectorem. Per Dominum.

Super sind.

PRECES populi tui Domine, quęsumus, clementer exaudi, vt B. sacerdotis & martyris tui Romani meritis adiuuemur, cuius passionem lætamur. Per Dominum.

Super obl.

SACRIFICIUM, quod tuę Domine obtulimus maiestati, intercedente B. Pontifice & martyre tuo Romano, nobis ad veniam nostrorum proficiat peccatorum, & tuę miserationis semper tribuat solatium. Per Dominum.

Præfatio.

ÆTERNE Deus: Et in hoc præcipuè die triumphalem hostiam offerre, in quo beatissimus Antistes & martyr tuus Romanus, fidei pro plebe immolatus extitit. Qui sanctam salutis dum non permittit inimico adiri domũ, ipse templũ tibi dicatur & victima.

O fe-

Celebrat
hunc Præ-
dentius
πρεσβυ-
τερων
hymn. 10.

O felix hostia, gemino illustrata decore, in quo pastor immolatur & agnus, sacerdos & innocens. O beata praelia, quæ tanto non cessere terrori. O felix lingua, Christi nobilitata præconio, interpretis animi, cordis ministra, quæ * te Deo loquente nunquam defuit. Sed hoc mirabile donum, munus tuum est, Domine, ut mutis loquelam, percitis claudis gradum, surdis fruendam reddas audientiam. Per eundem.

Post Communionem.

SATIASTI Domine familiam tuam muneribus sacris: eius, quæsumus, semper intercessiōe nos refoue, cuius solēnia celebramus. Per Dominum.

TTTT. DOM. II. DE ADVENTU
DOMINI.

Super populum.

DONA, quæsumus, omnipotens Deus cunctæ familiæ tuæ hanc voluntatem, Christo filio tuo Domino nostro venienti, in operibus iustis aptè occurrere, ut eius dexteræ sociati, regnū mereantur possidere celeste. Per eundem.

Super find.

TRIBE, quæsumus Domine, sperantibus fidei charitatisque augmentum, ut quod veritatis tuæ dono promittitur, tua gratia compleatur. Per Dominum.

Super obl.

CONCEDE nobis, quæsumus, omnipotens Deus, ut, sacramenti Dominici nobis operante virtute, ipsius æternitatis mereamur esse consortes, qui mortalitatis nostræ dignatus est fieri particeps. Qui tecum vivit.

Præfatio.

M. S.

PER Christum Dominum nostrum: Cuius incarnatione salus facta est mundi, & passione redemptio procurata est hominis procreati,

creati. Ipse nos, quæsumus, ad æternum perducatur præmium, qui redemit de tenebris infernorum. Iustificetque in aduentu secundo, qui nos redemit in primo. Quatenus illius nos à malis omnibus defendat sublimitas, cuius nos ad vitam erexit humilitas. Per quem.

Post Com.

PROSINT nobis Domine, quæsumus, frequentata mysteria: quæ nos à cupiditatibus terrenis expediant, & instituât amare cælestia. Per Dominum.

VUUUU. IN FESTO S. CAECILIAE.

Super populum.

DEVS, cui beata Cæcilia ita deuotione placuit castitatis, vt coniugem suum Valerianum, affinemq; Tiburtium tibi fecerit consecrari. Nam & angelo deferente micantium odoriferas florum coronas, palmam martyrij perceperunt: Tribue, quæsumus, vt ea intercedente pro nobis, beneficia tui muneris percipere mereamur. Per Dñm.

Super find.

SANCTAE martyris tuæ Cæciliæ Domine supplicationibus tribue nos foueri, vt cuius venerabilem solennitatem celebramus obsequio, eius intercessionibus commendemur & meritis. Per Dominum.

Super obl.

TRIBVE, quæsumus, virtutum cælestium Deus, vt sacrificia pro sanctæ Cæciliæ solennitate delata, desiderium nos temporale doceant habere contemptum, & ambire dona faciant cælestium gaudiorum.

Præfatio.

PER Christum Dominum nostrum: Per quem sancta Cæcilia cælesti dono repleta, vt martyrij palmam assumeret, ipsum mun-

I i dum

dum est cum thalamis execrata. Testis est Valeriani cōiugis & Tiburtij, puocata cōfessio, quos angelica manu odoriferis florib⁹ coronâsti. Viros virgo duxit ad gloriâ, mūdus agnouit quātum valeat deuotio castitatis. Quæ ita pmeruit, vt martyres efficerentur, & iter regis gloriæ cum angelis graderetur. Huius, te Dñe largiēte, gaudia celebramus, & ea fide qua mundi caligo deterfa est, ad æternitatis tuę deprecamur præmia peruenire. Et ideo.

Post Communionem.

HÆC nos Domine gratia tua, quæsumus, semper exerceat, vt & diuinis instauret nostra corda mysterijs, & S. Cæcilie martyris tuæ commemoratione lætificet. Per Dominum.

xxxxx. DOM. III. DE ADVENTV
DOMINI.

Super populum.

OMNIPOTENS Christe filius Dei, in die natiuitatis tuæ propitius ad saluandum in te populum veni, vt benignitate solita, ab omni dubietate & metu tēporis nos iubeas liberari. Qui cū patre.

Super find.

DOMINE sancte, pater omnipotens, æterne Deus, creator humanæ substantiæ, qui verbum tuum in virginis vterum venire voluisti, supplicantium tibi preces benignus intende. Per eundem.

Super obl.

SACRIFICIVM tibi Domine celebrādum placatus intende, quod & nos à vitijs nostræ conditionis emundet, & tuo nomini reddat acceptos. Per Dominum.

Præfatio.

M. s. PER Christum Dominum nostrum. Cuius præstolamur aduentum qui causâ salutis humanæ sic est dignatus vterum virginis introire, vt & nobis * viam salutis tribueret, & à tuæ maiestate Dei.

RITVS ET ORDO.

Deitatis nunquàm deesset, idem Iesus Christus Dominus noster.
Quem vnà tecum.

435
tis imbue
ret.

Post Communionem.

MISERICORDIAM tuam supplices exoramus, omnipotens
Deus, vt hoc tuum Domine sacramentum non sit nobis reatus ad
pœnam, sed fiat intercessio salutaris ad veniam. Per Dominum
nostrum.

yyyyy. IN VIGIL. S. ANDREAE.

Super populum.

APOSTOLICIS Dñe, quæsumus, nos attolle p̃sidijs, vt cui-
us solennia pr̃uenimus, eius precibus adiuemur. Per Do-
minum.

Super sind.

DA nobis, quæsumus, Domine Deus noster, B. Apostoli tui An-
dreæ intercessionibus subleuari, vt per quos Ecclesiæ tuę superno
munere rudimenta donasti, per eos subsidia perpetuæ salutis im-
pendas. Per Dominum.

Super oblat.

PRÆSTA, quæsumus Domine, vt per intercessiõem B. Apo-
stoli tui Andreæ hæc nobis profit oblatio, quam immolando totius
mundi tribuisti relaxari delicta. Per Dominum.

Præfatio.

PER Christum Dominum nostrum. Per quem B. Apostolus M. S.
Andreas tantum cœlesti gratia eminet præcipuus, quantum etiam
B. Petri Apostoli germanitate demonstratur esse præclarus: vt quos
vna genitrix edidit mundo, vna regeneratione per crucis patibu-
lum collocarentur in cœlo. Et ideo.

Post Communionem.

BEATI Andreæ Apostoli supplicatione, quæsumus Domine,
plebs tua benedictionem percipiat: vt de eius meritis fideliter glo-
rietur, & sempiternis valeat cõsortijs sociata letari. Per Dominum.

Iii 2 zzzzz. IN

AMBROSIANAE MISSAE
zzzzz. IN FESTO EIVSDEM.

Super populum.

DEVS, qui hunc diem beati Apostoli tui Andree martyrio consecrasti, da nobis de eius festiuitate lætari, vt apud misericordiam tuam, & exemplis eius adiuuemur, & meritis. Per Dominum.

Super sindonem.

DA tuorum, quæsumus, Domine habitator æterne sanctorum, vt beati Apostoli tui Andree preciosa natalitia non solum ministerio corporali, sed & mentis veneremur affectu. Per Dominum.

Super obl.

SACRIFICIUM nostrum tibi Domine beati Andree Apostoli tui precatio sancta conciliet, vt in cuius honore solenniter exhibetur, eius meritis efficiatur acceptum. Per Dominum.

Præfatio.

M s.

*confessione

AETERNE Deus. Adest enim nobis dies magnifici votiua mysterij, qua venerandus Andreas germanum se beati Petri Apostoli, tam prædicatione Christi tui, quàm *conuersatione monstrauit. Et Apostolicę numerum dignitatis, simul passione suppleuit & gloria: vt id quod libera prædicauerat voce, nec pendens taceret in cruce. Authoremque vitæ perennis tam in hac vita sequi, quàm in mortis genere meruit imitari: vt cuius præcepto terrena in semetipso crucifixerat desideria, eius exemplo ipse patibulo figeretur. Vtrique igitur germani piscatores, ambo cruce eleuantur ad cælum: vt quos in huius vitæ cursu tua gratia tot vinculis pietatis constrinxerat, hos similis in regno cælorum neceret & corona: & quibus vna erat causa certaminis, vna retributio esset & præmij. Per eundem.

Post

Post Commun.

QVÆSVMVVS omnipotens Deus, vt quos diuina tribuis participatione gaudere, intercedente beato Apostolo tuo Andrea, humanis non finas subiaccere periculis. Per Dominum.

AAAAAA. DOM. IIII. DE ADVENTV
DOMINI.

Super populum.

PRAESTA, quæsumus, omnipotens Deus, vt aduentus gloriosissimi filij tui & peccata nostra abluat, & populo tuo pacem conferat, & salutem. Qui tecum.

Super find.

OMNIPOTENS sempiternæ Deus, qui per aduentum vnigeniti filij tui Domini nostri Iesu Christi, noua luce radiare dignatus es: concede nobis, vt sicut eum per virginis partum in forma nostri corporis meruimus habere participem, ita & in regno gratiæ, eius mereamur esse consortes. Qui tecum.

Super obl.

DEVOTIONIS nostræ tibi Domine, quæsumus, hostia iugiter immoletur: quæ & sacris peragat instituta mysterijs, & salutare tuum nobis mirabiliter operetur. Per Dominum.

Præfatio.

AETERNE Deus, *Cui proprium est veniam delictis impendere, quàm pœnaliter imminere. Qui fabricam tui operis per eundem rursus lapidem dignatus es erigere, nè imago quæ ad similitudinem tuâ facta fuerat viuens, dissimilis haberetur ex morte, munus veniabilis indulgentiæ præstitisti: vt vnde mortem peccatum contraxerat, inde vitam pietas repararet immensa. Per Christum Dominum.

M. S.

* Cui tam

Post Com.

ANIMAE nostræ, quæsumus, omnipotens Deus hoc potiantur

Iii 3

deside

desiderio, vt à tuo spiritu inflammentur, & diuino munere fatiati, ante conspectum venientis Christi filij tui, velut clara luminaria fulgeamus. Per eund.

¶ bbbbbb. IN FESTO S. DALMATII
MARTY. V. DECEMB.

Fit mētio
in marty-
rol.

Præfatio.

Ex M.S.
cod.

TE collaudare in omni tēpore & benedicere Domine Deus noster. Qui B. martyri tuo Dalmatio certamen pro cōfessione tui nominis tribuisti, vt magnum illud nomen vnigeniti tui, quod est super omne nomen, Regibus & potestatibus seculi voce libera confiteretur, pro quo preciosum sanguinem fudit. O quàm beata Pedonensum populi plebs, quæ talem apud Dominum meruit habere pastorem. Multos enim, in corpore degens, doctrinis almis atque exemplis, huius à seculi atque vanitatibus mundi, ad lumen fidei suæ, gloriam regni cælestis diuino munere destinauit. Pro qua nos deuotissimè te Domine deprecamur, vt beatus Dalmatius venerandus martyr, fidei suæ nos documentis informet & meritis tueatur, vt cuius natalitia deuotione recolimus, eius suffragijs perpetuum apud te consortium mereamur.

Episcopi
huius Ve-
ronensis
memine-
runt Mar-
tyrol. &
Greg. 3.
dial. c. 14.

cccccc. IN FESTO S. ZENONIS EPI-
SCOPI, VIII. DECEMB.

Super populum.

OMNIPOTENS sempiternus Deus, qui beatum Zenonem confessorem tuum pontificalibus insulis decorasti, fac nos, quæsumus, eius exemplo & magnifico interuentu, mundi gloriam mente despicere, & cælum semper ambire. Per Dominum.

Super find.

DEVS,

DEVS, qui præsentem diem beati Zenonis Pontificis tui glorioso exitu fecisti solennem, præsta ipsius nos apud te continuis adiuuari suffragijs, & magnificis intercessionibus confoueri. Per Dominum.

Superobl.

ABSIT Ecclesiæ tuæ Deus præclara B. Zenonis intercessio, quæ & munera nostra oculis tuæ maiestatis acceptabilia faciat, & te nobis placabilem reddat. Per Dominum.

AETERNE Deus, beati Pontificis & confessoris tui Zenonis merita recolentes, quem tua gratuita benignitate ita pontificatus officio & fidei munere sublimare dignatus es, ut & immensis virtutibus coruscaret, & sanctæ humilitatis propositum non deferret. Nam & Galieni principis filiam, à potestate demonis eripuit, & multorum languores potenti virtute curauit. Persensit etiam Athesis fluuius, quid tanti valeat præfulis virtus, dum suum ultra morem excedens littus, templi sacri non ausus est ingredi aditus. Dignè igitur in tuo nomine ipsius præconia non tacemus: dignè ipsius miracula festiuis laudibus conclamamus, dignè cum ipso, tibi Domine, bonorum omnium largitori, gratiarum vota persoluimus, Per Christum Dominum.

Post Com.

BEATI Pontificis & confessoris tui Zenonis, quæsumus Domine, à malis omnibus gloriosa nos semper merita tueantur, in cuius solennitate percipimus tua sancta lætantes. Per Dominum.

DDDDDD. IN FESTO S. SYRI EPI-
SCOPI PAPIENSIS. IX.
DECEMB.

Memine-
runt etiā
huius mar-
tyrolog.

Super populum.

OMNI

OMNIPOTENS sempiternus Deus, tribue nos semper & ubique sacratissimis gloriosi Pontificis tui Syri muniri suffragijs, ut eius opitulantibus meritis, famulatus nostri tibi placere possint obsequia. Per Dominum.

Super find.

POPULI tui precibus annue, quesumus, clementissime Deus, & quos diei presentis letari fecisti tripudio, beatissimi antistitis tui Syri supplicationibus exoratus, æterno fac sanctorum tuorum interesse consortio. Per Dominum.

Super obl.

MVNERA hæc pietati tuæ clementissime pater, in venerandi Pontificis & confessoris tui Syri honore oblata, quesumus, ut ipsius obtentu & tuæ maiestati efficiantur accepta, & nostræ fragilitati salutaria reddantur munimina. Per Dominum.

Præfatio.

M. s. **A**EQVVM & salutare: Nos tibi omnipotens pater sine cessatione immensas gratias agere, & in hac celebritate consonas nostræ
 *peragere deuotionis * pangerè laudes. In qua celeberrimus antistes tuus Syrus, expleto confessionis suæ cursu, æthereum migravit ad regnum. Hic est gregis tui pastor eximius, qui Apostolico instructus dogmate, innumeram populi multitudinem prædicationis sanctæ documentis pariter & exemplis imbuens, de morte reuocavit ad vitam. Hic * nanq;
 * schema- & Euangelico decoratus * stemmate, & virtutum efficacia sublimatus, cum pontificali dignitate Apostolicam promeruit accipere potestatem. Per Christum.

Post Com.

DEVS, qui nos & celestibus pascere sacramentis, & beati cōfessoris & antistitis tui Syri non desinis fouere præsidijs: præsta, quesumus, ut quod illi gloriam contulit sempiternam, nobis optatam

tam conferat gratiam. Per Dominum.

EEEEEE. DOM. V. DE ADVENTV
DOMINI.

Super populum.

PRECES populi tui Domine, quæsumus, clementer exaudi, vt qui de aduentu vnigeniti filij tui secundum carnem lætantur, in secundo cum venerit in maiestate sua, præmium capiāt vitæ æternæ. Per eundem.

Super sindonem.

DEVS, qui hominem delapsum in mortem conspiciens, vnigeniti filij tui aduentu redimere voluisti: presta, quæsumus, vt qui eius gloriosam incarnationem fatetur, ipsius etiam redemptoris confortia mereantur. Per eundem.

Super obl.

PROPITIVS, intuere Domine, quæsumus, munera, quæ tuis altaribus exhibemus, & quod à nostra fragilitate defertur, tua virtute sacretur. Per Dominum.

Præfatio.

PER Christum Dominum nostrum, Cuius diuinæ natiuitatis M. S. potentia, ingenita virtutis tuæ genuit magnitudo: Quem semper filium & ante tempora æterna generatum, quia tibi pleno atq; perfecto æterni patris nomen non defuit, prædicamus: Verum etiam honore, maiestate atq; virtute æqualem tibi cum sancto spiritu confitemur, dum trino vocabulo vnicam credimus maiestatem. Quam laudant ang.

Post Communionem.

REPLETI cibo spiritualis alimonie, te Domine supplices deprecamur, vt huius participatione mysterij doceas nos terrena despicere, & amare cælestia. Atq; omni nexu mortiferæ cupiditatis absolutos, regni perpetuæ libertatis confortes efficias. Per Dominum.

Kkk

fffff. IN

fffff. IN FESTO S. LUCIAE.

Super populum.

DEVS, qui B. Luciae pro gemina virginitatis & martyrij victoria binam laureolam tua gratia contulisti: da, quaesumus, ut de carne, mundo, & diabolo triumphantes, celestem gloriam consequamur. Per Dominum.

Super sind.

OMNIPOTENS sempiternus Deus, qui beatam Luciam dirae passionis & virginalis munditiae meritis, beatis martyribus & virginibus aggregasti: da, quaesumus, ut quam festiuis honoribus veneramur, fidei & sanctorum operum gressibus imitemur. Per Dominum.

Super obl.

Sic tibi Domine nostrae deuotionis munera, quae tibi pro honore B. Luciae offerimus, sint accepta, ut & peccata nostra deleas, & nos per tuam gratiam ad vitam aeternam perducas. Per Dominum.

Praefatio.

AETERNE Deus: Qui B. Luciae in agone martyrij inexpugnabilis fidei fortitudinem tua gratia praestitisti, per quam contemptas incendij & gladij poenas constanter superans, de Paschafij tyranni saeuitia feliciter triumphauit. O mira & incomprehensibilis tua Domine potentia, qui ipsam adhuc iuuenulam, in sexu fragili victricem in supplicijs reddidisti, & ingressam regni celestis ianuam, pro gemina virginitatis & martyrij victoria, duplici laureola coronasti. Per Christum.

Post Commun.

PRAESTA, quaesumus, omnipotens Deus, ut sacramentum corporis & sanguinis Domini nostri Iesu Christi, quod in festiuitate B. Luciae virginis & martyris tuae sumpsimus, ad salutem nostrarum proficiat animarum. Per eundem.

ggggg. S A B-

gggggg. SABBATO ANTE DOM. VI.
DE ADV. DOMINI.

Super populum.

ADSPICE de cēlo, & veni, & multiplica fidē populi tui,
vt per te consequatur augmentum, per quem sumpfit initiū.
Qui cum.

Super find.

CONSCIENCIAS nostras, quęsumus, omnipotens Deus quo-
tidie visitando purifica, vt veniens filius tuus Dominus noster, pa-
ratam sibi in nobis inueniat mansionem. Qui cum.

Super obl.

MVNERA populi tui Domine clementer assume, vt qui pri-
mum vnigeniti filij tui aduentum tripudianter celebrare deside-
rant, in secundo cū venerit, æternę vitę remedia percipere me-
reantur. Per eund.

Pręfatio.

AEQVVM & salutare: Nos B. Marię semper virginis solen- ^{M. S.}
nia celebrare, quę paruo vtero Dominum cęli portauit, & re-
demptorem mundi angelo pręnunciante, verbum carne mortali
edidit saluatorem. Quem castis concepit visceribus clausa ingre- ^{aliquid}
diens, & clausa relinquens. Quem vnā. ^{deest.}

Post Com.

QVÆSUMVS, Domine Deus noster, vt sacrosancta mysteria
quę pro reparationis nostrę munimine contulisti, & pręsens no-
bis remedium esse facias, & futurum. Per Dominum.

hhhhhh. DOM. VI. DE ADV.
DOMINI.

Super populum.

PRECES populi tui, quęsumus Domine, clementer exau-
di, & concede propitius, vt gloriosum vnigeniti tui aduen-
tum,

Kkk 2

tum, per intercessionem B. & gloriosæ semperq; virginis Mariæ, cum omni pace & gaudio celebremus. Per eundem.

Super find.

DEVS, qui de B. Mariæ virginis partum, sine humana concupiscentia procreatum, in filij tui membra venientis, paternis fecisti præiudicijs non teneri: præsta, quæsumus, vt eius creaturæ nouitate suscepta, vetustatis antiquæ contagijs eruamur. Per eundem.

Super obl.

ALTARI tuo Domine supposita munera spiritus sanctus assumat, qui B. Mariæ viscera sui splendoris veritate repleuit. Per Dominum. in vnit.

Præfatio.

M. s.

AEQVVM & salutare: nos tibi, Domine Deus omnipotens, gratias agere, & cum tuæ inuocatione virtutis, B. Mariæ virginis festa celebrare. De cuius ventre fructus effloruit, qui panis angelici munere nos repleuit. Quod Eua vorauit in crimine, Maria restituit in salute. Distat opus serpentis & virginis. Indè fusa sunt venena discriminis, hinc egressa sunt mysteria saluatoris. Indè se præbuit tentantis iniquitas, hinc redemptoris est opitulata maiestas. Indè partus occubuit, hinc conditor resurrexit. A quo humana natura non iam captiua, sed libera restituitur. Quod in Adam perdidit parente, Christo recepit authore. Quem vnà.

Post Com.

ADESTO nobis omnipotens Deus, vt quæ fideliter sumpsimus mente & corpore, B. Mariæ piæ matris & perpetuæ virginis intercessione, custodiamus. Per Dominum.

iiii. IN FESTO S. THOMAE.

Super populum.

DEVS,

DE vs, tuorum gloria sanctorum, præsta, quæsumus, vt beati Apostoli tui Thomæ, cuius festa gerimus, sentiamus auxilium. Per Dominum.

Super find.

ADIVVET familiam tuam tibi Domine supplicando venerandus Thomas Apostolus, & pius interuentor efficiatur, qui tui nominis extitit prædicator. Per Dominum.

Super obl.

DEBITVM tibi Domine nostræ reddimus seruitutis, suppliciter exorantes, vt suffragijs beati Thomæ Apostoli in nobis tua munera tuearis, cuius honorando confessionem, laudis tibi hostias immolamus. Per Dominum.

Præfatio.

AETERNE Deus. Qui Ecclesiam tuam Apostolorum tribuisti doctrina consistere, de quorum collegio est beatus Thomas, cuius hodiè natalitia celebrantes, tua Domine præconia non tacemus. Et ideò.

Post Communionem.

CONSERVA Domine populum tuum, & quem sanctorum tuorum præsidijs non desinis adiutare, intercessione beati Apostoli tui Thomæ perpetuis tribue gaudere remedijs. Per Dominum.

xxxxx. **MISSA DE EXCEPTATO.**

QVIB sibi hoc velit, nescio, nisi fortè quòd hæc Missa fieret, si quandò post Dominicam VI. alia Dominica ante Vigiliam Natiuitatis Domini occurreret.

Super populum.

EXCITA Domine, quæsumus, potentiam tuam, & veni, vt ab imminētibus peccatorum nostrorum periculis, te mereamur protegente eripi, & te miserante saluari. Qui cum patre.

Kkk 3 Super

Super find.

PRÆSTA, quæsumus, omnipotēs Deus, vt filij tui ventura solennitas & præsentis nobis vitæ remedia conferat, & præmia æterna concedat. Per eundem.

Super obl.

HÆC hostia Domine, quæsumus, emundet nostra delicta: vt sicut adoranda filij tui natalitia præuenimus, sic eius munera capiamus sempiterna gaudentes. Per eundem.

Præfatio.

M. s.

ÆTERNE Deus: Et maiestatem tuam humiliter exposcere, vt ita nos vnigeniti tui in præsentī seculo illustret adspectus, qualiter nos à culpis omnibus emundatos inueniat secundus eius aduentus. Per quem.

Post Communionem.

LAETI Domine frequentamus salutis humane principia, quæ trina celebratio, beatæ complectitur mysterio Trinitatis. Qui viuīs & regnas Deus, Per omnia sec.

LIIII. IN VIGILIA NATIVITATIS DOMINI.

Post I. Lectionem.

OMNIPOTENS sempiternus Deus, qui in filij tui Dñi nostri natiuitate tribuisti totius religionis initium perfectionemq; constare: da nobis, quæsumus, in eius portionem censerī, in quo totius salutis humanæ summa consistit. Per eundem.

Post II. Lect.

DEVS, qui populo tuo plenæ præstitisti redemptionis effectum, vt non solum vnigeniti tui natiuitate corporea, sed etiam crucis eius patibulo saluaretur: huius, quæsumus, fidei famulis tuis tribue firmitatem, vt vsque ad pmissum gloriæ tuæ præmium, ipso gubernante, perueniant. Qui tecum.

Post

Post III. Lect.

EXAUDI nos Domine redemptor noster beata tempora celebrantes, quibus tua cœlestis æternitas, humanis infusa pectoribus, assumpsit hominem liberandum. Qui cum patre.

Super populum.

DEVS, qui hunc diem sacratissimum per incarnationem verbi & partum Mariæ virginis cōsecrasti, da populis tuis in hac celebritate consortium, vt qui tua gratia sunt redempti, tua sint protectione securi. Per eundem.

Super find.

DEVS, qui humanæ substantiæ dignitatem mirabiliter condidisti, & mirabilius reformasti: da nobis, quesumus, Iesu Christi filij tui diuinitatis esse consortes, qui humanitatis nostrę dignatus est fieri particeps. Qui tecum.

Super obl.

PRAE cæteris solēnitatibus gloriantes, hodiē tibi Domine vota persoluimus: quia ipse, cuius corpus immolamus, immaculatus agnus est editus, Iesus Christus Dominus noster. Qui tecum viuit.

Præfatio.

PER Christum Dominum nostrum: Cuius hodiē faciem in confessione præuenimus, & voce supplici exoramus, vt superuenturę noctis officijs nos ita peruigiles reddat, vt sinceris mentibus eius percipere mereamur natale venturum. In quo inuisibilis ex substantia tua, visibilis per carnem apparuit in nostra. Tecumque vnus, non tempore genitus, non natura inferior, ad nos venit ex tēpore natus. Per quem.

M. 5.

Post Communionem.

SACROSANCTI corporis & sanguinis Domini nostri Iesu Christi refectione vegetati, supplices te exoramus omnipotens Deus, vt hoc remedium singulare, ab omnium peccatorum contagione purificet, Per eundem.

mmmmmm. IN

mmmmmm. IN NOCTE NAT. DOM.

Super populum.

DEVS, qui hanc sacratissimam noctem veri luminis fecisti illustratione clarescere: da, quæsumus, ut cuius lucis mysteria in terra cognouimus, eius quoque gaudijs in cælo perfruamur. Qui tecum.

CONCEDE, quæsumus, omnipotens Deus, ut quos sub peccati iugo vetusta seruitus tenet, eos unigeniti tui noua per carnem natiuitas liberet. Per eundem.

Super obl.

ACCEPTA tibi sit Domine, quæsumus, hodiernæ festiuitatis oblatio, ut tua gratia largiēte, per hanc sacrosancta commercia, in illius inueniamur forma, in quo tecum est nostra substantia. Qui tecum.

Præfatio.

M. s.

AETERNE Deus: Quia nostri saluatoris hodiē lux vera processit, quæ clara nobis omnia & intellectu manifestauit, & visu. Et ideo.

Post Communionem.

DA nobis, quæsumus, Domine Deus noster, ut quæ natiuitatem Domini nostri Iesu Christi frequentare gaudemus, dignis conversationibus ad eius mereamur pertingere consortium. Per eundem.

nnnnnn. IN AVRORA NAT. DOM.

Super populum.

ADESTO Domine supplicationibus nostris, ut populus tuus qui te factore conditus, teque est reparatus auctore, te etiam iugiter operante saluetur. Per Dominum.

Super find.

OMNIPOTENS sempiternus Deus, qui in filij tui Domini nostri Iesu Christi natiuitate tribuisti totius religionis initium perfectionemque constare, da nobis, quæsumus, ut super in vig. Nat. Domini ad I. Lect.

Super obl.

DEVS, qui natiuitatis tuæ exordium pro nostra necessarium saluatione duxisti, respice propitius ad munus totius Ecclesiæ tuæ, &

& quos similes ad imaginem tuam fecisti, similiores obseruatione perforce mandatorum. Qui cum.

Præfatio.

ÆTERNE Deus, Et te in omnibus prædicare mysterijs, hodiè quia nostri saluatoris lux vera processit, quæ clausam nobis omnibus vitam reddidit: vt non solum præsentem suo splendore dirigeret, sed ad ipsam nos maiestatis immensæ gloriam perduceret intuendam. Per Christum.

Post Communionem.

PLEBS tua Domine eius participatiõe semper gaudeat sacramenti, quod in Christi Domini sui incarnatione cognouit. Qui tecum viuit.

ooooo. **PRO DEFUNCTIS.**

QVIA orationes cum Gregorianis penè eadè sunt, solas Præfationes adijciemus.

Pro defuncto Episcopo.

Præfatio.

ÆTERNE Deus, Suppliciter deprecâtes, vt famulus tuus, cui dedisti Ecclesiæ tuæ gubernacula, dū viueret in hoc mundo, nūc carnis ergastulo liberatus, & p̄sulibus Apostolicę dignitatis cōfociatus, vitæ æternæ præmiū consequi mereatur: vt quorum est secutus officium, habere possit & meritum. Sicq; in beatorū tabernaculis spiritū cōstitutus, euasisse se carnales gloriatur angustias, diemq; iudicij cū fiducia & voto exultatiōis expectet. Per Christū.

Pro defuncto sacerdote.

Præfatio.

ÆTERNE Deus: Qui famulum tuum tuæ propitiationis ministrum sacerdotemq; esse voluisti, qui tibi agni tui vnici corpus immolaret & sanguinem. Petimus ergò immensam clementiam tuam, vt hoc sacrificium seruitutis nostrę pro eius amore oblatum, ipsi nunc profit ad veniam, qui olim illud pro Ecclesiæ tuæ statu atq; regimine, maiestati tuæ immolabat.

Pro defuncto, in die septimo vel trigesimo.

LII

Præ-

Horū of-
ficio-
rum
apud Am-
brosium
de obitu
Theodo-
sij.

AMBROSIANAE MISSAE

Præfatio.

PER Christum Dominum nostrum: Per quem salus mundi, per quem vita omnium, per quem resurrectio mortuorum. Per ipsum te Domine suppliciter deprecamur, ut animæ famuli tui, cuius diem septimum celebramus, indulgentiam largiaris perpetuam: atque contagijs mortalitatis exutam, in æternæ saluationis partem restituas. Per eundem.

Pro defuncto in eius anniuersario.

Præfatio.

Anniuer-
sarij fit
mentio
apud eun-
dem de
obitu Sa-
tyri fra-
tris.

ÆTERNE Deus. Cuius imperio nascimur, cuius arbitrio regimur, cuius mysterio redempti sumus. Cuius etiam præcepto in terram, de qua sumpti sumus, præuaricationis lege dissoluimur, atque tuo nutu, resurrectionis ad gloriam, pulvis ex homine in hominem reparatur. Nostri est Domine meriti, quod perimus: tuæ verò pietatis & gratiæ, quod morte cōsumpti, rediuiuo cinere perpetuam renouamur ad vitam. Per Christum.

Pro defuncto in die obitus.

Præfatio.

PER Christum Dominum nostrum. In cuius aduentu, cum geminam iusseris sistere plebem, iubeas & famulum tuum à numero discerni malorum. Quem vnà tribuas pœnæ æternæ euadere flammæ, & iustæ potiùs adipisci præmia vitæ. Induique iubeas deuicta morte nitorem, semperque inextinctam habere luminis auram. Eique concedere dignare perpetuam præclaro in corpore vitam, nox ubi nulla suas defendit atra tenebras. Ut securus de salute placidis letetur in oris, semperque victurus, semperque in luce futurus. Per eundem.

Pro pluribus defunctis.

Præfatio.

M. S.

ÆTERNE Deus. Qui es assumptor animarum sanctarum. Quanuis enim mortis humano generi illata conditio, pectora hu-
ma-

mana mentesque contristet, tamen clementiæ tuæ dono, spe futuræ immortalitatis erigimur, vt memores salutis æternæ, non timemus lucis huius subire dispendium. Quia misericordiæ tuæ munere, fidelibus vita mutatur, non tollitur, & in timoris tui obseruatione defunctis domicilium perpetuæ felicitatis acquiritur. Tibi igitur clementissime pater supplices fundimus preces, & maiestatem tuâ deuotis mentibus exoramus, vt animæ famulorum famularumque tuorum, quorum diem commemoratiōis celebramus, mortis vinculis absolute, transitum mereantur ad vitam. Per Christum.

Alia.

AETERNE Deus. Qui inter tristissimas sequentis procellas mortis, in te credentibus, sanctorum consortium, & animarum & corporum in beata æternitate vigorem, atque gloriosam nobis sperare resurrectionem, passionis tuæ munere præstitisti: Te supplices exoramus, vt omni labentis peccati errore discusso, sanctificatas indulgentia tua animas famulorum famularumque tuorum in sanctorum Patriarcharum sinu suscipias: Quatenus illic requie fruantes perpetua, promissæ sibi resurrectionis gloriam cum sanctis tuis præstolentur æternam. Per Christum.

HACTENVS Missæ Ambrosianæ Orationes & Præfationes, si non in vniuersum omnes, certè præque (vt ex notis additis in margine & prolegomenis nostris constat) verè à D. Ambrosio in lucem editæ. Quæ verò sequuntur de ipso diuo Ambrosio & fratre eius diuo Satyro, aut D. Simpliciani sunt, aut alterius cuiuspiam ex proximis diui Ambrosij successoribus. Idem esto iudicium de illis Præfationibus suprâ positis, in quibus beati Ambrosij nominatim fit mentio, quibus ad marginem adiecimus notam hanc, Simpliciani. Existimatur author diuus Simplicianus.

L11 2 pppppp. IN

PPPPPP. IN DIE BAPTISMI S. AMBRO-
SII, XXX. NOVEMB.

Super populum.

DEVS, qui per sanctum baptismū B. Ambrosium tui nomi-
nis cōfessorem esse signāsti: pręsta, quęsumus, vt eius meri-
tis protegamur, in cuius festiuitate annua deuotione letamur.
Per Dominum.

Super find.

DEVS, qui per vndas regenerationis B. confessorem tuum Am-
*abluisti brosum à cōtagiōne vetusti criminis * diluisti, ablutumq; purifi-
cationis lauacro, doctorem pręcipuum atque catholicę fidei pro-
pugnatores efficere dignatus es: pręsta, quęsumus, vt ipso inter-
cedente, vitiorum nostrorū possimus abluere maculas, & tibi Do-
mino sinceris mentibus deferuire. Per Dominum.

Super obl.

DEVS, qui ad laudis tibi hostias immolādas hodię B. Ambro-
sium sacro baptismo purificāsti, concede propitius, vt eo pro no-
bis interueniente, & hęc tibi grata sint munera, & ad sanctificatio-
nem nostram proueniant. Per.

M. S.

Pręfatio.

AETERNE Deus: Qui confessorem tuum B. Ambrosium
tanti pręconij es gratia prosecutus, vt te mirabilem in eius cunctis
actibus declarares. Et vt ostenderes quantum Ecclesię doctorem
elegeris, circa hunc & ante sacramenta baptismatis operaris insi-
gnia. Et priusquā gregis tui consors existeret, eius à populo
pastor exposcitur. Hodierna deniquē die sacro purificatum
baptismo tanto munere cęlitūs decorāsti, tantaque virtu-
te solidāsti constantiā, vt per eum exclusa torquerentur
dæmonia, Arrianorum impietas propulsa tabesceret, ac
fecu-

secularium principum colla tuo iugo subacta, redderentur humilima. Cuius flores eloquij vt fructificarent in populo, eius sunt mirifico confirmati exemplo: Quatenus & officij sui author existeret, & tibi Domino duplicata reportaret talenta. Per Christum Dominum.

Post Com.

SUMPSIMVS Domine sacri dona mysterij, humiliter deprecantes, vt quibus hanc baptismatis diem B. Ambrosij voluisti esse solennem, ei que adstitisti, in cælesti regno nos iubeas esse confortes. Per Dominum.

qqqqq. IN VIGILIA ORDINATIONIS S. AMBROSII.

Super populum.

DEVS, qui B. Ambrosium Pontificem sanctorum meritis cœquasti, concede propitius, vt qui ordinationis eius festa præcolimus, vitæ quoque imitemur exempla. Per Dominum.

Super sind.

EXAUDI Domine preces nostras, & intercessione B. sacerdotis & confessoris tui Ambrosij, nos tuere ubique præsidij. Per Dominum.

Super obl.

HÆC hostia, quesumus Domine, quam in solennitate B. confessoris tui Ambrosij deferimus, & vincula nostræ prauitatis absoluat, & tuæ nobis misericordiæ dona conciliet. Per Dominum.

Præfatio.

ÆTERNE Deus. Sancti confessoris tui Ambrosij merita venerantes, tuamque clementiam deprecantes, vt qui donis tuis hinc extitit gloriosus, apud te noster existat interuentor. Per Christum.

LII 3

Post.

Post Com.

PER huius Domine operationē mysterij, & vitia nostra purgentur, & intercedente B. confessore tuo Ambrosio, iusta desideria compleantur, Per Dominum.

RRRRR. IN DIE ORDINATIONIS
EIVSDEM, VII. DECEMB.

Super populum.

DEVS mundi author & conditor, qui presentem diem beati Ambrosij sacerdotij electione consecrasti: presta, quaesumus, populo tuo, vt cuius annua celebritate deuotis exultat obsequijs, eius suffragijs tuæ pietatis beneficium consequatur, Per Dominum.

Super find.

CREATOR & conditor omnium Deus, qui per summum sacerdotem & verum pontificem filium tuum, Dominum nostrum Iesum Christum sacerdotale culmē & pontificale sceptrum in seruo tuo Ambrosio hodierno die consecrasti: consecrationis ipsius solennia, eo intercedente sanctifica, & plebem tuam benedicere dignare. Per eundem Dominum.

Super obl.

INTERVENTV B. Ambrosij sacerdotis & cōfessoris tui Domine, his muneribus tibi oblatis, benedictionem effunde de cælis. Quô ex eis fumentes, ab omnibus culpis liberemur, & cœlestibus gaudijs repleamur. Per Dominum.

Præfatio.

ÆTERNE Deus. Qui in Ecclesia tua sancta catholica ita sacerdotes disponis & ordinas, vt efficias tibi Ecclesiam non habentem maculam neque rugam. Inter quos B. Ambrosium Confessorem tuum præcipuum elegisti: vt fasce seculari disposito, & publico honore abiecto, iudicem gregis tui efficeres, & pastorem,

storem. Per Christum.

Post Com.

REPLETI Domine muneribus tuis, quæ de festiuitate beati sacerdotis & confessoris tui Ambrosij percepimus: te suppliciter exoramus, vt eorum emundatos effectû, tibi facias acceptos. Per Dominum.

SSSSS IN DEPOSITIONE S. AMBROSII, QVAE CELEBRATUR FERIA V. PASCHAE.

Ad 4. April. huius meminerunt Martyrol.

Super populum.

DEVS, qui propter Ecclesiæ tuæ gubernacula disponenda, sic eius principes sublimasti, vt minimos quosque non deseras: præsta, quæsumus, vt Apostolicæ fidei doctrinæque vestigia * vel longè sequamur imitando, quæ licet infirmo comitatur * vel à officio. Per Dominum.

Super sindonem.

SANCTI Ambrosij nos Domine iugiter prosequatur oratio, vt quod petitio nostra non impetrat, ipso pro nobis interueniente præstetur. Per Dominum.

Super obl.

HÆC nobis sacrificia Deus, intercedente beatissimo confessore tuo Ambrosio, & actione permaneant, & operatione firmantur. Per Dominum.

Præfatio.

PER Christum Dominum nostrum. In cuius salutifera resurrectione profusis gaudijs totus in orbe terrarum mundus exultat. Quo etiam præclarissimæ solennitatis die exaggeratis tripudijs sancta mater letatur Ecclesia, quod gloriosus antistes Ambrosius æthereum migravit ad regnum. Et ideò.

Post Communionem.

HÆC

HAEC nos communio Domine purget à crimine, & intercedente B. Pontifice & Confessore tuo Ambrosio, caelestibus remedijs faciat esse intentos. Per Dominum.

Habet de r t t t t t. IN DEPOSITIONE S. SATYRI FRATRIS S. AMBROSII, XVII. SEPTEMBR.

Habet de
obit. Sa-
tyri Am-
br. Orat.
funebres
duas, qua-
rum secū-
da de fide
resurr. in-
scribitur.

Super populum.

DEVS, qui B. Satyrum tui nominis confessorem mirabiliter effecisti: præsta, quæsumus, vt eum pro nobis iugiter apud te interuēto rem sentiamus, de cuius hīc mirifico pignore gratulamur. Per Dominum.

Super find.

OMNIPOTENS sempiternus Deus, qui B. Satyro inter procellas maris & turbines naufraganti admirabilem fidei constantiā tribuisti, concede propitius, ipsius nos orationum suffragio, inter mundana discrimina solidissimum semper inuenire tutamen. Per Dominum.

Super obl.

TRIBE, quæsumus, omnipotens & misericors Deus, vt beatissimi confessoris tui Satyri dignè venerabilem memoriam recensentes, eius obtentu quod offerimus, fiat munus acceptum, qui se tibi per sanctæ vitæ munditiā obtulit hostiam viuam, hostiam sanctam, hostiam incontaminatam. Per Dominum.

Præfatio.

M. S.

AETERNE Deus. Tuam incessanter gloriam collaudantes, tuamque in sanctis tuis magnificentiam prædicantes. Qui tantum fidei cumulum B. confessori tuo Satyro gloriosi Pontificis Ambrosij germano, tua gratia præstitisti, vt eius in multis exercitijs confors effectus, probatissimus athleta Christi filij tui ipsius industria censeretur. Nam & in ipso tyrocinio fidei ita clarus enituit,

vt

vt * cū in mari naufragium pateretur, quanuis adhuc nondū
 baptisate sancto perfusus, de tuo tamen non sit diffusus auxilio.
 * Nam sacramētum Dominici corporis sudario inditum, collo cir-
 cū dedit, & se tali remigio fultum, spumanti æquori committere
 non expauit. Sed tua potentissima dextera, quæ Apostolorum
 principem Petrum in fluctibus, nè mergeretur, erexit, hunc quo-
 quē non dissimili potentia illæsum atque incolumem, perduxit
 ad littus. Hæc tuæ est Domine virtutis operatio. Et ideò cum ang.
 * inter
 vndas pe-
 lagi cū
 dissoluta
 compage
 nauis, du-
 rum fuisset
 pessus
 excidium.
 * Sacramē-
 tū deniq.

Post Com.

FIANT nobis Domine, quæsumus, sumpta libamina, interce-
 dente B. confessore tuo Satyro, perpetuæ salutis commercium,
 quæ illi inter æquoreas vndas facta sunt liberationis præsidium.
 Per Dominum.

SYNODI PLENA- RIAE CAPVENSIS PATRVM ALTARIS MINISTE- RIVM.

QVVM ex his igitur (inquit D. Ambrosius, de Synodo Ambros.
 Capuana ad Theophilum scribens Alexandrinum, hanc & epist. 78.
 sequentem epistolam) Synodi constitutis speraremus iam reme-
 dium datum, finemq; oblatum discordiæ, scribit sanctitas tua ite-
 rum fratrem nostrum Flavianum ad precum auxilia, & Imperia-
 lium rescriptorum suffragia remeauisse. Frustrà ergò tantorum Sa-
 cerdotum fusus labor, iterum ad huius seculi iudicia reuertendū,
 iterum ad rescripta, iterum vexabuntur sacerdotes, senes transfre-
 tabunt maria: iterum inualidi corpore, patriam peregrino muta-
 bunt solo: iterum sacrosancta altaria deferentur, vt in longinqua
 proficiscamur.

M m m M A-

MARII VICTORINI APHRI, DE OB-
LATIONIS ECCLESIASTICAE ORA-
TIONE TESTIMO-
NIVM.

Marius
Viñ. l. 2.
aduer. Ar-
rium.

Ioan. 6.

Oμοούσιον lectum negatis, (inquit contra Arrianos scribēs Vi-
ctorinus) sed si aliqua similia, vel similiter denominata lecta
sunt, iure pari & istud denominatum accipere debemus. Audi ora-
tionem oblationis, quoniā vita est Deus, & æterna vita. Nos Chri-
stiani, id est, qui in Christum credimus, docemur in Euangelio:
quomodo Deum patrem rogare debeamus: in qua oratione cū
multa petimus, tum petimus panem, qui panis vita est, sic enim
dictum est: Hic enim est panis, qui de cælo descendit. Hanc vitā
& Christi & Dei, id est, æternam, quo nomine ipse dicit? *ἐπιούσιον*
ἄρτον, ex eadem *οὐσία* panem, id est, de vita Dei, consubstantialē
vitam. Vndē enim filij Dei erimus, nisi participatione vitæ eter-
næ, quam nobis Christus à patre adferens dedit? Hoc ergo est,
δὸς ἡμῖν ἐπιούσιον ἄρτον, id est, vitam in eadem substantia: Etenim
si quod accipimus, corpus Christi est: ipse autem Christus vita
est, quærimus *ἐπιούσιον ἄρτον*. diuitiæ enim in Christo corpora-
liter habitant. Græcum igitur Euangelium habet, *ἐπιούσιον*, quod
denominatum est à substantia, & utique Dei substantia. Hoc Latini
vel non intelligentes, vel non valentes exprimere, non potuerunt
dicere, & tantummodo quotidianum posuerunt, non *ἐπιούσιον*.
Est ergo & nomen lectum, & in Deo substantia: & dici potest
Græcè, quod etiam si Latine non exprimitur, dicitur tamen Græ-
cè, quia intelligitur.

D. SYRICII, PAPAE ROMANI XXXIX.
CIRCA MISSARVM CELEBRA-
TIONEM DECRETA.

Ad Missas

Ad Missas celebrandas Episcopi auctoritas requisita.

HIC constituit (inquit liber Pontificalis) vt nullus presbyter Missas celebraret per omnem hebdomadam, nisi consecratum Episcopi loci designati susciperet declaratum, quod nominatur fermentum.

Liber Pō-
tif. c. 39.

QVOD iisdem verbis D. Iuo repetit.

Iuo part.
2. ca. 63.

In canone Missæ additum illud, Communicantes.

SYRICIVS papa (inquit Radulphus Tungrensis) natione Romanus, qui cœpit anno Domini 388. secundum quædam Chronica, instituit in canone Missæ, Communicantes & memoriam venerantes

Radulph.
Tungr. de
canon. ob-
ser. c. 23.

Sacris mysterijs interesse, at non communicare, quibusdam permissum.

DE quibus (inquit Epistola ad Tarraconensem Episcopum) quia iam suffragium pœnitendi non habent, id diximus decernendum, vt sola intra Ecclesiâ fidelibus oratione iungantur: sacrę mysteriorum celebritati, quanuis non mereantur, intersint: à Domineque autem mensę conuiuio segregentur, vt hac saltem districtione correpti, & ipsi in se sua errata castigent, & alijs exemplum tribuant, quatenus ab obscenis cupiditatibus retrahantur.

Syric. pa-
pa epist. 1.
c. 5.

QVOD à Gratiano repetitur in Decret.

Gratiā. 33.
q. 2. c. De
his verò.

Ad sacrificij oblationem continentia præscripta.

QVAVM (inquit ibidem) sanctionum sacerdotes omnes atque Leuitę insolubili lege constringimur, vt à die ordinationis nostrę, sobrietati ac pudicitię & corda nostra mancipemus & corpora, dummodò per omnia Deo nostro in his, quę quotidie offerimus, sacrificijs placeamus.

Ibid. c. 7.

Ac paulopost: Hi verò, qui illiciti priuilegij excusatione nituntur, vt sibi asserant veteri hoc lege concessum: nouerint

M m m 2 se ab

LITVRGICON ECCLESIAE LATINAE

se ab omni Ecclesiastico honore, quo indignè vsi sunt, Apostolica sedis autoritate deiectos, nec vnquàm posse veneranda attrectare mysteria, quibus se ipsi, dum obscœnis cupiditatibus inhiant, priuauerunt.

Gratian. 82. dist. c. Quæ repetuntur etiam in Gratiani Decr.

Plurimos &c. Quia aliquanti.

CONCILII ROMANI SVB EO PONTIFICE STATVTVM, DE SACRIFICII MINISTRORVM CONTINENTIA.

Concil. Rom. c. 9.

PRAETEREA (inquiunt Patres epist. citata in Concilio Telenſi, seu potiùs Teleptenſi) quod dignum & pudicum & honestum est, suademus vt sacerdotes & Leuitæ cum vxoribus suis non coëant, quia in ministerio diuino quotidianis necessitatibus occupantur. Ad Corinthios namq; sic Paulus scribit, dicens: Abstinete vos, vt vacetis orationi. Si ergò laicis abſtinentia imperatur, vt possint deprecantes audiri: quanto magis sacerdos utique omni momento paratus esse debet, munditię puritate securus, nè aut sacrificium offerre, aut baptizare cogatur?

1. Cor. 7.

CONCILII CARTHAGINIENSIS, QVOD II. VNCVANT, DE MISSA CANONES.

Sacrificij ministrorum continentia.

Concil. Carth. 2. can. 2.

AVRELIVS Episcopus (vti acta Synodi attestatur) dixit: Quum in preterito Concilio de continentia & castitatis moderamine tractaretur, gradus isti tres, conscriptione quadam, castitati, per consecrationes, annexi sunt. Faustinus Episcopus dixit: Placet vt Episcopi, presbyteri & Diaconi, vel qui sacramenta contrectant, pudicitia custodes, ab vxoribus se abstineant. Ac deindè ab omnibus Episcopis dictum, Placet, vt Episcopi, presby-

presbyteri, & Diaconi, vel qui sacramenta contrectant pudicitia custodes, etiam ab vxoribus se abstineant: Placet, vt in omnibus & ab omnibus pudicitia custodiat, qui altario deferuiunt.

QVEM ipsum Canonem repetit Balsamon patriarcha in Syn. Balf. Syn. Carthag. ca. 3. & 4.
odo Carthaginensi, ex omnibus illic celebratis Synodis in vnum collecta, verbis nonnihil immutatis.

In publica Missa poenitentium reconciliatio, presbytero non permissa.

RECONCILIARE (inquit ibidem Aurelius Episcopus) Concil. eiusd. can. 3.
quenquam in publica Missa, presbytero non licere, hoc omnibus placet.

QVOD explicatur à Balsamone in hæc verba: Illud autem reconciliare in publico rei sacrae ministerio, est eiusmodi: Ij quibus poena, quæ aliàs poenitentia dicitur, iniuncta est, & ab Ecclesia arcentur, non permittuntur cum fidelibus consistere, sed per se Deum laudare non prohibentur. Quando autem à poena absoluti fuerint, tunc consistunt cum fidelibus, & publicè seu palàm Deum cum populo laudant.

Ab excommunicato sacrificia separatim non celebranda.

NEC illud prætermittendum est, (inquit ibidem Alypius Tagastensis Episcopus) vt si quis fortè presbyter ab Episcopo suo correptus, aut excommunicatus, tumore vel superbia inflatus, putauerit separatim Deo sacrificia offerenda, vel aliud erigendum altare, contra Ecclesiasticam fidem disciplinamq; crediderit, non exeat impunitus.

Ac paulò post: Ab vniuersis Episcopis dictum est: Si superbia (quod absit) inflatus, fecernendum se ab Episcopi sui communionem duxerit, ac separatim cum aliquibus schisma faciès, sacrificium Dei obtulerit, anathema habeatur, & locum amittat.

M m m 3 E v n.

Bals. ibid.
c. 10. & 11.

EVNDEM verò reperire est etiam apud Balsamonem.
Agenda non celebranda à Presbytero, in consulto
Episcopo.

Concil.
eiufd.
can. 9.

NUMIDIUS (vt ibidem cōmemoratur) Episcopus Mascu-
litanus (nam sic legendum, alibi adnotavi) dixit: In quibusdam lo-
cis sunt presbyteri, qui aut ignorantes simpliciter, aut dissimulan-
tes audaciter, præsente & incōsulto Episcopo, complurimis in Do-
micilijs agant Agenda, quod disciplinæ incongruum cognoscit es-
se sanctitas vestra. Genedius Episcopus dixit: Fratris & coepiscopi
nostri dignæ suggestioni respondere non immoremur. Ab vni-
uersis Episcopis dictum est: Quisquis presbyter, incōsulto Episco-
po, Agēda in quolibet loco voluerit celebrare, ipse honori suo cō-
trarius existit.

Contigit Cōciliū
Hipponēse Theo-
dosio III. & Ha-
būdātio Cōs. Car-
thaginienſe verò
3. Cæsario & At-
tico Cōs. quarto
post anno.

CONCILII HIPPONENSIS, E QVO
IN CONCILIVM, QVOD III. CAR-
THAGINIENSE NVNCVPATVR,
TRANSLATI SVNT, CANONES
CIRCA SACRIFICIVM MISSAE.

Lectoribus interdicta populi salutatio.

Concil.
Hippon.
cā. 2. Cōc.
Carthag.
3. ca. 4.
Bals. syn.
Carthag.
3. can. 16.

LECTORES (inquiunt Patres) populum non saluent.
QVOD pulchrè sic explicat Balsamon: Prohibitum est autē
lectoribus, nē, dum ministerio suo funguntur, ad populum conuer-
tantur & adorent: vt qui solos tunc debent sacerdotes & antistites
adorare, & nō laicos qui in Ecclesia congregantur. Ipsi enim sunt
sacratī: populus verò procū est à sacerdotio & consecratione.

Catechumeni non communicent.

SACRAMENTA (inquiunt) catechumenis non dentur.

Concil.
Hipp.
Can. 4.
Carthag.
3. ca. 5.

QVOD latius sic habet Carthaginienſe Concilium: Item pla-
cuit vt etiam per solēnissimos paschales dies sacramētum catechu-
menis non detur, nisi solitum sal, quia si fideles per illos dies sacra-
mētum non mutant, nec catechumenis oportet mutari.

Neque

Neque defunctis Eucharistia detur.

CORPORIBVS (inquiunt) defunctis Eucharistia non detur. Hippon.

Ac latius Carthag. Item placuit, vt corporibus defunctorum Eucharistia non detur. Dictum est enim à Domino: Accipite, & edite. Cadavera aut, nec accipere possunt, nec edere. Cauendum est etiam, nè mortuos baptizari posse, fratrum infirmitas credat, cum Eucharistiam mortuis non dari animaduernerit.

can. 3.
Carthag.
3. ca. 6.

QVOD iisdem verbis repetit Balsamo.

Bals. ibid.
c. 18. ac 20.

In precibus semper ad Patrem dirigatur oratio.

NEMO (inquiunt, vt latius habet Carthag. Concil.) in precibus vel patrem pro filio, vel filium pro patre nominet. Et cum altari assistitur, semper ad patrem dirigatur oratio. Et quicumq; sibi preces aliundè describit, non eis vtatur, nisi prius eas cum instructoribus fratribus contulerit.

Hipp. &
Carth. 3.
can. 23.

REPETITVR aut hic ipse Canon à Micrologo in hæc verba: Iterum tertium Carthaginiese Cōcilium c. 23. Nullus ad altare patrem pro filio, vel filium pro patre nominet, sed semper ad Patrem orationem dirigat, nec qualibet oratione vtatur nisi probata.

Micr. c. 3.

In sacramentis aliud non offeratur, quàm panis & vinum aqua mixtum.

In sacramentis (inquiunt ibidè) corporis & sanguinis Domini, nihil ampliùs offeratur, quàm ipse Dominus tradidit, hoc est, panis & vinum aqua mixtum. Nec ampliùs in sacrificijs offeratur, quàm de vuis & frumentis.

Hippon.
Concil.
can. 25.
Carth. 3.
ca. 24.

QVI Canon disertis verbis paulo latius citatur in Concilio Africano, quod non aliud quàm Centonem Latinum continet Conciliorum omnium Africæ, quomodò dictum est suprà de Cōcilio Carthaginensi apud Balsamonem.

Concil.
Afr. cā. 4.

A ieiunis sacramenta altaris celebrentur.

SA-

Concil.
Hipp. ca.
30. Carth.
3. ca. 29.

SACRAMENTA (inquiunt ibidè) altaris, non nisi à ieiunis hominibus celebrentur, excepto vno die anniuersario, quo Cœna Domini celebratur. Nam si aliquorum, pomeridiano tempore defunctorum, siue Episcoporum, seu clericorum, siue cætorum, commendatio facienda est, solis orationibus fiat, si illi qui faciunt, iam pransi inueniantur.

Concil.
Africæ, 8.
Vualaf.
strab. de
reb⁹ Eccl.
ca. 19.

ET repetitur idem Canon in Concilio Africano.
QVEM pulchrè in hæc verba interpretatur Vualafri-
bus: Hoc quoquè commemorandum videtur, quòd ipsa sacra-
mēta quidam interdum ieiuni, interdum pransi percepisse legun-
tur, vt legitur in Canonibus Concilij Africani, capitulo octauo,
his verbis: Vt sacramenta altaris non nisi à ieiunis hominibus ce-
lebrentur, excepto vno die anniuersario, quo cœna Domini cele-
bratur, & reliqua. Isti quidem eo die post prandium communi-
candum esse censebant, quia Dominus post legalis Paschæ cœnam,
noui testamenti sacramenta legitur discipulis tradidisse. Alij verò,
secta quadam singulari, non semel in anno, sicut superiores, sed
crebrius ante Sacramentorum perceptionem cibis corporalibus re-
fici debere iudicantes, post prandia & plenitudinem stomachi, quasi
confirmati, sacris rebus necessitate corporea communicabant.

Ibidè.

ET paulò post: Illud verò quod superiores in anniuersario
cœnæ Dominicæ pransi, communicare permisi sunt, ex occasio-
ne suprà exposita, emerxisse videtur. Sed à sequentibus honesta &
rationabili deliberatione statutum esse cognoscitur, vt omni tem-
pore à ieiunis sacrosancta celebrentur mysteria. Non enim idèd
prandere, & postea communicare debemus, quia Dominus com-
pletor legis, author gratiæ, prius legale Pascha perfecit, deindè sa-
cramenta euangelica instituit: Sicut nec prius corporaliter cogi-
mur circumcidi, & postmodum baptizari, cum sciamus Dominum
nostrum factum ex muliere, factum sub lege, primò secundum le-
gis statuta circumcisum, ac deinceps ad expletionem omnis iusti-
tiæ,

tiæ, lauacri salutaris subisse, nobisq; consecrâsse primordia, Ergò à ieiunis semper celebrari debere eadem sacramenta, & generalis totius iam comprobât vsus Ecclesiæ, & dicta Synodi Bracarenfis ostendunt, ubi etiam suprâ memorata in die cœnæ Dominicæ cōmunicatio, post solutum ieiunium, anathematis interpositione abscinditur.

D. BRICTII TVRONENSIS EPISCOPI
MISSARVM SOLENNIA.

BRICTIVS Episcopus Turonis expulsus, (inquit D. Gregorius Turonensis) Romam veniens, cuncta quæ pertulerat, Papæ refert. Qui ad sedem Apostolicam residens, plerunq; Missarum solennia celebrans, inibi quicquid in sanctum Dei deliquerat, deflendo diluit. Gregor. Turon. hist. frâc. li. 2, c. 10.

D. AVRELI CARTHAGINIENSIS
EPISCOPI SACRIFICIVM.

ORATE (inquiunt DD. Augustinus & Alypius ad illum scribentes) pro nobis, digni exaudiri: cum tanto quippe sacrificio acceditis ad Deum syncerissimæ dilectionis & laudis eius in operibus vestris: orate, vt & in nobis hæc luceant, quoniâ nouit ille quem oratis, cum quanto nostro gaudio in vobis luceant. August. epist. 77.

D. SIMPLICIANI MEDIOLANENSIS
EPISCOPI SACRORVM
MINISTERIVM.

DE Donatistis (inquiunt superscripti Cōcil. Carth. 3. Patres) & Concil. pueris qui à Donatistis baptizatur, placuit vt interrogemus Carth. 3. c. fratres & nostros in sacris cōministros (sic vertit Balsamonis in. 48. Balf. Concil. Carthag. ca. 51. terpres) Syricium & Symplicianum.

IN AFRICA SACRA MYSTERIA
ANTE PVGNAM CVM GIL-
DONE TYRANNO.

Nnn

IGI-

Paul. O.
ros. li. 7.
ca. 36.

IGITUR Mascelzel iam indè à Theodosio sciès (inquit Paulus Orosius) quantum in rebus desperatissimis oratio hominis per fidem Christi à clementia Dei impetraret, Caprariam insulam adiit, vnde secum sanctos seruos Dei aliquot permotos precibus suis sumpfit, cum his, orationibus, ieiunijs, psalmis dies & noctes continuans, sine bello victoriam meruit, ac sine caede vindictam.

* Arda-
logio.
* Ame-
deram.

* Ardilio, fluminis nomen est, quod fuit inter Thebastem & Metrideram ciuitates, vbi cum parua manu, hoc est, cum quinque millibus (vt aiunt) militum, cōtra septuaginta millia hostium castra metatus, cū interiecta mora excedere loco, oppositasque preiacentis vallis angustias transgredi vellet, intercurrente nocte, beatum Ambrosium Episcopum Mediolani, paulò antè defunctum, per somnium sibi videre visus est, significantem manu, & impacto ad humum ter baculo, dicentem: Hic, hic, hic. Quod ille prudenti coniectura intellexit, merito annunciantis, fidem victoriæ, verbo locum, numero diem significari. Substitit, ac tertio demum die, per noctem orationibus hymnisque peruigilem, ab ipsis caelestium sacramentorum mysterijs, in hostem circumfusum processit. Et cū ad eos, qui primi occurrerant, pia pacis verba iactaret, signiferum quendam insolenter obfistentem, & iamque pugnam excitantem, gladio percussit in brachio, eumque manu debilem, ipso vulnere coëgit pronum inclinare vexillum. Quo viso, reliquæ cohortes deditionem iam fieri priorum existimantes, certatim sese ad Mascelzelem signis tradidère cōuersis.

IN HISPANIIS, PRUDENTIO TESTE,
DAPES AC PRECES MYSTICAE.

Sacrificium cum cereis.

Prudent.
Cathemer. hymno 5.

A. Prudentius in hymno cerei Paschalis:
Hæc (inquit) olim Patribus præmia contulit
Insignis pietas Numinis vnici,
Cuius subsidio nos quoque vescimur,

Pascen-

Pascentes dapibus pectora mysticis.

Ac paulò pòst:

Nos festis trahimus per pia gaudia
Noctem Concilij, vota que prospera
Certatim vigili congerimus prece,
Exstructoque agimus liba sacrario.
Pendent mobilibus lumina funibus,
Quæ suffixa micant per laquearia:
Et de languidulis fota natatibus,
Lucem perspicuo flamma iacit vitro.
Credas stelligeram desupèr aream
Ornatam geminis stare trionibus,
Et qua Phosphoreum temo regit iugum,
Parsim purpureos spargier Hesperos.

Idque in altari.

Huc pertinet, quod habet de D. Vincentio.

Sed mox subactis hostibus,
Iam pace cunctis reddita,
Altar' quietem debitam
Præstat beatis ossibus.
Subiecta nam sacrario,
Imamque ad aram condita,
Cælestis auram muneris
Perfusa subtèr hauriunt.

Item & illud de ieiunio.

Altaris aram quod facit placabilem.

Cantus in diuinis officijs.

Te mente (inquit alibi) pura & simplici,
Te voce, te cantu pio,
Rogare curuato genu,
Flendo & canendo discimus.

Idem Per
risteph.
hymno 5.

Idem Ca-
themer.
hymno 7.

Ibid. hy-
mno 2.

Nnn 2 CON-

LITURGICON ECCLESIAE LATINAE
CONCILII CARTHAGINIENSIS QVOD
IIII. NVNCVN PANT, CANONES
CIRCA SACRIFICIVM.

Ordinatio Presbyteri, Diaconi, Subdiaconi, Acolyti,
Exorcistæ, Lectoris, ac Ostiarij, ad
sacrificij ministeria.

Concil.
Carth. 4. **L**ATE, modus ordinandi hos ministros sacrificij, tractatur
can. 3. 4. 5. huius Concilij initio, per septem Canones, quos prolixita-
6. 7. 8. tis vitandæ gratia omittimus: suffecerit, locum commonstrâsse Ca-
& 9. tholico Lectori.

Ad oblationem consecrandam inuitentur Episcopi
& Presbyteri in alijs Ecclesijs.

ibid. c. 33. **E**PISCOP I (inquiunt) vel presbyteri, si causâ visitandæ Ec-
clesiæ, ad alterius Ecclesiam venerint, in gradu suo suscipian-
tur, & tam ad verbum faciendum, quàm ad oblationem conse-
crandam, inuitentur.

Diaconus corpus Domini, iussu presbyteri, in ne-
cessitate administret.

ibid. c. 38. **E**T Diaconus (inquiunt) præsentem presbytero, Eucharistiam
corporis Christi populo, si necessitas coget, iussus eroget.

Diaconus tantum tempore oblationis aut lectionis
Albam induat.

ibid. c. 41. **V**T Diaconus (inquiunt) tempore oblationis tantum vel le-
ctionis alba vtatur.

Cum hæreticis non orandum.

ibid. c. 72. **C**U M hæreticis (inquiunt) nec orandum, nec psallendum.
Neque cum excommunicatis.

ibid. c. 73. **Q**U I communicauerit (inquiunt) vel orauerit cum excom-
municato, siue clericus, siue laicus, excommunicetur.

Pro

Pro pœnitentibus, casu ante reconciliationem defunctis, oblationes fiant.

Pœnitentes (inquiunt) qui attentè leges pœnitentię exequuntur, si casu in itinere, vel in mari mortui fuerint, ubi eis subueniri non possit, memoria eorum & orationibus & oblationibus commendetur.

Pœnitentes semper genua flectant.

Pœnitentes (inquiunt) etiam diebus remissionis genua flectant. Ibid. c. 82.

Vsq; ad Missam Catechumenorum nullus ab Ecclesia arceatur.

Vt Episcopus (inquiunt) nullum prohibeat ingredi Ecclesiã, Ibid. c. 84. & audire verbum Dei, siue gentilem, siue hæreticum, siue Iudeũ, vsq; ad Missam Catechumenorum.

Solennis conuentus Ecclesię non prætermittatur.

Qui die (inquiunt) solenni, prætermisso solenni Ecclesię cõ- Ibid. c. 88. uentu, ad spectacula vadit, excommunicetur.

Oblationes disidentium non recipiantur.

Oblationes (inquiunt) disidentium fratrum, neque in sacrario, Ibid. c. 93. neq; in gazophylacio recipiantur.

Neq; eorum qui pauperes opprimunt.

Eorum (inquiunt) qui pauperes opprimunt, dona à sacerdotibus refutanda. Ibid. c. 94.

Oblationes defunctorum, Ecclesijs non negandæ.

Qui oblationes (inquiunt) defunctorum aut negant Ecclesijs, aut cum difficultate reddunt, tanquàm egentium necatores excommunicentur. Ibid. c. 95.

QVINTI A CHRI- STO INCARNATO SECVLI SACRIFICII RITVS.

D. ANASTASII ROMANI PAPAE XL.
STATVTVM CIRCA SACRI
FICIVM.

Standum esse dum leguntur Euangelia.

Anast. pa-
pa epist. 1.
decret.

SIGNIFICASTIS enim (inquit ipse D. Anastasius, Episcopis Germaniæ & Burgundiæ) quosdam sacerdotes in Ecclesia, quandò leguntur Euangelia, sedere, & Domini saluatoris verba non stantes, sed sedentes audire, & hoc ex Maiorum traditione se accepisse narrant: quod vt nullatenus deinceps fieri sinatis, Apostolica autoritate mandamus. Sed dum sancta Euangelia in Ecclesia recitantur, sacerdotes & ceteri omnes præsentes, nò sedentes, sed venerabiliter curui, in conspectu sancti Euangelij stantes, Dominica verba intentè audiant, & fideliter adorent.

Lib. Pon-
tif. c. 40.

CVIVS statuti mentionem facit & Liber Pontificalis; Hic (inquit) constituit, vt quotiescunque sancta Euangelia recitarentur, sacerdotes non federent, sed curui starent.

Bed. mar-
tyrolog.
ad VI.

Cal. Maij.

Amal. de

offic. diu.

l. 3. c. 18.

Vvalafr.

de reb. Ec-

cles. c. 22.

QVAE ipsa verba reperiuntur & in Bedæ martyrologio, sed mendose hætenus adscripta D. Anacleto papæ, atque adeò transferenda ex diē VI. ad V. Cal. Maias, ubi huius fit Pontificis mētio.

Citantur etiam ab Amalario Treuirensi.

ITEM à Vvalafrido Strabo, qui eius ritus causam hanc addit, vt videlicet humilitatem, quæ à Domino Deo docetur, etiam ore demonstrarent.

A Ma-

A Mariano deniquè Scoto, Radulpho Tungrensi, & Martino Polono ad annum Domini 404.

Marian.
Chrō. l. 2.
Radul. de
Canon.
obseru. c.
vlt.

EIVSDEM SIVE ALTERIVS ROMANI PONTIFICIS SACRIFICIA SVPER RELIQUIIS SS. PETRI ET PAULI.

MALE ergò facit (inquit D. Hieronym. Vigilantium arguens) Romanus Episcopus, qui super mortuorum hominum Petri & Pauli, secundum nos, ossa veneranda: secundum te, vilem puluisculum, offert Domino sacrificia, & tumulos eorum Christi arbitratur altaria?

Hieron.
contra Vigilant.

MANICHAEORVM HAERETICORVM FLAGITIOSA MYSTERIA.

ALIVANTI verò (inquit idem diuus Anastasius) Manichæi, qui ita se demerferunt, vt nullum his auxiliantis remedium posset subuenire, subditi legibus, secundum Christianorum principum constituta: nè sanctum gregem sua contagione polluerent, per publicos iudices perpetuo sunt exilio relegati: & omnia, quæ tam in scriptis, quàm in occultis traditionibus suis habent prophana vel turpia, vt nôset populus, quid fugeret aut vitaret, oculis Christianæ plebis certa manifestatione probauimus: adeò, vt ipse, qui eorum dicebatur Episcopus, à nobis tentus, proderet flagitiosa in suis mysterijs, quæ teneret, sicut Gestorum vos series poterit edocere.

Anast. pa.
epist. 1.
Decret.

Et Theodorētus: Præstigijs quoquē egregiè vtuntur, scelera sua mysteria peragentes. Ea de causa valdè diffieiliter elui potest,

Theod.
hær. fab. l.
1. c. vlt.

* ipsis potest eorum doctrina, & qui execrandis eorum Orgijs interfuerit, eorumq; particeps extiterit, valde est difficile transmutare à perniciem animis afferentium Dæmonum operatione, qui * ipsos initiantium decantationibus eorum animas alligant.

August.
hær. 46.

QVORVM expressius in hæc verba mentionem facit D. Augustinus: Qua occasione (inquit) seu potius execrabilis superstitionis quadam necessitate, coguntur electi eorum, velut Eucharistiā conspersam cum semine humano sumere, vt etiam indè, sicut de alijs cibis, quos accipiunt, substantia illa diuina purgetur. Sed hoc se facere negant, & alios nescio quos sub nomine Manichæorum facere affirmant. Detecti tamen sunt in Ecclesia, sicuti scis, apud Carthaginem, iam te ibi Diacono constituto, quandò instante Vrso Tribuno, qui tunc domui regiæ præfuit, aliqui adducti sunt.

Leo papa
de ieiun.
decimi
mensis
serm. 5.

D. Leo quoque: De sacris tamen eorū, inquit, quæ apud illos tam obscena sunt, quàm nefanda, quod inquisitioni nostræ Dñs manifestare voluit, non tacemus, nè quisquam putet nos de hac re dubiæ famæ & incertis opinionibus credidisse. Residentibus itaq; mecum Episcopis ac presbyteris, ac in eundem confessum Christianis viris ac nobilibus congregatis, electos & electas eorum iussimus presentari. Qui cum de peruersitate dogmatis sui, & de festiuitatum suarū consuetudine multa referarēt, illud quoque scelus, quod eloqui verecundum est, prodiderunt, quod tanta diligentia inuestigatum est, vt nihil minus credulis, nihil obrectatoribus relinqueretur ambiguum. Aderant enim omnes personæ, per quas nefandum facinus fuerat perpetratum, puella scilicet, vt multum decennis, & duæ mulieres, quæ ipsam nutrierāt, & huic sceleri prepararant. Præstò erat etiam adolescentulus vitiator puellæ, & Episcopus ipsorum detestandi criminis ordinator. Omnium par fuit horum & vna confessio, & patefactum est execratum, quod aures nostræ vix ferre potuerunt. Qualia repetit ipse epist. 2. & 91. siue 93.

MON-

MONTANISTARVM QVOQVE HÆ-
RETICORVM SCĒLERATA
MYSTERIA.

PRAETERMITTO (inquit D. Hieron. aduersus eos scribens) scelerata mysteria, quæ dicuntur de lactente puero, & de victuro martyre confarrata. Mâlo, inquam, non credere: sit falsum omne quod sanguinis est.

Hieron.
ad Mar.
cellam ad
uer. Mon-
tan.

Ac Epiphanius: In hac verò (inquit) heresi, aut in coniugata eius Quintillianorum, siue Priscillianorum, & * Pepugianorū appellata, horrendum ac nefarium quoddam opus fieri dicunt. Puerum enim quendam valdè infantem, in festiuitate quadam per totum corpus æreis aciculis compungētes, sanguinem ipsius sibiipsis comparant, ad apparatus videlicet sacrificij.

Epiph. cō-
tra her. li.
2.

Et Theodoretus: De mysterijs autem nonnulla quidam iactant. Sed illi non fatentur, & suā accusationem, calumniam appellant.

Theodor.
Fab. hæ.
l. 3. c. 2.

D. quoquē August. Sacramenta perhibentur funesta habere. Nā de infantis anniculi sanguine, quem de toto eius corpore minutis punctiōum vulneribus extorquent, quasi Eucharistiam suam cōficere perhibentur, miscētes eum farinē, panemq; indè facientes: qui puer, si mortuus fuerit, habetur apud eos pro martyre: si autem vixerit, pro magno sacerdote.

Aug. hæ.
26. & 27.

ATQVE adeò ad hæc & Manichæorum sacrificia haud dubiè alibi quoquē ubiquē alludit D. Hieron. quum hæreticorum polluta vocat sacrificia aut sacrilega, cuiusmodi loci passim occurrunt in 12. Prophetas.

**D. HIERONYMI STRIDONENSIS
PRESBYTERI SACRIFICIA, ET
QVAE EODEM PERTI-
NENT.**

QOO

QVO-

Quotidiana sacrificia.

Hierō qu.
2. ad Hi.
dibiam.

NEC Moyſes (inquit D. Hieron.) dedit nobis panem verum, ſed Dominus Ieſus: ipſe conuiua, & conuiuium: ipſe comedens, & qui cōmeditur. Illius bibimus ſanguinem, & ſine ipſo potare nō poſſumus, & quotidie in ſacrificijs eius de genimine vitis veræ, & vineæ Sorec, quæ interpretatur electa, rubentia muſta calcamus, & nouum ex his vinum bibimus de regno patris.

Idem in
Ezech. c.
45. l. 13.

Huc pertinet & illud eiufdem: Qui autem talis extiterit, vt miniſtret in ſanctuario, atrium ingreditur interius, & offerat ſemper Deo ſacrificium, ita vt verus ſacerdos ſit, immo imitator eius, de quo ſcriptum eſt: Tu es ſacerdos in æternum ſecundum ordinem Melchifedech: iſte nullam habebit hereditatem, niſi Deum, qui eſt hereditas eius.

Idem l. 2.
in Iſai. c. 5.

ILLUD etiam: Et quotidie cœleſti pane ſaturati, dicimus: Guſtate & videte quā ſuauiſ eſt Dominus.

Idē Tract.
de duobus
filijs.

ITEM illud: Vitulus ſaginatus, qui ad pœnitentię immolatur ſalutem, ipſe ſaluator eſt, cuius quotidie carne paſcimur, cruore potamur.

Sacerdotum ea de cauſa continentia.

Idem. l. 1.
aduerſ. Ios
uin.

NON (inquit, explicans Apoſtoli locū) dicit: Eligatur Epico-
pus, qui vnā ducat vxorem, & filios faciat, ſed qui vnā habue-
rit vxorem, & filios in omni ſubditos diſciplina. Certè confiteris
non poſſe eſſe Episcopum, qui in Episcopatu filios faciat. Alio-
qui, ſi deprehenſus fuerit, non quali vir tenebitur, ſed quali adul-
ter damnabitur. Aut perſitte ſacerdotibus exercere opera nu-
ptiarum, vt idem ſint virgines quod mariti: aut ſi ſacerdotibus
non licet vxores tangere, in eo ſancti ſunt, quia imitantur pud-
icitiam virginalem. Sed & hoc inferendum: Si laicus & quicumque
fidelis orare non poteſt, niſi careat officio coniugali: ſacerdoti, cui
ſemper pro populo offerenda ſunt ſacrificia, ſemper orandum eſt.

Si

Si semper orandum est, ergò semper carendum matrimonio. Nam & in veteri lege, qui pro populo hostias offerebant, non solùm in domibus suis non erant, sed purificabantur, ad tempus ab vxoribus separati, & vinum & siceram non bibebant, quæ solent libidinem prouocare.

Et alibi: Quòd si indignè accipiunt mariti, non mihi irascantur, sed scripturis sanctis, immò Episcopis & Presbyteris & diaconis, & vniuerso choro sacerdotali & leuitico: qui se nouerunt hostias offerre non posse, si operi seruiant coniugali.

Idē Apo-
logia ad-
uer. Iouin.

Ac rursùm: Si laicis imperatur, vt propter orationem abstineant se ab vxorum coitu, quid de Episcopo sentiendum est, qui quotidie pro suis populiq; peccatis, illibatas Deo oblaturus est victimas? Relegamus Regum libros, & inueniemus sacerdotem Abimelech de panibus propositionis noluisse prius dare Dauid & pueris eius, nisi interrogaret, vtrum mundi essent pueri à muliere: non utique aliena, sed coniuge. Et nisi eos audisset ab heri & nudius tertius vacasse ab opere coniugali, nequaquam panes, quos prius negauerat, concessisset. * Tamen interest inter propositionis panes & corpus CHRISTI, quantum inter vmbra & corpora, inter imaginem & veritatem, inter exemplaria futurorum, & ea ipsa, quæ per exemplaria præfigurabantur.

Idē epist.
ad Tit. c.
1.

Eodem spectat & illud: Apostoli, vel virgines, vel post nuptias continentes, Episcopi: presbyteri, diaconi, aut virgines eliguntur, aut vidui, aut certè post sacerdotium in æternum pudici.

Idē Apost.
cit.

ILLVD quoquē: Quid facient Orientis Ecclesiæ? Quid Aegypti & sedis Apostolicæ, quæ aut virgines clericos accipiunt, aut continentes: aut si vxores habuerint, mariti esse desistunt?

Idem ad-
uer. Vigil.

Conuentus ad sacrificium festis diebus etiam
martyrum.

Ooo 2

DICAT

DICAT aliquis: (inquit) Si dies obseruare non licet, & menses & tempora & annos, nos quoquē simile crimen incurrimus, quartam sabbati obseruantes, & parasceuen, & diem Dominicam, & ieiunium Quadragesimæ, & Paschæ festiuitatem, & Pentecostes lætitiā, & pro varietate regionum, diuersa in honorem martyrum tempora constituta. Ad quod qui simpliciter respondebit, dicet: nō eosdem Iudaicę obseruationis dies esse, quos nostros. Nos enim nō azymorum Pascha celebramus, sed resurrectionis & crucis. Nec septem iuxta morem Israel numeramus hebdomadas in Pētecoste, sed spiritūs sancti veneramur aduentum. Et nē inordinata congregatio populi fidem minueret in Christo, propterea dies aliqui cōstituti sunt, vt in vnum omnes pariter veniremus. Non quō celebrior sit dies illa qua conuenimus: sed quō, quacunq; die conueniendum sit, ex conspectu mutuo lætitiā maior oriatur. Qui verō oppositæ quęstioni acutiùs respondere conatur, illud affirmat: oēs dies æquales esse, nec per parasceuen tantum Christum crucifigi, & die Dominica resurgere: sed semper sanctum resurrectionis esse diem, & semper eum carne vesci Dominica. Ieiunia autem, & congregationes inter dies, propter eos à viris prudentibus constitutos, qui magis seculo vacant, quàm DEO: nec possunt, immò nolunt, toto in Ecclesia vitæ suæ tempore congregari, & ante humanos actus, Deo orationum suarum offerre sacrificium. Quotus enim quisque est, qui saltem hæc pauca quę statuta sunt, vel orandi tempora, vel ieiunandi, semper exerceat? Itaque sicut nobis licet vel ieiunare semper, vel semper orare, & diem Dominicam, accepto DOMINI corpore, indefinenter celebrare gaudentibus: non ita & Iudæis fas est omni tempore immolare agnum, Pentecosten agere, tabernacula figere, ieiunare quotidie.

Distinctus sacerdotum à laicis locus.

Idē l. 13. in
Ezech. c.
43.

FABRICATI sunt (inquit, verba Ezechielis explicans) limen suum,

suum iuxta limen meum, vt nihil interesset inter sacrum & prophanum: & postes suos iuxta postes meos, vt vnus laicorum & sacerdotum esset introitus. Vndè & Apostolus dicit: Probet autem se homo, & sic accedat ad corpus & sanguinem Domini. Et vt grauius faceret quod dicebat, sequentem iungit versiculum: Et murus erat inter me & eos: vt sacerdotalia sacrificia, & loca sacramentorum corporis & sanguinis Christi, breuissimus murus diuideret.

Statio diebus Dominicis & Paschali tempore.

MVLTA (inquit) quæ per traditionem in Ecclesijs obseruantur, auctoritatem sibi scriptæ legis vsurpauerunt, velut in lauacro tẽ caput mergitare: deindè egressos, lactis & mellis prægustare cõcordiam, ad infantie significationem: die Dominico, & per omnem Pentecosten, nec de geniculis adorare.

Idem ad-
uers. Lu-
cifer.

CVIVS traditionis rationem reddens alibi: Pentecosten, (inquit) tempus lætitiæ atque victoriæ, quo non genua flectimus, nec curuamur, sed cum Domino ad cælorum alta sustollimur.

Idẽ Pro-
log. in
Cõm. epi.
ad Ephes.

Alijs diebus genuflexio.

QVOTIDIE (inquit) in oratione flexis genibus loquor.

Idem ad
Abigañ.

Orationis, alię cęremoniæ.

AD orationem (inquit) asisto: non orarem, si non crederem: sed si verè crederem, illud cor quo Deus videtur, mundarem, manibus tunderem pectus, genas lachrymis rigarem, corpore inhorrescerem, ore pallerem, iacerem ad Domini mei pedes, eosq; fletu perfunderem, crine tergerem, hærerem certè trunco crucis, nec priùs dimitterem, quàm misericordiam impetrarem. Nunc verò creberrimè in oratione mea, aut per porticus deambulo, aut de scenore computo, aut abductus turpi cogitatiõe, etiam quę dictu erubescenda sunt, gero. Vbi est fides? sicine putamus orasse Ionam? sic tres pueros? sic Daniele inter leones? sic certè latronem in cruce?

Idem ad-
uers. Lu-
cifer.

Sacrificij ad altare celebratio.

000 3 QVAM-

Ibidem.

QVAMOBREM (inquit) oro te, vt aut sacrificandi ei licentiam tribuas, cuius baptisma probas : aut reprobas eius baptisma, quem non existimas sacerdotem. Neque enim fieri potest, vt qui in baptismo sanctus est, sit apud altare peccator.

Idem ad Rustic. monach.

H v c pertinet & illud: Ità age, & viue in monasterio, vt clericus esse merearis, vt adolescentiam tuam nulla forde commacules: vt ad altare CHRISTI quasi de thalamo virgo procedas.

Idem ad Oceanū.

H o c etiam: Heri catechumenus, hodiè Pontifex: heri in amphitheatro, hodiè in Ecclesia: vespere in circo, mane in altario: dudum fautor histrionum, nunc virginum consecrator.

Idem in Isai. c. 60. lib. 17.

ILLVD quoque: Quòd autem in Hebraico scriptum notauimus, Arietes Nabaioth ministrabunt tibi, & offerent super placabili altari meo: propriè super his intelligitur, qui de gentibus electi in sacerdotium, ministri sunt saluatoris.

Idque cum mundis & candidis vestimentis.

Idem lib. 1. adu. Pelag.

QVAE sunt, rogo, (inquit) inimicitiae contra Deum, si tunicam habuero mundiore: si Episcopus, presbyter, & diaconus, & reliquus ordo Ecclesiasticus, in administratione sacrificiorum candida veste processerint?

Ibi quotidiana sacerdotum oratio.

Idē cōtra eundē l. 2.

SACERDOTVM (inquit) quotidie ora concelebrant, ὁ μόνος ἀναμάρτητος, quod in lingua nostra dicitur: Qui solus est sine peccato. Quæ laus, iuxta sententiam tuam, frustra Deo reputatur, si est communis cum cæteris.

Concentus in Dei laudibus.

Idē ad Damasc. de duob. fil.

ΜΑΗΛΑΤΗ, inquit, chorus in vnum concinēs, dicitur. Μαλή autem quidam de Latinis, symphoniam putant esse genus organi, cum concors in Dei laudibus concentus, hoc vocabulo significetur. συμφωνία quippe, consonantia exprimitur in Latino.

Amen

Amen Concelebratio.

ROMANAE (inquit) plebis laudatur fides. Vbi alibi tanto studio & frequentia, ad Ecclesias & ad Martyrum sepulcra concurrunt? Vbi sic ad similitudinem celestis tonitru, Amen reboat, & vacua idolorum templa quatiuntur? Non quod aliam habeant Romani fidem, nisi hanc quam omnes Christi Ecclesie, sed quod deuotio in eis maior sit & simplicitas ad credendum.

Lectioes scripturarum.

QVID ministrum Christi, famulum tibi facis? ille in Ecclesia legit. Idem de vitando susp. cōt. bernio.

LECTIONES etiam à D. Hieronymo in vnum collectas, habes infra Tom. 2. in eiusdem Lektionario.

Alleluia.

ALLELUIA à D. Hieronymo in Ecclesiam Latinam introductum, habes suprà ex verbis ipsius & D. Gregorij I, dum D. Damasius meminimus. Idem Epist. ad Dam. Greg. epi. 62. ad Ioh. han. Syrac.

EODEM pertinet & illud: Hebræo, Græco, Latino, Syroque sermone, resonabāt Psalmi, & aurata tecta templorum, resonans in sublime quatiebat Alleluia. Hierō. in Epitaph. Fabiolæ.

ITEM quod Vigilantio inter cætera obijcit: Nunquàm, nisi in Pascha, Alleluia cantandum dicit. Idem adu. Vigil.

Lectio Euangelij per Diaconum.

EVANGELIUM (inquit) Christi quasi Diaconus lectitabas, Idem ad sabinianum Diac.

NAM & absque martyrum reliquijs (inquit) per totas Orientis Ecclesias, quandò legendum est Euangelium, accenduntur luminaria iam sole rutilante, non utiq; ad fugandas tenebras, sed ad signum lætitiæ demonstrandum. Idem adu. Vigil.

Offerendi mos ad altare.

SED alia, inquit, ut antè perstrinxi, monachorum est causa, alia clericorum. Clerici pascunt oues, ego pascor. Illi de altario viuunt, Idem ad Heliodorum. mihi

mihi quasi infructuosæ arbori, securis ponitur ad radicem, si munus ad altare non defero. Nec possum obtédere paupertatem, cum in Euangelio anum viduam duo, quæ sola sibi supererant, æra mittentem, laudauerit Dominus.

Idem ad Nepotiã. EODEM pertinet illud: Sed quasi Leuita & sacerdos viuo de decimis: & altari seruiens, altaris oblatione sustentor: habens victum & vestitum, his contentus ero: & nudam crucem nudus sequar.

Offerentium nomina, ad id vsque temporis publicata per Diaconum.

Idem in Hierem. ca. 11. lib. 2. AT nunc (inquit) publicè recitantur offerentium nomina, & redemptio peccatorum mutatur in laudem: nec meminerunt viduæ illius in Euangelio, quæ in gazophylacium duo æra mittendo, omnium diuitum vicit donaria.

Idem in Ezech. c. 18. lib. 6. ET rursùm: Publicè (inquit) diaconus in Ecclesijs recitat offerentium nomina: tantum offert illa, tantum ille pollicitus est, placentq; sibi ad plausum populi, torquente eos conscientia.

Catechumenorum exclusio, quam Marcion hæreticus improbabat.

Idem in c. 6. epist. ad Galat. l. 3. MARCION (inquit tractans illud, Communicet autem is qui catechizatur &c.) hunc locum ità interpretatus est, vt putaret fideles & catechumenos simul orare debere, & magistrum communicare in oratione discipulis: illo vel maximè elatus, quòd sequatur, in omnibus bonis: Cùm vtiq; si de oratione sermo fuisset, non debuerit ei p̄cipi, qui catechizatur: sed ei, qui se catechizat, id est, non discipulo, sed magistro.

Sanctus, sanctus, sanctus.

Idem prol. de 42. mansion. Hrs (inquit) duabus manibus, quasi duobus Seraphim, in confessionem sanctę Trinitatis erumpimus, dicentes: Sanctus, sanctus, sanctus, Dominus Deus Sabaoth.

Solennis oratio & imprecatio.

SA-

SACERDOTES quoque (inquit) qui Eucharistiæ seruiunt, & sanguinem Domini populis eius diuidunt, impiè agunt in legem Christi, putantes *ευχαριστιας* imprecantis facere verba, non vitam: & necessariam esse tantum solennem orationem, & non sacerdotum merita, de quibus dicitur: Et sacerdos in quo fuerit macula, non accedet offerre oblationes Domino.

Ac paulopost: Sacerdotes quoque, qui dant baptismum, & ad Eucharistiam Domini imprecantur aduentum, faciunt oleum Christomatis, manus imponunt, catechumenos erudiunt, Leuitas & alios constituunt sacerdotes.

Corporis & sanguinis Domini per sacerdotes confectio.

ABSIT (inquit) ut de his quicquam sinistrum loquar, qui Apostolico gradui succedentes, Christi corpus sacro ore conficiunt, per quos & nos Christiani sumus.

ITEM Epistola ad Euangelum: (sic enim MS. cod. pro Euangelium) Ad quorum preces Christi corpus sanguisque conficitur.

Ac rursum: Hilarius (siue Hilarus, ut MS. aliquot codices) quum Diaconus de Ecclesia recesserit, solusque, ut putat, turba sit mundi, neque Eucharistiam conficere potest, Episcopos & presbyteros non habens, neque baptisma sine Eucharistia tradere.

ET iterum: Quanto magis Pontifex & Episcopus, quem oportet esse sine crimine, tantarumque virtutum, ut semper moretur in sanctis: & paratus sit victimas offerre pro populo, sequester Dei & hominum, & carnes agni sacro ore conficiens, quia sanctum oleum Dei sui super eum est?

Christi quoque immolatio.

Hoc conuiuium (inquit) quotidie celebratur, quotidie pater filium recipit, semper Christus credentibus immolatur.

Orationis Dominicæ in sacrificio quotidiana recitatio.

Ppp

Sic

Idē in so.
phon. c. 3.

Idē epi. ad
Heliōd.

Idem ad
Euagr.
Idē cōtra
Lucifer.

Idē ad Fa-
biol. de
veste sa-
cerd.

Idem ad
Damaſc.
de duo-
bus filiis.

Idem lib.
3. adu.
Pelag.

Sic docuit (inquit) Apostolos suos, ut quotidie in corporis illius sacrificio credentes audeant loqui: Pater noster qui es in caelis, sanctificetur nomen tuum.

Lego: *
sumptioe

Ac paulo post: Panem quotidianum, siue super omnes substantias, venturum Apostoli deprecantur, ut digni sint * assumptione corporis Christi.

Et rursus: De baptismatis fonte surgentes, & regenerati in Dominum Salvatorem, impleto illo, quod de se scriptum est: Beati quorum remissae sunt iniquitates, & quorum tecta sunt peccata: statim in prima corporis communione Christi dicunt, Et dimitte nobis debita nostra.

Corporis Domini administratio & sumptio

Idem adu.
Lucifer.

EPISCOPI (inquit) est, corpus Domini ad tractare, & de sublimi loco Eucharistiam ministrare populo.

Idem contra
Iovin. l. 2.

EODEM pertinet illud: Quasi non & nos Christi corpus aequaliter accipiamus. Vna est in mysterijs sanctificatio domini & serui, nobilis & ignobilis, regis & militis: quanquam pro accipientium meritis, diuersum fiat quod vnum est. Qui enim indignè manducauerit & biberit, reus erit violati corporis & sanguinis Christi.

Manuum extensio & osculum in com-

munionem.

Idem ad
Theoph.
Alexandr.

QUISQUAMNE tibi (inquit) inuitus communicat? Quisquamne extensa manu vertit faciem, & inter sacras epulas, Iudae osculum porrigit?

In communicatione responsio,

Amen.

Ibid. paulo
ante.

Si munera (inquit) nostra absque pace offerre non possumus, quanto magis & Christi corpus accipere? Qua conscientia ad Eucharistiam Christi accedam, & respondebo, Amen, quum de caritate dubitem porrigentis?

Benedictio sacerdotis.

SE

Si presbyter, (inquit, tractans de sacris ordinibus) Christum cōsecrat, cū in altario Dei sacramenta benedicat: benedicere populo nō debet, q̄ Christum etiam meruit cōsecrare? Ac paulopōst: Hoc in Ecclesijs tuis faciant, quod Romæ, siue quod in Oriēte, quod in Italia, quod in Creta, quod in Cypro, quod in Africa, quod in Illyrico, quod in Hispania, quod in Britannia, quod etiam ex parte per Gallias, quod in omnibus locis ubi humilitas perseverat.

Idē epist.
ad Rustic.
Narbon.

QVEM locum tanquā ipsius scētum genuinum, in hæc verba citat Micrologus: Beatus Hieronymus, sanctæ Romanæ Ecclesiæ Cardinalis presbyter, qui sub beato Damaſo, & post ipsum vsq; ad Sixtum successorem eius, Ecclesiasticis institutis inuigilauit: ipse, inquam, Rustico Narbonensi Episcopo, de Ecclesiasticis Ordinibus scribens, presbyteros à benedictione super populum, non prohibendos esse asserit.

Microlog. de
diuin. ob-
seru. c. 21.

Sacrificia diei Dominici.

QVOD si idē (inquit libi D. Hieron.) vigilas in Basilicis martyrum existiſas respuēdas, nē sæpē videamur Pascha celebrare, & non solennes post annum exercere vigilas: ergo & die Dominico non sunt Christo offerēda sacrificia, nē resurrectionis Domini crebrō pascha celebremus, & incipiamus non vnum Pascha habere, sed plurima.

Hieron.
adu. Vi-
gilant.

Oblatio in reconciliatione Pœnitentium.

SACERDOS quippe (inquit idem alio loco) pro laico offert oblationem suam, imponit manum subiecto, reditum sancti spiritus inuocat: atq; ita eum qui traditus fuerat satanæ in interitū carnis, vt spiritus saluus fieret, indicta in populum oratiōe, altario reconciliat, nec prius vnum membrum restituit sanitati, quā omnia simul membra confluerint.

Idē adu.
Lucifer.

D. EXUPERII THOLOSÆ EPISCO-
PI SACRAMENTORVM AD-
MINISTRATIO.

Ppp 2 QVI

Hieron.
Prolog. in
Zachar.

QVI Pontifex (inquit, ad eum scribens, D. Hieron.) Domini es, & calcas in fine mundi torcularia, vt sitientibus populis sanguinis Christi vinum tribuas.

Idem ad
Rustic.
monach.

EODEM pertinet illud de eodem, persecutionis Vandalorum siue Gothorum tempore: Nihil illo ditius, qui corpus Domini vimineo canistro, sanguinem portat in vitro.

D. NEPOTIANI PRESBYTERI MINISTERIVM CHRISTI.

In ministerio certæ tunicæ vsus.

Idē in epi-
taph. Ne-
pot.

QVIS (inquit idem D. Hieron.) crederet in tali illum tempore nostræ necessitudinis recordari, & luctante anima, studiorum scire dulcedinem? Adprehēsa auunculi manu, hanc, inquit, tunicam, qua utebar in ministerio Christi, mitte dilectissimo mihi, & tate patri, fratri collegio.

Altaris, velorum, sacrarum, vasorum vsus, & ornatus basilicarum.

ERAT ergo sollicitus, (inquit idem) si niteret altare, si parietes absq; fuligine, si paumēta tersa, si ianitor creber in porta, vela semper in ostijs, si sacrarium mundum, si vasa luculenta, & in omnes ceteronias pia sollicitudo disposita: non minus, non maius negligebat officium: vbicunq; eum quēres, in Ecclesia inuenires.

Ac paulopost: Basilicas item Ecclesiæ, & martyrum conciliabula, diuersis floribus & arborum comis, vitiumq; pampinis adumbravit: vt quicquid placebat in Ecclesia, tam dispositione quàm visu, presbyteri laborem & studium testaretur.

GETARVM RELIGIO IN CIRCVNFERTENDIS ECCLESIA RVM TENTORIIS.

Idē Epist.
ad Lztā.

GETARVM (inquit idem D. Hieron.) rutilus & flauus exercitus, Ecclesiarum circūfert tentoria, & idē forsan cōtra nos æqua pugnat acie, quia pari religione confidunt.

RV.

RVFINI AQVILEIENSIS PRESBY-
TERI SACRIFICIA.

Quotidiana sacrificia.

LATIBVLVM (inquit, psalmi locum explicans) suum ^{Rufin.} tenebras posuit, quia celeste suum sacramentum nobis in ^{com. in} obscuracione constituit. Hinc est, quod sacramentum corporis & ^{Psal. 17.} sanguinis Christi quotidie tractamus: nec tamen lucem, nec gloriam eius, quam fide credimus, oculis adhuc videre valemus. ^{Idem in}

EODEM & illud pertinet: Parua (inquit) erat Ecclesia, cum in vna gente tantum, id est, in Iudea notus erat Deus. Modò magna est, quia toto terrarum orbe diffusa: in ea quotidie laudes Deo referuntur, vota & sacrificia persoluntur: non in abscondito, propter timorem persequentium: sed in manifesto, in conspectu credentium. ^{Psal. 21.}

ITEM illud: Vnde & laudes & sacrificia non cessat celebrare Ecclesia. ^{Idem in} ^{Psal. 26.}

In ijs adoratio.

IN eo (inquit alibi) quod ait, Vniuersi fines terrarum: & Vniuersae familiae gentium: insinuat, in omni parte mundi, & in omni gente coli & adorari Dominum. ^{Idem in} ^{Psal. 21.} Preuidebat vir sanctus futurum, quod nos modò videmus adimpletum.

Ac paulopost: Gustauerunt & probauerunt, quoniam suavis est Dominus, & ideo adorauerunt. ^{Ibid.}

CONCILII CARTHAGINIENSIS, QVOD VOCANT, CIRCA SACRIFICIVM CANONES.

Aeta huius Synodi post Consulatum Stiliconis XVI. Cal. Iulias, & sub Vincentio ac Frauita Consulibus, (qui idem annus est) idibus septembris satis testatur, eodem tempore publicatos esse Canones illos, qui titulo Concilij V. Carthaginensis sunt editi, & pro iisdem habendos: quare & nos hic simul, tanquam eiusdem Concilij, citauimus.

Diebus Paschae, Dominicis, & alijs celebribus spectacula conuentum Ecclesiae non impediunt.

Ppp 3

NEC

Concil.
Afric. c. 28
Balsam.
cōcil. Car.
thag. c.
64.

NEC NON & illud petendum (inquiunt Patres in Actis eius Synodi, vt in Concilio Africano & apud Balsamonē recitantur) vt spectacula theatrorum cæterorumq; ludorum, die Dominica vel cæteris religionis Christianæ diebus celeberrimis amoueantur, maximè, quia sancti paschæ octauarum die populi ad circum magis, quàm ad Ecclesiam conueniunt.

Non recitetur Episcopi nomen inter sacerdotes, qui Ecclesiæ hæredes extraneos vel hæreticos seu paganos prætulerit.

Cōc. Afri. **I**TEM constitutum est (inquiunt Patres eiusdem synodi) vt si quis Episcopus hæredes extraneos à consanguinitate sua, vel hæreticos etiam consanguineos aut paganos, Ecclesiæ prætulerit, saltem post mortem anathema ei dicatur, atq; eius nomen inter Dei sacerdotes nullo modo recitetur.

Altaria, in quibus nullæ sunt conditæ martyrum reliquiæ, ab Episcopis euertantur.

Cōc. Cart. **I**TEM placuit (inquiunt iidem, tum locis citatis, tum in ipsis qui extant Canonibus eius Concilij titulo) vt altaria, quæ passim per agros & per vias, tanquàm memoriæ martyrum constituuntur, in quibus nullum corpus aut reliquiæ martyrum conditæ probatur, ab Episcopis, qui locis eisdem præfunt, si fieri potest, euertantur. Si autem hoc per tumultus populares non finitur, plebes tamen admoneantur, nè illa loca frequentent, vt qui rectè sapiunt, nulla ibi superstitione deuinci teneantur. Et omninò nulla memoria martyrum probabiliter acceptetur, nisi vbì corpus aut aliquæ reliquiæ sunt, aut origo alicuius habitationis, aut possessionis, aut passionis fidelissima origine traditur. Nā quæ per somnia & per inanes quasi reuelationes quorumlibet hominum ubicunquè cōstituuntur altaria, omni modo reprobentur.

GREGORII CORDVBENSIS EPISCOPI MISSAE QVOTIDIANAE.

THEO-

THEODOSIVS (inquit Vvalafridus* Strabo) religio-
sus imperator, laudauit Gregorium Cordubensem Episco-
pum, quòd omni die Missas explicans, eorum martyrum quorum
Natalitia essent, nomina plura commemoraret.

Vvalafr.
Strab. de
reb. Eccl.
c. 28.

D. INNOCENTII PAPAE ROMANI
XLI. DECRETA CIRCA MYSTE-
RIORVM CONFECTIO-
NEM.

In conficiendis mysterijs instituta Apostolorum & Roma-
nae Ecclesiae seruanda.

SI instituta (inquit D. Innocentius ad Decennium Eugubinū
Episcopum) Ecclesiastica, vt sunt à beatis Apostolis tradita, in-
tegra vellent seruare Domini sacerdotes, nulla diuersitas, nulla va-
rietas in ipsis ordinibus & consecrationibus haberetur. Sed dum
vnusquisq;, non quod traditum est, sed quod sibi visum fuerit, hoc
æstimat esse tenendū, indè diuersa in diuersis locis vel ecclesijs aut
teneri, aut celebrari videntur; ac fit scandalū populis, qui dum ne-
sciūt traditiones antiquas, humana præsumptione corruptas, putāt
sibi aut Ecclesias nō conuenire, aut ab Apostolis vel ab apostolicis
viris contrarietate inducā. Quis enim nesciat, aut nō aduertat, id,
quod à principe Apostolorū Petro Romanæ Ecclesie traditū est,
ac nunc vsq; custoditur, ab omnibus debere seruari, nec superindu-
ci aut introduci aliquid, quod aut autoritate non habeat, aut aliū-
dè accipere videatur exemplū? præsertim cū sit manifestū, in oēm
Italiā, Gallias, Hispanias, Aphricā atq; Siciliā, insulasq; interiacētes,
nullum instituisse Ecclesias, nisi eos, quos venerabilis Apostolus
Petrus aut eius successores, constituerint sacerdotes? Aut legant,
si in his prouincijs alius Apostolorum inuenitur aut legitur do-
cuisse. Quod si non legunt, quia nusquam inueiunt: oportet eos
hoc sequi, quod Ecclesia Romana custodit, à quā eos principium

Innocent.
I. init. E-
pist. 1.

acce-

accepisse, non dubium est, nè, dum peregrinis assertionibus studet, caput institutionum videantur omittere. Sæpè dilectionem tuam ad urbem venisse, ac nobiscum in Ecclesia cōuenisse, & quem morem vel in consecrandis mysterijs, vel in ceteris agendis arcanis teneat, cognouisse, dubium non est. Quod sufficere in informationem Ecclesiae tuæ vel reformationem (si præcessores tui minus aliquid, aut aliter tenuerunt) satis certum habere, nisi de aliquibus consulendos non esse duxisses. Quibus idcirco respondemus, non quòd te aliqua ignorare credamus, sed vt maiori autoritate vel tuos instituas, vel si qui à Romanæ Ecclesie institutionibus errant, aut commoneas, aut indicare non differas, vt scire valeamus, qui sint, qui aut nouitates inducūt, aut alterius Ecclesie, quàm Romanæ, existimant consuetudinem esse seruandam.

Pax indicenda non ante, sed post, confecta mysteria.

Ibid. c. 1. **P**ACEM ergò (inquit ibidè) asseris ante confecta mysteria quosdam populis imperare, vel sibi inter sacerdotes tradere: cum post omnia, quæ aperire non debeo, pax sit necessariò indicenda, per quam constet, populum ad omnia, quæ in mysterijs aguntur, atq; in Ecclesia celebrantur, præbuisse consensum, ac finita esse, pacis concludentis signaculo demonstrantur.

* Strabi: **E**O DEM pertinet illud de ipso, Vvalafridi * Strabonis: Pacem ante communionem dari, Innocentius papa decretis suis instituit: scilicet, vt quod in oratione sancta sub sponsione remissionis præmittimus, pacatos nos ipso opere demonstramus.

Microlog. c. 18. **Q**UOD paucis repetitur à Micrologo & Mariano Scoto, Sigeberto, ac Martino Polono in Chronicis, item Radulpho Tungrēsi, de canon. obseru. c. vlt.

Nomina recitanda non ante precem sacerdotis, sed inter ipsa mysteria.

Innocent. ibid. c. 2.

DE nominibus autem (inquit loco citato D. Innocentius) recitandis

citandis antequàm precem sacerdos faciât, atq; eorum oblationes, quorû nomina recitanda sunt, sua oratione commendet: quàm superfluum sit, & ipse pro tua prudentia recognoscis, vt, cuius hostiâ necdûm Deo offeras, eius antè nomen insinues, quanuis illi incognitum sit nihil. Priùs ergò oblationes sunt cõmendandę, ac tunc eorû nomina, quorum sunt oblationes, edicēda: vt inter sacra mysteria nominentur, non inter alia, quæ antè præmittimus, vt ipsis mysterijs viam futuris precibus aperiamus.

Biduo ante Pascha sacramenta non celebranda.

CONSTAT, (inquit ibidẽm) Apostolos biduo isto & in mæro- Ibid. c. 4.
re fuissẽ, & propter metum Iudeorû se occuluisse. Quod vtiquẽ nõ dubiũ est, intantũ eos ieiunasse biduo memorato, vt traditio Ecclesię habeat, isto biduo sacramenta penitus non celebrari.

QVEM locum, vt probent Ecclesię adhuc hodiẽ obseruatam consuetudinem de feria 6. passionis Domini, qua consecratio nulla fit, sed solo corpore communicat sacerdos à præcedente die reseruato: citant Alcuinus de diuinis offic. pag. 57. Amalar. l. 1. c. 53. & l. 4. c. 20. ac Hrabanus de instit. cleric. l. 2. c. 27.

Consecrata Episcopi oblatio, quam fermentum nuncupabant, solis mittatur presbyteris ciuitatis.

DE fermento verò (inquit idẽm) quod die Dominica per ti. Ibid. c. 5.
tulos mittimus, superfluẽ nos consulere voluisti, cùm omnes Ecclesię nostrę intrã ciuitatem sint constitutæ. Quarum Presbyteri, quia die ipsa propter plebem sibi creditam, nobiscum conuenire non possunt, idcirco fermentum, à nobis confectum, per acolytos accipiunt, vt se à nostra communione, maximẽ illa die, nõ iudicent separatos. Quod per parochias fieri debere non puto, quia nec longẽ portanda sunt sacramenta: nec nos per cœmeteria diuersa constitutis presbyteris destinamus, quum ipsi presbyteri eorum conficiendorum ius habeant atq; licentiam.

QVOD quid sibi velit, & hîc & suprà in decretis Syricij & Mel- Auth. in
cert. de di.
uif. off. l. 1.

Q q q

chiadis

chiadis Pontificum, interpretatur Author quidam incertus MS. librorū quinq; apud doctis. virum Melchiorē Hittorpiū: Legitur (inquit) constituisse S. Syricus Papa, vt nullus Presbyter Missas celebraret per omnem hebdomadam nisi consecratum episcopi loci designati susciperet declaratum, quod nominatur fermentū: iuxta quod B. Melchiales Papa primū fecit oblationes cōsecratas ab Episcopis, propter hereticos per Ecclesias dirigi, quæ certi gratia mysterij declaratur sub nomine fermenti. Dñs em̃ & saluator noster docet cauendū esse à fermento pharisæorū, quod Euangelista exponit, doctrinā esse & traditiones eorū, dicēs eos sine causā colere Deum, docētes doctrinas & mandata hominū. Qui cū negligent azyma synceritatis & veritatis ritē comedere in noua cōspersione, qua per nouitatē fidei vnus panis & vnū corpus multi dicimur existere: nesciunt forsītā discernere vetus fermentū, quod dicit Apostolus esse fermentū malitiæ & nequitie. Propter hanc igitur heresim pharisæorum, qui dicuntur diuisi, ab vnitatē s. ordinis Ecclesiastici, siue propter communionē episcoporum, qua significatur debere presbyter perseuerare in doctrina Apostolorū atq; Apostolicorū virorum, quorum successores sunt Episcopi: ppter hæc, inquit, iubetur, sicut in libro de gestis pōtificialibus legitur, vt nullus presbyterorū Missas celebrare præsumat per omnem hebdomadā, nisi consecratum Episcopi loci designati suscipiat declaratū, quod nominatur fermentum. Hinc etiam S. Papa Innocētiū scribens ad Decentium Episcopum: De fermento, inquit, quod die Dominico per titulos mittimus &c.

Sacerdotibus etiam à proprijs vxoribus abstinentum propter quotidiana sacrificia.

Idem Innocent.
epist. 2. ca.
9.

Præterea (inquit idē D. Innocent. scribēs Victicio Rothomagensi Episcopo) quod dignū & pudicū & honestū est, tenere Ecclesia omnimodò debet, vt sacerdotes & Leuitæ cum vxorib⁹ suis nō coeāt, quia ministerij quotidiani necessitatibus occupātur, Scriptū est

est enim: Sancti estote, quoniam & ego sum sanctus, Dñs Deus vester. Leuit. 11.
g. & 20, b.
 Nā si priscis tēporibus, de tēplo Dei sacerdotes anno vicis suæ non
 discedebāt, sicut de Zachar. legimus, nec domum suā omninò tā- Luc. 1.
 gebant, quibus utique propter sobolis successionē vxorius vsus fue- Leuit. 21. c.
Num. 18.
 rat relaxatus, quia etia tribu, & præterq̃ ex semine Aaron, ad sa-
 cerdotiū nullus fuerat præceptus accedere: quanto magis hi sacer-
 dotes vel Leuitæ pudicitia ex die ordinationis suæ seruare debēt,
 quibus vel sacerdotiū, vel ministeriū sine successione est, nec præ-
 terit dies, qua vel à sacrificijs diuinis, vel à baptismatis officio va-
 cēt? Nā si B. Apostolus Paulus ad Corinth. scripsit, dicēs: Abstinete 1. Corin. 7.
 vos ad tēpus, vt vacetis orationi, & hoc utique laicis præcepit: mul-
 to magis sacerdotes, quibus & orandi & sacrificandi iuge officium
 est, semper debebunt huiusmodi cōsortio abstinere. Quòd si cōta-
 minatus fuerit carnali cōcupiscentia, quo pudore sacrificare vsur-
 pabit? aut qua conscientia, quo ve merito exaudiri posse se credit,
 quum dictū sit, Oīa munda mundis, coinquinatis aut & infidelib' Tit. 1.
 nihil mundum? Sed fortè licere hoc credit, quia scriptū est, Vnius 1. Tim. 3.
 vxoris virum. Non permanentē in concupiscētia generandi, dixit,
 sed propter futuram cōtinentiam. Neq; enim integros corpore nō Tit. 1.
Rom. 8.
 admisit, qui ait: Vellem autem omnes sic esse, sicut & ego.

Alio quī omni Ecclesiastico honore priuentur.

Proposuiſti (ingr̃ idē D. Innocēt. epist. ad Exuperiū Tholofanū Idē epist.
3. c. 1.
 Episcopū) quod de his obseruari debeat, quos in diaconi ministe-
 rio, aut in officio presbyteri positos, incōtinentes esse aut fuisse, ge-
 nerati filij, p̃diderunt. De his & diuinarū legum manifesta est di-
 sciplina, & beatæ recordationis viri Syricij Episcopi monita eui-
 dentia cōmeârunt, vt incontinentes, in officijs talibus positi, omni
 Ecclesiastico honore priuarētur, nec admitterētur accedere ad mi-
 nisteriū, qđ sola cōtinentia oportet impleri. Est em̃ vetus admodū
 sacre legis autoritas, iam indē ab initio custodita, quòd in templo Luc. 1.
 anno vicis suæ habitare præcepti sunt sacerdotes, vt seruiētes sacris

Qq q 2 obla-

- oblationibus, puros & ab omni labe purgatos, sibi vendicent diuina ministeria,, neque eos ad sacrificia sibi sit admitti, qui exercent
- Leuit. 11.** vel cum vxore carnale consortium, quia scriptum est: Sancti
g. & 20. b. estote, quia & ego sanctus sum, Dominus DEVS vester. Quibus utique propter sobolis successione[m] v[est]ris vsus fuerat relaxatus, quia ex alia tribu ad sacerdotium nullus fuerat praeceptus
- Num. 18.** accedere: quanto magis hi sacerdotes vel Leuitae pudicitiam ex die ordinationis suae seruare debent, quibus vel sacerdotium, vel ministerium sine successione est, nec preterit dies, qua vel à sacrificijs diuinis, vel à baptismatis officio vacent? Nam si B. Paulus
- 1. Corin. 7.** Apostolus ad Corinthios scribit, dicens: Abstinete vos ad tempus, ut vacetis orationi: & hoc utique laicis praecepit: multo magis sacerdotes, quibus & orandi & sacrificandi iuge officium est, semper debebunt ab huiusmodi cōsortio abstinere. Qui si cōtaminatus fuerit carnali concupiscētia, quo pudore vel sacrificare vsurpabit? aut qua conscientia, quo ve merito exaudiri se credit, quū dictum sit, Oīa munda mūdis, coinquinatis aut & infidelibus nihil mundum? Sed
- 1. Tim. 3.** fortassē hoc licere credit, quia scriptū est, vnus vxoris virū. Nō de
Tit. 1. permanēte in concupiscētia generandi, hoc dixit, sed propter cōtinentiam futurā. Neq; enim integro corpore non admisit, qui ait:
- 1. Corin. 7.** Vellem autem vos sic esse, sicut & ego. Quod & apertius declarat, dicens: Qui aut in carne sunt, Deo placere nō possunt. Vos aut iam nō estis in carne, sed in spiritu. Et, Habentem filios: non, generantem, dixit. Sed ea planē dispar & diuersa sentētia est. Nam si ad aliquos forma illa Ecclesiasticę vitę, pariter & disciplinę, quę ab Episcopo Syricio ad prouincias cōmeauit, non probabitur peruenisse: his ignorationis venia remittitur, ita ut decetero penitus incipiāt
- *retineāt. abstinere. Et ita gradus, in quibus inuēti fuerint, sic * retinent, ut eis nō liceat ad potiora cōscendere. Quibus in beneficio esse debet, quod huncipsum locū, quem retinēt, non amittūt. Si qui aut scisse formā viuēdi, missam à Syricio, detegētur, neq; statim cupiditates
- libi.

libidinis abieciſſe, illi ſunt modis omnibus ſubmouendi, quia poſt admonitionē cognitā, præponendam arbitrati ſunt voluptatem.

EODEM pertinet illud eiſdem ad Maximum & Seuerum de Idē epi. 3. ijs, qui in ſacerdotio filios procreârūt: Eos qui talia perpetrâſſe dicuntur, iubebitis in medio collocari: diſcuſiſſique obiectionibus, quæ iſis præbyteris impinguntur, ſi conuicti fuerint, à ſacerdotali remoueantur officio: quia ſi ſancti non ſunt, ſancta tractare non poſſunt, atque alieni efficiantur à miniſterio, quod viuendo illi- citè polluerunt.

In aliena parochia, inconſulto eiſ loci Epiſcopo, nè Epiſcopus quidem diuina myſteria celebret.

NOMENTANAM (inquit idem ad Florentium Tiburtinenſem Epiſcopum) ſiue Felicientem parochiam, ad ſuam diceceſim à maioribus pertinentem, inuaſiſſe te, atque illic diuina celebrâſſe myſteria, inconſulto eodem ac neſciente, non ſine dolore conqueſtus eſt. Quod ſi verum eſt, non leuiter te culpam incurriſſe cognoſcas. Idē epi. 3.

Communibus orationibus plùs ſtudendum, quàm priuatis.

QVIA (inquit epiſt. ad DD. Aurelium & Auguſtinum) communibus & alternis plùs agimus orationibus, quàm priuatis. Idē epi. 10.

DE quo eiſ loco ſic Micrologus & poſt eum Radulphus Tugrenſis. Sunt & aliæ (inquit) multæ orationes, quas quidam ad pacem & communionem priuatim frequētant, ſed diligentiores antiquiorum traditionum obſeruatores, nos in huiusmodi priuatis orationibus breuitati ſtudere docuerunt, potiusque publicis precibus in officio Miſſæ occupari voluerunt. Nam beatus Innocentius Papa, ſcribens ſancto Auguſtino & Aurelio epiſcopis, aſſerit qd plùs communibus & publicis, quàm ſingularibus & priuatis orationibus, proficere poterimus. Microl. de eccl. obſer. cap. 18. Radulph. ca. vlt.

Qqq 3 Laica

Laica tantum tribuatur communio clericis ab hæresi redeuntibus.

Idē epist. 22. ca. 4. NOSTRAE verò lex est Ecclesiæ, (inquit idem ad Episcopos Macedoniæ) venientibus ab hæreticis, qui tamen illic baptizati sint, per manûs impositionem laicam tantum tribuere communionem, nec ex his aliquem, in clericatûs honorem vel exiguum subrogare.

Presbyterorum officium, sacramenta conficere, populis distribuere, & Missas complere, secundum consuetudinem.

Ibid. ca. 5. NUNC illud, (inquit ibidem) quod superest, interrogo, quum se presbyterum à Bonoso confideret ordinatum, si non sacramenta confecit, si non populis distribuit, si non Missas secundum consuetudinem compleuit.

Sub hoc primum Pōtifice contigisse hoc concilium, satis patet ex epist. Innocentij 24. ad Synodum Toletanam: quam contigisse verisimile est St. Ilicone 11. & Antonino cons.

CONCILII TOLETANI I. DE SACRIFICIO CANONES.

Pœnitentes nō admittantur ad id officij, vt Apostolum aut Euangelium in Ecclesia legant.

Concil. Tolet. 1. can. 2. ITEM placuit, (inquiunt huius Concilij Patres) vt pœnitentes non admittantur ad clerum, nisi tantum si necessitas aut vsus exegerit: & tunc inter Ostiarios deputentur, vel inter Lectores, ita vt * epistolâ Euangelia aut * Apostolum non legant.

Immò Diaconi post pœnitentiam sacra tractare non permittuntur.

Ibidem. SI autem antè (inquiunt) ordinati sunt Diacones, inter subdiacones habeantur, ita vt manum non imponant, nec sacra contingant.

Sacrificio quotidiano intersint omnes clerici.

Ibid. cā. 5. PRESBYTER (inquiunt) vel diaconus, vel subdiaconus, vel quilibet Ecclesię deputatus clericus, si intrâ ciuitatem fuerit, vel in loco, in quo Ecclesia est, aut castella, aut vici sunt, aut villæ, si ad Ecclesiam,

clesiam, aut ad sacrificium quotidianum non venerit, clericus non habeatur: si castigatus, per satisfactionem veniam ab episcopo noluit promereri.

Nunquam communicantes, abstineantur.

DE his (inquiunt) qui intrant in Ecclesiam, & deprehenduntur ^{Ibidem} nunquam communicare, ad moneantur. Quod si non communi- ^{ca. 13.} cant, ad poenitentiam accedant. Si communicant, non semper abstineant. Si non fecerint, abstineantur.

Accepta à sacerdote Eucharistia si quis non sumpserit, appellatur.

SI quis autem (inquiunt) acceptam à sacerdote Eucharistiam non ^{Ibidem} sumpserit, velut sacrilegus propellatur. ^{ca. 14.}

CONCILII CVIVSDAM CAR- ^{Contigit hoc Concilium Honor. VII. & Theodos. II. Cons. quod plenarium fuit totius Africae.} THAGINIENSIS CANON. DE PRECIBVS ET PRAEFATIONIBVS ADPROBATIS.

PLACUIT (inquiunt Patres, ut citatur hic Canon in Africa- ^{Afric. concil. ca. 70.} no Concilio & apud Balsamonem) hoc, ut preces quae probatae ^{Balsam. Carthag. Concil. ca. 106.} fuerint in Concilio, siue Praefationes, siue commendationes, seu manus impositiones, ab omnibus celebrerentur: nec aliae omnino contra fidem proferantur, sed quaecumque cum prudentioribus fuerint collatae, dicantur. Quem sane Canonem tanquam etiam Carthaginensis Concilij citat Valafrid. Strabus de rebus Eccl. c. 22.

ALARICI GOTTHORVM REGIS, IN VRBIS ROMAE EXPVGNATIONE, ERGA ECCLESIAS ET VASA SACRA REVERENTIA.

Adest (inquit Paulus Orosius) Alaricus, trepidam Romam obsider, tur- ^{Paul. Oros. l. 7. aduers. pag. c. 29.} bat, irrumpit. Dato tamen precepto prius, ut si qui in sancta loca, precipueque in sanctorum Apostolorum Petri & Pauli basilicas confugissent, hos in primis inuiolatos securosque esse sineret. et paulopost: Discurrentibus itaque per urbem barbaris, forte unus Gothorum, idemque potes & Christianus, sacram

sacram Deo virginem iam ætate prouectam, in quadam ecclesia-
 stica domo reperit: cumq; ab ea aurum argentumque honestè ex-
 poscere, illa fidei constantia esse apud se plurimum, & mox pro-
 ferendum spondit, ac protulit. Dumque expositis opibus atto-
 nitum barbarum magnitudine, & pondere, ac pulchritudine, igno-
 * teneret, ta etiam vasorum qualitate * videret, virgo Christi ad barbarum
 ait: Hæc Petri Apostoli sacra ministeria sunt. Præsume, si audes:
 *intelligere de facto tu videris. Ego, quia defendere nequeo, * contendere nō
 audeo. Barbarus verò ad reuerentiam religionis, timore Dei & fi-
 de virginis motus, ad Alaricum hæc per nuncium retulit, qui con-
 tinuò reportari ad Apostoli basilicam vniuersa, vt erant, vasa im-
 perauit: virginem etiam, simulque omnes, qui se adiungerent,
 Christianos eodè cum defensione deduci. Ea domus à sanctis fe-
 dibus longo (vt ferunt) & medio interiectu vrbs aberat. Itaque
 magno spectaculo omnium, disposita per singulos singula, & super
 capita elata palam aurea atque argentea vasa portantur, exertis vn-
 dique ad defensionem gladijs, pia pompa munitur. Hymnis Deo
 Romanis barbarisq; concinentibus, publicè canitur. Personat latè
 in excidio vrbs salutis tuba, omnesque etiam in abditis latentes
 inuitat ac pulsat. Concurrunt vndique ad vasa Petri, vasa Christi:
 plurimi etiam pagani Christianis professione, si non fide, admiscē-
 tur: & per hoc tamen ad tempus, quo magis confundantur, eua-
 dunt. Quanto copiosius aggregantur Romani confugientes, tanto
 auidius circumfunduntur barbari defensores. O sacra & ineffabi-
 lis diuini iudicii discretio. O sanctum istud & salutare flumen,
 quod * parua exortum domo, dū tendit, oberrantes periclitantesq; animas in salutis sinum pia rapa-
 citate peruexit.

DONATISTARVM EPISCOPO-
 RV M SACRIFICIA.

SEB

SED iterum attendant, (inquit D. Augustinus, contra Parmeniani epistolam scribens) vtrum saltem Optatus habuerit aliquam maculam, aut aliquod vitium? Non vsque adeo cæci sunt, vt istius vitam omninò immaculatam, & omninò vitio carentem fuisse respondeant. Cur ergò accedebat dona offerre Deo, & ab eo cæteri coniunctis manibus accipiebant, quod maculosus & vitiosus obtulerat?

August.
cōt. Parm.
l. 2. c. 7.

ET rursùm contra literas Petiliani: Per hanc sententiam Apostolicam, Omnia munda mundis: etiam vos Optati (Gildonianum illum intelligere videtur) sacrificio non estis polluti, si facta eius displicebant vobis. Nam utiq; panis illius, luctus erat, sub cuius iniquitatibus Africa tota lugebat: sed panem luctus omnibus vobis communem esse, omnium vestrum malum schismatis facit.

Idē cōtra
Petil. lib.
2. ca. 52.

EODEM pertinet, quod toties Donatistis opponit cōmunia cū Catholicis sacramēta, vndē & fratres eos nuncupat D. Augustinus.

ET imprimis illud eiusdem: Pro infirmis, pro carnaliter sapientibus, pro animalibus & carnalibus, tamen pro fratribus nostris, eadem sacramenta celebrantibus, & si non nobiscum, eadem tamen vnū Amen respondētibus, & si non nobiscum, vnū tamē hortamur medullas charitatis vestræ, fundatis ad Deum preces pro eis.

Idem in
Psalm. 32.
concil. 2.
sub finē.

EODEM spectat illud, quod in collatiōe illa celeberrima Donatistarum cum D. Augustino, tanquā ipsi omnia essent & integra Ecclesiæ sacramenta, Catholicū id volebat nuncupare Gaudentius ipsorum Episcopus, quod sacramētis plenum est, vt ita suam Ecclesiam Catholicam faceret.

Acta Collationis
MS. apud
fr. Balduinum.
August.
epist. 49.

ILLUD item Patrum Cirthenis Cōcilij (quod perperam Zertēse inscribitur) post dictam collationem Cirthē in Numidia celebrati: Si verò id quod vobis pręstitit Deus, non contempseritis, & post causam tam diligēter actam, & tam diligēter manifestatā, peruersam cōsuetudinē relinquētes, paci Christi & vnitati cōsensēritis, de vestra correctione gaudebimus: & sacramēta Christi quę in

August.
Epist. 152.

R r r f a

facrilegio schismatis ad iudicium habetis, vtilia & salubria vobis erunt, cum in Catholica pace habueritis caput Christum, ubi charitas cooperit multitudinem peccatorum.

EORUNDEN CONTRA SACRIFICIA CATHOLICORVM, CALVMNIA.

Idē epist.
48. ad
Vincent.
Rogati.
stam.

QUAM multis (inquit idem D. August. de ijs loquens, qui à Donatistis seducti erant) aditum intrandi obserabant (sic enim lego, pro, obseruabant) rumores maledicorum, qui nescio quid aliud nos in altare Dei ponere iactitabant.

PAGANORVM ITEM ADVERSVS SACRIFICIVM CALVMNIA.

Idē adu.
Manich.
l. 20. c. 13.

QUOMODO ergo (inquit) comparas panem & calicem nostrum, & parem religionē dicis, errorē lōgē à veritate discretum: peius desipiēs, quā nōnulli, qui nos, propter panem & calicem, Cererē ac Liberum colere existimāt? Quod ideo commemorandum putauī, vt aduertatis, ex qua vanitate veniat etiam illud vestrum, quod propter sabbatū, Saturno dicatos fuisse patres nostros putatis. Sicut enī à Cerere & Libero Paganorū dijs lōgē absumus, quāuis panis & calicis sacramentū (quod itā laudāstis, vt in eo nobis pares esse volueritis) nostro ritu amplectamur: itā patres nostri longē fuerunt à Saturniacis catenis, quāuis pro tempore prophetiā, sabbati vacationem obseruauerint.

Cōtigit vtrunq; hoc
cōc. eodē tēpore, vt
ex eorū epist. & res
spōsis patet Innoc.
papae apud D. Aug.
ep. 90. 91. 92. & 93.

PATRVN CONCILII CARTHAGINENSIS CONTRA PELAGIVM ET CAELESTIVM, BENEDICTIONES ET PRECES SVPER POPVLVM.

Cōci. Carth.
thag. epi.
ad Innocē.
cēt. papā.

CONTRADICITVR etiam (inquiunt Epist. ad D. Innocēt. papam de Actis eius cōcilij scripta) istorū cōtentione Benedictionibus nostris, vt incassū super populum dicere videamur, quicquid eis à Dño precamur, vt rectē ac piē viuēdo illi placeant, vel

vel illa, quę pro fidelibus precatur Apostolus, dicēs: Flecto genua mea ad patrem Dñi nostri Iesu Christi, ex quo omnis paternitas in cælo & in terra nominatur, vt det vobis secūdum diuitias glorię suę, virtute corroborari per spiritum eius. Si ergo voluerimus benedicēdo super populum dicere, Da illi virtutē Dñe, corroborari per spiritum tuum, istorum nobis disputatio contradicit, adfirmans liberum negari arbitrium, si hoc à Deo poscitur, quod in nostra est potestate.

CONCILII MILEVITANI, IN NVMDIA CONTRA EOSDEM, CANON QVALIS SVpra, DE ORATIONIBVS SEV MISSIS ADPROBATIS.

PLACVIT etiā & illud, (inquiunt eius Cōcilij Patres) vt preces vel orationes, seu Missę, quę probatę fuerint in Cōcilio, siue Præfationes, siue commendationes, seu manūs impositiones, ab omnibus celebrentur. Nec alię omninō dicantur in Ecclesia, nisi quę à prudētioribus tractatę, vel comprobatę in Synodo fuerint, nē fortē aliquid contra fidem, vel per ignorantiam, vel per minus studium sit compositum.

Concil.
Mileu.
cap. 12.

QVI citatur non modō à Vvalafrido, etiam huius Cōcilij titulo, sed & à Micrologo ca. 5. Concilij Africanę Prouincię octauo titulo, alludens ad Africanorum Conciliorū Centonē Latinum, qui itā collectus videtur à quopiam eius ætatis Episcopo, sicuti à Martino Episcopo Bracarēsi Gręcorum Conciliorum Canones.

D. PAVLINI NOLANI EPISCOPI ARCANORVM DEI MINISTERIVM.

Ad sacerdotium initiatio.

Barchinone (inqt de se D. Paulinus) die Dñi quo nasci carne dignat' est, repētina (vt ipse testis est) vi multitudinis, sed credo ipsius

Paulin.
Nolan.
epi. 6. ad
seuerum.

R r r 2

ordi-

lego*cor-
reptus,

Mutilus
videtur
locus.

ordinatione * correctus, & presbyteratu initiatus sum. Fateor inuitus, non fastidio loci, (nam testor ipsum, quia & ab æditiui nomine & officio optaui sacram incipere seruitutē) sed vt aliò destinatus, alibi (vt scis) mente compositus & fixus, nouum insperatumq; placitum diuinę volūtatis expaui. Data igitur ceruice in iugū Christi, video maiora me meritis & sensibus opera tractare: iamq; arcanis & penetralibus Dei summi receptum & insertum communicare cęlestia, & Deo ꝑpius admotū in spiritu ipso Christi & corpore & splendore versari, vix adhuc intellectū sacre molis capio mentis angustijs, & onus muneris mei, conscius infirmitatis, horresco: sed is qui sapiētiam paruulis dedit, & ex ore infantium atq; lactētium ꝑficit laudem sibi, potēs est in me etiā opus suum perficere, & munus ornare, vt se dignum faciat, quem ab indigno vocauit. Scito tamen, voti communis, eodem Dño ꝑstante, saluam esse rationē. Nam ea cōditione in Barchinonenſi Ecclesia consecrari adductus sum, vt ipsi Ecclesię nō alligarer, in sacerdotium tantū Dñi, non etiam in locū Ecclesię, dedicatus. Veni igitur, si placet, ante Pascha, (quod nobis optatius est) vt sacras ferias, me sacerdote, concelebres.

Altaris Dei ministerium, & hostiæ immolatio.

Idē Epist.
4. ad A.
mandum.

PRAEVENI igitur (inquit alibi) à Dño, & apprehensi ab eo, quem necdūm apprehēdimus, deferuimus altario Dei, & mēsis salutaribus ministramus, iam nomine officioq; seniores, sensu adhuc paruuli, & sermone lactentes. Quod ministerium vt benè ministrē, & gradum bonū mihi acquiram, & sciam qualiter oporteat me in domo DEI conuersari, & tractare mysterium pietatis, tu dñe venerabilis & frater, & dñe in Christo, nobis ora Dominum.

Idē carm.
ad Cy-
ther.

ET alibi:

Tunc ambo nexi ad inuicē dexteras damus

In osculo pacis sacrae:

Et immolamus hostiam laudis Deo,

Gratesque Christo reddimus.

Ecclesiæ

Ecclesiæ vniuersę pro defunctis supplicatio.

D I V (inquit ad illum scribens D. Augustinus) sanctitati tuæ August. de
cura pro
mort, c. 1.
coëpiscopo & venerande Pauline, rescriptorum debitor fui, ex quo
mihi scripsisti per homines filię nostrę religiosissimę Florę, quæ-
rens à me, vtrũ pro sit cuiq; post mortem, quòd corpus eius apud
Sancti alicuius memoriam sepelitur. Hoc enim abs te vidua me-
morata petiuerat pro defuncto in eis partibus filio suo, & rescri-
pseras consolans eam, idq; etiam nuncians de cadauere fidelis iu-
uenis Cynegij: quod materno & pio affectu desiderauit, esse com-
pletum, vt videlicet in beatissimi Felicis confessoris Basilica po-
neretur. Qua occasione factum est, vt per eosdem perlatores lite-
rarum tuarum etiam mihi scriberes, ingerens huiuscemodi quęsti-
onem: atque vt responderem, quid indè mihi videretur, exposcēs,
nec tacens ipse quid sentias. Nam dicis videri tibi, non esse inanes
motus animorum religiosorum atque fidelium, pro suis ista curā-
tium. Adiungis etiam vacare non posse, quòd vniuersa pro defun-
ctis Ecclesia supplicare cōsuevit: vt hinc & illud conijci possit, ho-
mini prodesse post mortem, si fide suorum humando eius corpori
talis prouideatur locus, in quò appareat opitulatio etiam isto mo-
do quęsita sanctorum.

Sacri cœtus in solennitate D. Felicis.

N O S T I S (inquit) eum morem, vt ieiunare solemus
Ante diem, & sero libatis vespere sacris,
Quisq; suas remeare domos: tunc ergò solutis
Cœtibus à templo Domini, postquàm data fessis
Corporibus requies, sumpta dape: cœpimus hymnis
Exultare Deo, & psalmis producere noctem.

Et alibi.

A V R E A nunc niueis ornantur limina velis,
Clara coronantur densis altaria lychnis,
Lumina ceratis adolentur odora papyris.

Rit 3

Nocte

Idem nat.
7. B. Feli-
cis.

Idem nat.
3. B. Felic.

Nocte dieq; micant, sic nox splendorq; diei
Fulget, & ipsa dies caelesti inlustris honore,
Plus micat, innumeris lucem geminata lucernis.

Basilicarum ad immolationem hostiae, ædifi-
catio.

Idē epist. PROSPECTVS verò (inquit) basilicæ, non vt vſitator mos
ad Amād. est, orientem spectat, sed ad Domini mei B. Felicis basilicam per-
tinet, memoriam eius adſpiciens, tamen cum duabus dextra leuaq;
* cōchulis * chonculis intrā spatiosum suū ambitū apſis ſinuata laxetur: vna
earum immolanti hostias iubilationis antistiti patet: altera post
ſacerdotem capaci ſinu receptat orantes.

Ibid. A c paulopōſt, alludens ad cōſuetudinem etiam hodiē vſitatā:
Itē dextra leuaq; crucibus minio ſuperpictis hæc epigrammata ſunt:
Ardua floriferæ crux cingitur orbe coronæ,
Et Domini fuſo tincta cruore rubet.

DEINDE poſt integram baſilicę triplicis deſcriptionem, men-
tionem faciēs ſecretariorū duorū, quæ nos hodiē ſacraria vocamus:
Hi verſus (inquit) indicāt officia ſingulorū: A dextera apſidis.
HIC locus eſt, veneranda penus qua conditur, & qua
Promitur alma ſacri pompa miniſterij.

Earundem dedicatio cum reliquijs.

Idē epist. TESTIS eſt Deus mihi, (inquit de eadē baſilica loquēs) quòd
11. ad Se. ſi vel ſcrupulū ſacri cineris habuiſſemus, ſuprà quàm nobis ad ba-
uerum. ſilicam, quæ proximè in nomine Domini conſummabitur, dedi-
candam neceſſarium erat, miſiſſemus vnanimiſſimi tuæ.

Idē epist. ET alibi expreſſiūs: Baſilica illa, quę ad Dominum mediū (itā D.
13. ad Se. Felicem plerunq; nuncupat) noſtrum communē patronum, in no-
uer. mine Dñi Chriſti iam dedicata celebratur, quatuor eius baſilicis
addita, reliquijs apoſtolorū & martyrorū intrā apſidē trichora ſub
altaria ſacratis, nō ſolo B. Felicis honore venerabilis eſt. Itē de ba-
ſilica Fundana: Verūm hanc baſiliculā de benedictis Apoſtolorū
ibid. & mar-

& martyrum reliquijs sacri cineris, in nomine Christi, sanctorum
sancti, & martyrum martyris, & Dominorū Domini, cōsecrabunt.

Idq; etiam cum hostiæ celebratione.

H v c pertinet & illud eiusdem:

Nanq; hodiè bis eam geminata nouatio comit,
Dum gemina antistes gerit illic munera Christi,
In geminos adytum venerabile dedicat vsus,
Castifico focians pia sacramenta lauacro.

Sic pariter templum nouat hostia, gratia fontem.

Panis benedicti siue Eulogiæ ad amicos missio in vni-
tatis symbolum.

PANEM (inquit) Campanū de cellula nostra tibi pro eulogia
misimus, tantū meritis in Domino tuis freti, vt plena ad te perfe-
rendum sui gratia crederemus: tu licet vberioribus micis à Domi-
ni mensa iam saturatus sis, dignare & à peccatoribus acceptum in
nomine Domini panem, in eulogiam vertere.

Idem nat.
10. B. Feli-
cis.

A c rursū: Panem vnum quem vnanimittatis indicio misi-
mus charitati tuæ, rogamus accipiendo benedicas.

A L I O loco denique: Panem vnum sanctitati tuæ vnanimittatis
gratia misimus, in quo etiam Trinitatis soliditas cōtinetur. Hunc
panem eulogiam esse, tu facies dignatione sumendi.

Idē epist.
1. ad Scuc.
August.

Idē epist.
ad D. Aly-
pium.

E t alibi: Nè vacuum fraternę humanitatis officium videre-
tur, de buccellato Christianæ expeditionis, in cuius procinctu
quotidiè ad fragilitatis annonam militamus, panes quinque tibi pa-
riter & filio nostro Licentio misimus. Nō enim potuimus à bene-
dictione secernere, quem cupimus eadem nobis gratia penitus an-
nectere.

Idē epist.
ad Roma-
nian. inter
Epist. D.
Aug. ad-
scriptus,
num. 113.

DELPHINI BURDEGALENSIS EPI-
SCOPI, ECCLESIA RV M AD HO-
STIAS DEDICATIO.

VISI

Idē Epist.
2. ad Del-
phin.

VISIBILITER autem (scribit ad ipsum D. Paulinus) nobis operaris in fabricis Ecclesiarum, vt partem nobis facias cum illa, cuius domus à Christo meruit visitari, qui ab ea edificatione tunc synagogæ, quod nunc Ecclesia est, testimonium religiosæ plebis acceperat. Fatemur venerandę pietati tuæ, legētibus nobis illam epistolę partem, qua Alingonensi Ecclesię nouam filiam te authore progenitam, iam in nomine Domini vsq; ad dedicationis diem creuisse signabas, ita exultasse spiritum nostrum in Deo saluatore nostro, vt tanquā in præsenti dedicantium cœtibus interessemus, illa de psalmis prophetici gaudij verba caneremus: Exultate Deo adiutori nostro, sumite psalmum, & date tympanum. Tollite hostias, & introite in atria Domini, adorate Dominum in aula sancta eius.

SEVERI SVLPITII BITVRICENSIS
EPISCOPI, AD EVNDEM VSVM BA-
SILICAE, PETITIS AD EAM RE-
LIQVIIS, ERECTIO.

Idē epist.
11. ad Sc-
uerum.

FRATER Victor (inquit ad illum rescribens D. Paulinus) inter alias operum tuorum & votorū narrationes retulit nobis, desiderare te ad basilicam, quam modò apud Primuliacū nostrum, maiorem priore condideris, de sacris sanctorum reliquijs benedictionem, qua adornetur domestica tua Ecclesia, vt fide & gratia tua dignum est.

Sed quia nos nō habuimus huius muneris copiā, & ille se spem eiusdem gratię copiosam habere dixit, à sancta Siluia, quæ illi de multorum ex Oriente martyrum reliquijs spondisset, inuenimus, quod dignè & ad basilicę sanctificationem vobis, & ad sanctorum cinerum cumulandā benedictionem mitteremus, partē particulæ de ligno diuinæ crucis, quod nobis bonum benedicta Melania ab Hierusalem, munere sancti indē Episcopi Ioannis, attulit.

ET

ET alibi: Quòd si Dominus desiderium animę vestrę fecerit, secundum fidem vestram adiiciens ornatui & sanctificationi operum vestrorum, vt sacros cineres de sanctis gloriosorum Apostolorum aut martyrum reliquijs adipiscamini, qui huius voti præsumptione vos aliam apud Primuliacum nostrum, & priore maiorem basilicam preparasse cognouimus, dignum opere fidei vestrę, & operis fideliter elaborati dedicatione proculdubio celeberrima, sanctorum reliquijs decens arbitramur, vt hoc etiam quod de cruce mi mus, pariter depositum, sacratumq; veneremini. Quod si ita placuerit, placitum vestrum hi (si videbitur) versiculi nunciabunt: **D I V I N V M** veneranda tegunt altaria fœdus,

Compositisq; sacra cum cruce martyribus.

Cuncta salutiferi coeunt insignia Christi,

Crux, corpus, sanguis, martyr ipse Deus.

Illa cibum vitę mortalibus, illa coronas,

Quę Domino famulos participant, peperit.

In cruce fixa caro est, qua pascor: de cruce sanguis

Ille fluit, vitam quo bibo, corda lauo.

Christe, tuo coeant simul hæc tua dona Seuero,

Porticus & testis sit crucis ista tuę.

Carne tua viuat, tuus illi pocula sanguis

Præbeat, in verbo viuat agatq; tuo.

A c paulò post: Si verò magis placeat vobis, hanc de cruce benedictionem ad quotidianam tutelam atque medicinam in promptu habere, nè semel condita in altario, non semper ad manum, vt vsus exigit, præstò sit: sufficit & illa ad basilicę consecrationem gratia, si Dominus eam Apostolis & martyribus †: quorum veneradus cinis si sine crucis cõsortio subiiciatur altaribus, hinc oper-
tos titulus indicabit:

Rursùm
aliquid
deest.

P I G N O R A sanctorum, diuinę gloria mensæ

Velat apostolicis edita corporibus.

S f f V o t a

Vota sacerdotis, viuentum & commoda, paruo
Pulvere, sanctorum mors preciosa iuuat.

D. ITEM VICTRICII ROTHOMAGEN-
SIS EPISCOPI, MORINORVM ET NER-
VIORVM APOSTOLI, ECCLESIA-
RVM NOVA CONSTITVTIO.

Idē epist.
2. ad Vi-
ctric.

IN terra Morinorum (inquit eius laudes prædicans Paulinus) situ orbis extrema, quā barbaris fluctibus fremens tundit Oceanus, gentium populi remotarum, qui sedebant in latebris, via maris arenosa, extra Iordanem, antequā pinguescerent fines deserti in ea, orata sibi per tuam sanctitatē à Domino luce gaudentes, corda aspera, Christo intrante, posuerunt. Vbi quondam deserta siluarum ac littorum, pariter in tota aduenæ Barbari (sic enim lego, pro eo, quod est, Barbaria) aut latrones incolę frequentabāt, nunc venerabiles & angelici sanctorum chori vrbes, oppida, insulas, siluas, Ecclesijs & monasterijs plebe numerosis, pace consona celebrant. Quod quāquā totius Gallię populis & ubiquē gentiū Christus operetur, qui totum orbem circuit, quęrens dignos se, & per nationes in animas sanctas se transfert, & in vijs directionis ostendit se hilariter, & omni prouidentia occurrit matoribus suis : tamen in remotissimo Neruici littoris tractu, quem tenui antehac spiritu fides veritatis afflauerat, te (itā enim legendum, pro eo, quod est, et) potissimū in vas electionis excerpfit, in te prima refulsit, clariū inualuit, ardentius & propius apparuit, & in quo sanctificaret illic nomen suum, & per cuius nomē etiam solis ab occasu in oēm terrā sonus eius exiret, adsumpsit. Deniquē nunc Rothomagū & vicinis antē regionibus tenui nomine peruulgatum, in longinquis etiam prouincijs nominari venerabiliter audimus, & inter vrbes sacratis locis nobiles, cum diuina laude numerari.

Ibid.

A c paulopost: Vbi quotidiano sapienter psallentium per frequentes

quentes Ecclesias & monasteria secreta concentu, castissimis ouium
tuarum & cordibus delectantur & vocibus.

ATQVE in locis iisdem celebrata ab eodem sacrificia, satis indi-
cat epistola suprà citata ad eundem D. Victricium D. Innocentij pape.
scripta de continentia ministrorum Ecclesie ob quotidiana sacri-
ficia.

Innocent.
Pap. epist.
2. c. 9.

EODEM verò pertinere videtur illud D. Augustini, Ad Ocea-
ni etiam littora in Occidentalibus partibus Ecclesiam peruenisse
iam nouimus.

August.
epist. 80.
ad He-
sych.

FLORENTII TIBURTINENSIS EPI- SCOPI OBLATIONES.

DEVS, (inquit ad illum scribens D. Paulinus) qui te amante
nostri facere dignatur, non iuxta meritum malum faciens, sed
secundum diuitias bonitatis sue, ut nobis adiutorium, de patrocinio
orationum tuarum, tibi merces, de proximorum etiam minorum magna
charitate cumuletur, memorem te nostri perpetuo faciat, omnibus
orationibus tuis & oblationibus curam nostrae salutis immisceat.

Paulin.
epist. ad
Flor.

EODEM pertinet, quod suprà adduximus ex epistola ad ipsum
D. Innocentij pape.

Innoc. pa-
pa epist. 8.

NICETAE DACORVM ET GETARVM APOSTOLI ET EPISCOPI, SA- CRA LITATIO.

DIVVS Paulinus ad Nicetam stylium vertens, qui Nolam ad D.
Felicis reliquias peregrinatum venerat, sic ipsum alloquitur:

Idem nat.
9. D. Felic.

Ingredere hæc, Psalmis recinens antistes & hymnis,

Et mea vota refer Domino, & tua gaudia votis

Iunge meis, celebrans communis festa patroni.

* Hora opportuna pro peccatore rogabis,

* Tēpore
oportuno

Gaudentem Dominum te confessoris honore.

Hoc duce, procliui tua tramite vota ferentur.

Felix diuinas tibi præuius ibit ad aures,

SSf, 2

Teq;

Teque sacris psalmis, simul & deuota litante
 Obsequia, placido descendet numine Christus,
 Vt populum templumque sacra caligine velet,
 Infundens niueam per operta sacraria nubem.

EODEM pertinet illud D. Paulini, de eiusdem reditu in Dacia:
 QVIS mihi pennas daret vt columbe,
 Vt choris illis citus interesset:
 Qui Deum Christum, duce te, canentes

Sidera pulsant?

AVDIENT Amen tremefacta cete,
 Et sacerdotem Domino canentem,
 Laeta lasciuo procùl admeabunt

Monstra natatu.

Item illud:

MOS ubi quondam fuerat ferarum,
 Nunc ibi ritus viget angelorum,
 Et latet iustus, quibus ipse latro

Vixit in antris.

Illud quoque:

TE patrem dicit plaga tota Boreæ
 Ad tuos fatus Scythia mitigatur,
 Et sui discors fera, te magistro,

Pectora ponit.

ET Getæ currunt, & vterque Dracus,
 Qui colit terræ medio, vel ille
 Diuitis multo boue pelleatus

Accola ripæ.

ORBIS in muta regione per te
 Barbari discunt resonare Christum
 Corde Romano, placidamque casti

Viueret pacem.

HIS

His precor, cùm te domus alma sancto
 Cœperit fratrum numerosa cœtu
 In choris, & nos pietate chari
 Pectoris abde.

D. AVGVSTINI HIPPONENSIS EPI-
 SCOPI SACRIFICIA ET EORVN-
 DEM RITVS.

Sacrificium soli Deo offerendum.

SACRIFICIUM certè (inquit D. Augustinus) nullus homi- August.
de ciuit.
Dei, lib.
10. ca. 4.
 num est, qui audeat dicere deberi, nisi Domino soli. Multa
 deniquè de cultu diuino vſurpata ſunt, quæ honoribus deferuntur
 humanis, ſiue humilitate nimia, ſiue adulatione peſtifera: ità tamẽ,
 vt quibus ea deferuntur, homines haberentur, qui dicuntur colen-
 di & venerandi: ſi autem eis multũ additur, & adorandi. Quis ve-
 rò ſacrificandum cenſuit, niſi ei, quem Deum aut ſciuit, aut puta-
 uit, aut finxit?

AC poſteà in eodem opere: Quibus igitur (interrogat) ange- Ibidẽm
ca. 16.
 lis de beata & ſempiterna vita credendum eſſe cenſemus? Vtrum
 eis, qui ſe religionis ritibus coli volunt, ſibi ſacra & ſacrificia ſagi-
 tantes à mortalibus exhiberi, an eis, qui hunc omnem cultum vni
 DEO creatori omnium deberi dicunt, eiſque reddendum vera
 pietate præcipiunt?

DEINDE poſt multa quæſtioni reſpondens: Si qui ergò (in- Ibidẽm.
 quit) angeli ſibi expetunt ſacrificium: præponendi eis ſunt, qui nõ
 ſibi, ſed Deo creatori omnium cui ſeruiunt. Hinc enim oſtendũt,
 quàm ſyncero amore nos diligunt, quandò per ſacrificium non ſi-
 bi, ſed ei nos ſubdere volunt, cuius & ipſi contemplatione beati
 ſunt, & ad eum * non peruenire quærunť, à quo ipſi non reſceſſerũť.

EODEM pertinet illud eiufdem: Proindẽ verum ſacrificium, *nos
Idẽ cõtra
Fauſt. Ma-
nich. lib.
20. ca. 18.
 quod vni vero debetur Deo, quo eius altare ſolus Chriſtus imple-

ſſſ 3

uit,

uit, in victimis pecorum imitata dæmonia, sibi arroganter expo-
 1. Cor. 10. scunt. Vndè dicit Apostolus: Quæ immolât gētes, dēmonijs immo-
 lant, & nō Deo: non quod offerebatur culpans, sed quia illis offere-
 batur. Hebræi aut̃ in victimis pecorum, quas offerebāt Deo, multis
 & varijs modis, sicut re tanta dignum erat, prophetiam celebrabāt
 futuræ victime, quam Christus obtulit. Vndè iam Christiani, per-
 acti eiusdem sacrificij memoriā celebrant, sacrosancta oblatione
 & participatione corporis & sanguinis Christi.

Idque non inuisibile modò, sed & visibile.

Augu. de
 ciuit. Dei
 li. 10. c. 19.

Qui autem putant (inquit) hæc visibilia sacrificia dijs alijs con-
 gruere, illi verò tanquàm inuisibili inuisibilia, & maiori maiora,
 meliori; meliora, qualia sunt puræ mentis & bonæ voluntatis of-
 ficia: profectò nesciunt hæc ità esse signa illorum, sicut verba sonā-
 tia, signa sunt rerum. Quocircà sicut orantes atq; laudantes ad eum
 dirigimus significantes voces, cui res ipsas in corde, quas significa-
 mus, offerimus: ità sacrificantes, non alteri visibile sacrificium offe-
 rendum esse nouerimus, quàm illi, cuius in cordibus nostris inuisi-
 bile sacrificium nos ipsi esse debemus. Tunc nobis fauent, no-
 bisq; congaudent, atq; ad hoc ipsum nos pro suis viribus adiuuant
 angeli quicq; virtutesq; superiores, & ipsa bonitate ac pietate poten-
 tiores. Si aut̃ illis hæc exhibere voluerimus, non libenter accipiunt,
 & cùm ad homines ità mittūtur, vt eorū præsentia sentiatur, apertis-
 sime vetant. Sunt de his exempla in literis sanctis. Putauerunt qui-
 dam deferēdum angelis honorē, vel adorando, vel sacrificādo, qui
 debetur Deo, & eorū sunt admonitione prohibiti, iussiq; sunt hæc
 ei deferre, cui vni fas esse nouerūt. Imitati sunt angelos sanctos eti-
 am sancti homines dei. Nam Paulus & Barnabas in Lycaonia facto
 quodam miraculo sanitatis, putati sunt dii, eisq; Lycaonij immo-
 lare victimas voluerūt, quod à se humili pietate remouētes, eisq;
 in quem crederent, annunciauerunt Deum.

Apocal.
 19. & 22.

Act. 14.

Idē cōtra
 aduer. le.

Et alibi refellens Manichæos, sacrificiū visibile reprobātes: De
 sacri.

sacrificio (inquit) iste valdè nihil sapit: & ideò fallitur, quia iam sacrificia talia non offert Dei populus Deo, posteaquàm venit vnicum sacrificium, cuius vmbra fuerunt illa omnia, non hoc improbantia, sed hoc significàtia. Sicut enim res vna multis locutionibus & multis linguis significari potest: sic vnum verum & singulare sacrificium, multis est antea sacrificiorum significatum figuris. De quibus singulis hîc disputare quàm sit longum, videtis. Vnum tamen sciant insipientes, tardi ad intelligendum, & præcipientes ad reprehendendum, quod dæmon sibi sacrificium nõ exigeret, nisi Deo vero deberi sciret. Falsus enim Deus sic se vult honorari ab eis quos decipit, quomodo verus Deus honoratur ab eis quibus consulit. Et maximè sacrificium est, quod præcipuè debetur Deo. Nam obsequia cætera, quæ diuinitati exhibentur, ausi sunt sibi etiã superbię fastu homines arrogare. Rarissimi autem commemorantur, qui sibi vt sacrificaretur, cum regia potestate possent, ausi fuerint imperare. Quicunque tamè ausi sunt, per hoc se deos haberi voluerunt.

A c paulò post: Quod est autem sacratius laudis sacrificium, quàm in actione gratiarum? Et vnde maiores agenda sunt Deo gratiæ, quàm pro ipsius gratia per Iesum Christum Dñm nostrum? Quod totum fideles in Ecclesiæ sacrificio fieri sciunt, cuius vmbra fuerunt omnia priorum genera sacrificiorum.

Ad sacrificij oblationem, templa, altaria, sacerdotia
soli Deo instituta.

Hoc sanè (inquit) nec in ista breuitate prætereundum est, quod templum, sacerdotè, sacrificiũ, & alia quæcũque ad hæc pertinentia, nisi vni vero Deo deberi nõssent dii falsi, hoc est, dæmones, qui sunt puaricatores angeli, nõquàm hæc sibi à cultoribus suis quos decipiunt, expectissent. Verum hæc cum exhibentur Deo secundum eius inspirationem atque doctrinã, vera religio est: cum autem dæmonibus secundum eorum impiã superbiã, noxia superstitio. Quapropter qui Christianas literas vtriusque testamèti sciunt, non hoc culpant in sacrilegis ritibus

Paga-

Idem E.
pist. 49. ad
Deogr

Paganorum, quòd instruant templa, & instituunt sacerdotia, & faci-
ant sacrificia, sed quòd hæc idolis & demonijs exhibeant.

Idē de ci-
uit Dei
li. 7. c. 27.

Et alibi: Si templo, si sacerdote, si sacrificio, quod Deo vero
debetur, colatur aliquod elementum mūdi, vel creatus aliquis spi-
ritus, etiam si non immundus & malus, non idē est malum, quia il-
la mala sunt quibus colitur: sed quia illa sunt talia, quibus solus ille
colendus sit, cui talis cultus seruitusq; debetur.

Idem cōt.
Fauft. Ma-
nich. lo-
co cit.

R V R S V M alio loco: Et tamen volo, mihi dicatis, vndē ista
omnia, quæ laudatis in vobis, his nominibus appelletis, vt dicatis
templum, aram, sacrificium. Si enim vero Deo ista vera non de-
bentur, cur laudabiliter in vera religione prædicantur? Si autem
Deo vero verum sacrificium ritē debetur, vndē etiam diuini ho-
nores rectē appellantur: cetera quæ dicuntur sacrificia, ad similitudi-
nem fiunt cuiusdam veri sacrificij.

Basilicæ item in honorem martyrum, sed Deo
fabricatæ.

Eo. li. c. 21.

P O P V L V S (inquit) Christianus, memorias martyrum reli-
giosa solennitate concelebrat, & ad excitandam imitationem, & vt
meritis eorum consocietur, atque orationibus adiuuetur: itā tamē,
vt nulli martyrum, sed ipsi Deo martyrum, quauis in memorias
martyrum, constituamus altaria. Quis enim antistitum, in locis san-
ctorum corporum assitens altari, aliquandō dixit, Offerimus tibi
Petre, aut Paule, aut Cypriane? sed quod offertur, offertur Deo, qui
martyres coronauit, apud memorias eorum quos coronauit, vt ex
ipforum locorum admonitione maior affectus exurgat, ad acuen-
dam charitatem, & in illos quos imitari possumus, & in illum quo
adiuuante possumus. Colimus ergō martyres eo cultu dilectionis
& societatis, quo & in hac vita coluntur sancti homines Dei, quorū
cor ad talem pro euangelica veritate passionem paratum esse senti-
mus. Sed illos tanto deuotiùs, quanto securiùs post incerta omnia
superata: quanto etiam fidentiore laude prædicamus, iam in vita feli-

feliciore victores, quàm in ista adhuc vsque pugnantes. At illo cultu, quæ Græcè Iatria dicitur, Latinè vno verbo dici non potest, cum sit quædam propriè diuinitati debita seruitus, nec colimus, nec colendum docemus, nisi vnum Deum. Cum autem ad hunc cultum pertineat oblatio sacrificij, vnde idololatria dicitur eorū, qui hoc etiam idolis exhibent: nullo modo tale aliquid offerimus, aut offerendum præcipimus, vel cuiquam martyri, vel cuiquam sanctæ animæ, vel cuiquam angelo: & quisquis in hunc errorem delabitur, corripitur per sanam doctrinam, siue vt corrigatur, siue vt caueatur. Ipsi enim sancti, vel homines, vel angeli, exhiberi sibi nolūt, quod vni Deo deberi nōrunt. Apparuit hoc in Paulo & Barnaba, Actor. 14. cum cōiūcti miraculis, quæ per eos facta sunt, Lycaonij, * tāquā * cis dijs immolare voluerūt: cōscisis em̄ vestimētis suis, cōfitētes & persuadētes se deos nō esse, ista sibi fieri vetuerūt. Apparuit & in angelis, sicut in Apocalypsi legimus, angelum se adorari prohibentem, Apocal. 19. & 22. ac dicentē adoratori suo: Cōseruus tuus sum & fratru tuorū. Ista sibi planè superbi spiritus exigūt, diaboli & angeli eius, sicut per omnia templa & sacra gētiliū. Quorū similitudo in quibusdā etiam superbis hominib⁹ expressa est, sicut de Babylonix quibusdā regibus memorię commēdatū tenemus. Vnde S. Daniel accusatores ac Dan. 4. persecutores pertulit, q̄ regis edicto proposito, vt nihil à quoquā deo peteretur, nisi à rege solo, Deū suum, hoc est, vnū & verum deum, adorare deprecariq; deprehensus est. Qui autē se in memorijs martyrum inebriāt, quomodò à nobis approbari possunt, cum eos, etiam si in domibus suis id faciāt, sana doctrina cōdemnet? Sed aliud est, quod docemus: aliud, quod sustinemus: aliud, quod præcipere iubemur: aliud, quod emendare præcipimur: & donèc emendemus, tolerare compellimur. Alia est disciplina Christianorum, alia luxuria vinolentorū, vel error infirmorū. Veruntamē & in hoc ipso distant plurimū culpæ vinolentorū, & sacrilegorum. Longè quippe minoris peccati est, ebrium redire à martyribus, q̄ vel ieiun-

T t t

num

num sacrificare martyribus. Sacrificare martyribus, dixi: non dixi, sacrificare Deo in memorijs martyrum, quod frequentissimè facimus, illo duntaxat ritu, quo sibi sacrificari noui testamenti manifestatione praecepit: quod pertinet ad illum cultum, quæ latria dicitur, & vni Deo debetur.

Ide dec.
uit. Dei
li. 8. c. 27.

ALIO item loco: Nec tamen nos (inquit) eisdem martyribus templa, sacerdotia, sacra, & sacrificia constituimus: quoniam non ipsi, sed Deus eorum nobis est Deus. Honoramus sanè memorias eorū, tanquā sanctōrum hoīm Dei, qui vsq; ad mortem suorum corporū pro veritate certârūt, vt innotesceret vera religio, falsis religionibus fictisq; conuictis: quod etiam si qui antea sentiebant, timendo reprimebant. Quis autē audiuit aliquandō fideiū stantem sacerdotē ad altare, etiam super sanctū corpus martyris, ad Dei honorē cultumq; constructū, dicere in precibus: Offero tibi sacrificiū Petre, vel Paule, vel Cypriane, cū apud eorum memorias offeratur Deo, qui eos & homines, & martyres fecit, & sanctis suis angelis cēlesti honore sociavit: vt ea celebritate & Deo vero de illorū victorijs gratias agamus, & nos ad imitationem talium coronarū atq; palmarū, eodem inuocato in auxilium, ex eorū memoriæ renouatione adhortemur? Quæcunq; igitur adhibetur religiosorum obsequia in martyrum locis, ornāmēta sunt memoriarū, nō sacra vel sacrificia mortuorū, tanq̃ deorū. Quicunq; etiā epulas suas eō deferūt, quod q̃dem à Christianis melioribus nō fit, & in plerisq; terrarū nulla talis est cōsuetudo: tñ quicunq; id faciūt, quas cū appo- fuerint, orāt, & auferūt, vt vescantur: vel ex eis etiā indigētibus largiantur, sanctificari ibi eas volūt per merita in nomine Dñi martyrum. Non autē ista esse sacrificia martyrum nouit, qui nouit vnū quod Deo illic offertur, sacrificium Christianorum.

Ibid. lib.
21. c. 10.

Et postea in eodem opere: Nos autem martyribus nostris non templa sicut dijs, sed memorias sicut hominibus mortuis, quorum apud Deum viuunt spiritus, fabricamus: nec ibi erigimus altaria, in qui-

in quibus sacrificemus martyribus, sed vni Deo, & martyrum, & nostro, sacrificium immolamus: ad quod sacrificium, sicut homines Dei, qui mundum in eius confessione vicerunt, suo loco & ordine nominantur: non tamen à sacerdote, qui sacrificat, inuocantur. Deo quippe, non ipsis sacrificat, quanuis in memoria sacrificet eorum: quia Dei sacerdos est, non illorum. Ipsum verò sacrificium, corpus est Christi, quod non offertur ipsis, quia hoc sunt & ipsi.

Consecrata iam tum illa omnia signo crucis.

CRVCIS (inquit) caractere basilicæ dedicantur, altaria consecrantur, altaris sacramenta cum interpositione Dominicorum verborum conficiuntur: sacerdotes & Leuitæ per hoc idem signum ad sacros ordines promouentur. Et vniuersaliter omnia Ecclesiastica sacramenta, in huius virtute perficiuntur.

Idē serm.
19. de sacram.
entis.

Etiam reliquijs insignita.

ACCEPERAT autē (inquit) ab amico suo terram sanctam, de Hierosolymis allatam, ubi sepultus Christus, die tertio resurrexit: eamque suspenderat in cubiculo suo, nè quid mali etiam ipse pateretur. At ubi domus eius ab illa infestatione purgata est, quid de illa terra fieret, cogitabat: quam diutius in cubiculo suo reuerentiæ causa habere nolebat. Fortè accidit, vt ego & collega tunc meus Episcopus Synicēsis Ecclesiæ Maximinus, in proximo essemus: vt veniremus, rogauit: & venimus. Cumque nobis omnia retulisset, etiam hoc petiuit, vt infoderetur alicubi, atque ibi orationū locus fieret: ubi etiam possent Christiani, ad celebranda, quæ Dei sunt, congregari. Nō restitimus, factum est. Erat ibi iuuenis paralyticus rusticanus, qui hoc audito, petiuit à parentibus suis, vt illum ad eum locum sanctum non cunctanter afferrent. Quò cum fuisset allatus, orauit: atque inde continuò pedibus suis saluus abscessit.

Idē de ci.
uit. Dei
1. 22. c. 8.

In vsum quoque celebrandorum sacramentorum vasa consecrata.

T t t 2 S E D -

Idem in
Psal. 113.
Concil. 2. SEDENIM (inquit) & nos pleraque instrumenta & vasa ex
huiusmodi materia vel metallo habemus in vsum celebrandorū
sacramentorum, quæ ipso ministerio consecrata, sancta dicuntur in
eius honore, cui pro salute nostra indè seruitur. Et sunt pfectò eti-
am ista instrumenta vel vasa, quid aliud, quàm opera manuum ho-
minum? Veruntamen nunquid os habent, & non loquentur? Nun-
quid oculos habet, & non videbūt? Nunquid eis supplicamus, quia
per ea supplicamus Deo?

Sacrificia quotidiana in Africa.

Idē de ci-
uit Dei
I. 10. c. 20. CHRISTVS (inquit) sacerdos est, ipse offerens, ipse & oblatio.
Cuius rei sacramentū quotidianum esse voluit Ecclesiæ sacrificiū,
cū ipsius corporis ipse sit caput, & ipsius capitis ipsa sit corpus, tā
ipsa per ipsum, quàm ipse per ipsam suetus offerri. Huius veri sacri-
ficii multiplicia variaq; signa, erant sacrificia prisca sanctorum, cū
hoc vnū per multa figuraretur, tanquàm verbis multis res vna di-
ceretur, vt sine fastidio multū commēdaretur. Huic summo ve-
roq; sacrificio, cuncta sacrificia falsa cesserunt.

Idē ep. 86. ET rursū: Sacrificiū laudis ab Ecclesia toto orbe * diffusum,
diebus omnibus immolatur.

Alibi Sabbato tantū & Dominico diebus, vel do-
minico tantū.

Idē epist.
118. ad Ia-
nuar. ca. 2. ALII (inqt) quotidie communicant corpori & sanguini Do-
minico, alij certis diebus accipiunt. Alibi nullus dies intermitti-
tur, quo non offeratur: Alibi Sabbato tantū & Dominico, alibi
tantū Dominico.

Populi conuentus ad sacrificia.

Idē serm.
254. de
tempore. IN cōgregatiōe (inquit) Christiana quātū pertinet ad partici-
pationē & cōmunionē sacramētorū, multiplicati sunt sup numerū.
Idem ad
Ianuar.
epist. cit.
cap. 18. ET alibi: Quando autem nō est tempus, quum in Ecclesia fra-
tres congregantur, sancta cantandi? &c. vt infra latiūs de psalmorū
& hymnorum cantu.

EODEM

EODEM & illud pertinet: Quærenti peregrino, ubi ad Catholicam conueniatur: nullus hæreticorum vel basilicam suam, vel locum audebit ostendere.

Idem cõt.
epist. Manich. c. 4.

ITEM illud: Dies anniuersarius Ordinationis domini senis Aurelij craftinus illucescit, rogat & admonet per humilitatem meam charitatem vestram, vt ad basilicam Fauſti deuotissimè venire dignemini.

Idem serm.
33. de verbis Domini secundum Lucam.

In eo pars certa sceminis deputata.

CARTHAGINE (inquit) Innocentia religiosiss. scemina in mamilla cancrum habebat. Admonetur in somnis appropinquare Pascha, vt in parte sceminarum, obseruanti ad baptisterium, quæcunque illi baptizata primitus occurrisset, signaret ei locum signo crucis Christi: fecit, & confestim sanitas secuta est.

Idem de ciuit. Dei
l. 22. c. 8.

Stationes Dominicis diebus, & Paschali tempore.

PROPTER hoc (inquit) ieiunia relaxamus, & stantes oramus, quod est signum resurrectionis. Vnde etiam omnibus diebus Dominicis ad altare id obseruatur.

Idem epist.
119. ad Ianuar. c. 15.

Ac paulopost: Vt autem stantes in illis diebus & omnibus Dominicis oremus, vtrum vbiq; feruetur, ignoro: tamen quid in eo sequatur Ecclesia, dixi, vt potui, & arbitror esse manifestum.

Ibid. c. 17

Alias genuflexio, extensio manuum, prostratio, & similes ceremoniæ.

NAM & orantes (inquit) de membris sui corporis faciunt quod supplicantibus congruit, cum genua figunt, cum extendunt manus, veletiam prosternuntur solo, & si quid aliud visibiliter faciunt: quanuis eorum inuisibilis voluntas, & cordis intentio Deo nota sit: nec ille indigeat his indicijs, vt humanus ei pandatur animus: sed his magis seipsum excitat homo ad orandum, gendumque humilius atq; feruentius. Et nescio, quomodo, cum hi motus corporis fieri, nisi motu animi præcedente, non possint, eisdem rursus exterius visibiliter factis, ille interior inuisibilis, qui eos fecit, au-

Idem de cura pro mort. c. 3.

T t t 3 getur:

getur : ac per hoc cordis affectus, qui, vt fierent ista, præcessit, quia facta sunt, crescit.

Oratio Orientem versus.

Idem l. 2.
de ferm.
Domini
in monte
c. 9.

Accommodatissima (inquit) ista similitudo est, vt spiritualiter tantum interesse videatur inter iustos & peccatores, quantum corporaliter inter celum & terram. Cuius rei significanda gratia, cum ad orationes stamus, ad Orientem conuertimur, vnde celum surgit: non tanquam ibi sit Deus, & quasi ceteras mundi partes deseruerit, qui ubique præsens est, non locorum spatijs, sed maiestate potètiæ: sed vt admoneatur animus ad naturam excellentiorē se cōuertere, id est, ad Dominum, cum ipsum corpus eius quod est terrenum, ad corpus excellentius, id est, ad corpus celeste conuertitur.

Sacrificij ad altare oblatio.

Idem de
ciuit. Dei
l. 10, c. 5.

Hoc est (inquit) sacrificium Christianorum: multi vnū corpus sumus in Christo: quod etiam sacramēto altaris fidelibus noto frequentat Ecclesia, ubi ei demonstratur, quod in ea oblatione, quam offert, ipsa offeratur.

Idem de
Trinit. l.
3, c. 10.

Et rursū: Sicut infantes nō nouerūt quod in altari ponitur, & peracta pietatis celebratione cōsumitur, vnde vel quomodo cōficiatur, vnde in vsum religionis assumatur. Et si nunquam discāt experimento vel suo vel aliorum, & nunquam illam speciē rerum videant, nisi inter celebrationes sacramentorum, cum offertur & datur, dicaturq; illis autoritate grauissima, cuius corpus & sanguis sit: nihil aliud credent, nisi omninō in illa specie Dominum oculis apparuisse mortaliū, & de latere tali percusso, liquorem illum omninō fluxisse.

Idē epist.
ad Calul.
36.

H v c: & illud pertinet de Urbico calumniatore: Iste autē qui vetera transisse sic dicit, vt in Christo cederet ara altari, gladius ieiunio, precibus ignis, pani pecus, poculo sanguis, nescit altaris nomē magis legis & prophetarum literis frequentatum, & altare DEO prius in tabernaculo, per Moylen factū esse collocatum: Aram quo-

quoque in Apostolicis literis inueniri, vbi martyres clamant sub ara Dei. Dicit cefsisse ieiunio gladium, nō recordans illū quo milites Euangelici armantur, ex vtroq; testamento gladiū bīs acutū. Dicit cefsisse precibus ignem, quasi non & tunc preces deferebantur in templum, & nunc à Christo ignis est missus in mundū. Dicit cefsisse pani pecus, tanquā nesciens, & tunc in Domini mensa panes propositionis poni solere, & nunc se de agni immaculati corpore partem sumere. Dicit cefsisse poculo sanguinem, nō cogitans etiam nunc se accipere in poculo sanguinē. Quanto ergo melius & congruentius vetera transisse, & noua in Christo facta esse sic diceret, vt cederet altare altari, gladius gladio, ignis igni, panis pani, pecus pecori, sanguis sanguini?

ITEM illud de Martyrum sepultura sub altari: Videte autē, quem locum martyres apud homines mereantur, qui apud Deum locum sub altario meruerunt. Dicit enim sancta scriptura: *Videte enim sub ara Dei animas occisorum propter verbum DEI, & propter testimonium IESU quod habebant. Sub ara, inquit, Dei vidi animas occisorum. Quid reuerentiū, quid honorabiliū dici potest, quā sub illa ara requiescere, in qua DEO sacrificium celebratur, in qua offeruntur hostiæ, in qua Dominus est sacerdos, sicut scriptum est, Tu es sacerdos in æternum secundum ordinem Melchisedech? Rectē sub altario iustorum animæ requiescunt, quia super altare corpus Domini offertur. Nec immeritō illic iusti vindictam sanguinis postulant, vbi etiam pro peccatoribus Christi sanguis effunditur. Conuenienter igitur, & quasi pro quodam consortio ibi martyribus sepultura decreta est, vbi mors Domini quotidie celebratur, sicut ipse ait: Quotiescunq; hæc feceritis, mortem meam annuntiabitis donēc veniam: scilicet vt qui propter mortem eius mortui fuerant, sub sacramenti eius mysterio requiescant. Non immeritō, inquam, consortio quodam illic occisis tumulus constituitur, vbi occisionis Domine mem.*

Idē serm.
11. de sanctis.
Apoc. 6.

1. sal. 109.

1. Cor. 11.

membra ponuntur, vt quos cum Christo vnus passionis causa deuinxerat, vnus etiam loci religio copularet.

Idq; intus, populo foris existente.

Idem l. 1. **POPVLVS** autem, inquit, cuius ille sacerdos est, adhuc foris gemit. Nam cum Episcopus solus intus est, populus & orat cum Parm. c. 7. illo, & quasi subscribens, ad eius verba respondet, Amen.

Idem l. de **EODEM** pertinere videtur illud eiusdem de verbis illis, Sur- bon. vi. sum corda, & quæ sequuntur: Hæc verba, vnde sint, intus, qua fan- duit, c. 16. ctione & quanta sanctitate commendentur, agnoscis.

Psalmodum & hymnorum cantus.

Idem lib. **INTER** hæc Hilarius quidam (inquit librum suum citans cō- retract. 2. tra eundem scriptum, qui hodiè desideratur) vir Tribunitius lai- c. 21. cus catholicus, nescio vnde aduersus Dei ministros, vt fieri assolet, irritatus, morem, qui tunc esse apud Carthaginem coeperat, vt hymni ad altare dicerentur de psalmodum libro, siue ante oblationem, siue cum distribueretur populo quod fuisset oblatum, maledica reprehensione, vbicunq; poterat, lacerabat, asserens fieri non oportere. Huic respondi iubentibus fratribus, & vocabatur liber ipse, contra Hilarium. Hic liber sic incipit, Qui dicunt mentionem.

Idē epist. **ET** latius alibi: Sine dubio (inquit) faciendum est, maximè 119. ad la- illud quod scripturis defendi potest, sicut de hymnis & psalmis nuar. c. 18, canendis, cum & ipsius Domini, & Apostolorum habeamus do- & 19. cumenta & exempla & præcepta de hac re tam vtilia. Admouendum piè animum, & accendendum diuinæ lectionis affectum, varia consuetudo est, & pleraque in Africa Ecclesiæ membra pigriora sunt: ita vt Donatistæ nos reprehendant, quòd sobriè psallimus in Ecclesia diuina cantica Prophetarum, cum ipsi ebrietates suas ad canticum psalmodum humano ingenio compositorum, quasi tubas exhortationis inflamment.

Kyrie eleison, siue, Domine miserere.

SICVT

SIC VT enim (inquit sub finem collationis cum Pascétio Ar-
 riano) Græca lingua, quod est homouision, vna dicitur vel creditur
 à fidelibus Trinitatis omninò substantia, sic vna rogatur, vt mise-
 reatur, à cunctis Latinis & Barbaris vnius Dei natura, vt à laudi-
 bus Dei vnius nec ipsa lingua barbara sit, vt Latinis, aliena. Latine
 enim dicitur, Domine miserere.

Episcopi processio.

INDE (inquit, miraculum narrans factum ante cancellos mar-
 tyris D. Stephani) ad me curritur, vbi sedebam iam processurus.

Idem de
 ciuit. Dei
 1. 22. c. 8.

Ac paulopòst: Procedimus ad populum. plena erat Ecclesia.

Eiusdem salutatio populi.

SALVTAVI (inquit) populum.

Ibid.

Scripturarum diuinarum lectio.

FACTO tandè (inquit) silètio, scripturarū sunt lecta diuina solènia.

Ibid.

ET alibi: Intercesserunt, (inquit) vt intermitteremus textum
 huius Epistolæ, quædam pro diebus festis solennia lectionū, quæ
 non potuerunt nisi legi, & ipsa tractari.

Idè tract.
 9. in epist.
 Ioannis.

Prophetica nempe lectio.

Lectiones (inquit) diuinorum eloquiorum, quum recitarètur,
 audiuius. Lectio prima prophetica, quid nobis commendauerit,
 me commemorante, recolite.

Idè ferm.
 236. de
 tempore.

Apostolica lectio, Psalmus, Euangelium.

Apostolum audiuius, Psalmum audiuius, Euangelium au-
 diuius: consonant omnes diuinę lectiones.

Idè ferm.
 7. de verb.
 Apost.

ET latius alio loco: Primam lectionem audiuius Apostoli:
 Fidelis sermo & omni acceptioe dignus, quia Christus Iesus venit
 in mundum peccatores saluos facere, quorum primus ego sum. Sed
 idè misericordiam consecutus sum, vt in me ostenderet Christus
 Iesus omnem longanimitatem suam, ad informationem eorū qui
 credituri sunt illi in vitam æternam. Hoc de Apostolica lectione
 percepimus. Deindè cantauimus psalmum, exhortantes nos inui.

Ibidem
 ferm. 10.
 1. Tim. 1.

Psal. 94.

V V V cèm,

Luc. 17. cēm, vna voce, vno corde dicentes: Venite, adoremus & prosternamur ei, & fleamus corā Domino qui fecit nos, & ibi pręueniamus faciē eius in confessione, & in Psalms iubilemus ei. Post hæc Euāgelica lectio, decem leprosos mundatos nobis ostendit, & vnum ex eis alienigenam, gratias agētem mundatori suo. Has tres lectiones, quantum pro tempore possumus, pertractemus.

Idem de verb. Domini, secund. Luc. cā ser. 33. Psal. 79. ALIBI quoquē: Lectiones sanctę propositę sunt, & quas audiamus, & de quibus aliquid sermonis, adiuuante Domino, proferamus. In lectione Apostolica gratię aguntur Deo de fide gentiū, utiquē ideō, quia ipse fecit. In Psalmo diximus, Deus virtutū, conuertere nos, & ostēde faciē tuā, & salui erimus. In Euāgelio ad cenā vocati sumus, immō alij vocati, nos non vocati, sed ducti: nō solū ducti, sed etiam coacti. Sedenim audiuius, quia homo fecit cenā magnam. Et rursū: Diuinę lectiones omnes itā sibi connectuntur, tanquā vna sit lectio, quia omnes ex vno ore procedūt. Audiuius Apostolicam lectionem, & fortē aliquē moueat quod

Idem serm. 49. de tēpore. Philip. 3. Psal. 50. Ioan. 6. ibi scriptum est: Secundū iustitiā quę ex lege est, qui fuerim sine querela. Audi Psalmum interiora dicentem: Tibi soli peccaui. Audistis & Euangelium istis lectionibus concordare: Volūtas (inquit) patris est, ut quę dedit mihi, non pereant.

Alleluia Dominicis diebus & Paschali tempore. Idē epist. 19. ad Iac. nuar. c. 17. Vt autem (inquit) alleluia, per illos solos dies quinquaginta in Ecclesia canetur, non vsq; quaquē obseruatur. Nam & in alijs diebus varię cantantur alibi, ipsis autem diebus vbiquē.

Ibid. c. 15. SVAE verō Ecclesię consuetudinē explicans: Omnibus, inquit, diebus Dominicis Alleluia canitur, quod significat actionē nostrā futuram non esse nisi laudare Deum, sicut scriptū est: Beati qui habitant in domo tua Domine, in secula seculorum laudabunt te.

Idem epist. 86. ad Casul. ET alibi: Quibus (inquit) tantum modō diebus in multis Ecclesijs, in omnibus autem maximē cantatur alleluia, quam vocē laudis esse nullus Christianus, quālibet imperitus, ignorat.

Eo-

EODEM pertinet illud: Est enim Alleluia, & bis Alleluia, quod nobis cantare certo tempore solenniter moris est, secundum Ecclesiae antiquam traditionem. Neque enim & hoc sine sacramento certis diebus cantamus alleluia. Certis quidem diebus cantamus alleluia, sed omni die cogitamus.

Idem in
Psal. 106.

ITEM illud: Videamus fratres, si his diebus per totum orbem terrarum frustra dicatur Amen, & Alleluia.

Idem in
Psal. 21.

Euangeliorum certae quibusque festis diebus

Lectioes.

MEMINIT (inquit) sanctitas vestra, Euangelium secundum Ioannem, ex ordine lectionum nos solere tractare. Sed quia nunc interposita est solennitas sanctorum dierum, quibus certas ex Euangelio Lektionen oportet in Ecclesia recitari, quae ita sunt annuae, ut aliae esse non possint: ordo ille quem susceperamus, necessitate paululum intermissus est, non omissus.

Idem prol.
in Epist. 1.
Ioan.

Et expressius alio loco: Resurrectio Domini nostri Iesu Christi, & hodie recitata est: sed de altero libro Euangelij, qui est secundum Lucam, Primum enim lecta est secundum Matthaeum: hesternum autem die secundum Marcum: hodie secundum Lucam. Sic habet ordo Euangelistarum. Sicut enim passio ipsius ex omnibus Euangelistis conscripta est, sic dies isti septem vel octo durant spatium, ut secundum omnes Euangelistas resurrectio recitetur. Passio autem quia uno die legitur, non solet legi nisi secundum Matthaeum. Volueram aliquando, ut per singulos annos secundum omnes Euangelistas etiam passio legeretur: factum est: non audierunt homines quod consueuerunt, & perturbati sunt.

Idem
serm. 144.
de tempore.
Matt. 28.
Marc. 16.
Luc. 24.

Sermo ad populum in Exedra.

VERI autem (inquit) ventum est ad sermonis mei locum, dixi pauca pro tempore, & pro illius iocunditate laetitiae.

Idem de
ciuit. Dei
1, 22. c. 8.

Ac paulo post: Sequenti itaque die, post sermonem redditum, narrationis libellum in crastinum diem populo recitandum promisi. Quod cum ex Domini Paschae die tertio fieret, in gradibus Exedrae, in qua

V v v 2 de

de superiore loquebar loco, feci stare ambos fratres, cum eorū legeretur libellus.

Post sermonem, Catechumenorum dimissio.

Idē serm.
227. de tē.
pore.

Idē tract.
96. in Ioā.

POST sermonem (inquit) Missa fit Catechumenis: Manebunt fideles, venietur ad locum orationis.

Causam verò explicat alibi: Et si Catechumenis fideiū sacramenta nō produntur, nō ideo fit, quod ea ferre non possunt, sed ut ab eis tāto ardētius cōcupiscātur, quāto eis honorabilius occultant̃.

Oblationes fidelium.

Idem
Epist. 187.

OBLATIO verò (inquit ad Bonifaciū comitē, qui quēdam ab Ecclesia rapuerat) domūs tuæ, à clericis nē suscipiatur, indixi: Cōmunionemq; tibi interdico, donēc peracta pro ausibus vel errore à me definita tibi met pœnitentia, & tempore condonato, pro hoc facto, corde contrito & humiliato, dignū offeras sacrificiū deo.

Idem
Epist. 122.

ET alibi: Ora Deum pro eis (loquitur de captiuis virginibus apud Barbaros) & roga, ut etiam ipsas doceat talia dicere, qualia suprà memoratus sanctus Azarias, inter cætera in oratione & cōfessione sua fudit ad Deum. Sic enim sunt illæ in terra captiuitatis suæ, quo modo erant illi in ea terra, ubi nec sacrificare more suo poterant Domino, sicut nec istæ possunt, vel ferre oblationem ad altare Dei, vel inuenire ibi sacerdotem, per quem offerant Deo. Donet ergo eis Dominus, ut ei dicant, quod Azarias dixit in consequentibus precum suarum: Non est in hoc tempore princeps & Propheta & dux, non holocausta, neq; oblatio, neq; supplicationes, nec locus ad sacrificandum in conspectu tuo.

Agendi ordo, quem vniuersa seruat Ecclesia.

Idē epist.
118. ad las
nuar. c. 6.
1. Cor. 11.

Vnde intelligi datur, (inquit explicans illud Apostoli: Cetera, quū venero, disponā) quia multū erat, ut in Epistola totum illum agēdi ordinem insinuaret, quem vniuersa per orbē seruat Ecclesia, ab ipso ordinatum esse, quod nulla morum diuersitate variatur.

Communis oratio, voce Diaconi indicta.

H v c

H v c pertinet illud supracitatum : Aut communis oratio voce
Diaconi indicitur. Idē epist.
119. ad Ia-
nuar. c. 18.

Antistitum clara voce deprecatio.

H v c quoque illud eiusdem loci : Aut antistites clara voce
deprecantur.

Precationes ante consecrationem.

PRECATIONES (inquit, loco etiam longè supracitato, de Idē epist.
59. ad
Paul. q. 5.
Apostolorū sacrificio) accipiamus dictas, quas facimus, antequam
illud quod est in Domini mensa, incipiat benedici.

Exhortationes ad populum, & Orationes pro infideli-
bus, catechumenis, & fidelibus.

D I C ergò (inquit ad Vitalem fautorem Pelagianorum) aper. Idē epist.
106.
tissimè, nos pro ijs, quibus Euangelium prædicamus, non debere
orare, vt credant, sed eis tantummodò prædicare. Exerce cōtra ora-
tiones Ecclesiæ disputationes tuas, & quādo audis sacerdotem Dei
ad altare exhortantē populum Dei, ora pro incredulis, vt eos De-
us conuertat ad fidem : & pro catechumenis, vt eis desiderium re-
generationis inspiret, & pro fidelibus, vt in eo quod esse cœperunt,
eius munere, perseuerent : subfanna pias voces, & dic te non facere
quod hortatur, id est, Deū pro infidelibus, vt eos fideles faciat, non
rogare, eò quod nō sint ista diuinæ miserationis beneficia, sed hu-
manæ beneficia voluntatis.

A c sub finem eiusdem epistolæ: Nunquid & orare prohibetis Ibidem.
Ecclesiam pro infidelibus, vt sint fideles, pro ijs qui nolunt crede-
re, pro ijs qui ab eius lege doctrinaque dissentiant, vt legi eius do-
ctrinæque consentiant, vt det illis Deus quod per prophetam pro-
misit, cor cognoscendi eum, & aures audiendi, quas utique acce-
perant, de quibus Saluator ipse dicebat: Qui habet aures audiendi,
audiat?

E T paulò pōst : Si autem, quod magis credo, sentis atque con-
sentis, orare nos Deum debere ac solere pro nolentibus credere, vt

V v v 3 velint

velint credere: & pro eis qui aduersantur & contradicunt legi eius atq; doctrinæ, vt ei credant atq; sectentur.

Idem de
bon. per-
seu. c. 22.

ALIBI quoq; Atq; vtinam tardi corde & infirmi, qui nō possunt, nec nondū possunt, scripturas vel earū expositiones intelligere, sic audirent, vel non audirent in hac quæstione disputationes nostras, vt magis intuerentur orationes suas, quas semper habuit & habebit Ecclesia ab exordijs suis, donc finiatu hoc seculū. De hac em̄ re, quā nunc aduersus nouos hæreticos, non commemorare tantū, sed planè tueri & defensare compellimur: nūquā tacuit in precibus suis, etsi aliquandō in sermonibus exerēdam, nullo urgente aduersario, putauit. Quandō em̄ non oratum est in Ecclesia pro infidelibus atq; inimicis eius, vt crederent?

Idem
hæret. 88.

R VRSVM de ipsis Pelagianis agens: Destruunt etiam orationes quas facit Ecclesia, siue pro infidelibus & doctrinæ Dei resistentibus, vt conuertantur ad Deum: siue pro fidelibus, vt augeatur eis fides, & perseuerent in * eo.

* ca.

Responsio Amen.

Idē epist.
iam cit.

N V N Q V I D vbi audiēritis, sacerdotem Dei ad eius altare populum hortantem ad Deū orandum, vel ipsum clara voce orantem, vt incredulas gentes ad fidem suam venire compellat, non respondetis, Amen?

Idem de
bon. per-
seu. ca. 23.

E T alibi: Aut quis sacerdotem super fideles Dñm inuocātem, si quandō dixit, Da illis Dñe in te perseuerare vsq; in finem: non solum voce ausus est, sed saltem cogitatione reprehendere, ac non potius super eius talem benedictionem, & corde credēte, & ore cōfistente respondit, Amen?

Adhortatio, Sursū corda: Responsio, Habemus ad
Dominum.

Idē lib. de
ver. reli-
g. ca. 3.

S I (inquit) per Vrbes & Castella, vicos & agros etiam villasque priuatas, intantū apertè persuadetur & appetitur à terrenis auersio, & in vnū Deū verumq; conuersio, vt quotidie per vniuersum orbem

orbem humanum genus vna penè voce respódeat, fursùm corda se habere ad Dñm : quid adhuc oscitamus crapulam hesternam, & in mortuis pecudibus diuina eloquia perscrutamur?

A c alio loco: Vt anima Christiana non frustrà audiat, Sursùm cor, nec frustrà respondeat se habere ad Dominum.

E t rursùm : Et illud quod inter sacra mysteria cor habere fursùm iubemur, ipso adiuuante id valemus, quo iubente admonemur.

I T E R V M alibi: Quòd ergò in sacramentis fidelium dicitur, vt corda fursùm habeamus ad Dñm, munus est Domini.

T R A C T A N S etià illud Psalmi, Quoniam ad te Dñe animam meam leuauit: Certè (inquit) rectè admonet membra sua, vt fursùm corda habeant. Audiant ergò, & faciant: leuent ad cælum, quod malè est in terra. Ibi enim non putrescit cor, si leuetur ad Deum.

A L L V D I T eodèm & illud eiusdem: Quum ad illum fursùm est, eius est altare cor nostrum, eius vnigenito cum sacerdote placamur.

Adhort. Gratias agamus Domino Deo nostro. Resp.

Dignum & iustum est.

E t idè (loco citato de bon. viduit.) sequitur, vt de hoc tanto bono fursùm leuati cordis, nò nobis gloriam, quasi * nostrarũ virium tribuamus, sed Domino Deo nostro gratias agamus.

L A T I V S idipsum habet cit. c. de bon. perfeu. De quo (inqt) munere ipsi Dño Deo nostro gratias agere, à sacerdote post hanc vocem, qbus hoc dicitur, admonetur, & dignũ & iustũ esse respondent. Cùm enĩ non sit in nostra potestate cor nostrum, sed diuino subleuetur auxilio, vt ascēdat, & quæ fursùm sunt sapiat, vbi Christus est in dextera Dei sedēs, non quæ super terram: cui de hac tãta re agendæ sunt gratiæ, nisi hoc faciēti Domino Deo nostro, q nos per tale beneficiũ liberãdo, de profundo huius mũdi elegit, & prædestinavit ante constitutionem mundi?

E O D E M

Idē epist.
156. ad
Probam.

Idem de
bon. vi
dui. c. 16.

Idem de
bon. per
feu. ca. 13.

Idem in
Psal. 85.

Idē de ei
uit. Dei
li. 10. c. 4.

Idem de
bon. vi
dui. c. 16.

Idem de
bon. per
feu. c. cit.

Idē epist.
57. ad Dar-
danum.
1. Cor. 10.

EODEM pertinet & illud: Huius corporis vnitas nostro sacri-
ficio commendatur. Quod breuiter significauit Apostolus, dicens:
Vnus panis, vnum corpus multi sumus. Per caput nostrum recon-
ciliamur DEO, quia in illo est diuinitas vnigeniti facta particeps
mortalitatis nostræ, vt & nos participes ei⁹ immortalitatis essemus.
Hoc sacramentum longè est à cordibus sapientium, superborum,
& idè non Christianorum, ac per hoc nec verè sapientium. Illo-
rum etiam dico sapiētium, qui cognouerunt Deum, quia cogno-
scentes Deum, sicut dicit Apostolus, non sicut Deum glorificaue-
runt, aut gratias egerūt. Nōsti autem, in quo sacrificio dicatur, Gra-
tias agamus Domino Deo nostro. A cuius sacrificij humilitate lō-
gè abest typhus & cothurnus illorum.

Idem de
spir. &
lit. ca. 11.

ITEM illud: Theosebia, si ad verbi originem Latine expressam
interpretaretur, Dei cultus dici poterat, qui in hoc maximè consti-
tutus est, vt anima ei non sit ingrata. Vndè & in ipso verissimo, &
in singulari sacrificio, Domino DEO nostro agere gratias admo-
nemur.

Idē epist.
120. ad
Honor.
cap. 19.

ILLVD quoque libri de gratia noui testamenti: Hinc gratias
agimus Domino Deo nostro, quod est magnum sacramentum in
sacrificio noui testamenti: quod vbi, & quandò, & quomodò offe-
ratur, cū fueris baptizatus, inuenies.

Idē ferm.
super illud,
Cōfiteor tibi
Domine
pater.
Idem E-
pist. cit.

DENIQV è & illud: Nōrunt fideles, vbi & quandò dicatur,
Gratias agamus Domino Deo nostro. Quis autem gratias agit, ni-
sì qui sursū cor habet ad Dominum?

ALLVDIT huc etiam Epist. ad Vitalem supracitata, sub finē:
Si sentis atque consentis, debere nos etiam Deo agere gratias ac so-
lere pro talibus, quod ad fidem eius doctrinamque conuersi, vo-
lentes ex nolentibus fiant, oportet sine dubitatione fatearis volū-
tates hoīm Dei gratia præueniri, & vt bonū velint homines quod
nolebant, Deum facere: qui rogatur vt faciat, & cui nos nouimus
agere gratias, dignum esse cū fecerit.

Oratio

Oratio pro omnibus, & pro Imperatoribus.

HÆC autem causa (inquit) præcipua fuit ista dicendi, vt his breuiter perstrictis atq; significatis, non putaretur negligendū esse quod sequitur: Pro omnibus hominibus, pro Regibus, & ijs qui in sublimitate sunt.

Idē epist.
59. ad Pau-
lin. qu. 5.

Memoria martyrum, & nominum eorundem recitatio.

PERHIBET (inquit) præclarissimum testimonium Ecclesiastica autoritas, in qua fidelibus notum est, quo loco martyres, & quo defunctæ sanctimoniales ad altaris sacramenta recitentur.

Idem de
sanct. vir-
gin. c. 45.

QVOD magis explicat in hæc verba: Ideoq; habet Ecclesiastica disciplina, quod fideles nouerunt, cum martyres eo loco recitantur ad altare Dei, ubi non pro ipsis oretur, pro cæteris autem commemoratis defunctis oretur. Iniuria est enim pro martyre orare, cuius nos debemus orationibus commendari.

Idem de
verb.
apost.
serm. 17.

ET eisdem penè verbis alibi: Hoc (inquit) beati martyres ardenti dilectione fecerunt, quorum si non inaniter memorias celebramus, atque in conuiuio, quo & ipsi saturati sunt, ad mensam Domini accedimus, oportet vt quemadmodum ipsi, & nos talia præparemus. Ideo quippe ad ipsam mensam non sic eos commemoramus, quemadmodum alios qui in pace requiescunt, vt etiam pro eis oremus, sed magis, vt orēt ipsi pro nobis: vt eorum vestigijs adhæreamus, quia impleuerunt ipsi charitatem, qua Dominus dixit non posse esse maiorem.

Idem in
Euang.
Tract. 84.

EODEM & illud pertinet: Ad quod sacrificium, sicut homines Dei, qui mundum in eius confessione vicerunt, suo loco & ordine martyres recitantur.

Idē de ci-
uit. Dei
li. 21. c. 10.

Orationes in benedictione siue sanctificatione eius quod oblatum est.

ORATIONES (inquit Epist. citata ad Paulinū Nolanū) dicamus, quū benedicatur & sanctificatur, & ad distribuendū cōminuitur.

Idē epist.
59. ad
Paul. qu. 5.

Ac paulò post: Ideo in huius sanctificatione & distributionis

Xxx

præ-

præparatione, existimo Apostolū iussisse propriè fieri προσευχὰς, id est, orationes, vel (vt nonnulli minùs peritè interpretati sunt) adorationes: hoc est enim ad votum, quod vſtatiùs in scripturis nuncupatur εὐχὴ.

Signi crucis adhibitio.

Idem tract. 64. in Euāg. Quid est (inquit) quòd omnes nouerunt, signum Crucis, nisi crux Christi? Quòd signum nisi adhibeatur siue frontibus credētium, siue ipsi aquæ qua regenerantur, siue oleo quæ Chrismate vnguntur, siue sacrificio quo aluntur: nihil eorum ritè perficitur. Quomodò ergò per id quod mali faciunt, nihil boni significatur, quandò per crucem Christi, quam fecerūt mali, in celebratione sacramentorum eius bonum nobis omne signatur?

Idē ferm. 181. de tēpore, ca. 3. I T E M ferm. de Vigilia Pētecostes: Elegit verò crucem, quæ Ieui motu manūs exprimitur, qua & contra inimici versutias munitur. Hoc enim signo crucis consecratur corpus Dominicum, sanctificatur fons baptismatis, initiantur etiā presbyteri & ceteri gradus Ecclesiastici, & omnia quęcunq; sanctificantur, hoc signo Dominicæ crucis cum inuocatione nominis Christi, consecrantur.

Idē ferm. 12. de sanct. E O D E M pertinet illud supracitatū: Crucis caractere altaris Sacramenta cum interpositione Dñicorum verborū, conficiuntur.

Mystica consecratio.

Idem de Trinit. lib. 3. c. 4. P O T V I T tamen (inquit) Apostolus Paulus significando prædicare Dñm Iesum Christū, aliter per linguā suā, aliter per Epistolā, aliter per sacramentū corporis & sanguinis eius. Nec linguam quippe eius, nec membranas, nec atramentū, nec significātes sonos lingua editos, nec signa literarū cōscripta pelliculis, corpus Christi & sanguinē dicimus, sed illud tātū, quod ex fructibus terræ acceptū, & prece mystica consecratū, ritè sumimus ad salutē spiritālē in memoriam pro nobis Dñicæ passionis: Quod cum per manus hoīm ad illam visibilē speciē perducitur, nō significatur vt sit tam magnū sacramentū, nisi operante inuisibiliter spiritu Dei.

E. T.

TOMVS PRIMVS.

ET alibi: Cur autem arbitretur Faustns parem nobis esse religionem circa panem & calicem, nescio: cum Manicheis vinum gustare non religio, sed sacrilegium est. In vna enim agnoscunt Deum suum, in cupa nolunt, quasi aliquid eos calcatus & inclusus offenderit. Noster autem panis & calix, non quilibet quasi propter Christum in spicis & in sarmentis ligatum, sicut illi desipiunt, sed certa consecratione mysticus fit nobis, non nascitur. Proinde quod non ita fit, quanuis sit panis & calix, alimentum est refectionis, non sacramentum religionis.

EODEM pertinet illud eiusdem: Precē sacerdotis, verbis & mysterijs Euangelicis confirmatam.

Panis & vini in corpus & sanguinem Domini conuersio.

DOMINVS (inquit apud Bedam D. August. in 1. Cor. 10.) Iesus, ab eis quorum oculi tenebantur ne illum agnoscerent, in fractione panis voluit agnosci. Nouerunt fideles, sciunt quid dicam. Nouerunt Christum in fractione panis. Non enim omnis panis, sed accipiens benedictionem, fit Corpus Christi.

QVAE postrema periodus citatur etiam de Consecr. dist. 2. c. Non omnis.

EODEM pertinet & illud lib. Sententiarum D. August. per Prosperi, iuxta quod à Gratiano citatur: Nos autem in specie panis & vini quam videmus, res inuisibiles, id est, carnem & sanguinem honoramus: nec similiter comprehendimus has duas species, quemadmodum ante consecrationem comprehendebamus: cum fideliter fateamur ante consecrationem panem esse & vinum quod natura formauit, post consecrationem verò carnem Christi & sanguinem, quod benedictio consecrauit.

Christi immolatio.

NONNE semel (inquit) Christus immolatus est in seipso, & tamen in sacramento non solum per omnes Paschae solennitates, sed omni die

XXX 2 popu-

531
Idē cōtra
Faust. Ma
nich. lib.
20. cap. 13.

Beda cō.
ex Augu.
ad ca. 10.
Epist. 1.
ad Cor.

Gratiam.
de Con-
secr. dist.
2. c. Nos.

Idē epist.
23. ad
Bonif.

populis immolatur: nec utiq; mentitur, qui interrogatus, eum responderit immolari? Si enim sacramenta quandam similitudinem earū rerū, quarum sacramēta sunt, non haberēt, omninò sacramenta non essent.

Idē epist.
86. ad Ca-
sul.

ET alibi: Sacrificium laudis ab Ecclesia, toto orbe diffusa, diebus omnibus immolatur.

Idē cōtra
adu. leg.
& proph.
1. 1. ca. 20.

ITEM alio loco latiùs: Sanè de apocryphis iste posuit testimonia, quę sub nominibus Apostolorū, Andreæ, Ioannisq; cōscripta sunt. Quę si illorū essent, recepta essent ab Ecclesia, quę ab illorū temporibus per Episcoporū successiones certissimas, vsq; ad nostra &

Psal. 49.

deinceps tempora perseverat, & immolat Deo in corpore Christi sacrificiū laudis, ex quo Deus deorum locutus, vocavit terrā à solis ortu vsq; ad occasum. Hęc quippe Ecclesia est Israel secūdum spiritū, à quo distinguitur ille Israel secūdum carnē, qui seruiebat in vmbris sacrificiorū, quibus significabatur singulare sacrificium, quod nūc offert Israel secūdum spiritū, cui dictū atq; prædictū est: Audi populus me, & loquar tibi: Israel, & testificabor tibi: & cætera quę iā suprà cōmemorauī. De huius em̃ domo nō accipit vitulos, neq; de gregib⁹ eius hircos. Iste immolat Deo sacrificiū laudis, nō secūdum ordinē Aaron, sed secūdum ordinē Melchisedech. Quod in Psalmo positū est, quē Dñs Iesus in Euāgelio de se cōscriptum esse testatur, quærēs à Iudæis respondētibus Christū filium esse Dauid, quod solū de illo carnaliter nouerāt, quomodò eum Dauid in spiritu dixerit Dñm. Tunc em̃ huius psalmi cōmemorauit exordiū: Dixit Dñs Dño meo, sede à dextris meis, Donèc ponā inimicos tuos scabellum pedum tuorū. Ibì quippe & hoc dictū est, Iurauit Dñs, & nō pœnitebit eum: tu es sacerdos in æternū secūdum ordinem Melchisedech. Nouerūt qui legūt, quid protulerit Melchisedech, quādò benedixit Abraham. Et qui iam sunt participes eius, vident tale sacrificium nūc offerri Deo toto orbe terrarum.

Idem de
catacly-
smo ca. 4.

ET libro seu potiùs sermone de Cataclysmo, tractans illud: Nec relin-

relinquetis quicquam vsque ad manè: Hoc (inquit) nunc agitur. Comeditur enim agnus nunc per noctem huius seculi, vt cùm manè illud venerit, quod vesperum non habebit, non iam offeratur sacrificiũ imaginis agni, sed * ipsum agnum, quem quotidie immolamus, comedimus, & cuius sanguinem bibimus.

forſ. * ipſe
agnus, quē

Corporis Domini adoratio.

EXPLICANS illud Pſalmi: Et adorate ſcabellum pedum eius, quoniam ſanctum eſt: Quid (inquit) habemus adorare? Scabellum pedum eius. Suppedaneum dicitur ſcabellum. Quod dicunt Græci ὑποπόδιον, dixerunt Latini ſcabellum: & alij dixerunt ſuppedaneum. Sed videte fratres, quid nos iubeat adorare. Alio loco ſcriptura dicit, Cælum mihi ſedes eſt, terra autem ſcabellum pedum meorum. Ergò terram nos iubet adorare, quia dixit alio loco, quòd ſit ſcabellum pedum Dei? Et quomodò adorabimus terram, cùm dicat apertè ſcriptura, Dominũ Deum tuum adorabis: & hic dicit, Adorate ſcabellum pedum eius? Exponens autem mihi, quid ſit ſcabellum pedum eius, dicit: Terra autem ſcabellum pedum meorum. Anceps factus ſum, timeo adorare terram, nè damnet me, qui fecit cælum & terram. Rurſum timeo non adorare ſcabellũ pedum Domini mei, quia Pſalmus mihi dicit: Adorate ſcabellum pedum eius. Quæro, quid ſit ſcabellum pedum eius, & dicit mihi ſcriptura: Terra ſcabellum pedum meorum. Fluctuans, conuerto me ad Chriſtum, quia ipſum * quæro * hoc quæ- hĩc, & inuenio, quomodò ſine impietate adoretur terra, ſine im- pietate adoretur ſcabellum pedum eius. Suſcepit enim de terra terram, quia caro de terra eſt, & de carne Mariæ carnem accepit. Et quia in ipſa carne hĩc ambulauit, & ipſam carnem nobis manducandam ad ſalutem dedit: nemo autem iſtam carnem manducat, niſi priùs adorauerit: inuentum eſt, quemadmodum adoretur tale ſcabellum pedum Domini, & non ſolũ non peccemus adorando, ſed peccemus non adorando. Nunquid autem caro vi-

Idem in
Pſal. 98.

Eſai. 66.

Matth. 5.

Deut. 6.

Matth. 4.

ro,

X x x 3 uificat?

uificat? Ipse Dominus dixit, cum de ipsa commendatione eiusdem terrae loqueretur: Spiritus est qui uiuificat, caro autem nihil prodest. Ideo & ad terram quamlibet cum te inclinas atque prosternis, non quasi terram intuearis, sed illum sanctum, cuius pedum scabellum est quod adoras: propter ipsum enim adoras: ideo & hic subiecit: Adorate scabellum pedum eius, quoniam sanctum est. Quis sanctus est? In cuius amore adoras scabellum pedum eius. Et cum adoras illum, ne cogitatione remaneas in carne. & a spiritu non uiuificeris.

Idem in
Psal. 21.
enarr. 1.

ITEM super illud alterius Psalmi: Manducauerunt & adorauerunt. Manducauerunt (inquit) corpus humilitatis Domini sui etiam diuites terrae, non sicut pauperes saturati sunt usque ad imitationem, sed tamen adorauerunt.

Idem in
Psal. 48.
conc. 1.

ET alio loco hoc ipsum tractans: Quomodo manducabunt pauperes? Edent pauperes, & saturabuntur: Quid edunt? Quod sciunt fideles. Quomodo saturabuntur? Imitatio passionem Domini sui, & non sine causa accipiendo precium suum. Edent pauperes, & saturabuntur, & laudabunt Dominum qui requirunt eum. Diuites quid? Etiam ipsi edunt. Sed quomodo edunt? Manducauerunt & adorauerunt omnes diuites terrae. Non dixit, Manducauerunt & saturati sunt: sed, manducauerunt & adorauerunt. Adorant quidem Deum, sed humanitatem nolunt exhibere fraternam. Manducant illi, & adorant: manducant illi, & saturantur, tamen omnes manducant.

Idem epist.
120. ca. 27.

Psal. 21.

LATIVS vero ad ipsum lib. de gratia noui testamenti ad Honoratum, ubi eundem Psalmum pulchre explicat: Neque enim frustra ita distincti sunt, ut de pauperibus supra diceretur: Edent pauperes, & saturabuntur. Hic vero, Manducauerunt & adorauerunt omnes diuites terrae. Et ipsi quippe adducti sunt ad mensam Christi, & accipiunt de corpore & sanguine eius: sed adorant tantum, non etiam saturantur, quoniam non imitantur. Manducantes enim pauperem, dedignantur esse pauperes.

1. Pct. 2.

Ac

Ac paulopòst: Sed quia Deus excitauit eum à mortuis, & donauit ei nomen quod est super omne nomen, vt in nomine Iesu Philip. 2. flectatur omne genu cælestium, terrestrium, & infernorum: fama celsitudinis eius, & gloria nominis eius in Ecclesia vsq; quaquè diffusa, permoti, & ipsi veniunt ad mensam, manducant & adorât, non tamen saturantur, quia non esuriunt & sitiunt iustitiam.

Commemoratio mortis, resurrectionis, & ascensionis
Domini.

D. Augustinum hac de re citat Micrologus in hæc verba: Item Microlog. de Eccl. ob. seru. c. 13. ibi: Vndè & memores Domine nos serui tui, quidam Natiuitatè Domini commemorant, cùm iuxta Apostolum in eiusmodi sacrificio, non Natiuitatem Domini, sed mortem eius annunciare debemus. Vndè & sanctus Ambrosius in libris Sacramentorū: Quotiescunquè, inquit, offertur sacrificium, mors Domini, resurrectio Domini, ascensio Domini significatur. Quod & S. August. sua attestatione confirmat. Quapropter & nos ibi tantum * passionis, *passionē, resurrecti- onem & ascensio- nem resurrectionis, & ascensionis commemoramus.

At q̃y i hoc hodiè quidē reperitur in serm. 28. de verb. Dñi, verum nō aliud est, quàm rhapsodia ad verbū descripta ex l. 5. Ambrosij de sacram. c. vlt. desideratur itaq; quod ille citauit.

Memoria defunctorum.

H v c in primis pertinet quædam loca supracitata de memoria sanctorum, quæ indicant, alio loco martyrum, alio defunctorum memoriam fieri.

ITEM, In libris (inquit) Machabæorum legimus oblatum pro mortuis sacrificium. Sed & si nusquam in scripturis veteribus Idem August. l. de cura pro mort. c. 1. omninò legeretur, non parua est vniuersæ Ecclesiæ, quæ in hac consuetudine claret, autoritas: vbì in precibus sacerdotis, quæ Domino Deo ad eius altare funduntur, locum suum habet etiam commendatio mortuorum.

Ac

Ibid. c. 4. A c paulopost: Non sunt praetermittendae supplicationes pro spiritibus mortuorum, quas faciendas pro omnibus in Christiana & Catholica societate defunctis, etiam tacitis nominibus quorūq; sub generali commemoratione suscepit Ecclesia: vt quibus ad ista defunt parentes, aut filij, aut quicunq; cognati, vel amici, ab vna eis exhibeantur pia matre communi.

Idē serm. de verb. Apostoli 34. E t alibi: Orationibus verò sanctae Ecclesiae & sacrificio salutari, & eleemosynis quae pro eorum spiritibus erogantur, non est dubitandum mortuos adiuuari, vt cum eis misericordius agatur à Domino, quàm eorum peccata meruerunt. Hoc enim à patribus traditum vniuersa obseruat Ecclesia, vt pro eis qui in corporis & sanguinis Christi communione defuncti sunt, cum ad ipsum sacrificium loco suo commemorantur, oretur, & pro illis quoque id offerri commemoretur. Cum verò eorum commendandorū causa opera misericordiae celebratur, quis eis dubitet suffragari, pro quibus orationes Deo non inaniter allegantur?

Idem de ciuit. Dei l. 20. c. 9. R v r s v m alio loco: Neque enim piorum animae mortuorum separantur ab Ecclesia, quae etiam nunc est regnum Christi. Alioquin nec ad altare Dei fieret eorum memoria in communione corporis Christi.

Idem Cōfess. l. 9. c. 11. Q v a traditione instructa D. Augustini mater Monica, iam moritura hoc vnum petijt: Ponite corpus hoc vbicunque, nihil vos eius cura conturbet. Tantum illud vos rogo, vt ad Domini altare, memineritis mei vbi fueritis.

Ibid. c. 13. Q v o n repetens D. August. Tantummodò (inquit) memoriā suā ad altare tuum fieri desiderauit, cui nullius diei praetermissione seruiērat, vnde sciret dispensari victimam sanctam, qua deletū est chirographum, quod erat contrarium nobis.

A t q v e ad eū eius dicti memor, sic Deum precatur: Inspira Domine Deus meus, inspira seruis tuis fratribus meis, filiis tuis dominis meis, quibus & voce & corde & literis seruiō, vt quot
quot

quot hæc legerint, meminerint ad altare tuum Monicę famulę tuę, cum Patricio quondam eius coniuge, per quorum carnem intro-
duxisti me in hanc vitam, quemadmodum, nescio. Meminerint cum affectu pio parentum meorum in hac luce transitoria, & fra-
trum meorum sub te patre in matre catholica, & ciuium meo-
rum in æterna Hierusalem, cui suspirat peregrinatio populi tui ab
exitu usque ad reditum: & quod à me illa poposcit extremum, vbe-
rius ei preestetur in multorum orationibus, tam per confessiones,
quàm per orationes meas.

Comminutio ad distribuendum.

HVC pertinet illud supracitatum: Et quum ad distribuendum
comminuitur.

ITEM illud ex sententijs D. August. à D. Prospero collectis,
citatum à Gratiano: Quum frangitur hostia, dum sanguis de calice
in ora fidelium funditur, quid aliud, quàm Dominici corporis in
cruce immolatio, eiusque sanguinis de latere effusio designatur?

Deinde Oratio Dominica.

QVAM totam (inquit) petitionem ferè omnis Ecclesia Do-
minica oratione concludit.

ET alibi: Scitis quò accessuri sumus, quòd prius dicturi sumus,
Dimitte nobis debita nostra.

ITEM alio loco: In Ecclesia enim ad altare Dei quotidie di-
citur ista Oratio Dominica, & audiunt istam fideles. Non ergò ti-
memus nè minus illam teneatis diligenter, quia etsi quis vestrum
non poterit tenere perfecte, audiendo quotidie tenebit.

ET rursùm: Ecce ubi peracta est sanctificatio, dicimus oratio-
nem Dominicam, quam accepistis & reddidistis.

Tunso pectoris ad illud eiusdem orationis, Dimitte nobis
debita nostra.

SI falsum est, (inquit) vnde quotidie tūdimus pectora? Quod
nos quoque Antistites ad altare assistentes, cum omnibus facimus.

Yyy

Ac

Idē epist.
specit. ad
Paulin.

Gratian.
decr. de
consecr.
dist. 2. c.
Cum frā-
gitur.

August. ad
Paulin. lo-
co cit.

Idē serm.
237. de tē-
pore.

Idē epist.
42. inter
homil. 50.

Idē serm.
de Vigil.
Paschæ.

Idē serm.
10. inter
homil. 50.

Ac paulo post: Nam si nō habemus peccata, & tundētes pectora dicimus, Dimitte nobis debita nostra: ex hoc ipso certē & grauitē, nullo dubitante, peccamus, cū inter ipsa sacramenta mentimur.

Post hanc, pacis osculum.

Idē ferm.
cit. de Vi-
gil. Pasch.

POST ipsam (inquit) dicitur, Pax vobiscum: & osculantur se Christiani in osculo sancto. Sed pacis Christi signum, quod ostēdunt labia, fiat in conscientia: id est, quomodō labia fratris tui accedunt, sic cor à corde non recedat.

Benedictio super populum.

Idē epist.
sc̃p̃ cit. ad
Paulin.

Interpellationes autem (inquit) siue, vt veteres codices habent, postulationes, fiunt, cū populus benedicitur. Tunc enim Antistites vult aduocati, susceptos suos per manūs impositionem misericordissimae offerunt potestati.

Amalar.
in Prolog.
de Eccles.
offic.

QUEM locum satis aptē sic interpretatur Amaliarius: In oratione (inquit) quam dicit sacerdos post comminutionē (itā enim prorsus legendum, pro eo quod est, communionem) dicit S. Augustinus, benedicere sacerdotem populum, & transire populum ad manus sacerdotis. Hæc consuetudo nō obseruatur apud nos vsq;: quaque: nisi fortē id sit transire populū ad manus sacerdotis, quod est, accipere ab eo sacramenta corporis Domini, quod penē omnis Romana Ecclesia & Oriētalī per omnes solēnes dies agit: & id sit benedici, quod comeditur cibus Dominicus.

Idem l. 1.
c. 34.

Ac rursū alibi: Simulq; hoc notandum, quod orationē illā quam Episcopi, sicut (nam & sic legendum, pro, siue) aduocati, solent facere super populum cum signo sanctæ crucis, ille solebat facere eam, postquā comminuebat corpus Domini ad distribuendum: quam orationem vocat Postulationes.

Psalmus in distributione eius quod oblatum est.

August. 1.
Retract. 2.
c. 21.

HVC pertinet illud supracitatum contra Hilarium Tribunium de psalmis & hymnis: Siue ante oblationem, siue quum distribueretur populo quod oblatum est.

Par.

Partem et si quilibet accipiat, Christus tamē permanet integer.

INVITAT (inquit quodam ferm. de verbis Euangelij, qui de-
sideratur) Dominus seruos, vt præparet eis cibum seipsum. Quis
audeat manducare Dominum suum? & tamen ait, Qui manducat
me, viuit propter me. Quando manducatur, vita manducatur: nec
occiditur vt manducetur, sed mortuos viuificat, Quando mandu-
catur, reficit, sed non deficit. Manducatur Christus: viuit mandu-
catus: quia resurrexit occisus: nec quando manducatur, partes de il-
lo facimus. & quod in sacramento sic fit, nōrunt fideles, quemad-
modum manducant carnem Christi. vnusquisq; partem suam ac-
cipit. per partes manducatur, & manet integer totus: per partes
manducatur in sacramento: manet integer totus in cælo: manet
integer totus in corde tuo.

Apud Bes-
dam in c.
10. ep. 2. ad
Corinth.
Et Gratiā.
de cōsecr.
dist. 2. c.
Inuitat.

Viris in manus, fœminis in linteo mundo traditum
corpus Domini.

OMNES viri (inquit D. August.) quando communicare desi-
derāt, lauāt manus suas, & oēs mulieres nitida exhibēt linteamina,
vbī corpus Christi accipiāt, Non est graue, quod dico, fratres: quo
modo viri lauāt aqua manus suas, sic eleemosynis lauēt conscien-
tias suas. Similiter & mulieres, quomodō nitidum linteolum, vbī
corpus Christi accipiant: sic corpus castum & cor mundū exhibeāt,
vt cum bona conscientia Christi sacramenta suscipiant.

August.
ferm. 251.
de tēporc.

Paruuli etiam communicabant.

VND E & ipsi paruuli (inquit idem) si in illa parua ætate moriū-
tur, vtique secundum ea quæ per corpus gesserūt, id temporis quo
in corpore fuerunt, quando per corda & ora gestantium credide-
runt, vel non crediderūt, quando baptizati, vel non baptizati sunt,
quando carnem Christi manducauerunt, vel non manducauerūt,
quando & sanguinem biberunt, vel non biberunt: secundum hæc
ergo quæ per corpus gesserunt, nō secundum ea, quæ, si diū hīc vi-
uerent, gesturi fuerant, iudicantur.

Idē epist.
106. ad
Vital.

Yyy 2 Eo-

Idē epist.
23. ad Bo-
nif.

Cypr. lib.
de lapsis.

Cyprian.
ibidem.

EODEM pertinet illud, vbi Cyprianum interpretatur: Isto sensu rectē intelligi potest, quod scripsit beatus Cyprianus in epistola de Lapsis, cū eos qui tempore persecutionis, idolis immolauerant, arguens: Ac nē quid deesset, inquit, ad criminis culmulum, infantes quoquē parentum manibus impositi vel attritati, amiserunt paruuli, quod in primo statim natiuitatis exordio fuerant consecuti. Amiserunt, dixit, quantum attinuit ad illorum scelus, à quibus amittere coacti sunt. Amiserunt in eorum mente ac voluntate, qui in illos tantum facinus commiserunt. Nam si in seipsis amisissent, remansissent utique diuina sententia, sine vlla defensione, damnandi. Quod si sanctus Cyprianus arbitraretur, non eorum defensionem continuò subijceret, dicens: Nōne illi, cū iudicij dies venerit, dicent: Nos nihil fecimus, nec derelicto cibo vel poculo **D O M I N I**, ad prophana contagia spontē properauimus: perdidit nos aliena perfidia: parentes sensimus parricidas. Illi nobis Ecclesiam matrem, illi patrem **D E V M** negauerunt, vt dum parui & improvidi, & tanti facinoris ignari, per alios ad consortium criminis iungimur, aliena fraude caperemur. Hanc defensionem non subnecteret, nisi iustissimam crederet, & in **D E I** iudicio paruulis profuturam. Si enim verē dicitur, Nos nihil fecimus: anima quæ non peccauerit, ipsa cur morietur? nec illi peribunt sub Dei iusto iudicio, quos parentes suo scelere, quantum ad seipsos attinet, perdiderunt. Illud verò, quod in eadem commemoratur Epistola, quandam paruulam, turbatis in fugā parentibus, nutrice derelictā, atq; ab eadē nutrice dæmonū sacrilegijs impactā, postea in Ecclesia, illatā sibi Eucharistiam, miris motibus respuisse: Idē mihi videtur diuinitus factum, nē maiores putarent nihil se in paruulos in illa iniquitate peccare, sed potius intelligerent, per illum significantem quodam modo gestum corporis eorum, qui loqui nō poterāt, se mirabiliter admoneri, quid ipsi facere deberēt, qui

qui post tantum illud nefas sacramentis salutaribus irruebant, unde se utique poenitendo abstinere deberent. Nec cum tale aliquid diuina prouidentia per infantulos agit, ipsos id agere scientia vel ratione credendum est. Neque enim, quia cuiusdam prophetæ dementiam Deus voluit, etiam asina loquente coërcere, ideo admiranda est asinorum sapiëntia. Porro sicut per animal irrationale sonuit aliquid homini similitimum, quod miraculo diuino, non cordi asinino, tribuendum sit: ita potuit omnipotens per infantis animam, non ubi ratio nulla erat, sed ubi adhuc sopita erat, gestu corporis eius ostendere, quid illi, qui & in se, & in paruulos suos peccauerant, curare deberent.

ITEM illud quod supra de sacrificio ad altare, ex lib. 3. de Trinitate, adduximus.

Gratiarum actio post communionem.

QUIBUS peractis (inquit) & participato tanto sacramēto, gratiarum actio cuncta concludit, quam in his etiam verbis vltimam commendauit Apostolus.

Idē epist.
sæpè cit.
ad Paulin.

QUEM locum sic explicat D. Amalarius: Iuxta (inquit) Augustinum, quartus ordo Orationum, gratiarum actione omnia concludit: hoc est, quando populus respondet, Deo gratias.

Amal. in
prol. & li.
1. de Eccl.
offic. c. 34.

Catechumenis etiam traditus panis sanctificatus, alius à corpore Christi.

NON vniufmodi (inquit) est sanctificatio. Nam & Catechumenos secundum quendam modum suum, per signum Christi, & orationem manûs impositionis puto sanctificari, & quod accipiunt, quantum non sit corpus Christi, sanctum est tamen, & sanctius, quam cibi quibus alimur, quoniam sacramentum est.

Idē li. de
pecc. me
rit. & re
miss. lib.
2. ca. 26.

Post sacrificium Agapes.

NEC sacrificia (inquit) eorum vertimus in Agapes, sed sacrificium illud, quod paulo antè commemorauimus, intelleximus, dicente Domino: Misericordiam volo * quam sacrificium. Agapes enim

Idē cōtra
Fauft. lib.
20. ca. 20.
Matt. 12.

Yyy 3 nostræ

Osce 6.

nostrę pauperes pascunt, siue frugibus, siue carnibus. Pascitur enim creatura Dei, quę hominis dapibus congrua est.

Ac paulopost: Quoniam plerunq; in agapibus etiā carnes pauperibus erogatur, misericordiā Christianorū similem dicitis sacrificijs Paganorum, quorum nonnullis in hoc quoq; similes estis.

Per sacrificium vera peccatorum remissio.

Idē in Leuit. qu. 57. Ioan. 6.

SED quum Dñs dicat, (inqt) Nisi māducaueritis carnē meam, & biberitis meum sanguinem, non habebitis vitam in vobis: quid sibi vult, quod à sanguine sacrificiorum, quę pro peccatis offerebantur, tantoperē populus prohibetur, si illis sacrificijs vnum hoc sacrificium significabatur, à quo vera fit remissio peccatorū: à cuius tamen sacrificij sanguine in alimentum sumēdo, non solū nemo prohibetur, sed ad bibendum potiūs omnes exhortantur, qui volunt habere vitam?

Idē de ciuit. Dei li. 20. c. 25. 1. Ioan. 4.

ET alibi: Filios autē Leui, & Iuda, & Hierusalem, ipsam Dei Ecclesiam debemus accipere, non ex Hebræis tantū, sed ex alijs etiam gentibus congregatā, nec talem, qualis nūc est, vbi si dixerimus, quia peccatū non habemus, nos ipsos seducimus, & veritas in nobis nō est: sed qualis tūc erit velut area per ventilationē, itā per iudiciū purgata nouissimū, eis quoq; igne mundatis, quibus talis mundatio necessaria est: itā vt nullus omninō sit, qui offerat sacrificium pro peccatis suis. Omnes em̄ qui sic offerunt, profectō in peccatis sunt, pro quibus dimittendis offerūt, vt cū obtulerint, acceptumq; Deo fuerit, tunc dimittantur.

Sacrificia malorum, bonis non obsunt.

Idem cōt. Parmen. lib. 1. c. 6.

SACRIFICIA ergō (inquit) impiorū ei sipsis oberunt, qui offerunt impiē. Nam vnum atq; idem sacrificiū, propter nomen Dñi quod inuocatur, & semper sanctū est, & tale cui fit, quali corde ad accipiendum accesserit. Qui em̄ manducat & bibit indignē, iudiciū sibi manducat & bibit. Non ait alijs, sed sibi. Qui ergō manducat dignē & bibit, gratiam sibi manducat & bibit.

1. Cor. 11.

Ac

Ac rursùm: Nos (inquit) dicimus tale cuiq; sacrificium fieri, qualis accedit vt offerat, & qualis accedit vtumat, & eos de sacrificijs talium manducare, qui ad illa tales accedunt, quales & illi sunt. Itaque si offerat Deo malus, & accipiat indè bonus, talis cuiq; esse, qualis quisque fuerit: quia & illud scriptum est, Omnia munda Tit. 1. mundis.

A ieiunis offerendum, nisi fortè feria V. Cœnæ Domini.

ILLVD (inquit) magis mouere debet homines, vtrùm iam re- Idè epist. 118. ad Ianuar. c. 6.
fecti illa die, vel offerrent vel fumerent Eucharistiam &c. vt suprâ de sacrificio Apostolico, p. 51.

ET deindè: Sed nonnullos probabilis quædam ratio delectauit, Idem c. 7.
vt vno certo die per annũ, quo ipsam cœnam Dñs dedit, tanquàm ad insigniorem commemorationem post cibos offerri & accipi liceat corpus & sanguis Dñi. Honestiùs aut arbitror ea hora fieri, vt qui etiam ieiunauerit, post refectionem quæ hora nona fit, ad oblationem possit occurrere. Quapropter neminem cogimus Dñica illa cœna prandere, sed nulli etiam contradicere audemus: hoc tamen non arbitror institutum: nisi quia plures & propè omnes in plerisq; locis eo die cœnare consueuerunt. Et quia nonnulli etiam ieiunium custodiunt, manè offertur Christo, propter prandentes, quia ieiunia simul & lauacra tolerare non possunt: ad vespèram verò, propter ieiunantes.

Eo die, an manè & vespere, an verò vespere duntaxat offerendum.

SI verò (inquit) in aliena patria cùm peregrinetur, vbì maior Ibid. c. 4.
& frequentior est populus Dei, vidit, verbi gratia, bis offerri quinta sabbati hebdomadæ ultimæ quadragesimæ, & manè & ad vespèrā, veniensq; in patriā suā, vbì fine diei mos est offerri, malè illiciteq; fieri contendat, quoniam alibi aliter ipse viderit: puerilis est sensus ille, cauendus in nobis, tolerandus & corrigendus in nostris.

Ac

A c paulò post: Quæris enim his verbis, quid per quintam feri-
am ultimæ hebdomadis Paschæ fieri debeat: An offerendum ma-
nè, & rursus post cœnam, propter illud quod dictum est: Simili-
ter postquàm cœnatum est: An ieiunandum, & post cœnam tan-
tummodò offerendum: An etiam ieiunandum & post oblatio-
nem, sicut facere solemus, cœnandum. Ad hæc itaque respondeo,
vt quid horum sit faciendum, si diuinæ scripturæ præscribit autho-
ritas, non sit dubitandum, quin ità facere debeamus vt legimus, &
iam non quomodò faciendum, sed quomodò sacramentum intel-
ligendum sit, disputemus. Similiter etiam si quid horum, tota per
orbem frequentat Ecclesia. Nam hoc quin ità faciendum sit, dispu-
tare, insolentissimæ infantiæ est. Sed neque hoc, neque illud inest
in eo quod tu quæris. Restat igitur vt de illo tertio genere sit,
quod per loca regionesque variatur. Faciat ergò quisque quod in
ea Ecclesia, in quam venit, inuenit. Non enim quicquam eorum
contra fidem sit, aut contra mores, hinc vel indè meliores. His em̃
causis, id est, aut propter fidem, aut propter mores, vel emendari
oportet quod perperam fiebat, vel institui quod non fiebat. Ipsa
quippe mutatio consuetudinis, etiam quæ adiuuat vtilitate, noui-
tate perturbat. Quapropter quæ utilis non est, perturbatione infru-
ctuosa consequenter noxia est. Nec ideo putari debet institutum
esse multis locis, vt illo die post refectionem offeratur, quia scri-
ptum est identidem: Et calicem accipiens post cœnam, dicens, &c.
Ipsam enim potuit appellare cœnam, qua iam corpus acceperant,
1. Cor. 11. vt deindè calicem acciperent. Apostolus nanque alibi dicit: Con-
uenientibus ergò vobis in vnum, non est Dominicam cœnam mā-
ducare, Hanc ipsam acceptionem Eucharistiæ, Dominicam cœ-
nam vocans.

Sacrificium priuatum.

Idē de ci- V I R Tribunitius (inquit) Hesperius, qui apud nos est, habet
uir, Dei in territorio Fussalensi fundum, Cubedi appellatum: vbi cū af-
1, 22, ca. 8. flicio-

flictione animalium & feruorum fuorum, domum suam spirituum malignorum vim noxiam perpeti comperisset, rogauit nostros, me absente, presbyteros, ut aliquis eorum illò pergeret, cuius orationibus cederent. Perrexit vnus, obtulit ibi sacrificium corporis Christi, orans, quātū potuit, ut cessaret illa vexatio, Deo protinùs miserante, cessauit.

Sacrificium in designatione Episcopi.

AUGUSTINVS (ut est in gestis designationis Eradij successoris eius) Episcopus dixit: Benè habet, ut ea quæ Dei sunt, circa sacrificium eius agere valeamus, in qua hora supplicationis nostræ, maximè commēdo charitati vestræ, ut omnes vestras causas & negotia intermittatis, & pro ista Ecclesia & pro me, & pro presbytero Eradio, Domino precem fundatis.

Apud eū.
dē ep. 100.

Sacrificia pro defunctis.

NEQVE negandum est, (inquit) defunctorum animas pietate suorum viuentium releuari, cū pro illis sacrificium mediatoris offertur, vel eleemosynæ in Ecclesia fiunt. Sed eis hæc profunt, qui cū viuerent, ut hæc sibi postea prodesse possent, meruerunt. Est enim quidam viuendi modus, nec tam bonus, ut non requirat ista post mortem: nec tam malus, ut ei non profint ista post mortem. Est verò talis in bono, ut ista non requirat: & est rursus talis in malo, ut nec his valeat, cū hæc vita transierit, adiuuari. Quocircā hīc omne meritum comparatur, quo possit post hanc vitam releuari quispiam vel grauari. Nemo autem se speret, quod hīc neglexerit, cū obiērit, apud Deum promereri. Non igitur ista quæ pro defunctis commendandis frequentat Ecclesia, illi Apostolicæ sunt aduersa sententiæ, qua dictū est: Omnes em̄ ad stabimus ante tribunal Christi, ut referat vnusquisq; secundū ea quæ per corpus gessit, siue bonum, siue malum: quia etiam hoc meritum sibi quisque, cū in corpore viueret, comparauit, ut ei possent ista prodesse. Non enim omnibus profunt. Et quare non omnibus

In Enchi.
ad Laur.
cap. 109.

2. Cor. 5.

Z z z pro.

profunt, nisi propter differentiam vitæ quam quisque gessit in corpore? Cùm ergò sacrificia siue altaris, siue quarumcunque elemosynarum, pro baptizatis defunctis omnibus offeruntur, pro valdè bonis gratiarum actiones sunt: pro non valdè malis, propitiations sunt: pro valdè malis, & si nulla sunt adiumenta mortuorum, qualescunque viuorum cõsolationes sunt. Quibus autem profunt, aut ad hoc profunt, vt sit plena remissio, aut certè tolerabilior fiat ipsa damnatio.

Idem lib. de
cur. pro
mort. c. 4.

ET alibi: Hæc ità (inquit) soluitur quæstio, quoniam quodam vitæ genere acquiritur, dum in hoc corpore viuitur, vt aliquid adiuuent ista defunctos: ac per hoc secūdum ea quæ per corpus gesserunt, eis, quæ post corpus religiosè pro illis facta fuerint, adiuuentur. Sunt enim quos nihil omninò adiuuant ista: siue pro eis fiant, quorum tam mala sunt merita, vt neq; talibus digni sint adiuuari: siue pro eis, quorum tam bona, vt talibus non indigeant adiuuentis. Genere igitur vitæ, quod gessit quisque per corpus, efficitur, vt profint vel non profint, quæcunq; pro illo piè fiunt, cùm reliquerit corpus. Nam meritum, per quod ista profint, si nullum comparatum est in hac vita, frustrà quæritur post hæc vitam. Ità fit, vt neque inaniter Ecclesia vel suorū cura pro defunctis, quod potuerit religionis impendat: & tamen ferat vnusquisq; secūdum ea quæ per corpus gessit, siue bonū, siue malū, reddēte Dño vniciq; secūdum opera eius. Vt em̃ hoc quod impeditur, possit ei pdesse post corpus, in ea vita acquisitū est, quam gessit in corpore.

DEINDE quum verba sua citasset ex lib. I. de Ciuit Dei, ca. 12. de sepultura quæ mortuis rectè impenditur, & deindè explicasset, tum quòd profit sepultura apud Memorias martyrum, tum alia multa eodè spectantia, sic tandè concludit: Quæ cùm ità sint, Idem ibi. dèm c. 18. non existimemus ad mortuos, pro quibus curam gerimus, peruenire, nisi quod pro eis siue altaris, siue orationum, siue elemosynarum sacrificijs solenniter supplicamus; quanuis non pro qui-

quibus fiunt, omnibus profint, sed ijs tantum, quibus, dum viuunt, comparatur vt profint. Sed quia non discernimus qui fiunt, oportet ea pro regeneratis omnibus facere, vt nullus eorum pretermittatur, ad quos hec beneficia possint & debeant peruenire. Melius enim supererunt ista eis, quibus nec obsunt, nec profunt, quam eis deerunt quibus profunt. Diligentiùs tamen facit hæc quisque pro necessarijs suis, quod pro illo fiat similiter à suis.

Ac rursùm quæstionem tractans: Vtrum oblatio quæ fit pro quiescentibus, aliquid eorum conferat animabus, nihil aliud adfert, quàm locos iam citatos de Cura pro mortuis ad Paulinum Nolanum, ac ex Enchiridio ad Laurentium.

Idem q. 2. ad
Dulcitiū.

Eodem pertinet illud ad Aurelium Carthaginiesem Episcopum, ubi per Concilium prohibenda censet conuiuia à sacris locis & defunctorum exequijs: Sed quoniam (inquit) istæ in Cæmeterijs ebrietates & luxuriosa conuiuia, non solum honores martyrum à carnali & imperita plebe credi solent, sed etiam solatia mortuorum: mihi videtur faciliùs illis dissuaderi posse istam foeditatem ac turpitudinem, si & de scripturis prohibeatur, & oblationes pro spiritibus dormientium, quas verè aliquid adiuuare credendum est, super ipsas memorias non sint sumptuosæ, atque omnibus petentibus sine typho & cum alacritate præbeantur, neque vendantur. Sed si quis pro religione aliquid pecuniæ offerre voluerit, in præsentem pauperibus erogetur. Ità nec deferere videbuntur memorias suorum, quod potest gignere non leuem cordis dolorē: & id celebrabitur in Ecclesia, quod pie honesteq; celebratur.

Idem epi.
64.

Item quod de funere narrat suæ matris Monicæ: Psalterium (inquit) arripuit Euodius, & cantare cœpit Psalmum. Cui respondimus omnis domus: Misericordiam & iudicium cantabo tibi Domine. Audito autem quid ageretur, conuenerunt multi fratres ac religiosæ scemine, & de more illis, quorum officium erat, funus curantibus, &c.

Idem Con-
fess. lib.
9. cap. 12.
Psalm. 110.

Zzz 2 Ac

Ac deindè: Quum eccè corpus elatum est, imus & redimus sine lachrymis. Nam neq; in eis precibus quas tibi fudimus, cum offerretur pro ea sacrificium precij nostri, iam iuxta sepulcrum posito cadauere, priusquam deponeretur, sicut illic fieri solet, nec in eis precibus ego fleui, sed toto die grauiter in occulto mœstus eram, & mente turbata rogabam te, vt poteram, q̃ sanares dolorem meum, nec faciebas.

Possid. in ILLVD deniquè, quod de ipsius D. Augustini funere narrat vit. Aug. D. Possidius: Membris om̃ibus sui corporis incolumis, intergro adspectu atq; auditu, & vt scriptum est, nobis adstantibus & videntibus, ac cum eo pariter orantibus, obdormiuit in pace cum patribus suis, enutritus in bona senectute: & nobis coràm positus, pro eius commédanda corporis depositione, sacrificium Deo oblatum est, & sepultus est.

Pro non baptizatis verò, sacrificium non fiat.

Idem de anim. & eius orig. lib. 1. c. 11. SALVA (inquit) fide Catholica & Ecclesiastica regula, nulla ratione conceditur, vt pro non baptizatis cuiuslibet ætatis hominibus, offeratur sacrificium corporis & sanguinis Christi.

Idem lib. 2. cap. 15. ET postea: Nec quisquam pro eis obtulit, vel oblaturus est sacrificium, quod iste etiam pro non baptizandis censuit offerendum.

Ibidem. li. 3. ca. 12. AC latius: Noli credere, nec dicere, nec docere, sacrificiũ Christianorum pro ijs, qui non baptizati de corpore exierint, offerendum, si vis esse catholicus. Quia nec illud quod de Machabæorum libris commemorasti, sacrificium Iudeorũ, pro eis qui non circumcisi de corpore exierint, ostendis oblatum. In qua tua sententia tam noua, & cõtra Ecclesię torius autoritatẽ disciplinamq; prolata, verbo etiã insolētissimo vsus es, dicēs: Pro his sanè oblatiões asiduas, & offereda iugiter sanctorũ censeo sacrificia sacerdotũ: vt te homo laicus sacerdotibus DEI nec discendo subderes, nec saltem simul quærendo misceres, sed censendo præponeres.

EODEM

EODEM pertinet illud: Non omninò ambigendum est ista prodesse defunctis, sed talibus, qui ità vixerint ante mortē, vt possint eis hæc vtilia esse post mortem. Nam qui sine fide quæ per dilectionem operatur, eiusque sacramentis de corporibus exierūt, frustra illis à suis huiusmodi pietatis impenduntur officia, cuius, dum hic essent, pignore caruerunt.

Idē serm.
de verb.

Apostoli

34.

D. ZOZIMI ROMANI PAPAE XLII.
STATVTVM DE ECCLESIA-
STICIS MINISTERIIS.

HAEC autem (inquit D. Zozimus ad Hefychium Salonitanum episcopum) in singulis gradibus obseruāda sunt tempora. Si ab infantia Ecclesiasticis ministerijs nomen dederit, inter lectores vsq; ad vicesimum ætatis annum, cōtinuata obseruatione, perduret. Si maior iam & grandæuus accesserit, ità tamen, vt post baptismum statim se diuinæ militiæ desideret mācipari, siue inter lectores, siue inter exorcistas quinquennio teneatur: exindē acolytus, vel subdiaconus, quatuor annis, & sic ad benedictionem diaconatūs (si meretur) accedat: in quo ordine quinque annis, si inculpatē se gesserit, hæreere debet. Exindē suffragantibus stipēdijs, per tot gradus datis propriæ fidei documētis, presbyterij sacerdotium poterit promereri. De quo loco (si eò illū exactior ad bonos mores vita perduxerit) summum pontificatum sperare debet.

Zozim.
pap. epist.
1.

D. EVODII VZALENSIS IN AFRI-
CA EPISCOPI SACRAMENTORVM
CELEBRATIO, DVM IN AFRICAM
AB OROSIO PRESBYTERO AD-
FERRENTVR D. STEPHA-
NI RELIQVIAE.

Zzz 3 ALIA

Author
miracul.
D. Steph.
apud Vza-
lin, c. 1. in-
ter Serm.
D. August.
recens edi-
tos à I.
Vlimme-
rio.

ALIA (inquit author miraculorum D. Stephani in Ecclesia Vzalensi, iussu ipsius Euodij conscriptorum) virgo sacra ad locum antiquorum martyrum in suburbio ciuitatis constitutorum, qui Felix & Gemnadius nuncupantur, videbatur sibi iter facere per somnium, non ea via qua de ciuitate pergi assolet commodiosa, sed (id enim desiderabatur) aliquantulum deuia & flexuosa. Per hanc videt aduentare innumeros populos, gaudentes sanè atq; psallètes, & ceteros luminaria cum grandi celebritate gestantes, & quasi quendam candidatum comitantes, eiq; iteratis vocibus inclinantes, Confessor Christi, confessor Christi.

IGITVR post quadraginta fermè dies, ex quo ista reuelata sunt, in loco memoratorum Martyrum (nam & hoc deerat) nostrorum, quò illa pergentem se viderat, susceptis ibi reliquijs, atq; sacramentis fidelium celebratis, exindè cantantes atque psallentes, cum immensæ multitudinis choris ad ciuitatem regredi cœpimus, per illam verè (sic enim lego, pro, verò) viam, quæ puellæ monstrata est. Portabantur autem sancti Episcopi gremio residentis in vehiculo, sanctę reliquiæ.

IAM verò sicut ostensum erat puellę, ità cereis luminaribusq; fulgebant. Eandem quoquè, quam illa per visionem viderat, nos etiam intrauimus Ecclesiam.

EODEM pertinet quod sequitur: Eodem nanque die quo ingressi sunt Ecclesiam beati Stephani sanctę reliquiæ, in ipso principio canonicarum lectionum, epistola quoquè ad nos delata cuiusdam sancti Episcopi, Seueri nomine, Minoricensis insulæ, de pulpito in aures Ecclesiæ cum ingenti fauore recitata est. Quæ continebat gloriosi Stephani virtutes, quas in insula memorata per præsentiam reliquiarum suarum in salutem omnium illic credentium perfecerat Iudeorum.

CONCILII

CONCILII TELENSIS (SEV POTIVS
TELEPTENSIS) STATVTVM, DE
SACERDOTVM, OB QVOTI-
DIANA SACRIFICIA,
CONTINENTIA.

PERTINET huc, quòd confirmetur hoc Concilio, epi-
stola Decretalis D. Syricij papæ ad Episcopos per Africā:
cuius verba videre est suprà, de sacerdotum & Leuitarum etiam
cum suis vxoribus continentia.

Cōcil. Te-
lenf. Act.
Syricij pa-
pæ epist.
ad Afric.
episc.

ATQVI neque in Hispaniæ oppido Tela, neque in Latij op-
pido Telleno, hoc Concilium cōtigisse, sed potiùs in Telepte By-
zacenę prouinciæ ciuitate, colligere est: tum quòd in actis Byza-
cenum hoc Concilium nuncupetur, tum quòd illi præfederit Do-
natianus ille senex Teleptensis Episcopus, primas Byzacenę pro-
uincię, cuius frequens mentio est in cæteris Africæ concilijs.

D. BONIFACII XLIII. PAPAE RO-
MANI SACRA MYSTERIA, ET
STATVTA DE IIS.
DEM.

Inter ipsa mysteria preces pro Imperatoribus.

ECCE enim (inquit D. Bonifacius Papa epistola ad Hono-
rium Augustum) inter ipsa mysteria, inter preces suas, quas
pro vestri felicitate dependit imperij, teste (apud quem & de cuius
sede agitur) S. Petro, sollicitis pro religionis obseruantia vocibus
clamat, cum sollicita petitione miscetur oratio, nè nos in varias res
semel euulsa, distrahat à DE I cultu solito, tentatore sollicitante,
discordias.

Bonifac.
pap. epist.
1.

Oblationes discordantium non recipiantur.

Discordantium (inquit alibi) fratrum oblationes, iuxta antiqui
canonis diffinitionem, nullo modo recipiendas esse censemus.

Ex libr. 4.
Can. anti-
qu. c. 21.

Ante

Ibid.

Ante reconciliationem nemo communicet.

PERSONIS tamen discordantibus, id speciali diffinitione precipimus, ut eos ante reconciliationem vera innectat, quam ullus eorum accedere ad altare Domini audeat, vel gratiam communionis sanctae percipiat: sed geminato tempore per poenitentiam compensabunt, quo discordiae seruièrunt.

Pallam sacratam etiam monacha ne contingat.

Lib. Pontif. c. 42.

HIC Bonifacius (inquit author libri Pontificalis) constituit, ut nulla mulier, etiam (sic enim legendum, pro eo quod est, aut) monacha, pallam sacratam contingeret aut lauaret, aut incensum poneret in Ecclesia, nisi minister.

QVOD repetitur à Sigeberto in Chronicis, Radulpho Tugrensi, c. ult. & Martino Polono in Chronicis.

D. MAXIMI TAURINENSIS EPISCOPI DIVINAE FUNCTIONES ET RELIGIONIS ARCANVM.

Sacerdotum diuinæ functiones.

Maximus
homil. de
dict. Isai.
Caupones
tui &c.

HOC increpat (inquit D. Maximus) in eis, quod quum functionum diuinarum essent praesules, sectatores rerum facti sunt terrenarum.

Religionis arcanum.

Idem

QVOD aquae (inquit) transformantur in vinum, religionis designatur arcanum.

Epiph.

Ibid. hō. 1.

ET alibi explicatiùs: Quod aquae nouo sunt ordine in vina mutatae, noui nobis poculi praelibatum est sacramentum.

Idē hom.
ex Isaiā
suprà cit.

EODEM pertinet & illud de sacerdotibus: Qui sitientibus populis ministrant poculum saluatoris.

Ritus solennitatis Paschalis & Pentecostes.

Idem

hom. 1. de
Pentec.

NÔSSE (inquit) vos credo fratres, quae sit ratio, quod venerabile hanc Pentecostes diem non minore laetitia celebramus, quam sanctum

Etum Pascha curauimus: & quòd eadem deuotione huius solénitatis obseruantiam decurrimus, sicut illius obsequia festiuitatis impleuimus. Tunc enim, sicut modò fecimus, ieiunauimus sabbato, vigiliis celebrauimus, orationibus pernoctanter institimus.

Paschali tempore & Dominicis diebus stationes.

SCIRE debet (inquit) sanctitas vestra, fratres, hanc sanctá Pen- Idem de
tecostes diem qua ratione curemus, vel cur istorum quinquaginta ead, hom.
dierum numero sit nobis iugis & continuata festiuitas, ita vt hoc 3.
omni tempore neq; ad obseruandú indicamus ieiunia, neq; ad exorandum Deum genibus succidamus: sed, sicut Dominica solemus facere, erecti & feriatí resurrectioné Domini celebramus. Dominica enim nobis ideò venerabilis est atq; solennis, quia in ea saluator velut sol oriens, discussis infernorum tenebris, luce resurrectionis emicuit: ac propterea ipsa dies ab hominibus seculi, dies Solis vocatur, quòd ortus eam sol iustitiæ Christus illuminet. Instar ergò Dominicæ, tota quinquaginta dierum curricula celebrantur, & omnes isti dies, velut Dominici, deputantur. Resurrectio enim Dominica est. Nam in Dominica resurgens Saluator, reuersus ad homines est: & post resurrectionem, tota quinquagesima cum hominibus commoratus est. Aequalis ergò eorum, necessarium, vt esset festiuitas, quorum æqualis esset quantitas.

Aliæ in Ecclesiarum frequentatione ceremoniæ.

RECTE (inquit) frater frequentabis Ecclesiam, si gressus tuos Idem hom.
lethalibus laqueis auida illa non implicet & inuoluat vsura. Rectè 3. de qua-
orabis Dominum tuum, si precibus tuis obuia tibi cordis tui non drag.
obstat inuidia. Rectè contundes manibus pectus, si omnem indè furem malignę voluntatis excusseris.

In oratione etiam manuum eleuatio.

IPSIVS enim (inquit) incessus hominis, cum manus leuauerit, Idem de
crucem pingit: atque ideò eleuatis manibus orare præcipimur, vt Crucē &
ipso quoque membrorum gestu passionem Domini fateamur. sepult. Do-
mini ho-
mil. 2.

Aaaa

Tunc

Tunc enim citius nostra exauditur oratio, cum Christum quem mens loquitur, etiam corpus imitatur. Hoc etiam exemplo Moyses sanctus, cum contra Amalech bellum gereret, non armis, non ferro, sed eleuatis ad Deum manibus, eum superauit.

Altare priusquam quis accedat communicatur, reconcilietur fratri.

Idē hom.
de s^tes
phan.

AVDIAT (inquit) non me, sed ipsum Dominum suum: Si (inquit) offers munus tuum ad altare, & ibi recordatus fueris quia frater tuus habet aliquid aduersum te, relinque ibi munus tuum ante altare, & vade: prius reconciliare fratri tuo: & tunc veniens, offeres munus tuum. At nos pugnas habentes intrinsecus, & dolos in corde versantes, quasi qui bonam conscientiam habeamus, praesumimus accedere ad altare, non timentes quod scriptum est: Qui manducat & bibit indignè, iudicium sibi manducat & bibit.

**D. CAELESTINI ROMANI PAPAE
XLIIII. SACRIFICIA, ET CIR-
CA EA CONSTITV-
TVM.**

In Romana Ecclesia Antiphonae ex Psalmis ante sacrificium institutae.

Author l.
Pontif. c.
42.

HIC (inquit de D. Caelestino papa liber Pontificalis) constituit, ut Psalmi Dauid 150. ante sacrificium psallerentur antiphonatim ex omnibus: quod antea non fiebat, sed tantum Epistolae B. Pauli recitabantur, & sanctum Euangelium. Hic fecit constitutum de omni Ecclesia, maximè & de religionibus, quod hodie archiuis Ecclesiae tenetur reconditum.

Alcuin. de
diuin. off.
p. 78.

QUOD sic pulchrè interpretatur Alcuinus: Hoc officium (inquit) Missae addidit Caelestinus papa, & constituit, ut psalmi CL. ante sacrificium psallerentur antiphonatim ex omnibus, quod antea non fiebat, nisi tantum Epistola Pauli recitabatur, & sanctum Euangelium,

gelium, & sic Missa celebrabatur. Quod nos ita intelligimus, quia ex omnibus psalmis exciperet antiphonas, quæ psallerentur in officio Missæ: nam antea inchoabatur Missa à lectione, Qui mos adhuc retinetur in vigilia Paschæ & Pentecostes.

Id ipsum iisdem verbis repetit Amalarius.

Amala. de
Eccl. offic.

Consentit & Hrabanus Maurus in hæc verba: Sedenim in initio mos iste cantandi non erat, qui nunc in Ecclesia ante sacrificium celebratur, sed tantum (sic enim lego, pro, tamen) epistolæ Pauli recitabantur, & sanctum Euangelium. Cælestinus autem XLV. Episcopus post Petrum Romanæ Ecclesiæ, traditur primus statuisse, ut psalmi CL. ante sacrificium psallerentur antiphonatim ex omnibus.

l. 1. c. 5.
Hraban.
de instit.
cler. l. 2. c.
32.

Et Vualafrius Strabus: Antiphonas (inquit) ad Introitum dicere Cælestinus papa instituit, sicut legitur in gestis Pontificum Romanorum, cum ad eius usque tempora, ante sacrificium lectio una Apostoli tantum, & Euangelium legeretur.

Vualafri.
de reb. Eccl.
cles. c. 22.

Repetuntur item verba Pontificalis libri à Bernone Augienfi de Missa c. 1. & Mariano Scoto l. 2. hist.

SIGEBERTVS & post eum Martinus Polonus de eodem scribunt in hæc verba: Hic constituit, ut psalmi David, ante sacrificium canerentur antiphonatim ex omnibus: quod antè non fiebat, nisi tantum epistola B. Pauli & sanctum Euangelium recitabatur. Ex hoc instituto, excerpti ex psalmis introitus, Gradalia, Offertoria ante sacrificium, communiones (sic enim MS. codices, pro, communionis) inter communicandum, cum modulatione, ad Missam in ecclesia Romana cantari cœperunt.

Sigebert.
ad an. 416.

Et alibi: Cælestinus papa, Introitus, Gradalia, Offertoria & Communiones, ex psalmis modulari antiphonatim instituit.

Idem ad
an. 688.

RADVLPHVS denique Tungrensis latissimè. Cælestinus (inquit) primus natione Romanus, qui cœpit anno Domini 418. constituit, ut psalmi David C. & L. ante sacrificium canerentur antiphonatim

Radulph.
ad obseru.
can. c. 23.

Aaa 2 natim

natim ex omnibus, quod antè non fiebat, nisi tantum epistola beati Pauli, & sanctum Euangelium recitabatur. Ex hoc instituto excerpti ex psalmis Introitus, Gradualia, Offertoria ante sacrificium, communiones inter communicandum, cum modulatione ad Missam in Ecclesia Romana cantari coeperunt secundum Sigebertum & alios in Chronicis. Non autem intelligendum, quod Cælestinus primò introduxit psalmos dici particulatim ante sacrificium, immò ab initio diu ante eum à patribus sunt seruati. Vnde Cassianus libro tertio de institutis monachorum, c. decimo: Verum ne hoc quidem ignorandum, die Dominica vnam tantum modò Missam ante prandium celebrari. In qua Psalmodum atque orationum seu lectionum pro ipsius collectæ vel communionis Dominicæ reuerentia solennius aliquid impendentes, in ipsa tertiam sextamque pariter consummatam reputat. Quoties igitur idem à diuersis constitutum reperitur, intelligi debet, quod posterior constitutum vel obseruatum à prioribus, vel innouauit, vel autorizauit, vel emendauit, declarauit, publicauit, aut quid simile fecit.

In obsecrationibus sacerdotalibus die Parasceues
orationes solennes.

Cælest.
pap epist.
1.

Q V V M enim (inquit ipse D. Cælestinus papa epistola ad Episcopos Galliæ contra Pelagium & Cælestium) sanctarum plebium præsules mandata sibimet legatione funguntur: apud Diuinam clementiam humani generis agunt causam, & tota secum cõgemiscente Ecclesia, postulant & precantur: vt infidelibus donetur fides, vt idololatræ ab impietatis suæ liberentur erroribus, vt Iudeis, ablato cordis velamine, lux veritatis appareat: vt hæretici, catholicæ fidei perceptione, resipiscant: vt schismatici spiritum rediuiuæ charitatis accipiant: vt lapsis poenitentiae remedium conferatur: vt denique catechumenis, ad regenerationis sacramenta perductis, cælestis aula misericordiæ referetur.

HVNNI,

HVNNI, SVEVI, VANDALI ET BVR-
GUNDIONES, IN HISPANIIS ET GAL-
LIIS, AD CATHOLICAE ECCLE-
SIAE RITVM CONVERSI.

QUANTVM (inquit Paulus Orosius) si ob hoc solum Bar- Paulus
Oros. l. 7.
c. 41. cōtra
Pagan.
bari Romanis finibus immissi forent, q̄ vulgò per oriētem
& occidentem Ecclesiæ Christi Hunnis, Sueuis, Vanda-
lis, & Burgundionibus, diuersis & innumeris credentium populis
replentur, laudanda & adtollenda misericordia DEI videretur:
quandoquidem, & si cum labefactione nostrī, tantæ gentes agni-
tionem veritatis acciperent, quam inuenire utiq; nisi hac occasi-
one, non possent.

ET alibi expressius de Burgundionibus: Burgundionū (inquit) Ibi. ca. 32.
nouorum hostium nouum nomen, qui plūs quàm octoginta mil-
lia (vt ferūt) armatorum, ripę Rheni fluminis infederūt. Hos quō-
dā, subacta interiore Germania, à Druso & Tiberio adoptiuīs fi-
lijs Cæsaris, per castra dispositos, aiunt in magnam coaluisse gen-
tem: atque etiam ita nomen ex opere præsumpsisse, quia crebra
per limitem habitacula constituta, Burgos vulgò vocant, eo-
rumq; esse præualidam & perniciosam manum, Galliæ hodieque
testes sunt, in quibus præsumpta possessione consistunt: quanuis, p-
uidentia Dei oēs Christiani modò facti, catholica fide, nostrisque
clericis quibus obedirent receptis, blandè, mansuetè, innocen-
terque viuunt, non quasi cum subiectis Gallis, sed verè cum fratri-
bus Christianis.

QV o loco dum clericorum fit mentio, nō dubium quin & il-
lis sacrificia v̄sitata fuerint.

D. AMATORIS ANTISSIODORENSIS
EPISCOPI SACRAE BENEDICTIO-
NES IN ORDINATIONE D. PA-
TRICII EPISCOPI.

Aaaa 3 PA-

Beda vit.
D. Patri.
cij lib. 1.

PATRICIUS autem (inquit ven. Beda) & qui cum eo erant, declinauerunt iter ad quendam mirae sanctitatis hominem, summum episcopum, Amatorē nomine, in propinquo loco habitantem: ubi S. Patricius sciens, quae superuentura essent illi, episcopali gradu ab eodem archipræsule Amatore sublimatus est. Sed & alij nonnulli clerici ad officium inferioris gradus ordinati sunt. Eodem verò die, quo S. Patricius sacris benedictionibus consecratus est, conuenienter hoc psalmistae canticum, in choro psallentium clericorum decantatum est: Tu es sacerdos in aeternum secundum ordinem Melchisedech.

D. PATRICII SCOTORVM APOSTOLI SACRIFICIUM.

Idē Beda
loco cit.

HVC imprimis pertinet, quod de illius aduentu Magi praedicabant, teste eodem Beda: Adueniet totius artis magister cum signo suae crucis, & de altari sacramentorum conuertet animas ad Christum, & omnis populus Christianorum respondebit, Amen.

Ibidem.

DEINDE & illud eiusdem Bedae: Appropinquauit autem Pascha, (inquit) quod primum in hac insula, non sicut quondam in terra Gesen celebratum est, sed sicut Dei filius in cena sua cum discipulis corpus & sanguinem suum in redemptionem nostram consecrauit.

AC paulopost: Venerunt (inquit) in campum illum maximum, Breg nūcupatum, fixoque ibi tentorio, debita Paschae vota in sacrificium laudis, cum omni deuotione S. Patricius cum suis omnibus altissimo Deo, secundum prophetę vocem, reddidit.

EIVSDEM MISSA IN SYNODO.

Ibid. l. 2.

DEINDE (inquit idē ven. Beda) sanctissimus Patricius Episcopus venit ad fontem, qui dicitur Debach, in lateribus Crochon contra ortum solis, cum tribus episcopis & multis clericis, ut haberent conciliū de Ecclesiasticis rebus, & federūt iuxta fontem.

ET

ET non multò pòst: Tunc baptizauit filias Regis duas S. Patricius, & induit eas veste alba & candida. Quæ cùm essent baptizata, postulauerunt videre faciem Christi. Et dixit eis S. Patricius episcopus: Nisi gustaueritis de corpore & sanguine Christi, & nisi mortem corporis senseritis, non potestis Christum videre in gloria sua. Dixerūt, Da nobis sacrificium corporis & sanguinis Christi, vt soluamur à corruptione carnis, & videamus sponsum nostrum qui in celis est. Tunc Missam celebrante sancto Patricio, communicauerunt filię regis cum spe magna & fide perfecta: & cùm communicassent, statim requieuerunt in pace. Ibidem.

VANDALORVM ARRIANISMO IAM
INFECTORVM, IN ECCLESIAS AFRI
CAE, SACRIFICIIS SVBLATIS,
CRVDELIS GRASSATIO.

BREVI consequenti tempore (inquit Diuus Possidius Calamensis Episcopus) diuina voluntate & potestate euenit, (sic enim lego, pro, preuenit) vt manus ingens, diuersis telis armata & bellis exercitata, immanium hostium Vandalorum & Alanorum, commixtam secum habentes Gothorum gentem, aliarumq; diuersarum gentium personas, ex Hispanię partibus transmarinis, nauibus Africę influxisset & irruisset: vniuersa per loca Mauritaniarum, etiam ad alias nostras transiens prouincias & regiones, omni scuiens crudelitate & atrocitate, cuncta quę potuit, exolatione, cędibus, diuersisque tormentis, incendijs, alijsque innumerabilibus & infandis malis depopulata est, nulli sexui, nulli parcens etati, nec ipsis DEI sacerdotibus vel ministris, nec ipsis Ecclesiarum ornamentis seu instrumentis vel edificijs. Et hanc ferocissimam hostium grassationem & vastationem ille homo Dei Augustinus, & factam fuisse & fieri, non vt ceteri homines, sentiebat & cogitabat: sed altius & profundius eam considerans, & in

Possid.
sub finem
vitę D.
Augustini:

& in his animarum præcipuè vel pericula, vel mortes præuidens, solito amplius (vt scriptum est, Qui apponit sciētiam, apponit dolorem: & cor intelligens, quasi tinea ossibus) fuerunt ei lachrymæ panes die ac nocte, amarissimamque & lugubrem, præ cæteris suæ senectutis, iam penè extremam ducebat ac tolerabat vitam. Videbat enim ille homo Dei ciuitates excidio perditas pariter cum ædificijs, villarumque habitatores alios hostili nece extinctos, alios effugatos atque dispersos: Ecclesias sacerdotibus ac ministris destitutas, virginesque, sacras & quosque continentes ubique dissipatos: & in his alios defecisse tormentis, alios gladio interemptos esse, alios in captiuitate, perdita animi & corporis integritate ac fidei, malo more ac duro hostibus deferuire. Cernebat etiam hymnos Dei & laudes de Ecclesijs deperisse, ædificia Ecclesiarum quamplurimis locis ignibus concremata esse: solennia quoque, quæ Deo debentur, de proprijs locis defecisse: sacrificia ac sacramenta diuina vel non quaeri, vel quaerenti qui tradat, non facillè reperiri: in ipsas montium syluas & cauernas petrarum & speluncas confugientes, vel ad quascunque munitiones, alios fuisse expugnatos & interfectos, alios necessarijs sustentaculis euolutos atque priuatos, vt fame contabescerēt: ipsosque, Ecclesiarum præpositos & clericos, qui fortè Dei beneficio vel eos non incurrerant, vel incurrentes euaserant, rebus omnibus expoliatos atque nudatos, egentissimos mendicare, nec eis omnibus ad omnia, quibus fulciendi essent, subuenire posse. Vix tres superstites videbat ex innumerabilibus Ecclesijs, hoc est, Carthaginiensem, Hipponensem, & Cirthensem, quæ Dei beneficio excisæ non sunt, & earum permanent ciuitates, & diuino & humano fultæ præsidio, licet post eius obitum vrbs Hipponensis incolis destituta, ab hostibus fuerit concremata.

Victor
Vticenf.
lib. 1. de
persec.
Vandal.

ET post eum Victor Vticensis: Sexagesimus (inquit) nunc, vt clarum est, agitur annus, ex quo populus ille crudelis ac sæuus Vandalicæ gentis, Africæ miserabilis attigit fines, transuadens facili

cili transitu per angustias maris, qua inter Hispaniam Africamque æquor hoc magnū & spatiosum bisseis millibus, angusto se limite coarctauit. Transiens igitur quantitas vniuersa calliditate Geiserici regis, vt famam terribilem suæ faceret gentis, ilicò statuit omnem multitudinem numerari vsque ad illam diem, quam huic luci vt-
 rus profuderat ventris. Qui reperti sunt senes, iuuenes, paruuli, ser-
 ui vel domini, octoginta millia numerari. Quæ opinio diuulgata
 vsque in hodiernum, à nescientibus armatorum tantus numerus
 æstimatur, cū sit nunc exiguus & infirmus. Inuenientes igitur
 pacatam quietamque prouinciam, speciositatem totius terræ flo-
 rentis, quaquauersum impietatis agminibus impendebant, deua-
 stando depopulabatur, incendio atque homicidijs totum extermin-
 nantes. Sed nec arbutis fructiferis omnino parcebāt, nè fortè quos
 antra montium aut prærupta terrarum, vel seclusa quæque occul-
 tauerant, post eorum transitum illis pabulis nutrentur: & sic ea-
 dem atque iterum tale crudelitate furentibus, ab eorum contagio-
 ne nullus remansit locus immunis. Præsertim in Ecclesijs basili-
 cisque & cœmeterijs & monasterijs sceleratius seueiebant, & cum
 maioribus incendijs domus orationis magis quàm vrbes cunctaq;
 oppida concremarent, ubi fortè venerabilis aulæ clausas repererūt
 portas, certatim ictibus dextralium aditum referabant, vt rectè tūc
 diceretur: Quasi in sylua lignorum securibus cōscidēre ianuas eius
 in id ipsum, in securi & ascia deiecerunt eam, incenderunt igni san-
 ctuarium tuum, & in terra polluerunt tabernaculum nominis tui.
 Quanti tunc ab eis præclari pontifices & nobiles sacerdotes, diuer-
 sis pœnarum generibus extincti sunt, vt traderent si quid auri vel
 argenti proprium vel Ecclesiasticum haberent? Et dum hæc quæ
 erant, vrgentibus pœnis facilius proderentur, iterum crudelibus
 tormentis oblatores vrgebant, autumantes quandam partem, non
 totum, esse oblatum: & quanto plūs dabant, tanto ampliūs quempi-
 am habere credebāt. Alijs palorū vectibus ora referantes, fecit dum

Psal. 73.

B b b b

cœ-

centū ob cōfessionem pecunię, faucibus ingerebant. Nonnullos in frontibus & tibijs neruis remugientibus torquendo cruciabant. Plerisq; aquam marinam, alijs acetū, amurcam, liquamenq;, & alia multa atq; crudelia, tāquā vtribus imbutis ori impositis, sine misericordia porrigebant. Non infirmior sexus, nō consideratio nobilitatis, nō reuerētia sacerdotalis, crudeles animos mitigabat: quin immò ibi exaggerabatur ira furoris, vbi honorem conspexerant.

CAELII SEDVLII PRESBYTERI, LIBAMINA SECVNDVM ORDINEM MELCHISEDECH.

sedul.
oper. Pa
sch. libr. 3.

DEniquē (inquit) Pontificum princeps summusq; sacerdos, Quis nisi Christus adest? gemini libaminis author, Ordine Melchisedech, cui dantur munera semper Quæ sua sunt, segetis fructus, & gaudia vitis. Eodē pertinet illud de Christo:

Ibid. li. 4. Nam corporis atque Sanguinis ille sui postquā duo munera sanxit, Atque cibum, potumq; dedit, quo perpete nunquā Esuriant, sitiantq; animæ sine labe fideles: Protinūs in Iudam, sedes vbi liuor habebat, Spiritus intrauit teterrimus.

Ibidem. Item illud: Corpus, sanguis, aqua, tria vitæ munera nostræ: Fonte renascentes, membris & sanguine Christi Vescimur, atque ideo templum Deitatis habemur.

DIVI SIXTI III. PAPAE XLV. ROMANI, BASILICARVM ET ALTARIVM ERECTIO.

Hic

HIC (inquit Author libri Pontificalis) fecit basilicam sanctæ Mariæ matris Domini, quæ ab antiquis Liberi cognominabatur, iuxta macellum Libyæ, ubi obtulit hæc: Altare argenteum purissimum, pensans libras 300. Calices ministeriales aureos & duos, pensantes singuli libras singulas. Calices ministeriales argenteos 10, pensantes singuli libras 3.

Auth. lib.
Pontif.
cap. 45.

* tres

Ac non multò post: Item fecit Sixtus Episcopus confessionem beati Laurentij martyris cum columnis porphyreticis, & ornauit * transennam, & altare & confessionem S. martyris Laurentij de argento purissimo. Fecit altare pensans lib. 50.

* exedrā
* suggestū

CASTI EPISCOPI, A SYNODO ROMANA HIEROSOLYMAM DESTINATI MISSÆ.

VENIENTES autem in urbem Hierusalem, (sicuti est in Actis Synodi) introierunt feria VI. Castus, Felix, & Abundius Episcopi, Archidamus, Petrus, & Demetrius presbyteri, & Lollianus ac Leo Diaconi, cum Euphemio Episcopo, & iam sabbato suspenderunt eos ab inuicem à communione. Feria autem prima, celebrata sunt Missæ à Casto Episcopo, qui directus fuerat à Sixto Episcopo & coepiscopis suis, & à Synodo.

Act. syn.
Rom. sub
Sixto pa.

CARTHAGINI A VANDALIS ERPTA VASA SACRA, ET DIVINI CVLTVS LOCA.

AETIO (inquit D. Prosper Rhegiensis Episcopus) rebus, quæ in Gallijs componebatur, intento, Genfericus, de cuius amicitia nihil metuebat, XIII. KAL. Nou. Carthaginē dolo pacis inuadit, omnesq; opes eius, excruciatu diuerso tormentorū genere ciuibus, in ius suū vertit, nec ab Ecclesiarū spoliatione abstinēs, quas & sacris vasibus exinanitas, & sacerdotum administratione priuatas, non iam diuini cultus loca, sed suorum iussit esse habitacula: in

Prosper in
Chron. ad
ann. 442.

Bbbb 2 vni-

vniuersum captiui populi ordinem sequus, sed precipue Nobilitati & religioni infensus, vt non discerneretur, hominibus magis, an Deo, bellum intulisset.

QVAE ipsa verba repetit Marianus Scotus hist. sue lib. 2.

MYSTERIORVM DIVINORVM, EC-
CLESIIIS IAM ABLATIS, VBI PO-
TERANT, PER EPISCOPOS
AFRICAE CELEBRATIO.

Vict. vtic.
libr. 1. de
persecut.
Vandal.

RECEDENTES (inquit idem Victor) qui supererant magni sacerdotes, à Geiserico duce, tristitia & mœrore confecti, cœperunt, qualiter poterant & vbi poterant, ablati Ecclesijs, diuina mysteria celebrare.

INDE CONSECVTVM NOVVM GE-
SERICI FERALE DECRETVM, VT
NULLVS IMMOLANDI NO-
STRIS CONCEDERETVR
LOCVS.

Ibidem.

ET vt ad id redeamus, (inquit deinceps idem Victor) vnde digressi sumus, terret præceptis feralibus, vt in medio Vandalorum nostri nullatenus respirarent, neque vsquam orandi aut immolandi concederetur gementibus locus, vt manifestè tunc prophetiæ vaticinium compleretur: Non est in hoc tempore princeps aut propheta vel dux, neque locus ad sacrificandum nomini tuo.

Dan.

RHEGIENSIS CONCILII, DE OB-
LATIONE CANONES.

Chorepiscopo non nisi in absentia Episcopi
ante presbyteros offerre liceat.

ADDI-

ADDITVR (inquiunt Patreseius Synodi) nè vnquàm in ciuitatibus, nisi sub episcoporum absentia, offerre p̄sumat, nec ordinare vel vltimū clericū, nec in ea (itā nāq; lego, pro, eadē) quidem Ecclesia, quæ illi cuiuscunq; misericordia fuerit attributa, nec vlli episcoporum vel succedente ætate, assumpto aliquo, in rudimentis suis huic in aliquo quasi pro ætatis reuerentia, cedere liceat: nec vsquàm ipsi quidpiam de episcopalibus officijs vsurpare, p̄terquàm in Ecclesia, quam cuiusquā misericordia fuerit *adeptus indeptus, in qua ei solūm neophytos confirmare, & ante presbyteros offerre conceditur.

Liceat illi etiam in Ecclesia benedicere populo, quod presbyteris priuatim duntaxat concessum erat.

ET inter minutas (inquiunt) has discussiones & indefinitas, visum est, omni presbytero per familias, per agros, per priuatas domos pro desiderio fidelium habere facultatem benedictiones aperire, quod nonnullas iam prouincias habere occurrit. Huic autem etiam in ecclesiarum plebibus, per loca tamen magis, quàm per vrbes, hoc idem visum esse tribuendum.

PER GALLIAS ID TEMPORIS, MIS-
SARVM PSALMODIAE ET SACRI-
FICII RITVS, A MONASTERIIS
ORIENTIS DIVERSVS.

Clausula Psalmi, Gloria Patri, quum in Oriente oratio Psalmi succedat, & glorificatio Antiphona terminetur.

ILLVD etiam (inquit Ioannes Cassianus) quod in hac prouincia vidimus, vt vno cantante, in clausula psalmi, omnes adstantes concinant cum clamore, Gloria patri & filio & spiritui sancto, nusquàm per omnem Orientem audiuius, sed cum omniū silentio ab eo qui cātat, finito psalmo, orationē succedere: hāc verò glorificationē Trinitatis, tantūmodò solere antiphona terminari.

Bbbb 3 Cano-

Ioan. Cas-
sian de in-
stit. cœ-
nob. l. 2. c.
8.

Canonicae Orationes quotidianæ ad Horas, tertiam, sextam,
& nonam: illic verò Sabbato & Dominica tan-
tùm quum communicant.

Ibid. l. 3. c.
2.

PRECES (inquit idem) & Orationes per singula momenta
miscentes, in his officijs quæ nos statuto tempore celebramus, to-
tum diei tempus adsumunt. Quamobrem, exceptis vespertinis ho-
ris ac nocturnis congregationibus, nulla apud eos per diem publi-
ca solennitas, absq; die sabbati vel Dominica celebratur, in quibus
hora tertia sacræ communionis obtentu conveniunt.

Ad Collectam post Psalmum genuflexio, quum alibi
statio servaretur.

Ibid. l. 2. c.
7.

Hæc igitur prædictas orationes (inquit idem Cassianus pri-
mùm Constantinopolitanus, deindè Lirinenfis insulæ monachus
& Eremita) hoc modo incipiunt atque consummant per The-
baidem & Aegyptum constituti, vt finito psalmo non statim
ad incurvationem genuum corruant, quemadmodùm faciunt in
hac regione nonnulli, qui nedùm benè finito Psalmo in orationē
procumbere festinamus, ad celeritatem Missæ quantocyus pro-
perantes. Cuius dum volumus excedere modū, q̄ antiquitūs à ma-
ioribus statutus est, supputantes residuorum psalmorum numerū,
ad finem tendere perurgemur, de refectione potiùs lasi corporis
cogitantes, quàm orationis vtilitatem & commoda requirentes.
Apud illos ergò non ita est, sed antequàm flectāt genua, paulispèr
orant: & stantes, in supplicatione maiorem temporis partem ex-
pendunt. Itaque post hæc puncto brevissimo procidentes humi,
velut adorātes tantùm diuinam clemētiam, summa velocitate cō-
surgunt, ac rursus erecti, expansis manibus, eodem modo quo priùs
stantes orauerant, suis precibus intentiùs immorantur. Cùm autē
is qui orationem collecturus est, è terra surrexerit, omnes pariter
surgunt: ita vt nullus, nec antequàm inclinetur ille, genuflectere:
nec, cùm è terra surrexerit, remorari præsumat, nè non tam secu-
tus

tus fuisse illius conclusionem qui precem colligit, quàm suam celebrasse credatur.

EODEM & illud pertinet: Hoc quoquè nôsse debemus, à vespera Sabbati, quæ luceſcit in diem Dominicum, vsq; in vesperam sequentem, apud Aegyptios genua non curuari: sed nec totis quidem quinquagesimæ diebus.

Ibid. c. 18.

Dominicis diebus, quum plures nonnunquàm in Occidente, apud Aegyptios vna duntaxat Missa celebrata.

VERVM (inquit) ne hoc quidem ignorandum, die Dominico vnâ tantummodò Missam (hîc haud dubiè de Missæ sacrificio loquitur, quam alibi sacrosancta mysteria nûcupauit, dicēs à Christo esse cœnantibus Apostolis initiata) ante prandiū celebrari: in qua psalmorum atq; orationum seu lectionum pro ipsius collectæ vel communionis Dominicę reuerētia, solennius aliquid ac propēsius impendētes, in ipsa tertiam sextamq; pariter consummatâ reputât.

Ibid. l. 3. c.

11.

Ibid. c. 37
& coll. 22.
c. 4, 6, & 8.

D. LEONIS MAGNI XLVI. PA-
PAE ROMANI, SACRIFI-
CII RITVS.

Basilicæ vni Deo dedicatæ in honorem
martyrum.

QVOD nōnulli etiam (inquit D. Leo papa) Christiani adeo se religiosè facere putant, vt priusquàm ad B. Petri Apostoli basilicâ, quæ vni deo viuo & vero est dedicata, pueniant, superatis gradibus, quibus ad suggestû arę superioris ascenditur, cōuerso corpore ad nascentē se solē reflectant, & curuatis ceruicibus in honorē se splendidi orbis inclinent. Quod fieri passim ignorantia vitio, partim paganitatis spiritu, multum tabescimus & dolemus.

Leo papa
serm. 7. de
nat. Dom.

Earundem ornatus.

SI (inquit alibi) ipsam Orationis domū propēsiore tunc cura & ampliore

Idē serm.
3. de Qua-
drag.

ampliore cultu, quantum possumus, adornamus: nonne dignum est, ut anima Christiana, quæ verum viuumq; Dei templum est, speciem suam prudenter exornet, redemptionis suæ celebratura sacramentum?

Conuentus ad ecclesiam, etiam in Natalibus Martyrum.

Idē serm.
de Mas
chab.

GRATIAS (inquit) dilectissimi, agamus Dño Deo nostro, quod quanta sit huius diei solennitas, etiam si ego taceam, cōuentus vester ostendit. Tam enim conspiranti studio & deuoto animo conuenistis, ut festiuitatis magnificentiam, et si sermo nō indicet, congregatio tamen ipsa testetur, & rectè.

Oblatio Domini, quæ veteribus successit sacrificijs.

Idē serm.
s. de pas
sch, Dom.

TRAXISTI (inquit) Domine omnia ad te, ut quod in vno Iudææ tēplo obumbratis significationibus tegebatur, pleno apertōq; sacramento, vniuersarum ubiq; nationum deuotio celebraret. Nunc enim & ordo clarior Leuitarum, & dignitas amplior seniorum, & sacratior est vnctio sacerdotum: quia crux tua omnium fons benedictionum, omnium est causa gratiarū, per quam credenti datur virtus de infirmitate, gloria de opprobrio, vita de morte. Nunc etiam carnalium sacrificiorum varietate cessante, omnes differētias hostiarum, vna corporis & sanguinis tui implet oblatio, quoniam tu es verus agnus Dei, qui tollis peccata mundi, & ita in te vniuersa perficis mysteria, ut sicut vnum est pro omni victima sacrificium, ita vnum de omni gente sit regnum.

Sacrificium iteretur in festiuitatibus, si vnicum populis non sufficiat.

Idē epist.
79. seu 81.
ad Diosc.
Alexand.

UT autem (inquit) in omnibus obseruātia nostra cōcordet, illud quoque volumus custodiri, ut quum solēnior festiuitas cōuentum populi numerosioris indixerit, & ad eam tanta multitudo conuenerit, quam recipere basilica simul vna non possit, sacrificij oblatio indubitāter iteretur, ne his tantum admissis ad hanc deuotionem,

tionē, qui primi aduenerint, videātur hi, qui postmodum cōfluxerint, non recepti: quum plenū pietatis atq; rationis sit, vt quotiēs basilicam, in qua agitur, præsētia nouæ plebis impleuerit, totiēs sacrificium subsequens offeratur. Necesse est autem, vt quædam pars pupuli sua deuotione priuetur, si vnus tantum Missæ more seruato, sacrificium offerre non possint, nisi qui prima diei parte conuenerint. Studiosè ergò dilectionem tuam & familiariter admonemus, vt quod nostræ consuetudini in forma paternæ traditionis insedit, tua quoquē cura non negligat, vt per omnia nobis & fide & actibus congruam. Propter quod remeanti filio nostro Possidonio presbytero, hanc ad fraternitatem tuam epistolam dedimus perferendam, qui nostris processionibus atq; ordinationibus frequenter interfuit.

Etiam septiēs aut nouiēs vno die à D. Leone aliquandò celebrata Missarum solennia.

FIDELIUM (inquit Vualafrius Strabus) relatione virorū in nostram vsq; peruenit notitiam, Leonem papam (sicut ipse fatebatur) vna die vij. vel ix. Missarum solennia sæpius celebrasse.

Vualafri.
de reb. Eccl.
clesi, c. 21.

Apostolica lectio.

Prædicaturus verbis (inquit supradictus D. Leo papa) dilectissimi, sacratissimum maximumque ieiunium, quo aptius vtar exordio, quàm vt verbis Apostoli, in quo Christus loquebatur, incipiam, dicamq; quod lectum est: Ecce nunc tempus acceptabile, ecce nunc dies salutis?

Leo serm.
4. de quadrages.

Euangelica lectio.

QUANVIS (inquit) sciam dilectissimi, quòd sanctitatem vestram hodiernæ festiuitatis causa non lateat, eamq; secundum consuetudinem euangelicus vobis sermo reseruit.

Idē serm.
3. de Epiphania.

Et alibi: Cuius facti memoriā meritò placuit honore annuo celebrari, vt dū euangelica historia incessanter recēsetur, semper se intelligentiū sensibus inferat salutiferū mysteriū per insigne miraculū.

Idē serm.
5. de eadē.

Cccc Si-

SIMILES sunt loci (vt nē sim prolixior) ferm. 1. & 13. de pas. Domini. Sermon. 2. de Pascha, & ferm. de transfigur. Domini, qui potius inscribi debet iuxta Micrologum de eccl. obser. c. 29. De verno ieiunio in Dominica.

Post sacram lectionem sacerdotis exhortatio.

Idē ferm.
2. de Pa.
scha iam
citatur.

SED adijciendum est etiam (inquit) nostri sermonis officium, vt sicut pia expectatione deprecare vos consuetudinis debitū sentio, ita solennitati sacratissimae lectionis subiungatur exhortatio sacerdotis.

Incensum post Offertorium.

Radulph.
Tungr. de
can. obser.
c. ult.

IN quibusdam Chronicis (inquit Radulphus Tungrensis) legitur, quod Leo primus, de quo infra, constituit, vt finito Offertorio, super oblatam incensum in memoriam mortis Christi ponatur.

Illud, Orate pro me &c. D. Leoni adscriptum.

Ibid.

ERECTVS autem (inquit idem) presbyter, populum hortatur ad orandum, dicens: Orate pro me. Quod Leoni Papae adscribitur.

Natiuitatis Christi in sacrificio crebra mentio.

Leo ferm.
6. de nat.
Domini.

OMNIBUS quidem (inquit) diebus, dilectissimi, atque temporibus, animis fidelium diuina meditantium, Domini & Saluatoris nostri ex matre virgine ortus occurrit, & mens ad confessionem sui authoris erecta, siue in gemitu supplicationis, siue in exultatione laudis, siue in sacrificij oblatione versetur, nihil crebrius, nihilque magis fidenter spiritali attingit intuitu.

Supplicatio Ecclesiae pro Imperatoribus.

Idē epist.
24. & 25.
ad Theod.
Imper.

Cupiēsq; (inquit) per omnia placere DEO, cui pro vobis ab Ecclesia supplicatur.

Nominum Episcoporum Catholicorum ad altare recitatio.

DE

DE nominibus autem (inquit) Dioscori & Eustatij ad sacrum altare nō recitandis, dilectionem tuam hoc decet custodire, quod nostri ibidem constituti, faciendum esse direxerint, quodque honorandæ sancti Flauiani memoriæ non repugnet, & à gratia tua Christianæ plebis animos non auertat. Nam iniquum nimis est atque incongruum, eos qui innocentes & catholicos sua persecutione vexârunt, sanctorum nominibus sine discretionē misceri: cū damnatam impietatem non deferentes, ipsi se sua prauitate condemnēt, quos conuenit aut percelli pro perfidia, aut laborare pro venia.

EODEM & illud pertinet: Neque prius in Ecclesia, cui te Dominus voluit præsidere, cuiusquam talium (vt antè iam scripsimus) nomen ad altare recitetur, quàm, quid de eis constitui debeat, rerum processus ostendat.

Si de veritate corporis & sanguinis Domini ambigatur, non sunt vera sacrificia.

ALITER enim (inquit) in Ecclesia Dei, quæ corpus est Christi, nec rata sunt sacerdotia, nec vera sacrificia, nisi in nostræ proprietate naturæ verus nos Pontifex reconciliet, verus immaculati agni sanguis emundet. Qui licet in patris sit dextera constitutus, in eadem tamen carne, quam sumpsit ex virgine, sacramentum propitiationis exequitur.

ET apertius alibi: Tunc enim & sacrificij munda est oblatio, & misericordiæ sancta largitio, quandò ij, qui ista dependunt, quid operetur, intelligunt. Nam dicente Dño, Nisi mādūcaueritis carnem filij hominis, & biberitis eius sanguinem, non habebitis vitam in vobis: sic sacræ mensæ communicare debetis, vt nihil prorsus de veritate corporis Christi & sanguinis ambigatis.

Additum illud Canoni à D. Leone, Sanctum sacrificium, immaculatam hostiam.

HIC (inquit libri Author Pontificalis) constituit, vt intra

Cccc 2 Actio- 46.

Idē epist.
38. siue
40. ad A.
natol. Cō-
stantin.

Idem ad
eundem
ep. 44. seu
46.

Idem di-
cta Epist.
40. c. 2.

Idē ferm.
6. de ieiū.
7. mensis.

Auth. l.
Pontif. c.

Actionem sacrificij diceretur: Sanctum sacrificium, immaculatam hostiam, & cætera.

Quod iisdem verbis repetit Ven. Beda in martyrologio, Ber-
no Augiensis de Missa c.1. Marianus Scotus hist. l.2. Sigebertus in
Chronicis ad annū Dñi 442. Microl. de eccl. obseru. c.12. Martin⁹
Polonus ad annum 444. Actionē sacrificij, Canonē interpretātes.

Vvalafr.
de eccl.
reb, c. 21.

Vvalafridus verò Strabus paulò latiùs: Leo quoquē (inquit) apud
Romanos Pontificatum agens, cōstituit, vt intrā Actionē sacrificij
diceretur: sanctum sacrificiū, & reliqua. De hoc etiā queri potest,
vtrū ab eo loco, quæ sequitur, addiderit, vel ipsā tantū verba,
id est, sanctum sacrificiū, immaculatā hostiā, eo loco intermiscue-
rit. Quod quia manifestè non legimus, nolumus diffinire.

Benedictio sacerdotum.

Microl. de
Eccl. ob-
seru. c. 21.

MAGNVS Leo (inquit Micrologus) & B. Gelasius papa Da-
masi successores, in ecclesiasticis officijs apprimè eruditi, in decre-
tis suis, vbi diligentissimè, quid presbyteris liceat, quid ve non li-
ceat, describunt: nullatenùs illis benedictionem, nisi episcopo præ-
sente, interdicunt.

Responsio, Amen, post communionem.

Leo papa
ferm. 6. de
ieiun. 7.
mensis.

Hoc enim (inquit dictus Leo papa) ore sumitur, quod fide cre-
ditur: & frustra ab illis Amen respondetur, à quibus contra id quod
accipitur, disputatur.

Diuinorum mysteriorum in Pascha communis
celebratio.

Idē ferm.
10. de qua-
drag.

Cognoscimus (inquit idem) ad celebrandum Paschæ diem,
meritò nos quadraginta dierum ieiunio preparari, vt digni possi-
mus diuinis interesse mysterijs. Non enim summos tantū anti-
stites, aut secundi ordinis sacerdotes: non solos sacramentorum
ministros, sed omne corpus ecclesiæ, vniuersumque fidelium nu-
merum, ab omnibus contaminationibus oportet esse purgatum.

CON-

CONCILII ARAVSICANI I. CANO-
NES CIRCA SACRIFICIVM.

Energumeni iam baptizati, si purgari se curent, ad communionem admittendi.

ENERGVMENI (inquiunt Hilarius Arelatenſis, Eucherius & Salonius, cæteriſque eius Synodi Patres) iam baptizati, ſi de purgatione ſua curent, & ſe ſollicitudini clericorum tradant, mortisq; obtemperent, omnimodò communicent, ſacramenti ipſius virtute vel muniendi ab incurſu dæmonum, quo infeſtantur, vel purgandi, quorum iam oſtenditur vita purgator.

Concil. 1.
Arauſic.
cap. 14.

In vnum propoſitio Sacramenti conſecretur.

ADMIXTIONEM (inquiunt) Eucharistiæ, ſimul ſacrandam ibid. c. 17. cenſuimus.

A VT iuxta aliam editionē: Cùm capſa & calix inferendus eſt, & admixtione Eucharistiæ conſecrandus.

Euangelia audiant etiam Catechumeni.

EVANGELIA (inquiunt iuxta editionem meo iudicio caſti- gatiorem) placuit deinceps catechumenis legi, apud omnes prouinciarum noſtrarum Eccleſias. Ibid. c. 18.

Ad fidelium verò benediſtionem etiam domeſticam non admittantur.

Ad fidelium (inquiunt iuxta eandem editionem) benediſtionem, etiam inter domeſticas orationes, inquantum caueri poteſt, ſegregandi: informandiſque ſunt, vt ſe reuocent, ad ſignandos vel benedicendos ſe, ſemotè offerant. Ibi c. 20.

D. EVCHERII LVGDVNENSIS EPI-
SCOPI OBLATIO DO-
MINICA.

Cccc 3 Hvc

suprà pa.
7. ex cōs
ment. Eu
cherij in
Genef.

Idē Euch.
qu. 2. in
epist. 1. ad
Corinth.

Ibi. 13. in
Genef.
cap. 49.

Idem in
Euang.
Matth.
quæst. 11.

Concil.
Vasenf.
cap. 2.

HVC pertinet inprimis, quod suprà adduximus, de sacrificio secundum ordinem Melchisedech, quod à Christianis offertur toto orbe terrarum.

DEINDÈ & istud super illo Apostoli, Nunquid domos non habetis &c. Quod in hæc verba explicat: Apud Corinthios quondam, sicut alibi asserunt, praua inualuerat consuetudo, Ecclesias passim dehonestare conuiuijs, in quibus vescebantur ante Dominicam oblationem.

EODEM pertinet illud eiusdem: Aser Christus est, cuius panis pinguis factus est, caro scilicet eius, quæ est esca sancta sanctorum, quam quisquis manducat, viuet in æternum.

ITEM illud: Regnum DEI Ecclesia est, in qua quotidie bibit sanguinem suum Christus per sanctos suos, tanquam caput in membris suis.

CONCILII VASENSIS I. CANONES DE DEFUNCTORVM OBLATIONIBVS.

Pœnitentium subito defunctorum Oblationes accipiantur, & commemorationes eorum fiant in salutaribus sacris.

HORVM (inquiunt Patres) qui pœnitentia accepta, bono vitæ cursu, satisfactoria compunctione viuentes, sine communionem, inopinato nonnunquam transitu, in agris aut in itineribus, præueniuntur, oblationem recipiendam, & eorum funera, ac deinceps memoriam, Ecclesiastico affectu prosequendam: Quia nefas est, eorū cōmemorationes excludi à salutarib⁹ sacris, q̄ ad eadē sacra fideli affectu cōtendentes, dum se diutius reos statuūt, & indignos salutiferis mysterijs iudicant, ac dum purgatiores restitui desiderāt, absq; sacramentorū viatico intercipiūt, q̄bus fortasse nec absolutissimam reconciliationem sacerdos denegandam putasset.

Qui defunctorum retinent oblationes, excommunicentur.

QVI

QVI oblationes(inquiunt) defunctorum retinent,& Ecclesijs tradere demorantur, vt infideles sunt ab Ecclesia abiiciendi: quia vsq; ad inanitionem fidei peruenire certum est hanc diuinæ pietatis exacerbationem: quia & fideles de corpore recedentes, votorum suorum plenitudine,& pauperes consolatualimonie,& necessaria sustentatione fraudantur.

PATRV M CONCILII ARAVSICANI
II. BASILICAE DEDICATIONIO.

QVVM ad Dedicationem (inquiunt) basilicæ, quam Illustrissimus præfectus & patricius, filius noster Liberius in Arausica ciuitate, fidelissima deuotione construxit, Deo propitiantes,& ipso inuitante, conuenissemus.

Concil.
Arausic.
II. in initio.

CONCILII VASENSIS II.
CIRCA MISSAS CANTIONES.

ET hoc placuit (inquiunt Cæsarius & D. Prosper, cæterique eius Concilij Patres) vt omnes presbyteri, qui sunt in parochijs constituti, secundum consuetudinem, quam per totam Italiam satis salubriter teneri cognouimus, iuniores Lectores quoscunq; secum in domo, vbi habitare videntur, recipiant:& eos quomodò boni patres, spiritualiter nutriendos, psalmos parare, diuinis lectionibus insiltere,& in lege Domini erudire contendant.

Concil.
Vasens. 2.
cap. 1.

A Diaconis Euangelia & Homiliæ SS. Patrum recitentur.

SI (inquiunt) presbyter, aliqua infirmitate prohibente, per se ipsum non potuerit prædicare, sanctorum patrum homiliæ à diaconibus recitentur. Si enim digni sint Diaconi, quæ Christus in Euangelio locutus est, legere: quare indigni iudicentur sanctorum patrum expositiones publicè recitare?

Ibid.ca.2.

Ky-

Kyrie eleison in omnibus Ecclesijs frequentius
dicatur.

Ibid. ca. 3. **E** T quia (inquiunt) tam in sede Apostolica, quàm etiam per totas Orientales atq; Italiae prouincias, dulcis & nimium salubris cōsuetudo intromissa est, vt Kyrie eleison frequentius cum grandi affectu ac compunctione dicatur: placuit etiā nobis, vt in omnibus Ecclesijs nostris ista cōsuetudo sancta, & ad matutinum, & ad Missas, & ad vesperam, Deo propitiante, admittatur.

In omnibus Missis, etiam pro Defunctis, tē Sanctus,
dicatur.

Ibid. c. 4. **E** T in omnibus Missis (inquiunt) siue matutinis, siue Quadragesimalibus, siue in illis, quæ pro defunctorum commemorationibus fiūt, semper **SANCTVS**, Sanctus, Sanctus, eo ordine, quo ad Missas publicas, dici debeat: q̃a tam dulcis & desiderabilis vox, etiam si die noctuq; possit dici, fastidium non poterit generare.

Nomen papæ Romani recitetur.

Ibidem. **E** T hoc nobis (inquiunt) iustum visum est, vt nomen Domini Papæ, quicumq; sedi Apostolicę præfuerit, in nostris Ecclesijs recitetur.

Post, Gloria patri, semper addatur, Sicut erat in principio.

Ibid. c. 5. **E** T quia non solum (inquiunt) in sede Apostolica, sed etiam per totum Orientem, & totam Africam vel Italiam, propter hereticorum astutiam, qua Dei filium non semper cum patre fuisse, sed à tempore cœpisse blasphemant, in omnibus clausulis post **GLO-RIA** patri &c. **SICVT** erat in principio, dicitur: etiam & nos in vniuersis Ecclesijs nostris hoc ita dicendum esse decreuimus.
D. PROSPERI RHEGIENSIS EPISCO-PI, ORATIONVM COMMVNIVM CELEBRATIO, ET SACRIFICIVM.

Lex supplicationis Ecclesiæ pro omnibus.

QVAM

QUAM legem supplicationis (inquit D. Prosper, explicans
locum Apostoli 1. Tim. 2.) ita omnium sacerdotum & omni-
um fidelium deuotio concorditer tenet, vt nulla pars mū-
cap. 4.

di sit, in qua huiusmodi Orationes non celebrētur à populis Chri-
stianis. Supplicat ergo vbiq; Ecclesia Deo, non solum pro sanctis
& in Christo iam regeneratis, sed etiam pro omnibus infidelibus,
& inimicis crucis Christi, pro omnibus idolorum cultoribus, pro
omnibus qui Christum in membris ipsius persequuntur, pro Iu-
dæis, quorum cæcitati lumen Euangelij non refulget, pro hæreti-
cis & schismaticis, q̄ ab vnitae fidei & charitatis alieni sunt. Quid
aut pro istis petit, nisi vt relictis erroribus suis, cōuertantur ad De-
um, accipiant fidem, accipiant charitatem, & de ignorantia tenebris
liberati, ad agnitionem veniant veritatis?

Sacrificij extra Ecclesiam Catholicam lo-
cus non est.

SICVT (inquit, verba D. Augustini citans) videndum est, quid, Idē sentē.
& cui offeras: ita etiam considerandum est, vbi offeras. Quia veri ex D. Au-
sacrificij extra Catholicam Ecclesiam locus non est. gust. c. 15.

Quod ipse sic carmine reddidit:

Sic tamen, vt nōrit, qui reddit vota Tonanti,

Vnum diuinis cultibus esse locum

Idē epigr.
15.

In toto mundo, quem vera Ecclesia præbet,

Et sine quo nullum iustitiæ est meritum.

Sacro libamine pasci, magnum præsidium.

Magnum (inquit) præsidium est, sacro libamine pasci,

Ibi, epigr.
70.

Si cor participis crimina nulla premunt.

Nam geminat sibi met peccati pondera, quisquis

Quæ bona sunt, * sumit: quæ mala, non refugit,

* spernit:

Oblationes fidelium quotidianæ.

LAC (inquit) & lanas ouium Christi, oblationibus quotidia-
nis ac fidelium gaudentes, accipimus.

Idē de vi-
ta cōtēpl.
li. 1. ca. 21.

D d d d

Per

Per sacerdotes Deus placatur.

Ibid. c. 25. PER tales (inquit) Deus placatur populo, populus instruitur Deo.

Deum facilius placabunt, qui vltro ob peccata occulta, se ab altaris ministerio separant.

Ibidem
li. 2. ca. 7. QVAPROPTER Deum (inquit) sibi facilius placabunt illi, qui non humano conuicti iudicio, sed vltro crimen cognoscunt, quia aut proprijs illud confessionibus produnt, aut nescientibus alijs, quales occulti sunt, ipsi in se voluntariae excommunicationis sententiã ferunt, ab altari cui ministrabant, non animo, sed officio separati.

CARPENTORACTENSIS CONCILII, DE MISSIS STATVTVM.

Concil.
Carpentor.
epist. ad
Agretiũ.

QVAPROPTER (inquiunt) hoc communi in Christo deliberatione sancimus, vt, quia filium nostrum Protadium statuta canonibus per vos inserta, & vos simili sententia constringunt: vsq; emissio anno Missas facere non præsumas: quia æquum est, vt quod apud Antistites Deo medio statuitur, inuiolabiliter Deo propitio conseruetur.

PRISCILLIANISTARVM SACRANCESTA.

Leo papa
epist. 91.
siue 93.

QVOD autem (inquit D. Leo papa ad Turibium Asturicensem Episcopũ) de Manichæorũ scelerisimo scelere, hoc etiã de Priscillianistarũ incestissima consuetudine olim reperiunt, multumq; vulgatum est. Qui enim per omnia sunt impietate sensuum pares, non possunt in sacris suis esse dissimiles.

AD ILLOS DENO INVESTIGANDOS INDICTA HISPANIARVM SYNODVS.

HA-

HABEATUR ergò (inquit ibidè) inter vos episcopale Concilium, & ad eum locum, qui omnibus opportunus sit, vicinarum prouinciarum conueniāt sacerdotes, vt secūdum ea, quæ ad tua cōsulta respondimus, plenissimo disquiratur examine, vt si sint aliqui inter episcopos, q̄ hui⁹ hereseos cōtagio polluantur, à comuniōe sine dubio separandi, si nefandissimam sectam per omnium sensuum prauitates damnare noluerint.

Ibidem.

MANICHAEORVM ROMAE SIMV-
LATA COMMVNIO IN PVBL-
CIS CONVENTIBVS.

QVVM (inquit idem) ad tegēdam infidelitatem suam nostris audeant interesse mysterijs, itā in sacramentorum communione se temperāt, vt interdum tutius lateant: ore indigno Christi corpus accipiunt, sanguinem autem redemptionis nostræ haurire omninò declināt. Quod ideo vestram volumus scire sanctitatem, vt nobis huiuscemodi homines & his manifestetur indicijs, & quorum deprehensa fuerit sacrilega simulatio, notati & proditi, à sanctorum societate, sacerdotali autoritate pellantur. De tabulis enim B. Paulus Apostolus Ecclesiam Dei prouidè monet, dicens: Rogamus autem vos fratres, vt obseruetis eos, qui dissensiones & offendicula præter doctrinam, quam vos didicistis, faciūt, & declinate ab illis. Huiuscemodi enim Christo Domino non seruiūt, sed suo ventri: & per dulces sermones & benedictiones seducunt corda innocentium.

Idē serm.
4. de Qua-
drag.

CL. MARIi VICTORIS MASSILI-
ENSIS, DE ECCLESIAE SACRI-
FICIO TESTIMONIUM.

MElchisedech (inquit) vinumque & panem ab cæde reuerso Obtulerat, rex ille Salem, qui munere tali Mystica præmisit summi libamina Christi:

Cl. Mar.
Victor. li.
3. in Gen.

D d d d 2 Cuius

Cuius de manibus sumens Ecclesia corpus
Viuificum panem, caelesti pota cruore est.

Idē epist.
ad sal.
monem
Abbat.

Eodē pertinet illud eiusdem:
Si Domini templum supplex orator adisti,
Immō & custodem templi, populiq̃ue magistrum,
Quot tu isthic hominēs, tot Christi altaria cernis.

SYNODI ROMANAE CONTRA PRAE-
DATORIAM EPHESINAM SYNODVM,
ERRORIS EVTYCHETIS PER MY-
STERIVM CORPORIS ET SAN-
GVINIS DOMINI CON-
FVTATIO.

Concil.
Rō. epist.
apud Les
on. papā
22. siue 23.

IN quibus (inquiunt, praeside D. Leone papa, eius Concilij Pa-
tres) isti ignorantiae tenebris, in quo hactenus desideria torpore
iacuere, ut nec auditu discerent, vel lectione cognoscerent, quod
in Ecclesia DEI in omnium ore tam consonum est, ut nec ab
infantium linguis veritas corporis & sanguinis Christi inter com-
munis sacramenta fidei taceatur? Quia in illa mystica distributio-
ne spiritualis alimoniae hoc impartitur, hoc sumitur, ut accipientes
virtutem caelestis cibi, in carnem ipsius, qui caro nostra factus est,
transeamus.

ATTILAE HVNNORVM REGIS IN
SACERDOTES ET ECCLESIAS
GALLIARVM, PRAESERTIM IN
METENSI VRBE, CRV-
DELITAS.

Greg. Tu-
ron. hist.
Franc. lib.
2. cap. 7.

IGITUR * Chuni (inquit Diuus Gregorius Turonensis) à Pan-
nonijs egressi, ut quidam ferunt, in ipsa sanctae Paschae vigilia, ad
Metensem urbem, reliqua depopulando, perueniunt, tradentes urbē
incen-

incendio, & populum in ore gladij trucidantes, ipsosq; sacerdotes
Domini ante sacrosancta altaria perimentes,

D. NICASII RHEMENSIS EPISCO-
PI MISSARVM SOLENNIA.

RHEMIS (inquit Vsuardus in Martyrolog.) passio S. Ni- Vsuard. in
martyrol.
14. Decemb.
casij martyris, qui Missarum solennibus pactis, à Vuandalis
(seu potius Hunnis) intrà Ecclesiam Rhemensem passus est mar-
tyrium.

VASATENSIS EPISCOPI GRATIA-
RVM ACTIONIS MISSA.

PVLLVLANTE (inquit Sigebertus) intrà Gallias Arria- Sigebert.
in Chron.
ad an. Do-
mini 453.
na hæresi, quæ inæquales credēs esse personas sanctę Trinita-
tis, dicebat filium minorem esse patre, spiritū verò sanctum mino-
rem patre & filio, Dominus errantes corrigit, ostendens plano mi-
raculo Deum in tribus personis vnius & æqualis esse substantiæ, nec
debere ab indignis de diuinitate tractari. Nam Vasatenfi vrbe ab
Hunorum obsidione liberata per diuinum auxilium, cū Epi-
scopus pro gratiarum actione Missam populo celebraret, respiciēs
fursū, vidit desuper altare, quasi de camera templi cadere æqua-
liter tres guttas æqualis magnitudinis crystallo clariores, quę simul
defluentes & in vnum coniunctæ, quasi vnam gemmā pulcherri-
mam effecerūt, quam cū in medio crucis aureæ & gemmatæ po-
suisset, alię gemmę ceciderūt: seorsū verò posita, infirmis dabat
sanitatem. Adorantibus verò imaginem sanctę crucis, augebat de-
uotionē: quia pijs & mundis clara, & immūdis obscura videbatur.

SALVIANI MASSILIENSIS PRE-
SBYTERI SOLENNIA
SACRA.

Ad Ecclesias & altaria concurfus.

Dddd 3 . ECCLE-

saluian.
Mafsil. l.
3. de iudi.
& prouid.
Dei.

ECCLESIAS (inquit Saluianus) vel potiùs templa atque altaria Dei, minoris reuerentiæ quidam habent, quàm cuiuslibet minimi ac municipalis iudicij domum. Siquidem intrà ianuas non modò illustrium portarum, sed etiam præsidum aut præpositorum, non omnes passim intrare præsumunt, nisi quos aut iudex vocauerit, aut negotium traxerit, aut ipsa honoris proprii dignitas introire permiserit: ità vt si quispiam ingressus insolenter fuerit, aut cædatur, aut propellatur, aut aliqua verecūdia atq; existimationis suæ labe mulctetur. In templa autem, vel potiùs in altaria atque in sacraria Dei, passim omnes sordidi ac flagitiosi sine vlla penitus reuerentiā sacri honoris irrumpunt, non quia nō omnes ad exorandum Deum currere debeant, sed quia qui ingreditur ad placandum, non debet egredi ad exacerbandum. Neque eiusdem officij est, indulgentiam poscere, & iracūdiam prouocare. Nouum siquidem monstri genus est: eadem penè omnes iugiter faciunt, quæ fecisse se plangunt. Et qui intrant ecclesiasticam domum, vt mala antiqua defleant, exeunt, & quid dico exeunt, in ipsis penè hæc orationibus suis ac supplicationibus moliuntur. Aliud quippe ora hominum, aliud corda agunt.

Ibid. l. 7.

EODEM pertinet, quod cōqueritur de frequentatis magis spectaculis quàm ecclesijs: Si quandò (inquit) vsu venit, quod scilicet sepe euenit, vt eodem die & festiuitas ecclesiastica, & ludi publici agantur: quæro ab omnium conscientia, quis locus maiores Christianorum virorum copias habeat, cauea' ne ludi publici, an atrium Dei? & templum magis sectentur, an theatrū? dicta euangeliorum magis diligant, an thymelicorum: verba vite, an verba mortis: verba Christi, an verba mimi? Non est dubium quin illud magis amemus, quod antè ponimus. Omni enim feralium ludicrorum die, quamlibet ecclesiæ festa fuerint, nō solū ad ecclesiā nō veniunt, qui Christianos se esse dicūt: sed si qui inscij fortè venerūt, dum in ipsa ecclesia sunt, si ludos agi audiunt, ecclesiam derelinquunt.

Cere-

Cæremoniæ in Ecclesia.

AD domos videlicet (inquit) statim Dominicas currimus, cor- Ibid.
pora humi sternimus, mixtis cum fletu gaudijs supplicamus.

Sacerdotum diuinarum rerum administratio.

ET post hæc (inquit idem in opere titulo Timothei ad eccle- Idem l. 2.
fiam contra auaritiam edito) parum est successoribus Apostolorū, ad eccl. ca.
id est, Leuitis ac sacerdotibus, tanta diuinarum rerum administra- thol. cōtr.
tione fungentibus, si ipsi tantum diuites fuerint, nisi etiam hære- auarit.
des diuites derelinquant.

Eorundem sacra solennia.

DENIQUE si vult (inquit priori illo opere) quispiā scire, quid Idem de
in templo huiusmodi homines cogitauerint, videat quid sequatur. indic. l. 3.
Siquidem consummatis solennibus sacris, statim ad consuetudina-
ria omnium studia discurrunt.

Ad aras munera.

ILLVSTRAMVS (inquit alibi) donarijs sacra limina, aras mu- Ibid. l. 6.
neribus.

In ijs Euangeliorum lectio.

HVC pertinet illud supra citatum: Dicta euangeliorum magis Ibid.
diligant, an thymelicorum.

Postulationes item ad Deum pro rebus præsen-
tibus.

REMOVET igitur (inquit) à se curā mortalium Deus. Et quæ Ibid. l. 1.
ergò nobis diuinæ religionis est ratio, quæ vel causa Christum
colendi, vel spes propiciandi? Si enim negligit DEVS in hoc se-
culo genus hominum, cur ad cælum quotidie manus tendi-
mus? cur orationibus crebris misericordiam DEI quærimus?
cur ad ecclesiasticas domos, currimus? cur ad altaria supplica-
mus? Nulla est enim nobis ratio precandi, si spes tollitur impe-
trandi. Vides ergò quàm stulta atque inanis sit huius persuasione
assertio, quæ utique si recipitur, nihil penitus de religione seruatur.

Sed

Sed ad illud fortè confugies, vt dicas nos metu futuri iudicij Deū colere, & ideò omnium præsentium officiorum cultu elaborare, vt in die futuri seculi mereamur absolui. Quid ergò sibi vult Apostolus Paulus, præcipiens quotidie in Ecclesia ac iubens, vt offeratur iugiter Deo nostro orationes, obsecrationes, postulationes, gratiarum actiones? & hæc omnia quam ob causam? quam vtique, nisi (vt ipse dicit) vt quietam & tranquillā vitam agamus in omni castitate? Pro præsentibus, vt videmus, Domino supplicari iubet.

Christus in altari.

Ibid. l. 6. SPERNITVR (inquit) Dei templum, vt concurratur ad theatrum. Ecclesia vacuatur, circus impletur. Christum in altario dimittimus, vt adulterantes visu impurissimo, oculos ludicrorū turpium fornicatione pascamus.

CONCILII ARELATENSIS III. DE SACRIFICIO MISSAE CA- NONES.

Intra annum Missas episcopus non celebret, qui canones Ordinationum non obseruauerit.

Concil. **E**T ideò (inquiunt Cæsarius & alij eius Concilij patres) qui-
Arelat. 3. cunq; ab hac die contra ea, quæ superius sunt compræhensa,
c. 3. clericum ordinare præsumpserit, ab ea die, qua ei potuerit hoc
approbari, anno integro Missas facere non præsumat. Quam rem
si quis obseruare noluerit, & contra constitutum fratrum faciens,
* commu- Missas celebrare præsumpserit, ab omnium fratrum * charitate no-
nitione uerit se alienum.

Eucharistia inueterata, igne comburatur.

Iuo Decr. **O**MNE (inquiunt iidem can. 5. iuxta quod citat D. Iuo) sa-
part. 3. c. crificium sordida vetustate perditum, igne comburendum
39. est, & cinis iuxta altare sepeliendus.

Qui sacrificium non benè custodiërit, poeniteat.

QVI

QVI non benè (inquiunt ijdem can. 6. iuxta quod citatur à D. Iuone & Gratiano) custodierit sacrificium, & mus vel aliquod aliud animal comederit illud, quadraginta dies pœniteat. Qui aut perdidit illud in ecclesia, aut ei⁹ pars ceciderit, & inuēta non fuerit, triginta dies pœniteat. Perfundens aliquid super altare de calice, quandò offertur, sex dies pœniteat: aut si abundantius, septem dies pœniteat. Qui autem perfundit dum solennitas Missæ celebratur, quadraginta dies pœniteat. Si verò, celebrata Missa, presbyter neglexerit accipere sacrificium, similiter quadraginta dies pœniteat. Et qui accipit sacrificium pollutus nocturno tempore, septem dies pœniteat. Diaconus obliuiscens offerre orationē, donèc offeratur lintheamen, quandò recitantur nomina paufantiū, similiter pœniteat. Qui negligentiam erga sacrificium fecerit, ut in eo vermis consumptus sit, & ad nihilum deuenerit, tres quadragēsimas cum pane & aqua pœniteat. Si integrum inuentum fuerit, & in eo vermis, comburatur, & cinis sub altare recodatur: & qui neglexerit, quaternis diebus suam negligentiam soluat. Si cum amissione saporis decoloratur sacrificium, viginti dies expleantur ieiunio: conglutinatum verò, septem dies, qui merferit, pœniteat.

In Missa populus non discedat, nisi iam completa, & benedictione sacerdotis accepta.

I T E M (inquiunt aut huius, aut alterius, quod non exstat, Concilij Arelatēsis patres, iuxta quod citatur à DD. Burchardo & Iuone) cum ad celebrandam Missam in Dei nomine cōuenit populus, non antè discedat, quàm Missæ solennitas compleatur, & ubi Episcopus defuerit, benedictionem accipiat sacerdotis.

Burch. l. 3.
decr. c. 29.
Iuo part.
3. c. 34.

**GEISERICI, ROMA CAPTA, SACRO-
RVM VASORVM DIRE-
PTIO.**

Eccc IS

Ioan. Zo-
nar An-
nal. Tom.
in Marti.
ano Impe-
rat.

IS igitur (inquit Ioann. Zonara de Geisericis agens) cum classe & copijs magnis Romam venit: Maximo, cum inde profugisset, à suis occiso, vrbe citra laborem potitur, & omnes eius diuitias, sacrarum ædium aurea donaria, & gemmis ornata, nonnulla etiã vasa è templo Hierosolymitano à Tito allata, aurea & ipsa, vnà cum Eudoxia, & duabus eius filiabus, in Africam secum abportat.

Niceph. l.
15, c. 11.

QUOD paucis sic repetit Nicephorus: Multa quoque inde ecclesiastica & preciosa abstulit vasa, inter quæ non pauca etiam Hebraica fuere, quæ Vespasianus & Titus, Hierosolymis vastatis, Romam secum attulerant.

DE GRATIAS CARTHAGINIENSIS
EPISCOPI, CAPTIVORVM ROMA-
NORVM, VASIS SACRIS DI-
VENDITIS, REDEM-
PTIO.

Vict. Vti-
cens. de
persecut.
Vand. l. 1.

STATIM (inquit Victor Vticensis) fategit vir Deo plenus & charus, vniuersa vasa ministerij aurea vel argentea distrahere, & libertatem de seruitute barbarica liberare.

MAVRIS CONVERSIS, PRESBYTER ET
MINISTRI DESTINATI A ROMA-
NO PONTIFICE.

Ibid.

MITTUNT (inquit idem Victor) per itinera distenta deserti: peruenitur tandem ad ciuitatem Romanam. Rogatur Episcopus, vt presbyterum & ministros credenti populo destinaret. Explet cum gaudio, quod petebatur, Pontifex. Dei constituitur ecclesia: baptizatur multitudo maxima Barbarorum, & de lupis grex fecundus multiplicatur agnorum.

D. VA.

D. VALERIANI ABENSIS PROVIN-
CIAE ZEUGITANAE EPISCOPI
MARTYRIVM, QVOD DIVINA SA-
CRAMENTA NOLLET
TRADERE.

ACCENDITVR propter hæc (inquit idem) aduersus ^{Ibid.}
DEI Ecclesiam Geisericus. Mittit Proculum quendam in
prouinciam Zeugitanam, qui coarctaret, ad tradendum ministe-
ria diuina vel libros, cunctos Domini sacerdotes, vt primò armis
nudaret, & ità faciliùs inermes hostis callidus captiuâset. Quibus
se non posse tradere clamitantibus, ipse rapaci manu cuncta depo-
pulabatur, atque de pallis altaris, prò nefas, camisias sibi & femora-
lia faciebat. Qui tamen Proculus huius rei executor, frustatim
sibi comedens linguam, in breui turpissima consumptus est mor-
te. Tunc enim sanctus Valerianus Abensis ciuitatis Episco-
pus, dum viriliter, sacramenta diuina nè traderet, dimicâset, fo-
râs ciuitatem singularis iussus est pelli, & ità præceptum est, vt nul-
lus eum neque in domo, neque in agro dimitteret habitare. Qui
in strata publica multo tempore nudo iacuit sub aëre, annorū erat
plūs lxxx.

QVOD repetunt Ven. Beda & Vsuardus in hæc verba: Apud ^{Beda &}
Aphricam B. Valeriani Episcopi & confessoris, qui cū esset an- ^{Vsuard. in}
norum plūs quàm octoginta, extra ciuitatem singularis expelli ^{Martyrol.}
iussus est: & ità præceptum, vt nullus eum neque in domo, neque
in agro dimitteret habitare, sed in strata publica multo tempore
nudo sub aëre iacens, in confessione Catholicæ veritatis & defen-
sione sanctimonij, cursum beatæ vitæ compleuit.

QVOD paucis item Sigebertus in Chronicis.

LITVRGICON ECCLESIAE LATINAE
ALIORVM IN APHRICA OB CELE-
BRATAM SOLENNITATEM
PASCHALEM MAR-
TYRIVM.

Viā. v-
tic., loc., ci-
tat

QVODAM tempore (inquit idem Victor) Paschalis so-
lennitas agebatur, & dum in quodam loco, qui Regia voca-
tatur, ob diem Paschalis honoris, nostri sibi met clausam
Ecclesiam referarent, compererūt Arriani: statim quidā presbyter
eorum Antiot nomine, congregata secum armatorum manu, ad
expugnandam turbam accenditur innocentum. Introeunt euagi-
natis spatibus, arma corripunt, alij quoque tecta conscendunt, & per
fenestras Ecclesiae sagittas spargunt. Et tunc forte canente populo
Dei, lector vnus pulpito sistens, alleuiaticum melos canebat. Quo
tempore sagitta in gutture iaculatus, cadente manibus codice, mor-
tuus post cecidit ipse. Nam & alij quam plurimi sagittis & iaculis
in medio crepidinis altaris probantur occisi. Nam qui gladijs tunc
interempti non sunt, postea pœnis attriti, regio iussu omnes penè
necati sunt, praesertim maturioris ætatis.

EORVNDem VANDALORVM, IN COR-
PVs ET SANGVINEM DOMINI
CONTVMELIA.

Ibid.
ser. Thas-
mugade

ALIBI namq; (inquit) sicut * Thimazadæ contigit, Gali-
bus, vico Ammonia, vel alijs in locis, tempore quo sacra-
menta Dei populo porrigebatur, introeuntes, maximo furore cor-
pus Christi & sanguinem pavimentis sparserunt, & illud pollutis
pedibus calcaverunt.

RENOVATA ROMAE A D. LEONE PA-
PA, SACRA VASA, POST CLADEM
VANDALICAM.

HIC

HIC (inquit Author Libr. Pontificalis) post cladem Vandalicam, renouauit omnia ministeria sacrata argentea per oēs titulos. Auct. lib. Pontif. cap. 46.

AD SYNODVM VENETICAM A SE IN
ITALIA INDICTAM CONTRA PELAGIANOS, STATVTVM D. LEONIS
PAPAE, DE TRANSLATIONE
CLERICORVM AD ALIAS
ECCLESIAS.

ILLAM quoquē partem (inquit D. Leo papa, Nicetæ scribens Aquileiensi Episcopo, prouinciæ Veneticæ Metropolitano) ecclesiasticæ disciplinæ, qua olim à sanctis patribus, & à nobis sæpè decretum est, vt nec in presbyteratûs gradu, nec in diaconatûs ordine, nec in subsequenti officio clericorum ab Ecclesia ad Ecclesiam cuiquam transire sit liberum, vt in integrum reuoces, admoneamus. Vt vnusquisque, non ambitione illectus, non cupiditate seductus, non persuatione hominum deprauatus, ibi, vbi ordinatus est, perseueret : ita vt si quis sua quærens, non quæ Iesu Christi, ad plebem & Ecclesiam suam redire neglexerit, & ab honoris privilegio, & à communionis vinculo habeatur extraneus. Leo papa epist. 84. siue 86.

VICTORIANI VOCONII SEV
BVCONII, CASTELLANI MAV-
RITANIAE EPISCOPI, SA-
CRAMENTORVM
LIBER.

VOCONIVS Castellani (inquit Gemnadius Massyliensis Mauritaniae oppidi Episcopus) scripsit aduersus Ecclesiae inimicos Iudæos & Arrianos & alios hæreticos. Composuit etiam sacramentorum egregium volumen. Gemnad. in Catal. script. illust.

Eccc 3 MV-

LITURGICON ECCLESIAE LATINAE
MVS AEI MASSYLIENSIS PRESBY-
TERI, LECTIONVM ET SA-
CRAMENTORVM LIBRI.

Ibidem.

MVSAEVS (inquit idem) Massyliensis Ecclesiae presbyter, vir in diuinis scripturis doctus, & in earum sensibus subtilissima exercitatione limatus, lingua quoque scholasticus, hortatu S. Venerij Episcopi, excerptis ex sanctis scripturis lectiones totius anni, festiuis aptas diebus, responsoria etiam psalmorum & capitula, tempori & lectionibus congruentia: quod opus tam necessarium à lectoribus in Ecclesia probatur, vt expetitur, & solitudinem tollat & moram, plebique ingerat scientiam, celebritatem & decorem. Sed & ad personam sancti Eustasij Episcopi, successoris praedicti hominis Dei, composuit sacramentorum egregium & non paruum volumen, per membra quidem pro opportunitate officiorum & temporum, pro lectionum textu, psalmorumque ferie & decantatione discretum: sed supplicandi Deo, & contestandi beneficiorum eius soliditate sui consentaneum: quo opere, grauissimi sensus & castigatae eloquentiae agnouimus virum. Homilias dicitur etiam declamasse: quas & haberi à fidelibus viris cognoui, sed ego non legi. Moritur Leone & Maiorano regnantibus.

D. HILARII PAPAE ROMANI
XLVII. CORPORIS ET SAN-
GVINIS DOMINI
MYSTERIVM.

Corpus Christi in singulis partibus totum
accipitur.

Gratian.
de cōsecr.
dist. 2. ca.
vbi.

VBI pars est (inquit Diuus Hilarius papa, iuxta quod citatur à Gratiano) corporis, est & totum. Eadem ratio est in corpore Domini, quae in manna, quod in eius figura praecessit. De quo

quo dicitur : Qui plus collegerat, non habuit amplius : neque qui minus parauerat, habuit minus. Non enim est quantitas visibilis in hoc æstimanda mysterio, sed virtus sacramenti spiritualis.

Exod. 16.

Corporis Christi in altari veritas.

CORPVS Christi (inquit idem apud eundem) quod sumitur in altari, figura est, dum panis & vinum videtur extrà : veritas autem, dum corpus & sanguis CHRISTI in veritate interiùs creditur.

Ibid. c.
Corpus

CONCILII TURONICI I. CANO-
NES, DE MINISTRORVM AL-
TARIS CONTINENTIA OB
QVOTIDIANA SA-
CRIFICIA.

SI vniuersis (inquiunt eius Synodi Patres) fidelibus, secundùm Apostolicam doctrinam, castitas custodienda indicitur, vt qui habent vxores, ita sint, quasi non habentes: quanto magis sacerdotes Dei ac Leuitę, diuino mancipati altario, custodire debent, vt nō solum cordis, verum etiam puritatem corporis seruantes, pro plebe supplicaturi, preces illorum ad diuinum mereantur introire auditum? quia secundùm authoritatem Apostoli, qui in carne sunt, Deo placere non possunt. Vos autem non estis in carne, sed in spiritu. Et iterum, Omnia munda mundis, coinquinatis autem & infidelibus nihil est mundum, sed polluta est eorum & mens, & conscientia. Cùm ergo laico abstinencia imperetur, vt possit orationi vacans, & Deum deprecans, exaudiri: quāto magis sacerdotibus vel Leuitis, qui omni momento parati esse debent, in omni munditia & puritate securi, nē aut sacrificium offerre, aut baptizare, si id temporis necessitas poposcerit, cogantur imparati aut immundi? Qui si cōtaminati fuerint carnali concupiscentia, qua fronte excusabunt? quo pudore vsurpabunt? qua conscientia, quo merito exaudiri se credent?

Concil.
Turon. 1.
cap. 1.Rom. 8.
Tit. 1.

1. Cor. 7.

Et

Eiusd.
can. 2.

ET licet à patribus nostris de commissa autoritate id fuerit constitutum, vt quicumque sacerdos vel Leuita, filiorum procreationi operam dare fuisset conuictus, à communione Dominica abstinere: nos tamen huic distictioni moderationem adhibentes, & iusta constitutione mollientes, id decreuimus, vt sacerdos vel Leuita coniugali concupiscentiæ adhærens, vel à filiorum procreatione non desinens, ad altiorem gradum non conscendat, neque sacrificia DEO offerre, vel plebi ministrare præsumat.

CONCILII VENETICI GALLIARVM
CANON, DE SERVANDO
EODEM SACRORVM
RITV.

Concil.
Venet.
cap. 15.
* ordi-
num &

RECTVM quoque duximus, (inquiunt D. Perpetuus Turenensis, alijq; eius Synodi patres) vt vel intrà prouinciam nostram sacrorum * & ordo psallendi vna sit consuetudo, vt sicut vnam cum Trinitatis cōfessione fidem tenemus, vnam & officiorum regulam teneamus, nè, variata obseruatione, in aliquo obseruatio nostra discrepare credatur.

CONCILII ROMANI STATV-
TVM SVB HILARIO PAPA,
DE CLERICIS VXORES
DVCENTIBVS.

Gesta syn.
Rom. Hi-
lar. papa
sub finē.

TIBERIVS (vti habent gesta Synodi post recitatas literas Tarraconensis Prouinciæ Hispaniarum Synodi) episcopus Sabinensis dixit: Profitetur me statuta sedis Apostolicæ in omnibus custodire: & si in Ecclesia mea clericorum aliquem, cōtra præcepta sanctorum canonum depræhendero aut mulierem duxisse, aut duas habere vxores, ab Ecclesiastico officio separari.

D. SIM-

D. SIMPLICII ROMANI PAPAE
XLVIII. STATVTVM DE EC-
CLESIASTICIS MINISTE-
RIIS.

QVI illicite (inquit) à Gaudentio Aulinensis Ecclesiæ fa. simpl pap
cerdote contra statuta Canonum sunt prouecti, ab Ecclesi- pa epist. 3.
asticis ministerijs sint remoti.

CLAVDIANI MAMERTI VIENNEN-
SIS GALLIARVM EPISCOPI, MIS-
SARVM SOLENNIA, ET *LETA-
NIARVM INSTITVTIO.

REFERT Auitus Viennensis Episcopus (D. Gregorio Tu- Greg. Tu.
ronensi teste) in quadam Homilia, quam de Rogationibus ron. hist.
scripsit, has ipsas Rogationes, quas ante Ascensionis Dominicæ Franc. lib.
triumphum celebramus, à Mamerto ipsius Viennensis vrbs epi- 2. cap. 34.
scopo, cui & hic eo tempore præerat, institutas fuisse, dum vrbs illa
multis terretur prodigijs. Nam terræ motu frequenter quatieba-
tur: sed & ceruorum atque luporum feritas, portas ingressa, per to-
tam (vt scripsit) urbem nihil metuens oberrabat. Cumque hæc per
anni circulum gererentur, aduenientibus Paschalis solennitatis die-
bus, expectabat misericordiam DE I plebs tota deuotè, vt vel hic
magnæ solennitatis dies huic terrori terminum daret. Sed in ipsa
gloriosæ noctis vigilia, dum Missarum celebrarentur solennia, sub-
itò palatium regale intramuraneum diuino igne succenditur, pa-
uore omnibus perterritis, & Ecclesiam egressis redentibus, nè aut
hoc incendio vrbs tota cõsumeretur, aut certè disrupa tellure de-
hisceret, sanctus sacerdos prostratus ante altare, cum gemitu & la-
chrymis Domini misericordiam imprecatur. Quid plura? penetra-
uit excelsa poli oratio pontificis inclyti, restinxitq; domus incen-
dium flumen profluentium lachrymarum. Cumque hæc ageren-
tur, adpropinquante Ascensione, vt iam diximus, maiestatis Do-

F f f f mini-

minice, indixit populis ieiunium, instituit orandi modum, edendi seriem, erogandi hilarem dispensationem. Cessantibus quoque exinde terroribus, per cunctas prouincias dispersa facti fama, cunctos sacerdotes imitari commonuit, quod sacerdos fecit ex fide: quæ usq; nunc in Christi nomine, per omnes Ecclesias in compunctione cordis & contritione spiritus celebratur.

D. SIDONII APOLLINARIS AVERNENSIS EPISCOPI MISSAE.

Ibi. c. 22.

CONTIGIT autem quadam die, (inquit idem D. Gregorius Turonensis) ut S. Sidonius ad festiuitatem basilicæ monasterij, cuius supra meminimus, inuitatus accederet: ablatoque sibi nequiter libello, per quem sacrosancta solennia agere consueuerat, ita paratus à tempore cunctum festiuitatis opus explicuit, ut ab omnibus miraretur, nec putaretur ab adstantibus, ibi dè hominem locutum fuisse, sed angelum. Quod in præfatione libri, quem de Missis ab eo compositis, coniunximus, plenius declarauimus.

*lego: ex tempore

Ibid. 27.

Sidon.
Apollin.
epist. ad
Basilium.

PERTINET eodè, quod adfert ex eiusdem D. Sidonij Epistola, de Euarigis Regis Ostrogotthorum in Gallijs seuitia: Nam & ipsos sacrorum templorum aditus spinis iusserat obserari, ut ritas ingrediendi, obliuionem faceret fidei.

IDACII CLARI IN HISPANIIS EPISCOPI, AD ALTARE SACRIFICII.

Idacii Clari contra
Varidadū
Arrianū.

SI verò dixerint (inquit disputans contra Arrianos) in hoc patet filio maior esse docetur, quia illi soli sacrificium immolatur. Resp. Ut vanæ propositioni vestræ absque vlla subtilitate aut compositione verborum, à nobis competens & congruum reddatur responsum: Sicut patri, ita etiam filio, non solum Christianis temporibus, verumetiam à prisca temporis sacerdotibus, multis varijsq; modis probamus sacrificium fuisse oblatum, Daniele propheta di-

Daniel. 3.

ta dicēte: Nō est locus, inquit tres pueri, ad sacrificādum nomini tuo, & inuenire misericordiam, sed in anima & spiritu humilitatis fuscipiamur, & sicut in holocausto arietū & taurorū, & multitudinē agnorum pinguium, itā fiat sacrificiū nostrum in conspectu tuo hodiē, vt placeat tibi. Et vt filium fuisse agnoscas, cui hi tres pueri sacrificium se fassi sunt obtulisse, ex ipsius regis ac tyranni, qui eos in fornacem ignis mitti pręceperat, cōfessione addisce, q se cum tribus quartum in ipso æstuātis camini incēdio sociatum p̄didit cōspexisse. Nōne, inquit, tres viros misimus in fornacem victos? Et dixerūt ei: Verē Rex. Et dixit: Ecce ego video quatuor viros solutos, & deambulantes in medio ignis, & corruptio nulla est in eis, & aspectus quarti similis est filio Dei. Idem Dei filius per prophetam loquitur, dicens: Ab ortu solis vsque ad occasum sacrificium offertur nomini meo, & oblatio munda: quia magnum est nomē meum in gentibus, dicit Dominus. Et Dauid in Psalmis Psalm. 67. ait: In templo tuo Hierusalem tibi offerunt reges munera. Et vt hęc de filio Dei se dixisse doceret, in alio Psalmo loquitur, dicens: Psalm. 71. Reges Tharsis & insulę munera offerent, reges Arabum & Saba dona adducent, & adorabunt eum omnes reges terrę, omnes gētes seruient ei. Et vt hęc omnia superiūs designata * à patre, filio Dei for. * non Patri soli, sed & doceamus fuisse oblata, in natiuitate eiusdem filij Dei, quę secundum carnem facta est, probamus fuisse completa, Euangelio comprobante: Quodd cum natus esset Iesus in Bethleem Iudę, in diebus Herodis regis, ecce Magi ab Oriente venerūt Hierosolymam, Matth. 2. dicentes: Vbi est qui natus est rex Iudęorum? Et infrā: Et intrantes in domum, inuenerunt puerum & Mariam matrem eius: & p̄cidentes, adorauerunt eum: & apertis thesauris suis, obtulerunt ei munera. Sacrificium itaq;, quod à Christianis sacris altaribus ad-mouetur, non solum D E O patri, sed etiam filio communi deuotione offertur: quoniam nec patri sine filio potest offerri, neque filio sine patre sanciri.

Ffff 2 AB

AB HUNERICO GEISERICI FILIO, IN-
TIO REGNI PERMISSI SPIR-
TALES CONVENTVS.

Viñ. Vti-
cens. de
persecut.
Vandal.
lib. 2.

MORTVO igitur Geiserico (inquit Victor Vticensis) Hunericus maior filius patri succedit. Qui primordiq; regni, vt habet subtilitas Barbarorum, cœpit mitius & moderatiùs agere, & maximè circa religiõem nostram, vt etiam vbi antea sub rege Geiserico præiudicatum fuerat, nè spiritales fierent conuētus, conuenticula concurrerent populorum.

EIVSDEM EDICTVM, QVO CATHOLICIS PERMITTEBAT MISSARVM ACTIONEM, DVMMODO IDEM ARRIANIS EPISCOPIS LICERET.

Viñ. ibi.

IVSSIT vobis (inquit, eodem teste, in Edicto suo Hunericus) Dominus dici, quia Imperator Zenon, & nobilissima Placidia, per Alexandrum virum illustrem scripserunt, petētes vt Ecclesia Carthaginis, religiõis vestrę, proprium episcopum habeat: hoc fieri pcepit, atq; eis rescripsit, vel legatis ab eis directis dici iussit, vt sicut petierunt, vobis episcopum quem volueritis, ordinetis: eo sub tenore, vt nostrę religiõis Episcopi, q; in Cōstātinopoli sunt, & p alias p-uincias Oriētis, ex eiꝝ pcepto, Episcopi liberũ arbitrium habeāt in Ecclesijs suis, quibus voluerint linguis populo tractare, & legem Christianam colere, quemadmodũ vos hic vel in alijs Ecclesijs quæ in p-uincijs Africanis cōstitutę sunt, liberum arbitrium habetis in Ecclesijs vestris Missas agere vel tractare, & quæ legis vestrę sunt, quemadmodũ vultis facere.

NON MVLTTO POST, EPISCOPORVM,
CVM ALIIS NVMERO III. MILLIBVS,
D.CCCC.LXVI IN EXILIVM ACTORVM,
DIVINA MYSTERIA.

QVI-

QVIBVS (inquit idem) prosequar fluminibus lachrymarū, ^{Ibid.}
quandò Episcopos, presbyteros, diaconos, & alia Ecclesiæ
membra, id est, quatuor millia, DCCCCLXVI. ad exiliū eremi
destinavit? in quibus erāt podagrici q̄ plurimi, alij per ætatē anno-
rū à lumine tēporali priuati. In quorū erat numero B. Felix Abdi-
ritanus Episcopus, habens iam in Episcopatu XLIII.

Congregantur vniuersi in Siccensē & Larensē ciuitates, vt
illuc occurrentes Mauri, sibi traditos ad eremum perduxissent.

ILLIC clamantibus & dicētibz ingenti vociferatione, Chri-
stiani sumus, Catholici sumus, Trinitatem Deum inuiolabilē cō-
fitemur: includuntur grauiori quidem, sed adhuc latiori custodia,
vbī nobis copia dabatur & introire, & verbum admonitionis fra-
tribz facere, & diuina myſteria celebrare.

IN ITINERE VOCES FIDELIUM AD MARTYRES, DIVINVM SACRIFI- CIUM DESIDERANTIVM.

QVANTAE (inquit idem) tunc multitudines de diuersis regi- ^{Ibid.}
onibus & ciuitatibus, ad visendos Dei martyres occurrerint
populorū, testantur viæ vel semitę: quę cum agmina venientiū ne-
quaquā caperent, vel vertices montiū & valliū, concurrēs turba fi-
delium inæstimabilis descendebat, cereos manibus gestātes: suosq;
infantulos vestigijs martyriū proijcientes, ista voce clamabāt: Qui-
bus nos miseros relinqtis, dum pergitis ad coronas? qui hos bapti-
zaturi sunt paruulos fontibus aquæ perennis? qui nobis pœnitētiæ
munus collaturi sunt, & recōciliatiōis indulgētia obstrictos pecca-
torū vinctis soluturi? Quia vobis dictum est, Quęcūq; solueritis ^{Matt. 18.}
super terrā, erunt soluta & in cælis. Qui nos solēnibus orationibus
sepulturi sunt morientes? à quibus diuini sacrificij ritus exhibendus
est consuetus? vobiscum & nos licebat pergere, si liceret, vt tali mo-
do filios à patribz nulla neceſſitas separaret.

Ffff 3 D. Fe-

LITURGICON ECCLESIAE LATINAE
D. FELICIS II. PAPAE ROMANI XLIX.
IN CONCILIO ROMANO STATUTA, DE
ORATIONIS PUBLICAE VARIA
COMMUNIONE.

Episcopi & Diaconi in Africa rebaptizati, poenitentes, ab Oratione tam catechumenorum quam fidelium excludantur.

Felix 2.
pap. epist.
Decr. c. 2.

QVOS (inquit Felix papa II. vulgò III.) Episcopos, presbyteros, & diaconos fuisse constiterit, vsq; ad exitus sui diem, in poenitentia (si resipiscunt) iacere conueniet: nec orationi non modò fidelium, sed nec catechumenorum omnimodis interesse, quibus communio laica tantum in morte reddenda est.

Clerici, monachi, aut virgines Dei rebaptizati, biennio Oblationes offerre non permittantur, sed socientur tantum in oratione popularibus.

Felix papa
ibid. c. 3.

TRIBVS (inquit) annis inter Audientes sint: septem autem annis subiaceat inter poenitentes manibus sacerdotum: duobus autè annis oblationes modis omnibus non finantur offerre, sed tantum

* popula-
ribus.

modò * secularibus in oratione socientur.

Pueris verò & puellis aliquandiù in poenitentia constitutis, communio non denegetur.

Ibid. c. 4.

PVERIS autem, quibus (inquit) quòd adhuc impuberes sint, à puritate vocabulù est, seu clericis, siue laicis, aut etià similibus puellis, quibus ignorantia suffragatur ætatis, aliquandiù sub manùs impositione detentis, reddenda communio est: nec eorum expectanda poenitentia, quos excipit à coërcitione censura.

Catechumeni deniquè rebaptizati, post triennium primum ad orationes Catechumenorum admittantur.

Ibid.

* præteri-
mus.

NEC Catechumenos nostros, qui sub tali professione baptizati sunt, * prætermittimus: quia non est causa dissimilis (sicut ijdem sancti Canones ordinârunt) eius, qui quolibet modo Christum quem semel confessus abiurauit, tribus annis inter audiètes sint, & postea

cum

cum Catechumenis permittantur orare, per manūs impositionem
communione catholice gratiam percepturi.

SYNODI ROMANÆ SVB HOC FE-
LICE CONTRA PETRVM GNAPHE-
VM ANTIOCHENVM EPISCOPVM
DECRETVM, VT NON ADIICIATVR
HYMNO TRISHAGIO, QVI CRV-
CIFIXVS ES PRO NOBIS.

NAM quod (inquit Felix epistola sua nomine Synodi ad Pe- Felix papa
& Syn.
Roman.
epist. ad
Petrum
Antioch.
in Act. 5,
syn.
trum Antiochenū episcopū) post illud, Sanctus immortalis,
quod est Spiritus sanctus, tunc infer, Qui pro nobis crucifixus es,
miserere nobis, quaternitatēq; nō Trinitatē, populo insinuare vi-
deris. Nempe si ex humana traditione manāset hæc laus, nō ita in-
cautē crucē infereres laudi, in qua filij appellatio, fortis scilicet, po-
nitur. Quoniā verò ab angelis nobis laus ista pfluxit, qui ante crucē
dicebāt: Sanctus, sanctus, sanctus: sicut respicere Isaias meruit: post
crucē verò cū laude clamabāt, Sanctus Deus, sanctus fortis, sanctus
imortalis. Deniquē cū terremotu Cōstantinopolis quateretur,
populusq; in cāpo oraret, infātulus, toto populo spectāte cū Proclo
ciuitatis Episcopo, in cælū per vnā horā rapt⁹ est, ibiq; huiusmodi
didicit hymnum. Rursūmq; descēdens, nunciauit, quē in æthere
audiērat: dicens de cēlo, quasi de multitudine psallentium, huius-
modi laudes insonuisse auribus suis, dictūq; sibi, vt eam laudatio-
nem populo indicaret. Quam vbi populi inceperant, ciuitatem re-
ceperunt, Deoque per huiusmodi laudem propicio facto, ab im-
minenti ira liberati sunt. At tu quā temerē, vt scripturas diuinas
reliquas, ita & angelorum laudem peruertere præsumpsisti.

Itē epist. ad Zenonē Imperat. Post hæc aut omnia impia, & blasf. In iisd.
phemix suæ præsumpta, & deprauationē trisagix deprecationis, cū act.
illis audire voluit, Qui crucifixus es pro nobis, multa incōueniētia
effecit, multūq; à nobis, & in Christo dilectis fratribus nostris,
qui

qui in Oriente sunt, & à venerabili Accio vestrę regalis & à Deo amata ciuitatis Archiepiscopo admonitus, conuerti noluit.

HUNERICI TYRANNI NOVAE PERSECUTIONIS PRAETEXTVS, QVOD CATHOLICI MISSAS CELEBRASSENT IN SORTIBVS ARRIANORVM.

Viſt Vti-
cenſ. de
perſec. Vā.
dal. vbi
ſup.

COGITAT (inquit Viſtor Vticenſis) aduerſus Eccleſiam Dei, vt qui mēbra aliqua abſciderat, totū laniando perderet corpus. Nam die Aſcenſionis Dñi, legatus Zenonis Imperatoris, regina preſente, legendū in media eccleſia Epifcopo Eugenio dirigit preceptū, quod etiam vniuerſa Africę, veredis currētibus, deſtinauit: Rex Hunericus Vandalorum & Alanorū, vniuerſis Epifcopis Omouſianis: Non ſemēl, ſed ſēpius conſtat prohibitum, vt in ſortibus Vandalorum ſacerdotes veſtri conuentus minimē celebrarēt, nē ſua ſeductione animas ſubuerterēt Chriſtianas. Quam rem ſpernentes plurimi, reperti ſunt contra interdictū Miſſas in ſortibus Vandalorum egiffe, aſſerentes ſe integram regulam Chriſtianę fidei tenere. Et quia in prouincijs à Deo nobis conceſſis, ſcandalum eſſe nolumus &c.

QVOD poſtremum ſic intelligebāt Catholici, quaſi diceret: In prouincijs noſtris Catholicos eſſe nolumus.

Apud eundem
Viſt. initio l. 3.

HVNC ipſum autē pretextum poſtea denuō allegat in Ediſto ſuo Hunericus, quod anno 8. ſui regni iſdem penē verbis repetijt.

VICTORIS CARTENNAE MAVRITANIAE
EPISCOPI, IN LIBELLO FIDEI HVNE-
RICO TRADITO, MENTIO ILLIVS,
SANCTVS, SANCTVS, SANCTVS, IN MY-
STERIIS TVNC VSITATI.

PER-

PERFECTAM (inquit Victor Cartennæ, libello fidei non Geiserico, (vti Gennadius) sed Hunerico potiùs, vti Victor asserit Vticensis, tradito,) Trinitatem adorantes, & magnificantes, sicut in mysterijs ore nostro dicimus, ita conscientia teneamus: Sanctus, sanctus, sanctus, Dominus Deus Sabaoth. Ter dicetes, sanctus, vnam omnipotentiam confitemur, quia vna est religio, vna glorificatio Trinitatis.

Apud cū
dē sub fi-
nem l. 2.

IN TIPASENSI CIVITATE, OB MY-
STERIA PVBLICE CELEBRATA,
IVSSV HVNERICI OMNIUM
LINGVAE EXCISAE, QVI TA-
MEN LOQVI NON DE-
STITERVNT.

IN Tipasensi verò ciuitate (inquit idem Victor) quod gestum est Mauritaniæ maioris ciuitate, ad laudem Dei insinuare festi-
nemus. Dum suæ ciuitati Arrianum, Episcopum ex Notario, Cyri-
lam, ad perdendas animas ordinatum vidissent: omnis simul ciuitas
euectioe nauali de pximo cōfugit, relictis paucissimis, qui aditum
nō inuenerāt nauigādi. Quos Arrianorum Episcopus primò blan-
dimentis, postea minis compellere cœpit, vt eos faceret Arrianos,
Sed fortes in Domino, nō solū suadētis infantiā irriserūt, verum-
etiam publicè mysteria diuina, in domo vna congregati, celebrare
cœperūt. Quod ille cognoscēs, relationē occultè Carthaginem ad-
uersus eos direxit. Quæ cū regi innotuisset, comitem quendam
cū iracūdia dirigēs, pcepit vt in medio foro cōgregata illuc omī p-
uincia, linguas eis & manus dextras * radicibus abscedisset. Quod
cū factum fuisset, spiritu sancto præstante, ita loquuti sunt & lo-
quantur, quomodo antea loquebantur.

Idē ibid.
lib. 3.

* radi-
cibus

Fit huius eiusdem miraculi mentio, Theodorico & Venan-
tio Cons. apud Marcellinum comitem.

Marcell.
Com. in
Chron.

G g g g

I T E M

ITEM apud Iustinianum Imperatorem l. 2. C. de Offic. prætoris Africae.

DIVVS Gregorius deniquè idipsum narrat in Dialogis, libr. 3. ca. 32.

D. GELASII, L. PAPAE ROMANI HYMNII, ET SACRAMENTORVM ORATIONES, PRAEFATIONES QVE AC DECRETA, CIRCA VENERANDA MYSTERIA.

Hymni, orationes, ac præfationes, ab ipso compositæ.

Auth. lib.
Pontif.
cap. 50.

FECIT (inquit liber Pontificalis) hymnos in modum B. Ambrosij Episcopi. Ac deinde fecit etiam & sacramentorum præfationes & orationes cauto sermone.

QV AE ijsdem verbis repetitur à Sigeberto ad ann. 487. ac Radulpho Tungrensi de Canon. obseru. c. vlt.

Alcuin.
de diuin.
offic.

DE præfatione item communi sic Alcuinus: Hanc (inquit) exhortationem quæ sequitur, (nempe, Verè dignū & iustum est &c.) Gelasius composuisse dicitur.

Vualaf.
de reb. eccl.
c. 25.

VVALAFRIDVS verò Strabus de hymnis in hæc verba: Et de Gelasio scribitur, quòd tractatus & hymnos, in morem B. Ambrosij composuerit.

Ibid. c. 22.

ITEM de Orationibus: Nam & Gelasius (inquit) Papa, ita tam à se, quàm ab alijs compositas preces, dicitur ordinasse.

Berno
Augiens.
cap. 1.

BERNO rursùm Augiensis de ijsdem: Orationes autem, (inquit) quas collectas dicimus, à diuersis authoribus compositæ creduntur, à Gelasio præfule Romano, & beato Gregorio papa. Unde & in vita ipsius legimus: Sed & Gelasianum codicem de Missarum solennijs, multa subtrahens, pauca conuertens, nonnulla superadijciens, in vnus libelli volumine coarctauit. Quod

VO-

volumen, Librum sacramentorum prætitulauit.

CITAT autem verba Ioannis Diaconi, vitæ Diui Grego-
rij lib. cap.

QVI Berno etiam Gelasiani Ordinis meminit: Vtique (in-
quit) secundum consuetudinem antiquam, Gradualia, sicut nõ so-
lùm in nostris libris habetur insertum, sed etiam vt in quodam
ordine, secundum S. Gelasij papæ authoritatem, reperi prætitulatum.

Ibdē, ca. 7.

ITEM Sigebertus: Gelasius papa Collectas & præfationes com-
posuit.

sigeb. ad
ann. 685.

MARTINVS deniq; Polonus de his omnibus hæc habet: Hic
fecit Orationes, Tractat, & hymnos, sicut Ambrosius: & Præfatio-
nem Missæ composuit, Verè dignū & iustum est, quotidiano vsui.

Mart. Po-
lon. ad
ann. 493.

Presbyteris non liceat præsentē Episcopo, nisi iubeantur, actio-
nem sacram supplere, aut veneranda tractare mysteria.

NEC minùs etiam (inquit epistola ad Episcopos per Lucaniam,
Brutium, & Siciliam) presbyteros, vltra modum suum tendere, p-
hibemus: Nõ præsentē quolibet antistite, nisi fortassè iubeantur,
vel orationis, vel actionis sacræ supplendę sibi præsumāt esse licen-
tiam: neq; sub eius adspectu, nisi iubeantur, aut sedere præsumant,
aut veneranda tractare mysteria.

Gelas. pa-
pa. Epist.
1 cap. 8.

Diaconis quoq; neq; in presbyterio residere liceat, cum diui-
na celebrantur, neq; sacrum corpus Dñi prærogādi, nisi ab-
sentibus Episcopis & Presbyteris, ius habeant.

DIACONOS quoq; (inquit) propriam constituimus seruare
mensuram, Nõ in presbyterio residere, cum diuina celebratur, vel
ecclesiasticus habetur quicunq; tractatus. Sacri corporis prærogatio-
nem, sub cõspectu Pontificis seu presbyteri, nisi his absentibus, ius
non habeant exercendi.

Ibid. c. 9.
& 10.

Dæmoniis ministeria sacrosancta tractare non
liceat.

VSQVE AD Eò sanè cõperimus (inquit) illicita quæq; prorsus

Ibid. c. 21.

Gggg 2 pere,

pere, vt dæmoniacis similibusq; passionibus irretitis, ministeria sacrosancta tractare tribuatur. Quibus si in hoc opere positis, aliquid propriæ necessitatis occurrat: quis de sua fidelium salute confidet, vbi ministros ipsos curationis humanæ tanta perspexerit calamitate vexari? Atque idè necessariò remouendi sunt, nè quibuslibet, pro quibus Christus est mortuus, scandalum generetur infirmis. Postremò, si corpore sauciatus fortassis aut debilem, nequaquam sancta cōtingere lex diuina permittit: quanto magis doni cælestis dispensatores esse non conuenit, quod est deterius, mente perculsos?

Nouæ basilicæ neq; consecrentur sine præcepto sedis Apostolicæ, neq; in defunctorum incertorum nomine.

Ibid. c. 6. **BASILICAS** (inquit ad eosdem Italię Episcopos) nouiter institutas, non petitis ex more præceptionibus, dedicare non audeat, nec ambiant sibi vindicare clericos potestatis alienæ.

Ibid. c. 27. **ET** iterum: De locorum cōsecratione sanctorum, quanuis superius strictim fuerit comprehensum, nobis quoq; patefactum est, quòd absq; præcepto sedis Apostolicæ, nonnulli factas Ecclesias vel oratoria sacrare præsumant: hoc sumus tamè indicio detestabiliore permoti, q̃ in quocunq; nomine defunctorum, & (quantum dicitur) nec omninò fidelium, cōstructiones adificatas sacris processionibus audacter instituere memorantur.

Fœminæ sacris altaribus ministrare non permittantur.

Ibid. c. 28. **NIHILO** minùs (inquit) impatienter audiuius, tantum diuinarum rerum subisse despectum, vt fœminæ sacris altaribus ministrare ferantur: & cuncta quæ nō nisi virorum famulatui deputata sunt, sexum, cui non competit, exhibere.

Hæretici Episcopi defuncti nomen, in Ecclesiastica recitatione ascribi non liceat.

Idē epi. 5.
ad Anast.
Imperat.

Quo (inquit Epist. ad Anastasium Imp. de Acacio) in sua perfidia & damna-

damnatione moriente, tam eius in Ecclesiastica recitatione nō potest nomen ascribi, quā externae contagium non debet communicationis admitti.

EODEM pertinet, quod ex Epistola ad Dardanī Episcopos citat Gratianus: Qui (inquit) meruit ab Apostolica communione secludi, in hac eadem persistens damnatione defunctus est, absolutionē, quam superstes nō quæsiuit, omninō nec meruit, nec mortuus iam potest impetrare. Siquidem iplis Apostolis Christi voce delegatum est: Quē ligaueritis super terram. Et reliqua. Ceterū de eo qui in diuino iudicio est constitutus, nobis fas non est aliud decernere, prēter id, in quo eum dies supremus inuenit; atq; ideō, nisi eius nomine refutato, cæterisq; confortibus huius erroris, cum nullo prorsus eorum participare debetis mensē Dominicæ puritatē, quam Maiores nostri semper ab hæretica magnoperē seruauerunt pollutione discretam.

EPISCOPI SYPONTINI MISSAE IN MONTE GARGANO IN DEDICATIONE ECCLESIAE S. MICHAELIS ARCHANGELI.

INTERVM (inquiunt Ven. Beda & Ado Treuirensis) Romano Pontifice (quem Gelasium fuisse tradit Sigebertus) & Syptino Episcopo, de consecratione loci ipsius querētibus, ac propterea tri-duanum ieiunium cum ciuibus suis celebrātibus, nocte ieiunij suprema sanctus Michael Episcopo Syptino per visionem appārens, monuit vt intrarent ecclesiam quam ipse dicauit, & Missas iuxta morem ibi agerent.

MISSAS autem postridiē & deinceps ibi celebratas, indicat ipsa Dedicationis historia, ex qua verba prædicta constat desumpta, inter Homilias Doctorum edita: Missarum itaq; celebratione completa, magno attoniti gaudio, quique redierūt in sua. Episcopus autem delegato ministrorum, cantorum, sacerdotumque officio, &

Grat. 24.
qu. 2. Nec
quisquis.

Matt. 18.

Ven. Beda
& Ado
Treuir. in
Martyrol.
3 Cal. Oct.
Sigebert.
in Chron.
ad an. 488.

Relatio
Dedicat.
Eccl. s.
Michaelis

Gggg 3 man-

mansione constructa, omnem ibidē quotidie psalmodum, hymnorum, Missarumq; cursum, congruo praecepit ordine celebrari.
GENNADII PRESBYTERI MASSYLIENSIS, DE EVCHARISTIAE OBLATIONE DOGMA.

Gennad.
de eccl.
dogm. c.
75.

IN eucharistia (inquit Gennadius confessione suae fidei ad Gelasium papam, quae perperam D. Augustino inscribitur titulo de ecclesiasticis dogmatibus, quum illi hunc librum adscribant, eodem titulo nominatim Vualafrius Strabus de reb. eccl. c. 21. Algerus l. 1. de corpor. & sang. Domini c. 21. ac B. Thomas super 1. c. Matth. & Quotlib. 11. art. 2. ipse quoque Sigebertus & Honorius in Catal. script. priori titulo eundem citent) non debet pura aqua offerri, ut quidam sobrietatis falluntur imagine, sed vinum cum aqua mixtum: quia & vinum fuit in redemptionis nostrae mysterio, cum dixit, Non bibam amodò de hoc genimine vitis: & aqua mixtum, non quod post cenam dabatur, sed quod de latere eius lancea perfosso aqua cum sanguine egressa, vinum de vera eius carnis vite cum aqua expressum ostenditur.

ANASTASII II. ROMANI PAPAE LL. STATUTA DE ECCLESIAE MYSTERIIS.

Anast. 2.
papa ad
Anast. August. c. 8.

VNDE (inquit Anastasius 2. papa) quum sibi sacerdotis nomen vindicauerit condemnatus, in ipsius verticem superbiae tumor inflicus est: quia non populus, qui in mysterijs donum ipsius sitiebat, exclusus est: sed anima sola illa, quae peccauerat, iusto iudicio propriae culpae erat obnoxia.

Hæretici nomen in ecclesia non recitetur,

Ibid. c. 1.

LEGATIONE (inquit idem) itaque fungimur, pro Christo, nec eos propter offensionem vel scandalum patiamini publice nominari, quorum merita vel actus illum iudicem latere non possunt, in cuius iam sunt iudicio constituti.

Et

ET rursùm: Precamur itaq; clementiam vestram, vt specialiter nomen taceatur Acacij, vt quod multis ex causis scandalum vel offendiculum ecclesiæ concitauit, speciali appellatione taceatur.

EODEM pertinet & illud: Ideò ergò & ipse Acacius, cuius nomen dicimus reticendum.

Ibid. c. 8.

GVNTHAMVNDI IN AFRICA ECCLESIA- RVM RESTITVTIO.

GVNTHAMVNDVS (inquit) rex in Africa ecclesias Catholicorum à patruo suo Hunerico vel auo Geiserico claufas, aperuit, & omnes Dei sacerdotes, petente Eugenio Carthaginienfi Episcopo, ab exilio reuocauit.

Sigebert.

Chron. ad

an. 492.

SECVLI A CHRIS- TO INCARNATO SEXTI, SACRIFICII RITVS.

D. SYMMACHI PAPAE ROMANI LII. STATVTVM CIRCA SACRI- FICIA.

Omni die Dominico & in Natalitijs martyrum, Hymnus,
Gloria in excelsis, dicatur ante sacrificium.

HIC (inquit liber Pontificalis) constituit, vt omni die Dominico, vel natalitijs martyrum, hymnus, Gloria in excelsis, diceretur.

Lib. Pont.

tif. c. 52.

QVOD iisdem verbis repetit Alcuinus li. de diuinis offic. Amalarius de eccles. offic. c. 8. Berno Augiensis de Mifs. c. 2. & Martinus Polonus anno Domini 101.

ITEM Hrabanus Maurus: Telesphorus (inquit) papa fertur constituisse, vt ante sacrificium hymnus, Gloria in excelsis, dicatur:

Hrabā de

instit. cler.

l. 1. c. 32.

dicatur: quod tamen modò non semper agitur, sed in diebus tantùm Dominicis, & in sanctorum festiuitatibus, quod Symmachus papa ita fieri mandauit.

Vualaf.
de reb. ec-
cl. c. 22.

Et Vualafrius Strabus: Huic assertioni (inquit) videtur illud suffragari, quod legitur, Symmachum Romanorum praesulē constituisse, ut omni Dominica vel Natalitijs sanctorum, Gloria in excelsis deo, diceretur. Aut enim (sicut praediximus) illum hymnū Telesphorus non apposuit, aut si fecit, statutum illius longo tempore imperfectum remansit.

sige in
Chron.

SIGEBERTVS etiā: Hic Symmachus (inquit) constituit omni die Dominico vel Natalitijs martyrum, Gloria in excelsis Deo, ad Missas cantari, quem hymnum Telesphorus septimus à Petro Papa, nocte tantùm Natalis Domini ad Missas à se in ipsa nocte institutas, cantari instituit, & in eo ad angelorum verba, quae sequuntur, adiecit.

Microlog.
de eccl. obser.
c. 45.

MICROLOGVS quoque: Symmachus (inquit) papa constituit, ut in Dominicis diebus & natalitijs martyrum, hymnus Gloria in excelsis, dicatur: quod & nos obseruamus in omni Dominica, & in festis nouem lectionum, excepto, infra Aduentum Domini, & à Septuagesima vsque ad Pascha: in ijs tamen diebus natalitia Apostolorum & festa S. Marię iuxta Romanam consuetudinem, Gloria in excelsis, recipiunt.

SYNODI QVARTAE ROMANAE SVB
SYMMACHO PAPA DECRETVM, DE
MISSIS IN SCIO EPISCOPO PER
PRESBYTEROS NON CE-
LEBRANDIS.

Syn. 4.
Rom. sub
sym. papa
in fine.

QVIS QVIS verò (inquiunt Patres) clericorum, post hanc formā à nobis prolatā, quocunq; sacro Deo loco in ecclesia Romana Missas celebrare praesumpserit, praeter conscientiam papae Symmachi, dum viuit, statutis canonicis velut schismaticus percellatur.

LAV-

LAVRENTII MEDIOLANENSIS ET
D. PETRI RAVENNATIS EPISCOPO-
RVM MISSAE, ET IN IIS PA-
PAE MENTIO.

DEINDE (inquit Ennodius Diaconus de Synod. sub Ennod.
Symmach. papa) post questionum torrentes, venerabilem diac. l. de
Laurentium & Petrum episcopos, à communione papæ se suspen- dict. syn.
disse replicatis: & quicquid prouidit cautio conuocatorum, ducitis
ad crimē impetiti. Vllōne ergo tempore dum celebraretur ab his
sacra Missarum, à nominis eius commemoratione cessatū est? vn-
quā pro desiderijs vestris sine ritu catholico & canonico more,
semiplenas nominatim antistites hostias obtulerunt?

EODEM pertinet illud ipsius Symmachi papæ ad eundem Lau- Sym. papa
rentium: Benè venerandis initiandus altaribus, & in laica conuer- cpist. 2.
satione quod sacrum esset, elegisti.

ITEM quod de se scribit ipse D. Petrus Chrysologus Rauēnas: Pet. Chry.
Omnibus quidē ecclesijs venerationem me debere profiteor, & fi- fol. serm.
delissimam seruitutē, sed Corneliensi ecclesiæ inseruire peculia- 165.
rius, ipsius nominis amore compellor. Cornelius nanq; memoriæ
beatissimę vita clarus, cunctis virtutum titulis vbiquē fulgēs, ope-
rum magnitudine notus vniuersis, pater mihi fuit: ipse me per
Euangelium genuit, ipse pius pijsimē nutriuit, ipse sanctus sancta
instituit seruitute, ipse Pontifex sacris obtulit & consecrauit alta-
ribus: & idēd mihi clarum, colendum, mirabile Cornelij nomen.

ILLVD etiā eiusdem, interpretantis parabolam duorum fi- Idem
tiorum: Hic est vitulus, qui in epulum nostrum quotidie ac iu- serm. 5.
giter immolatur.

D. TVLGENTII RVSPENSIS BYZA-
CENAE PROVINCIÆ EPISCOPI
DIVINA SOLENNIA.

Hhhh Diui-

Diuina sacramenta solenniter celebrata in eius ordinatione.

Auth. vitę
D. Fulgē-
tij.

CELEBRATA sunt eodem (inquit Author Vitę ipsius) die diuina solenniter sacramenta, & de manibus B. Fulgētij cōmunicans omnis populus, letus abscessit.

Toti Trinitati offertur sacrificium corporis & sanguinis Christi.

Fulgent. l.
2. qu. 1. ad
Monimū.

AD quætionem Monimi de sacrificio corporis & sanguinis Christi, quod pleriq; soli Patri existimant immolari, respondens D. Fulgentius, postquam deduxit ex veteri testamento, Altaria non ad aliud cōstituta fuisse, nisi ad offerendum sacrificiū deo, & sacrificia Abrahę, Isaac, & Iacob, etiam filio fuisse oblata, sic tandem concludit: Ecce amicorum Dei sacrificio, prorsus Ecclesię catholicę cōcordat oblatio. Quę sic sacrificat patri, vt simul omni sacrificet Trinitati. Quoniam & sancti patriarchę, sacrificiū quod filio iuebantur offerre, sciebant se patri simul & filio, placitis obsequijs exhibere. Idcirco autem eis diuinitus iuebatur, vt filio altare construerent, non quia sacrificandum non esset patri, sed vt quod immolabatur à sanctis, simul filio immolaretur & patri. Neque vt preponendus esset patri filius, sed nē putaretur genitori genitus in aliquo postponendus.

Ibid.

Et paulopòst, post allatum testimonium Prophetę Sophonię de sacrificio, (vt loquitur) quod nunc in ecclesia geritur, nempo illud, Qui dispersi sunt, offerent mihi hostias in illa die, sic infert: Ecce ille qui se expectandum in die resurrectionis suę præcipit, ipse sibi hostias ab omnibus gētibus offerendas ostendit, vt agnosceretur sacrificium illud esse acceptabile Deo, quod communiter patri & filio supplex offert fidelium puraque deuotio.

Idē serm.
de Epiph.

EODEM pertinet illud eiusdem de oblatione Magorū: In oblatione thuris confunditur Arrianus, qui soli patri sacrificium debere contendit.

Ora-

Oratio quidem ad patrem dirigitur, sed Consummatio filij
& spiritus sancti nomen complectitur.

Si qui verò (inquit) Catholici fideles, huius sacramenti nunc Idem loc.
vsq; videbantur ignari, deinceps scire debēt, omne cuiuslibet ho- cit. ad Mo
norificentiae & sacrificij salutaris obsequium, & patri, & filio, & spi- nimum.
ritui sancto, hoc est, sanctae Trinitati, ab ecclesia catholica pariter
exhiberi, in cuius utique vno nomine manifestū est, sanctū quoq;
baptisma celebrari. Neque enim prauiudicium filio vel sancto
spiritui comparatur, dum ad patris personam precatio ab offerēte
dirigitur, cuius consummatio, dum filij & spiritus sancti comple-
ctitur nomen, ostendit nullum esse in Trinitate discrimen. Quia
dum ad solius patris personam honoris sermo dirigitur, benè cre-
dentis fide tota Trinitas honoratur. Et cum ad patrem litantis de-
stinatur intentio, sacrificij munus omni Trinitati vno eodemque
offertur litantis officio. Nos itaq; dum Trinitati, quæ vnus & ve-
rus est Deus, vnum sacrificium offerimus, vanis hæreticorum non
moueamur obiectis.

Verba illa Canonis Græcorum, & quantum apparet, tum
etiam Afrorum, Mittas spiritum tuum sanctum su-
per nos &c. quomodo intelligenda.

Iam nunc (inquit post hæc) etiam illa nobis est de spiritus san- Ibid. qu. 2.
cti missione quæstio reuoluenda, Cur scilicet, si omni Trinitati sa-
crificium offertur, ad sacrificandum oblationis nostræ munus, san-
cti spiritus tamen missio postuletur. Quasi verò (vt ita dicam) ipse
pater Deus, à quo spiritus sanctus procedit, sacrificium sibi oblatum
sanctificare non possit, aut ipse filius sanctificare nequeat sacrificiū
corporis sui, quod offerimus nos, cum corpus suum ipse sanctifica-
uerit, quod obtulit, vt redimeret nos. Aut ita spiritus sanctus ad
consecrandum Ecclesiæ sacrificium mittendus sit, tanquam pater
aut filius sacrificantibus desit.

Et post multa, primam ponit hanc propositionē. Quum ergò, Ibid.

H h h h 2 sicut

sicut diximus, tota Trinitas unitate deitatis suae naturaliter immensa infinitaque permaneat, & sic localiter nusquam sit, ut tamen nusquam desit, atque ita sit ubique tota, ut nec per partes creaturae totius particulariter diuidi, nec vniuersitate totius possit creaturae concludi, quoties spiritus sanctus ad consecrandum sacrificium a patre poscitur. Prima est fidei ratio, primaque cunctis Christianis salubriter retinenda cautela, ut sancti spiritus nullatenus localis cogitetur aut existimetur aduentus.

Ibid.

DEINDE & alteram hanc: Quocirca, sicut dicit Apostolus, spiritualibus spiritalia comparantes, ut in spiritu, qui utique naturaliter Deus est, nihil corporale, nihil locale, nihil temporale, nihil mutabile cogitantes, considerare debemus, nomine spiritus sancti nonnunquam dona spiritalis gratiae nuncupari.

Ibid.

POSTEA ita concludit: Quum ergo sancti spiritus ad sacrificandum, totius Ecclesiae sacrificium postulatur aduentus, nihil aliud postulari mihi videtur, nisi ut per gratiam spiritalem, in corpore Christi (quod est Ecclesia) charitatis unitas iugiter indistrupta feruetur.

Ibid.

AC paulopost idem repetens: Dum itaque (inquit) Ecclesia Spiritum sanctum sibi caelitibus postulat mitti, donum sibi charitatis & vnanimitatis postulat a Deo conferri. Quando autem congruentius, quam ad consecrandum sacrificium corporis Christi, sancta Ecclesia (quae corpus est Christi) spiritus sancti deposcat aduentum, quae ipsum caput suum, secundum carnem de spiritu sancto nouerit natum?

Ibid.

1. Petr. 2.

ET iterum latius: Haec itaque spiritalis aedificatio corporis Christi, quae fit in charitate, cum scilicet secundum B. Petri sermonem, lapides viui aedificantur in domum spiritalem, & sacerdotium sanctum, offerentes spirituales hostias, acceptabiles Deo per Iesum Christum. Haec, inquam, aedificatio spiritalis, nunquam opportunius peti, quam cum ab ipso Christi corpore (quod est Ecclesia)

fia)

fia) in sacramēto panis & calicis ipsum Christi corp⁹ & sanguis offertur. Calix enim quem bibimus, communicatio sanguinis Christi est: & panis quem frangimus, participatio corporis Domini est. Quoniam vnus panis, vnum corpus multi sumus, omnesq; de vno pane participamus. Et propterea petimus, vt scilicet ea gratia, qua factum est, vt Ecclesia Christi corpus fieret: eadem gratia fiat, vt omnia membra, charitatis manente compage, in vnitae corporis perseuerent.

In isto sacrificio, gratiarum actio est, pro carne & sanguine, à Christo oblato.

FIRMISSIMÈ tene, (inquit idem lib. de fide ad Petrum diaconum, qui D. Augustino perperam adscribitur, quum titulo Fulgentij cite à Bertramo heretico) & nullatenus dubites, ipsum vni-
genitum Deum, verbum carnem factum, se p nobis obtulisse sacrificium, & hostiam Deo in odorem suauitatis: cui cum patre & spiritu sancto à Patriarchis, Prophetis, & sacerdotibus tempore veteris testamēti animalia sacrificabant: & cui nūc, id est, tempore noui testamenti, cum patre & spiritu sancto, cum quibus illi est vna diuinitas, sacrificium panis & vini, in fide & charitate, sancta Ecclesia catholica per vniuersum orbem terrarū offerre non cessat. In illis enim carnalib⁹ victimis figuratio fuit carnis Christi, quam p peccatis nostris ipse sine peccato fuerat oblaturus: & sanguinis, quem erat effusus in remissionem peccatorum nostrorum. In isto autē sacrificio, gratiarum actio atq; commemoratio est carnis Christi, quam p nobis obtulit, & sanguinis quem p nobis idem Deus effudit. De quo B. Paulus dicit in Actibus Apostolorum: Attēdite vobis & vniuerso gregi, in quo vos spiritus sanctus posuit Episcopos regere Ecclesiam Dei, quam acquisiuit sanguine suo. In illis ergo sacrificijs quid nobis esset donandum, figuratē significabatur. In hoc autem sacrificio, quid nobis iam donatum sit, euidenter ostenditur. In illis sacrificijs prænunciabatur filius Dei pro impijs occi-

Idem lib.
de fide ad
Petrum
Diacon.
cap. 19.

Acto. 20.

H h h h 3 den.

Rom. 5. **dendus: in hoc autem pro impijs annunciatu occisus, testante**
Apostolo: quia Christus, cum adhuc infirmi essemus, secundum te-
pus, pro impijs mortuus est: & quia cum inimici essemus, reconci-
liati sumus Deo per mortem filij eius.

CONCILII AGATHENSIS CIRCA MISSARVM CELEBRATIONEM CANONES.

Digamis presbyteris, consecrandi: diaconis, ministran-
 di officium adimatur.

Concil.
Agath.
cap. 1.

PLACUIT (inquiunt D. Cæsarius Arelatensis, alijq; eius syn-
 odi Patres) de digamis aut internuptarum maritis, quanquam
 aliud patrum statuta decreuerunt: vt qui hucusq; ordinati sunt, ha-
 bita miseratione, presbyteri vel diaconi nomen tantum obtineant:
 officium verò consecrandi, presbyteri: & ministrandi, diacones
 non præsumant.

Eiusd.
cap. 14.

Altaria vnctione & sacerdotali benedictione sacrandi.
ALTARIA (inquiunt) placuit, non solum vnctione Chrisma-
 tis, sed etiam sacerdotali benedictione sacrari.

Præter præcipuas festiuitates, in Oratorijs Missas cele-
 brare liceat.

Ibid. c. 21.

SI quis etiam (inquiunt) extra parochias, in quibus legitimus est
 ordinariusq; conuentus, oratorium in agro habere voluerit, reli-
 quis festiuitatibus, vt ibi Missas teneat propter fatigationem fami-
 liae, iuxta ordinationem permittimus: Pascha verò, Natali Domini,
 Epiphania Dñi, Ascensione Dñi, Pentecoste, & Natali S. Ioannis
 Baptistæ, & si qui maximi dies in festiuitatibus habentur, non nisi in
 ciuitatibus, aut in parochijs teneant. Clerici verò, si qui in festiuita-
 tibus, quas supra diximus, in oratorijs (nisi iubente aut permittente
 Episcopo) Missas facere aut tenere voluerint, à communione pel-
 lantur.

Post Antiphonas Collectæ in Missis recitentur.

E 7

ET quia conuenit (inquiunt) ordinē Ecclesię ab om̃ibus æqualiter custodiri, studendum est, sicut ubiq; fit, vt post Antiphonas collectiones per ordinem ab Episcopis vel presbyteris dicantur, & hymni matutini vel vespertini decantentur diebus omnibus: & in cōclusionē matutinarum, vel vespertinarum & Missarum, post hymnos, capitella de psalmis dicātur, & plebs collecta oratiōe ad vesp̃eram, ab Episcopo cum benedictione mittatur.

Missas die Dominico ante benedictionem sacerdotis,
nemo egredi præsumat.

MISSAS (inquiunt) die Dominico secularibus totas audire: Ibi. c. 47.
speciali ordine præcipimus, itā vt ante benedictionem sacerdotis, egredi populus nō p̃sumat. Quod si fecerint, ab Episcopo publice confundantur.

Si qui laicorum, Solennitatibus Paschæ, Natalis Domini, aut Pentecostes nō interfuerint, triennio excōmunicētur.

VT ciues (inquiūt) qui superiorum solēnitatum, id est, Paschę ac natalis Dñi, vel Pentecostes festiuitatibus, cum Episcopis interesse neglexerint, (quum in ciuitatibus, communionis vel benedictionis accipiendę causā positos se nōsse debeāt) triennio à communione priuentur Ecclesię. Ibid. c. 63.

Eadem plectantur pœna negligētes clerici, ac presbyteri & diaconi, si per tres hebdomadas abfuerint.

SI qs (inquiūt) in clero cōstitutus, ab Ecclesia sua diebus solēnibus defuerit, id est, Natiuitate Dñi, Epiphania, Pascha, vel Pētecoste, dum potiùs *singulari lucro *studeat, q̃ seruitio Dei parere: cō- *seculari- uenit, vt triēnio à cōmunionē suspendatur. Similiter diaconus, vel bus lucris presbyter, si per tres hebdomadas ab Ecclesia sua defuerit, huic da- studet, mnationi succumbat.

Vasa Dñica contingere ministris in sacris nō liceat.

QVONIAM (inquiunt) nō oportet in sacros ministros licētī. Ibi. c. 66.
am habere, in secretariū (quod Gręci Diaconion appellāt) ingredi,
& cōtingere vasa Dñica,
D. CAE.

LITURGICON ECCLESIAE LATINAE
 DIVI CAESARII ARELATENSIS
 EPISCOPI, DE DIVINIS
 MYSTERIIS MISSARVM
 ADMONITIO.

Donèc compleantur diuina myſteria, nemo egrediatur, niſi
 neceſſitas aut infirmitas vrgeat.

Caſar.
 Arel. hō.
 ſ. de Di-
 uin. myſt.

ROGO vos (inquit D. Cēſarius Arelatēſis homilia, quam hui-
 us argumenti integram conſcripſit, perperam adſcriptam D.
 Auguſtino in eius Milleloquio) fratres chariſſimi, & paterna pieta-
 te commoneo, vt quotiēs aut in die Dominico, aut alijs maioribus
 feſtiuitatibus Miſſæ fiunt, nullus de Eccleſia diſcedat, donèc diui-
 na myſteria compleantur.

ET poſt aliquot paginas: Vndè iterum atq; iterum rogo, pari-
 ter & cōteſtor, vt omni die Dominico, & præcipuè in maiorib; fe-
 ſtiuitatibus, donèc diuina myſteria compleantur, nullus de Eccle-
 ſia abſcedat: niſi fortè, (de quib; ſuprà diximus) quos aut grauis in-
 firmitas, aut publica neceſſitas ſtare diutiùs non permittit.

Sacras itaque lectiones audire non ſufficiat.

Ibidem.

ET quanul; (inquit) multi ſint, de quorum fide & deuotione
 gaudeamus: ſunt tamen plures minùs de ſalute ſuæ animæ cogi-
 tantes, qui lectis diuinis lectionibus, ſtatim de Eccleſia foràs ex-
 eunt: cùm tamen etiam dum ipſæ lectiones leguntur, aliqui ex illis
 ita ocioſis & ſecularibus fabulis occupentur, vt eas nec ipſi audi-
 ant, nec alios audire permittant. Iſti tales minùs à nobis culparen-
 tur, ſi ad Eccleſiam non venirent: quia ibi probantur ampliùs Do-
 minum lædere, vbi peccatorum potuerant indulgentiam prome-
 reri. Vndè rogo vos fratres, vt humilitatis noſtræ ſuggeſtionem
 non ſolùm patienter, ſed etiam libenter accipiat.

Miſſæ fiunt conſecratione corporis & ſanguinis Domini, &
 non alibi quàm in domo Dei.

St

Si enim (inquit) diligenter attēditis, cognoscetis, quia tunc *Ibidem.*
non fiunt Missę, quando diuine lectiones in Ecclesia recitantur,
sed quandò munera offeruntur, & corpus vel sanguis Domini
consecratur. Nam lectiones siue propheticas, siue Apostolicas,
siue Euangelicas, etiam in domibus vestris vel ipsi legere, aut a-
lios legentes audire potestis. Consecrationem verò corporis &
sanguinis Christi, non alibi nisi in domo dei audire vel videre
poteritis.

Quarè, non nisi post orationem dominicam &
sacerdotis benedictionem egredi liceat.

Ideò qui vult (inquit) Missas ad integrum cum lucro suę ani- *Ibidem.*
mę celebrare, vsquequò oratio Dominica dicatur, & benedi-
ctio populo detur, humiliato corpore & compuncto corde se
debet in Ecclesia continere.

Frustrà alioquē dicitur: Sursum corda, si nemo est qui
respondeat.

Quum enim (inquit) maxima pars populi, immò quod peius *Ibidem.*
est, penè omnes recitatis lectionibus exeunt de Ecclesia, cui di-
cturus sacerdos, Sursum corda? Nunquid respondere possunt:
quando deorsum in plateis & corpore simul & corde disce-
dunt?

Neque simul concini poterit: Sanctus, sanctus,
sanctus, aut oratio dominica. *Ibidem.*

Vel qualiter (inquit) cum tremore simul & gaudio clama-
bunt: Sanctus, sanctus, sanctus, benedictus qui venit in nomine
Domini? Aut quandò oratio Dominica dicitur, quis est qui hu-
militer vel veraciter clamet, Dimitte nobis debita nostra, sicut
& nos dimittimus debitoribus nostris?

Sacerdote orante, aut Diacone clamante, fle-
ctamus genua, procumbant omnes. *Idem hom.*

Rogo vos & admoneo (inquit, latè hoc argumētum tractās) *30 de geni.*
fratres charissimi, vt quociuscunq; iuxta altarium à clericis ora-
tur, aut oratio diacono clamante indicitur, non solum corda,
sed etiam corpora fideliter inclinetis. Nam dum frequenter sic-
ut oportet.

ut oportet, & diligenter attendo diacono clamante, flectamus genua, maximam partem populi, velut columnas, erectos stare conspicio: quod Christianis, dum in Ecclesia oratur, omnino nec licet, nec expedit. Non enim propter nos, sed propter vos, diaconus clamat.

* ad Dei Fiat id ipsum, clamante diacono. Humiliate vos * ad benedictionem.

Ibidem. Et illud similiter (inquit) admoneo, fratres charissimi, quoties diaconus clamauerit, ut vos ad * benedictionem inclinare debeatis, & corpora & capita fideliter inclinetis: quia benedictio nobis, licet per hominem, non tamen ab homine datur: nec attendatis si forte negligens est, qui exhibet. Sed Dominum respicite qui transmittit. Benedictio enim quæ vobis datur, ros & pluuia cælestis esse cognoscitur.

D. REMIGII RHEMENSIS ARCHIEPISCOPI SACRIFICIA.

Hincmarus. Pertinet huc inter alia, quod de vase sacro, versibus ab illo
rus initio inscripto, scribit in vita eius Hincmarus Rhemensis Episcopus.
vitæ S. Re. Sed & in versibus metricis ab ipso compositis, & iussione illius
migi. à quodam vase ab eo consecrato. sculptis, ita legimus.

Hauriat hinc populus vitam de sanguine sacro,

Iniecto, æternus quem fudit vulnere Christus.

Remigius reddit Domino sua vota sacerdos.

Forfan legendum: Quod vas usque ad nostra tempora perdurauit, donec fufum in redemptionem datum est Christianorum, ut à ministris
Remedius, diaboli Nortmannis redimeret precium argentei calicis, quos
constat ex de potestate tenebrarum redemerat effusus sanguis calicis, Christi
precedentibus verbis. sti videlicet passionis.

Hincmari.

CONCILII ILERDENSIS IN HISPANIA DE MINISTRIS ALTARIS DECRETVM.

Cōcil. Iler.
c. l.

De his clericis (inquiunt Patres) qui in obfessionis necessitate positi fuerint, id statutum est, ut qui altario ministrant, & Christi

Christi corpus & sanguinem tradunt, vel vasa sacro officio deputata contrectant, ab omni humano sanguine, etiam hostili, se abstineant. Quòd si in hoc inciderint, duobus annis tam officio, quàm communione corporis domini priuentur.

CONCILII VALENTINI HISPANIAE CANONES CIRCA MISSAE SACRIFICIVM.

In Missa post Apostolum, ante munerum illationem legatur Euangelium.

Inter (cætera inquit Patres) hoc esse censuimus obseruandum, vt sacrosancta Euangelia ante munerum illationē in Missa catechumenorum, in ordine lectionum post Apostolum legantur, quatenus salutaria præcepta Domini nostri Iesu Christi, vel sermones sacerdotis, non solum fideles, sed etiam catechumeni ac pœnitentes, & omnes, qui è diuerso sunt, audire licitū habeant. Sic enim pontificum prædicatione audita, nonnullos attractos ad fidem euidenter scimus.

Concil. Valent. c. i.

Post oblatum in commendatione eius sacrificium, statim

Episcopus sepeliatur.

Episcopus (inquiunt) qui post mortem fratris ad sepeliendū eum solet inuitatus occurrere, infirmum magis, & adhuc in corpore positum, admonitus visitare non differat, vt aut de releuatione confacerdotis ampliùs gaudeat, aut certe de ordinatione domus suæ fratrem admoneat, eiusq; probabilem voluntatem in effectum transmittat, ac recedentem à seculo, post oblatum in eius commendatione sacrificium Deo, mox sepulturæ tradat diligentissimè, & superiùs constituta canonicè non differat adimplere.

Ibidē. c. 4.

D. HORMISDAE PAPAE ROMANI LIII.
DECRETA CIRCA ALTARIS
MINISTERIVM.

In Ecclesia etiam consecrata absque Episcopi permisso altare non erigatur.

Iiii 2

Nullus

sanctificatum vel permissum, vt sit discretio inter sacrum & non sacrum. nec dedicationem fingat, nisi sit*. Quod si fecerit, degradetur, si clericus est: si verò laicus, anathematizetur.

Deponatur qui non ordinatus, sacrum ministerium vsurpa-uerit.

Microlog. de eccl. obser. c. 8. Beatus Hormisdas (inquit Micrologus) à sancto Petro quinquagesimus tertius, capitulo tertio, illum deponit, quicumque non ordinatus, officium ordinati vsurpauerit, quod vtique non ex consecratione, nec ex Ecclesiastica consuetudine vsquam promeruit.

CONCILII EPAVNENSIS SVB SIGISMVND
DO BVRGVNDIONVM REGE, CIRCA
DIVINI OFFICII CELEBRATIONEM
CANONES.

Ordinem Metropolitani, in diuinis officijs sequantur ceteri.

Epaun. Cōcil. c. 27.

Ad celebrandū (inquiunt DD. Auitus Viennēsis, ac Gregorius Lingonensis ceteriq; eius synodi Patres) diuina officia, ordinem, quem metropolitani tenent, prouinciales obseruare debent.

Ibidē. c. 26

Altaria nisi lapidea non consecrentur.

Altaria (inquiunt) nisi lapidea infusione Chrismatis non facrentur.

Ibidē. c. 25.

Sanctorum reliquiæ in oratorijs villaribus non ponantur.

Sanctorum (inquiunt) reliquiæ in oratorijs villaribus non ponantur, nisi forsan clericos cuiuscūq; parochiæ vicinos esse contingat, qui sacris cineribus psallendi frequentia famulentur.

D. ALCIMI AVITI VIEN. EPISC. HOSTIAE
CHRISTI CORPORIS OBLATIO.

Alcim. Auit. Car. sa cror. l. 5. de transf. maris rubri.

Ergo (inquit) agnosce tuum in nobis rex Christe cruorem,
Atq; tuos educ Aegypti carcere seruas,
Et quocunq; loco sanctus mactaberis agnus,
Inq; cibos sanctum porrexerit hostia corpus
Christe tuum, non attingat tua dextera vindex.

Preter-

Præterea veterem exutos formamq; virumq;
In vitæ nouitate tuum fac sumere corpus,
Et sacrum æterni calicis potare cruorem.

Eodem pertinet illud eiusdem:

Dum sacrum populo victum, candentia manna
Ferrent, & cæli frugem terrena viderent,
Mystica quæ longè prædiceret ante figura,
Virgineo ex vtero, purum sine semine, Christi
Edendum, nobisq; aliquando corpus edendum:
Quas caperet, pascendus homo, de sede superna
Illabente Deo, sanctis altaribus escas.

Ibidē non
multo post.

CONCILII TARRACONENSIS CANONES DE DIEI DOMINICI SOLENNIBVS.

Nullus (inquiunt Patres) Episcoporum aut presbiterorum, Tarracon.
vel clericorum, die dominico propositum cuiuscunque causæ Con. c. 4.
negocium audeat iudicare, nisi hoc tantum, vt Deo statuta so-
lennia peragant.

Et iterum: Ea scilicet conditione seruata, vt omnis clerus die Eiusd. c. 7.
sabbati ad vespem sit paratus, quô facilius die dominico solē-
nitas cum omnium præsentia celebretur: ita tamen, vt omnibus
diebus vespers & matutinas celebrent, quia desistente clero,
quod est pessimum, comperimus in Basilicis nec luminaria mi-
nistrari.

AVRELIANENSIS CONCILII. II. DE MISSA- RVM CELEBRATIONE CANONES.

Solennia Paschæ, Natalis Domini, vel quadragesimæ, nemo
in villa celebret.

Aureli. C6
cil. c. 27.

Vt nulli (inquiunt eius Synodi Patres, inter quos D. Gildar-
dus Rotomagensis Episcopus) ciuium, Paschæ, Natalis Domi-
ni, vel quadragesimæ solēnia in villa liceat celebrare, nisi quem
infirmas probabitur tenuisse.

Iiii 3

Ante

622 LITVRGICON ECCLESIAE LATINAE

Ante completam missam & benedictionem sacerdotis,
nemo egrediatur.

Quum ad celebrandas (inquiunt) Missas in Dei nomine con-
Eius. c. 28. uenitur, populus non antè discedat, quàm Missæ solennitas com-
pleatur: & ubi Episcopus non fuerit, benedictionem accipiat
sacerdotis.

Die Dominico, nisi infirmus, Ecclesiæ non desit
Episcopus.

Eius. c. 33. Episcopus (inquiunt) si infirmitate non fuerit impeditus, Ec-
clesiæ cui proximus fuerit, die Dominico deesse non debet.

CONCILII GERVNDENSIS, DE MISSAE
ORDINE CANONES.

Vnum ordinem missæ omnis Tarraconensis prouincia
obseruet.

Gerund. Vt institutio Missarum, (inquit Ioannes Tarraconensis ali-
Cōcil. c. 1. que eius concilij Patres) sicut in Metropolitana Ecclesia agitur,
itā in dei nomine in omni Tarraconensi prouincia tam ipsius
Missæ ordo, quàm psallendo vel ministrando, consuetudo ser-
uetur.

Secunda litanæa, à Cal. Nouemb. in Sabbati vespere
Missæ facta finiatur.

Eiusd. c. 2. Item secunda Litaneæ (inquiunt) faciendæ est Kalend. No-
uemb. ea tamen conditione seruata, vt si iisdem diebus Domi-
nica intercesserit, in alia hebdomada, secundum prioris absti-
nentiae obseruantiam, à quinta feria incipiatur, & in sabbati ves-
pere Missæ facta finiatur, quibus tamen diebus à carnibus & vi-
no decreuimus abstinendum.

CONCILII CAESARAUGVSTANI DE CON-
VENTIBVS ECCLESIAE ET EVCHA-
RISTIA CANONES.

Quadragesimæ tempore Ecclesijs suis intersint fideles,
neq; in villis conuentus agant.

Cōcil. Cæ-
saraugust.
can. 2.

Nec Quadragesimæ (inquiunt Patres) diebus ab Ecclesijs fi-
deles desint. Et ad alias villas agendorum conuentuum causa
non conueniant. Eucha-

Eucharistia accepta, consumatur in Ecclesia.

Eucharistiæ (inquiunt) gratiam si quis probatur acceptam ^{Eiusc. 3.} non consumpsisse in Ecclesia, anathema sit in perpetuum. Ab vniuersis Episcopis dictum est: Placet.

D. IOANNIS PAPAE LIIII. ROMANI
SACRIFICIA.

Ideoquæ (inquit Epistola ad Zachariam archiepiscopum) tan ^{Ioan. papa} ta urgente necessitate, summo pore vestra Apostolicaq; autho. ^{1. epist. 1.} ritate, & reliquos Episcopos oportet reprimere infelto, releuare oppressos, vt absq; graui (Domino auxiliante) difficultate, ipsi gratanter omni tempore sacrificare mereamur illæ si.

IN ECCLESIA D. BENEDICTI, MISSARVM
SOLENNIA PRO DN FVNCTO.

Quumq; (inquit D. Gregorius papa vitam D. Benedicti de- ^{Gregor. pa} scribens) in eadem Ecclesia Missarum solennia celebrarentur, ^{pa 1 epist. 1.} atq; ex more Diaconus clamaret, Si quis non communicat, det ^{1. 2. Dial. c.} locum: nutrix earum, quæ pro eis oblationem Domino offerre ^{23.} consueuerat, eas de sepulchris suis progredi & exire videbat. Quod dum sapiùs cerneret, quia ad vocem diaconi clamantis exhibant foràs, atq; intra Ecclesiam permanere non poterant, ad memoriam reduxit, quæ vir Dei illis adhuc viuentibus mandauit. Eas quippe se cõmunionem priuare dixerat, nisi mores suos & verba corrigerent. Tunc seruo Dei cum graui mœrore indicatum est: qui manu sua protinus oblatione dedit, dicens: Ite, & hanc oblationem pro eis offerri Domino facite, & vlteriùs excommunicatæ non erunt. Quæ dum oblatio pro eis fuisset immolata, & à diacono iuxta morem clamaturn est, vt non communicantes, ab Ecclesia exirent, illæ exire ab Ecclesia vlteriùs visæ non sunt, Quæ ex re indubitater patuit, quia dum inter eos, qui cõmunionem priuati sunt, minimè recederent, cõmunionem à Domino per seruum Domini recepissent.

FELICIS III. VVLGO IIIII. ROMANI PA-
PAE LV. DE MISSARVM CELEBRA-
TIONE DECRETA.

liii 4

Missæ

Missarum celebratio, nisi in locis Domino
sacratīs absq; necessitate non fiat.

Felix papa 3. epist. 1. De Ecclesiarum (inquit Felix papa 3. ad vniuersos Episcopos scribēs) consecratione, & de Missarū celebrationibus, nō alicubi quā in sacratīs Domino locis, absq; magna necessitate fieri debere liquet omnibus, quibus sunt nota noui ac veteris testamenti praecepta. Tabernaculū verò Mosen Domino praeipiēte fecisse, & sacrāsse cū mensa & altari eius, & cæteris vasis vtenfilibus ad diuinum cultum explendū legimus, & nō solum diuinis praeceptis ac precibus, ea sacrāsse, sed etiam sancti olei vnctione, Domino iubente, perlinisse nouimus.

Non nisi etiam in altaribus, cum vestibus
ac vasis sacratīs.

Ibidē paulo post. Qualiter autem (inquit) hæc facta sint, & quomodò ipsa sacra non alij, quā sacerdotes sacra vnctione delibuti, Duoque cum vestibus sanctis sacratī, & leuitæ tractabant ferebant, erigebant, & deponebant, in ipsis institutionibus, quæ (Domino iubente) per Mosen conscriptæ sunt, in lege Domini reperitur.

Ibidē post multa. Et latius: Iudæi ergò loca, in quibus Domino sacrificabant, diuinis supplicationibus consecrabant, nec habebant supplicationibus consecrata, nec in alijs quam in Deo dicatis locis munera Domino offerebant. Si enim Iudæi, qui vmbra legis deferuiebant, hæc faciebant: multò magis, quibus veritas patefacta est, & gratia & veritas per Iesum Christum data est, templa Domino ædificare, & (prout melius possumus) ornare, eaque diuinis precibus, & sanctis vnctionibus suis cum altaribus & vasis, vestibus quoque & reliquis ad diuinum cultum explendum vtenfilibus, deuotè & solenniter sacrare, & non in alijs locis, quā in Domino sacratīs ab Episcopis, & non à chorepiscopis, qui sepè prohibiti sunt, nisi (vt prædictum est) summa exigente necessitate, Missas celebrare, nec sacrificia offerre Domino debemus.

In

In summa verò necessitate, non in domibus, sed in
tabernaculis & altaribus, ab Episcopis sacra-
tis, sacrificia offerantur.

Ibid. con-
sequenter.

Et hoc si summa (inquit) necessitas agere compulerit, non
in domibus, quia in sacris canonibus sacrificia in domibus of-
ferri prohibita sunt: sed in tabernaculis, diuinis precibus à pon-
tificibus dicatis, & in mēsis Domino sacratis, & sacra vnctione
à pontificibus delibutis, pro summa (vt præfixum est) neces-
sitate, & non pro libito cuiusquam & pigritia agatur.

Alioquin satius, Missam non cantari aut audi-
ri, quàm in alijs locis.

Ibid.

Satius ergò est (inquit) Missam, non cantare, aut non audire,
quàm in illis locis, vbi fieri non oportet: nisi (vt sæpè dictum
est) pro summa contingat necessitate, quoniam necessitas non
habet legem. Vndè scriptum est: Vide nè offeras holocausta
tua in omni loco, quem videris, sed in loco quem elegerit Do-
minus Deus tuus.

Deut. 12.

Sic enim id non licet, sicut nec sacer-
dotibus non licet offerre.

Ibid. de in-
ceps.

Et sicut (inquit) non alijs, quàm sacrati Domino sacerdotes,
debent Missas cantare, nec sacrificia super altare offerre: sic nec
in alijs, quàm in præfatis Domino sacratis locis, Missas cantare,
aut sacrificia offerre licebit.

* Suefsio-
nenſis

D. MEDARDI * SVESSONIENSIS EPIS. POST
MORTEM MIRACVLVM, HOCTEMPORE,
INTER MISSARVM SOLENNIA.

Greg. Tu-
ron. de
glor. con-
fess. c. 95.

Factum est autem (inquit Gregorius. Turonensis) dum Mis-
sæ celebrarentur, vt resolutis neruorum aëntibus ligaturis, gra-
tias confessori referens, & ad sanctum altare accedens, gratiam
benedictionis acceperit incolumis.

BONIFACII II. PAPAE ROMANI LVI. CIR-
CA MISSAM DECRETVM.

Kkkk

Hic

Mart. Po- Hic (inquit Martinus Polonus) constituit (seu potius consti-
lon. ad an. tutum innouauit) vt clericifint à laicis separati in celebratione
531. Missarum.

EVLALII CARTHAGINENSIS EPIS. DENOMINIBVSEXCOMMUNICATORVMADALTARIA NON RECITANDIS CONSENSVS.

Eulal.
Carth. e-
piscop.
in exem-
plari pre-
cum.

Promittens (inquit) Epistola ad Bonifacium II. Papam) sequestratos à communione Ecclesie catholice, non consentientes sedi Apostolicæ, & eorum nomina inter sacra non esse recitanda mysteria.

CONCILII TOLETANI II. CANON DE CLERICIS EXTRANEARVM CONSORTIO FRVENTIBVS.

Concil. To-
let. 2. c. 3.

Sanè deinceps (inquit Iustus Vrgellitanus, alijque eius concilij patres) post datam hanc admonitionem, quisquis earum consortio frui voluerit, nouerit se non solum à clericatus officio retrahi vel Ecclesie foribus expelli, sed etiam omnium catholicorum, clericorum vel laicorum communione priuari, nulla prorsus vel colloquij consolatione relicta, quatenus male consuetudinis abrasa rubigo, in posteris radice sua veneno serpere non possit.

Anathema post mortem non aliud esse, quam erasionem è sacris Dyptichis, in quibus nomina catholicorum defunctorum, continebantur, tractauimus Ad not. nostris in D. Cyprianum epist. 66 ad finorita.

nos.
Iustin. Im-
perat. sub
finem fid.
ad Ioan.
pap.

Super hæc omnia (inquit Iustinianus Imperator) quis ignorat ea, quæ nostris temporibus in Ecclesia antiquioris Romæ contra Dioscorum acta sunt? Qui quum nihil in fidem peccasset, tamen propter solum ecclesiasticum ordinem, post mortem ab eadem sancta Ecclesia Romana anathematizatus est.

SYNODI ROMANAE, IN DIOSCORVM SCHISMATICVM ANATHEMA POST MORTEM.

IOAN.

IO ANNIS II. ROMANI LVII. PAPAE, SVPLI-
CATIONES PRO SALVTE REGNANTIVM.

Precor (inquit ad illum scribens Magnus Aurelius Cassio-
dorus Senator) vt viuaciùs oretis pro salute regnantium.

Ac paulo pòst: Nihil ergò timemus, talibus Patronis Aposto-
lis, si oratio non defistat Antistitis.

Et sub finem Epistolæ: Diuinitas supplicationibus vestris tri-
buat, quibus superna gratia probetur indulta.

Cassiodo-
rus (ena-
tor varia-
rum lib. II.
epist. ad
Ioan. pap.

MAGNIAVRELIICASSIODORISENATORIS
POSTEA MONACHI ET ABBATIS APVD
RAVENNAM VIVARIENSIS SACRA-
MENTORVM CELEBRATIO.

Cui enim potest (inquit Cassiodorus, tractans illud, Tu es
sacerdos in æternum secundum ordinem Melchisedech) vera-
citer & euidenter aptari, nisi Domino saluatori, qui corpus &
sanguinem suum in panis ac vini erogatione salubriter conse-
crauit, sicut ipse in Euangelio dicit: Nisi manducaueritis car-
nem filij hominis, & biberitis eius sanguinem, non habebitis
vitam æternam? Sed in ista carne ac sanguine nil cruentum, nil
corruptibile mens humana concipiat: nè sicut dicit Apostolus:
Qui enim corpus Domini indignè manducat, iudicium sibi
manducat: sed viuificatricem substantiam atque salutarem, &
ipsius verbi propriam factam, per quam peccatorum remissio, &
æternæ vitæ dona præstantur. Quem ordinem per mysticam si-
militudinem Melchisedech iustissimus rex instituit, quando
Domino panis & vini fructus obtulit. Constat enim pecudum
victimas perisse, quæ fuerunt ordinis Aaron: & Melchisedech
manere potius institutum, quod toto orbe in sacramentorum
erogatione celebratur.

Cassiodor.
in Psalm.
109.

Ioan. 6.

1. Cor. II.

628 LITVRGICON ECCLESIAE LATINAE
D. AGAPITI PAPAE LVIII. ROMANICON.
STANTINOPOLI MISSARVM SOLENNIA.

Gregorius Dialog. l. 1. c. 3. Post nō multū verò tēporis (inquit Gregorius papa t.) exigēte causa Gothorum, vir quoq; beatissimus * Agapitus huius sanctae Romanae Ecclesiae pontifex: cui, Deo dispensante, deferuio, ad Iustinianum principem accessit. Cui adhuc pergenti, quadam die in Graeciarum iam partibus curandus oblatum est mutus & claudus, qui neque vlla verba edere, neque ex terra vnquā surgere valebat. Cumque hunc propinqui illius flentes obtulissent, vir Domini sollicitō requisit an curationis illius haberēt fidem. Cui dum in virtute Dei ex auctoritate Petri fixam salutis illius spem habere se dicerent: protinūs venerandus vir orationi incubuit, & Missarum solennia exorsus, sacrificium in conspectu Dei omnipotentis immolauit. Quo peracto, ab altari exiens, claudi manum tenuit, atque assistente & aspiciente populo eum mox à terra in proprijs gressibus erexit. Cumque ei Dominicum corpus in os mitteret, illa diu muta ad loquendum lingua, soluta est. Mirati omnes, flere praegaudio ceperunt: eorumque mentes ilicō metus & reuerentia inuasit: cum videlicet cernerent quid * Agapitus facere in virtute Domini ex adiutorio Petri potuisset.

D. SILVERII LIX. PAPAE ROMANI DE
COMMVNIONE IN SOLENNITATL
BVS DECRETVM.

Iuo Decret. part. 2. c. 29. Singulis diebus Dominicis (inquit Decret. suorum c. 3. iuxta quod à D. Iuone citatur) in Quadragesima, praeter hos qui excommunicati sunt, & praeter illos qui in publica poenitentia sunt, sacramenta corporis & sanguinis Christi sumenda sunt: & in cena Domini: in vigilia Paschae, & in die resurrectionis Domini, & in Pentecoste: & in Natali Domini penitus ab omnibus communicandum est.

VVITE

VVITEGIS GOTHORVM IN ITALIARE-
GIS, IN LOCA SACRA GRASSATIO.

Gothi verò duce VVitege, (inquit Paulus diaconus) urbem Paul. dia. obfidentes, vniuersa per circuitum direptionibus & incendijs con. hist. l. absumunt, Quosunque Romanos reperiunt, gladio extin- 16. guunt, cuncta loca sacra denudantes, ipsis etiam venerabilium martyrum tumulis manus impias inferunt, continuè urbem impugnant.

VIGILII ROMANI PAPAE LX. MISSA-
RVM SOLENNIA.

Non omittenda coniunctio, & in illo: Glo-
ria Patri & filio & spiritui sancto.

Illud autem nouelli (inquit scribens Eutherio siuè Elenthe-
rio Episcopo) esse iudicamus erroris, quòd cum in fine Psalmo- Vigil. papæ
rum ab omnibus catholicis ex more dicatur, Gloria Patri, & fi- epist. l. c. 1.
lio, & spiritui sancto: aliqui, sicut indicas, subducta vna sylla-
ba coniunctiua, perfectum conantur minuere vocabulum Tri-
nitatis, dicendo: Gloria patri, & filio spiritui sancto.

In nouarum fabricarum erectione celebra-
da Missarum solennia.

De fabrica verò (inquit) cuiuslibet Ecclesiæ, si diruta ^{ibid. c. 4.}
fuerit instauranda, & si in eo loco consecrationis solennitas
debeat iterari, in quo sanctuaria non fuerint, nihil iudicamus
officere, si per eam minimè aqua exorcizata benedicta iactetur:
quia consecrationem cuiuslibet Eccl. in qua spiritus sancti ara
non ponitur, celebritatem tantum scimus esse Missarum. Et i-
dedò si qua sanctorum basilica à fundamentis fuerit innouata, si-
ne aliqua dubitatione, cum in ea celebrata fuerit Missarum so-
lennitas, totius sanctificatio consecrationis implebitur. Si ve-
rò sanctuaria, quæ habebat, ablata sunt, rursus earum reposi-
tione, & Missarum solennitate, reuerentiam sanctificationis
accipiet.

Kkkk 3 Ordo

Ordo precum siue Canon, in solennitate Missæ
semper idem seruandus.

Ibid. c. 3.

* diuer-
sum.

Ordinem quoque precum (inquit) in celebritate Missarū
nullo nos tempore, nulla festiuitate significamus habere *
diuisum, sed semper eodem tenore, oblata Deo munera con-
secrare.

In festiuitatibus interim Paschæ, Ascensionis, Penteco-
stes, Epiphaniæ, & sanctorum solennibus, adiectis
aliquot capitulis, per cetera ordo con-
suetus seruetur.

Ibid.

Quotiès vero (inquit) Paschalis, aut Ascensionis Domini,
vel Pentecostes & Epiphaniæ, Sanctorumque Dei fuerit agen-
da festiuitas, singula capitula diebus apta coniungimus, quibus
commemorationem sanctæ solennitatis, aut eorum faciamus,
quorum natalitia celebramus: cætera verò ordine consueto
prosequimur.

Canonicæ precis ex Apostolica traditione conte-
xtus, à Vigilio papa transmissus.

Ibid.

Quapropter & ipsius (inquit) precis textum direximus sub-
tèr adiectum quem (Deo propicio) ex Apostolica traditio-
ne suscepimus. Et vt charitas tua cognoscat quibus locis aliqua
festiuitatibus apta connectes, paschalis diei preces similiter ad-
iecimus.

PRIMASII VTICENSIS IN APHRICA IVSTI- NOPOLIM EPISCOPI SACRIFICIA.

Ecclesiæ sacrificia.

Primas.
lib. 1. in A.
pocal. c. 8.

Et accepit (inquit Primasius, explicans illud Apocalypsis,
accepit angelus thuribulum, & impleuit illud ex igne anæ, &
misit in terram) Dominus corpus, id est, Ecclesiam, & perficien-
do patris voluntatem, impleuit illum ex igne anæ, id est, ex po-
testate soluendi atque ligandi, quæ consistit in sacrificijs & pro-
pitiatione Dei. Hinc etiam dicitur: Qui facit angelos suos spi-
ritus,

ritus, & ministros suos ignem ardentem. In his enim accepit Ecclesia omnem potestatem in cælo & in terra : Domini Dei sacrificium perficit, offerente Domino se principaliter.

Eodem pertinet illud, ubi locum Danielis interpretatur : In medio hebdomadis, hostiâ dicit sacrificiûque deficere, quod ^{Idē in c. 12.} in Ecclesia solenniter immolatur: antichristi scilicet tunc seminata præualente.

Ad altare mortuorum memoria.

Neque enim (inquit) piorum animæ mortuorum separantur ab Ecclesia, quæ nunc etiam est regnum Christi : Aloquin nec ad altare Dei fieret eorum memoria, in communicatione corporis Christi.

^{Ibi. in c. 19}

IVNILII APHRI EPISCOPI, DE SACERDOTVM VESTIBVS, AC CORPORE ET SANGVINE DOMINI TESTIMONIVM.

Typis (inquit) accidunt quædam ante legem, vt Abel à fratre occisus, Christi passionem præfigurabat, & Noë arca Ecclesiam & cætera similia. Quædam vero sub lege: vt ipsius Moyfi mors & Iesu gloria. Quædam sub gratia, vt Baptizatorum indumenta, & sacerdotum vestes, & Dominici corporis participatio, & similia alia.

^{Iunil de part diuin. leg l. 2. c. 18.}

CONCILII AVRELIANENSIS II. QVOD PERPERAM III. INSCRIBITVR CANONES, DE MISSARVM CELEBRITATE.

Concilium hoc prius contigisse illo quod sequitur, patet rum ex anno consulis Paulini, tum ex Ioanne le Maijes, qui alterum illud sub Honorato, posterius facit isto concilio, cui Albinus Andegauensis interfuit. Item ex quibusdam exemplaribus, qui hic legunt: Anno Vigesimo Childebiti regis.

Missarum celebritas hroa
tertia inchoetur.

Kkkk 4 De

Concil.
Aurel.
3. c. 14.

De missarum (inquiunt Lupus Lugdunensis, Albinus Andeganensis, D. Gregorius Lingonensis, ceterique patres) celebritate in praecipuis duntaxat solennitatibus, id observari debet, ut hora tertia Missarum celebratio in Dei nomine inchoetur, quo facilius intra horas competentes, ipso officio expedito sacerdotes possint ad vespertina officia, id est, in vespertino tempore convenire, quia sacerdotem vespertinis officiis ab Ecclesia, talibus praecipue diebus, nec decet deesse, nec convenit.

A Missarum celebritate cesset, qui in diocesi aliena altaria consecraverit.

Eiusd. can. 15. Episcopus (inquiunt) in dioeceses alias, ad alienos clericos ordinandos, vel consecranda altaria, irruere non debet. Quod si fecerit, remotis his, quos ordinaverit, altaris tamen consecratione manente, transgressor canonum, anno a Missarum celebritate cessabit.

Ante Dominicam orationem, & benedictionem

Episcopi si adsit, a Missis nemo discedat.

Eiusd. c. 28 De Missis (inquiunt) nullus laicorum antea discedat, quam Dominica dicatur oratio. Et si Episcopus praesens fuerit, eius benedictio expectetur.

Sacrificia nemo cum armis spectet.

Ibid. Sacrificia vero (inquiunt) matutina, Missarum, siue vespertina, ne quis, cum armis pertinentibus ad bellorum usum, spectet, Quod qui fecerit, in sacerdotis potestate consistat, qualiter eius districtione debeat castigari.

CONCILII AVRELIANENSIS III. QVOD PER PERAM II. INSCRIBITVR, CANON, DE OBLATIONIBVS DEFVNCTORVM.

Concil.
Aurel. 2. c.
13.

Oblationes (inquiunt Honoratus Bituricensis alijque Patres tres) defunctorum, qui in aliquo crimine fuerint interempti, recipi debere censemus, si tamen non ipsi sibi mortem probentur proprijs manibus intulisse.

ARA-

TOMVS PRIMVS. 633
ARATORIS ROMANI SVBDIACONI, DE DI-
ACONORVM SACRO MINISTERIO
TESTIMONIVM.

Iura ministerij (inquit) sacris altaribus apti,
In septem secuere viros, quos vndiq; lectos
Leuitas vocitare placet: quam splendida cœpit
Ecclesiæ fulgere manus, quæ pocula vitæ
Misceat, & latices cum sanguine porrigat agni.
Huic numero delatus honor, sublimia secum
Sacramenta gerit, per quæ nunc longius ire
Non patitur mensura viæ, nè plura locutus,
Inueniar dixisse minùs. Sit cura ministris,
Officium librare suum, quo laudis amictu
Hunc deceat lucere chorum, quem mysticus ordo
Consecrat in numero, cui dant cælestia formam.

Arat. histo.
Aët. Apo.
l. i.

ARVERNENSIS CONCILII CIRCA OFFICI-
VM SACRI MYSTERII CANONES.

Nè pallis altaris defunctorum, etiam sacerdotum
corpora, inuoluantur.

Obseruandum (inquiunt Honoratus Bituricensis, qui su-
prà & alij aliquot Patres) nè pallis vel ministerijs diuinis, defun-
ctorum corpuscula obuoluantur. Cō. Aruer.
l. c.

Item paulò pòst. De opertorio Dominici corporis, seu pal-
la altaris, nunquàm sacerdotis corpus, dum ad tumulum euehi-
tur, obtegatur: quia sacro velamine vñbus suis reddito, dum
honorantur corpora, altaria polluuntur.

Neque verò ministeria diuina, ad nuptiarum ornatum
præstentur.

Nec ad nuptiarum ornatum ministeria diuina præstentur, Eiusd. c. 5.
nè, dum improborum contactu, pompaque secularis luxuriæ Eiusd. c. 7.
polluuntur, ad officium sacri mysterij videantur indigna.

Diuina mysteria in festiuitatibus diuinis in Oratorio
non celebrentur.

LIII

Si

614 LITVRGICON ECCLESIE LATINAE

Si quis (inquiunt) ex presbiteris, aut diaconis, qui neq; in ciuitate, neq; in Parochijs Canonicus esse dinoscitur, sed in villulis habitans, in Oratorio sancto deseruiens, celebret diuina mysteria: festiuitates præcipuas, Domini Natale, Pascha, Pentecosten, & si quæ principales sunt festiuitates reliquæ, nullatenus alibi, nisi cum Episcopo suo in ciuitate teneat. Quicumq; sunt etiam ciues natu maiores, pari modo in vrbibus ad Pontifices suos in prædictis festiuitatibus veniant. Quod si qui improba temeritate contempserint, & eisdem festiuitatibus adesse despicunt, communione pellantur.

SIMPLICII PRESBITERI, IVSSV D. MAVRI ABBATIS, SACRIFICIVM PRO DEFUNCTIS ANDEGAVI CELEBRATVM.

Fauft. Monach. in vita D. Mauri.

Manè autem primo (inquit Faustus Monachus in vita D. Mauri) Simplicium presbiterum adsciscens: vt sacrificium nostræ redemptionis pro eadem Deo anima offerret, imperauit.

CHILDEBERTI REGIS, POST HISPANIAS OCCVPATAS, VASORVM SACRO- RVM DONATIO.

Sanè in thesauris (inquit Aimonius monachus) quos Childebertus auexit ab Hispanijs, reperta sunt Ecclesiastici vtenfiliæ ministerij, ex vasis quos dicunt fuisse Salomonis, sexaginta preciosissimi calices, quindecim patinæ, viginti capsæ Euangeliorum. Quæ omnia cum solido fabricata essent auro, gemmisque ornata opere inclusorio, rex tamen, integer, ab eorum cupiditate, (vt erat largissimus) cuncta diuersis præbuit Ecclesijs.

Aimonius de gestis Franc. l. 2.

CONCILII AVRELIANENSIS IIII. DE VINI AQUA MIXTI OBLATIONE CANON.

Concil. Aurel. 4. c. 3.

Vt nullus (inquiunt Patres) in oblatione sacri calicis, nisi quod ex fructu vineæ speratur, aqua mixtum offerre præsumat: quia sacrilegium iudicatur, aliud offerri, quàm quod in mandatis sacratissimis saluator instituit.

PE

TOMVS PRIMVS. 635
PELAGII I. PAPAE ROMANI. LXI. STATV-
TVM, DE MEMORIA PONTIFICIS
INTER SACRA MYSTERIA.

Vndè constat (inquit Albinus Flaccus Alcuinus) ab vniuersi
orbis communione separatos esse, Sicut B. Pelagius docet, qui ^{Albin. de}
qualibet dissensione inter sacra mysteria Apostolici Pontificis ^{diuin. offi.}
memoriam secundum consuetudinem non frequentant.

CONCILII AVRELIANENSIS V. CANON,
DE MISSARVM CELEBRATIONE OB
CAVSAM INTERDICTA.

Vt in ciuitate (inquiunt, Sacerdos Lugdunensis, alij que Pa- ^{Concil. Au}
très) vbi Pontifex iure humane conditionis obierit, nullus Epi- ^{rel 5 c. 8.}
scopus ante substitutionem deputati per ordinem successoris,
aut in ciuitate, aut per parochias ordinare clericos, aut altaria au-
deat consecrare, vel quicquam de rebus Ecclesie præter huma-
nitatem præsumat auferre. Quod si quisquam temerario ausu
statuta transcenderit, conuentus ab instituto Pontifice, verecun-
diæ suæ consulens, sine dilatione ablata restituat. Si verò suæ vo-
luntatis arbitrio, vel quorumcunq; precibus, actus, quacumq;
personam promouere, aut contra interdictum nè præsumpse-
rit, anno integro Missas facere non præsumat.

TVRONENSIS CONCILII II. SVB IOANNE
III. PAPA ROMANO LXII. CELEBRATAE
CIRCA MISSAS CANONES.

Corpus Domini in Altari quomodo
componendum.

Vt corpus Domini (inquiunt Patres) in Altari, non in imagi- ^{Turō. cōc.}
nario ordine, sed sub crucis titulo componatur. ^{2. c. 3.}

Vt ad Missas separati sint laici à clericis.

Vt laici (inquiunt) secus altare, quo sancta mysteria celebrā- ^{Eiusd. c. 4.}
tur inter clericos tam ad vigilias, quàm ad Missas, stare penitus
non præsumāt: sed pars illa, quæ à cancellis versùs altare diuidi-
tur, choris tantum psallentiū, pateat clericorū. Ad orandū verò
& communicandū laicis & sceminis, sicut mos est, pateant
sancta sanctorum.

LIII 3 Error

Error eorum non toleretur, qui in festo Cathedræ D. Petri post missas, victimas mortuis offerunt.

Eiusd. c. 23. Sunt etiam (inquiunt) qui in festiuitate Cathedræ Domini *victimas Petri & Apostoli, *cibos mortuis offerunt, & post Missas redeuntes ad domos proprias, ad gentilium reuertuntur errores, & post corpus Domini, sacratas dæmoni escas accipiunt. Contestamur illam sollicitudinem tam pastores quàm presbyteros gerere, ut quemcunque in hac fatuitate persistere viderint, vel nescio ad quas petras, aut arbores, aut ad fontes designata loca gentilium perpetrare, quæ ad Ecclesiæ rationem non pertinent, eos ab Ecclesiæ sancta autoritate repellant, nec participare sancto altario permittant, qui gentilium obseruationes custodiunt.

CONCILII LVGDVNENSIS. I. CANON,
DE LITANIIS NOVI MENSIS.

Cõcil Lug
du. l. c. 6.

Placuit etiam (inquiunt Philippus viennensis, D. Nicetius Lugdunensis & cæteri Patres) vniuersis fratribus, ut in prima hebdomada noui mensis, hoc est, ante diem Dominicam, quæ prima in ipso mense illuxerit, litaniæ, sicut ante ascensionem Domini sancti patres fieri decreuerunt, deinceps ab omnibus Ecclesijs seu parochijs celebrentur.

CATONIS PRESBYTERI ARVERNENSIS
MISSAE PRO DEFUNCTIS.

Gregorius Turon. hist. Franc. l. 4. c. 31. Tunc & Cato presbiter (inquit D. Gregor. Turon.) mortuus est, nam cum de hac lue multi fugissent, ille tamen populum sepe-
liens, & Missas dicens, viritum, nunquàm ab eo loco discessit.

SVB BENEDICTO PAPA ROMANO LXIII.
CONCILII MATISCONENSIS. I. CANON,
DE MISSAE SACRIFICIIS.

Missas Archiepiscopus sine pallio non celebret.

Matiscõ-
sis Concil.
c. 6.

Archiepiscopus (inquiunt Priseus Lugdunensis & cæteri Patres) sine pallio, Missas dicere non præsumat.

Sacrificia per Aduentum Quadragesimali ordine seruentur.

Vt:

Vt à feria sancti Martini vsque ad Natalem Domini, secunda Eiusd. c. 9.
quarta & sexta sabbati ieiunetur, & sacrificia Quadregesimali
debeant ordine celebrari.

GREGORII TVRONENSIS, EPISCOPI MIS-
SARVM SOLENNIA ET EVLOGIAE.

Nobis autem (inquit) Missas celebrantibus, in sanctam Basili Gre. Turb.
cam, aperta reperiens ostia, ingressus est. Post Missas autem pe- hist. Franc.
tijt, vt ei eulogos dare deberemus. Erat autem tunc nobiscum l. 5. c. 14.
Ragnemodus Parisaicae sedis Episcopus, qui sancto Germano
fuccefferat. Quod cum refutaremus, ipse clamare coepit & di-
cere, quod non rectè eum à communione sine fratrum conni-
uentia suspenderemus. Illo autem hæc dicente, cum consensu
fratris qui præfens erat, contestata causa canonica, eulogias à no-
bis accepit.

Eodem pertinet illud eiusdem. Interea iam medio prandij Ibidem. l. 8.
peracto, iubet rex, vt diaconum nostrum, qui ante diem ad Mis- c. 3.
sas psalmum responsum dixerat, canere iuberem.

PELAGII II. PAPAE ROMANI LXIIII. IN
SYNODO DECRETVM, DE MISSAE
PRAEFATIONIBVS.

Superuenere (inquit Pelagius papa epist. sua & Synodi, ad
Episcopos Germaniae & Galliae) literae vestrae, & vt magnae es- Pelag. pa-
sent authoritatis, etiam viuae voces praecesserunt, rogantes, vt or- pa 2. ad Epi-
dinem Praefationum, quem sancta Romana Ecclesia haecenus scopos Ger-
haberet, nostris literis vobis remanderemus. Tunc de vestra vo- maniae &
luntate & studio bono, multum gauisi sumus, & sacrum ordinem Galliae.
Romanorum, sacraque constituta nostrorum antecessorum solerter
relegentes, inuenimus has nouae praefationes in sacro Catalogo
tantummodò recipiendas, quas longa retrò veritas in Romana
Ecclesia haecenus seruauit. Vnam in albis Paschalibus, aliam de
Ascensione Domini, tertiam de Pentecoste, quartam de Natali
Domini, quintam de Apparitione Domini, sextam de Apostolis,

septimam de sancta Trinitate, octauam de cruce, nonam de ieiunio & quadragesima tantummodo dicendā. Has præfationes tenet & custodit sancta Romana Ecclesia. Has tenendas vobis mandamus.

Gratiā, de
cōsecr. d. st.
i. c. inueni-
mus.
Burch. de.
cret. l. 3. c.
69.
Sigeb. ad
annū Do-
mini 581.

Quod quidem Decretū à Gratiano Gelasio papæ adscribitur, & alicubi Pelagio 2. verū D. Burchar. nominatim huic attribuit. Sigebertus item in hæc verba: Hic decreuit, quotidianā sacra-
mentorū præfationem ad Missas, nouem tantummodò præ-
fationibus secundum antiquum Romanorum ordinem esse cō-
mutandam, scilicet in Natali Domini, in Apparitione, in Pascha,
in Ascensione, in Pentecoste, de sancta Trinitate, de Apostolis,
de sancta cruce, de ieiunio Quadragesimali.

CONCILII LVGDVNENSIS II. DE SOLEN-
NITATIBVS ECCLESIAE CANON.

Cōcil. Lug- Nullus (inquiūt Priscus Lugdunēsis aliq; Patres) Episcoporū
du. 2. c. 3. Natalē Domini aut Pascha alibi, nisi ad Ecclesiā suam præter in-
firmitatis incursum, aut ordinem regum, celebrare præsumat.

CONCILII VALENTINI GALLIAE II. DE-
CRETVM DE DONIS QVAE AD MINISTE-
RIVM ALTARIVM INFERVNTVR.

Cōcil. Va- Synodus sancta (inquiunt Sapandus Arelatensis, Priscus Lug-
lent. 2. Act. dunensis, aliq; patres) decreuit, vt si quid Basilicæ S. Marcelli,
vel S. Symphoriam, vel quibuscunque locis, vel deseruientibus
Deo per quascunq; authoritates aut scripturarum epistolas præ-
fatus dominus rex, vel suprā nuncupata iugalī sua, filiæq; eorū
siue in ministerio altariorū, siue in quibuscunque speciebus, quæ
ad diuinum cultum pertinere noscuntur, contulisse vel adhuc
conferre voluerint, neq; ab Episcopis locorum, neq; potestas re-
gia quocunq; tēpore successura, de eorum voluntate quicquam
minorāre aut auferre præsumat.

CONCILII MATISCONENSIS II. CANO-
NES DE SACRIFICIIS.

Per Octauam Paschatis omnes quotidianis intersint
sacrificijs.

Pascha

Pascha (inquiunt Priscus Lugdunensis & alij qui suprâ.) no- Cōcil. Ma-
strum, in quo summus sacerdos & Pontifex, pro nostris delictis, tiscō. 2. c. 2,
nullam habens obnoxiationem peccati, immolatus est, debe-
mus omnes festiuissime colere, & sedulæ obseruationis synce-
ritate in omnibus venerari, vt illis sanctiss. sex diebus, nullus ser-
uile opus audeat facere: sed omnes simul coadunati, hymnis
Paschalibus indulgentes, perseverationis nostræ præsentiam
quotidianis sacrificijs ostendamus, laudantes creatorem ac re-
generatorem nostrum vespere & meridie.

Dominicis diebus omnes panem & vinum ad
altare offerant.

Residentibus (inquiunt) nobis in sancto concilio, cognoui- Ibidē c. 4.
mus quosdam Christianos, relicto fratrum cœtu, à mandato Dei
aliquibus locis deuiasse, ita vt nullus eorum legitimo obsecun-
dationis, parere velit officio deitatis, dum sacris altaribus illam
admovent hostiam: propterea decernimus, vt omnibus Domi-
nicis diebus altaris oblatio ab omnibus viris & mulieribus offe-
ratur tam panis quàm vini, vt per has immolationes & peccato-
rum suorum fascibus careant, & cum Abel vel cæteris iustè offe-
rentibus, promereantur esse consortes.

A ieiunis Missæ celebrentur.

Item decernimus, (inquiunt) vt nullus presbiter confertus
cibo, aut crapulatus vino, sacrificia contrectare, aut Missas pri- Ibidē c. 6.
uatis festisq; diebus concelebrare præsumat. Iniustum est enim,
vt spiritali alimento, corporale præponatur: sed si quis hoc attē-
dere curauerit, dignitatē amittat honoris. Iam enim de tali cau-
sa & in Concilijs Aphricanis definitū est. Quam definitionē no- for. adlo-
stro quoq; dignam duximus sociare decreto, & ad locum, vt sa care.
cramenta altaris non nisi à ieiunīs hominibus celebrentur, ex-
cepto vno die anniuersario, quo cœna Domini celebratur.

Reliquiæ sacramentorum ab innocentibus
ieiunis sumantur.

Quæcunq; reliquiæ sacrificiorū post peractam Missam in sacra Ibidem.
rio superfederint, quarta vel sexta feria innocētes, ab illo, cuius

LIII 4

interest

interest, ad Ecclesiam adducantur, & indicto eis ieiunio, eadem reliquias conuersas vino percipiant.

GALLIARVM MISSAE ORDO VETVSTVS.

Cur quum vna sit fides, (interrogat D. Gregorium papam D. Augustinus Anglorum Episcopus) sint Ecclesiarum consuetudines diuersae? & altera consuetudo Missarum in Romana Ecclesia, atq; altera in Galliarum Ecclesijs teneatur?

Respondet D. Gregorius: Nouit fraternitas tua, Romanae Ecclesiae consuetudinem, in qua se meminit eruditā. Sed mihi placet, vt siue in Romana, siue in Gallicana, seu in qualibet Ecclesia aliquid inuenisti, quod plus omnipotenti Deo possit placere, sollicitè eligas & in Anglorum Ecclesia, quae adhuc ad fidem noua est, institutione praecipua, quae de multis Ecclesijs colligere potuisti, infundas. Non enim pro locis res, sed pro bonis rebus loca amanda sunt. Ex quibusque ergo Ecclesijs quae pia, quae religiosa, quae recta sunt, elige: & haec quasi in fasciculum collecta, apud Anglorum mentes in consuetudinem depone.

Eadem de re latius in haec verba Hilduinus Abbas sancti Dionysij ad Ludouicum Regem Galliarum: Cui ad stipularet videntur antiquissimi, & nimia penè vetustate consumpti, Missales libri, continentes Missae ordinem more Gallico, qui ab initio receptae fidei vsu in hac occidentali plaga est habitus, vsque quo tenorem quo nunc vitur, Romanum suscepit. In quibus voluminibus habentur duae Missae, quae sic inter celebrandum ad prouocandum diuinæ miserationis clementiam, & corda populi ad deuotionis studium excitanda, tormenta martyris sociorumque eius succinctè commemorant, sicut & reliquae Missae ibidem scriptae, aliorum Apostolorum vel martyrum, quorum passionibus habentur notissimae decantant. Quarum Missarum cantus, sensus & verba, adeo passionis eorundem, quae vobis misimus, seriei concordare videntur, vt nulli sit dubium, à teste illorum martyrij agones eorum descri-

Hilduin.
abb prae-
fationis
D. Diony.
Arcop.

Ad Missarū
Gallicarū
praefatio.
nes alludit
quarū ple-
rasque habes
infra sub fi-
ne Tom. 2.

descriptos, & ex ipsa eorum veraci hystoria memoriam tormē-
torum suorum in præfatis precibus fuisse mandatam. Videtur
porro in his Missarum obsecrationibus non contemnenda au-
thoritas de memorata passione sanctorum, cum exstent apud
nos Epistolæ Innocentij, & post eum Gelasij, nec non & moder-
nius B. Papæ Gregorij, aliorumque Pontificum ad Episcopos
Vrbium Galliarum, & Antistitem nostrorum ad ipsos, de mo-
re Romano in cunctis Ecclesiasticæ auctoritatis munijs imitan-
do, quibus datur intelligi, ab annis pluribus hunc Missæ teno-
rem de Gallica consuetudine recessisse, & hanc passionis mar-
tyrum istorum memoriam, longè superiori tempore his occi-
dentalibus partibus per supplantationem postulationes inole-
uisse: quibus tanto certius fidem accommodamus, quanto in
tempore vicino post consummationem eorum, easdem fuisse
compositas sine dubitatione concedimus. Nec tamen quis-
quam putabit B. Dionysium eiusque successores ab institutio-
ne Apostolica propter huiusmodi Missæ ordinem Gallicis
consuetudinibus in primordio traditum discrepasse, si ei con-
stiterit ipsorum Apostolorum & Apostolicorum virorum, ipsi-
us etiam vrbis Rom. sensus proprii abundantiam notam esse.

VValafr.
Strab. de
reb. Eccl.
c. 22.

Paucis etiam sic VValafridus Strabus. Et Galliarum Ecclesiæ
suis orationibus utebantur, quæ & adhuc à multis habentur.

Item D. Gregoriū & Hilduuinum citans, Berno Augiēsis. Ad
hæc (inquit) potest, quis, dicere, tunc temporis Gallos & His-
panos in Missarum suarum celebritate nondum habuisse vsum
sanctæ Rom. Ecclesiæ. Quod & nos non negamus. Testatur
hoc Abbas Hilduvinus, vir in diuina lege adprimè eruditus,
in ea Epistola, quam ad Ludouicum Imperatorem direxit, pro
passione sanctorum martyrum Dionysij & sociorum eius.

Berno de
Missæ. c. 2.

INGERMANIIS ITEM VSVS PECVLIARIS.

In nostri quoque (inquit idem de monasterio suo Augiēsi Ibid.
loquens, quod est in Germania) monasterij archiuo habetur

M m m m Miſ.

Missalis, longè aliter ordinatus, quàm Rom. Ecclesiæ se habet vsus.

MISSA MOZARABED. LEANDRO HISPALENSIS
SI EPISCOPO PECULIARITER IN HISPANIA
USITATA.

Christiani in Hispania Arabibus permixti, Mozarabes dicebantur, quasi mixti Arabibus, & officium diuinum eorum Mozarabe inde appellationem retinuit. Usitata fuit hæc Missa iam olim, & maximè D. leandro Hispalenti, & post D. Gregorium partim adhuc D. Isidoro, Immo hac vsa est Hispania, vsque ad tempora Alfonsi sexti, quo tempore auctoritate Gregorij papæ Septimi mutata est, licet & Toleti adhuc in sex parochijs feruetur, & in Cathedrali Ecclesia in sacello fratris Francisci Ximenez ac Salamanticæ stas etiam diebus in sacello doct. Talabricensis, quod est in Peristylo templi summi, cuius officij modum & ordinem hic habes.

Vestium sacrarum vsus.

Eisdem utebantur vestibus sacris, quibus hodiè, & communibus precationibus cum nostris, quandò singulas vestes induebant.

Exomologesis & post eam oratio.

Pòst faciunt ad altare exomologesim, & ad altare capite demisso ad hunc modum dicunt: Per gloriam nominis tui Christe fili Dei viui, & per intercessionē virginis Mariæ, B. Iacobi & omnium sanctorum tuorum auxiliare & miserere indignis seruis tuis, & esto in medio nostri Deus noster, qui viuis & regnas

Consentit D. Isidorus in secula seculorum. Respondetur, Amen.

de diuin. of

fic. l. 2 c. 7.

Atqui illud

Gloria &

honor: vr.

Antiphona cum duobus versibus, ac Gloria

& honor &c.

Mox conuertit se ad librum in dextro altaris cornu positum ac dicit Antiphonam in modum introitus cum duobus versibus,

bus, & Gloria & honor patri & filio & spiritui sancto in secula
seculorum Amen.

Repetitio partis Antiphonæ.

Sicut etiam in Concilio Toletano quarto, cautum est, ut ad e-
um modum dicatur, ad quemlibet versum repetunt partem An-
tiphonæ more Responsoriorum nostrorum, ut vulgato more
loquar.

Gloria in excelsis.

Gloria in excelsis, dicitur integrè Romano more.

Per omnia secula seculorum. R. Amen.

Sacerdos cantando dicit: Per omnia secula seculorum, ne-
que ante orationem dicitur, oremus, neque in fine, Per Domi-
num, sed tantum respondetur, Amen.

Alia sacerdotis conclusio. R. Amen.

Deindè dicit sacerdos: Per misericordiam tuam Deus no-
ster qui es benedictus, & viuis & regnas in secula seculorum,
Respondetur, Amen.

Salutatio ad populum.

Posteà: Dominus sit semper vobiscum, Respondetur, Et
cum spiritu tuo. Lectio prophetica.

Lectio Isaïæ prophetæ. Respondetur, Deo gratias, mox le-
gitur prophetia, qua lecta, rursum sacerdos, Dominus sit sem-
per vobiscum, Respondetur, Et cum spiritu tuo.

Tractus.

Indè dicitur Tractus duorum vel trium versuum.

Ad silentium adhortatio.

Quo finito, Sacerdos inquit: Silentium facite.

Apostolica lectio.

Sequentia Epistolæ Pauli Apostoli &c. Respond. Deo gra-
tias. Mox canitur siue recitatur Epistola.

Euangelica lectio.

Postquam, libro in alterum altaris cornu translato, conti-
nuo dicitur Euangelium, ad hunc modum: Dominus sit sem-
per vobiscum, Resp. & cum spiritu tuo. Gloria tibi Domine.

Post Euangelium responsio.

Mmm 2 Finito

getur Cōc.
Tolet. 4. c.
14.

Huc perti-
net quod
habet Isi-
dor. de
Responf. c.
8.

Preces vo-
cat hæc I-
sidor. c. 9.

Consentit
Concil.
Bracar. 1.
Can. 2.

Memenit
Isidor. c. 10
Vtriusque
etiam le-
ctionis c.
10. 1. 1. & 12

Finito Euangelio &c. Respond. Amen.

Salutatio ad populum.

Mox sacerdos, Dominus sit semper vobiscum, Respons. & cum spiritu tuo.

Alleluia cum versu.

Consen-
tunt in
hoc concil.
Valët. c. 1.
ac Tolet. 4.
c. 11. & 12.
dor. c. 13.

Postea dicitur, Alleluia cum versu, Sicut nunc ante Euange-
lium cantatur.

Oblatio hostiæ cum Orationibus.

Sacerdos offert hostiam cum calice, utens aliquot orationi-
bus deuotis, quas hic referre longum esset.

Suffitus altaris.

Mox thura adolet, non secus atque nunc fit.

Adhortatio: Adiuuate me fratres.

Quibus peractis, Sacerdos ante medium altaris dicit alta vo-
ce: Adiuuate me fratres in orationibus vestris, & orate pro me
ad Deum.

Responsio chori.

Offertori-
um voca-
tur ab Isi-
dor. c. 14.

Respondet chorus: Adiuuet te pater, filius, & spiritus san-
ctus.

Sacrificium siue Offertorium.

Deinde cantatur * Sacrificium, nempe Antiphona cum duo-
bus aut tribus versibus.

Lotio manuum.

Quod dum fit, sacerdos lauat manus, dicens: Lauabo me,
inter innocentes, &c.

Benedictio oblationis.

Ac benedicit oblationem tribus digitis.

Inclinati ante altare præfatio.

Postea inclinatus ante altare, submissa voce dicit: Accedat
ad te in humilitate spiritus &c. nam oratio longiuscula est, sed
valde deuota.

Conclusio elatiore voce.

Quam claudit elatiore voce dicens. Per te Deus meus, qui
viuis & regnas in secula seculorum Amen.

INCI-

TOMVS PRIMVS.
INCIPIT VR MISSA.

Salutatio & responsio.

Sacerdos: Dominus sit semper vobiscum, Responsio, & cum spiritu tuo.

Oratio de tempore vel sancto.

Oratio de tempore vel sancto, siue, Oremus, in cuius fine respondetur. Amen.

Alia Orationis conclusio.

Deindè sacerdos: Per misericordiam tuam Deus noster, qui es benedictus, & viuus, & omnia regis, in secula seculorum, respons. Amen.

Tractatus de vita sanctorum in ipsorum Natali.

Si est festum alicuius sancti, prius legitur aliquid de vita sancti: deindè fit oratio, faciens mentionem etiam de miraculis vel doctrina sancti.

Oremus, & Hagios, hagios, hagios.

Mox sacerdos, eleuatis manibus, dicit, oremus: Respondet chorus, Hagios, hagios, hagios, Domine Deus aterne, tibi laus & gloria.

Orationes pro Ecclesia & alijs cum commemoratione Apostolorum, martyrum, & pauperum sanctorum.

Deindè fiunt orationes pro Ecclesia catholica, pro captiuis, infirmis & tribulatis, cum commemoratione Apostolorum, martyrum, quorum multa nomina recitantur, & pauperum sanctorum, quo nomine illic intelligi puto sanctos Dei confessores, qui in Domino & sancta pace quiescunt: nam multa nomina recitantur, & inter ea Ambrosij, Augustini, Fulgentij, Leandri, Isidori, &c. & omnium pauperum sanctorum.

Alia oratio festo congrua.

Deindè dicit sacerdos aliam orationem, festo ac diei congruam, qua finita, respondetur Amen.

Conclusio: Quia tu es. &c.

Sacerdos: Quia tu es vita viuorum, sanitas infirmorum, ac
Mmm 3 requies

643

Etiam hic
missam in-
cipit Isido-
rus c. 15.
qui nonni-
hil differen-
tit in ora-
tionibus.

Hanc ora-
tionem pro
viuis & de-
functis ter-
tiam facit
Isidor. l. cit.

requies omnium fidelium defunctorum, in omnia secula seculorum. Chorus R. Amen.

Oratio.

nem pro
osculo pa-
cis quartā
facit Ibid.
Isidorus.

Adhortatio ad pacem, & pro ea deprecatio.
Mox fit oratio ad pacem, qua finita, dicit sacerdos: Quia tu es vera pax nostra &c. Mox sublatis in cælum manibus, dicit: Gratia Dei patris omnipotentis, & dilectio Domini nostri Iesu Christi, & communicatio spiritûs sancti, sit semper cum omnibus nobis. Respondet Chorus, & cum hominibus bonæ voluntatis. Rursus presbiter: Quomodo adstatis, pacem facite: tunc chorus cantat Responsum, Pacem meam do vobis &c.

Pacis Symbolum.

Interea sacerdos accipit pacem de patina, dicens: Habete pacem dilectionis & pacis, ut apti sitis sacrosanctis mysterijs Dei, mox dat pacem diacono vel puero, puer populo. Deinde sacerdos, iunctis manibus, inclinatus dicit:

Introibo ad altare Dei.

Introibo ad altare Dei. Respond. ad Deum &c.

Præfatio & eius conclusio.

Postea manibus super calicem positis inquit: Aures ad Dominum. Respondetur, habemus ad Dominum. Sacerdos: sursum corda, Resp. leuamus ad Dominum. Sacerdos inclinatus manibus iunctis: Deo ac Domino nostro Iesu Christo filio Dei, qui est in cælis, dignas laudes, dignasque gratias referamus: & dicens hæc postrema verba, attolit manus in altum, Respondet Chorus: Dignum & iustum est. Sacerdos: Dignum & iustum est, &c. Sequitur enim longa & deuota illatio.

Hanc quin-
tam oratio-
nem nun-
cupat illic
Isidorus.
Consecra-
tionem &
oblationē
sextam ibi-
dem nun-
cupat ora-
tionem.

Sanctus, Sanctus, Sanctus.

Postea dicitur sanctus, ferè more nunc visitato.

Post duas orationes, Consecratio verbis iam visitatis.

Deinde post duas orationes breues, fit consecratio ipsdem omnino verbis, quibus hodiè vtitur Ecclesia.

Eleuatio Eucharistiæ.

Mox eleuatur sacrosancta Eucharistia.

Dein-

Deindè dictis duabus orationibus, altera
corporis Domini eleuatio.

Posteà dictis duabus orationibus succinctis, sacerdos accipit
corpus Domini de patina, & ponit super calicem apertum, vt
hodiè quoque fit, ac dicit alta voce. Dominus sit semper vobis-
cum, Respond. & cum spiritu tuo. Sacerdos: fidem quam cor-
de credimus, ore dicamus: & eleuat secundò corpus Christi, vt
videatur à populo.

Symbolum fidei Nicenæ.

Mox cantatur symbolum fidei ità vt est in Concilio Niceno. Consentit
in hoc Isi-
dor. c. 16.

Fractio Eucharistiæ.

Quod dum fit, Sacerdos frangit Eucharistiam per medium, Atqui cōc.
Tol. 3 c. 2.
Constanti
nopolitan.
symbol. me
minit.
& ponit dimidiatam partem in patina, & ex altera parte facit
quinque particulas, ex altera ferè quatuor, Deindè ponit om-
nes simul in patina in modum crucis.

Particularum Eucharistiæ nomina.

Habetque quæque particula nomen. Quinque priores par-
tes, dicuntur, Corporatio, Natiuitas, Circuncisio, Apparito,
Passio: quatuor reliquæ, Mors, Resurrectio, Gloria, Regnum.

Memoria viuorum.

Posteà digitis super calicem accuratè purgatis, & cooperto
calice, facit memento pro viuus, (vt ipsorum more loquar.)

Oratio Dominica.

Mox dicitur Oratio Dominica ad hunc modum: Verbum Eodem lo-
co orat.
Dominic.
constituūt
Concil.
Tolet. 4.
c. 9. & Isi-
dor. c. 15.
vbi septi. 1
patris, quod caro factum est, vt habitares in nobis, præsta nobis
vt qui te venisse credimus, ab omni peccatorum contagione
quum præceptionis tuæ oraculis proclamauerimus, liberemur
in terris. Pater noster qui es in cælis, R. Amen. Et eodem modo
respondetur ad singulas petitiones, præterquam ad illam, Pa-
nem nostrum &c. ad quam respondetur, quia tu es Deus.

Embolis orationis Dominicæ.

Deindè dicit orationem deuotissimā, quæ incipit: Liberati
à malis &c. & tundendo pectus, dicit, pone Domine finē pec-
catis. nuncupat,

Immissio duarum particularum in calicem.

M m m 4 Qua

Coniun- Qua finita, acceptam particulam quæ dicitur regnum, præ-
 stionis hu- missa oratione, ponit super calicem: mox addita alia, immittit
 ius memi- in illum.
 nit Conc.

Benedictio populi.

Tol. 4. c. 17. Post hæc dicit: Humiliate vos benedictioni, & certis qui-
 Benedictio busdam formulis benedicit populo.
 nē hoc lo-

Memoria defunctorum.

co fieri cō- Mox fit secundum memento (vt sic loquar) pro defunctis.
 tēdit Con- Perceptio corporis & sanguinis Domini,
 cil, Tolet. 4

c. 17. & ag- Quo peracto, recipit corpus & sanguinem Domini cum qui-
 noscit lfi- busdam deuotis precationibus.
 dor. c. 17.

Cantus chori inter communicandum.

Atque interim cantatur à choro, Gustate & videte quàm
 suavis est Dominus &c.

Antiphona post communionem.

Absoluta communionem, cantatur Antiphonā, Refecti Chri-
 sti corpore &c.

Oratio post communionem.

Et libro in sinistram altaris cornu translato, dicit sacerdos
 orationem: in cuius fine respondetur, Amen.

Conclusio orationis.

Deindè sacerdos. Per misericordiam tuam Deus noster
 qui es benedictus, & viuus, & omnia regis in secula seculorum
 Respondetur. Amen.

Salutatio ad populum.

Dominus sit semper vobiscum, Responsio, Et cum spiritu
 tuo.

Vox diaconi: Solennia completa sunt.

Posteà presbiter vel diaconus, Solennia completa sunt in no-
 mine Domini nostri Iesu Christi, votum nostrum sit acceptum
 cum pace. Responsio: Deo gratias.

Nulla conuersio sacerdotis ad populum.

Quandiū sacris operatur Sacerdos, nunquàm se conuertit
 ad populum.

Qui-

Quibusdam vſitatum in Eleuatione Eucharistiæ:

Videte in quem creditis.

Frater Ioannes Laziarelus Cælestinus, in Epitome vniuersalis historiæ mentionem fecit huius sacrificandi ritus, sed paucis vbi illud addit, quòd vbi leuatur Eucharistia, diaconus catnat alta voce: Videte in quem creditis, sed hoc in Hispanijs non ſer uatur.

D. GREGORII MAGNI LXV. PAPAE ROMANI, MISSARVM SOLENNIA ET EARVM RITVS.

Ecclesiarum dedicatio cum Reliquijs Sanctorum & Missarum solennijs.

Prætereà (inquit Ioannes diaconus in eius vita) cùm Arriano Ioā. diacō. rum basilica in regione vrbis huius, quæ Suburra dicitur, clau- Vit. D. Gre. sa vsque ad Gregorij Pontificatūs tempora remansisset, placu- l. 2. c. 31. it ei vt in fide catholica, introductis illuc beati Stephani & S. * Agathæ. Agnetis martyrum reliquijs, dedicari debuisset, quod factum est.

Nam cùm magna populi multitudine Gregorius laudes canendo proueniens, basilicam præfatam ingressus est. Cum- que venerabilis Pontifex iam solennia missarum celebraret, &c.

Missarum celebritas.

Eosdem verò (inquit ipse D. Gregorius ad Alexandrum & Antiochenum Episcopos) responsales, quia hoc omninò humi Greg Re- liter præcabantur, Missarum solennia mecū celebrare feci: quia gift. epist. l. 6. c. 196. sicut & serenissimo Domino Imperatori nostro intimare stu- dui, responsales fratris & confacerdotis nostri Cyriaci mihi cō municare debuerunt, quia auctore Deo, in elationis errorem non cecidi. Meus verò diaconus, cum prædicto fratre nostro Cyriaco, Missarum solennia celebrare non debet.

Quotidianæ Missæ in veneratione

Martyrum.

Nnnn

San-

Ibid. l. 7.
c. 29.

Sanctissima (inquit idem alibi) vestra beatitudo scribere studuit, ut cunctorum martyrum gesta, quæ pro memoria Constantini temporibus ab Eusebio Cæsariensi collecta sunt, transmitti debeamus. Sed hæc neque si collecta sunt, neque si sint, ante vestræ beatitudinis scripta cognoui. Ago ergo gratias, quia sanctissimæ vestræ doctrinæ scriptis eruditus, cœpi scire quod nesciebam. Præter illa enim quæ in eiusdem Eusebij libris de gestis sanctorum martyrum continentur, nulla in archiuo huius nostræ Ecclesiæ, vel in Romæ vrbis bibliothecis esse cognoui, nisi pauca quædam in vnius codicis volumine collecta. Nos autem penè omnium martyrum distinctis per dies singulos passionibus, collecta in vno codice nomina habemus, atque quotidianis diebus, in eorum veneratione Missarum solennia agimus. Non tamen in eodem volumine, quis qualiter sit passus, indicatur, sed tantummodò nomen, locus, & dies passionis ponitur.

Missarum solennia in stationibus per Basilicas Martyrum,
& verba solennia in administratione Corporis
Domini.

Ioan. Diac.
vbi suprà l.
2. c. 18.

Stationes (inquit Ioannes Diaconus) per Basilicas, vel beatorum martyrum cœmeteria secundum quod hætenus, plebs Romana quasi eo viuente certatim discurret, sollicitè ordinauit: per quas & ipse simul discurrens, dum adhuc eloqui præualeret, viginti homilias Euangelij coram Ecclesia diuerso tempore declamauit: reliquas verò eiusdè numeri dictauit quidè, sed lassescète stomacho, lāguore continuo, alijs pñunciādas cōmisit.

Ibid. c. 41.

Et rursùm miraculum quoddam recensens: Matrona quædam B. Gregorio per stationes publicas Missarum solennia celebranti, solitas oblationes obtulerat. Cui post, mysteria traditurus, cum diceret, Corpus domini nostri Iesu Christi conseruet animam tuam, lasciua subrisit. Ille verò continuo dexteram ab eius ore conuertens, partem illam Dominici corporis super altare deposuit: expletis verò Missarum solennijs, matronā coram populo inquisiuit: quam obrem, corpus Dominicum sumptura,

ptura, ridere præsumpserit. At ille diu musitans, tandem prorupit: Quia panem, inquit, quem proprijs manibus me fecisse cognoueram, tu corpus Dominicum perhibebas. Tunc Gregorius pro incredulitate mulieris, cum tota plebe se in orationem prostrauit: & post paululum surgens, particulam panis, quam super altare posuerat, carnem factam reperit, quam coram cunctis incredula matrona demonstrans, ad credulitatis gratiam tam illam reuocare potuit, quam totum populum confirmare curauit. Rursum itaque in orationem cum eisdem prostratus, carnis frustum, in panis primordia reformauit.

Cantus Missarum, & Schola Cantorum ab ipso instituta.

Deinde (inquit idem) in domum Domini more sapientissimi Salomonis, propter Musicae compunctionem dulcedinis, Antiphona- *Ibidem c. 6.* rium centonam cantorum studiosissimus nimis utiliter compilauit, scholam quoque cantorum, quae haecenus eisdem institutionibus in sancta Romana Ecclesia modulatur, constituit.

Et paulo post, indicans quomodo in Gallias & Germanias cantus ille diffusus sit: Huius (inquit) modulationis dulcedinem *Ibidem c. 7.* inter alias Europae gentes Germani seu Galli dicere, crebroque rediscere insigniter potuerunt: incorruptam verò, tam leuitate animi, quia nonnulla de proprio Gregorianis cantibus miscuerunt, quam feritate quoque naturali, seruare minimè potuerunt. Alpina siquidem corpora vocum suarum tonitruis altisonae perstreptentia, susceptae modulationis dulcedinem propriè non * resultant: quia bibuli gutturi barbara feritas, dum inflectionibus & repercussionibus mitem nititur edere cantilenam, naturali quodam fragore, quasi plaustra per gradus confusè sonantia, rigidas voces iactat, sicque audientium animos, quos mulcere debuerat, exasperando magis ac obstrependo conturbat.

Ac deinde: Hinc est, quod huius Gregorij tempore, cum Augustino tunc Britannias adeunte, per Occidentem quoque *Ibidem c. 8.* Romanae institutionis cantores dispersi, barbaros insigniter

Nnnn 2 docue-

docuerunt. Quibus defunctis, Occidentales Ecclesiae ita susceptum modulationis organum vitiarunt, ut Ioannes quidem Romanus Cantor cum Theodoro eque ciue Romano, sed Eburaci archiepiscopo, per Gallias in Britannias à * Vitelliano sit praefule destinatus: qui circumquaque positarum Ecclesiarum filios ad pristinam cantilenae dulcedinem reuocans, tam per se quam per discipulos suos, multis annis doctrinae Romanae regulam conseruauit.

** Vitaliano* *no.* *Ibidē c. 9.* Consequenter: Sed & Carolus noster patricius, rex autem Francorum, dissonantia Romani & Gallicani cantus Romae offensus, cum Gallorum procacitas cantum à nostratibus quibusdam nenijs argumentaretur esse corruptum, nostri quē diuerso authenticum Antiphonarum probabiliter ostentarent, interrogasse fertur quis inter riuum & fontem limpidiorem aquam ** conferre* ** conseruare* soleret: respondentibus fontem, prudenter adiecit: Ergo & nos, qui de riuo corruptam lympham usque hactenus bibimus, ad perennis fontis necessē est fluentia principalia recurramus. Mox itaque duos suorum industrios clericos, Adriano tunc Episcopo dereliquit: quibus tandem satis eleganter instructis, Metensem Metropolim ad suauitatem modulationis pristinē reuocauit: per quam illam totam Galliam suam correxit.

Ibidē c. 10. Denique: Sed quum multa post tempora defunctis his, qui Romae fuerant educati, cantum Gallicanarum Ecclesiarum à Metensi discrepare prudentissimus regum vidisset, ac vnumquemque ab alterutro vitiatum cantum iactantem aduertet. Iterum (inquit) redeamus ad fontem. Tunc regis precibus, sicut hodie quidam veridicē astipulantur, Adrianus Papa permotus, duos in Galliam cantores emisit: quorum iudicio, rex omnes corrupisse dulcedinem Romani cantus leuitate quadam cognouit. Metenses verò sola naturali feritate paululum dissonare peruidit. Denique usque hodiē quantum Romano cantui Metensis cedit, tantum Metensi cedere Gallicanarum Ecclesiarum Germaniarumque cantus, qui puram veri-

veritatem diligunt, comprobant. Hæc ergò per anticipatio-
nem retulerim, nè indiscussam Gallorum leuitatem videar
præterisse.

Eodem pertinet illud VValafradi * Strabonis: Traditur ^{Vualaf. de}
denique beatum Gregorium, sicut ordinationem Missarum, & ^{reb. Eccl.}
Consecrationum, ità etiam cantilenæ disciplinam, maxima ex ^{c. 22.}
parte in eam, quæ hætenùs, quasi decentissima obseruatur, dis-
positionem perduxisse, sicut & in capite Antiphonarij comme-
moratur.

Et illud eiusdem: Ordinem autem cantilenæ, diurnis seu
nocturnis horis dicendæ Beatus Gregorius plenaria creditur ^{ibidem.}
ordinatione distribuisse, sicut & suprà de sacramentorum dixi-
mus libro.

Antiphonæ in vnum volumen ab ipso editæ, quod
Antiphonarium inscripsit, seu librum
Graduale.

Huc imprimis pertinet, quod ex Ioanne diacono & VVa- ^{ibidem.}
lafrido modò citauimus, & præsertim illud: Quum multi an-
te, siue post eū, Orationes, Antiphonas, vel Responsorja com-
posuerint.

Deindè illud Bernonis Augiensis: Notandum vt sicut san- ^{Berno Au-}
ctum Gregorium, quicumq; has vel has cantilenas composuif- ^{giens. de}
fet, libri sacramentorum, & Antiphonarum: ità & B. Hierony- ^{Miss. c. 1.}
mum credimus ordinationem Lectionarij.

Item illud Micrologi: Nam & S. Hieronymus in libro Co- ^{Microl. de}
mitis ità ordinauit, cuius libri ordinem & S. Gregorius dili- ^{Eccl. ob-}
gentissimè obseruauit, siue dum lectionibus & Euangelijs ^{seru. c. 31.}
Missales orationes in sacramentario adaptaret, siue dum Anti-
phonas ex eisdem Euangelijs, quàm plurimis diebus in Anti-
phonario articularet.

Plura huc pertinentia requireret Lector in Tomi 2. Prolego-
menis.

Kyrie eleyson, à Græcorum Ecclesia in Romanam
translatum.

Nnn 3

Kyrie

Kyrie eleyson autem (inquit ipse D. Gregorius ad Ioannem
 Greg 1.7. Syracusanum) nos neque diximus, neque dicimus, sicut à Græ-
 regilt. c. 73. cis dicitur: quia in Græcis simul omnes dicunt: apud nos autem
 à clericis dicitur, à populo respondetur, & totidem vicibus
 etiam Christe eleyson dicitur, quod apud Græcos nullo mo-
 do dicitur. In quotidianis autem Missis alia quæ dici so-
 lent, tacemus: tantummodò Kyrie eleyson, & Christe eleyson
 dicimus, ut in his deprecationis vocibus paulò diutius occu-
 pemur.

Subdiaconorum vestitus in Missa.

Ibidem. Subdiaconos autem (inquit ibidem) ut spoliatos procedere
 facerem, antiqua consuetudo Ecclesiæ fuit. Sed placuit cuidam
 nostro Pontifici, nescio cui, qui eos vestitos pcedere præcepit.
 Nam vestræ Ecclesiæ, nunquid traditionem à Græcis accepe-
 runt? Undè habent ergò hodiè ut subdiaconi lineis in tunicis
 procedant, nisi quia hoc à matre sua Romana Ecclesia perce-
 perunt?

Orationes missæ Gelasianæ cum alijs in vnum
 volumen compositæ, quod Sacramen-
 tarium inscripsit.

Ioã. Diac. Sed ad Gelasianum codicem (inquit Ioannes Diaconus) de
 Vit. D. Missarum solennijs, multa subtrahens, pauca conuertens, non-
 Greg 1.2. c. nulla adiiciens, pro exponendis Euangelicis lectionibus in vni-
 17. us libri volumine coarctavit.

Ad quem locum alludens VValafridus * Strabo. Et quia
 (inquit) tam incertis authoribus, multa videbantur * infer-
 VValafr. lo ta, & sensus integritatem non habentia, curauit beatus Grego-
 co cit. rius rationabilia quæque coadunare, & seclusis his, quæ vel ni-
 * incerta. mia vel inconcinna videbantur, composuit librum, qui dicitur
 Sacramentorum, sicut ex titulo eius manifestissimè declaratur:
 In quo si aliqua inueniuntur ad hunc sensum claudicantia, non
 ab illo inserta, sed ab alijs minnùs diligentibus, postea creden-
 da sunt superaddita.

Item Berno Augiensis loco citato suprà de Gelasio papa.
 Lèctio

Lectio Apostolica & Euangelica.

Pertinet huc illud, quod suprà adduximus de consonantia Lectionarij D. Hieron. cū Antiphonario D. Greg. ex Micrologo.

Item illud, vbi eorundem mentionē facit, Bernonis: Viginti ^{Berno} Aug. de
tres post Pentecostes octauas, hebdomadæ computantur, ita cō ^{Miss. c. 5.}
cordes, vt aliquando omnis cantus videlicet Antiphonarum
(quæ dicuntur Introitus) Gradualium, offertoriorum, cōmunio-
rum, cum lectionibus Apostolicis & Euangelicis ita conueni-
at, vt velut quoddam organum, distantis inter se vocis concor-
dem Symphoniam reddat.

Illud quoque dicti Micrologi: Sciendū autem quod Sanct. ^{Microlog. c. 61.}
Gregorius ita Ecclesiastica ordinauit officia, vt prima oratio in
Missā, officio, lectioni, & Euangelio semper concordet: sicut in
omnibus solennitatibus depræhendi potest.

Alleluya etiam extra Paschale tēpus.

Speculat huc, quod supra allegauimus, D. Gregorij ex præ-
dicta epistola ad Ioannem Syracusanum, sub D. Damaso Papa.

Nominum Episcoporum ad altare recitatio,
partim iam intermissa.

Quod autem scripsistis, (inquit ad Constantium Mediolanen-
sem Episcopum) quia scandalizantur plurimi eorum, quia fra-
trem & coepiscopum nostrum Ioannē Rauennatis Ecclesiæ in-
ter Missarum solennia nominetis, requirenda vobis consuetu-
do antiqua est: & si consuetudo fuit, modò à stultis hominibus
reprehendenda non est. Si vero consuetudo nō fuit, fieri nō de-
bet, vnde quibusdam scandalum moueri possit: tamen sollicitè
perquirere studui, si idem Ioannes frater & coepiscopus noster
vos ad altare nominet, quod minimè dicunt fieri. Et si ille ve-
stri nominis memoriam non facit: quia necessitas cogat, igno-
ro, vt vos illius faciatis.

^{Greg. Reg. l. 4. c. 37.}

Canonis Missæ apud ipsum mentio.

De hoc igitur (inquit idem ad Vitale defensore) quod scri-
psisti fratrem & coepiscopum nostrum Ianuarium tempore quo ^{ibidem. l. 11. c. 16.}
sacrificium celebrat, tantam pati frequenter angustiam, vt vix

Nnnn 4

post

post longa intervalla, ad locum Canonis redire valeat quem reliquit, atque ex hoc multos dubitare, si communionem debeant de eius consecratione percipere: admonendi sunt, ut nullatenus pertimescant, sed cum omni fide & securitate communificent, quia ægritudo personæ, sacri mysterij benedictionem nec mutat nec polluit. Secretus tamen omninò frater noster hortandus est, ut quoties aliquam molestiam senserit, nō procedat, nè ex hoc se & despiciendum præbeat, & infirmorum animis scandalum faciat.

In Canone ab ipso additum illud,
Diesq; nostros.

Ioan. Diac.
Vit. D.
Greg. l. 2.
c. 18.

In Canone (inquit Ioannes Diaconus) apposuit: Diesque nostros in tua pace dispone, atq; ab æterna damnatione nos eripe, & in electorum tuorum iubeas græge numerari.

Quod repetitur ad verbum à Vener. Beda hist. Angl. Eccl. l. 2. c. 2. Alcuino de diuin. offic. Amalar. l. 3. de eccl. officijs c. 25. Sigeberto ad ann. Domini 592. Mariano Scoto l. 2. hist. & Micrologo c. 24.

Vualfr. de
reb eccle.
c. 22.

Latiùs autem id prosequitur VValafridus * Strabo: Gregorius verò (inquit) de quo superius sæpiùs fecimus mentionem, augmentavit in precatione canonis, Diesq; nostros in tua pace disponas. Vbi quidam volunt intelligi, totam ab eo loco Canonis consequentiam, vsque in finem, per illum fuisse compositam. Cui sensui repugnare videtur, quod passio Domini, quam Alexander eidem precationi inseruit, post hos versus habetur. Vnde nonnulli credunt, non ampliùs Gregorium, quàm illas tres petitiones, id est, pro pace temporum, & ereptione ab æternis supplicijs, & consortio sanctorum obtinendo, prioribus superaddidisse statutis.

Et Berno Augiensis: Attamen ipsum Canonem non vnus solus totum composuit, sed per tempora aliud aliud inde Miss. c. 1. terposuit vel adiecit, sicut de hoc sanctissimo papa legimus: In Canone apposuit: Diesque nostros in tua pace dispone, &c.

Immo-

Immolatio corporis & sanguinis Domini.

& in ea Angelorum præsentia.

Debemus igitur (inquit D. Gregorius) quotidianas carnis eius & sanguinis hostias immolare. Hæc namque singulariter víctima ab æterno interitu animam saluat, quæ illam nobis mortem vnigeniti per mysterium reparat, qui licet resurgens à mortuis, iam non moritur, & mors ei vltra non dominabitur, tamen in semetipso immortaliter atq; incorruptibiliter viuens pro nobis iterum in hoc mysterio sacræ oblationis immolatur. Eius quippe ibi corpus sumitur, eius caro in populi salutem partitur, eius sanguis non iam in manus infidelium, sed in ora fidelium funditur. Hinc ergo pensemus, quale sit pro nobis hoc sacrificium, quod pro absolutione nostra passionem vnigeniti filij semper imitatur. Quis enim fidelium habere dubium possit in ipsa immolationis hora, ad sacerdotis vocem cælos aperiri, in illo Iesu Christi mysterio angelorum choros adesse, summis ima sociari, terrena cælestibus iungi, vnum quoque ex visibilibus atque inuisibilibus fieri?

Ad Missam Oratio Dominica Romæ quod
que dici statuta.

Orationem ante Dominicam (inquit idem ad Ioannem Syracusanum) idcirco mox post precem dicimus: quia mos Apostolorum fuit: vt ad ipsam solummodò orationem, oblationis hostiam consecrarent. Et valde mihi inconueniens visum est, vt precem quam scholasticus composuerat, super oblationem diceremus, & ipsam traditionem quam redemptor noster composuit, super eius corpus & sanguinem non diceremus. Sed & Dominica oratio apud Græcos ab omni populo dicitur: apud nos autem à solo sacerdote. In quo ergo Græcorum consuetudines secuti sumus, qui aut veteres nostras reparauimus, aut nouas & viles constituimus, in quibus tamen alios comprobamus imitari?

Sacrificia pro defunctis.

Vnde itaque (inquit se dixisse cuidam Præposito monasterij) ab

Gregor.
dialog. l. 4.
c. 38.

Idem Regist. l. 7. c.
63.

Fortassis
alludit ad
Musæum
Marsyliensem
presbyteri
terum qui
scholasticus
sermo
ne scripsit
librum sacramen-
torum. vti habetur
sub D.
Petro Papa.

Idem dialog.
Greg. l. 4.
c. 36.

O o o o r i j) a b

rij) ab hodierna die diebus triginta continuis offerre pro eo (loquitur de defuncto Antistite) sacrificiū stude, vt nullus omnino prætermittatur dies, quo pro absolutione illius, hostia salutaris non offeratur.

Ibid. c. 57.

Et rursum, de Agatho agens, Panormitano Episcopo, Quūque (inquit) die tertio Episcopus nautam qui ab eo abreptus in carabo fuerat, in nulla maris parte videret apparere, vehementer afflictus, mortuum credidit: sed per obsequium charitatis, viuo vnum quod mortuo debebat, impendit, & omnipotenti Deo pro absolutione eius animæ offerre sacrificium victimæ salutaris iubet.

Ac paulopost: Quod scilicet Episcopus audiens, requisivit diem, atq; illum fuisse diē reperit, quo pro eo presbiter in Ostia insula Deo omnipotenti hostiā sacræ oblationis immolauit.

Super quibus hanc tandem suam sententiam profert: Idcirco credo, quia hoc tam apertè cum viuentibus ac nescientibus agitur, vt cunctis hæc agētibus ac nesciētibus ostendatur: quia si insolubiles culpæ non fuerint, ad absolutionem prodesse, etiā mortuis victima sacræ oblationis possit. Sed sciēdum est, quia illis sacræ victimæ mortuis profunt, qui hic viuendo obtineant: vt eos etiam post mortem bona adiuuent, quæ hic pro ipsis ab alijs fiunt.

Super corpora SS. Petri & Pauli, quotidiana sacrificia ab eo instituta.

Ioan. Diacon. vit. c. iusl. 2. c. 20. Super corpora autem (inquit Ioan. Diacon.) beatorum Petri & Pauli Apostolorum, Missarum solennia celebrari decreuit, acquisitis numerosissimis oliuetis, quorum summam in tabulis marmoreis pro foribus eiusdem basilicæ adnotauit, luminaria superaddidit, officia sedula deputauit.

Quod repetitur à Beda & Sigeberto, alijsque supra citatis Patribus & historicis.

Greg. Re. gift. instit. l. 2.

Litaneæ maior, cū sacris mysterijs ab ipso recēs cōstituta. Solennitas (inquit D. Gregorius in ipsa charta institutionis) annuæ deuotionis nos, filij dilectissimi, admonet, vt litaneam quæ

quæ maior ab omnibus appellatur, sollicitis ac deuotis debeamus, auxiliante Domino, mentibus celebrare: per quam à nostris excessibus, eius misericordiæ supplicantes purgari aliquatenus mereamur. Considerare etenim nos conuenit, dilectissimi, quam varijs, continuisque calamitatibus pro nostris culpis atque offensionibus affligamur, & qualiter cælestis pietatis nobis subindè medicina subueniat. Sexta igitur feria veniente, à titulo B. Laurentij martyris, qui appellatur Lucinæ, egredientes ad B. Petrum Apostolorum principem, Domino supplicantes, cum hymnis & canticis spiritalibus properemus, ut ibidem sacra mysteria celebrantes, tam de antiquioribus, quam de præsentibus beneficijs pietati eius, in quantum possumus, referre gratias mereamur.

Missæ in monasterijs fieri non prohibeantur.

Agapitus (inquit idem D. Gregorius) Abbas insinuauit, quod in eius monasterio Missas celebrari prohibeatis, sepeliri etiam ibidem mortuos interdicatis. Quod si ita est, à tali vos hortamur inhumanitate suspendi: & sepeliri ibidem mortuos, vel celebrari Missas, nulla vterius habita contradictione permittatis: nè denuò querelam de his quæ dicta sunt, prædictus vir venerabilis * Agapitus deponere compellatur.

Pallio non nisi intrà Missarum solennia
vtatur Archiepiscopus.

Proindè (inquit ad Syagrium Augustudunensem Episcopum) secundum postulationis tuæ desiderium, pallij te vsu, quod intrà Ecclesiam tuam habere debeas: ad sacra tantum Missarum solennia celebranda, Deo authore, præuidimus honorandum.

Vt D. Leandro Hispalensi Episcopo: Præterea ex benedictione B. Petri Apostolorum principis pallium vobis transmisimus ad sola Missarum solennia vtendum.

Item Maximo Salonitano: Itaque pallium ad sacra Missarum solennia vtendum ex more transmisimus, cuius vos volumus per omnia genium vendicare. Huius enim indumenti honor, humilitas atque iustitia est.

Oooo 2 Deni-

Ibid. l. 12. c.
15

Denique D. Augustino Anglorum Episcopo : Quia noua Anglorum Ecclesia, ad omnipotentis Dei gratiam, eodem Domino largiente, & te laborante, perducta est, vsum tibi pallij ad sola Missarum solennia agenda concedimus.

Quandò pollutio nocturna celebrationem sacrorum mysteriorum impediat.

Idē Quæst.
ad August.
Angl. epif.
c. 11.

Quæro etiam (inquit D. Augustinus Anglorum Episcopus ad D. Gregorium scribens) si post illusionem, quæ per somnum solet accidere, vel corpus Domini quilibet accipere valeat: vel si sacerdos sit, sacra mysteria celebrare?

Respondet D. Gregorius: Hunc quidem testamentum veteris legis, sicut in superiori capitulo iam diximus, pollutum Domino dicit, & nisi lotum aqua, etiam vsque ad vesperam intrare Ecclesiam non concedit. Quod tamen aliter populus spiritalis sub eodem intellectu accipiet quem præfati sumus: quia quasi per somnium illuditur, qui tentatus immunditia, vanis imaginibus in cogitatione inquinatur. Sed lauandus est aqua, ut culpas cogitationis lachrymis abluat. Et nisi prius ignis tentationis recesserit, reum se quasi vsque ad vesperum cognoscat. Sed est in eadem illusione valde necessaria discretio, quæ subtiliter pensari debet, ex qua re accidat menti dormientis. Aliquando enim ex crapula, aliquandò ex naturæ superfluitate vel infirmitate, aliquandò ex cogitatione contingit. Et quidem cum ex naturæ superfluitate vel infirmitate euenerit, omnimodò hæc illusio non est timenda: quia hanc animus nesciens pertulisse magis dolendus est, quàm fecisse. Cum verò ultra modum appetitus gulæ in sumendis alimentis rapitur, atque idcirco humorum receptacula grauantur, habet exindè animus aliquem reatum, non tamen vsque ad prohibitionem percipiendi sacri mysterij, vel Missarum solennia celebrandi, cum fortasse aut festus dies exigit, aut exhiberi ministerium pro eo, quod sacerdos alius in loco deest, ipsa necessitas compellit. Nam si ad, sunt alij, qui implere ministerium valeant, illusio per crapulam facta, à perceptione sacri mysterij prohibere non debet, sed ab immo-

immolatione sacri mysterij abstinere, vt arbitror, humiliter debet: si tamen dormientis mentem, turpis imaginatio non concusserit.

D. CASSII NARNIENSIS EPISCOPI MIS-
SAE QVOTIDIANAE.

Vir (inquit idem) vitæ venerabilis Cassius Narniensis Episcopus qui quotidianum offerre consueuerat Deo sacrificium, seque in lachrymus inter ipsa sacrificiorum arcana maetabat, mandatum Domini per cuiusdam sui visionem presbyteri suscepit dicens: Age quod agis, operare quod operaris, non cesset pes tuus, non cesset manus tua, natali Apostolorum venies ad me, & retribuâ tibi mercedem tuam. Qui post annos septem in ipso natalitio Apostolorum die, cùm Missarum solènia peregrisset, & mysteria sacrae communionis accepisset, è corpore exiuit.

Idem Dial.
lib. 4. c. 56.

Quem locum citat VValafridus, * Strabo, vt probet quotidianum etiam hac ætate sacrificium, l. de Eccl. reb. c. 20.

CONCILII TOLETANI III. CANONES
CIRCA DIVINA OFFICIA.

Omnibus diebus Dominicis Symbolum Constantinopolitanum recitetur.

Pro reuerentia (inquiunt Patres) sanctissimæ fidei, & propter corroborandas hominum inualidas mentes, consultu pijs-
simi & religiosissimi Reccardi regis constituit Synodus, vt per omnes Ecclesias Hispaniæ & Galliciæ secundum formam orientalium Ecclesiarum, Concilij Constantinopolitani, hoc est, centum quinquaginta Episcoporum symbolum * fieri recitetur. * fidei

Concil. Tolet. 3. c. 2.

Idque ante Orationem Dominicam.

Et priusquàm Dominica dicatur oratio, voce clara populo.

Ibid.

Oooo 3 lo præ-

lo prædicetur, quo & fides vera manifestum testimonium habeat, & ad Christi corpus & sanguinem prælibandum, pectora populorum fide purificata accedant.

In sanctorum solennitatibus, officijs diuinis inuigilent populi, non saltationibus & turpibus canticis.

Eiusd. coc.
c. 23.

Exterminanda (inquiunt iidem) omnino est irreligiosa consuetudo, quam vulgus per Sanctorum solennitates agere consuevit. Populi qui debent officia diuina attendere, saltationibus & turpibus inuigilant canticis, non solum sibi nocentes, sed & religiosorum officijs. Hoc etenim, vtab omni Hispania depellatur, sacerdotum & iudicum, à concilio sancto, curæ committitur.

SYNODI ROMANAE I. SVBD. GREGORIO
PAPA DECRETVM, DE MINISTRORVM
ALTARIS DISTINCTIS OFFICIIS.

Concil.
Rom. i. sub
Greg. papa
c. i.

In sancta hac (inquit D. Gregorius cum Episcopis 25.) Romana Ecclesia, cui diuina dispensatio præesse me voluit, dudum consuetudo est valde reprehensibilis exorta, vt quidam ad sacri altaris ministerium cantores eligantur, & in diaconatus ordine constituti, modulationi vocis inseruiant, quos ad prædicationis officium. & eleemosynarum studium vacare congruebat. Vnde fit plerumque vt ad sacrum ministerium, dum blanda vox quaeritur, quaeri congrua vita negligatur: & cantor minister Deum moribus stimulet, cum populum vocibus delectat. Qua de re præsentis decreto constituo, vt in sede hac sacri altaris ministri cantare non debeant, solumque euangelicæ lectionis officium inter Missarum solennia exoluant. Psalmos verò ac reliquas lectiones conseo per subdiaconos vel, si necessitas exigit, per minores ordines exhiberi. Si quis autem contra hoc decretum meum venire tentauerit, anathema sit. Et responderunt omnes, Anathema sit.

D. AVGVSTINI ANGLORVM APOSTOLI,
APVD ILLOS MISSARVM ACTIO.

Erat

Erat autem (inquit ven. Beda) prope ipsam ciuitatem, ad orientem Ecclesia, in honorem S. Martini antiquitus facta, dum adhuc Romani Britaniam incolerent. in qua regina, quæ Christianam fuisse prædiximus, orare consueuerat. In hac ergò, & ipsi primò conuenire, psallere, orare, Missas facere, prædicare, & baptizare cœperunt, donèc rege ad fidem conuerso, maiorem prædicandi per omnia, & Ecclesias fabricandi, vel restaurandi, licentiam acciperent.

Beda hist.
eccl. Angl.
l. i. 26.

APPENDIX QVAEDAM DE RITV MISSAE
SEPTIMI A CHRISTO IN-
CARNATO SECVLI.

Statueramus quidem sextum seculum atque adeò D. Gregorij Papæ Pontificatum non excedere, verùm ad maiorem confirmationem ritus superscriptæ Mozarabæ Missæ, putauimus operæ precium aliquot Canones Conciliorum Toletani 4. & Bracarenfis, & D. Isidori Missam adijcere. Deindè velut coronidis loco, Sergij Papæ postremum Missæ Romanæ complementum, ex Sigeberto adiunximus.

CONCILII TOLETANI IIII. CANONES
CIRCA MISSARVM SOLENNITATEM.

Missarum idem ordo per Hispanias feruetur.

Post rectæ fidei (inquiunt D. Isidorus Hispalensis, & cæteri huius concilij patres) confessionem, quæ in sancta Dei Ecclesia prædicatur, placuit vt omnes sacerdotes, qui Catholicæ fidei vnitatem complectimur, nihil vltra diuersum aut dissonum in Ecclesiasticis sacramentis agamus, ne quælibet nostra diuersitas apud ignotos seu carnales schismatis errorem videatur ostendere, & multis exstet in scandalum varietas Ecclesiarum. Vnus

Concil. To
lct. 4. c. 2.

Oooo 4 ergò

ergò ordo orandi atque psallendi, à nobis per omnem Hispaniam atque Galliciam conseruetur, vnus modus in Missarum solennitatibus, vnus in vespertinis officijs: nec diuersa sit vltra à nobis Ecclesiastica consuetudo, quia vna fide continemur & regno. Hoc enim & antiqui canones decreuerunt, vt vnaquæq; prouincia & psallendi, & ministrandi parem consuetudinem teneat.

Dominica oratio non tantùm diebus Dominicis, sed quotidie dicatur.

Ibid. c. 9.

Nonnulli (inquiunt) sacerdotum in Hispanijs reperiuntur, qui Dominicam orationem, quam saluator noster docuit & præcepit, non quotidie, sed tantùm die Dominica dicant. Et quia sine intermissione vt oremus, Apostolus docuit, qualiter autem oremus, Christus præcepit, dicens: Cum autem oratis, dicite: Pater noster qui es in cælis: Quomodò ergò quotidie non dicitur, quod sine intermissione dici iubetur? Nam in tantum quotidie hæc oratio dicenda est, quantum & ipse titulo vitur, dum vocatur oratio quotidiana.

1. Thes. 5.
Matth. 6.

Ac paulò post: Quisquis ergò sacerdotum vel subiacentium clericorum, hanc orationem Dominicam quotidie aut in publico, aut in priuato officio præterierit, propter superbiam iudicatus, ordinis sui honore priuetur.

* multetur

Alleluia in Quadragesima non cantandum.

Ibid. c. 10.

Item cognouimus (inquiunt) quosdam Hispaniæ sacerdotes, qui in Quadragesimæ diebus Alleluia decantant, præterquam in vltima hebdomada Paschæ, quod deinceps fieri interdiximus, statuentes, vt in omnibus prædictis Quadragesimæ diebus (quia tempus non est gaudij, sed mœroris) Alleluia non decantetur.

Post Apostolum statim Euangelium decantetur.

Ibid. c. 11.

In quibusdam quoque (inquiunt) Hispaniarum Ecclesijs laudes post Apostolum decantantur, priusquam Euangelium prædicetur, dum canones præcipiant, post Apostolum non laudes, sed Euangelium annunciari. Præsumptio est enim, vt an-

vt ante ponantur ea, quæ sequi debeant. Nam laudes Euangelium sequuntur propter gloriam Christi, qua per idem Euangelium prædicatur. Circa omnes igitur sacerdotes hic ordo deinceps retineatur, excommunicationis pœnam suscepturis, qui hunc ordinem perturbauerint.

De quo Canone sic pulchrè VValafridus * Strabo. Respon-
soria (inquit) & Alleluia, quæ ante Euangelium cantantur, de-
indè adiuncta videntur, postquam Antiphonæ ad ingressum di-
ci expirarunt, quæ & videntur prohibita canonibus Hispano-
rum, qui longo post tempore sunt constituti. In illis enim iube-
tur, nè aliquis hymnus, inter lectionem Apostolicam & Euangeli-
um in ordine Missæ ponatur. Ex quo intelligitur, id aliquos
tentasse tunc temporis, sed propter nouitatem rei, studium eo-
rum nondum fuisse à quibusdam receptum. Quod tamen po-
steà vsu Romano commendatum, ad omnes Latinorum perue-
nit Ecclesias.

VValafr.
de reb. eccl.
c. 22.

Et Berno Augiensis. Postea (inquit) quum Gradalia, & Al-
leluia inter Apostolicam & Euangelicam lectionem cœperunt
frequentari, Hispani quasi nouitate rei perculsi multum resti-
terunt, dicentes. In quibusdam Hispaniarum Ecclesijs &c. Ve-
runtamen ex auctoritate Romanæ Ecclesiæ, postea est constitu-
tum, vt responsoria & Alleluia canantur ante sanctum Euange-
lium.

Berno Aug
de Miss. c. 1

Hymnus trium puerorum in Missa Dominicis diebus &
solennitatibus martyrum publicè decantetur.

Eiusd. cōc.
Tol. 4. c. 13.

Hymnum quoque (inquiunt iidem patres) trium puerorū,
in quo vniuersa celi terræq; creatura Deum collaudat, & quem
Ecclesia catholica, per totum orbem diffusa, celebrat, quidā sa-
cerdotes in Missa Dominicorum dierum & in solennitatibus
martyrum canere negligunt. Proindè sanctum Concilium insti-
tuit, vt per omnes Hispaniæ Ecclesias vel Galliciæ, in omnium
Missarum solennitate idem in publico decantetur: communio-
nem amissuri, qui & antiquam huius hymni consuetudinem,
nostramque definitionem exceßerint.

Pppp De

VValafr. c.
cit.

De quo Canone sic etiam VValafridus: In eiusdem loci concilio statutum est, ut etiam hymnus trium puerorum, ad Missam omni Dominica in pulpito cantaretur. Quod Romani propter multiplicitatem officiorum, non faciunt, nisi quatuor per annum diebus, quibus lectionum XII. numerus adimpletur.

Bern. l. cit.

Et Berno: Idem etiam in Toletano statuerunt Concilio, ut hymnus trium puerorum omni Dominico die, & in solennitatibus martyrum in pulpito decantetur. Quod tamen Romani minimè faciunt, nisi quater in anno, his sabbatorum diebus, qui prætitulantur, in duodecim lectionibus.

In fine Psalmorum: Gloria & honor dicatur, non
Gloria, duntaxat.

Eiusd. c. 14

In fine (inquiunt) Psalmorum, non sicut à quibusdam hucusque Gloria patri, sed, Gloria & honor patri, dicatur, David Propheta dicente: Afferte Domino gloriam & honorem, & Ioannes Euangelista in Apocalypsi audiuit vocem caelestis exercitus, dicentem: Honor & Gloria Deo nostro sedenti in throno. At per hoc hæc duo sic oportet in terris dici, sicut in caelis resonant. Vviveris ergo ecclesiasticis hanc observantiam damus: nam quisquis præterierit, communionis iacturam habebit.

VValafr.
de reb. eccl.
c. 25.

Quem canonem explicans etiam VValafridus * Strabo: Dicendum (inquit) de hymno, qui ob honorem sanctæ & unice Trinitatis officijs omnibus interferitur, cum à sanctis patribus aliter atque aliter ordinatum. * Nam Hispani (sicut superius commemorauimus, ita eum dici omnimodis voluerunt. Græci autem, Gloria patri & filio & spiritui sancto, & nunc & semper & in secula seculorum, Amen. Latini verò, eodem ordine & eisdem verbis hunc hymnum decantant, addentes tantum in medio, Sicut erat in principio. Pro quibus etiam particulis, quidam Græci minus sapientes, Latinos, proximis ante nos temporibus, calumnijs impetere conati sunt. Intelligimus tamen nos in hoc non errare, credita conspersione gloriæ patris & filij, & spiritus sancti: pariterque scientes, quod Romani fr-

missi-

missimi fidei seruantes, remotis cæteris compositionibus, hunc huius hymni tenorem non aliter suscepissent, nisi eum purum ab omni errore cognouerint: Affirmant siquidem multi, hymnum istum Niceni Concilij sacratissima sanctione prolatum, vt omnibus officijs & orationibus intermixtus, & fidem coæternæ Trinitatis inculcet, & in singulis petitionibus ipsa confessio melius fauorem diuinæ exauditionis obtineat.

Benedictio populi post orationem Dominicam
ante communionem fiat.

Nonnulli sacerdotes (inquiunt) post dictam Orationē Dominicam statim communicant, & postea benedictionem in populo dant: quod deinceps interdiximus: sed post orationem Dominicam & coniunctionem panis & calicis, benedictio in populum sequatur, & tunc demum corporis & sanguinis Domini sacramentum sumatur, eo videlicet ordine, vt sacerdos & Leuita ante altare communicent, in choro clerus, extra chorum populus.

Conc. e-
iusd. Tolēt
4. c. 17.

BRACARENSIS CONCILII I. CANONES. DE MISSÆ ORDINE.

Etiam ab Episcopis dicatur: Dominus sit vobiscum.

Item placuit (inquiunt Martinus Bracarensis & alij Patres) vt non aliter Episcopi, & aliter presbiteri populum, sed vno modo saluent, dicentes: Dominus sit vobiscum, sicut in lib. Ruth legitur, vt respondeatur à populo, E cum spiritu tuo, sicut & ab ipsi Apostolis traditum omnis retinet Oriens, & non sicut Priscilliana prauitas permutauit.

Conc Bra-
car. 1. c. 21.

Ruth. 2.

Eodem ordine Missæ ab omnibus celebrentur.

Item placuit, (inquiunt) vt eodem ordine Missæ celebrentur ab omnibus, quomodò Profuturus quondam huius Metropolitanæ Ecclesiæ Episcopus, ab ipsa Apostolicæ sedis auctoritate suscepit scriptum.

Eiusd. c. 22.

Pppp 2 D. ISL

668 LITVRGICON ECCLESIAE LATINAE
D. ISIDORI HISPALENSIS EPISCOPI
MISSAE RITVS.

Antiphonæ.

Isidor. de
diuin. offic
l. i. c. 7.

Antiphonas (inquit D. Isidorus, suæ Ecclesiæ Missarum ritum explicans) Græci primùm composuerunt &c. vt supra D. Ambrosius.

Responsoria.

Ibid. c. 8.

Responsoria (inquit) ab Italis longo antè tempore sunt reperta: & vocata hoc nomine, quòd vno canente, chorus consonando respondeat. Antè autem id solus quisque agebat, nunc vnus interdum, interdum duo vel tres communiter canunt, choro in plurimis respondente.

Preces.

Ibid. c. 9.

Precibus (inquit) Dominum deprecari Christus nobis & composuit & constituit. Ex hoc perducta est consuetudo Ecclesiæ Dominum precibus exposcere contra egritudines animæ: & vt precibus instar earum quas constituit Christus, quasque prius Græci cœperunt componere, quibus Domino supplicaretur.

Indictio silentij per diaconum.

Ibid. c. 10.

Ideo & diaconus clara voce (inquit) silentium admonet, vt siue dum psallitur, siue dum lectio pronuntiatur, ab omnibus vnitas conseruetur, vt quod omnibus prædicatur, æqualiter ab omnibus audiatur.

Silentium lectionum tempore & crucis consignatio.

Ibi. paulò
prius.

Vndè oportet, (inquit) vt quando psallitur, psallatur ab omnibus: cum oratur, oretur ab omnibus: cum lectio legitur, factò silentio, æque audiatur à cunctis. Nam & si tunc superueniat quisque cum lectio celebratur, adoret tantum Deum, & præsignata fronte, aurem sollicitè accommodet.

Lectionum ex vtroque Testamento
pronunciatio.

Lectio-

Lectiones (inquit) pronunciare, antiquæ institutionis esse, *ibid.* Iudeorum traditio docet. Natu & ipsi legitimis, præfinitisque diebus, ex lege & Prophetis lectione in Synagogis vtuntur, & hoc de veteri patrum institutione seruantes. Est autem lectio, non parua audientium ædificatio.

Ac paulò pòst: Pronunciantur autem lectiones in Christi Ec- *ibid. c. 11.* clesijs de scripturis sanctis. Constat autem eadem sancta scriptura ex veteri lege & noua.

Idque ex D. Hieronymi translatione.

De Hebræo autem (inquit) in Latinum eloquium tantum. *ibid. c. 12.* modò Hieronymus presbiter scripturas conuertit, cuius editione generaliter omnes Ecclesiæ vsque quaq; vtuntur pro eo quòd veracior sit in sententijs, & clarior in verbis.

Laudum cantus id est, Alleluia.

Laudes, (inquit) hoc est, Alleluia canere, antiquum est He- *ibid. c. 13.* bræorum. Cuius expositio, duorum verborum interpretatio-
ne vel compositione consistit, hoc est, laus Dei.

Idque omni tempore præterquam Quadragesimæ
& ieiuniorum.

In Africanis (inquit) regionibus non omni tempore, sed *ibid.* tantum Dominicis diebus, & Quinquaginta post Domini resurrectionem Alleluia cantatur, pro significatione futuræ resurrectionis & lætitiæ. Verum apud nos secundum antiquam Hispaniarum traditionem, præter dies ieiuniorum vel quadragesimæ, omni tempore canitur alleluia. Scriptum est enim: Semper laus eius in ore meo.

Est post vtramque lectionem.

Quòd verò (inquit) post consummatam psalmorum, siue le *ibid.* ctionum prædicationem Alleluia in fine cantatur, hoc in spem futuri facit Ecclesia, significans post annunciationem regni cælorum, quæ in hac vita per vtrumque testamentum mundo prædicatur, actionem nostram esse futuram, nisi in laude Dei. Sic enim scriptum est. Beati qui habitant in domo tua Domine, *Psalm. 83.* in secula seculorum laudabunt te. Hinc est, quod & liber Psal-

Pppp 3 morum

676 LITURGICON ECCLESIAE LATINAE
morum in laude concluditur, vt eadem post finem seculi laus
aeterna monstretur.

Offertoria.

Ibid. c. 14. Offertoria (inquit) quæ in sacrificiorum honore canuntur,
Eccl. 50. Ecclesiasticus liber indicium est, veteres cantare solitos, quan-
do victimæ immolabantur. Sic enim, Porrexit (inquit) sacerdos
manum suam in libationem, & libauit de sanguine vuae, & fudit
in fundamento altaris odorem diuinum excelfo principi:
Tunc exclamauerunt filij Aaron in tubis ductilibus, & sonue-
runt, & auditam fecerunt vocem magnam in memoriam coram
Domino. Nō aliter & nunc in sono tube, id est, vocis, prædicatio
ne cantûs accendimur, simulque corde & opere laudes nomini
declamantes, iubilamus in altum, in illo scilicet vero sacrificio,
cuius sanguine saluatus est mundus.

Missæ & Orationes.

Ibid. c. 15. Ordo autem (inquit) Missæ vel orationum, &cæt. vt suprâ de
Missæ D. Petri.

Oratio primæ admonitionis.

Ibidem. Prima (inquit) earundem, Oratio, admonitionis est erga po-
pulum, vt excitentur ad orandum Deum.

Secunda inuocationis.

Ibidem. Secunda, (inquit) inuocationis ad Deum est, vt clementer
suscipiat preces fidelium, oblationemque eorum.

Tertia, pro viuīs & defunctis.

Ibidem. Tertia autem (inquit) effunditur pro offerentibus, siue
pro defunctis fidelibus, vt per idem sacrificium veniam conse-
quantur.

Quarta, pro osculo pacis.

Ibidem. Quarta (inquit) post hæc inferitur pro osculo pacis, & charita-
te omnes reconciliati inuicem, digni sacramēto corporis & san-
guinis Christi confociantur, quia non recipit dissensionem cu-
iusquam Christi indiuisibile corpus.

Quinta, laudes Dei, in qua dicitur: Osanna
in excelsis.

Quinta

Quinta (inquit) infertur illatio in sanctificatione oblationis, in qua etiā ad Dei laudem terrestrium creatura, virtutumq; cælestium vniuersitas prouocatur, & Osanna in excelsis, cantatur, quod Salvatore de genere Dauid nascente, salus mundo vsq; ad excelsa peruenerit.

Sexta Corporis & sanguinis Domini oblatio & confirmatio.

Porrò sexta (inquit) ex hinc succedit confirmatio sacramenti, ut oblatio quæ Deo offertur, sanctificata per spiritum sanctū, corporis & sanguinis confirmetur.

Vltima oratio Dominica.

Harum (inquit) vltima est oratio, quā Dominus noster orare discipulos suos instituit, dicens: Pater noster qui es in cælis.

Cur in sacrificio septem Orationes.

Hæ sunt itaq; (inquit) septem sacrificij orationes, commendatæ Apostolica Euangelicaque doctrina, cuius numeri ratio instituta videtur, vel propter septenariam sanctæ Ecclesiæ vniuersitatem, vel propter septiformem gratiæ spiritum, cuius dono ea quæ offeruntur, sanctificantur.

Symboli Niceni tempore sacrificij pronuntiatio.

Symbolum autem (inquit) quod tempore sacrificij populo prædicatur, trecentorum decem & octo sanctorum patrum, colatione apud Synodum Nicenam est editum. Cuius veræ fidei regula tantis doctrine mysterijs præcellit, ut de omni parte fidei loquatur, nullaq; penè sit hæresis cui per singula verba vel sententias non respondeat. Omnes enim errorū impietates, perfidięq; blasphemias calcatur, & ob hoc vniuersis Ecclesijs pari confelsione à populo proclamatur.

Benedictio super populum.

Benedictionē (inquit) dari à sacerdotib. populo, antiqua per Moysen benedictio pandit & comprobat, qua benedicere populos sub sacramento trinx inuocationis iubetur. Ait enim ad Moysen Dominus: Sic benedices populum meum, & ego

Pppp 4 bene-

benedicam illos : Benedicatte Dominus, & custodiat te, ostēdatque faciem suam tibi, & misereatur tui. Conuertat Dominus vultum suum ad te, & det tibi pacem. Amen.

SERGII PAPAE ROMANI LXXXV. MISSAE ROMANAE COMPLEMENTVM.

Sigebert.
ad annum
Domini
688.

Ad Confractionem hostiæ: Agnus Dei, dicatur.

Consequentia (inquit Sigebertus) Missam celebrandi iam ad integrum composita ab Apostolis & Apostolicis viris.

Ac paulò post, ubi recitasset quid à singulis Pontificibus potissimum Missæ fuerit adiectum, sicut supra pleraque citauimus, sic concludit.

Ibid.


Ad hæc omnia hic Sergius hoc vltimum addidit, vt inter communicandum, Agnus Dei, à clero cantetur.


Atqui hoc ipsum Sergio papæ adscripserunt Sigeberto vultuosiores, Albinus flaccus Alcuinus, de diuin. offic. p. 79. Amalarius de eccl. offic. l. 3. c. 33. V Valafridus * Strabo de rebus eccl. c. 22. Berno Augiensis de Missa c. 1. Marianus Scotus histo. l. 2. Micrologus de eccl. obseru. c. 18. Radulphus denique de Riio Decanus Tungrensis, de can. obseru. propos. 23.

LITVRGICON ECCLESIAE LATINAE
I. TOMI, FINIS.


In his libris liturgicon nihil est fidei Catholicae aduersum, sed multum lucis adferunt ad statuendum sacrificium missæ.


*Attestor Mathias Lambrecht ecclesie Brugen-
sis canonicus & pœnitentiarius librorum
visitator Ordinarius.*














005647284

63